


7.P



4AB 1166



RELIGIONIS NATURALIS

E T

REVELATÆ PRINCIPIA

METHODO SCHOLASTICA DIGESTA,

IN USUM ACADEMICÆ JUVENTUTIS.

A D. D. JO. HOOKE

SACRÆ FACULTATIS PARIENSIS DOCT. THEOLOGO,

SOCIO SORBONICO,

NEQNŌN SACRÆ THEOLOGIÆ SORBONÆ, PROFESSORE.

TOMUS PRIMUS.

THEOLOGIAM NATURALEM, ATQUE ETHICES AC JURISPRUDENTIÆ
ELEMENTA CONTINENS.



V E N E T I I S

M D C C L X I I I.

APUD JO. BAPTISTAM PASQUALI.

SUPERIORUM PERMISSU, AC PRIVILEGIO.



*Finem dicendi pariter omnes audiamus : Deum time &
mandata ejus observa : hoc est enim omnis homo .
Solomon in fine Ecclesiastis .*

JOANNES BAPTISTA PASQUALI

LECTORI BENEVOLO S. P.

Operis hujusce editio, mea prorsus a me voluntate suscepta, eam rationem, quam mihi semper in libris posteritati mandandis proponendam existimavi, ut maximum videlicet utilitatis fontem inter hominum societatem elicere valeam, adeo complectitur, ut quamvis in immensa librorum copia typis commissa hoc mihi nunquam potuisset usuenire, ut vel levissime saltem prodessem, hoc tempore tantum munus tam optatum, tam singulare me divinitus adsequendum sperem. Nondum enim post hominum memoriam (absit dicto invidia) ex Italix nostræ prælis ejusmodi Librum adeo præstantem, ut perfectissimus videatur, prodidisse vidimus. Et quidem mea ex hac vehementi aliquantulum oratione nimiam animi elationem in me conferti minime vereor: viri enim in hisce studiis præstantissimi, nostrisque temporibus omnium maxime ingenio, doctrinaque florentes sic senserunt; & quisquis ad hoc scribendi genus se se convertendum putavit, Operis hujusce decus, pondus, & venustatem ex tenuissimo libello confestim dignoscet. Vobis itaque exiguum saltem tradam hujusce rei cognitionem: omnes enim illius argumenti doctes, non perbreve orationuculam, quam est in animo conscribere, sed amplissimum volumen complecterentur.

Ducit omnino in partes, quæ duobus haud ita magnis continentur voluminibus, idem argumentum dividit Auctor sapientissimus; in primo *Universæ Religionis Naturalis Principia*, in secundo *Principia Religionis Revelatæ* pertractat. In prima quoque parte vim omnem Theologiæ Naturalis explicat tanta brevitate, perspicuitate, præsentia, ut nihil in dubium possit revocari: eumque strictum, at luce quidem clarius meridiana quasi dialectico more disserentem audimus. Primam vero primi voluminis partem in tria veluti segmenta orationis distribuendam putavit, de *Dei scilicet Existentiâ, Natura, & Providentiâ*; nullumque ex antiqua, recentique Philoso-

phorum Familia potest existere, cujus sententias non excutiat, eumque, aut ab intima rerum, aut a Divinorum veritate Attributorum recedentem, incredibili quadam perspicuitate, atque efficacia refellat. Baylium, Hobbesium, Spinosam, aliosque hujus furfuris magni nominis Scriptores, qui in manibus, oculisque complurium Sapientum hujus ætatis quotidie versantur, ita refutat, ut falsa, atque scelerosa plerumque horum dogmata diruat, occultiorumque proferat impietatem. Ethicem vero Spinosæ ita vir doctissimus persequatur, ut nihil attentæ animi meditatione censum emittat; pene dixerim, nullum a Catholicis opus fuisse conscriptum, cui, quam huic potius Catholica debeat Religio. Eadem porro ratione summus Auctor in altero primæ partis segmento, de *Natura Dei* disserens, omnem hujusce argumenti, quod totum in Divinis Attributis continetur, mirabili brevitate, & intima orationis vi particulatim exponit materiem. Omnem in eo veterum Scientiam adeo explicatam habemus, ut novis quoque cognitionibus animum imbuiere possimus. Itaque cum Operis hujusce hunc vere Auctorem appellare debeamus in eo conferri non potest, quod in complures, qui de argumentis iisdem agentes, id tantummodo, quod a præseis, recentioribusve Auctoribus relictum fuit, quacumque ratione connectunt; ii que prudentem interdum, sæpissime in-compositam rerum conjunctionem in lucem emittunt. Vereque de illis dici potest, quod olim Apollodorus Atheniensis de Chrysippo Philosopho: *Si quis, ille, de Chrysippi libris tollat quæ aliena sunt, vacua papyrus relinquetur.*

Præclare autem tertium primæ partis segmentum, in quo de *Divina Providentiâ* habetur sermo, exponit; ibique de creatione rerum, earumque conservatione disserit. In hoc Sanctorum Patrum doctrinam jactantem se se, ut ita dicam, & dominantem videmus; & in veteres, recentisque Philosophiæ cultores, si quid a recto tra-

mte

mitte, aberrant, acutissima verborum, rationumque tela conjunguntur.

Pars autem altera Voluminis primi Religionis Naturalis exhibet Principia. Eximie quoque de *natura hominis*, de *Actibus humanis*, de *Actionum humanarum fine*, *propósito*, de *qualitate*, de *estimatione*, aliisque id genus, agitur, a præstantissimo Auctore: & primo quidem hujusce partis segmento hunc finem imponit. Quoniam vero in altero, qui gravissimam de Regulis humanarum actionum doctrinam continet, evolvitur universa de Jure Naturali Scientia; ita Hobbesii, & Spinosæ, qui graviori sane impietate Hobbesii vestigia est persequutus, argumentorum pondere, & vi concussæ prorumpit sententiæ. At vero in immensum Scientiarum omnium pelagus præstantissimum Auctorem hoc loco provehî cernimus, qui placita singula, & sententias veterum Sapientum explicans, quæ necessitas postulat, geometrica argumentorum evidentia errores detegat, veramque doctrinam confirmat. Omnem denique Jurisprudentiæ Naturalis, seu Officiorum vim, atque intimam exponendo naturam, tertiam conficit primi voluminis partem. In hac primum de *Officiis erga Deum* disserit; & cum omnem veterum doctrinam exposuerit, ac firmiora jecerit Catholicæ Religionis fundamenta, de *hominis erga seipsum*, deque hominum erga se *mutuo Officiis*, quasi præstantissimus Theologiæ, & Philosophiæ Doctor pertrahat. Hac igitur de re jam abunde satisfactum Joris Naturalis cultoribus videtur, eosque non parum in admirationem prolapsos, hunc hominem, quasi Jurisconsultum, Philosophum omnino doctissimum, ac Divinarum rerum præceptorem sapientissimum esse judicaturos, arbitror.

Neque vero in incredibilem doctissimi quique admirationem non incident, cum modum inspiciant, quo hic vir sapientissimus utitur, de *domestica Jurisprudencia*, de *Officiis* scilicet eorum, qui Familiam constituunt, atque de *Civili Officiorum Politia*, disputando; qua doctrina primum volumen absolvit.

Sed quoniam eo argumento, in quo *Religionis Revelata Principia*, alterum ef-

ficientia volumen, continentur, amplissimum Proœmium, quod nos ea remuneratione informat Auctor præponendum putavit, operam sane, oleumque perderem, si, quæ inde facillime hauriuntur, percererem: non enim Auctori ipsi præstare. Eum vero communi doctissimorum virorum sententiâ nihil deerrasse quique fateatur, quum sibi hujusmodi argumentum pertractandum suscepit; quod his præcipue temporibus, quæ maximos, si Diis placet, eosque eruditissimos ubique terrarum viros genuerunt, prorsus mirandum: neque vero de iis loquor, qui doctrinam proficientes pravam, officia sibi, suisque affectis utilia magis, & accepta sequuntur; sed de iis, qui Religionis illudentes, nihil curant, nihil optant, nihil expetunt, nisi, ut eorum nomen in æternitatis arce per summam impudenciam collocetur, ipsique in toto terrarum orbe disseminentur: iique magna cum existimatione in hemicycliis recipiuntur, qui sane honos illis deberetur, qui turpi superstitionis jugo mentes hominum liberarint, viamque rationis, veritatique libertati aperverint. Sæpissime autem, & multa meditatione *Monitum* illud esset oculis perlegendum, quod a præstantissimo Auctore itatim alterius Voluminis proœmio locatum, præter utilia cetera, quibus nos erudit, a se adhibitam scribendi rationem turatur.

Nunc meritissimi hujusce Scriptoris Joannis Hookii Sacræ Facultatis Parisiensis Doctoris Theologi, nec non Socii Sorbonici, & Sacræ Theologiæ in Sorbona Professoris laudes essent attexendæ. Sed, quoniam in iis, quæ diligentius, atque enucleatius de hoc Opere exposuimus, plura de Operis Autore, ejusque in Scientiis omnibus præstantia jam innuimus, satius existimamus prælectioni nostræ finem imponere; illud monentes, duxisse nos maxime necessarium, atque utile, si ad calcem tabulam rerum omnium diligentissime elaboratam apponeremus ita, ut uno aspectu totius Operis decus pateret. In eam autem spem adducimur, doctos homines laborem hunc nostrum æqui bonoque facturos: etenim nec utilius quidquam, nec præstantius in lucem edi posse putamus.

I N D E X

CAPITUM PRIMI VOLUMINIS.

P A R S P R I M A

T H E O L O G I A N A T U R A L I S.

S E C T I O I.

De existentia Dei.

Expositio Atheismi. pag. 1. & seq.

CONFUTATIO ATHEISMI.

Argumenta Moralia. 4

P R I M U M.

Ab utilitate Religionis, seu agnitionis Existentia, & Providentia Dei. ibid.

P R O P O S I T I O I.

Interest homini esse Deum. 1

P R O B A T I O.

P R O P O S I T I O II.

Agnitio Numinis Societatis Naturalis vinculum necessarium est. 6. 9

P R O P O S I T I O III.

Agnitio Numinis Status civilis præcipuum fundamentum est. 9

A R G U M E N T U M S E C U N D U M.

De Consensu Nationum. 11

P R O B A T I O.

Communis omnium hominum in omni ætate & in omni loco constans, & perpetua vox, atque sententia fuit esse Deum &c. 11

P A R S I.

Pars hæc, quæ versatur circa factum, quomodo probanda. 11

P A R S II.

Consensus generis humani summam habere debet vim ad persuadendum. 16

A R G U M E N T U M T E R T I U M.

Ex sensibus naturalibus petitur. 18

T o m . I.

P R O P O S I T I O.

Interior Natura humana vox, seu insiti a natura omnium hominum mentibus sensus, Deum esse indicant, & universalem hominum consensum peperere. ibid.

P R O B A T I O.

A R G U M E N T U M Q U A R T U M.

Ex novitate Mundi petitur. 23

P R O P O S I T I O.

Mundi originem æternam non esse, probant omnium Nationum antiquissimarum traditiones: confirmant omnia temporum monumenta. 23. 34

P R O B A T I O.

A R G U M E N T A P H Y S I C A.

A R G U M E N T U M Q U I N T U M.

Ex ordine rerum, & virium naturalium sapienti temperatione petitur. 34

P R O P O S I T I O.

Deum esse, qui Mundum hunc initio constituerit, atque in omne tempus regit, ostendit totius universi &c. descriptio. 34

P R O B A T I O.

P A R S I.

Mundi species, & apta partium dispositio. 34. 41

P A R S II.

Argumenti ex causis finalibus vis, & autoritas. 41. 49

A R G U M E N T U M S E X T U M.

Ex viribus naturalibus, motu, & cognitione petitur. 49

b

P R O.

PROPOSITIO I.

Deum esse, qui mundum hunc initio constituit, & perpetua actione sua moderatur, ostendit corporum motus. 49. 53

PROPOSITIO II.

Deum existere, seu Ens a materia segregatum, ostendit animis hominum indita cogitandi vis. 53. 57

PROBATIO.

ARGUMENTUM SEPTIMUM.

Ex materia, & animi existentia petitur.

PROPOSITIO.

Deum esse, qui cuncta in initio creavit, & sua efficacia perpetuo conservat, ostendunt omnes, quibus constat Mundus, substantia. 58. 61

PROBATIO.

ARGUMENTA METAPHYSICA. 61

ARGUMENTUM OCTAVUM.

PROPOSITIO.

Existere Deum, quo nomine hic intelligimus Ens infinitum perfectum, demonstratur ab existentia entis necessarii. 61. 63

PROBATIO.

ARGUMENTUM NONUM.

Ab Idea Entis infiniti, & perfecti petitur. 63

PROPOSITIO.

Deum esse, seu existere ens infinitum, & perfectum, probat ipsa idea infiniti, & perfecti. 63. 66

PROBATIO.

ARGUMENTUM DECIMUM.

Ex Scientia immutabili natura, seu eternis rerum ideis, & necessariis earum rationibus petitur. 67

PROPOSITIO.

Deum esse, idest, mentem infinitam, eternam, necessariam, universalem, immutabilem, probant immutabiles rerum essentiae, & rationes, in quibus posita est omnis veritas, & scientia. 67. 78

PROBATIO.

EXAMEN.

Prima partis Ethices Spinoza, quae est de Deo. 74
Expositio Doctrinae. 78. 81.
Systematis Spinoza fundamenta. 81

DEFINITIONES. ibid.

AXIOMATA. 83

PROPOSITIONES. 83. 86

Confutatio Systematis Spinoza. 86

PROPOSITIO I.

Unica Spinoza substantia cogitans, & extensa, composita est ex partibus realiter distinctis, divisibilis est, & mutabilis; & consequenter non est necessarium propter rationes in argumentis superioribus allatas. 87. 89

PROBATIO.

PROPOSITIO II.

Substantia unica Spinoza non est Ens infinitum perfectum. 89. 91

PROBATIO.

THEOLOGIA NATURALIS

De Natura Dei.

SECTIO II.

De Natura & Attributis Dei. 91

ARTICULUS I.

De Natura Dei generatim. 91

QUESTIO I.

An, & quomodo Natura Dei cognosci possit? 91. 92

PROPOSITIO.

Cognitio abstractiva Divinae Naturae, quam habemus in hac mortali conditione, vera est, & sincera, &c. 92. 94

PROBATIO.

QUESTIO II.

An, & quomodo Attribute Divina inter se distinguuntur? 94. 95

QUESTIO III.

An sit inter Attribute Dei aliquod primum, a quo cetera fluere cogitemus, & quod sit quodammodo Divina essentia constitutum? 95

PROPOSITIO.

Necessitas existendi, inter Dei Attribute, illud est, quod potiori jure dici debet gradus Divinae Essentiae constitutum. 95. 96

PROBATIO.

ARTICULUS II.

De Divinis Attribute. 96

DE ATTRIBUTIS DEI INCOMMUTABILIBUS.

De Infinitate Dei. 96

De Aeternitate Dei. 97. 98

PROPOSITIO I.

Deus est Ens aeternum, seu principio, & fine caret. 98

PROBATIO.

PROPOSITIO II.

Aeternitas Dei non est duratio successiva, sine principio, & fine, seu tempus infinitum. 98. 99

PROBATIO.

De Immensitate Dei. 99. 101

PROPOSITIO I.

Deus est immensus, seu rebus omnibus, tum corporeis, tum spiritalibus, inteme praesens est. 101

PROBATIO.

PROPOSITIO II.

Deus non est formaliter extensus, seu spatium, quod fingitur infinitum, non est Divina Immensitas. 101. 105

PROBATIO.

PROPOSITIO.

Deus est immutabilis. 105

PROBATIO.

De Unitate, seu singularitate Dei. 106. 109

PROPOSITIO I.

Unicum esse Deum, seu unicam primam Causam rerum omnium sine aequali, ratio evidenter demonstrat: Philosophi omnes Theista docuerunt: omnes verissimae gentes semper agnoverunt; adeoque Unitas pertinet ad notionem veri, & summi Dei animis hominum insitam. 109

PROBATIO.

PARS I.

Unitas Dei ratione conficitur. 109. 110

PARS II.

Consensio Philosophorum circa unitatem Dei summi. 110. 111

PARS III.

Consensio Nationum omnium circa unitatem Dei summi. 111. 112

h 2 PRO-

PROPOSITIO II.

Abhorret ab omni ratione portentosa veterum, uti fertur, quorundam de duobus Diis contrariis, Æternis, & independentibus doctrina, quæque vulgo tribuitur Manichæis. 118. 120

PROBATIO.

PROPOSITIO III.

Deus eo sensu unicus est, quod totus necessarium, & æternam habeat existentiam: nec materia ullo modo in hujus

necessaria existentia participationem venire potest. 120. 122

PROBATIO.

ARTICULUS III.

De Attributis Dei communicabilibus.	122
De vita Dei.	ibid.
De Scientia Dei.	122. 126
De Voluntate Dei.	126. 127
De potentia Dei.	127
De libertate Dei.	127. 130
De felicitate Dei.	130. 131

THEOLOGIA NATURALIS

De Providentia Dei.

SECTIO III.

De Providentia Dei. 131. 133

ARTICULUS I.

De existentia Divina Providentia, seu in creaturas imperii. 134

PROPOSITIO.

Deus cunctas Universi res ditione sua continet, & providentia moderatur. 134. 137

PROBATIO.

ARTICULUS II.

De Divina Providentia Attributis. 137
De Sapientia Dei. ibid.

PROPOSITIO.

Deus in administratione rerum est summe Sapiens, seu est in Deo constans voluntas utendi omnipotentia sua ad obtinendos fines optimos per optima media. 137. 138

PROBATIO.

De Sanctitate Dei. 138
De Justitia Dei. 139

PROPOSITIO.

Dei Providentia justa est. 139. 140

PROBATIO.

De bonitate Dei. 140

PROPOSITIO.

Deus bonus est, seu benefica voluntate movetur erga omnes suas creaturas. 140. 142

PROBATIO.

OBJECTIONES

Contra Divina Providentia Attributa expendantur. 141

OBJECTIO I. GENERALIS. 141. 145

OBJECTIO II.

Ex malo defectus. 145. 147

OBJECTIO III.

Ex malo physico. 147. 153

OBJECTIO IV.

Ex malo morali. 153. 157

OBJECTIO V.

Ex inequali distributione premiorum, & poenarum. 157. 158

ARTICULUS III.

De motivo, finibus, perfectione, & methodo Dei Providentia. 158

QUESTIO I.

Quo motivo Deus excitatus fuerit ad creandum? & quem finem in agendo spectaverit? 158. 159

PROPOSITIO I.

Nec gloria Deo ex universitate rerum redduntur.

dundatura, ut quidam putant, nec bonitas creaturarum, nec inclinatio aliqua benevolentia erga creaturas, aut aliud quodvis mortuum, Deum impulit ad agendum ad extra: sed Deus seipsum libere determinavit, & volendo creaturarum existentiam eas fecit, & bonas, & gratas sibi. 159. 160

PROBATIO. QUÆSTIO II.

An Providentia Divina Systema dici possit perfectissimum. 161. 163

QUÆSTIO III.

An Divina Providentia legibus generalibus procedat, sintque illæ leges prorsus mechanicæ? 163. 167

RELIGIONIS NATURALIS PRINCIPIA.

PARS II.

Ethices Elementa. 168. 169

SECTIO I.

De Actibus humanis. ibid.

ARTICULUS I.

De Natura hominis, seu de principiis actuum humanorum internis. 169. 173

De voluntate, seu appetitu. 173. 174

De libertate. 174. 176

PROPOSITIO.

Est in homine arbitrium, seu vis proprio, & vero sensu sui dominatrix. 176. 179
PROBATIO.

ARTICULUS II.

De actionum humanarum finibus. 180. 183

ARTICULUS III.

De qualitate actionum humanarum. 183. 188

ARTICULUS IV.

De actionum humanarum imputabilitate, & earundem estimatione. 188

De actionum estimatione ratione libertatis. 188. 194

ETHICES ELEMENTA.

SECTIO II.

De regulis actionum humanarum. 194. 198

ARTICULUS I.

De Juris, seu Legis Naturalis existentia, & in omnes homines diffusionem. 198. 201

PROPOSITIO.

Est lex natura nostra congruens, diffusa in omnes, quæ vocat ad officium jubendo, vetando a fraude deterret. 201. 205

PROBATIO.

Confutatio Scepticorum. 205. 209

Confutatio Spinozæ. 209. 218

ARTICULUS II.

De Legis Naturalis divini origine, & immutabili natura. 219

PROPOSITIO I.

Unus est communis magister, & imperator hominum Deus: ille Legis Naturalis lator: & læsa Dei Majestatis reus est, qui illam contempserit. 219. 222

PROBATIO.

PROPOSITIO II.

Lex Naturalis secundum essentiam considerata, sempiterna est, & immutabilis, atque, ut loquitur Cicero, æterna mens est omnia ratione cogentis Dei. 222. 226

PROBATIO.

ARTICULUS III.

De Legis Naturalis Sanctione. 226. 227

PROPOSITIO I.

Leges naturales præmiorum, & poenarum Sanctione ita sunt a Legislatore Deo confirmatæ, ut etiam in hac vita salutaris virtutis efficientia valde evidens sit, & hominum intersu illæ se se addicere. 227. 223
PRO-

PROBATIO.

PROPOSITIO II.

Virtus ad beate vivendum seipsa non est contenta, ut gloriabantur Stoici; sed multoties implicat arumnis gravissimis.
PROBATIO. 232

PROPOSITIO III.

Vita hominum non circumscribitur hujus conditionis mortalis limitibus, sed post mortem manent virtutum premia, vitiorum vero supplicia a iudice omnium Deo certissime retribuenda. 232. & seq.
PROBATIO.

ARGUMENTUM I.

Ex consideratione Divinarum Perfectionum petitum. 232. 234.

ARGUMENTUM II.

Ex presentii rerum administratione petitum. 235. 236

ARGUMENTUM III.

Ex hominis natura Morali. 236. 238

ARGUMENTUM IV.

Ex natura Animorum immortalis. 288. 248

P A R S III.

Jurisprudentia Naturalis, seu de Officiis. 244. 247

S E C T I O I.

De Officiis erga Deum. 247. 251

S E C T I O II.

De Officiis erga seipsum. 252
De Animi cultura. 252. 259

S E C T I O III.

De hominum erga se mutuo officiis. 259.
260

CAPUT I.

Officia Societatis in statu naturalis liberatis, seu Jurisprudentia privata. 260

ARTICULUS I.

De aequalitate hominum naturali, & juribus, ac officiis ex ea nascentibus. 260. 261

ARTICULUS II.

De jure acquirendi dominii, ejus acquirendi rationibus, officiisque illi respondentibus. 261. 266

ARTICULUS III.

De Jure transferendi dominii, ejusdem transferendi rationibus, & officiis connexis. 266, 268
De Testamentis. 268
De Successionibus ab intestato. ibid.
De Donationibus. 270
De Pactis, seu Contractibus. ibid.
Contractus beneficii. 270. 271
Contractus onerosi. 271. 273
Contractus, qui aleam continent. 273-274
Pacta adjecta, vel accessoria. 274
De rerum pretio, 274. 276
De Obligationibus quasi ex contractu ortis. 276. 277
De fidelitate in promissis, & contractibus. 277. 283
De veracitate, & fermocinantium officiis. 283. 286

ARTICULUS IV.

De jure tuendi se se, & vindicandi sua, seu de Jure Belli. 286. 289

ARTICULUS V.

De Jure extraordinario ex necessitate, de jure omnium communi, & de juris interitu. 289. 292

ARTICULUS VI.

De Juribus imperfectis, & caritatis officiis. 292. 295

CAPUT II.

De officiis mutuis eorum, qui Familiam constituunt, seu Jurisprudentia domestica. 295

De Conjugio, & Conjugum officiis. 295

De Parentum, & liberorum juribus, & officiis. 298. 300

De herorum, & servorum juribus, & officiis. 300. 301

CAPUT III.

De Officiis hominum statu Civili, seu Jurisprudentia Politica. 301

ARTICULUS I.

De Civitatum origine, & Causis, structura, & summi imperii partibus. 301 303

ARTICULUS II.

De variis civitatum formis. 303. 304

ARTICULUS III.

De imperantium in legibus condendis, & jurisdictione muneribus, atque officiis civium erga imperantes. 304. 306

ARTICULUS IV.

De fœderativa potestatis juribus, limitibus, & regulis. 306

De jure Belli. 306. 308

De fœderibus, & legatis. 308. 309

De dissolutione vinculi Civilis, & Reipublice insertum. 309. 410

SECTIO IV.

De imperfectiōe, & obscuritate Legis Naturalis, & de Revelationis possibilitate, & necessitate. 310. 311

ARTICULUS I.

De summa utilitate Revelationis, quatenus est externa promulgatio Legis Naturalis. 311

PROPOSITIO I.

Lex Naturalis, quatenus per rationem cuique hominum innotescit, non est par, & sufficiens ad eos instituendos perfecte ad Religionem, & bonam vitam, ita ut inutilis censei possit Revelatio. 311. 317

PROBATIO.

PROPOSITIO. II.

Generis humani, in omnem errorem, & pravitatem prolapsi, reformationi Philosophia præsidere non potuit. 317. 320

PROBATIO.

PROPOSITIO III.

Legis Naturalis externa per Revelationem promulgatio aptissima via est ad homines erudiendos, & ad virtutem excitandos; proindeque hominibus utilissima. 320. 323

PROBATIO.

ARTICULUS II.

De revelata Religione, quatenus est dispensatio supernaturalis. 323. 324

PROPOSITIO.

Revelatio considerata ut nova dispensatio, & manifestatio mysterii supra rationis captum positi, possibilis est, & exoptanda. 324. 325

PRO-

PROBATIO.

PROPOSITIO.

ARTICULUS III.

De Revelatione, quatenus est positiva Constitutio.

325

Revelatio, considerata ut positiva constitutio, & ut complexio Legum positivorum, non modo possibilis est, sed hominibus utilissima esse potest.


325. 328

PROBATIO.

Finis Indicis Capitum, quæ continentur in primo hujus Operis Volumine.



RELI-



RELIGIONIS NATURALIS PRINCIPIA.



Ex Religionem naturalem intelligimus collectionem officiorum omnium, sive erga Deum, sive erga se ipsum & alios homines, quæ ex divinæ naturæ &

conditionis humanæ consideratione ratione investigari & concludi possunt. Oportet itaque in hoc opere de Religionis naturalis principiis 1.^o Dei naturam & ejus nobiscum relationes explicare, 2.^o Hominis dotes, vires & conditionem naturalem exponere, 3.^o Officia ex hominis cum Deo, seipso & aliis hominibus naturali necessitudine profluentia evolvere. Prima pars *Theologiam naturalem*, secunda *moralem Philosophiam*, tertia *universi Juris naturalis elementa* continebit.

PARS PRIMA.

THEOLOGIA NATURALIS.

Hæc de Deo disquisitio tota tribus questionibus continetur; an sit? quis sit? quid agat? Quas tribus sectionibus de Dei existentia, natura, & providentia explicabimus.

Tom. I.

SECTIO PRIMA.

DE EXISTENTIA DEI.

Expositio Atheismi.

Commune est hoc omnium Atheorum principium, universitatem rerum, sensum quoque, & intelligendivim, non a provida quadam natura profectam, sed per naturalem commotionem; seu efficientiam æternæ & ratione carentis materiæ generatam fuisse. Verum in materiæ natura, & rerum originibus explicandis magna inter illos dissensio est.

1. Anaximander Philosophorum, qui Deum sustulere, forsan antiquissimum materiam æternam & infinitam esse statuebat, atque in se spectatam, nec generationi, nec corruptioni obnoxiam: partes quidem ejus mutari, totum esse immutabile. Ex hujus vero materiæ naturali motu & qualitatibus nimirum, frigore, calore, humiditate, siccitate, &c. quas & gigni posse & destrui dicebat, cuncta, quæ conspiciamus aut experimur, prognata affirmabat. Illas autem formas seu qualitates, entia realia esse docebat,

A a ma-

a magnitudine, figura, situ, motu, quiete, aliisque, materiæ primariis affectionibus realiter diversa; atque ad harum formarum classem, vitam quoque animalem, sensum atque rationem referebat: & tam ob causam ab Aristotele notatus est, quod contraria ex eodem principio derivaret. Infinitos asserbat generari mundos, qui corrupti in infinitatem naturæ redeunt:

2. Leucippus vero & Democritus, cum intelligerent Anaximandri philosophiam de formis substantialibus nascentibus & intereuntibus nullo modo posse consistere cum illo principio, Atheorum omnium arce, ex nihilo nihil fit, & in nihilum nil potest reverti: sustulerunt prædictas formas substantiales, & materiam in figuras atque atomos omnis generis, angulares, rotundas, læves, asperas, hamatas, curvatas, aduncas secuerunt; quas ex infinito tempore in immenso & inani spatio volitasse & concursasse asserbant: ex quo factum est, ut multiplici ratione cohererint inter se, & post varios impetus, facta quasi conspiratione, in unum aut plures vortices coiverint. Postremo, post infinitas complicationes & explicationes, molitiones & periclitationes; cum mille formas & figuras nunc induissent, nunc exiissent atomi, illum rerum complexum extitisse, quem hodie conspiciamus. (*Lucr. l. 5. v. 417.*)

Epicurus, qui Democriti philosophiam suis inventis auxit, in atomis primis rerum principis duplicem motum inesse voluit. Alium *perpendicularem*, ortum a naturali pondere corpusculorum; alium *declinationis* in aliquibus. Quippe, si atomi omnes linea recta deorsum semper caderent, fieri nullo modo potuisset, ut in infinito spatio atomus una aliam unquam attingeret; sed ut guttæ imbris secundum lineas parallelas deciderent, nunquam in moles majores coneressissent. At atomi a motu perpendiculi paululum declinantes & in vicinas incidentes, cum illis coalescere, variisque concretionibus originem

præbere poterant: (*Lucr. lib. 2. v. 217.*) ex hac etiam atomorum quædam declinatione ortam docebat *libertatem*.

Hi Philosophi, communi consensu, mundum ortum habuisse, & habiturum interitum statuebant.

Tertia Sententia est, quam Strato olim invenisse dicitur. Ille cum nullo modo intelligeret, qui ex motu oriri sensus & intelligentia possint, materiam omnem naturaliter, & vita & naturali *efficientia* præditam asseruit; & habere quædam initia motus, sensus, rationis & consilii: etiam si motum, sensum, rationem & consilium non semper & naturaliter habeat. Ista ergo vita materiæ insita, non animalis est, quæ adjunctam habeat conscientiam: sed *genitrix* & hanc habet virtutem, ut quælibet materiæ portio, vel in ipsa procreare, vel ex alterius materiæ actione varias animorum dotes accipere valeat, tametsi rationem & consilium nunquam adhibeat.

In hac opinione, ut in superioribus, quoniam non est communis quædam vita, quæ toti universitati leges ferat, quæ tota universitati multum valet. Nam illæ materiæ partiæ insitam vim haud exerunt nisi occasione variarum concursationum & implicationum, quæ fortuito contingunt. In hoc vero differt a præcedentibus, quod præter casum, etiam vim genitricem a motu diversam adhibeat. Hi Philosophi vulgo cum Stratone mundi tenebant æternitatem; sed illum maximis conversionibus obnoxium faciebant.

4. Denique Stoici quidam, cum ex sortuita atomorum concursione, aut vi materiæ particulæ insita & comuni lege soluta, oriri mundi speciem tantam minime potuisse putarent, toti huic universitati rerum inesse voluerunt naturam quædam artificiosè omnia disponentem, at ratione sensuque vacuam: mundum porro non dissimilem esse plantarum atque arborum, quem *natura communis* quædam incolat *fœlrix* & *genitrix*, quæ *via* atque *ordine*, quamvis nec

nec sensum nec intelligentiam habeat, cuncta explicet & generet: partes suas ita nunc disponat, ut sensus exillarum coagmentatione nascatur, qualis in brutis est animantibus: nunc eo modo, ut ratio & iudicium, quibus valent homines, existant. (Cic. de Nat. Deor. l. 2. c. 32.) In hac opinione omnis tollitur casus, & mechanismi immutabilis legi cuncta subijciuntur.

Qui hanc tenebant sententiam, alii mundum æternum & corruptibilem; alii in tempore ortum & interitum statuebant: ut patet ex his verbis Senecæ. *Nam si vel certum sit planta similem esse hunc mundum, sive a natura quadam consilii experte, at augendi & procreandi potentia instructa regi atque gubernari; id tamen non impedit, ne ortu quodam generatus & exitio obnoxius habeatur: nec idem obstat quominus certa quadam & constanti lege ab ortu ejus ad interitum administrari omnia puerint, ipsæque illa eluviones & exustiones terrarum, quæ nonnunquam evenerint, vel eventura sint in posterum, a natura ejus moderatione & gubernatione proficisci judicentur.*

Diversam, ab his quatuor, Atheismi formam nec in scriptis Philosophorum reperias, nec per mentem fingere possis. Nam si quis Deum tollere velit, necesse est doceat nullam naturam intelligentem universitati rerum præesse, atque quidquid sensus & rationis est, id nihil esse nisi materiæ affectionem. Jam vero qui materiam intelligentia carentem unicum statuit principium, istam materiam aut prorsus mortuam & inertem credere debet; aut ei aliquam vitæ formam tribuere. Prius si probet, iterum vel ad formas substantiales, vel ad figuras & atomos confugiat necesse est. Sin posterius eligat, ut unam tantum ejusmodi vitam per totam materiæ molem fusam esse defendere debet, aut ponere omnem materiam per se vitam quandam continere, ita ut nulla particula propria vita careat.

Inter Atheos nullo modo numerandi

sunt illi Stoici, qui universitatem rerum animal esse dixerunt, in qua sicut & nostris corporibus, sensus insit, consilium, ratio & anima quædam moderatrix rerum omnium: quam opinionem exposuit Cicero l. 2. de Nat. Deorum, & Vig. Georg. l. 4. v. 219. & Æn. l. 6. Seneca in qu. nat. l. 2. cap. 45. Hi enim Philosophi, et si hac universitate rerum omnia contineri, Deumque igneum mundi hujus partem finxerint; attamen cum illum ignem omnia permeantem perfectissima ratione præditum, & ab eo cuncta primum constituta cum consilio & ejus providentia eadem constanter administrari docuerint, potius naturam Dei male intellexisse, quam Deum sustulisse dicendi sunt. Jovem intelligebant antiqui, eundem quem nos, inquit Seneca, custodem rectoremque universi animum ac spiritum, mundani hujus operis dominum & artificem, cui nomen omne convenit. *Vis illum satum vocare? non errabis. Hic est ex quo suspensa sunt omnia, causa causarum. Vis illum providentiam dicere? recte dicis. Est enim ejus consilio huic mundo providetur, ut inconsultus eat & actus suos explicet. Vis illum naturam vocare? non peccabis. Est enim ex quo nata sunt omnia, ejus spirita vivimus. Vis illum vocare mundum? non falleris. Ipse enim est totum quod vides, totus suis partibus inditus, & se sustinens vi sui. Qu. Nat. l. 3.*

Nec sunt etiam inter Atheos numerandi ii omnes, qui mundi æternitatem tuentur: plerique enim eorum, quibus hoc dogma placuit, non modo esse Deum constabantur, sed argumentis ex divina natura sumptis hanc opinionem confirmabant: ut Aristoteles & Platonici recentiores. Ut enim Atheisticæ impietatis reus quis sit, necesse est, ut statuat mundi, non tantum originem æternam esse, sed necessariam quoque & independentem ab intelligente aliqua natura.

Verum ad Atheorum classem illi omnino pertinent, qui nomine reliquerunt Deos, divinas perfectiones sustulerunt.

Nempe qui naturas præstantiores humanibus exilire fatebantur, sed illas cum tota universitate rerum ex *œtæno* velle ex *chao* produxisse in initio asserabant; ex quo consequitur interire eosdem posse, etsi Portæ genitos illos Deos immortalitate donare consueverint. *Vide Cudworthi Syst. intell. Stanleu. hist. Phil.*

In refellendis sigillatim variis illis Atheorum hypothesebus haud immorabimur, quod in probanda divini numinis existentia, ista omnia eorum principia plena esse vanitatis simus ostensuri: solius Spinosæ systema, cui quamdam dedit auctoritatem novitas & forma geometricæ elaborata, curiosius expendemus & directe confutabimus, in fine hujus disputationis.

CONFUTATIO ATHEISMI.

Tripliei generis argumenta hoc loco vulgo distinguuntur. Alia *moralia* dicuntur, ex hominum utilitatibus, consensione, sensibus interioribus, & historia petita. Alia *Physica* nuncupantur, quæ arripimus ex rerum, quibus constat mundus, naturis, operationibus, dispositione & constantia. Alia denique *metaphysica* vocantur, sumpta nempe ex nostræ mentis conceptibus & ideis. Nos eandem divisionem sequemur sumpto initio ab illis rationibus, quæ sunt minus a vulgi intelligentia sensuque disjunctæ.

ARGUMENTA MORALIA.

PRIMUM.

Ab utilitate Religionis, seu agnitionis existentia & providentia Dei.

Quamvis hoc argumentum ab utili ductum non conficeret directe Deum existere: valet certe ad alienandos ab Atheismo animos, & impiorum hominum revincendam perversitatem, qui nullis nixi rationibus homines summis commodis, quæ habet adjuncta Religio seu agnitio numinis, spoliare contendunt. Valebit etiam ad confirmandam Dei existentia suspicionem, naturaliter

ipsis fatentibus Atheis, mentibus inditam; nam sicut bene concluditur ex supposita existentia Dei, ejus agnitionem utilem hominibus esse oportere, quia sub imperio iustissimi & sanctissimi numinis, *utilitas* & *pietas* divise esse non possunt; sic vice versa ex pietatis manifesta utilitate Dei existentia augurium legitimum capimus: sub Dei imperio rem ita esse necesse est, tollere Deum & nullam causam habes, cur agnitio numinis tantarum utilitatum causa existat.

Præterea absurdum maxime videtur, homines per hoc esse felices, vel feliciores, quod errant; per hoc esse miseros, quod sapiant: nam non est probabile natura indigere, ut beata sit, aliquo sibi contrario & repugnante qualis est error: aut miseram effici ex eo, quod est maxime secundum appetitum, qualis est veritas. Attamen, si agnitio numinis ad hominum utilitatem, tum privam, tum publicam, conferat; si sit necessaria ad salutem societatis civilis; hæc omnia tam absurda ab Atheis admittenda sunt: errorque, qui est ægritudo quædam animi, ad hominis felicitatem plus quam aliud quidquam conferat, immo ad optimum ejus statum erit necessarius. Neque dixerint Athei, multoties contingere, ut errores habeant utilitatem sibi adjunctam, & regna falsis religionibus consistere: nam apud eos, qui falsis religionibus vivunt & conservantur, est non solum falsa religio, sed est aliud simul verissimum naturæ diædemen, a quo falsa religio totam vim suam salutarem accipit; vid. *vivendum esse cum religione*; quod si abesse, nec ipsæ falsæ religiones, neque regna consisterent aut perdurarent.

Homo in vario vitæ statu considerari potest, vel in conditione privata divilus a cæteris hominibus, vel in societate naturali sorte nascendi cum aliis conjunctus, vel in confederatione civili: interesse hominis Deum existere in quolibet statu tripliei propositione conficiamus, contra *Cardanum*, *Hob-*
binum

lium & Baylum, quorum duo priores Religionem, hominibus noxiam, tertius inutilem, seu non necessariam scripsit.

PROPOSITIO PRIMA.

Interest hominis esse Deum.

PROBATIO.

NAM 1^o. agnitio numinis nobis aperit ordinem rerum maxime cupiendum, Atheismus vero in scenam immittit tristitia & horrore plenam. Quippe Theismus nobis exhibet in reum universitate rectorem sapientem, benevolum, beneficium, propter infinitas virtutes summe amabilem, cujus optimis & sanctissimis decretis cuncta primum constituta, perpetuo ordine decurrunt. Atheismus vero statuit tenere principatum vim quamdam insipientem sine ratione, sine consilio, sine benevolentia, temere & sine lege cientem motus necessarios. Quanto ergo præstat sapientia cæcitati, benignitas & beneficentia temeritati, Ordo confusio, gratissima concordia tristissimæ anarchiæ: tanto gratior est aspectus religionis.

2. Theismus amplificat naturam hominis & auget ejus dignitatem; Atheismus viliissimam & abjectam efficit.

Si quidem ille suadet nobis divinam sortitos originem cum optimo parente Deo, cum ente infinite perfecti habere quamdam similitudinem & cognationem; atque esse quædam illius simulachra: quo nihil potest esse illustrius. In Atheismo originem vilem & fortuitam habemus; nihilque sumus, nisi acervus atomorum, quarum si commissuræ dissolvantur, tum vitam nostram omnem interire necesse est.

3. Theismus adjunctam habet securitatem, summam spem atque solidam felicitatem; quæ omnia tollit Atheismus. Ille quidem securitatem assert, quia docet optimi parentis ditione cum, ita contineri, ejusque beneficium erga bonos voluntatem, propter infinitam sapientiam atque potentiam nunquam suis finibus frustrari. In Atheismo, ubi

tenet imperium fortuna, securitas nulla esse potest: hanc habes perpetuam expectationem juxta Lucretium (L. 5. v. 105).

disilis dabit ipsa fidem res.

Forsitan & graviter terrarum motibus orbis

Omnia conquassari in parvo tempore cernes.

Deinde in Religione, etiam si adversa utamur fortuna, habemus in spe divini præsidii maxima fortitudinis & constantiæ adminicula, quia, ut ait verus Poeta, (Linus apud Jamb. de 5. Pjth. cap. 28).

Omnia sunt speranda, nec insuperabile quidquam.

Cuncta Deus peragit facile & nil impedit ipsum.

In Atheismo omne bonum nostrum in illis rebus situm est, quæ nec in nostra sunt posita potestare, nec nos ullo modo curant, & tantum homines in ærumnis & hujus vitæ calibus ab atomis auxilii & opis sperare possunt; quantum quis solatu a læva quadam procella & turbine expectaverit, aut a commoto quodam mari, cujus nequeunt violenti fluctus exorari: præfocanda est illa naturæ Deum sponte in ærumnis advocantis vox,

Di prohibete minas; Di, talem avertite casum. (Virg. Æn. l. 3. v. 265.)

A qua ipse Lucretius, vi naturæ domitus, temperare loco laudato non potuit,

Quod procul a nobis flectat fortuna gubernans,

Et ratio potius, quam res persuadent ipsa,

Succidere horrifono posse omnia vicia fragore.

Assert denique agnitio numinis solidam felicitatem, quia spem injicit non esse hujus mortalis ævi limitibus finitam vitam hominum; extremum diem nostrum, non extinctionem, quam refugit natura, sed commutationem tantum loci asserit æternæ natalis esse. Atheis e contrario horrenda mortis expectatio esse debet, & omnes eorum laticias.

tias inficere, qui in ea putant omnia interire, atque post exantlatos vitæ laboris nihil homines manere præter extinctionis malum sempiternum.

4. Tandem agnitio Dei excitat ad omnes virtutes: Atheismus vitiorum laxat habenas. Sed virtutis infinita sunt commoda; exornat mentem, pacem & tranquillitatem animis ingenerat, adungit nobis alios homines. Vitiis infinita incommoda sunt, mentis, corporisque habitum corrumpunt, animum ægritudinibus elidunt, alios homines a nobis alienos efficiunt, & naturali efficientia eorum contemptum atque odia excitant, ut alio loco infra exponemus. Habet ergo agnitio numinis hæc omnia commoda; Atheismo adherent ita incommoda.

Objicies. Nihil magis hominum interest, quam habere animum metu vacuum, & plenissima frui libertate: hæc hominum summa felicitas est. Atqui agnitio numinis metum inpicit hominibus & libertatem tollit. *Quis enim ferat ut ait Velleius apud Ciceronem, impositum cervicibus suis sempiternum dominum, quem dies & noctes timeat. Omnia providentem, & cogitantem, & animadvertentem, & ad se pertinere putantem, curiosum & plenum negotii Deum.*

Respondeo 1. N. maj. Nam societatem civilem hominibus utilem esse & necessariam latentur Athei; at per leges civiles metus hominibus inpicitur, & minuitur libertas. Non omnis ergo metus aut libertatis imminutio malum est. Tunc profecto metus malum non est, ubi est salutaris & frænum quod inicit voluntati est necessarium; ubi illa molestia, quam affert metus, suspenditur aliis multis & magnis utilitatibus. Atqui ille metus, quem habet Religio adjunctum, salutaris est: avocatur voluntatem a vitiis, quorum maxime noxia est natura, excitat ad omnes virtutes, quarum infinita sunt commoda, ut *Epicurus* & *Lucretius* confessi sunt. Et illa molestia, quam affert, bene suspenditur & vincitur illis omnibus utilitatibus, quas in conclusione enumeravimus.

Respondeo 2. Neg. min. 1. Quia non est proprius effectus agnitionis Dei, metus turbulentus, uti supponunt Athei, sed potius suavem jucundamque spem mentibus ingenerat. Si quidem Deus non est formidolosum numen abutens, more arbitrario vel ex necessitate, infinita potentia. Sed natura est sapiens & benefica, infinita potentia utens ad benefaciendum, quantum patitur ordo æternus rerum, seu incommutabiles earum rationes. E contrario Atheismus horrorem habet adjunctum, quia fortuna atheistica potentia est infinita, cogens motus necessarios, sine lege & sine benignitate, quæ hunc admirabilem conspectum rerum convertere in tenebrosa Tartara unico momento poterit, & insolerabilia mala inopinato nobis omnibus procreare. Si ab hoc metu immunes sunt Athei, id habent ex infinita naturis hominum fiducia erga mundi rectorem, & ex experientia benevolorum ejus consiliorum, quam naturæ totius vocem tacite sequuntur, dum discitis abjurant.

2. Quia metus ille turbulentus ægritudines pariens, non omnes, sed improbos tantum afficit, consistentibus Epicuro & Lucretio, qui exinde concludere, non posse jucunde vivi, nisi honeste vivatur. At hujus, ut alterius omnis rei, judicium a natura præstantissima sumendum est, hoc est, a bonis. His sponte nascitur ex sensu numinis jucunda, beatæ æternæque vitæ expectatio; Atheismus improborum & sceleratorum hominum periculum est.

PROPOSITIO SECUNDA.

Agnitio numinis societatis naturalis vinculum necessarium est.

PROBATIO.

NAM, 1. sine Deo nulla sunt hominum adversum se mutua officia naturalia. 2. Nulla saltem ad ea, quæ vocamus officia, præstanda obligatio perfecta esse potest.

1. Atheistica impietas tollit mutua hominum erga se officia: nam hæc officia

cia

cia fundantur, vel in naturali & immutabili boni atque mali moralis discrimine, vel in ista lege insita naturæ hominum & in omnes diffusa, cujus inventorem & latorem Deum, natura momente, omnes putamus. Sed sublato Deo tollitur essentielle discrimen inter bonum & malum morale, uti confessi sunt veteres Athei, *Protagoras*, (Vide *Plat. in Theat.*) *Heraclitus*, & inter recentiores, *Hobbius* & *Spinoza*: quodque modo conficiemus in argumentis metaphysicis. Tollitur etiam cum legislatore Deo lex naturæ & nulla vitæ regula relinquitur præter cuiusque libidinem, quam belli faciem, non pacis vinculum esse experimur, & docent *Hobbius* (L. de civ. & *Leviathan.*) & *Spinoza*, (*Tract. Theol. pol. c. 16.*) quorum doctrina moralis ad hæc principia revocatur. Nullam esse in animis nostris æquitatem aut benevolentiam erga alios; sed libidinem domnandi & cupiditatem esse unicam hominum regulam... Jus omne situm esse in potentia, obligationem in incertitudine: & quique licere facere quodcumque & in quocumque libuerit; adeoque nihil injustum fieri, nullam injuriam inferri posse. Virtutem ideoque omnem rem vanam esse, nec præcellere fidem perfidia, clementiam crudelitati, gratum animum ignavo & ingrato, modestiam impudentia: uno verbo nihil esse quod laudi vel vitio verti possit... Inno voluntatem ledendi omnibus inesse in statu naturæ, securitatis viam meliorem scire neminem anticipatione, ideoque in statu naturæ homines intentos esse in se mutuo præoccupandis, vel vi, vel fraude. Hinc sequi hominem non esse naturæ ad societatem, sed naturaliter exilire inter homines bellum omnium adversus omnes. En nativa Atheismi principia, ab omnibus Atheis ferme, sive veteribus, sive recentibus confessa; quæ sane nullam relinquunt hominum societatem naturalem.

2. Etiamsi Atheismus relinqueret discrimen inter bonum & malum, notionem aliquam officiorum, certe tolleret omnem obligationem perfectam ad præ-

standa illa officia. Nam obligatio quatenus distinguitur ab ipso sensu officii sui, est necessitas quædam moralis bene agendi orta ex consideratione nostræ utilitatis quam cum honestate conjunctam credimus; & præsertim ex metu numinis, cui placere necesse judicamus, quia maximis nos præmiis remunerari, & penis plerique valet. Sed Atheistica impietas tollit illam necessitatem bene agendi ortam ex consideratione numinis sanctissimi omniscientis & omnipotentis. Tollitur omnem spem præmium, omnem metum suppliciorum; sicque honestatis & felicitatis conjunctionem dirimit; quibus omnibus sublatis, quam vim servare poterit sensus iusti & iniusti ad jubendum vel vitandum, ad invitandum vel terrendum, ad suspendendam vim immoderatam appetitus? Aut quæ alia necessitas existet, quam contendendi ad utilitates suas & felicitatem, honestate contempta?

Obijcies 1. cum Baylio (a). Athei iisdem afficiuntur sensibus, isdem utuntur rationis principiis, ac Theistæ: & ideo, negata Dei existentia, possunt servare, & revera servant sensum iusti & iniusti, & rerum constantes & immutabiles differentias percipiunt. Atqui in isto sensu iusti & iniusti, & perceptione discriminis inter bonum & malum morale posita est natura & vis officiorum.

Respondeo: Atheos, si sibi non consentiant, & ex suis principiis sensus interiores non informant, posse servare sensum iusti & iniusti, rerumque differentias morales percipere. Quia sublato uno sensu naturali, non continuo tolluntur omnes alii. Sed manifestum est hos Atheos sibi non constare: nam nulla actionum humanarum moralitas concipi potest, sine his duobus, vid. *libertate*, & *sensu obligationis*, qui habeat hanc vim ut nos conscientia delicti afficiat, ubi rationem non legimus. Jam vero in Atheorum hypothesi, omni, sive ea, quæ fortunam mundi reginam statuit; sive illa, quæ fato rerum administrationem committit, nulla libertas ef-

fe

(a) *Pensées diverses sur la Comète* a. 178. & suiv. L'addition à ces pensées, c. 4. Réponse à la dixième & treizième objection. La continuation des pensées div. c. 143.

se potest. Nulla etiam obligatio proprie dicta existit; quæ sine superiore obligante, & sine lege jubente & vetante, vix intelligi potest: aut saltem non est perfecta. Dictata rationis respectu Atheorum consilia potius sunt quæ invitant, vel motiva naturalia ad agendum impellentia, quam officia, quæ proprie devinciant. (Vide infra ubi de lege naturali.)

Sed demus Atheos cernere posse rerum morales differentias & servare sensum internum iusti & iniusti, atque ex illis motivis moveri ad exercitationem virtutum: negamus illa motiva ullam vim servaturæ respectu vulgi Atheorum, qui non fuerunt ingenue educati, aut quorum excolta ratio non fuit. Atque id exponere verbis Pomponatii Philosophi abs re non erit, quod fuerit ille merito Atheismi suspectus, sed falso tamen a Baylio in patrocinium suæ sententiæ, de Religionis ad societatem inutilitatem, adductus. *Aliqui sunt homines ingenii & bene instituta naturæ, adeo quod ad virtutem inducuntur ex sola virtutis nobilitate & a vitio retrahuntur ex sola ejus seditate: & hi optime dispositi sunt, licet per pauci sint. Aliqui vero sunt nimis bene dispositi; & hi, præter nobilitatem virtutis & seditatem vitii, ex præmiis, laudibus & honoribus, ex pænis, vituperiis & infamia, studiosi operantur & vitia fugiunt; & in secundo gradu sunt. Aliqui vero propter spem alicujus boni & timore pænæ corporalis studiosi efficiuntur: quare ut tales virtutem consequantur, statuunt Politici vel aurum, vel dignitatem, vel aliquid tale; ut vitia vero fugiant, statuunt, vel in pecunia, vel in honore, vel in corpore seu mutilando membrum seu occidendo, puniri. Quidam vero ex ferocitate & perversitate naturæ, nullo horum moventur, ut quotidiana docet experientia; ideo posuerunt virtuosus in aita vita præmia æterna, vitiosus vero æterna damna, quæ maxime terrerent...* Et quoniam hoc ultimum ingenium omnibus hominibus potest prodesse, cuiuscumque gradus sit, respiciens legislator pravitatem vitiorum ad malum, intendens communi bono, sauxit animam esse immortalem, non curans de veritate, sed tantum de probitate, ut indu-

cat homines ad virtutem. Neque accusandus est Politicus: sicut namque Medicus multa singulis agro sanitatem restituit; sic Politicus apologetes format, ut eorum rectificet. Si omnes homines essent in illo primo gradu enumerato, stante etiam animorum mortalitate, studiosi fierent, sed quasi nulli sunt istius dispositionis, quare alius ingeniis incedere necesse fuit. (De immortal. anima pag. 123.)

Obijciens 2. eum eodem. (Pens. div. c. 179.) Animus Atheorum, ut aliorum hominum, insitus est laudis appetitus & gloriæ cupiditas. Aique hæc sufficienter movent in statu naturæ ad præstanda mutua vitæ officia.

Respondet, nego minorem. 1. Esi aliquis insit omnium hominum animis laudis appetitus, tamen apud vulgus minimam vim habere experientia docet: nec ullo modo suspendere vim cupiditatis, qua in præsentia commoda ferri solet.

2. Quia, cum favor popularis auræ semper adjunctus sit divitibus & potentibus, appetitus laudis & gloriæ magis stimulat ad has comparandas, quam ad virtutis exercitium; præsertim cum præterea potentia & divitiæ cupiditatum omnium explendarum media sint.

3. Quia illæ affectiones non veram sinceramque virtutem, sed hypocrisis tantum valent procurare; a publicis advocant sceleribus, privatis laxam habenas. Quod vero reponit Baylus post Lucretium, metuere debere hominem gloriæ cupidum, ne admissa privatim scelera in somno vel febris æstu patefaciat, nimium absurdum est & desperatæ causæ argumentum. Quem unquam talis merus cohibuit aut unquam cohibeat, ne libidinem expleat?

Obijciens 3. eum eodem. (Pens. div. c. 136. 167. contin. des pens. div. 149.) Experientia habemus comperitum homines in vita instituenda parum lequi philosophica principia: v.g. Stoici, qui facta cuncta restricta esse dicebant, rolebantque humanam libertatem, omnium Philosophorum uti minime debebant exhortationibus ad virtutem, &

tamen

tamen nulla secta extitit, a qua tot præcepta profluxere. Sic etiam quotidie non sine admiratione cernimus eos, qui tenent fidem christianam de æternis post mortem cruciatibus, neque carent quotidianis admonitionibus, tamen in vita agenda istorum principiorum parum memores esse. Ergo concludi potest vix ullam esse Religionis viam ad promovendam, aut Atheismi ad minuendam viam.

Respondeo, distinguo ant. Experientia habemus compertum homines in vita instituenda parum sequi philosophica principia; ubi sunt contraria vel sensibus internis, quos exuere non possunt; vel opposita cupiditatibus, quarum vi abripiuntur. C. Ubi sunt cupiditatibus consentientia. N. Haud mirum sane est, Stoicos qui fatum defendebant in agendo non esse secutos principia sua, quia illa vis est naturæ liberos nos esse perpetuo declarantis, ut ad illius vocem obfudescere non possimus, & cogat nos quodammodo invitos ad assensum. Neque etiam mirum est, quod illa principia non inclinent semper animos, quæ habent sibi contrariam vim appetitus; quia tanta hominum imbecillitas, tanta levitas est, ut abrepti æstu cupiditatis, etsi videant meliora, probentque, deteriora tamen sequantur. Sed sane res esset admiratione dignissima, si vis appetitus aucta auctoritate principiorum, ut est in Atheismo, non inclinaret voluntatem; cum plerumque habeat illam vim, etiam renitente ratione & terrente conscientia; immo sub æternorum suppliciorum comminatione, uti observatur in objectione.

Obijcies 4. cum eodem. (*Pens. div. c. 174. & contin. des pens. div. 144.*) Atheismum non habere illam pravam efficientiam in vitam hominum, certos nos faciunt mores eorum quæ Deum olim & hostris temporibus sustulere; Diogenes, Theodori, Evemeris, Nicanoris, Hipponis, quorum conspicuam virtutem fuisse memoriæ proditum est: quibus adjungi etiam possunt Epicurus ip-

se & apud Romanos Cassius, Atticus, Plinius antiquior; inter recentiores, Vanius & Spinosa. Probant etiam exempla gentium multarum, quæ sine religione concordem vitam a multis seculis in separatis familiis egerunt.

Respondeo 1. Ex paucorum hominum vita nihil confici in hac re posse; quia, ut supra diximus, in illis hominibus, qui ingenue fuerunt educati, qui exultant rationem habuerunt, & qui sectos dederunt Philosophiæ studio, servare vim magnam, potius sensus iusti & iniusti, atque nota rerum discrimina; natura excolit bonitate victi sunt. Cumque etiam singularitate doctrinæ oculos in se omnium convertissent, non parum eos afficiebat publica existimatio. Denique necesse quoque ipsis fuit, ut bona vita amoverent publicam invidiam, quam ipsis constabat philosophandi ratio abhorrens a vulgi opinionibus. Sed hæc motiva in vulgus, tude & incultum, gentemque Atheorum vim aliquam nullatenus fervarent.

2. Dicimus nullas gentes existere aut extitisse olim sine notitia Dei, quod sequenti argumento demonstraturi sumus.

PROPOSITIO TERTIA.

Agnitio Numinis status civilis præcipuum fundamentum est.

PROBATIO.

1. **I**N republica Atheorum nulla esset vera & propria magistratum & legum civilium auctoritas. Nam auctoritas proprie dicta, est facultas non tantum vi cogendi, sed ita iure imperandi, ut subditi, nulla vi interveniente, agnoscant se vere obstrictos esse ad parendum; idque semper etiam in secretis locis, ubi nulli testes: & proinde obligatio, quam parit auctoritas, supponit tales causas, quæ interius hominibus conscientiam ita efficiant, ut ex propriæ rationis consilio agat & iudicet se non recte seu non jure posse resistere. (*Vid. infra ubi de lege natur.*) Atqui tolle Deum, legem naturalem &

conscientiam, auctoritas hujusmodi in civitate nulla esse potest: sed omnis auctoritas, ut posuerunt Hobbius & Spinoza, est potestas cogendi, ac *viribus*, non *jure* determinatur; ita ut si civis aliquis magistratibus resistere possit *impune*, & *jure* poterit resistere.

Vel sic idem confici potest: auctoritas magistratuum & jura omnia civilia ponuntur in *bona fide*, seu obligatione ad servanda scœdera inter magistratus & plebem inita. Aiqui in hypothesi Atheorum fides bona, ut omnis alia virtus, res ludicra est, nec est ulla obligatio ad servanda ista scœdera, præter coactionem: quisque naturali inclinatione & lege propriis studet ante omnia utilitatibus. Ergo 1. nulla est vera & proprie dicta in civitate Atheorum magistratus & legum auctoritas.

2. In republica Atheorum, valde imperfecta est legum civilium *sanctio*, (a) cui perfectionem suam sola tribuere potest Religio. Nam perfecta legum sanctio, cum *premio*, tum *pœna* continetur. Sed politica potestas separata a Religione pœnis tantum leges suas sancire potest, præmiis nullo modo: detertere potest a violanda lege, ad eandem servandam invitare non potest. Idque ob duplicem rationem hanc: primum quod magistratus non habeat sufficientem bonorum seu præmiorum suppellectilem, ut dividere unicuique possit pro meritis: deinde, quod, etiamsi sufficientem bonorum haberet copiam ad remunerandos bonos omnes, tamen qui essent boni, nonquam scire posset, cum id pendeat ex interno hominis in agendo consilio. Huic vero defectui medetur Religio, dum in bonarum omnium actionum remunerationem præmia maxima pollicetur ab eo, qui omnibus nostris non tantum actionibus præfens est, sed ipsæ etiam intervenit cogitationibus: & sic efficit ut excitemur ad bene agendum spe præmiorum, quæ homines non possunt concedere.

(a) Sanctio est ea pars legis, qua imponitur obligatio ad parendum præcepto, vel per pollicitationem præmiorum, vel per comminationem pœnarum.

3. Potestas civilis quædam tantum officia jubere potest, non omnia: cogit tantum ad ea quæ Jurisconsulti vocant, *perfecta obligationis*, & iustitiæ strictæ sumptus, quæ necessaria sunt ad ipsam societatis existentiam, nequaquam vero ad officia benevolentiae & charitatis, seu, ut vocantur *imperfectæ obligationis*, quæ necessaria sunt, ut societas læta sit & jucunda (*Vid. infra ubi de Jurispræd. nat.*). Neque illa priora omnia iustitiæ jubere potest, aut illa aliter confirmare quam *jurejurando* in multis casibus, ut cuique attendenti patebit. Hinc pulchre scripsit Seneca l. 2. *de ira*, c. 27. *Quam angusta innocentia est, ad legem bonum esse! Quanto latius officiorum patet, quam juris regula! Quam multa pietas, humanitas, liberalitas, justitia, fides exigunt: quæ omnia extra publicas tabulas sunt.* Sensus vero numinis, quod bonorum & malorum habeat rationem, ad omnes excitat virtutes, & ab omnibus avocat peccatis.

4. Civilis potestatis defectus in hoc maxime apparet, quod publica tantum delicta attingat, *quantenus manu*, ut ait Tullius, *tenere possit*, privata vero ignoret. Et præterea humana judicia vitandi spes affligere solet, quia sepiissime nulla sunt, sepe etiam falsa: immo vero ex ipsis facinoribus, quandoque impunitas oritur, cum magnam quis scelerare sibi conciliat potentiam. Sensus vero divinæ providentiæ seu Religio, dum nobis exhibet Deum supra & circa nos stantem; factorum, dictorum, cogitationumque censores; qui habiturus sit bonorum & malorum rationem, homines in omnimoda consuevit necessitate legibus parendi, etiam in secretissimis locis, omnem tollendo spem fugiendi supplicii. Hæc omnia complexus est Cicero de leg. *Quis non videat, quam multa firmantur jurejurando? Quanta salutis sint scœderum religiones? Quam multos divini supplicii timor a scelere revocat? Quam sancta sit, civium inter ipsos societas,*

cietas, Deo immortalis interpositio, tum iudice, tum teste?

Hanc Religionis vim ad cives continendos adeo intellexerunt Legislatores omnes, ut studiose quique populorum animis inculcaverint esse Deos, & ad eorum tribunalia cuiusque hominis vitam expendi: ex quorum omnium mente præcipit Tullius de leg. *Sit hoc a principio persuasum civibus dominos esse omnium rerum & moderatores Deos; eaque quæ geruntur, eorum geri vi, ditione & numine, eos denique optime de genere humano mereri, & qualis quisque sit, quid agat, quid in se admittat; qua mente, qua pietate colat religiones, intueri; piorum & impiorum habere rationem.* Immo omnes ad unum philosophi, est illis plures in philosophicis disputationibus Deum sustulerint aut futuram vitam; hanc tamen opinionem Deorum & immortalium animorum servandam, tanquam legibus prædictum firmissimum, putaverunt. Athei etiam, hac manifestissima utilitate Religionis permoti, in omni ævo decreverunt, illam a Legislatoribus inventam fuisse ad salutem & incolumitatem Reipublicæ.

Hobbii & Cardani aduersus hanc partem objectionibus infra respondebimus, ubi de lege naturali. Vide de toto hoc argumento Cudw. syst. intell. Warburton. div. leg. Moysis.

ARGUMENTUM SECUNDUM.

Ex consensu Nationum.

Argumentum hoc ab auctoritate humani generis quibusdam etiam Christianis scriptoribus parum firmum visum est; illo tamen cum eo majore utemur sententia & securitate, quod nullum fuerit, quod sapienter veteres sapientes contra Atheos adhibuerint; nullum in quo Athei majores invenerint difficultates: adeo ut Democritus ad idola quædam Deorum tenuissima in aere volitantia atque in sensus irruentia confugere necesse judicarent; & Epicurus qui cæteras omnes

rationes nostras refellere couatus est, hac adductum se esse diceret ad credendum quendam impressam esse a natura animis omnium anticipatam Dei notitiam (*De Nat. Deor. l. 1.*).

PROPOSITIO.

Communis omnium hominum in omni ætate & in omni loco constans & perpetua vox atque sententia fuit, esse Deum; atque hujus tam communis opinionis summa auctoritas est. In Atheorism vero hypothesis universa gens humana vanitatis & stultitiæ incredibilis condemnatur, quod summa est arrogantia & intolerabilis impudentia.

PROBATIO.

Uæ partes sunt: 1. est, nullam fuisse usquam vel nunc esse gentem Atheam, 2. Humani generis consensionem summam habere auctoritatem.

PARS PRIMA.

Hæc pars, quæ circa factum versatur, confici aliter non potest, quam ex variarum gentium historiis; ex gravissimorum Auctorum testimonis; & ex primorum Legislatorum, quorum aliqua est memoria, agendi ratione.

1. Nationum omnium historiarum fidem numinis ubique propagatam exhibent. Uti primum possumus auctoribus antiquissimis populis, *Hebrais, Chaldeis, Aegyptiis, Indis, Persis, Arabibus, Getis, Gallis, Germanis, Græcis, Romanis*, & omni retro antiquitate; in qua nullum exemplum habemus gentis Atheæ. Cotta quidem apud Ciceronem Velleio Epicureo ex consensu gentium argumentanti respondet. (*ibid.*) Unde nota tibi sunt opiniones nationum? Equidem arbitror multas esse gentes sic immanitate effrenatas, ut apud eas nulla suspicio Deorum sit. Sed ipsa hæc forma loquendi satis indicat nullam gentem ad civilem cultum deductam sine Deo fuisse; neque ullum etiam apud barbaros reperiunt exemplum.

Veteribus populis consentiunt omnes, qui hodie sunt terræ incolæ, etiam maxime

xime incolunt, *Mexicani*, *Peruviani*, *Brasilienſes*, *Canadienſes*, alique barbari, uti conſtat ex optimis peregrinatorum & navigatorum relationibus, tum antiquioribus, tum recentioribus.

2. Hominum graviffimorum teſtimonia confirmant gentem nullam fuiſſe ſine noſtitia Dei: ita *Plato*, (*De leg. l. 10.*) ita *Ariſtoſeles*, (*Ad Nicom. l. 10. c. 11.*) ita *Aricurus*, (*Apud Cic. l. de Nat. Deor. Cicero*, (*Prim. Tuſcul.*) *Seneca*, (*Ep. 117.*) *Artemidorus*, (*L. 1. c. 9.*) *Eliaſmus*, (*Var. hiſt. l. 2. c. 13.*) *Maximus Tyrius*, (*Diſſ. prim.*) *Sextus Empiricus* (*l. 1. contra Phyſicos*, c. 61.) *Dion Pruſaenſis*, (*Or. 45.*) &c. Laudabimus ſolummodo *Plutarchum* & *Julianum*. Si terras obeas, ait prior, (*Contra Coloten. Epic. p. 125.*) invenire poſſis urbes muris, litteris, regibus, domibus, opibus, numismate carentes... Urbem vero ſimplis diſſique deſtitutam, qua precibus jurejurando, oraculo non utatur; non bonorum cauſa ſacrificet; non mala ſacris avertere nitatur; nemo unquam vidit. Sed facilius urbem condi ſine ſolo poſſe puto, quam opinione de Diis penitus ſublata eruiſitatem coire aut coſiſtare. *Julianus* autem ſcribit: (*Ep. ad Heracl.*) Omnes ante doctrinam numen eſſe aliquod perſuaſi ſumus, eo reſpiciendum, ad eum properandum: credoque ſic animos noſtros ſe habere ad Deum, ut viſu pradita ad lucem.

38. Certiſſimum eſt apud nullum populum fidem numinis Legiſlatorum inſtitutis introduſtam fuiſſe; e contrario videmus Legiſlatores omnes, quorum aliqua eſt memoria, ſuis legibus præſidium quaſiſſe in populorum religionibus. Si quidem omnes ſerene finxere ſe a Diis gentilitiis & tutelariſus, qui maxime a populo colebantur, legatos eſſe: ſic *Amas* & *Mnevis* apud *Ægyptios* leges ab *Hermæ* ſibi datas commenti ſunt. *Zoroaſter* apud *Bactrianos*, & *Zamolxis* apud *Getas*, a Dea *Veſta*; *Zathrauſtes* apud *Arimaſpos*, a dæmone, ſeu bono genio; *Rhadamanthus* & *Minos* *Cretenſium* Reges, a *Jove Cretenſi*; *Triptolemus* apud *Athenienſes*, a *Cerre*, gentilitia Dea; *Px-*

ibagoras & *Zaleucus* apud *Crotoniatas* & *Locrenſes* a *Minerva*; *Lycurgus* apud *Lacedæmonios*, ab *Apolline*; *Romulus* a Deo *Conſo*, *Numa* a *Nympha Ægeria*, ſuas leges ſibi traditas gloriabantur. Inter omnes hos nullus invenitur, qui prima apud populum aliquem poluerit religionis fundamenta, aut qui in ſuis inſtitutis populorum opinionibus & religionibus morem non geſſerit.

Obijcies cum *Baylio*. (*Contin. des prof. div.*) Ut conſeſ poſſit certo exiſtentia Dei ex conſenſu populorum, conſenſus ille debet eſſe omnino generalis ſine exceptione ulla. Atqui res ita non eſt. Nam,

1. Teſtantur quamplures Hiſtorici gentes olim fuiſſe Atheas, tales erant *Theos*, extremæ *Thraciæ* populus, ut reſert *Porphyrus* (*L. 2. de abſtin. ab anim. p. 132.*) ex *Theophrasto*. Tales *Nafamones*, narante *Dionyſio Periegete* (*Periege. verſ. 210.*) Tales *Gigantes*, de quibus *Macrobius* ſc. ſcribit (*L. 1. Sat. c. 20.*). *Gigantes* quid aliud fuiſſe credendum eſt, quam hominum quorundam impiam gentem Deos negantem, & ideo exiſtitant Deos peſſere de caeleſti ſolo voluiſſe. Tales *Phægyes*, qui ab *Homero* (*Hym. in Apol. v. 279.*) dicuntur *Jovem* non curare: & in *ſcholius* ad *Iliadem*, (*N. 302.*) *Athei* vocantur. Tales *Atlantes*, genus quoddam *Ethiopum*, qui *Athei* dicuntur a *Strabone* (*L. 17. p. 823.*) & *Mela* (*L. 1. c. 8.*). Tales *Callaici* ſeu *Lufitani*, referente *Strabone* (*L. 3. p. 164.*). Tales *Galli*, authore *Cicerone* (*Orat. pro Fonteio c. 9.*) Tales erant *Arabes*, teſte *S. Nilo* (*Narr. tert.*).

2. Multas quoque gentes in orbis partibus recens detectis ſine religione vivere ex multorum peregrinatorum & navigatorum relationibus compertum eſt, quorum teſtimonia plura collegit *Baylius* (*Contin. des penſ. div. ſur la Com.*). Tales erant *Canarienſes*, teſte *Columbo* (*Navig. c. 2.*). Tales incolæ *Inſularum* quarundam *Meridionalium*, referente *Jacobo le Maire* (*Deſcript. Navig. 3 l. maii.*); & inſulæ prope litus *Guineæ* no-

væ, narrante Schouten (*Diarii* p. 47.); & insulæ vel terræ *Yedso*, seu *Jeso* prope Japoniam (*Maff. ep. l. 4. april. 28. 1565.*), & Insularum *Cube*, *Hispaniola*, &c. auctore de Laet (*Descrip. Ind. occid. l. 1. c. 10.*); & Insularum *Marianarum*, referente P. le Gobien (*Hist. des Isles Mariannes.*); & insularum *Antillarum* (*Arnaud. quatr. denons. du peché phil.*), *Tales Brasilienses*, ut narrat *Leri* & *Richier* (*Hist. Nav. in Bras. c. 16. p. 223. Bayle dict. crit. art. Leti.*). *Tales Canadienses*, *Huromes*, *Sauriquosii*, *Armonchicosii*, testibus *Gabriele Sagard* (*Hist. du Canada.*) & *Lelcarbot* (*Hist. de la nouvelle France, l. 6. c. 6.*). *Tales tandem Caspi*, seu *Horiomoti*, accusante *Thevenotio*.

3. In illo antiquissimo & florentissimo Sinarum imperio secta est non hominum rudium, sed litteratorum, late diffusa, quæque principatum obtinet: illa tamen, referentibus gravissimis auctoribus, (*Bayle contin. des pens. div.*) nullum in rerum universitate Deum seu mentem cum consilio gubernantem agnoscit, sed tantummodo vim quamdam cientem sine ratione motus necessarios.

Respondeo 1. nego maj. Agnoscunt omnes scriptores nationes Atheismi suspectas esse omnium maxime barbaras: *At ex gentibus illis tam efferatis & inhumanis, ut ait Porphyrius, L. de abstinentia, non oportet ab æquis iudiciis convicium fieri naturæ humanæ.* Numquid æquum esset de corporis humani. habilitatibus judicare ex cæcis, vel surdis, vel mutis vel contractis; aut dotes animi humani ex idiotis, stupidis, vel insanis colligere? Sine dubio specimen naturæ cuiuslibet a natura optima sumendum est.

Respondeo 2. nego min. & 1. quidem levia sunt illa quæ ex veteribus scriptoribus afferuntur ad minuendam eorum auctoritatem, qui supra laudati sunt. Singula exempla expendamus.

Quæ de *Thoisibus* apud *Porphyrium*, & de *Nasamonibus* apud *Dionysium* leguntur, nullo alio testimonio confirmantur, & ad impios illorum populorum

mores referenda sunt. Certe novimus *Thracas* & *Æthiopus*, quibus illi annu-merantur, Deos agnovisse.

Macrobiani verba de *Gigantibus* non solum continent, sed fabulæ arbitrariam explicationem.

Phlegyes Jovem non curantes bene ab *Eustathio* dicuntur homines improbi & latrones: & ista sæpius vis est vocis istius, *Athei*, apud veteres.

De *Atlantibus* scribit solummodo *Mele*, quod solem execrentur, & dum oriuntur & dum occidunt, ut ipsi agrisque possiderent. *Strabo* quidem de *Æthiopibus*, qui ad *Torridam* habitant, eadem refert, & addit: quod nonnulli *Athei* putarentur. Sed sine dubio ob hanc solam causam quod solem execrarentur; quemadmodum *Judeos* vocat *Plinius* gentem contumeliam *Numinum* insignem: & *Christiani* ab *Ethnicis* dicebantur, *sacerilegi*, *prophani*, *atheï*.

Non affirmat *Strabo Callaicos* seu *Lutitanos* nullum Deum agnoscere, sed quod ita aliqui dicerent: & eodem loco narrat *Celtiberos* ad *Septentrionem* vicinos, & Deum agnoscere, & sacra facere.

Ciceronem Gallos a Religione alienos scribentem secum non consentire probat *Vossius*: (*L. 1. de Idol. c. 37.*) longe major est *Cæsar*is auctoritas qui erudit, (*De bell. Gall. l. 6. c. 16.*) nationem omnem admodum fuisse deditam religionibus.

S. Nilus parum etiam secum ipse confertit; cum paulo post doceat illos *Arabas* religione carentes, *solete stellam matutinam adorare & sacra illa facere.*

2. Quod spectat relationes navigatorum de barbaris *Americæ*, seu *Africæ*, seu *Asiæ* populis: non est temere omnibus adhibenda fides, ob multiplicem causam.

Primum, quia plures ex levissima conjectura nobis mores illorum hominum retulerunt, cum quibus nec sermonem conferre poterant, nec audebant: tantum sciebant, quantum ex specula videre licebat. Huius generis relationes sunt multæ, ut le *Maire* de *Insulis Meridionali-*

nalibus, *Sehoute* de Insula prope littus Guineæ novæ, & eorum qui olim de terra vel insula *Yedso* scripserunt: neque prædicti auctores absolute affirmant illos populos carere religione, sed se pauca detexisse religionis vestigia.

Secundo: Pleraque relationes istius generis nullum in initio habuere fundamentum, nisi crudelissimorum hostium calumnias. Acceptæ enim sunt ab illis, qui inhumane depopulati sunt regiones illas, & qui ut invidiam bonorumque indignationem, quam crudelitate sua excitaverunt, aliquatenus minuerent; illos miseros homines alienos ab omni humanitate exhibuerunt. Certe narrat *Benzo* (*Hist. nov. orb. l. 10. c. 8*) Hispanos cum continentem invasisent, & multas experirentur difficultates in tanta coercenda imperio suo multitudine; omnibus vitiiis apud Regem populositos onerasse, ut edictum obtinerent quo ad perpetuam servitutem omnes damnarentur: & tamen scribit illos tantum accusatos tunc fuisse idolatriæ: neque ulla alia causa afferri potest, cur tanta existat inter varias relationes oppositio. Omnium primæ, editæ a viris qui plenam & perfectam habebant illorum populorum notitiam, (*Vid. Petrum marty. Anglerium dec. 1. c. 1. 9. dec. 3.*) illis tribuunt religionem & sacras cæremonias, v. g. incolis *Cube*, *Hispaniola*, &c. dum illos nullam habere recentiores scriptores (*De Læet. supra.*) affirmaverint.

Tertio: Multorum scriptorum testimonia nullum aliud habent fundamentum, nisi quod apud illos populos nulla templa, nullas aras, nulla publica sacrorum ministeria conspexerint. Quod tamen nullo modo argumento est, illos non habere notitiam Dei, nec etiam admirationem nostram habere debet, si consideremus quod vagi & palabundi vivant sine civitate & sine lege. Forte didicerunt a majoribus nullum cultum, nisi internum animi, Deo gratum esse:

refertur (*Voyage du Sr. Champlain, l. 3. c. 5.*) etenim, unum ex barbaris Canadæ interrogatum, cur Deo preces & sacra non faceret, respondisse; relictum esse unicuique, ut id animo interius perficeret. Legimus etiam (*Purchas t. 6. l. 10. c. 5.*) *Winslow*, qui unus ex primis plantatoribus in Anglia nova exiit, didicisse a barbaris, illos agnoscere unum Deum supremum & plures inferiores: & ideo correxit, quod antea de illis retulerat deceptus externa specie, vid. eos esse sine Deo. Tandem a multis refertur de incolis insulæ *Madagascar* (*Dellon rel. d'un voy. t. 1. c. 8. F. Cause p. 119.*) & Americæ populis dictis, *Nouragues* & *Acoquas* & *Galibis* (*P. Gillet Journal. du voy. dans la Guyane, c. 7. p. 81.*) quod etiam consentiant in agnoscendo uno Deo, illi tamen nullum præstent cultum.

Quarto Populi, qui suspicione Atheismi maxime laborabant, multorum testimoniiis, quorum major auctoritas est, absolviunt. Sic *Canarienses*, quos *Columbus* accusaverat, unum Deum agnovisse virtutis remuneratorem & scelerum vindicem, constat ex historia substantiis istarum Insularum. Sic *Caraibes* Insularum Antillarum (a) alium Deum boni principium agnoscunt, alium mali principium timent, quem *Maboga* appellant, cui præsertim sacra faciunt: Sacerdotes habent quos *Bopez* vocant. Falso accusati sunt *Brasilienses*, quod nec Deum agnoscant, nec ullum nomen Dei apud ipsos esset: habent Deum primum & summum quem *Tupa* & *Tupana* nuncupant: Sacerdotes etiam habent per quos sacra faciunt (*Læet. de Or. gent. Amer. pag. 193. Margrav. de Bras. Reg. cap. 9.*). *Hurons*, *Souriquosios*, aliosque Canadæ barbaros Deum agnoscere, cui vota & munera offerunt, extra omnem controversiam est. (*Lafitau, mœurs des Sauvages Américains*). *Gabriel Sagard* & *Lefcarbot* negant solummodo eos cognoscere verum

(a) *Rochefort Hist. morale des Antilles, c. 13. 14. Du Tertre Hist. nat. des Ant. t. 2. p. 365. Relation des Caraibes du Sr. de la Borde, c. 2. & 3.*

rum Deum. Certum quoque est *Cafros* seu *Hottentotos* unum Deum summum agnoscere, quem magnum ducem vocant: colere præterea Solem & Lunam, & sacras habere caeremonias, testes multi sunt (a). Unius P. le Gobien de incolis Insularum Marianarum testimonium nullo contrario refellere possumus: sed nescio an valde ipse sibi consentiat, dum scribit eos credere animos immortales, hisque repositas esse vel lætas post mortem sedes, vel tristes in inferis, quibus præsidet malignus genius. Quis præsidet lætis sedibus?

3. Tandem, quod ad *Sinenses* attinet: haud diffitemur apud eos Atheos esse, vel etiam Atheorum sectam, qualiserat apud Græcos & Romanos secta Epicureorum: at negamus illam sectam, aut apud eos antiquam esse, aut late diffusam, aut imperium tenere.

Et primum quidem illi ipsi authores, quos laudat Baylius, continentur doctrinam veterem Sinarum per duo annorum millia sanctissimam in hac parte fuisse & agnovisse illos unicum Deum; bonum & sapientem rerum omnium conditorem, conservatorem & gubernatorem, ad quem in afflictis rebus confugiebant, & in cujus præsidio spem omnem ponebant. (b)

Deinde quod illa Atheorum secta valde diffusa in Sina esse nequeat, manifestum est ex eo, quod iidem authores referant eandem vetustissimam religionem vigere apud litteratos; populum vero variis superstitionibus deditum esse: magnam partem sequi præcepta *Lookiun* vel *Xetia*, qui innumerabiles Deos Sinarum imperio intulit; alios idolatras esse & adiectos cultui *Foe*, quæ nova superstitio invecita dicitur ter mille annis post tem-

pora *Fohi* Sinici imperii conditoris, & 1600 post *Confucium*.

Tertio, quod illa litteratorum secta, quæ hodie in Sina dominatur & damnat tanquam hæreticos sectatores *Lookiun* & adoratores *Foe*, non sit Atheistica impietate infecta, constat ex testimoniis plurimorum auctorum (c). Constat etiam ex eo, quod vetustissimis libris maxime addita sit, servetque diligenter veteres usus, juxta quos ab imperatore cum maximo apparatu, statutis temporibus, Regi Cœli sacra fiunt. Constat ex ipso Imperatoris testimonio, qui anno 1700. dignatus est edicto publico profiteri, Sinas non materiale & visibile cœlum, sed cœli dominum adorare: quem non nisi ad reverentiæ testificationem *caelum* vocant, sicut imperatorem suum ob eandem causam *palatii* sui nomine nuncupant. Hanc constantem doctrinam imperatoris fuisse & magnatum multiplici testimonio confirmat P. du Halde. (*Description de la Chine* tom. 4.)

Illi ergo litterati apud Sinas Athei carent omni auctoritate & honore: & præterea multa etiam dici possunt, vel ad eos excusandos, qui alium nullum Deum admittere videntur, præter vim quamdam in natura, quam vocant *Tai-ki* vel *Li*. Nam hanc vim, non solum infinitam & æternam dicere solent, sed etiam summe perfectam; vitam illi attribuant, nominantque animam seu spiritum cœli; & tam magnifice quandoque de ejus intelligentia & solertia loquuntur, ut populus non dubitaverit templa in honorem *Li* seu *Tai-ki* ædificare, eique vota & sacra facere.

Quod vero addit Baylius (*Contin. des pens. div. c. 13.*) oportere nos probare non tantum nullam gentem cognitam esse Atheam;

(a) Joan. Dos Santos, *hist. de l'Ethiopie Orientale*, c. 7. P. Tachard, *voyage de Siam* l. 2. p. 84. M. de la Loubere du *Royaume de Siam*, l. 2. p. 122. De Chaulmont, *Journal du roy. de Siam*, p. 78. Ten Rhyne *Schediasma de prom. bona spei*. Perri Kolben *Descriptio capitis bona spei. Histoire des voyages*, vol. 5.

(b) Duhalde, *Description de la Chine*, tome 3.

(c) Martin, *hist. Sin. initio*. Bartholi *hist. Asiat.* p. 3. l. 2. Magaillans *nouvel. rel. de la Chine*.

Atheum; sed perfecta enumeratione ostendere nullo esse populos Atheos in regionibus Australibus nondum cognitis, vehementer absurdum est. Nam apud Physicos summa est vis *Analogia* ad faciendum id: pro certo habetur quod constans experientia, cujus auctoritatem nullæ aut paucissimæ exceptiones immuniunt, confirmat. Sic concludunt omnia corpora gravitare, quod omnia nobis cognita corpora gravitent; sic bene sine dubio concluderent etiam genus humanum in regionibus Australibus, sicut in nostris maribus & sceminis constare, eorum corpora eadem habere exteriora lineamenta; & eorum animis insitos esse eosdem appetitus & affectus. Jam vero propter hanc eandem rationem & nos bene concludimus Australes gentes esse deditas religioni, cum Septentrionales, Orientales & Occidentales sine exceptione eisdem adiectis videamus.

PARS SECUNDA.

Consensus generis humani summam habere debet vim ad persuadendum. Nam,

1. Præstantissima ingenia hujus argumenti vim agnoverunt. Ut Plato, Aristoteles, Cicero, Seneca, & alii. *Firmissimum hoc offerri argumentum videtur, ait Cicero, cur Deos esse credamus, quod nulla gens tam fera, nemo omnium tam sit immanis, cujus mentem non imbuert Deorum opinio. Et alio in loco. Omni autem in re consensus omnium peritum lex nature putanda est (Vide Tusc. 1. de Nat. Dei, l. 2. c. 17. & l. 2. c. 2.). Multum dare solemus, inquit Seneca, (Vide Ep. 117. & de benef. l. 4. c. 4.) præsumptioni omnium hominum: apud nos veritatis argumentum est, aliquid omnibus videri; tanquam, Deos esse sic colligimus, quod omnibus de Diis opinio insita sit, nec ulla gens usquam est adeo extra leges moresque projecta, ut non aliquos Deos credat.*

2. Testimonium generis humani in se consideratum & independentem ab ejus causis, summæ est auctoritatis respectu

cujuscumque privati, nec sine magna arrogantia & stultitia contemni potest. Nam ut observavit Aristoteles in *Topicis*, id verisimile est, quod aliquibus sapientibus verum videtur; id majorem habet probabilitatem, quod sapientibus plerisque certum videtur; id majorem multo habet verisimilitudinem, in quo docti simul & indocti consentiunt: id denique juxta eandem regulam censendum est, habere maximam probabilitatem & esse moraliter certum, in quo omnes omnino consentiunt. Certe in communi vita hæc regulæ sequi necesse est homines omnes, & illas ipsi sequuntur Athei: nam omnis ratio, institutioque vitæ in hominum auctoritate versatur.

Et vero aut aliqua est judicii humani auctoritas aut omnino nulla: hoc posterius non contendunt ipsi Athei, & nimis certe intolerabile foret pronuntiare genus hominum non esse rationale. Sin prius admittas, quod aliqua sit humani judicii auctoritas, in hac re certe maxime valebit; tum propter rei, de qua judicium profertur, naturam; quæ omnibus aperta & obvia est; nempe attendendum cuique tantum est, quid interius natura obmurmuret, quid expressum in natura cernat, quid in primis rationis principiis contentum deprehendat. Tum propter unanimitatem, qua sit, ut nulla auctoritate alia suspendi possit vis testimonii hujus humani. Etenim si in hanc Dei agnitionem consensissent tantum homines rudes & insulti, doctorum contradicentium sententia absque dubio immatura esset plebis auctoritas. Vel si docti tantum in hanc opinionem convenissent, opponi fortasse posset populorum vox, qui ducem securi naturam plus sapiunt quandoque quam philosophi. At illi qui negant, qui sunt? Paucissimi. Et quales? Quibus scilicet est illud scholæ stemma: comedamus & bibamus, cras enim moriemur. Quæ sententia, quæ auctoritas gentis illius esse potest, apud quam nullum est consilium; quæ neglectis rationis præceptis ducem vitæ libidinem fecerunt? Nos si in

contra totum genus humanum sumus & consultius est, si errandum est, quandoquidem homines sumus, quod cum ipso genere humano errare videamur. Aug. de ut. cred. c. 7.

3. Denique consensus ille universalis summam habet vim ad persuadendum, si in causis suis necessariis spectetur. Nam cuiusque effectus universalis causam aliquam generalem esse oportet. Atqui causa nulla generalis præter has fingi potest: videl. naturæ instam & innatam cogitationem; vel naturalem & communem propensionem ad hanc opinionem, penitus animo combibendam statim atque menti proponitur; vel facile & obvium omnibus ratiocinium ductum ex consideratione rerum naturalium; veldenique communem traditionem acceptam a communibus parentibus, & ab initio rerum ad hæc usque tempora derivatam. Sed si primum, vel secundum, vel tertium concedant Athei, convicti sunt, ut proximo argumento efficiemus. Sin vero ex traditione accepta a communibus parentibus derivare velint hunc omnium sæculorum perpetuum sensum: in hacce etiam hypothese magnam habere debet vim ad persuadendum primorum parentum auctoritas, qui quo propius aberant ab ortu rerum, hoc melius sine dubio, ea quæ erant vera cernebant. Verum hanc hypothese vanam esse probabunt ea omnia, quæ in sequenti argumento dicturi sumus, nec profecto ut habet Tullius (*lib. 2. de Nat. Deor. c. 2.*) *id nisi cognitum comprehensumque animis haberemus, non tam stabilis opinio permaneret, nec confirmaretur diuturnitate temporis, nec una cum sæculis, statibusque hominum inveterare potuisset.* Etenim videmus ceteras opiniones fictas atque vanas diuturnitate extabuisse. Quis enim Hyppocentaurum fuisse aut Chimæram putat? Opiniones enim commentis deles dies, naturæ iudicia confirmat.

Præterea juxta fundamentale Athcorum principium omnis perceptio, omnis

Tom. I.

cognitio est ex sensibus, ut habet Lucretius:

*Invenies primis a sensibus esse creatam
Notitiam veri.*

Ex illo ergo explicare tementur Athei hanc tam communem de Deo opinionem, atque ideo Epicurus fingebat effluere ex Deorum corporibus vel quasi corporibus simulachra, quæ nostros interiores sensus afficiunt. Democritus vero assererat hæc idola non ex Deorum corporibus effluere, sed in ipso aere sponte nata sese per poros corporis insinuare. Has ridiculas opiniones exposuisse, confutasse est: ut & illam Cardani & Vanini docentium ex tactu siderum natas esse & omnino pendere religiones.

Objicies cum Baylio (*Pens. div. c. 18. & suiv. contin. des pens. div.*). Auctoritas quæ errori & superstitioni patrocinatur, nullius ponderis est. Atqui universalis consensus generis humani in multorum errorum & vanissimarum superstitionum patrocinium asserti potest: nempe ad astruenda eclipsium præfagia, Cometarum minas, vim Siderum in vitam humanam, Divinationem, Polytheismum & Idolatriam.

Respondeo, nego minorem. Nam falsum est illis erroribus imbutum fuisse universum genus humanum, sicut omnium animos occupavit religio. Quotus enim quisque philosophorum vel sapientum fuit, qui illis omnibus addiderit fidem? sed profecto si sapientum ferme omnium suffragio circa Dei existentiam careremus, nunquam arripuissemus argumentum hoc ab auctoritate hominum. Deinde non in omni tempore prædictis opinionibus fidem dedit ipsa plebs. Astrologia judiciaria, & Divinatio, non sunt inditi sensus ac universales, sed artes, quarum regulæ supra caput vulgi positæ erant, de quibus multæ rationes non fando quidem audierunt; quæ & ab aliis receptæ sunt ex sola Sacerdotum auctoritate. Nullum etiam erat consans plebis de eclipsibus & Cometis iudicium profectum a natura, sed momentanea potius terroris ex illis

C

illis eventibus impressio fuit. Quod ad *Polytheismum* atque *Idolatriam* attinet; illa neque ubique obtinere; & ubi obtinebant, conjuncta erant cum notitia *unius supremi & prepotentis Dei*, Deorum omnium, hominumque parentis, ut infra conficiemus ubi de unitate Dei.

Præterea non tantum ab *universalitate testimonii* argumentum petimus, sed ex *natura rei* de qua fertur iudicium. Si quidem potamus iudicium illud de *providentia*, (nam hic non agitur de natura aut unitate Dei) non esse supra vulgi captum, & omnes homines ad dicendam sententiam admittendos esse, quod quæstio dijudicanda sit ex ipsis sensibus, qui cuique sunt interiores; aut ex simplici aspectu naturæ, ejus omnes partes evidenter consilii & solertiæ indicia ferunt. At illa alia enumerata in objectione sunt a vulgi intelligentia longissime disjuncta: neque idonei iudices sunt plerique rudes, quæ causa sit defectuum solis & lunæ, vel ortus & occasus cometarum. Possunt facile rudiores perscrutari, aut obvio & facili ratiocinio consequi, vim esse quamdam cuncta cum consilio gubernantem; quamvis non distincte intelligant, quæ sint attributa istius vis; vel quæ ratio administrationis ejus; an per tactum siderum; an per tutelares & inferiores Deos; an per particulares voluntates, quarum indicia voluit esse Eclipses, Cometas, aliaque prodigia, res humanas moderetur. Idem sæpe contingit ipsis Philosophis, qui existentiam multarum in natura virium compertam habent, quamvis neque has vires, nec earum causas, nec earum leges, possint describere.

Denique istorum omnium errorum, *Polytheismi*, *Idolatriæ*, *Divinationis*, aliorumque religionis adjunctorum causas, principia, initia, progressus novimus: nullam habent constantiam, sed facile ex animis extirpantur. Religionis ipsius nullam causam nisi naturam, nullum initium nisi originem rerum de-

prehendimus; sique naturæ congruens est, sic penitus ei infusa, ut nullo modo illam exuere possimus. Vide *Stillingfleeti* Origines sacras. *Barrow* t. 2. serm. 8. *J. L. Fabricii* Apologeticum pro genere humano. *Elizaldi* formam veræ rel. quær. & inv.

ARGUMENTUM TERTIUM

Ex sensibus naturalibus.

Quæ superiori argumento de hominum universali sententia & illius exterius consideratæ auctoritate disputata sunt, sponte ducunt ad sensuum naturalium investigationem, ut pervideamus, an illa tanta & tam constans omnium in una re consensio non sit a natura ipsa profecta, & quæ sit naturæ auctoritas. Tamen quoniam alius locus (Ubi de lege naturali) erit illos sensus naturales evolvendi, hic non nisi breviter in illorum explicatione versabimur.

PROPOSITIO.

Interior natura humana vox, seu, insitit a natura omnium hominum mentibus sensus Deum esse indicant & universalem hominum consensum peperere.

PROBATIO.

Existit profecto Deus, si naturæ vox summam habere debeat auctoritatem, & illius voce ad Dei notitiam perducamur.

1. Summa apud nos esse debet naturæ auctoritas; quia illam solam nacti sumus in omnibus præceptricem: nec illius vim tollere possis, aut in docendo auctoritatem, quin omnem simul tollas veritatis inveniendæ viam: quid enim metaphysica veritas est, nisi idearum convenientia, quam sensu quodam naturæ insito apprehendimus? Quid veritas physica, nisi quæ sensibus externis naturæ nostræ adjunctis, percipitur? Pone sensus naturales fallere posse, aut, universales errores naturæ humanæ adjunctos esse,

esse, finem omni disputationi posuisti; in qua semper ab aliquo principio certo & concessio est proficiendum.

Et vero in quacunque hypothesi, sive Theistarum, sive Atheorum, est naturæ sanctissimum iudicium, cui sese non submittere, incredibilis stultitia est. In hypothesi quidem Theistarum: quia apud eos, ut scribit Seneca; *nihil aliud est natura, quam divina ratio. mundo & partibus ejus inserta*: seu vox naturæ, vox est illius, qui naturæ inventor & informator est; adeoque si natura duce erraremus, falleret nos Deus. In hypothesi etiam Atheorum sanctissimum haberi debet iudicium naturæ; quia cum apud ipsos omnis intelligentia sit passio ex rebus externis orta, quisque sensus proprium & particulare objectum habere debet; quia etiam nulla omnino alia norma iudicii esse potest: hincque, ut infra dicemus, veteres Athei *id cuique verum esse, quod sibi videretur*, affirmabant; ex quo nos concludimus *id omnibus verum esse, quod omnibus videtur*. Vel si ut ipsi concedunt, quæque perceptio & quique sensus causam aliquam particularem & objectum particulare habere debeat; ergo perceptio diffusa in omnes & sensus communis, universalem causam & commune objectum debet habere.

2. Naturæ interiore voce seu sensibus naturalibus ad Dei notitiam perducimur. Nam gerimus in animis legem ad quam non docti, sed facti sumus, sensum honesti & turpis. Experimur legem hanc sanctionem habere naturalem, in conscientia delicti, quæ ægritudinibus angit, cum legis præcepta non servamus; & in sensu suavitissimo innocentie, quo perfundimur cum vitam omnem secundum legem instituiamus. Hujus sanctionis pars est naturalis præsensio futurorum sæculorum; expectatio jucunda melioris ævi sponte occupat bonorum animos; sollicitat malos futurorum suppliciorum metus. Cum his omnibus connexus est sensus naturæ alicujus, curantem res humanas, habentis bonorum &

malorum rationem, illos remunerantis, hos punientis. Naturales esse hos sensus. efficitur ex eo, quod sint universales, naturæ congrui & constantes.

Primum ex universalitate: nam certe est aliquod testimonium naturæ, sunt principia aliqua prima, quæ probanda non sunt, sed admittenda, quæ appellantur lumine naturali nota, seu communes conceptiones; quibus si careremus, actum esset de scientiis omnibus, nec quidquam unquam confici posset, cum a nullo certo principio initium disputationis sumere possemus. Atqui si aliquæ sint ejusmodi primæ intelligentiæ & communes conceptiones, illæ sunt procul dubio, in quibus gentes omnes conveniunt & natura tota consentit. Illa a Philosophis habentur naturalia, quæ speciei alicui communia esse constants docet experientia, vel quæ ita communia sunt, ut paucissimæ sint exceptiones; sic naturæ hominum adjunctum est, videre, audire, &c. Sic gravitatem adjunctam esse omni materiæ communis lege concludunt Physici, quia omnia nobis cognita corpora, huic legi subiecta sunt. At nihil est, in quo natura humanæ mentis in omnibus individuis, tam similis, tam eadem est, quam in illis sensibus modo enumeratis.

Et certe si de aliqua re nos natura inlustrare debuerat, nihil erat omnibus adeo necessarium, quam notitia Dei & primum principiorum Religionis & vitæ moralis. Ergo cum omnes inveniamus ad hanc notitiam institutos, bene auguramur. hanc esse naturæ institutionem.

Secundo: evidentiissimum indicium est, sensus illos naturales esse, quod omnino sint naturæ congruentes & plane indelebiles. Illi quippe sensus non instituti & legibus confirmati sunt, non illos communes fecit collocutio hominum, sed sponte & naturaliter exoritur in animis, ut quævis alia affectio naturalis; id patet ex eo, quod illorum non minor vis sit apud incultam plebem, seu etiam barbaras gentes; quam apud

C. 2. illos,

illos, quos doctrina expolivit. Deinde si quid contra naturam est, eo exui exultat natura, tanquam soluta ab iniquo onere, & nativam consecuta libertatem: quod vero secundum naturam est, id non nisi cum multo labore violenter elevatur, & prima data occasione rursus occupat animum:

Naturam expellas furca, tamen usque recurrit. Hor.

Porro hoc in re præsentī evenire certum est; fac omnia loca personare præceptis Atheorum; nemo vel in ipsis Epicuri scholis ad hos sensus naturæ obfunderetur: multi naturæ bonitate domiti ad legem illam ingenitam, ad quam non essent docti vitam componerent; & virtus, præsertim adversam passa fortunam, spem injiceret melioris ævi: dum alii aspernati illam legem, conscii invito delicti, ipsi se fugerent & perpetuis ægritudinibus eliderentur. Alias unde factum est, quod cum integræ nationes formam religionis sæpe mutaverint, & falsam pro falsa, & veram etiam pro falsa reliquerint, nulla tamen hæcenus crediderit juxta præcepta Atheorum sine religione vivendum esse.

Sed utamur in hac parte gravissimis auctoribus Epicuro & Lucretio: in Epicuri ratīs sententiis hoc enuntiātum fuit: *si ea quæ luxuriosis sunt efficiētia voluptatum, liberarent eos Deorum & mortis metu, docerentque qui essent fines cupiditatum, nihil haberemus, &c.* Concludebat in illo loco non posse jucunde vivi, nisi honeste vivatur; quod ea quæ luxuriosis sunt efficiētia voluptatum metus incipiant graves Deorum, quibus nulla liberari possunt industria, nisi vitam secundum virtutis normam instituunt. Lucretius etiam confitetur plerosque suos

in schola Epicuri condiscipulos terroribus iisdem frangi, præcipue in rebus adversis, & tunc acrius advortere animos ad religionem, etiam si profiteantur se scire animum nihil nisi sanguinem esse: quem locum his pulcherrimis verbis & ad rem nostram aptissimis concludit.

Quo magis in dubiis hominem spectare periculis

Convenit, adversisque in rebus noscere, qui sit:

Nam vera voces tum demum pectore ab imo

Ejiciuntur, & evipitur persona, manet res.

Fortasse etiam recte pronuntiat Seneca de Atheorum fortissimis: (a) *mentuntur, qui dicunt se non sentire esse Deum, nam etsi tibi affirmant interdiu, noctu tamen & sibi dubitant.* Certe Cotta apud Ciceronem de ipso Atheorum duce Epicuro dicit. *Nec quemquam vidi, qui magis ea, quæ timenda esse negaret, timeret; mortem dico & Deos.*

Objicies 2. Ita de divina gubernatione opinio a metu proficisci potuit. Homines enim cum natura imbecilles & infirmos se esse sentiant, perpetuis curis & sollicitudinibus die noctuque exedi, atque rerum futurarum expectatione excruciatī: hisce angoribus adducti sunt ut res sibi fingant animo terribiles & formidolosās, multaque suspicentur & credant esse, quæ nusquam sunt, atque inter alia ut sibi fingant naturam ab oculis haminum remotam & rationis partecipem, quæ ad arbitrium suum in orbe dominetur; & quicquid vocabulorum excogitare possunt ad reverentiam & studium suum testandum, id in fictam illam naturam conferunt, omnesque vias placandi, sibi quoque illam conciliandi exquirunt, & sic se

(a) *Je sens qu'il y a un Dieu, & je ne sens point qu'il n'y en ait point, cela me suffit; tout le raisonnement du monde m'est inutile: je conclus que Dieu existe. Cette conclusion est dans ma nature, j'en ai reçu les principes trop aisément dans mon enfance; je les ai conservés depuis trop naturellement dans un âge plus avancé, pour les soupçonner de fausseté. Mais il y a des esprits, qui se défient de ces principes: c'est une grande question s'il s'en trouve de tels: & quand il seroit ainsi, cela prouve seulement, qu'il y a des monstres. Caract. de la Bruyère, cap. 16.*

se in miseriam derrundant servitutem. Ita vetus Poeta cujus est hoc scitum: *primus in orbe Deos fecit timor*. Vide Lucretium l. 6. v. 49. Spinosam in praefatione ad tractatum theologicopoliticum. Hobbius lev. c. 12.

Respondeo 1. nego consequentiam. Nam etsi concederemus sensum divini Numinis a metu esse, nihil proficeret Athei: quia si metus ille naturalis sit, si sit innatus animis, si sit diffusus in omnes, non minus arguet divini Numinis existentiam, quam ipsa notio Numinis mentibus indita: certe si ve homines ad agnitionem Numinis naturalibus & insitis affectibus ducantur, si ve insit naturaliter notio Numinis, id eodem redit. Quia in utraque hypothesi, si nullus Deus sit, vanitatis damnanda est natura, quod summe stultitiae est.

Respondeo 2. nego antecedens. Quia, 1. temeritatis habet multum, id assumere sine probatione, quod in controversia positum est. 2. impudentissima est illa impiorum hominum in omne genus humanum calumnia, quasi vero universi usum rationis vanis terroribus amiserint, pauci Athei magno, constanti & imperterrito animo fanatici hujus metus vim effugerint. 3. Si notio Numinis a metu profecta fuisset, rem sibi fingerent homines formidolosam & trulentam, suae vitae insidiantem; sed contrarium sibi persuadent; Deum naturam putant amabilem, optime de nobis meritam, cultuque nostro dignissimam: adeoque Athei melius decrevisset *speciem* originem Dei notioni dedisse, sique rationem verisimilium instituisset: homines cum incerta rerum humanarum cererent, sollicitos naturam quæsitivisse, tum potentem, tum humani generis amantem, quæ fortunas suas adversas omnes insidias temporum, hominumque firmaret; itaque rem sibi finxisse supra omne id, quod videmus, positam, potentem & beneficam, ad eamque, quod tuis sibi liceret esse, precibus & sacrificiis confugisse. Certe ita Plinius ab Aethiopia impetrate non alienus ratio-

nem deduxit dum docuit sensum Numinis & immortalitatis *puerilium delinquentorum, avidaeque nunquam desinere mortalitatis commenta esse*.

4. Uti supra diximus, nulli minus sunt de futuris eventibus solliciti, quam illi in quibus est summa in Deum pietas: nulli majoribus ægritudinibus eliduntur, quam Athei, seu ii qui sensum Numinis ideo praefocare conantur; adeoque potius Deum timor fultit quam fecit.

Obijcies 2. Religionis seu persuasionis istius de existentia Dei causa, ignorantia jure censeretur potest. Homines enim ipsa natura feruntur ad causarum indagationem, atque tanta est scientiae cupiditas, ut si eventuum nullas naturales causas valeant invenire, alias sibi fingant non naturales, tragicos imitati, qui si exitum fabulae invenire nequeant, Deum quemdam ex machina advocant: ita Hobbius lev. c. 12. *Mecus perpetuus, qui genus humanum in causarum ignorantia, quasi in tenebris, comitatur, obiectum habet necessario aliquod: quia ergo fortunarum suarum causam aliquam homines non vident, nihil est quod accusare possunt præter potentiam aliquam & agentem invisibilem: atque hinc fortasse erat, quod veterum Poetarum aliqui Deos primos a timore factos esse dixerint: iisdem ex causis natam esse statuerunt popularem doctrinam de inferioris ordinis mentibus supremo Numini parentibus*. Ita etiam Lucretius, l. 5. v. 1182.

Præterea Cæli rationes ordine certo.

Est varia annorum cernebant tempora verti,

Nec poterant, quibus id fieret, cognoscere causas:

Ergo perisugium sibi habebant, omnia Divis

Tradere, & illorum metu facere omnia flecti.

Respondeo 1. Nimirum habere arrogantiam, opinionem defendere, imponendo omnibus hominibus calumniam ignorantiae.

2. Asserenda est hujus assertionis aliqua



qua probatio. Nam Theistæ ex altera parte contendunt se duci ad Dei notitiam non per ignorantiam, sed per clarissimas mentis perceptiones, per evidentissimas consilii & artis indicia, per sensus omnes interiores.

3. Ducuntur Theistæ ad agnitionem Dei, considerantes Atheorum imperitiam & vanitatem; qui postquam illud principium, *ex nihilo nihil fit*, universæ lux philosophiæ fundamentum fecerunt, omnia *ex nihilo* fingere & *sine efficiente causa* conungunt: *corpora* omnia, quæ cum nullam habeant externam existentiae causam, nec internam lux existentiae rationem, utpote non necessaria; ex nihilo sponte & sine causa orta esse necesse est.

Deinde *motum*: ille enim juxta plures Atheos, & imprimis Spinolam, essentialis materiæ non est: nec potest juxta eosdem temeritatem movere. Quid hoc est, nisi statuere motum sine causa existere, actionem sibi fingere sine causa efficiente? Postea *sensum* & *rationem*: has facultates ex motu educere, est ex nihilo procreare: immo in hypothesi quod materia possit cogitare, ita se habet intelligentia respectu corporis moti, ut motus respectu corporis quiescentis. Sicut igitur hujus causa aliqua assignanda est, ita & illius. 4. *Libertatem*: Nam quod exegitavit Epicurus figmentum, esse in atomorum motu libertatis quoddam genus, ortum ex levi inclinatione earum, id vehementer est absurdum, idemque valet ac si dixisset ex nihilo libertatem nasci hominum: nam cum atomi certo definitoque ferantur motu, parum refert inclinentur quædam, necne; necesse sane est esse omnia fato & ineluctabili necessitate constricta. Quinto: nec explicare possunt Athei, unde oriatur *species* & *pulchritudo* rerum: hanc casu & fortuito contigisse aiunt; sed *casus* & *fortuna* voces sensu & potestate vacuæ sunt, nisi per eas intelligas, vel absentiam causæ intelligentis: sed quis feret hoc, absentiam causæ intelligentis esse causam pulchritudinis? vel intelligas confusionem & temeritatem; sed quis feret

illud, confusionem peperisse ordinem, temeritatem produxisse artem & sapientiam? Sexto: nec *communis* illius de Deo *opinionis*, nec *sensuum naturalium*, qui pulsant omnium hominum animos; nec cur tanta sit religionis utilitas seu efficientia ad felicitatem vitæ, vel ad societatis seu naturalis, seu civilis incoluitatem, ullam possunt invenire rationem. Hujus eorum inscitia causa in promptu est; quod in rebus explicandis proficiscantur a re omnium vilissima & abjectissima, *materia* vid. *inerte*, & gradibus ascendunt ad id quod est in natura præstantissimum; quasi vero effectus causa sua nobilior & præstantior esse possit. E contrario bene explicant omnia Theistæ, quia sumunt initium ab eo quod summum est, & facultates minores derivant ex eo quod majori gaudet perfectione, omnesque virtutes in se continet, uti fufius in sequentibus exponetur. Hisce rationibus, non causarum ignorantia, ducuntur Theistæ ad notitiam Dei.

Obijcies 3. Sensus ille Numinis bene in *Legislatorum versutiam* refundi potest. Illi quippe cum intelligerent fore, ut multo facilius in officio erga Magistratus continerentur cives, si Deum esse putarent: vitia illa naturæ pravorem & ignorantiam sollicitè foverunt & semina fecerunt Religionis. Ita ex omni tempore Athei docuerunt antiquiorum mentem sic expressit Plato, l. 10 de leg. *Deos, o beate vir, primum affirmant non naturæ esse, sed arte unice ac legibus constitutos, hincque fieri ut singulis regionibus. Et populis proprii Dei sint, pro diverso eorum, qui leges vogarunt civitatum, ingenio Et indole. Quorum secutus vestigia Hobbius, religionem & superstitionem sic definiit: metus potentiarum invisibilium, sive fictæ, illa sint, sive ab historiis accepta publice, religio est: si publice accepta non sint, superstitio.*

Respondéo, 1. Expectare nos hujus assertionis rationem aliquam probabilem: quæstio facti est, quæ exemplis est confirmanda; at nullum habent Athei. Nam quod,

quod Legislatores omnes vim religionis perspicientes illa usi sint ad continendos in officio cives, quodque varias leges rulerint ad inducendam cultus publici uniformitatem, fovendamque pietatem erga Deos; id non juvat Atheos: quia ita agere debuissent, si naturalis fuit hominibus sensus Numinis. Quod etiam quæque civitas Deos proprios habuerit; id non est profectum ex diverſa indole Legislatorum, qui summi viri fuerunt, & a vulgi imperitia & stupore multum distantes; sed ex levitate multitudinis, cui nunquam satis fuit habere cum reliquis hominibus communem parentem, qui curam omnium æqualem gereret: sed insuper Deos *indigenas, locales, gentilitios & tutelares* habere voluit, qui sibi suisque rebus specialiter invigilarent: cui populari ingenio morem gerere coacti sunt præstantissimi Philosophi & maximi Legislatores.

2. Non legibus aut institutis introductam esse de Deo opinionem, patet ex eo; quod illa haud minus vigeat apud barbaras gentes, quæ carent omni cultu civili, quam apud humaniores.

3. Haud facile intelligitur, qui opinio, nec in sensu naturali fundata, nec rationi consona, quæque supponitur hominibus molesta, eosque gravissima servitute deprimere, tam facile omnium animos occupaverit.

4. Qui factum est, ut non tantum cives, sed ipsi Reges & Magistratus; non tantum indocti, sed ipsi sapientes; vanis somniis deludi se patiantur, nec istud veterum Regum & sapientum arcana non noverint?

5. Cur tanta, inter alias omnes, istius fraudis felicitas fuit, ut per tot secula apud omnes vigeret? Cæteras opiniones fictas atque vanas videmus diuturnitate exstiterisse: hæc stabilis permansit & cum sæculis ætatebusque hominum inveteravit.

Denique qui factum est, ut cum fraudem a tot sæculis Athei decernerint, hominesque admonuerint, tanta tamen sit horum in errore isto perversitas, ut ma-

gistros Atheos irrideant, exhorreant, & salutarem doctrinam indignati aspiciuntur. Vide *Cædus. syst. intell.*

ARGUMENTUM QUARTUM.

Ex novitate Mundi.

FUIT illa aliquorum paucorum, tum veterum, tum recentiorum Atheorum opinio, supremi Numinis, a quo conditus hic mundus fuerit, existentiam negari non posse, nisi mundi ipsius defendatur æternitas. Quamvis hi multitudine aliorum, mundo initium ac finem tribuentium, plane obruantur, eorum tamen rationem habebimus; ac æterni mundi vanissimam opinionem præsertim ex gentium antiquissimarum traditionibus & monumentis temporum consutabimus.

PROPOSITIO.

Mundi originem æternam non esse, probant omnium nationum antiquissimarum traditiones: confirmant omnia temporum monumenta.

PROBATIO.

1. Gentium omnium antiquissimarum traditiones humani generis & mundi originem non æternam, sed recentem esse testantur,

Omnium scriptorum antiquissimus *Moses* libros suos ab his verbis exorsus est: *in principio Deus creavit cælum & terram*. Sicque definito rerum omnium initio, universi generis humani historiam, serie generationum non interrupta, ad suum usque tempus perducit. Hæcque omnia non dubitans, non disputans, ut Philosophus solet, sed rem simpliciter narrans, tanquam omnibus notam, eum summa securitate historicus determinat. Fuit ergo hæc constantissima doctrina vetustissimæ Hebræorum gentis; immo si fides ulla addenda est antiquissimæ illi historię, fuit communis traditio omnium hominum.

In eadem opinione, circa mundi hujus acceptabilis formationem ex rudi & indi-

ndigesta mole, fuerunt etiam *Phœnices*, ut constat ex *Sanctioniathone*; & *Aegyptii*, ut colligitur ex *Diodoro Siculo* & *Diogene Laertio*; & *Chaldaei* seu *Babylonii*, ut narrat *Berosus*; & *Persæ* (*Hyde, de Rel. vet. Pers.*) & *Græci*, ut omnibus notum est ex eorum Poetis *Homero*, *Hesiodo*, *Orpheo*, &c. qui mundi cecinere nativitatem.

Hæc denique omnium Philosophorum antiquissimorum, tum Theistarum, tum Atheorum sententia fuit; ut *Thalesis*, *Pythagoræ*, *Anaximandri*, &c. quos enumerare necesse non est, cum gloriatur *Aristoteles* (*L. 1. de celo*, c. 10.) se primum omnium, mundi æternitatem asseruisse. Et unus tantum laudari solet *Ocellus Lucanus*, antiquior ejusdem opinionis assertor.

2. In monumentis omnibus temporum antiquiorum mundi recentem originem & totius gentis humanæ quasi ab infantia ad pueritiam & adultam magis ætatem progressum animadvertimus.

Et primum quidem, si tellus nostra & genus humanum sempiternum esset, existeret aliqua sempiterna natio; aut saltem aliqua, cujus originem determinare non possemus: sed nulla talis est. Nam majorum omnium & antiquissimarum gentium origines complexus est *Moyles*. *Hebræorum*, *Phœnicum*, *Ægyptiorum*, *Affyriorum*, *Persarum*, *Arabum*, & eorum, quæ sibi noxæ erant, initia Græci Historici prodiderunt; *Sicyoniorum*, *Atheniensium*, *Arcadiorum*, *Thebanorum*, *Spartanorum*, *Corynthiorum*, *Doriorum*, *Creensium*, *Elidorum*, deinde *Siculorum*, *Italorum*, *Macedonum*, &c. (a) ex quibus omniumque aliarum originem bene concludere possumus: nam quis sanæ mentis sibi persuadeat, Græciam, tam jucundam, tamque temperatam terræ regionem, in medio fere mundo sitam; Asiæ, Africæ & Europæ conterminam; desertam tamdiu remansuram fuisse, si

ab æterno mundus extitisset? Aut si incolis non caruerit, nulla a Poetis, Historicis, Philosophis monumenta reperiri in Græciâ potuisse, quæ æram christianam plusquam bis mille annis antiquitate superarent?

Jam vero hæc accipiunt vim ex consideratione ingenii & indolis humanæ. Omnium etenim sæculorum experimento notum est, nihil hominibus pluri esse, quam propriæ gentis, vel reipublicæ suæ antiquitatem. Hinc istud olim vetustissimarum gentium de antiquitate certamen. Qui ergo domus nulla, nulla natio, regnum nullum suam jactat æternitatem? Accedit & illud. Nihil est hominibus familiarius, nihil jucundius, quam rerum antiquissimarum atque a nobis amotissimarum inquisitio? videmur quippe hoc pacto quamdam divinitatem nascisci, si occultissima & remotissima noverimus: fidem faciunt tot libri de singularum gentium antiquitatibus, de veterum gestis, dictis, minutioribusque rebus conscripti. Quod si ante majorum memoriam atque ab æterno homines extirre, illos etiam rapisset hic idem antiquitatis explorandæ amor: tamen nihil de æternis gestis memoriæ proditum est, sed brevissimo annorum intervallo omnia conclusa sunt. Omnium rursus experimento notum est, homines desiderio magno flagrare, ut sese, nomenque suum æternum posteris faciant; quod testantur hominum in bello facinora, libri conscripti, ædificia & quicquid demum in mundo præclare gestum est. Illi ergo homines, qui ante sex millia annorum per æternitatem vixerunt, eodem posthumæ æternitatis amore tangebantur, qui ergo nihil de æternis gestis memoriæ proditum, neque libris, neque inscriptionibus, neque ædificiis?

Secundo, si mundus sempiternus fuisset, æterna hominum inventione & laboribus ante omnem memotiam inventæ, & ad

(a) Vide *Marshall in chron.* *Bochart in geogr. sac.* *Pezron de antiquit. tempor.* *Fourmont in Sanchez.* *Stillingfleet in Originibus sacris.* *Shuckford in Historia mundi.* *Historiam universalem Anglicana societatis.* *Jaquetot de exist. Dei,*

ad perfectionem deductæ fuissent artes, scientiæ, & cuncta illa quæ nunc habemus, sive ad utilitatem, sive ad oblectationem. Quid enim immensa illa æternitatis retroacta series illis omnibus absolvendis, multique aliis excogitandis non suffecisset; ad quæ videmus suffecisse tria annorum millia? Sed hæc omnia recentem habent originem, teste Romanorum doctissimo *Varrone*, qui suo tempore asserbat, vix ullam artem superasse antiquitatem mille annorum.

Et revera prima *Ceres* seminandi, metendique *frumenti* modum Græcos docuisse fertur; ideoque divinos accepit honores. *Ceres* autem ex Oxoniensi marmore annis ante Christum 1409. in Græciam appulit. *Vini* usum juxta *Moysem Noe* primum invenit; juxta scriptores Græcos *Bacchus*, qui vel *Noe* est, ut eruditi complures putarunt, vel eo longe posterior.

Fonderum & *mensuravum*, sicut & *moneta*, primus inventor, teste *Plinio*, cæterisque, *Phido Argius*, qui annis ante Christum 895. juxta marmor Oxoniense florebat.

A *Babiloniis*, qui primi astrorum observatores fuerunt, *Horlogii solaris* usum Græcos accepisse scribit *Herodotus* l. 2. cujus inventio ab aliis *Anaximandro*, ab aliis discipulo ejus *Anaximeni* tribuitur.

Primus in statuis membra *Dædalus* asfinxit, suamque sculptura perfectionem non nisi temporibus *Phidie*, *Lysippi* & *Mironis* accepit.

Tam rudem initio pingendi artem fuisse scribit *Ælianus* l. 8. c. 8. ut quid prægere pictor voluisset, super tabulas scribere necesse esset. Paucis ante *Romulum* annis primus masculum a femina distinxit *Higeymon* ex *Plinio* l. 35. c. 8. Ante *Eumæum* Atheniensem omnia indiscriminatum oblecta pingere nemo poterat. *Musices* elementa primus docuit *Pythagoras*.

Naves a *Phœniciis* primum ædificatas esse omnes consentiunt. Hinc urbs minor, quæ diu sola a nautis observata est, *Phœnicia* vocatur. Prima autem in Græcia visa est *Danai* navis juxta *Plinium* l. 7. c. 26. id est, ex marmore Oxoniensi annis

Tom. I.

ante Christum 1511. cum *Eriethonius* regnaret. Primum navale certamen *Corynthios* inter & *Coreyrenses* commissum fuisse annis antequam hæc scriberet 264. narrat *Thucydides*.

Litterarum usum Græcos docuit *Cadmus* annis ante Christum circiter 1494. nec apud antiquissimam *Ægyptiorum* gentem, quæ earum inventrix fortasse fuit, memoriam humanam superare, patet ex hieroglyphica & symbolica apud illum populum scribendi olim rationem, quam litterarum inventionem præcessisse valde probabile est; ut efficit *Warburton de div. Moyfis leg.* vol. 2. l. 4. sect. 4.

De *Philosophia* nihil ante *Pythagoram* Italicæ sectæ principem in Græcia fuerat auditum; unde ab annis minus quam mille cognitam mundo sapientiam *Seneca* scripsit. Primus rudem *Astronomiam* Græcos docuit Princeps *Jonicæ* sectæ *Thales*, qui eam ab *Ægyptiis* ex *Diogene Laertio* didicerat. *Alexandri* tempore fluxum ac refluxum maris portentosum quid fuisse patet ex *Quinto Curtio*. Ignorata diu *eclipsium* causa, atque hinc factum est, ut ab omnibus fere populis, non tam ut naturales effectus, quam ut divini, vel favoris, vel furoris indicia spectarentur. Primus *Socrates* philosophiam è cælo devocavit, & ad fingendos hominum mores adhibuit. Quibus authoribus exculta crevit *Mathestis*, scimus. *Medicinam* primus docuit *Hippocrates*: *Herodoti* ætate publicis in vicis ægrotantes exponebantur, ut quænam adhiberi possent remedia, transeuntes, si scirent, indicarent.

Legislatorum omnium, qui populos ad civilem cultum deduxerunt, nomina & ætatem novimus, *Moyfis*, apud *Hebræos*; *Zoroastri* apud *Perlas*; *Orphei*, apud *Thracas*; *Lycurgi* apud *Lacedæmonios*; *Thesei*, *Draconis* & *Solonis* apud *Athenienses*; *Pythagora* in magna Græcia, & aliorum.

Ethnicarum denique *Religionum* nulla pars est, cujus originem in historia non inveniamus. Omnium gentiliorum Deorum natales & vitam in terris olim descripsit *Euthemerus*; ideoque *Epicureus* apud *Ciceronem*, ait omnem eorum cul-

D

III

quum fuisse in lectu. Temploꝝ, Statuarum, Altarium, Oraculorum, Caveminarum & Sacroꝝ omnium originem novimus: ut probat Jacquelot de ex. Dei. Atheismi quoque primos auctores memorie prodidit historia, *Anaximandrum, Lencippum, Democritum*: hanc gloriam Epicuro suo tribuit Lucretius, l. 1.

Humana ante oculos sēde cum vita jaceret

*In terris oppressa gravi sub Religione:
Primum Gigas homo mortales tolera
contra*

*Est oculos ausus, primusque obfistere
contra.*

Tertio, omnes celebriores eventus, & quæ ad eorum conservandam memoriam institutæ sunt solemnitates certam & determinatam ætatem habent. Etenim cum vetustissimus ille Græcorum præcipue mos fuerit, ut ad retinendam consecrandamque personarum & eventuum maximorum memoriam, solennes ludos instituerent: ex horum ludorum antiquitate, quæ heroum, quæ eventuum sit antiquitas, colligi facile potest. Atqui ludorum omnium antiquissimi, qui *Luperciales* dicebantur, a *Lycæone* secundo annis ante Christum 1337. instituti sunt. *Panathænos* *Eriethonius* & *Theleus*, notæ ætatis Heroes, instituerunt. *Isthmios* *Glaucus* *Corynthiorum* Rex. *Pythios* primum instituisse dicitur *Apollo*, post interfectum latronem vel draconem *Pythonem*. Idem cum in desuetudinem abiissent anno tertio Olymp. 48. juxta *Paulaniam*, vel anno secundo, Olymp. 47. juxta marmor *Oxonienſe* solenni *Amphiethyonum* decreto restituti fuerunt.

Olimpicos tandem omnium celeberrimos primum instituit juxta aliquos in parentis sui funere *Atreus*, juxta alios *Hercules* a quo ad eorum sub *Iphito* inaugurationem annos 346. *Velleius* numerat. Iterum ab *Iphito* ad *Corabum*, qui primus est victor, cujus servatum posteris nomen est, anni 108. effluerunt. Ab hoc anno qui est 776. ante Christum *Olimpiades* numerantur.

Ergo publica omnium gentium & monumentorum fide certum est, ante qua-

tuor mille annos homines omnes paucissimis familiis contentos fuisse, in omni victu & vivendi ratione universa civili cultu caruisse; scilicet, sine urbibus, sine jure, sine lege, extra omne litterarum, scientiarum atque artium commercium vixisse. Mox vicos, pagosque secutos; deinde urbes, respublicas, & regna paulatim constituisse; factas leges, artes inventas atque scientias exegatas; cunctaque illa quæ ad pacis ac belli, & tam publicæ, quam privatæ vitæ rationem spectant, horum omnium initia & incrementa constare: nullam omnino vastissimæ æternitatis superesse memoriam, aut regnorum, aut urbium, aut bellorum, aut inventionum, aut aliquorum in sapientia excellentium virorum, magnorumve ducum. Ergo eam omnem auctoritatem habet mundi recens origo, quam fides publica alicui sententiæ asserere potest. Vide de toto hoc argumento Jacquelot de existentia Dei, & hujus operis vol. 2. ubi de auctoritate antiquitatum Judaicarum.

Objicies 1. cum *Ocellio Lucano* & *Aristotle*. Primum argumentari debemus de rebus incognitis ex rebus cognitis, & de temporibus præteritis ex temporibus præsentibus. Sed non experitur aliquid jam de novo fieri: omnia serie quadam inter se nexa perpetuo tenore per generationis leges evolvuntur. Secundo, id omne quod generatur a statu imperfecto, ad statum perfectum variis incrementis procedit; ac postea ad corruptionem & dissolutionem perpetuis immutationibus contendit. Atqui nulla est alia productionis via, quam per generationem; quia creatio est impossibilis: & aliunde mundus non habet illa incrementa & decrements, sed est semper idem.

Respondeo, primam rationem esse plane ineptam; quia isto modo argumentari, est manifeste assumere, quod est possum in controversia: & ut notat *Maimonides* more *Nevochim*. l. 2. c. 17. Si quis a teneris aetate in insulam deductus, ibi educatus fuisset, nesciretque rationem humanæ generationis; hoc eadem argumento pertinaciter tueri posset, se nunquam in materno utero inclusum fuisse;

nul-

nullo tempus, quo non spiraverit, quo omnes corporis sui partes eadem munera non obierint.

Secundi argumenti partes omnes, vel falsæ sunt, vel saltem temere assumptæ. Temere primo assumitur id quod via generationis producitur, cum nactum est maturam ætatem, non posse esse ex divina virtute stabile & immortale. Falsa quoque est secunda propositio, omnem productionem esse per generationem; nam hoc assumere est supponere materiam, resque omnes existentis æternas esse, & in Deo nullam esse vim creandi. Denique falsa est & temere assumpta, tertia propositio, vid. mundi stabilem statum esse. Nam juxta philosophiam jam maxime probatam, mundi moles universa laborat & quotidie senescit, iisdem legibus peritura, quibus consistit, nisi manu emendatricem opifex afferat (Newton.). Sol perpetuis effluviis consumitur, & variis corruptionibus obnoxium esse maculæ indicant, magnæ in planetis mutationes observatæ sunt.

Et certe si ex hac nostra tellure conjectura capienda sit, adveniet tandem orbi fatalis dies, nisi elementorum vires perpetuo temperet naturæ parens. Nam præfens terræ organizatio in eo sita est, quod elementa omnia contra vim gravitatis permixta sint, terra, aqua, aer, ignis. Tollitur in cælum terra, in terræ viscera triduntur aqua, aer, ignis: sed juxta axioma, omne violentum non est durabile. Ergo violenta hæc æquilibrii interruptio, per longum tempus durare poterit, lentasque accipere immutationes, sed in æternum permanere non poterit; & vis gravitatis sola, qua telluris partes vincunt quinquies partes aquæ & quam nulla contraria vis satis suspendit, efficiet tandem, ut cavernarum interiorum columnis fatiscientibus, elementa minus gravia excludantur ac juxta pondus specificum disponantur, ex illo statu nulla vi naturali dimovenda. Hanc generalem causam multæ adjuvant particulares. Numquid non cernimus ipsis oculis montium altitudines perpetuis ventorum flatibus & pluviarum aluvionibus e regione aeris in nativum si-

tum & subiectas valles ruere, campis aliquando æquandas? Hincque existere conicam illosium figuram, & capita petrosa, terræ nudata. Legimus in historia, quam plurimos gravibus terræ motibus in subiecta cavernas, quas quasi tumulos singulis ferme paravisse natura videtur, collapsos esse. Numquid non etiam manifestum est, maris alveos perpetuis alluvionibus per flumina factis impleri (*Hist. nat. Theor. de la terre*) & caveas illas subterraneas, quibus flumina & maria ipsa absorbentur, quæque tam necessariæ sunt ad omnium fossilium metallorumque concretiones, & ad fontium perennitates; aliquando arena atque terra, quas aqua secum ex mari & terræ superficie devolvit, ibique defacata relinquit, aliquando occludendas esse: ex quo fiet ut aqua visceribus terræ & alveo maris excluda, superficiem tandem exundatura sit. Nonne tellus omnis ab aquis ubique excessa, ruinæ speciem præbet? Si vero vis gravitatis vincitur vi spiritus, vel ignis subterranei tellurem perpetuo intus excavantis, imminet telluri ex contraria causa ruina: scilicet omnis aqua in terræ viscera recepta aliquando, ibi sepulta remanebit. Si neuter effectus contingit, hoc esse non potest nisi ex sapientissima virium contrariarum temperatione, temeritati seu fortunæ nequam adscribenda.

— Aliis *Ocelli Lucani*, *Aristotelis*, & *Platoniorum* rationibus petitis ex divinæ naturæ activitate infinita, ex ejus bonitate & ex creationis impossibilitate, infra suis locis respondebimus.

Obijcies, 2. Supponi potest terram in sæculorum serie infinita variis obnoxiam fuisse vicissitudinibus, plures passam esse, seu conflagrationes, seu aquarum eluviones; & supponi potest deletos fuisse omnes ferme homines, & cum ipsis extinctas scientias, & deleta antiquitatis monumenta.

Respondeo 1. id supponi non debere; quia non est assumendum sine probatione, quod esse possum in controversia; quia de facto quæsitum est, factum autem ex non contradictione seu mera possibilitate

nemo sapiens deduxerit; quia argumenta positiva arbitrariis suppositionibus non reselluntur; quia istarum conflagrationum seu eluvionum generalium ipsa ex naturalibus causis possibilis non adstruitur. Deinde illæ calamitates, si omnino generales fuerunt, gens humana omnis periret & reovata postea est: & in hac hypothesis novitas mundi defendenda est. Si fuerint particulares illæ calamitates, æterni mundi defensoribus nihil proderant; quia non de quadam particulari terræ parte, sed de toto orbe disputamus. Ogygis diluvio submersa fuisse Attica: non ideo totum periit humanum genus: non ideo inventas & excultas in aliis regionibus artes extinguere, aut deleri præteritarum rerum monumenta oportuit. Certe ex illo diluvio Noemico, quod universalissimum accepimus ex libris Moïsis, etsi solus Noe cum familia superstes fuerit, conservata tamen est aliqua antiquiorum temporum memoria, saltem ipsius diluvii, apud omnes nationes.

Obijcies 3. Totius nostræ telluris superior pars argumento est, illam antiquissimam esse & a multis sæculorum millibus cum plantis atque animalibus existeret. Nam 1. demonstratur montes omnes etiam altissimos, & universam telluris partem exteriorem ad magnam usque altitudinem ab aquis marinis factam esse, extructam successivis alluvionibus, & per strata compositam; adeoque omnes terras maris olim fundum fuisse. 2. Ostenditur terram non fuisse in hoc situ, neque sic ab aquis compositam, nisi multis ab hinc sæculorum millibus.

Primam propositionem hæc confirmant. 1. Montium conformatio omnis. Et primum quidem observatur, quod in montibus vicinis & oppositis alterna sit angulorum prominentium & intimorum oppositio: id est, quod anguli unius prominentes oppositi sint angulis alterius intro recedentibus ad modum ripæ fluminis: quæ forma non potuit nisi ab aquis interlabentibus proficisci. Secundo observatur quod eorundem oppositorum montium altitudo sit æqualis; quæ æqualitas ostendit illos formatos fuisse sub aquis ad

libellam compositis. Tercio observatur, quod in omnibus materia similis sit; quæ similitudo indicat causam eandem & eodem tempore agentem.

2. Probat materia omnis, ex qua montes & universæ terræ pars superior componitur. Sunt enim *rupes*, *lapides*, *argilla*, cæteraque ejusdem generis, quæ ex arena tenui confecta non potuere, nisi ab aqua arenas coæservante, formari. Sunt *Conchæ*, aliæque piscium exuvie; quæ in montium verticibus & in terra ad altitudinem maximam reperiuntur, in lapidibus marmoribusque passim inclusæ, materia circumjecta plenæ, in maximas moles quandoque coæservatæ; & quedam etiam conchæ effodiuntur dissitis regionibus præliantes. Hæc omnia mare innuunt, cujus aquæ conchas a regionibus, tum dissitis, tum vicinis, congregaverunt; congregatas arena in lapides post modum convertenda impleverunt & circumdederunt; tum efformata desuper lapidum & terræ mole penitus obverunt.

3. Confirmat situs variorum stratorum lapidis, marmoris, argillæ; quæ sibi sunt parallela, horizontalia, vel horizonti similiter inclinata, hic stratorum situs ostendit, ea ab aquis successiva alluvione instar sedimenti fuisse deposita: quod etiam conficitur ex *rimis* seu *fissuris perpendicularibus*, quæ in hisce omnibus stratis inventæ siccata, post aquarum recessum, evidenter adscribendæ sunt.

Secunda propositio, quod terra nostra sic non fuerit ab aquis composita, nisi pluribus ab hinc sæculorum millibus, facile probatur. Nam hæc terræ conformatio non potest adscribi ullis causis, nisi maris motibus, præsertim ei quo per lunæ actionem fertur ab Oriente in Occidentem. (De hoc motu vide Varenii *geogr. gen.* l. 1. c. 14.). Propter hunc motum mare oras Orientales perpetuo verberat, abradit, invadit; Occidentales vero perpetua alluvione ditat, auget ac deserit. Hincque factum est, ut prope oras verberatas Orienti multæ existant insulæ, maris invadentis ex illa parte terras certissima signa. Hinc juga montium in longos tractus ab Austro ad Boream porre-

Etiam medios continentes dividenda; & ipsæ terræ continentes ab Austro ad Boream extensæ æquatori æqualiter inclinatæ; eodem ferme modo in oris suis Orientalibus exesæ. Hinc telluris diversâ strata non secundum gravitatem specificam inveniuntur: sed graviora sæpe-levioribus propter successivam longo tempore alluvionem superponuntur: hæc omnia per diluvium vel eluvionem aliquam subitam explicari nullo modo possunt. Jam vero motus hic maris invadentis terras Orientales tardus admodum est, quippe quo maris aquæ vix semi-seculum intra 12000. annos confluant (*Hist. nat. art. 19. p. 600.*): uti experientis aliquibus constare dicitur.

Colligitur quoque ex prædictis observationibus, universam terram ex materia solari esse compositam, & in primo suo statu per plura secula aquis operam jamuisse; eandemque vario motu maris, illo præsertim generali quo tota moles ab Oriente in Occidentem a luna cietur, dilutam, abrasam & excavatam in aliquibus locis, alveum mari excoipiendo præbuisse; eandem in aliis locis auctam perpetuis alluvionibus sensim in exantem aquis superficiem & in montes efformatam esse (*Hist. Nat. art. 19.*). At hæc omnia non nisi post longissima tempora fieri poterunt.

Respondeo priorem propositionem tot observationibus confirmatam vix negari posse. Nempe exteriorem partem telluris ad certam usque altitudinem; factitiam esse & ab aquis compositam. Posteriores vero hypothefes, quibus utitur author clarissimus hystoriæ naturalis nuper vulgatæ, & quibus abuti poterunt religionis revelatæ contemptores, non esse satis confirmatas, & multis patere gravioribus objectionibus. Aliam esse viam sci expediendæ & hystoriæ & observationibus magis congruentem.

1. Multa in prædictis hypothefibus magnam habent difficultatem.

Primo, non intelligitur quomodo mare, quod olim elevatum fuit supra montes altissimos, aut cum eorum verticibus ad libellam compositum, plusquam 3217. expedis, seu 19302. pedibus descendit:

tanto enim montes Peruvianæ jam superant libram maris. Immo evidentissime demonstratur, libram maris mutari non posse, eo modo, quem probavit author hystoriæ naturalis: nempe per excavationem fundi in aliquibus partibus & terrarum abrasarum translationem in alias fundi partes. Quia aquæ in alveum excavationis descenditis: locum semper occupabit terra ex alveo extracta & in alium locum tantum translata. Ut aquarum libra deprimatur, seu ut earum superficies ad centrum terræ aliquatenus accedat, necesse est, ut terræ excavatæ supra aquæ superficiem vi aliqua, ab alluvione diversâ, attollantur: tuncque aquarum libra deprimetur ratione quantitatis terræ supra aquæ superficiem elevatæ. At si sit necessario admittenda causa aliqua ab alluvione successiva diversâ, ruit totum authoris Hystoriæ naturalis systema.

Secundo, si in oras terræ Orientales semper impetum faciat Oceanus; si signa multa sint, ex quibus colligitur oras illas utriusque continentis 500. leucarum spatio jam immixtas & exesæ esse; (*Hist. nat. art. 19.*) si in oris Occidentibus hæc terræ abraiz depositæ fuerint; cur ergo abruptæ sunt & perpendiculariter exesæ oræ pleræque Occidentales? Talia sunt littora Galliarum, Hispaniarum, Africæ totius, & maximæ partis Americæ. Cur littora Orientis obversa sunt contra minimam altitudinis in utroque continente? Cum è contrario Occidentalia littora, quæ mare deserunt, esse debent declivia & sensim inclinata: Orientalia vero, quæ mare perpetuo abradit, abrupta & perpendicularia. Cur etiam oræ Occidentales non stipantur insulis, sicut Orientales, cum ex perpetuis alluvionibus & incrementis in illis potius oriri deberent? Cur juga montium in plerisque insulis & præcurrentis terræ continentis partibus ita sunt sita, ut medias terras pervadant atque in duas partes dividant (*Var. geogr. l. 1. c. 10.*)? Cum hic situs in hypothefi, quam impugnamus, perpetuo mutari debeat, & ab Occidente ad Orientem accedere, quia partes insularum & continentis Orientales semper abraduntur, Occidentales alluvione augentur. Si in aliquo situ juga mon-

montium diutius permanere deberent; id contingeret, quando occuparent oras Orientales, immenso suo volumine ac rupibus maris accessum longo tempore impeditentia: at è contrario a multis sæculis medias terras dividencia ostendunt & efficiunt earum stabilitatem; aut saltem indicant mare tantum absumpsisse ex parte Occidentali, quantum ex Orientali.

Cur ex duabus telluris continentibus una, nempe America, porrecta est magis a Septentrione in Austrum; altera dicta vetus magis porrecta sit ab Oceano Atlantico ad fines Tartariæ Orientalis, quam a Septentrione ad Austrum, in qua directione sunt etiam montium iuga? Cur tanta in jugis montium diversitas? *Alia, inquit Varenus l. 1. cap. 10. progrediuntur a Septentrione in Austrum, quedam ab Oriente in Occidentem, & alia ad plagas cardinibus collaterales.* Quidam montes, ut idem habet ibid. Longo tractu extenduntur; alii parvo circuitu terminantur. Quidam medias regiones faciunt, alii per quosvis regionum tractus transeunt. Hæc tanta varietas in omni re ex una causa mechanica uniformiter agente, qualis erat initio juxta authorem Historiæ naturalis maris motus ab Oriente in Occidentem, explicari nullo modo potest.

Tertio observatum est, conchas, quasvis accurate occlusas, plenas tamen esse materia circumiecta, cujus rei per *lentas & successivas* alluviones ratio reddi nequit. Nam si lento aquarum motu arena vel sabulum in conchas delatum est; vel pisciculus prima alluvione præfocatus concham occlusit; sique novis alluvionibus introitus denegatus est, & concha vacua remanere debuit; vel pisciculo præfocato concha non est occlusa, atque iterum iterumque alluviones intra se recepit, sique nunquam potuit occludi. Observatum etiam est, conchas plerumque ejusdem esse gravitatis specificæ cum stratis, in quibus jacent sepultæ, graviore in stratis gravioribus, leviores in stratis levioribus; & quando conchæ leviores in stratis gravioribus reperiuntur, occupant strati superiorem partem: hanc observationem inculcat ubique Woodward in Historiæ natu-

rali. Sed si successive & variis per pluræ sæcula alluvionibus strata composita fuissent in fundo maris, in omnibus stratis omnis generis conchæ, atque piscium exuvie invenirentur; & strata servarent nusquam rationem gravitatis specificæ.

Quarto, gravissimum quoque hoc incommodum videtur in hypothese prædicta, quod dum ad telluris per strata compositionem explicandam sit inventa, tamen supponat tellurem per strata antea fuisse compositam, cum hac differentia, quod in prima tellure strata, quæ jam sunt superiora, fuerint inferiora. Nam maris undæ diluentes fundum A, eumque abradentes, non potuerunt transferre in locum B stratum argillæ: quin in loco A ejusdem generis stratum invenissent. Et si strato huic argillæ postea imposuerint stratum arenæ, illud stratum invenerunt in loco A continuata excavatione. Vel si supponas oras Asiæ Orientales perpetuo abradi & alluvionem continuè fieri in oris Occidentalibus Americæ; alluvio esse non poterit alterius generis, quam est eluvio; & si alluvio fiat per strata, eluvione quoque strata exesa fuerunt.

Quinto, vix intelligitur, quomodo tellus dura, solida, vitrea, si fuerit olim omnis operta aquis, ex hoc tam naturali statu, in quo elementa disponentur secundum specificam gravitatem, unquam potuerit dimoveri per motum aquarum æquabilem ab Oriente in Occidentem; cum nondum essent venti nisi æquabiles, & fundus levis & rotundus sine ullis inæqualitatibus relinqueret aquæ motum liberimum. Fuisse ne in hac hypothese nifus aquarum ab Oriente in Occidentem, qui est ferme insensibilis in ipsa superficie, parvincendæ vis utriusque, tum *gravitatis*, qua telluris pleræque partes vincunt quinquies partes aquæ; tum *cohesionis* partium vitri solidi? Ad minuendam hanc difficultatem supponit author Historiæ naturalis superiorem telluris partem mollem fuisse, nempe ex vitri spuma vel scoria confectam. Sed nescio an omnem difficultatem tollat hæc suppositio. Nam innuere sunt in mari profluentes aquæ, vulgo *contants*, quarum motus augetur, tum

actu.

æstu maris, tum ventis, tum fundi inæqualitatibus; sunt in terra flumina, quorum omnium fundus licet ex arena tenui post infinitum tempus vix aliquam mutationem accipit.

Sed concedamus a maris motu æquali excavatum fuisse maris alveum, cur non fuit omnis inter tropicos conclusus, ubi totus Oceanus ab Oriente in Occidentem torrentis instar profluebat? Cur terræ diluvæ & abrahe non fuerunt versus polos disjectæ, ubi erat major tranquillitas maris? Cur maximi montes Peruviani contra hanc vim in cælum vertices extulere? Probat author Historiæ naturalis, art. 19. sius maris majores esse omnes extensos ab Oriente in Occidentem, indicantes impetum aquarum esse secundum istam directionem. Sed si jam Oceanus terras illas dispiat, & earum ruinam perpetuo operetur: quomodo initio formatae sunt contra eundem hunc impetum, quem nulla alia vis suspendebat?

Præterea est terra omnis verisimiliter cavernosa interior, (a) hæcque conformatio necessaria multis videtur ad fontium perennitates explicandas. An etiam per motum maris ab Oriente in Occidentem solida terra terebrata est. An potius dicemus aquas in stratis cœnitiendis hinc & inde specus & cavernas reliquisse, & fornices, quibus regerentur, extruxisse? Si igni in visceribus terræ æstuanti hi tantum effectus tribuendi sunt: cur etiam eundem non tribuamus ipsorum montium, qui omnes ferme sunt cavernosi, extructionem? Aut si Deus ex natura, ex opere suo, a Philosopho sit ablegandus, dicere montes in tantam altitudinem cla-

tos esse propter vicinarum terrarum ingentes, fatiscenibus columnis, ruinas.

11. Alia est via rei expediendæ, & historiæ, & observationibus magis congruens, nempe per diluvium, quale describitur a Moysæ, & quod non tantum mansit in memoria Hebræorum, verum etiam in fastis omnium aliarum nationum antiquissimarum.

Narrat Moyses cum summa fidentia, ut rem omnibus notam, 800. circiter ante suam ætatem annis continuam fuisse per dies & noctes quadraginta pluviam, atque præterea aquas terræ visceribus inclusas sive aquas *Abissi* super universam superficiem effusas, per quinque menses integros, seu 150. dies (b) crevisse. An vero hæc continuus per dies quadraginta pluvia & aquarum subterranearum per dies 150. exundatio describenda necessario sit divinæ virtuti immediate, & contra naturæ vires legesque operanti, an non possit adscribi causis naturalibus a Deo ab initio præparatis; ut cometæ ad terram propius accedenti (Vide *Whiston theor. tell.*) ; vel terrarum in multis partibus disruptioni & illapsui in suppositas aquas (Burnet *theor. sacr. telluris*) ; hic dijudicare neque vacat neque necesse est. Ostendamus solummodo causas assignatas a Moysæ pares esse omnibus phenomenis explicandis.

Juxta explicationem hanc manifestum est aquam per quinque menses in terram effusam nullatenus fuisse limpida & defæcatam, sed maxime turbidam; tum propter continuam per dies quadraginta pluviam terram diluentem; tum propter vim aquarum immensarum, (c) terræ visceribus per omnes aperturas cum magna vi

& im-

(a) Varenius, l. 1. geogr. c. 13. 16. Woodward *hisl. nat.* Burnet. *Theoria telluris.* Seneca *Qu. nat.* l. 3.

(b) *Auth. Hisl. nat.* non recte supponit, preuve art. 4. p. 187. & art. 5. p. 191. diluvium 40. tantum diebus durasse.

(c) Quantitas aquæ necessaria ad tegendos altissimos montes, terræ visceribus tunc extracta, vigetis superat quantitatem aquæ contentam in Oceano, uti demonstravit Keillius contra Burnetum. Neque aliquem perturbabit hæc quantitas aquæ, quando cogitabit 1. quod, juxta Varenium l. 1. c. 7. p. 3. intus in soliditate terræ existant innumeri hiatus, recessus, anfractus, tuniculi, voragines, tubuli & vasta receptacula, in quorum quibusdam mare est; nempe quæ alveo maris per aliquam viam com-

jun-

& impetu erumpentium, vel etiam exteriora strata in multis locis distrumpentium, secumque magnam terræ quantitatem deferentium; tum propter perpetuam per *menfes decem*, quibus terræ ferre omnes aquis operæ jacerunt montium & editorum locorum eluvienem ex violenta aquarum agitatione, quam augebant, tum ælius reciprocus, tum venti, tum vis illa immensa aquas è terræ intus visceribus extrahens (a). Propter tot ac tantas causas aquas turbantes supponi potest, terram in aqua dilutam, vel ab aquis aliquo modo deportatam latio decem mensium 300. pariem spatii, ab aquis turbidis occupati, tenuisse. Jam vero divide altitudinem aquarum operientium altissimos montes 15. cubitis, quæ vulgo censetur circiter 4000. exapedarum vel 24000. pedum, per 300. habebis crassitudinem strati, quod per aquas diluvii terræ universæ superponi potui, videlicet 80. pedum (*Vide Whiston theor. tell. p. 416.*). Hæc abunde sufficit ad obliuiscas satis omnes telluris partes mediæ altitudinis, de quibus solis solliciti sumus: quia ut modo dicemus, partes sublimiores potius eluvione diminutæ, quam alluvione auctæ fuerunt; & partes inferiores diutius aquis submergæ jacerant & a quater mille annis, novis alluvionibus per pluvias & decurrentes ex locis altioribus rivos incrementa ceperunt: ut docet ipse author Historiæ naturalis.

junpuntur, in quibusdam aqua dulcis, fluvii, omnes. Nimis ille oculis permittit, ait Seneca, qui non credit esse in abscondito terra sinus maris vasti, &c. Vid. nat. qu. l. 3. 2. Quod altitudo montis altissimi, juxta eundem Geographum, l. 1. c. 9. p. 7. non habeat ad semidiametrum telluris sensilem proportionem, frue adeo exiguum, ut rotunditati telluris non officiat. Ex hac duplici observatione collige totam illam aquæ quantitatem, quamvis phantasiæ immensa videatur, respectu globi terrestris minimam esse.

(a) Quid tu esse Rhodanum, quid putas Rhenum atque Danubium, quibus torrens etiam in canali suo cursus est, cum superflui novas sibi fecere ripas, ac scissa humo simul excessere alveo? Quanta cum præcipitatione volvuntur? Cumque Danubius non jam radices, nec media montium stringit, sed jugis ipsa sollicitat, ferrens secum madefacta montium latera, rupesque disjectas, & magnarum promontoria regionum, quæ fundamentis laborantibus è continentis recesserunt. Deinde non inveniens exitum (omnia enim sibi ipse præcluserat) in orbem redit, ingentemque terrarum ambitum atque urbium uno vortice involvit. Interim permanent imbres... Procællæ quatunt mare. Sen. nat. qu. l. 3.

Ex hac explicatione hæc sequuntur.

1. Altissimorum montium apices debent esse plerumque terris nudati; quæque editora sunt loca, eo minus etiam crassa esse debent diversæ materiæ strata & pauciores conchæ: quod in ista altitudine aquæ fuerint magis defæciæ & minus perduraverint. Eunt tamen exuvie piscium etiam majorum, qui in ista tanta aquarum perturbatione loca altiora petebant. Propter eandem rationem non solum in humilioribus locis strata crassiora oportet esse, sed etiam strata ejusdem loci diversa, erunt crassiora, quo sunt profundiora. Strata in montium verticibus, qui plani sunt, plana erunt, in lateribus inclinata, quæ omnia experientia confirmata esse docet author Historiæ naturalis.

v. In montibus oppositis apices sublimes, si fuerint terris nudati, irregulares erunt. Reliquæ partes inferiores, si sine multa terra tectæ, habebunt angulos prominentes & introcedentes alterne oppositos, hoc est anguli unius prominentes respondebunt alterius angulis interioribus, ad modum ripæ fluminis, utpote quæ per plures menses magna aquarum interlabentium vi excæsum, postea subsidentibus aquis tectæ sunt. At hæc angulorum extimorum & intimorum oppositio, magis accurata esse debet in collibus & in campis, ubi major materiæ novæ quantitas propter situm humiliorem fuit de-

po-

posita. Ubi montium oppositorum vertices solidi & saxei non relictur aquis diluvii, eorum altitudo imminuta est & ad aequalitatem perducta, ac quasi composita ad libellam.

3. Strata materiae erunt secundum specificam gravitatem. Conchae erunt in stratis ejusdem densitatis: & ubi conchae leviores inveniuntur in stratis gravioribus, superficiem tenebunt, metalla profundiora loca occupabunt: quae experientia constare docet Woodwardus. Tamen propter perturbatum motum aquarum aliqua esse poterunt exceptiones, praesertim in locis humilioribus, ut modo dicemus.

Obijcit author Historiae naturalis montes ex lapide confectos superponi stratis minus densis. Potuit primum haec esse primae rerum dispositio ob causas aliquas Creatori notas. Sed praeterea juxta Newtonum princ. Math. l. 3. p. 10. terra communis suprema est tantum duplo gravior, quam aqua: at paulo inferius in fodinis terra triplo, vel quadruplo, vel etiam quintuplo gravior reperitur. Juxta Whistonum theor. rell. p. 33. lapidum gravitas relative ad gravitatem aquae est, ut 14. ad 5 $\frac{1}{2}$ ex quibus observationibus sequi videtur lapides vinci gravitate a terra interiori.

4. Conchae erunt saepe repletæ materia circumjecta, quia in illis contenti pisciculi aquam haurientes per alluvionem subitam praefocati sunt, conchamque morientes occluserunt nunquam iterum aperiendam.

5. Aquae satis celeriter initio per cavernas montium & fissuras in terrae viscera recesserunt: & editiora telluris loca, quales sunt non tantum montes Gordiani, in quibus arca conlestit; sed tota Septentrionalis Asia pars, in qua ipsi colles per maximam anni partem nive reguntur; aquis per quinque menses subsidentibus sicari poterunt. At humiliores terrae partes diutius aquis submersas jacuisse probabile est, alias magis, alias minus; quasdam vero per plura saecula. In hisce regionibus omnis exterior terrae pars conformari potuit, juxta hypothesim authoris Historiae naturalis; erunt hic strata materiae graviora quandoque ex

successiva alluvione levioribus imposita.

6. Rimae seu fissurae perpendiculares nullam nobis facessunt difficultatem, eidem causae illas ascribimus, cui ascripsit author Historiae naturalis, siccitati nempe post aquarum recessum.

At, inquit, nulla ergo remanere debuerunt veteris terrae vestigia (Hist. nat. p. 200.). Nulla quidem in locis humilioribus, sed multa in altioribus, in quibus vix ulla contigit mutatio: Regio in qua arca conlestit, est omnium altissima, & ideo plantae incolumes manserunt. At tellus omnis oblimata recenti limo frugibus ferendis parum apta fuisse (Ibid. p. 201.). Et hoc verum est de locis inferioribus. At pisces omnes in aquis turbidis praefocati interire debuerunt (Ibid.). Et hoc quoque admittimus, plerosque interiisse, omnes scilicet quibus altiores montes petere non licuit.

Non negamus etiam, quin mare jam occupet aliquas telluris partes, quas antea non occupabat; quin etiam in saeculis innumerabilibus fieri possit, ut omnis nostra continens submergatur; & partes quam plurimae jam submersae emergant ex multis causis. De quibus vide Aristotelem, l. 1. meteor. c. 14. Stevinum in geogr. Varenium, geogr. l. 1. c. 18. Sed non putamus in illis novis continentibus per solam maris lentissimam alluvionem exituros montes 20000. pedibus supra maris libram. Quosdam montes, inquit Varenius l. 1. c. 9. prop. 8. progressu temporis generatos esse, colligitur ex conchularum testis, quae in quibusdam montibus inveniuntur, ut in Geldria montibus. Et generationis modus hic esse videtur, si ventus vehemens arenam & sabulum paulatim in locum montis deferat & accumulæ accedente pluvia. Qui modus minores montes producere potest, ita verisimile videtur majores montes non esse generatos, sed ejusdem cum tota tellure aetatis & originis. Vide Whistonii theoriae telluris l. 4. c. 4. ubi diligenter & minute ex supra positis principiis singula phaenomena ad praesentem terrae conformationem pertinentia, quae nos prosequi hic non possumus, explicat ingeniosus author.

Argumentis hifce moralibus aliud in-
victum adjungere liceret, idque ad vulgi
captum maxime accommodatum, peti-
tum nempe ex hiftoria Judæorum & Chri-
ftianorum, aliorum etiam populorum, quæ
cum fumma auctoritate certiores nos ef-
ficat Deus fæpius rebus humanis interve-
niffe; & fuam providentiam declaraviffe
fubitis & ftupendis rerum conversionibus,
miraculis & rerum futurarum vaticinatio-
nibus. Sed toto fecundo vol. ubi de tel.
revelata, de his præter naturam effectibus
dicturi fumus.

ARGUMENTA PHYSICA.

IN hac univerfitate rerum, in qua ver-
famur, tria funt in omni fyftemate
diftinguenda: nempe *res* & *ſubſtantia*,
quibus conſtat mundus: quæ juxta A:heos
corpora funt & præterea nihil. Rerum
ſeu ſubſtantiarum *vires* & *facultates*, ſive
corporeæ, ſive ſpirituales, quibus in ſe
mutuo agunt, vel ſeipſas commovent:
hæ vires juxta *atomicos* Philoſophos ad
motum; juxta *Hylæozitas* ad *motum* &
vim quamdam *ſitricem*, uti ſupra expo-
ſitum fuit, revocandæ funt. Denique illa
ſpecies & *apta conſtansque* rerum omnium
diſpoſitio, quæ ex corporum in ſe mutuo
agentium viribus oritur: & illa in ani-
malibus appetituum & paſſionum permix-
tio, ex qua vitæ conſtans ratio & uni-
formitas naſcitur: quam corporum diſpo-
ſitionem, temperationemque appetituum
fortuito & temere natam, vel virium cir-
carum neceſſarium effectum eſſe aſſerunt.
Nos vero contendimus non poſſe corpora
eſſe a ſeipſis, nec animos; nullas eſſe
materiz naturales vires, non vim mo-
tricem, multo minus vim cogitandi; ad-
mirabilem univerſi partiumque ejus diſpo-
ſitionem, & illam in animalibus appeti-
tuum temperationem ſine cauſa intelligen-
te exiſtere non poſſiſſe. Initium ſume-
mus a ſpecie rerum, quia univerſitatem
contemplanti ſe primum offert admiratio-
ni hominum.

ARGUMENTUM QUINTUM.

*Ex ordine rerum & virium naturalium
ſapientie temperatione.*

PROPOSITIO.

*Deum eſſe, qui mundum hunc initio con-
ſtituerit atque in omni tempore regit,
oſtendit totius univerſi & omnium ejus
partium deſcriptio.*

PROBATIO.

NAm ea eſt mundi totius fabricatio,
ut ſi achibita fuiſſet ad illius for-
mationem ſumma ſapientia & conſilium
ſolertiſſimum, melius formari non potuiſ-
ſet; partesque ejus omnes tales ſunt, ut
nec ad uſum meliores eſſe poſſuerint, ne-
que ad ſpeciem pulchriores. Atqui hæc
mundi ſolertiſſima fabrica, ejusque omnium
partium pulcherrima deſcriptio declarat,
hæc omnia non fortuito, aut a bruta &
cæca vi, ſed a cauſa intelligente & pro-
vida perfectæ eſſe.

PARS PRIMA.

Mundi ſpecies & apta partium diſpoſitio.

*Hoc argumentum qui copioſius velit per-
tractare, illi tota Phyſiologia eſt percur-
renda: ſumma nos tantum attingemus
capita.*

I. **Q**uanta primum in immenſa cele-
ſtium regionum extenſione maje-
ſtas eſt! Quanta in corporum
inſinita multitudine magnificentia! Nu-
dos ad cælum oculos per amica ferenz
noctis ſilentia dirige; innumerabiles aſpi-
ce ſtellas, quæ debili licet, jucundo ta-
men, ſcintillanteque vividius lumine ubi-
que collucent: deinde per Aſtronomorum
inſtrumenta intuere; novos cælos, no-
vas ſtellas, immenſamque deprehenſi-
tionum æthereorum altitudinem. Cogita
ſtellas ſingulas totidem ſoles, & cujunque
vaſtiſſimum imperium eſſe; ſolari ſyſte-
mate hæd fortæſſe minus. Jam corporum
illorum immenſas magnitudines, impetus,
certos motus, apta intervallo, ratos or-
dines conſidera, ut inter ſe nunquam
concurrant, ut unum alterius nunquam
perturbet motus; ut ſumma ſit ex mutua
libratione conſenſio & inviolabilis con-

Man-

stantia. Videturne ulla fortuna, ulla temeritas, erratio ulla, ulla vanitas? An non contra ordo, ratio, veritas?

II. Quanta deinde in *solis* atque *lunæ* curribus & efficientia sapientia elucet! Aspice ut sol oriens diffusa undique luce, & laeta & salutaris, recreet naturæ totius conspectum! ut recedens gratas quietis vires revocet! ut constantissime & cum incredibili celeritate ab uno Tropico ad alterum accedens efficiat tempestatum vicissitudines anniversarias, cum summa salute & conservatione animalium omnium atque stirpium! Quanta calor, luminis-que utilitas! quam bene ad usum & voluptatem utraque temperata est! Ne autem radiorum solarium vis debiliore foret, pellendisque cito tenebris minus idonea, incredibili celeritate, quam cogitatione assequi non valebimus, propagatur, quæ soli velocitatem plusquam sexcentis milibus superet.

Sole Hesperis in undis immerso, non ideo obscura in nocte palpabimus, quæ velo quodam modo lucis fuerat obducta aliorum infinita multitudo explicat sese, illaque cæterarum quasi domina luna, cuius mutata a sole lux tenuis & silens remittit oculos nimia solis vi perculsos, & ad quietem invitat. Quanta in illius motu mentis utilitas ad metienda tempora! Quam salutaris efficacia in ciendo mari! Ipsorum lunæ defectuum usus norunt Astronomi, Geographi, Chronologi. Quis hæc fortunæ, non excellenti rationi tribuat?

III. Ad terram veniamus: videatur (*Cic. l. de nat. Deor.*) vestita floribus, herbis, arboribus, frugibus, quorum omnium incredibilis multitudo insatiabili varietate distinguitur. Adde huc fontium gelidas perennitates, liquores pellucidos amnium, riparum velut viridissimos, speluncarum concavas profunditates, saxorum asperitates, impendentium montium altitudines, camporum immensitates, quibus omnibus efficitur latum, copiosum & amicum animantibus cunctis domicilium. Sphærica est, non plana, ut calor & luminis in variis terræ partibus aliqua possit esse successio; ut iusta

commodaque fieri possit aquarum distributio; ut ventorum viam non frangat vel nimium debilitet montium altitudo.

Criminari solent Epicurei tum *terræ inequalities*, quæ tamen necessarie sunt, ne aquæ diffuant nimium, & ut aprica loca existant ad uvaram & optimorum fructuum maturitatem: tum *montium altitudines*, sine quibus multis careremus pretiosis metallis & fontibus, qui ex condensatis vaporibus in eorum frigidis verticibus orti dimanant accelerato motu in subiectos campos: tum *caveas* & *specus* & *volcana*, quæ tamen summæ utilitatis esse observavit olim Plinius. *Hist. nat. l. 2. c. 82.* Per has caveas & diverticula æstuans in terræ visceribus ignis, ad rerum omnium vitam necessarius, erumpere solet: ut in compluribus oppidis notatur, quæ quia crebris ita ad eluvium cuniculis cavata sunt, minus ideo terræ motibus quatuntur: tandem *locus deserta*, sed hæc etiam utilitatem suam habere possunt, licet ignota; saltem ad varietatem conducunt, nec hominum generi necessaria sunt. Præterea in hunc statum devenerunt, vel in illo permanent hominum culpa, aut ex naturalibus legibus, quarum infinitæ utilitates sunt.

IV. Circumsusus terræ aer est, animalis, spirabilisque natura, partibus conitatis subtilissimis, ut nempe corpora cuncta pervadens, inque secretiores eorum sinus penetrans molem universam fovere, alere & agitare possit. Huic elemento debent animalia quod spirant, & spirando vivant; ut ex machinæ pneumaticæ experimentis evidenter colligitur. Nec in animalibus tantum, sed in plantis quoque peragitur aeris respiratio quædam imperfecta, a qua earum vita conservatio pendet. Sine aere moveri pecora, volare aves, pisces natæ non possent; sine aere nec sonus, nec dici candor, nec crepuscula, nec cæcula cœli spatia existerent; sine aere ros & terra non ascenderet, nubes non formarentur; efformatæ non sustinerentur ad arcendum nimium solis ardorem; suspensæ guttatim in terram non reciderent. In aere formantur & venti, quibus aeris moles quan-

doque commoveretur, infecta brevi cunctis & frugibus & animantibus fieret lethifera. Hi calor solaris ardorem ita temperant i ut ipsam præsent habitabilem torridam Zonam, quam perpetui recreant Zephiri. Ventorum ope classes vastum tranant Oceanum; omnesque gentes omnium rerum agitant commercia.

V. Terram aqua cingit, & ubique permeat; quam si tolleres, esset terra cinerum sterilis congeries: respirare non possemus siccam, subtiliterque frigidum aerem; mineralia non formarentur, plantæ non nutrentur, siti omnia crescerent: nihilque nisi iqualidum, & mortuum telluris facies exhiberet. Hinc naturæ parens providus suas cuique regioni dividit aquas: si Ægyptus pluviis non fecundatur, exundans statim temporibus Nilus mollior & oblimatos agros ad ferendum relinquit. Quibus locis nec pluvias copiosas, nec exundantes fluvios natura dedit, largita est rores incredibiliter abundantes. Quanta in æquarum omnium perpetuis agitationibus & cursibus solertia est! Sed apice stupendam Oceani immensitatem: spumantis æquoris irati fluctus intueri, cum fragore & catervatim in terram exundante: *Quis conclusit ostiis mare? quando erumpebat quasi de vulva procedens, quis posuit vellem? Et dixit: usque huc venies & non procedes amplius, & hic confringes tumentes fluctus tuos?* Cur, inquires, falsæ sunt aquæ marinæ, & ita nobis ad potandum inutiles? Quia attemperari debuerunt non nobis qui illis non indigemus, sed variis piscium generibus, eorumque usibus: quia motus ex reciproco æstu & ex ventis non esset sufficiens ad arcendam putredinem; nam pacato per plures continuos dies mari aquam turbare experimur, & procreari, quæ insciant, animantium multitudinem.

VI. Terram & universa corpora ignis intus alit. Hoc est natura sublato ipsa vita tolleretur, torperent omnia. Hujus infinitæ notantur a Philosophis utilitates, sed hæ notæ sunt omnibus: sine igne nec cibi pararentur, nec metalla liquarentur, nec vasa continendis liquoribus idonea

efficerentur, necessaria mechanicis opificibus instrumenta non fabricarentur; Chimicæ operationes non perficerentur; microscopii, telescopii; perspicilli; speculis careremus; lumine per noctem homines non fruerentur; calore cum terram pulsaret hyems, non foveretur. Quid plura? nisi ignis datus fuisset, in vanum adessent cætera, quæ igne sublato diu conservari nequeunt.

VII. Quam mira est eorum fabrica quæ gignuntur è terra; quæ radicibus iis affiguntur, quibus succum ex terra trahunt! Quanta eorum varietas est & pulchritudo! Quanta eorum omnium vis, ut ex tantillis granis, herbas, stirpes, truncos, ramos, folia, flores & semina proferant! Animalium quot usibus plantæ intersunt! aliæ ædificiis, aliæ instrumentis aptæ sunt. Remedia hæ, illæ alimenta, suppeditant; quedam duræ & spissæ sublimi cœlum feriunt vertice & dulcem animantibus umbram præbent; aliæ fragiles & depressæ vel humi serpunt, aut ad manuum altitudinem fructus tenent suspensos & invitant ad arripendum. Ut hæc omnia usus tam varii & multiplicis, vi folius seminis ex eadem tellure, eadem pluvia irrigata, eodem sole calefacta gignuntur! Quidni liceat plantarum interiorum structuram expendere, canales intra quos essentielles succi perpetuo fluunt, formam describere; extimarum, quibus plantæ teguntur, vestium figuram exponere; mirabilem foliorum texturam delineare; seminis exigui totam in se plantam continentis virtutem evolvere? Possemus ostendere, quomodo emanantes a caule vel caudice, ramis & radicibus novellæ partes perpetuum jacturam, perpetua prolis educatione, reparent; quomodo debiliores initio ejusmodi partes, non illico laxatas extendi natura patiatur, sed compendio quodam coagmentatas intra folii axillam cubare faciat. Quomodo plantæ, quæ vim frigoris nequeunt sustinere, subterraneis suis radicibus conserventur, usque dum eas temperatus veris calor excitet & reproducat. Quomodo plantarum, quæ veteribus *aschimomena*, recentioribus *sensitive* di-

diæ sunt; folia manu aut baculo tacta & paululum compressa, statim ne lædantur, contrahant sese: cæterarum vero pene omnium flores, ubi grave & humidum tempus est, concipientur; ubi purum & serenum, explicentur: quomodo rubustis plantis, ut stare per se possint, duras & elasticas natura fibras concesserit: earumque ramos ut æquilibrium omnes servarent & pulchriorem haberent aspectum, a stipite sub angulo circiter 45. graduum prodire iusserit; cæteras vero debiliores sub majorum protectione tutas crescere voluerit; succum iis glutinosum distribuens, vel radicum quasi digitos, vel clavicolas quasi manus, quibus protectricibus suis tenaciter adhaerent: quomodo æ plantarum species in quavis regione reperiantur, quæ hominibus cæterisque animalibus ibidem natis maxime conveniunt; ita ut ex plantarum sponte nascentium frequentia, quibus morbis obnoxia sit regio quævis, dignoscatur: quomodo in illis plagis ubi aqua terræ deficit, habeant animalia subsidia in abundanti plantarum stillantium humiditate. Hanc solummodo meditationi materiam subiecit sufficit.

VIII. Animantium vero quanta varietas, quibus tota nostra tellus ubique abundat! Nulla pars suis incolis orba reperitur, arborum frondes genti innumerablem fertile solum suppeditant: nulli sunt ferme liquores, in quibus perspicillorum ope non cernamus innumeras diversæ speciei atque magnitudinis animantes. Ipsa animalium superficies aliis animalibus uberem campum præbet. Nec solido marmori vita deest, quippe cuius cava loca turbis animalium invisibilium completa reperiuntur. Grandior natura, grandiora exhibet: maria, lacus, flumines, flumina, saltus, campi scatent animalibus, quibus omnibus natura pabula paravit idonea. Sed quod non minus admirandum est, illam infinitam multitudinem, non numero tantum, sed specierum incredibile varietate distinguit nature parens: intervallum illud omne, quod pater a planta ad hominem diversis animalibus sensim & serie quadam crescentibus ita comparatur, ut specierum proximarum disci-

mina sensum nostrum fugiant. Sunt quædam animantia, quæ vix supra sortem inertis materię elata videntur, qualia sunt, pisces testacei quidam, qui rupibus adhaerescunt, a quibus avulsi statim moriuntur. Multa sunt quæ minimo ab his distant intervallo, quæque nullum alium sensum habent, quam tactus & gustus: aliis natura addidit facultatem audiendi, aliis sensum olfactus, aliis vim videndi. Immo idem sensus in variis animalibus, varius est & tanta accipit in aliquibus incrementa, ut diversi generis esse videatur. Ille sensus interior, illa sagacitas, quam instinctum nominamus, sic gradatim & sensim crescit, ut ab infimo gradu initium capiens natura ad humanam in aliquibus pertingere calliditatem velle videatur.

Quanta in membrorum figuris habilitas ad passum capeffendum conficiendumque, ad ea omnia quæ sunt conservantia sui itatus! ad colligendos cibos, ad retinendam prædam, ad onera ferenda, ad tellurem arandam, ad nidos componendos, ad laqueos texendos, &c. Quam admirabilis fabrica membrorum sit in avibus præsertim consideremus. Vide ut alæ & plumæ fortes similæ & leves, ita sunt dispositæ, ut totum corpus tegatur & facile moveatur: ut varius in unaquaque avium specie alarum situs sit, pro diversa natandi, volandi, mergendi ratione: ut in omnibus leves & ad motum aptissimi sunt pedes & breves & minuti: ut in omnibus commoda capitis & rostri figura; apta cerebri, oculorum, aurium dispositio; idonea ventriculorum structura, quorum alter cibos comminuens, digestionem præparat; alter cibos concoquens ac transformans digestionem conficit: ut in omnibus admirabilis, etsi tam varia vivendi ratio seu œconomia. Mutatis temporibus suntne regiones commutandæ? Statis temporibus & miro ordine per vastissimos terrarum marisque tractus peregrinantur; certum iter in incerta aeris regione nemine dirigente sequuntur; norunt positas in immenso mari insulas quasdam, in quibus victum possint reperire; atque ubi ad primas sedes redeundum erit, factæ jam peregrinationis me-

memores novum ab iisdem locis stipendium repetere non ommittent. Ne autem diuturnis ejusmodi peregrinationibus nimium defatigaretur, longas eis fortesque alas, & duos pectorales musculos natura bene provida concessit. Piscium quoque quanta multitudo perambulat & miras maris! species diversas plusquam 176. numeravit (Cic. l. 2. de Nat. Deor.) Plinius, Ruiscius & Jonstonius quingentas & ultra recensuere (*Theatr. animal. l. 1.*). Aliorum prodigiosa magnitudo, aliorum stupenda parvitas, admirabilis omnium structura, respirandi ratio a terrestrium animalium respiracione diversa, organa aquatico elemento congrua, perpetuum corporis æquilibrium, motus facilitas in progrediendo, in ascendendo, in præcipitando, in declinando, hæc & infinita alia nullane habent artis & solertiz indicia?

Datus est animantibus & sensus & appetitus, ut altero conatum haberent ad naturales passus capessendos; altero secernerent noxia a salutaribus. Insitæ sunt membris vires ad motus spontaneos mira varietate distinctos; quibus salutaria arripiant, & nocitura repellant, aut declinent. Quibus bestiis is erat cibus, ut alius generis bestiis vescerentur, vires natura dedit; illis vero ad prædam destinatis cum timiditate, celeritatem sugiendi conjunxit. Data est quibusdam etiam machinatio quædam atque solertia: ut in araneis, aliz quasi rete texunt, ut si quid inhæserit, conficiant: aliz autem, ut ex inopinato observant, & si quod incidit, arripiunt, idque consumunt. Quanto opere ex altera parte se custodiunt bestiz; ut in passu circumspiciant, ut in cubilibus delitescunt (Cic. l. 2. de Natura Deorum)!

Quam provido consilio conservantur animantium genera! Animantes, alii mares; aliz feminz; partesque corporis ad procreandum & concipiendum aptissimæ; atque corporum commiscendorum miræ libidines. In avium œconomia quam admirabilis ovorum incubatio est! Primum quidem interna pars ovi & ipsius testa hunc in finem manifeste comparata sunt.

Ex albo ovi liquore avis corpus formatur: formatum luteo vescitur; & geminz illæ partes, ut mira sunt dexteritate conjunctæ, sic miro sunt artificio discretæ. Deinde ipsa avium incubantium ætio sapientiz plena est: quis eas docuit, non nisi hac via suam posse speciem propagari? Quis eas docuit in ovis foetus contineri & determinari cujusdam coloris gradus ope nasciturus? Cujus consilium eas per certam temporis mensuram, modo brevior, modo longior, nidis retinet patienter affixas? Unde nata illa est, quam adhibent in constituendis nidis mollissimis indutria, in cibis inveniendis sagacitas, in fugiendis periculis solertia? Ilorum vero animantium, quæ lacte aluntur, statim atque focus uteris exciderunt, tum omnis ferme matrum cibus lactescere incipit: eaque, quæ paulo ante nata sunt, sine magistro, duce natura, mammas appetunt & earum ubertate saturantur. Atque ut intelligamus quam nihil horum sit tortuitum, quam hæc omnia sint providæ solertisque naturæ opera: quæ multiplices foetus procreant, ut sues, ut canes, his mammarum data est multitudo: quas easdem paucas habentæ bestiz, quæ paucos foetus gignunt. Insitus est iis omnibus animantibus, quorum opera indiget soboles, tenerimus amor: & præcipua quædam in iis, quæ procreaverint, educandis custodiendisque cura ad eum usque finem dum seipsa possint defendere; immo dum possint iis parentes sua opera prodesse. Hinc etiam postquam pullos nidis excluderunt, ira tamen tuerentur matres, ut pennis foveant, ne frigore lædantur; & si est calor a sole, se opponant: & cum pulli pennulis uti possunt, tum volatus eorum matres prosequuntur; reliqua cura liberantur. Verum ubi neque parentum auxilio indiget soboles; neque possunt illi parentes sua opera prodesse; aut abest omnino hic amor, aut cessat.

IX. Sed ad hominem cæterorum animalium dominum veniamus. Quanta corporis totius species & dignitas! Vide ut omnium rerum coelestium spectatior est.

Cura

*Cum demissa vident animalia cætera
terram,*

*Os hominis sublime ædis, cælumque
tneri*

Iussit Erectos ad sidera tollere vultus.

Hoc in recto situ, quocunque voluerit, movetur facile; actus a voluntate imperatos membra statim exeuntur. Sensus autem, interpretes ac nuntii rerum, in capite, tamquam in arce, mirifice ad usus necessarios & facti & collocati sunt. Nam oculi tamquam speculatores, altissimum locum obtinent: ex quo plurima conspicientes fungantur summunere. Et aures cum sonum percipere debeant, qui natura in sublime fertur, recte in altis corporis partibus collocatae sunt. Itemque nares, eo quod omnis odor ad supra fertur, recte sursum sunt: & quod cibi & potionis iudicium magnum earum est, non sine causa vicinitatem oris secutæ sunt. Jam gustatus, qui sentire eorum, quibus vescimur, genera deberet, habitat in ea parte oris, qua esculentis & potulentis iter natura præfecit. Tactus autem toto corpore æquabiliter fusus est, ut omnes ictus, omnesque nimios & frigoris & caloris appulsus sentire possimus. Atque, ut in ædificiis architecti avertunt ab oculis & naribus dominorum ea, quæ profluentia necessaria tetri essent aliquid habitata: sic natura res similes procul amandavit a sensibus (*Cicero ibid.*).

Non pigrum imminere esse natura voluit: quia cæteris animalibus dominari debebat; quia labori destinatus, pares labori vires habere eum oportebat; quia exiguae latitudinis caput sufficientem spirituum animalium copiam continere non poterat. Non fecit gigantem, quia cum tanta voracitate nutrirî facile non potuisset; cum tanta ferendorum onerum faciitate in machinarum utilium inventionem rationem non exercuisset. In admirabiliter proportionato illo corpore, quæ compages! quæ structura! quæ levitas simul ac firmitas ossium! Qui membrorum omnium ordo ac decens apparatus! Quæ stupenda musculorum varietas! Quæ tot inter partes diversas æquilibrii con-

stantia! Ut superpositis carnibus ossa ve-
stiantur, & ossibus miro sibi insertis arti-
ficio carnes sustinentur! Ut carnem qui-
busdam in partibus circumdat tenera pel-
lis & ornat; in aliis durior & fortior
eamdem a vulneribus protegit! sub ea
rami latitant innumerabiles, quorum alii
a centro ad extrema sanguinem vehunt,
alii ab extremis ad centrum revehunt
eundem: sic illo perpetuo fluente car-
nes irrigantur, idemque ad primam ori-
ginem rediens vires novas, novamque
subtilitatem accipit iterum toto corpore
diffundendus. Ne autem illa fluidi san-
guinis moles deficiat; qui sumuntur cibi
in sanguinem post digestionem perpetuo
transformantur. Sed subtilioribus alimen-
torum partibus in sanguinem transmuta-
tis, crassiores eorumdem partes ab aliis
naturali quadam operatione secretæ per
canales huic usui destinatos ejiciuntur.
Sicque humanum corpus quod perpetua
transpiratione perit, perpetua reparatio-
ne conservatur.

Supra partes cæteras caput eminet,
quod duris ac spissis ossibus undique cin-
ctum est, ne pretiosus, quem continet,
spirituum thesaurus evanescat. Ut apte
calva perforatur iis in locis, quibus o-
culi, aures, os, nares respondent! Suos
unaqueque pars nervos habet suscipiendis
sensationibus idoneos. Organa autem qui-
bus ab objectis exterioribus ad cerebrum
sensationes deferuntur, plerumque sunt ge-
mina, ut nempe quod in uno perire pos-
sit, super sit in altero, sicque disposita,
ut sive directe, sive ad dexteram, sive
ad levam converti statim possint. Quid
de fronte dicemus ad maiestatem conse-
cta? quid de oculis quibus tanquam ani-
mæ sedî, quædam flamma cœlestis indi-
ta est? Hos natura primum membranis
tenuissimis vestivit & sepit: quas perlu-
cidus fecit, ut per eas cerni posset; fir-
mas autem ut continerentur; lubricas &
mobiles, ut & declinarent si quid nocer-
et, & ad speculum quo vellent facile con-
verterent. Atque ipsa, quæ cerni-
mus, quæ pupula vocatur, ita parva est,
ut, ea quæ nocere possent, facile vitet.
Palpebræque quæ sunt tegmenta oculo-
rum,

rum, mollissimæ tactu ne læderent aciem; aptissime factæ & ad claudendas pupulas, ne quid incideret, & ad aperiendas: idque providit, ut identidem fieri posset cum maxima celeritate. Muniatque sunt palpebræ tanquam vallo pilorum, quibus, & apertis oculis, si quid incideret, repelleretur; & somno conniventibus, cum oculis ad cernendum non egeremus, ut qui tanquam involuti quiescerent. Ut latent etiam utiliter oculi cum & excelsis undique partibus sepiuntur! Superiora superciliis obducta & genæ ab inferiore parte subjectæ, leviter eminentes tutantur. Quid de auribus dicemus? Auditus semper patet: ejus enim sensu etiam dormientes cgemus, a quo cum sonus est acceptus, etiam a somno excitamur: flexuosum iter habet, ne quid directo intrare possit: provisum etiam ut si qua minima bestiola conaretur irrumpere, in (*Cic. ibid.*) fordidus aurium, tanquam in visco inhæresceret. Quam multa prætereunda nobis sunt de dentibus, ad oris ornatum ciborumque masticationem destinatis; de lingua, quæ nervis constans celeriter mobilis, serpentina flectitur volubilitate; de collo ad hominis nutum, vel erecto, vel inclinato; de pulmonibus eorumque motu perpetuo; de proportionata cæteris partibus brachiorum longitudine; de nervorum in illis vi ac quantitate; de manuum nervis & ossiculis, & stupenda digitorum mobilitate, quibus tot artium ministræ fiunt; de internarum omnium partium structura? Quid enim? estne in tanta partium diversitate aliquid inordinatum? in tanta multitudine aliquid supervacuum? aut potius nonne omnia apta & elegantæ ac rationis plena sunt? Merito ergo Galenus, post Hippocratem Medicorum princeps cum humani corporis fabricam olim exposuisset, pulcherrimum Deo hymnum cecinisse se dicebat.

Veniamus denique ad animi partes; quarum est aspectus illustrior, & præcipue ad vim rationis, quæ homini in omnia terrestria, sive animata, sive inanimata dedit imperium. Hominum ratione & prudentia tot artes inventæ; qui-

bus tanta rerum utilium & jucundarum copia suppeditatur. Homines ratione in cælum usque penetrant, & mundi totius pulchritudinem contemplantur: hac astorum ortus, obitus, cursusque cognovimus: hac finitus dies, mensis, annus: defectiones solis & lunæ, cognitæ prædictæque in omne posterum tempus, quæ, quantæ & quando futuræ sint. Hac corporum cælestium magnitudines, distantia, vires, leges detectæ. Ratione Deum ipsum adimus, in mundo intellectualem exspatiatur. Quid memoriam alias animi dotes? Quod soli homini datum sit rerum pulchritudinem, ordinem, partium convenientiam & usum cernere. Quod sentiant homines etiam in animi consiliis, in dictis factisque, quid pulchrum & honestum; quid deceat; quis modus. Quodque animi affectus & agendi consilia omnia eo magis hominum sensui se probent & ab omnibus laudentur, quo maiorem in vita felicitatem atque ad plures pertinentem efficere sunt idonea; etiam ubi hi qui comprobant & laudant, nullam suæ utilitatis cujuscumque habeant rationem.

Quid? quod & benignissimo consilio animi constituentur appetitiones? Natura enim non se solum cuique commendavit; sed conjugem, sobolem, cognatos, vicinos, cives; quos omnes gratuita bonitate prosequimur; ubi nulla est dissidii causa: atque boni bonos diligunt, quasi propinquitate conjunctos. Serpit etiam latius hac hominum caritas, totumque complectitur humanum genus. Vinculis hisce homines inter se colligavit natura & ad cœtus, concilia & civitates instituendas invitavit: eosdemque ad omnia præclara vitæ officia subornavit. Quam bene etiam institutum est, ut tanta in animis, quanta in vultibus hominum dissimilitudo sit, in hunc nempe finem, ut diversa munera diversi obire & velint & possint; & sic permutatione meritum & officiorum novo vinculo homines adunarentur. Hac omnia, qui fortuito evenisse reputaverit, velicio quæ solentia, consilii, aut prudentiæ opera relinquere possit. Aut si singula quemquam forte non movent, universa certe inter se connexa movere de-

be-

debunt. Vide Ciceronem *l. de Nat. Deor.*
Fenelon de exist. Dei. Ray *de exist. Dei*
dem. per creaturas, Neuwentur *de exist.*
Dei. Derham *Theol. Phys. & Astron.*
de Reaumur in mem. ad hist. insect. &c.

PARS SECUNDA.

*Argumenti ex causis finalibus vis
 & auctoritas.*

1. **U**T ex effectibus causam esse aliquam
 intelligimus; sic ex effectibus
tificiosis & solertibus causam arte & so-
 lertia præditam colligere debemus & so-
 lemus. Quis si tabulam pictam intueatur,
 in qua sit elegans colorum varietas, ju-
 sta personarum dispositio, erudita oculor-
 um conversio, apta luminis distributio,
 solers umbrarum permixtio; quis similem
 tabulam ex fortuita colorum projectione
 natam sibi persuaderet? Quis statuam in
 insula quadam deserta reperiens, cujus
 omnia membra admirabiliter apta, ma-
 jestatem, vitam, motum, elegantiam spi-
 rantem; eam cæco tumultuantis æquoris
 impetu putaret effictam? Quis Homeri
 Iliadem, aut Æneidem Virgilii ex litte-
 ris temere in terram excussis natas arbi-
 tretur? Quis, si audierit plures Musicos
 tam scite fidibus, aliisque instrumentis ca-
 nentes, ut singularis & unus inde oria-
 tur concentus, quamvis quilibet eorum
 certas partes sibi datas obeat, non statim
 intelligit, præter homines istos instru-
 menta pulsantur musica, (quarum quis-
 que id tantum curare munus potest, quod
 sibi est impositum) unam esse mentem,
 cui ab omnibus pareatur, quæ causa istius
 harmoniæ sit, quæ modum & rationem
 singulis præscripserit? Hæc omnia casui
 adscribi posse univèrsam negat humanum
 genus, quia in illis nulla temeritas est,
 sed ordo certus apparet, sed ars, pro-
 dentia, sapientia, consilium. Multo qui-
 dem magis in tantis naturæ totius mo-
 tionibus, tantisque vicissitudinibus, tam
 multarum rerum atque tantarum ordini-
 bus; in quibus nihil unquam immensa
 & infinita, vetustas meniita sit; statu-
 necesse est ab aliqua mente tantos natu-
 ræ motus gubernari. Unaquæque naturæ

Tom. I.

pars, minutissimum animal, plures ha-
 bet partes artificiose dispositas (*Vide Cley-
 mei principia philos. vel. nat. & rev. c. 3.*),
 quam Poëma Virgilii, quam musica ma-
 xime varia, multiplex & composita; adeo-
 que cum infinita sit in mundo partium
 multitudo tam fieri nequit, ut mundus
 oriatur unquam aut ortus sit, ex concu-
 rsu fortuito; quam fieri non potest, ut ex
 projectione litterarum oriatur poema in-
 finita versuum multitudinem constans; vel
 harmonia ex infinitis instrumentis musi-
 cis perfecta.

2. Eas dæremus ex concursione for-
 tuita oriri mundum haud tepugnare; id
 tamen asserere, dementis esset. Illud e-
 nim certissime concluditur, quod conclu-
 ditur cum probabilitate infinita: & e con-
 trario inepta prorsus est conclusio, quæ
 habet sibi contrariam infinitam probabi-
 litatem: verisimilitudo quippe infinita pa-
 rit certitudinem absolutam; concludere
 vero contra illam verisimilitudinem, con-
 tra quam nulla plane ratio esse potest,
 quid aliud est, quam insanire? Atqui ex
 pulcherrima mundi fabrica & solerti de-
 scriptione partium omnium cum infinita
 probabilitate concluditur, ea omnia, quæ
 mundo continentur, non a bruta & cæca
 vi, aut a temerario impetu orta esse,
 sed a causa cum consilio & ratione agen-
 te. Nam cum numero infinitæ sint figu-
 ræ & situs deformes & inutiles, quas re-
 cipere possint materiæ partes; unica ve-
 ro sit forma, unicus partium situs, in
 data quavis specie, pulchritudini aut usui
 inserviens: qui sperat ex concursu fortui-
 to orituram unicam illam formam sperat
 contra infinitam probabilitatem; quo ni-
 hil potest esse levius. Et qui credit or-
 tam esse unicam illam formam, credit
 etiam contra probabilitatem infinitam;
 quo nihil potest esse stultius.

3. Nihil est in vita certius, quam ra-
 tione præditos esse homines, quorum frui-
 mur convectu & familiaritate. Atqui cer-
 tiore sumus esse Deum, cujus fruimur
 muneribus, quam esse homines ratione
 præditos. Nam esse alios homines men-
 te atque intelligentia præditos non aliter
 cognoscimus, quam ex motibus corporis

F

hu-

humani, in quibus apparet ratio, prudentia & artis similitudo. Sed in universitate rerum multo plura & majora sunt indicia rationis, consilii & artis, quam in motibus voluntariis corporis humani: naturæ enim solertia nullus opifex, nulla ars consequi potest imitando; nec quidquam manus hominis potest efficere, quod cum spūs manus officio possit comparari. Pulcherrimus est in hanc rem Ciceronis locus in secundo libro de Nat. Deor. *Quod si omnes mundi partes ita constitutæ sunt, ut neque ad usum meliores poterint esse, neque ad speciem pulchrior: videamus utrumne ea sortita sunt; an eo statu, quo coherere nullo modo poterint, nisi sensu moderante: divinæque providentiæ.... Si ergo meliora sunt ea, quæ natura, quam illa quæ arte perfecta sunt, nec ars efficit quidquam sine ratione, ne natura quidem rationis expert est habenda. Qui igitur convenit signum aut tabulam pictam cum aspexerit, scire adhibitam esse artem; cumque procul cursum navigii videris, non dubitare quin id ratione atque arte moveatur; aut cum solarium vel descriptum, aut ex aqua contemplete, intelligere declarari horas arte, non casu; mundum autem qui & has ipsas artes & earum artifices & cuncta complectatur, consilii & rationis expertem putare. Quod si in Sythiam aut Britanniam spheram aliquis tulerit, cujus singula conversiones idem efficiunt in sole & in luna, & in quinque stellis errantibus, quod efficitur in cælo cunctis diebus & noctibus; quis in illa barbarie dubitet, quin ea sphaera sit perfecta ratione. Hi autem dubitant de mundo, ex quo & oriuntur & fiunt omnia, casu ipse sit effectus, aut necessitate aliqua, an ratione ac mente divina, & Archimedes arbitrantur plus v. luisse in imitandis sphaera conversionibus, quam naturam in efficiendis: præsertim cum multis partibus sint illa perfecta, quam hæc simulata, solertius.*

4. Oratio & hominum collocutio, non magis certos efficit nos, illos esse mente præditos; quam oratio illa naturalis, quæ in sensationibus posita est, quæque est

quædam naturæ seu potius authoris naturæ nobiscum collocutio, certos nos efficit existentie Dei. Primum quidem hoc certum est, nos non magis homines cernere cum quibus est nobis conjunctio sermonis, quam Deum. Cerno exteriora quidem hominis lineamenta & pellem vario colore tinctam; sed non est mihi eum pelle, vel lineamentis externis collocutio; sed eum quadam re, nec visibili, nec tangibili, particeps rationis, quæ eum reliquerit illa lineamenta, manet cadaver, non homo: non hominem ergo video, cum quo est mihi, seu amicitie & familiaritatis conjunctio, sed domum ejus seu illam molem, in qua habitat; & ex variis motibus istius molis, præsertim vero sermone, habitantis in ea hominis solertiam & industriam colligo. Haud secus, etsi Deum non videam oculis, video tamen quasi domum Dei hunc mundum; & ex hujus mundi pulcherrimo ornatu, aptissimisque moribus, & oratione naturali in sensationibus posita, colligo habitantem in ea mentem esse, cujus solertia tanto superat hominis industriam, quanto admirabilis est naturæ, quam hominis artificium. Adeoque omnis quælibet in eo versatur, an Deus nos continuo alloquatur & signis utatur ad informationem nostram plane arbitraris cum rebus significatis nullam omnino habentibus, vel necessariam connexionem, vel similitudinem, haud majorem quam humana, cum rebus per eas significatis. Atqui res ita est.

Exempla capere possumus ex omnibus sensationibus & ex ipsa oratione humana: nam quæ est similitudo & connexio inter varias animorum affectiones, dum sentimus, & illa media quibus utitur natura, seu potius sub naturæ velo abditus ius, ad easdem affectiones excitandas? Quænam est connexio vel similitudo inter motum in nervis opticus excitatum, & illam admirabilem varietatem luminis & colorum; inter tremulum motum aurium, & exquisitam illam lætitiæ, quam parit harmonia instrumentorum musicalium.

ficorum? Quanta in omni sensu varietas, odorum, saporum, &c.? Illa tamen omnis varietas nullo alio medio sensibili perficitur, quam nervorum tremulo motu orto ex impressione, seu aeris, seu luminis, seu alterius alicujus corporis, qui tremulus motus profecto non levissimam habet cognationem cum affectionibus famis, sitis, odorum, colorum, &c. Et proinde illæ nervorum vibrationes efficiunt sermonem aliquem, quo admonemur a Deo de rebus cum quibus nullam habent similitudinem. Et hunc sermonem institutum invenientes homines, illum ad suos usus accommodant, nempe ad sibi invicem significandos interiores sensus, seu gestu, seu scripto, seu voce; etsi nec gestus, nec scriptum, nec vox, ullam habeat ex se significationem, aut ullam accipere posset ex instituto hominum, nisi natura prius sensationum arbitrarium usum instituisset.

Rerum cum isti motus nervorum non a nobis sentiantur, & ideo respectu nostri minus habere naturam signorum videri possint; sed solummodo respectu Dei, qui illorum occasione in nobis tam varias affectiones divina sua virtute excitat: aliud igitur exemplum sumamus in quo manifestum sit admoneri nos per signa sensibilia de rebus toto cœlo disiunctis natura; & istis signis sensibilibus, sicut voce humana, doceri quid amplectendum, quidve fugiendum sit. Exemplum illud in visione habemus (*Berkeley. Alciphron dial. 5.*). Nam revera visio omnis; seu illa naturalis admonitio, quam per oculos accipimus de rerum naturis, fit per signa sensibilia plane arbitraria, quæ nullam similitudinem habent, nec necessariam connexionem cum rebus significatis; & in hoc totum discrimen est inter *orationem* & *visionem*, quod illa ab hominibus inventa fuerit & nobis parvulis institutione magistrorum aut propinquorum familiaritate inculcata; ista vero a Deo instituta sit, & a consuetudine rerum naturalium atque experientia, a primo ipso ortu inchoata, accepta sit. Quid enim per visionem percipimus? Corpo-

rum distantiam, situm, magnitudinem, figuram, duritiem, mollicitem, fluiditatem, asperitatem, pulchritudinem; & præterea in hominum vultu varios animorum motus, iracundiam, pudorem, audaciam, timorem, lætitiā, tristitiā, &c. Sed an hæc videmus in seipsis? An non per signa arbitraria, quæ nullam habent connexionem cum rebus significatis? Certum enim est proprium objectum oculorum esse lucem, lucisque gradationes seu temperationes, præterea nihil; & nos distantiam, v.g. percipere ex majore vel minore objecti visibilis claritate; quod prope est, clare distincteque cernitur; quod magis recedit, eo obscurum & confusum magis apparet. Sic etiam corporum sium & figuram ex luminis temperatione percipimus, quod vel ex eo patet, quod pictores nos fallant & in speculis res cum suis omnibus distantis, dimensionibus, figurisque cernamus. Idem dicendum erit de duritie, de fluiditate atque asperitate; quæ sane qualitates ad tactum proprie pertinent: idem quoque dicendum de rerum pulchritudine, quæ animis solo percipitur, ut infra ostendemus. Multo profecto minus oculis cernimus *animorum* commotiones; sed de ipsis solummodo admonemur ex visis in vultu colorum mutationibus. Jam vero nulla est naturalis connexio inter lucis gradationes & distantiam, seu figuram, seu situm, seu fluiditatem, &c. nulla etiam inter lucis modificationes in vultu hominis conspectas & animis affectiones iracundiam, pudorem, metum, spem, desperationem, lætitiā, tristitiā. Non major certe est connexio, quam inter voces, & res per voces significatas: quod adeo verum est, ut experientia comperitur sit hominem cæcum a nativitate, cum primum ad rerum conspectum admittitur, nequaquam posse de distantia, vel figura, vel situ, cæterisque qualitatibus corporis judicare ex visione, donec experientia & consuetudine didicerit. Omnia enim non extra se posita, sed in animo suo putat inesse: atque eisi ex tactu consueverit distinguere varias figuras, o-

culo ista primo intuitu dividere non valet (a), nisi forsasse fuerit Mathematicus & notiones suas, non ut rudes solent, sed ex consideratione abstractiva informaverit, & ad illas notiones apparentias novas expenderit. Ex quo sane efficitur visionem esse sermonem quemdam ab auctore naturæ, non tantum arbitrarium inventum, sed quem experientia atque usu discimus; & in hoc differre sermonem humanum a sermone naturali, quod ille varius sit apud homines, hic omnibus communis; quod ille mutabilis, hic constans; quod meminerimus tempus quo illum didicimus, huic assueti sumus ab ipso ortu & memoriam nostram præcesserit; quod in sermone humano voces separatim a rebus grammaticæ consideremus, vix unquam vero accidat, ut speciem rerum a rebus separemus. Sic etsi cum petram intueor, nihil videam nisi temperationes lucis, tamen eodem tempore menti solent sese offerre cæteræ petræ qualitates, soliditas, asperitas, &c. Attamen in sermone humano idem sermo contingit: nam non possumus sine aliqua contentione vocem separare a re significata: cum legimus librum nullam damus attentionem litteris & vocabulis, sed continuo progreditur mens ad res significatas: & si sermo humanus nobis esset naturalis, si ab infantia ei assueti essemus, si nulla esset apud divēros homines varietas, tam connexus cum verum naturis videretur, quam sermo arbitriarius visionis.

5. Huic argumento ex nulla re major accedit autoritas, quam ex ridiculis generationis animalium expositionibus, quas protulere Athei: illas collegit Fran. Redi de gener. insect. p. 14. Nos vero hic solummodo referemus Epicuri mentem circa primam hominis nativitatem. *Is enim, teste Conforino, de die nat. c. 2. credidit limo calefactos uteros, nescio quos, radicibus terræ coherentes, primum increvis-*

se, & infantibus ex se editis ingentium lactis humorem, natura ministrante præbuisse; quos ita educatos & adultos, genus humanum propagasse. Quam fabulam non ad contumeliam & opprobrium illi philosopho attributum fuisse patet ex Lucretio, qui eandem sic exornat.

*Crescebant uteri terræ radicibus apti,
Quos ubi tempore maturo patefecerit atas
Infantum, fugiens humorem, aurisque
petissens,*

*Convertebat ibi natura foramina terræ,
Et succum venis cogebat fundere apertis
Consimilem lactis; sicut nunc famina
quæque*

*Cum peperit dulci repletur lacte, quod
omnis.*

*Impetus in mammas convertitur ille ali-
menti:*

*Terræ cibum pueris, vestem vapor,
herba cubile*

*Præbebat, multa & molli lanugine
abundans.*

Obijcies 1. Si Epicureis concedantur postulata sua; videlicet, existere atomos omnis generis aptissimas ad mundi constructionem; illas atomos moveri naturaliter, non tantum secundum lineas parallelas, sed etiam declinare paululum, & sic in se mutuo incidere; infinitas per totam æternitatem molitiones & periculationes facere: nullo modo negari potest quin ex earum concussione fortuita oriri mundus possit. Quia inter infinitas combinationes possibiles, hæc præsens dispositio reperitur; quæ consequenter est æque possibilis ac probabilis, ac alia quævis: immo quæ in infinitate sæculorum est necessaria, cum omnes combinationes æternitas exhaurire debeat. Ergo.

Respondéo: Concessis omnibus prædictis postulatis, præsentem rerum dispositionem esse plane ex concussione fortuita impossibilem: ob hanc evidentissimam causam, quod ad generandum, conservandumque mundum hunc sint necessaræ

(a) Vide Locke de intell. hum. l. 2. p. 97., Berkeley Alciphron vel min. phil. dialog. 5. Voltaire Elementa phil. Nent. c. 6. Vide etiam, quæ contra disputantur in l. de origine cogn. hum. sect. 6. cujus authoris sententia nullatenus minuit vim argumenti nostri.

eertzæ leges motus, præter illam qua permuratur motus ex collisione, quas atomi sibi præscribere non possunt. Necessariæ sunt leges gravitatis seu attractionis mutue, cohesionis, repulsionis, generationis & nutritionis plantarum & animalium, atque aliz innumeræ, quæ ex lege percussionis non pendent. Sine hisce legibus demonstratur ex sola lege percussionis nulla oritura corpora organica, sed omnes atomos in vorticem unum vel plures, in quibus est motus liberrimus, distributas, æternum esse in eodem statu duraturas. Alienum est a Philosophi constantia asserere aliquem effectum esse possibilem, antequam noverit an adsint causæ pares producendo effectui: ostendant ergo Epicurei & cæteri eorum imitatores, collisionem atomorum causam esse parem producendo & conservando mundo. Hoc quoties tentarunt, ut ait Pico- nus, *risu ab omnibus excepti sunt* (Vida Cheynei princ. phil. vol. nat. c. 3.)

Obijcies 2. Rebus, quia existunt, utimur; minime vero, ut iis uteremur, conditæ sunt. Ita Lucretius, l. 4.

Nihil ideo natum est in corpore, ut uti Possimus, sed quod natum est, id præcreat usum.

Et vero, inquit idem, illud cujus causa factum est aliquid, eo prius est quod ejus causa existit.

Nam contra conferre manu certamina pugna

Es lacertarum artus, sedareque membra curare,

Ante fuit multo, quam lucida tela volarent.

Et vulnus natura prius vitare coegit, Quam daret objectum Parmæ læva per artem.

Scilicet O fessum corpus mandare quieti Multo antiquius est, quam læli mollia strata.

Et sedare sitim prius, quam pocula, natum.

Sed rebus ipsi earum usus posteriores sunt.

Nec fuit, ante, videre, oculorum, lumina nata.

Nec dictis orare prius, quam lingua creata.

Omnia denique membra Ante fuere, ut opinor, eorum quorum fuit usus.

Cum eodem ergo concludi potest.

Quare etiam atque etiam procul est ut credere possis

Utilitatis ob officium potuisse creati (a).

Respondeo hac Epicureorum evasione nihil absurdius esse. Quid enim non condita sunt lumina ut videremus? cur ergo nihil habent, quod ad visionem non referatur? Non datæ sunt nobis aures, ut audiremus: cur ergo nihil habent quod non sit excipiendo sono proportionatum? Non positi in pectore pulmones, ut aërem hauriremus: cur ergo nihil habent respirationi non destinatum? Cur ergo non dicemus, non esse factum solarium ad indicandas horas, navem ad navigandum?

Sed, inquit Lucretius, membris ipsis posterior est illorum usus. Primum hoc falsum est. Ut enim posterior membris usus eorum censeretur, necesse esset, ut membra per tempus aliquod indifferenter ad hunc, vel illum usum forent & deinceps ad talem præcise determinarentur. Atqui nunquam indifferens est membrorum usus aut fuit, ita ut iis ad hoc vel istud pro lubitu homines uti potuerint. Pleraque vero eo ipso usui incipiunt esse, quo existunt: & ille eorum usus & motus ad corporis vitam necessario requiritur.

Secundo: hæc Lucretii propositio membris posterior est membrorum usus, duplici sensu intelligi potest. Nempe vel sic, ut significet in se & in authoris sui intentione membrorum usum esse membris posteriorem: vel sic, ut significet tantum in executione & ratione temporis post membra membrorum usum haberi. Si posteriore sensu intelligatur, ex parte ve-

ra

(a) Homines boni & mali, ordinis & confusionis notiones sibi efformarunt, postquam sibi persuasissent omnia quæ sunt propter ipsos fieri: tunc in unaqueque præcipuum judicare debuerunt, quod ipsis utilissimum & illa omnia præstantissima æstimare a quibus optime afficiebantur. *Spinoza.*

ra est: sunt enim humani corporis membra quædam quæ prius quam iis utatur homo, in homine existunt. Si autem priori sensu intelligatur, falsa est; & illius veritas sine probatione a Lucretio supponitur. Nec enim membra primum author naturæ condidit, cujus illa essent aut esse possent utilitatis incertus, sed contra prospiciens quid e re & utilitate esset suarum creaturarum, rerumque naturam habens perfectam, membra dedit & ad certos fines, quos mutare nequimus, destinavit. Ut ut exemplis Lucretii utar: commodior & aptior telis pugnandi ratio, eventu ipso & tempore telis est posterior; sed si cogitationem spectemus hominum telis antiquior est, & revera tela peperit. Non possunt ergo univèrse tolli fines rerum, nisi demonstretur nullam esse in parente naturæ cognitionem rerum ante earum effectiorem, quod prædicto argumento non conficit Lucretius.

OBSERVATIO.

Validissimum hoc adversus Atheos ex causis finalibus argumentum multum elevarunt quamplures Philosophi Christiani in multiplici alia re de religione optime meriti.

n Magnus ille Cartesius, Philosophiæ mechaniciæ instaurator, eandem causas finales prorsus a physica sua & etiam a metaphysica ablegavit. In responsione ad objectiones Gassendi scribit. *Nec fingi potest, aliquos Dei fines magis, quam alios, in præparulo esse: omnes enim in imperscrutabili ejus sapientia abyssis sunt*

eodem modo reconditi. Med. 4. Metaph. *Ob hanc unicam rationem totum illud causarum genus, quod a fine peti solet, in rebus physicis nullum usum habere existimo: non enim absque temeritate me puto investigare posse fines Dei.* Et in principiis Philosophiæ p. 2. §. 28. habet: *nullas unquam rationes circa res naturales a fine, quem Deus aut natura in eis faciendis sibi proposuit, admittimus; quia non tantum nobis debemus arrogare, ut ejus consiliorum participes esse possimus.* Consentienter hisce placitis mundi rotis & corporis humani generationem ex principiis mechanicis conatus est explicare, sed satis infelicitè. Ab Atheistica tamen impietate sine dubio longissime abfuit, cum argumenta omnia metaphysica illustraverit; Deumque solum causam materiæ, & motus effatricem & conservatricem statuerit: & insuper etiam decuerit, creatorem eam præcise motus quantitatem materiæ dedisse, quæ apta esset producendis rebus omnibus.

Mallebranchius Cartesii secutus vestigia aliquatenus tamen magistro timidior extitit; utpote, qui cum sola materia & motu sine ratione gubernante Cosmogoniam generalem tentaverit, corporum vero organicorum fabricam ad cæcos materiæ motus revocandam non putaverit.

Horum infelicitibus successibus non deterritus clarissimus author Historiæ naturalis nuper editæ, quamvis ipse sequatur Newtonianam philosophandi rationem, Cartesiano more, valde contemnit causas finales (a); & consentienter huic dogmati, illum admirabilem planetarum con-

cen-

(a) *Le second principe employé par Platon & par la plupart des Spéculatifs, que je viens de citer, principe même adopté du vulgaire & de quelques Philosophes modernes, sont les causes finales: cependant pour réduire ce principe à sa juste valeur, il ne faut qu'un moment de réflexion; dire qu'il y a de la lumière, parce que nous avons des yeux, qu'il y a des sons parce que nous avons des oreilles; ou dire que nous avons des oreilles & des yeux, parce qu'il y a de la lumière & des sons, n'est ce pas dire la même chose, ou plutôt que dit-on? Trouvera-t-on jamais rien par cette voye d'explication? Ne voit-on pas que ces causes finales ne sont que des rapports arbitraires & des abstractions morales, lesquelles devroient encore imposer moins que les abstractions metaphisiques? Car leur origine est moins noble & plus mal imaginée, & quoique Leibnitz les ait élevées au plus haut point sous le nom de raison suffisante; & que Platon les ait représentées par le portrait le plus flat-*

teur.

centum, in quo Newtonus tot divini consilii argumenta invenit, in vis centripetæ & projectilis temperatione (a), cometæ in solem illapsi attribuit. Tellurem omnem nostram exteriorum, tam lætum & copiosum omnibus animantibus domicilium, tumultuam Oceani fluctibus, spumam vel scoriam substantiæ solaris seu vitreæ solcantibus, acceptam refert. Plantarum omnium & animalium organica corpora a vi quadam fictrice materiæ insita effecta esse contendit.

4. Hisce omnibus ducem aliquatenus se præbuerat magnus scientiarum amplifactor & Philosophiæ vates Baconus, qui quidem multo contra causas finales scripsit, & propterea multorum doctorum virorum invidiam subiit. Usinam tamen cæteri omnes, qui ejus monitis paruerunt, moderationem quoque fuissent secuti: neque alium in hac controversia arbitrum quaeremus. Docet quidem ille Platonem & alios quamplurimos causas finalibus egregie abulos esse in rebus physicis & propterea omnino a physica ablegandas statuit: at simul easdem causas veras esse docet & Philosophi inquisitione dignissimas; verum ad Metaphysicam pertinere censet. Ejus locum, quamvis longiore hic describere operæ pretium videtur; quod magnam habeat apud Physicos nostros auctoritatem; & dum ipsis ea omnia concedit, quæ ad perficiendam suam scientiam, necessaria sint, tamen

nullo modo quati Theologiæ naturalis fundamenta.

Metaphysica pars secunda, inquit, est finalium causarum inquisitio, quam non ut prætermittam, sed ut male collocatam notamus. Solent enim inquiri inter physica, non inter metaphysica. Quamquam si ordinis hoc solum vitium esset, non mihi fuerit tanti. Ordo enim ad illustrationem pertinet, neque est ex substantia scientiarum. At hæc ordinis inversio defectum insigne peperit, & maximam philosophiæ induxit calamitatem. Tractatio enim causarum finalium a Physicis, inquisitionem causarum physicarum expulit & deiecit, effecitque ut homines in istiusmodi speciosis & umbratilibus causis acquiescerent; nec inquisitionem causarum realium & vere physicarum strenue urgerent, ingenti scientiarum detrimento. Etenim reperio hoc factum esse non solum a Platone, qui in hoc litore semper anchoram figit, verum etiam ab Aristotele, Galeno & aliis, qui sepius etiam ad illa vada impingunt. Etenim qui quas adduxerit hujusmodi: palpebras cum pilis pro sepi & vallo esse ad munimentum oculorum: aut, corii in animalibus firmitudinem esse ad propellendos calores & frigora: aut, ossa pro columnis & trabibus a natura induci, quibus fabrica corporis innitatur: is in metaphysicis non male ista allegavit; in physicis autem nequaquam. Immo, quod capimus dicere,

hu-

teur de perfection, cela ne peut pas leur faire perdre à nos yeux ce qu'elles ont de petit & de precieux; en connoissant mieux la nature & les effets, quand on sait que rien ne se fait sans une raison suffisante, ou que tout se fait en vûe de la perfection? Qu'est-ce que la raison suffisante? Qu'est-ce que la perfection? Ne sont-ce pas de vûes moraux crèdes par des vûes purement humaines? Ne sont-ce pas des rapports arbitraires que nous avons gèneralisès? Sur quoi sont ils fondès? Sur des convenances morales, lesquelles bien loin de pouvoir rien produire de physique & de rèel, ne peuvent qu'altèrer la rèalité, & confondre les objets de nos sensations, de nos perceptions, & de nos connoissances, avec ceux de nos sentimens, de nos passions & de nos volontès. vol. v. c. 5.

(a) Planetæ sex principales revolvuntur circum solem in circulis soli concentricis, eadem motus directione, in planis orbium planetarum quam proxime. Et hi omnes motus regulares originem non habent ex causis mechanicis... Elegantissima hæcæ solis, planetarum & cometarum compages, non nisi consilio & dominio entis intelligentis & potentis oriri potuit. Newtonus in fine principiorum math. phil. nat. Vide Bentlei sermones contra Athesmum.

*hujusmodi sermonum discursus (instar remotorum, uti fingunt, navibus addaren-
tium) scientiarum quasi velificationem &
progressum retardarunt, ne cursum suum
tenerent, & ulterius progredirentur: &
jam pridem effecerunt, ut physicarum cau-
satum inquisitio neglecta desiceret, ac si-
lentio praeiret. Quapropter philosophia
naturalis Democriti & aliorum, qui Deum
& mentem a fabrica rerum amoverunt;
& structuram universi infinitis naturae
praelusionibus & tentamentis, (quas uno
nomine fatum aut fortunam vocabant) at-
tribuerunt & rerum particularium causas
materiae necessitati, sine intermixtione cau-
satum finalium, assignarunt; nobis viden-
tur, quatenus ad causas physicas, multo
solidior fuisse & altius in naturam pe-
netrasse, quam illa Aristotelis & Plato-
nis: hanc unicam ob causam, quod illi
in causis finalibus nunquam operam tri-
buerunt; hi autem eas perpetuo inculca-
runt. Neque haec eo dicimus, quod cau-
sae illae finales verae non sint, & in-
quisitione admodum dignae in speculationibus
metaphysicis, sed quia, dum in causarum
physicarum possessiones excurrunt & ir-
ruunt, misere eam provinciam depopulan-
tur & vassant. Alioquin, si modo intra
terminos suos coerceantur, magnopere hal-
lucinantur, quicumque eas physicis causis
adversari aut repugnare vident. Nam
causa reddita, quod palpebrarum pili ocu-
los muniant, nequaquam sane repugnat
alteri illi, quod pilositas solet continge-
re humiditatum orificiis, sic de reliquis,
conspirantibus optime utrisque causis; nisi
quod altera intentionem, altera simplicem
consentientiam denotet; neque vero ista res
in dubium vocat providentiam divinam,
aut ei quicquam derogat; sed potius ean-
dem miris modis confirmat & exehit.
Nam sicut in rebus civilibus prudentia
politica fuerit multo altior & mirabilior,
si quis opera aliorum ad suos fines & de-
sideria abuti possit, quibus tamen nihil
consilii sui impertit, (ut interim ea agant
quae ipse velit, neminam vero se hoc
facere intelligant) quam si consilia sua
cum administris voluntatis sua communi-
cet: sic Dei sapientia effulget mirabilis,*

*cum natura aliud agit, providentia aliud
elicit; quam si singulis motibus natura-
libus providentia caracteres essent impres-
si. Scilicet Aristoteli postquam naturam
finalibus causis impraegnavisset, naturam
nihil frustra facere, suique voti semper
esse compotem, si impedimenta abessent,
& hujusmodi multa ex spectantia posuisset,
amplius Deo non fuit opus. At De-
mocritus & Epicurus, cum atomos suos
praedicabant, eo usque a subtilioribus non-
nullis tolerabantur; verum cum ex eorum
fortuito concursu, fabricam ipsam rerum
absque mente coaluisse afferrent, ab omni-
bus risu excepti sunt. Adeo ut tantum
absit, ut causa physica homines a Deo &
providentia abducant, ut contra potius
Philosophi illi, qui in iisdem eruditis
occupati fuerunt, nullum exitum rei repe-
riant, nisi postremo ad Deum & provi-
dentiam confugiant. Idem pulchre scribit
de augm. sci. l. 2. Certissimum est, at-
que experientia comprobatum leves gustus
in philosophia movere fortasse ad Atheis-
mum, sed pleniore haustu ad religionem
reducere. Namque in limine Philosophiae,
cum secunda causa, tanquam sensibus pro-
xima, ingerat se menti humana, mens-
que ipsa in illis haereat atque commoretur,
oblivio prima causae obrepere possit.
Si quis ulterius pergat, causarumque de-
pendentiam, seriem & concatenationem,
atque opera providentiae intueatur, tunc
secundum Poetarum mythologiam facile
credet, summum naturalis catena annu-
lum pedi solis Jovis affigi. De augmen-
tis scientiarum, l. 3. c. 4.*

Magnus Newtonus a Bacono aliqua-
tenus saltem quoad formam loquendi dis-
sentit, dum scribit: Deum cognoscimus per
sapientissimas & optimas rerum structu-
ras & causas finales De quo ex
phenomenis disserere ad philosophiam ex-
perimentalem pertinet. Priac. l. 3. Stant
ergo pro causis finalibus Pythagoras, Pla-
to, Aristoteles, Hippocrates, Zeno, Gal-
lenus, Baconus, Newtonus, Leibnitzius
cum omnibus suis, cum universo huma-
no genere. Causa finita est.

Et certe in hominum artificii, consi-
liis, actionibus eorum fines quaerimus;

ac de eorum industria, bonitate, sapientia, ex finibus & mediorum ad fines aptitudine iudicamus: si ergo mundus sit artificium Dei, si ejus consilio & providentia gubernetur; quare divinam artem, sapientiam, bonitatem ex finibus optimorum contemplatione & aptissima mediorum ad fines obtinendos institutione non investigabimus? In hominum libris legendis, viz. sapiens ad orationis sensum attentus; illum accommodat ad usus suos, nec vane & inaniter grammatices regulas in sece. interitus sententiarum artificium & eum prædictis regulis convenientiam considerat. Sic cum versamur in magno naturæ volmine, grammatici est in re humili defixi, occupari tantummodo in phænomenis ad certas motus regulas generales revocandis; sapientis est, & Philosophi ex consideratione pulchritudinis & magnificentiarum rerum animum suum perficere & amplificare; sapientiam & beneficentiam creatoris perspicere & admirari; accommodare res naturales; quantum in se est, ad creatoris gloriam & summi aliorumque felicitatem; atque ad hos optimos & naturales fines Physicorum uti inventis & observationibus.

ARGUMENTUM SEXTUM.

Ex viribus naturalibus, motu & cogitatione.

PROPOSITIO PRIMA.

Deum esse, qui mundum hunc initio constituit & perpetuâ actione sua moderatur, ostendit corporum motus.

PROBATIO.

NAM vel dicendum est, motus originem & causam nullam esse, neque intra, neque extra materiam, sed illum ab æterno successivis impulsibus semper sine initio continuatum fuisse; uti docebant Epicurei, & inter recentiores Spinoza (a): vel motus originem & causam esse in ipsa materia,

Tom. I.

(a) Parte secunda, prop. 13. lemm. 3. Corpus motum vel quiescens, ad motum vel quietem determinari debuit ab alio corpore; quod etiam ad motum vel quietem determinatum fuit ab alio, & illud iterum ab alio, & sic in infinitum.

quæ habet essentialiter vim motricem, ut posuit Strato, & ex recentioribus Tolandus; vel mentem æternam motus principium esse. Atqui nec primum nec secundum dici potest.

1. Enim absurdum est dicere motus originem & causam nullam esse. Nam absurdum est supponere effectum aliquem existeri sine causa efficiente, passionem esse sine actione. Atqui in illa hypothese esset effectus sine causa. Nam in illa expositione omnis motus seu corporis translatio producta est: atque tamen nulla vis admittitur produciens, neque externa, neque interna. Pone corpus A, impellere corpus B, & B impellere corpus C, & C impellere D: motus corporum B, C, D, erit effectus vis corporis A, & A erit primum movens. Tolle jam illam causam primam A, & habes effectum sine causa. Si fingas corpora illa moveri in orbem & a corpore A derivari successive motum in B, C, D, & Z; A; fingis tantum corpus A, seipsum movere mediatis corporibus B, C, D, & Z; adeoque sui motus causam existeri. Si fingas seriem infinitam, nihil proficies: nam sublata prima causa motus habebis effectum infinitum sine causa. Quod hac comparatione elucidari potest. Finge catenam ex indefinita altitudine pendentem, cujus omnes annuli ponderent in terram; si quaeretur, cur ista catena tam ponderosa non caderet in terram? Num responsum probabilem attulisse cum putarem, qui diceret anulum infimum ab annulo immediate superiori suspendi, hunc ab alio; & fieri infinitum? Iterum profecto quaeretur, quid esset ut omnes annuli suspensi manerent contra vim ponderis? Nam si vis aliqua sit necessaria ad suspendendum unum anulum, major vis requiritur ad suspendendos 30 annulos, major ad 100 suspendendos; & ad pondus infinitum suspendendum necessaria esset vis infinita,

G

ta,

ta, nedum nulla requireretur. Idem dicendum est de serie quacunque causarum sese successive producentium, in qua si primam tollas, habebis, vel finitum, vel infinitum rerum numerum sine causa efficiente. Adeoque suppositio infiniti temporis difficultatem quodammodo ex conspectu remove, nullo modo solvit: & propterea hujus bene conficius Spinoza, cum ab amicis ratio aliqua suæ positionis postularetur, cūstigia semper quæsiuit, ut patet ex *epist.* 63. & *sequentibus*.

2. Non inesse materiæ naturaliter & essentialiter vim motricem, multiplici ratione conficitur.

Primo: Quod essentialiter rei alicui est; ad ejus conceptum pertinet: atqui motus, seu vis motrix nullatenus in conceptu materiæ includitur: adequarem habemus illius ideam, ut rei extensæ & solidæ, absque motu; immo nedum involvat contradictionem corpus aliquod quiescere, e contrario quietem nativum ejus statum esse intelligimus. Et Tolandus, qui sibi in animum induxit defendere illam absurdissimam & abhorrentem a communi omnium sensu opinionem, quod in idea materiæ includatur idea motus, nihil asserere potuit, quod non sit plane ineptum, ut modo videmus.

Secundo: omnis vis motrix repugnat naturæ materiæ. Nam in omni materia est vis quædam negativa & improprie dicta, quam significantissimo vocabulo Philosophi appellant *vim inertiae*, qua corpus quodcumque status mutationi resistit. Hanc inertiam in omni corpore experimur, corpus enim quiescens moventi resistit, & corpus motum resistit sistenti: si duplum fuerit, duplo plus resistit; vel si idem corpus A movendum sit cum duplici velocitate, duplo etiam plus resistit, seu requiritur vis dupla quod profecto non contingeret, nisi esset insita materiæ inertia quædam, qua mutationi status resistat: tolle illam, & minimum corpus moveret maximum corpus, nulla amissa velocitate. Immo ve-

ro non tantum experimur vim hanc inesse materiæ, sed etiam sine illa corpus concipere non possumus; haud magis quam sine extensione vel impenetrabilitate: nam si ad movendum corpus A com aliqua data velocitate, necessaria sit vis aliqua V; fieri non potest, ut ad movendum idem corpus A cum duplici velocitate, vel, quod eodem redit, ad movendum corpus duplum 2 A, non sit necessaria vis dupla 2 V: quia causa debet esse necessario effectui proportionata, & repugnat ut eadem vis motrix producat diversos in infinitum gradus motus. Atqui si ad movendum corpus aliquod cum variis velocitatis gradibus necessaria sit vis major vel minor, habita ratione molis movendæ, vel velocitatis producendæ, agnoscenda est necessario in materia quacunque inertia, qua resistit mutationi status.

Porro hæc inertia, quam inesse corporibus experimur, & sine qua corpora cogitare non possumus, excludit omnem vim motricem. Nam duo contraria, sese mutuo destruentia, eidem subjecto inhtere non possunt: quia res non potest esse simul talis, & non talis. Atqui inertia & vis motrix sunt duo contraria & incompatibilia: & si simul essent insitæ in materia, materia esset iners & non iners; statum servare per inertiam, statum mutare per vim motricem eodem tempore niteretur. Ergo esse in corporibus vis motrix nulla potest.

Tertio: Ex suppositione vis motricis insitæ in materia plura sequuntur absurda.

Nam, ut modo diximus, tolleretur a materia ista inertia, sine qua tamen nullæ esse possunt leges motus, & materia esset prorsus inutilis ad mundi constructionem.

Deinde si inesset naturaliter materiæ particulis vis motrix, vel enim ista vis quaquaverfum niteretur, vel in aliquam partem determinaretur: prius plane absurdum est; nam nifus in omnes simul partes contrarias repugnat: si quidem particula aliqua niteretur versus Orientem,

tem, eo ipso niteretur recedere ab Occidente. Non posterius; cum quia nulla particularis determinatio concipi potest necessaria. Tum etiam quia si aliqua determinatio esset materię naturalis & necessaria, illam determinationem non magis mutare posset, quam naturam. Et si forte contingeret, ut a fortiori abriperetur in partem naturali conatui contrariam, reniteretur sane semper, & prima data occasione naturalem determinationem sequeretur. Jam vero cum hisce naturalibus inclinationibus consistere nequeunt leges motus, quę postulant, ut corpora sint natura sua indifferentia ad quamcunque determinationem.

Si naturaliter inesset corporibus motus, vel vis motrix; illa vis motrix vel ille motus idem semper esset; nec ulla essent motus incrementa vel decrementa. Sed experientia constat motum in collisione corporum, nunc destrui, nunc augeri: in qua re sunt jam Philosophi consentientes.

Si vis motrix esset essentialis materię, nulla particulę vel quiescentis unquam, vel nunc quiescerent: sed perpetuo motu particulę agitatz semper a se invicem divellerentur: ergo nihil generari, seu concretum unquam potuisset, ullamve adipisci stabilitatem & constantiam. Manifestum quidem est res omnes universi certam quandam, justamque motus & quietis mensuram requirere.

Si vis motrix esset materię essentialis, leges motus essent natura, non voluntate determinatz; vel potius esset lex unica, ubique uniformis, ejus necessitatem aliquam deprehenderemus. Sed experimur leges motus esse plane arbitrarias, nec uniformes. Nam vires precipuę, & universales sunt: *gravitas* seu vis qua corpora quęque versus proprium centrum deprimentur: vis *cohesionis*, qua corporum minores particulę colligantur & durę sunt: vis *elastica* seu *repulsionis*, qua corpora minu-

tiora se mutuo repellunt, & fugiunt: vis *percussionis*, quę in corporum collisione manifesta est. Esse alias vires in rerum natura certissimum est, nam ex his non pendent omnia phænomena, saltem quantum noscernere possumus: verbi gratia, omnis œconomia animalis, motus musculorum, sensaciones. (*Vide Hist. nat. nuper editam t. 2. cap. 3.*)

Atqui harum virium leges sunt plane arbitrarię: nam gravitas corporum non eadem est in variis a centro distantibus, sive intra terram, sive extra terram: intra terram corpora ponderare videntur in ratione directā distantiarum a centro; id est, quā proportionē ad centrum accedunt, eadem minuitur eorum pondus. Sed extra terram ponderant aliter: nam quō magis receditur a centro, eo minus pondus est: sed non deerecit in ratione simplicī distantiarum; sed, ut loquuntur Geometrę, in ratione duplicatā inversā distantiarum, id est, corpus in duplo majori distantia, quadruplo minus ponderat: quō nihil arbitrarius magis fingi potest. Sic quoque vis illa, quę cohærent particulę materię in corporibus duris, aliam prorsus legem sequitur, rationem triplicatam vel quadruplicatam inversā distantiarum; nam minimo intervallo nulla est, in puncto vero contactus infinite superat vim gravitatis. Quęcumque sit lex harum virium, quā determinare vix possibile est; liquet certe, quod plane fuerit ad arbitrium facta; nihil in materię natura reperies, quod hæc leges necessarias efficere potuerit. Idem dici potest de ceteris omnibus legibus, quas sequuntur corpora.

Sedimus quidem Epicureos olim & recentiores mechanice Philosophię reſtautores, docuisse omnia phænomena naturę derivari posse ex his duabus simplicissimis legibus: *corpus quodcumque servare statum motus & quietis nititur*: Et: *quantitas motus communicatur pro quantitate motus corporum impingentium (a)*. Sed scimus etiam id

G 2 val-

(a) L'idée de ramener l'explication de tous les phénomènes à des principes mécaniques; est assurément grande & belle; ce pas est le plus hardi qu'on puisse faire en

valde temere ab utrisque assertum fuisse; vixque ullum esse phenomenon, cuius isti Philosophi solutionem feliciter tentaverint. Et propterea quo magis in naturæ intima penetrant observando Philosophi, tanto in dies minuitur apud omnes gentes illorum Philosophorum auctoritas. Adeo ut illa ingeniosa philosophandi ratio per hypotheseis arbitrarías inventa à Cartesio, ab omni curiosis naturæ exploratoribus deserta sit, & in scholas ad puerorum exercitationem amandata videatur.

Obijciat 1. cum Tolando. Motus essentialis materiæ est, & in ejus idea includitur. Nam primum materia omnis est natura sua divisibilis; divisibilitas vero continet ideam motus. Deinde materia sine qualitatibus sensibilibus imaginari a nobis nequit: sed omnes qualitates sensibiles sunt effectus motus. Tercio denique omnis materia movetur, & consequenter concludere debemus motum pertinere ad essentiam materiæ; uti colligimus omnem materiam esse extensam, quod nullam ejus partem inextensam noverimus.

Respondeo, 1. in idea materiæ includitur quidem divisibilitas, & consequenter capacitas motum recipiendi: sed multum distat divisibilitas & divisio actualis per motum; seu capacitas recipiendi motum & motus actualis.

2. Ex eoque quod corpora nobis per motum sensibilia sint, non sequitur illa per motum necessario esse sensibilia. Nam talia esse possunt, & revera sunt, non ex naturis suis, sed ex instituto arbitrario Creatoris, qui potuisset aliam occasionem sensationum constituere, si voluisset. Deinde etsi imaginari non possumus corpora sine aliquibus qualitatibus sensibilibus, saltem illa sæpius existerent sine qualitatibus sensibilibus novimus & existeré pos-

se semper. Novi v. g. sidera sole micante existeré, existunt tamen sine qualitatibus sensibilibus respectu nostri: & cum consentientibus Philosophis, qualitates sensibiles non sint in rebus ipsis, sed in animis; certe sublatis animis tota universitas rerum sine illis qualitatibus existeret. Qualitates ergo sensibiles ridicule dicuntur pertinere ad essentiam corporum.

3. Etiam si concedamus omnem materiam in universo orbe in motu positam esse; quod tamen nunquam consuevit fieri: ex illa universalitate nullo modo sequitur motum ad essentiam materiæ pertinere. Ipse Tolando agnoscit inesse omnibus corporibus vim centripetam, negat tamen illam gravitationem versus centrum esse materiæ essentialem. Oportuisset illum consuecere eandem plane rationem esse motus & extensionis: at sicut, sublata extensiois notionem, tollitur omnis notio materiæ, sic sublato motu actuali nullam relinqui ejus ideam.

Obijciat 2. contra secundam rationem. Vis inertie seu resistentia ad mutandum statum falso dicitur essentialis materiæ. Nam omnes Philosophi in hoc consentiunt materiam esse indifferentem ad motum vel quietem. Atqui illa indifferentia consistere non potest cum prædicta vi inertie.

Respondeo omnes Philosophos docere materiam esse indifferentem ad motum vel quietem, eo sensu quod natura sua non magis propendat ad motum, quam ad quietem; nec magis resistat transire a statu quietis ad motum, quam a statu motus rursus ad eandem quietem redire: sed non docent materiam esse indifferentem, ad motum & quietem, eo sensu, quod in materia nulla sit resistentia ad motum in statu quietis, & ad quietem in statu motus (a).

Deinde etiam si revocari possit in dubium

philosophie, & c'est Descartes qui l'a fait; mais cette idee n'est qu'un projet, & cet projet est-il fondé? Quand même il le seroit, avons nous les moyens de l'exécuter, &c. Vide Hist. nat. ibid. (a) Il semble en considérant l'indifférence de la matière au mouvement & au repos, que le plus grand corps en repos pourroit être emporté sans aucune résistance par le moindre corps qui seroit en mouvement, auquel cas il y auroit action sans réaction & un effet plus grand que sa cause. Leibnitz Theod. pag. 538.

bium a Theista, an illa vis inertiae, quam in materia omni sensibili experimus sit materiae essentialis, an impressa extrinsecus a Deo; id ab Atheo revocari in dubium non potest: nam hic tentur defendere id omne pertinere ad naturam materiae, quod omni materiae inesse constantissima experientia novimus. Sed certe constanti experientia novimus materiam esse inertem.

Ani madvertendum etiam est, majores difficultates, si fieri posset, præmere Atheos, si statuunt materiam non esse inertem, quam si inertem illam esse concedant: nam in hac hypothési nulla esse posset materiae alicujus actio, in aliam materiam. Omne enim corporis momentum pendet ex massa, id est, inertia massae, seu majori vel minori resistentia ad mutandum statum; & ex velocitate. Tolle massam seu inertiam massae, & finge corpus non resiliens: post collisionem, vel corpus, impingens statim quiescet; cum nullam habeat vim ad servandum statum motus, vel nulla amissa velocitate rapit, secum corpus quiescens, quia hoc nullam habet vim ad servandum statum quietis. In neutra hypothési posset hic mundus consistere: in prima esset omnis materia tandem quiescens & moles segnis: in secunda, omnis materia raperetur secundum eandem determinationem. Ad has ergo angustias, reducitur Atheus, ut vel asserat materiam inertem esse naturam, & tunc carebit natura vi motrice; vel ponat non esse inertem, & tunc alterius materiae movens esse non poterit.

COROLLARIA.

Ex his omnibus sequitur primo vanissimam esse philosophiam Stratonis & Stoicorum supra descriptam, quae statuebat inesse materiae vim motricem, quamdam tendentiam ad motum & nihil elementarem. Quam opinionem etiam nostris temporibus secuti sunt Hobbis, Tolandus, necnon clarissimus Leibnitzius.

2. Sequitur non esse inhaerentem materiae vim gravitatis & vim cohaesionis, quales adinvenit Epicurus in individuis illis particulis, quas atomos vocabat.

In qua ejus sententia hoc etiam per absurdum fuit, quod in spatio infinito superius esse aliquid & inferius dicitur, atque ibi gravitate sua ferri & deprimi corpora, ubi nullus erat medius locus seu centrum. In eadem vanitate sunt quidam recentiores Philosophi, qui attractionem inhaerentem materiae qualitatem fecerunt: in qua opinione hoc non solum est reprehendendum, quod vis aliqua inerti materiae tribuatur; sed id per absurdum est, quod corpus dicatur agere in distans, ubi non sit, ubi est nihilum corporis; sicque effectus ex nihilo oriri supponatur.

Sequitur denique vires naturales esse ipsam divinam efficaciam; & omnia phaenomena, quae vocantur effectus virium naturae & legum motus, nihil re vera esse, si proprie loqui velimus, nisi effectus divinae actionis, vel immediate per se moventis materiam, vel mediate per alia entia spiritualia; aut esse effectus particulares legum naturae generalium, quae leges generales sunt tantummodo effectus generales efficacy divinae. Cursus ergo & ordo naturae nullus est proprie dictus, sed hoc nomine significatur divina voluntas, res omnes regens ratione constanti, perpetua & uniformi: ex quo sequitur illius virtute omnia etiam minutissima contineri, atque in ipso ac per ipsum omnia vivere, moveri & esse: & Dei cognitionem ex phaenomenis, pertinere ad philosophiam experimentalem: ut posuit Newtonus. Vide de toto hoc argumento nostris temporibus Cartesium, Mallebranchium, Clarkium de attr. Dei; & in resp. ad Leibnitz. Baxter de immortalitate animae.

PROPOSITIO SECUNDA.

Deum existere, seu Ens a materia segregatum ostendit animis hominum indita cogitandi vis.

PROBATIO.

SI cogitatio (intellige vel perceptionem passivam vel vim percipiendi, vel consentientiam, vel sensum, vel volitionem) a Deo

a Deo non oritur, sed inheret materię, vel oritur *accidentaliter* ex aliis materię affectionibus; nempe magnitudine, figura, situ, motu; quamvis diversę sit naturę; uti posuit Epicurus: vel est una ex his materię affectionibus, seu magnitudo, seu figura, seu situs, seu motus; uti Hobbius scripsit multis in locis: vel denique est facultas insita naturaliter in materia & distincta a motu, situ, figura & magnitudine, uti Strato olim docuisse dicitur. Atqui hæc tres sententię abhorrent a ratione.

1. Absurda est Epicureorum sententia. Nam ex magnitudine, figura, situ & motu nihil gignitur, præter varietatem earymdem affectionum. Divide materię magnitudinem, partes divide in alias minutiones, easdem per totam æternitatem varia ratione seca, nihil generabis unquam nisi diversas magnitudines. Compose mutatione situs varias illas partes, pone partem A nunc ad Orientem, nunc ad Occidentem, nunc ad Septentrionem, muta partium distantiam, nihil habebis nisi diversas materię combinationes. Mole figuram muta, muta partium configurationes; nihil habebis nisi mutationem figurę seu mutatam figuram. Move nunc materię molem, velocitatem auge vel minue in infinitum; nihil movendo generabis nisi motum varium. Et ratio est, quod res compositę nullo modo differant natura a rebus simplicibus ex quibus componuntur; ut cum ex duobus triangulis quadratum efficit, quadratum illud nihil aliud erit quam duo triangula: misce pulverem cæreuleum cum pulvere flavo, habebis ex commixtione pulverem viridem, sed revera ille pulvis viridis nihil est nisi pulvis cæreuleus cum flavo, uti ope perspicillorum ipsis oculis inveni licet. Et profecto si totum aliquid posset habere diversam naturam a partibus, esset diversę naturę a seipso; nam totum aliquid nihil est nisi complexio partium. Unde cum Epicurei supponant cogitatio-

nem natura ab aliis affectionibus differre, illam revera ex nihilo educunt, & sine efficiente causa.

Huic Epicureorum tam sultę opinioni originem dedit eorum inscitia; existimantur siquidem cum plebe qualitates corporum sensibiles, colorem, sonum, calorem, odorem esse ex primariis affectionibus prognatas & existerre in ipsis rebus extra nos positis, e quibus ad nos miris modis transferebantur. Sensationes igitur existimabant oriri ex crassioribus vaporibus, quę perpetuo de corporibus manarent, seseque per sensus in nervos insinuarent; reliquis vero universas hominum cogitationes, sive vigilantibus, sive somniantibus occurrentes, excitari ab aliquodam genere imaginum vel simulacrorum, multo tenuioris texturę de corporibus quoque fluente. Hæc vero tenuiora simulachra, sive idola ad cerebrum dicebant, non per aperta organa sensuum deferri, sed per rara corporis seu poros penetrare, animumque intus afficere: vide Lucr. l. 4. v. 726. Alii vero hanc absontam philosophandi rationem emendare voluerunt: & ideo statuerunt non ipsas imagines & corporibus fluentes irrere undique in animos, sed tendere, seu impellere lucem, seu aerem inter se & animum, & sic tangi sentiri que per animum in distans, quasi per baculum. Illa exposuisse, refutasse est: jam apud omnes certum est, qualitates corporum sensibiles esse animorum affectiones in rebus ipsis neutiquam existentes.

Secunda opinio, in qua definitur cogitationem esse unam ex supradictis materię affectionibus, æque absurda est. Nam de rerum naturis judicare non possumus nisi ex rerum ideis; tolle hoc principium, omnem scientiam sustulisti: ideo tantum affirmo triangulum non esse circulum, quia diversa est idea trianguli ab idea circuli. Atqui idea cogitationis diversa est ab idea magnitudinis, vel figurę, vel situs vel motus; siquidem idea magnitudinis unius polli-

cis,

his, vel pedis, vel exapedæ non est idea cogitationis, non est voluptas, non est conscientia. Circulus, seu triangulum, seu quadratum non est sensus, Syilema quatuor atomorum, vel decem, vel centum, &c. non est sapientia. Motus circularis, seu parabolicus, seu spiralis, non est iudicii vis, præteritorum memoria, seu providentia futurorum. Hæc plane differunt, magisque inter se quam circulus & triangulum; hæc duo eodem genere continentur, circulus vero, seu motus circularis toto genere distat a providentia futurorum, seu memoria, seu conscientia, seu sensu, seu volitione.

Cum vero solcant Athei, & imprimis Hobbius (a), ex materiæ affectionibus motum deligere, cui attribuant cogitationis dignitatem & prærogativam, illam sententiam diligentius expendamus.

Primo: Motus nihil aliud in materia præcreare potest quam divisionem, vel configurationem, vel diversum situm, seu coagmentationem, ut modo dictum est. Sed ab his omnibus multum differt cogitatio.

Secundo: Si motus esset cogitatio, omnis motus esset cogitatio, & eadem cogitatio: nam motus non est res varia, sed uniformis. Variæ ejus determinationes, vel ad Orientem, vel ad Occidentem, sunt tantum externæ & relative denominationes; non mutant ipsam naturam istius qualitatis, quam motum vocamus. Motus etiam circularis, vel ellipticus, non diversus est a motu recto. Quia omnis motus ex natura sua est rectus, & in singulis punctis circuli niscus motus est semper rectus, licet propter impedimentum per-

petuo niscus recti determinatio mutetur: quovis ergo instanti motus habet niscum rectum, & motus circularis nunquam exillie, sed fingitur tantum per memoriam seu mentem ex conjunctione variorum motuum in successivis instantibus. Idem dicendum est de systemate corporum moventium, & de motu impulsivis: tunc quidem essent multæ partes & multi motus, & proinde multæ cogitationes. In omnibus casibus motus est res uniformis, & consequenter si motus sit cogitatio, omnis motus erit cogitatio. Quod absurdum putare videntur ipsi adversarii, qui reactionem quidem cogitationem nuncupaverunt, nunquam vero motu simpliciter rectilideum.

Tertio: Si cogitatio esset species quædam motus, tunc motus esset generica potentia sub se continens cogitationem; uti genus continet speciem. Atqui nedum motus, aut quævis alia materiæ affectio sit generica potentia respectu cogitationis, e contrario cogitatio est genus respectu motus, & affectionum omnium materiæ. Nam existunt tot idem motus, quot sunt modi motus; & insuper tot sunt idem figuræ, quot esse possunt figuræ; tot etiam sunt idem aliarum rerum, quot res sunt, quæ possunt existere: hæc omnes idem sunt modi cogitationis. Manifeste ergo cogitatio cum sit adeo generalis, adeo comprehensiva, & sub se contineat omnes figuras, omnes motus, omnes magnitudines, omnes situs, omnes colores, omnes sonos, omnia denique entia, non potest esse species aliqua motus, sed est genus plane generalissimum.

Quarto: Si motus particularum materiæ esset cogitatio, esset ista cogitatio temeraria sine consilio nata. Nam cujus

con-

(a) Causa sensationis est externum corpus sive objectum, quod premit organum proprium; & premendo, mediantibus nervis & membranis, continuum efficit motum introrsum ad cerebrum, & inde ad cor; unde nascitur cordis resiliencia & contrapressio, sive conatus cordis liberantis se a pressione per motum tendentem extrorsum; qui motus propterea apparet tanquam aliquid externum: atque apparatus hæc, sive phantasma est id quod vocamus sensationem. Lev. c. 1. Vide etiam de sensu & motu animali.

confilium nasceretur? Et consequenter nulla esse posset, nec libertas, nec sapientia, nec providentia: quæ tamen in se se cogitandi vi sentimus.

Quinto: Cogitatio seu conscientia est res permanens: non tantum reminiscimur rerum gestarum 20. vel 30. vel 50. abhinc annis, sed conscii sumus a nobis ipsis eisdem gestas fuisse. Atqui si conscientia esset motus materiæ, ut cerebri, vel sanguinis; subiectum cogitationis non esset permanens, & idem per multos annos, sed in perpetuo fluxu. Non haberemus memoriam, sed multo minus conscientiam individuationis. Neque hæc solvi potest difficultas, nisi defendatur conscientiam transferri ab uno systemate particularum moventium in aliud systema successive per plures annos: quo nihil absurdum magis esse potest; cum ex eo sequeretur qualitatem, qualis est conscientia individuationis, carere posse subiecto, & ipsam substantiam consciam esse posse a se illa facta esse, quæ a centum alijs personis facta sunt; id est, se & centum alias personas esse eandem personam.

3. Absurdum est sentire, cum Stratonem, materiam omnem esse per se percipientem, cogitationemque pertipere ad ejus essentiam.

Primo: Quia id solum materiæ essentiale dici potest; sine quo nequit materia concipi; ideo extensionem, divisibili-

tatem, figurabilitatem, mobilitatem, impenetrabilitatem, ad illius essentiam pertinere dicimus; quia: illas proprietates a materia dividere cogitando non possumus. Atqui vim illam vitalem, illam perceptionem naturalem, qualem admittunt Stratonici, facile a materia dividimus; immo nihil in materia præter prædictas qualitates imaginari possumus.

Secundo; si cogitatio esset essentialis materiæ, a materia non posset abesse, sed omnis materia illam contineret: & esset cogitationis eadem proportio, quæ extensionis seu magnitudinis. Atqui tamen experimur omnem materiam non habere illam vim cogitandi: in tota illa mole corporea; quæ, inquam, nulla pars est quæ cogitet. Nullam aliam viam ad tollendam vim istius rationis invenire potuit Hobbius, nisi hanc: docet perceptionem differre a sensu seu conscientia perceptionis; perceptionem vero in omni materia esse; sensum vero & conscientiam ex memoria pendere, quæ in organizatione sita est: vel sensum nasci ex varietate perceptionum sibi invicem succedentium (a). Sed hæc distinctio perceptionis & sensus seu conscientia, vanissima est; neque ullo modo intelligitur, quomodo una ab altera divelli possit. Perceptio sine sensu & conscientia est perceptio sine perceptione.

Tertio: Si Stratonici Philosophi agnoscant in materiæ particulis perceptionis tan-

(a) Itaque, ait, *Physic. c. 25. sec. 5. Sensioni adheret proprie dicta, ut ei aliqua infra sit perpetua phantasmatum varietas: ita ut aliud ab alio scireni possit. Si supponamus enim esse hominem oculis quidem clavis, cæterisque videndi organis recte se habentibus compositum, nullo autem alio sensu præditum, eumque ad eandem rem, eodem semper colore & specie, sine ulla vel minima varietate apparentem obversum esse: mihi certe, quicquid dicant alij, non videre videretur: attonitum esse, & fortasse aspicere eum sed stupentem dicerem, videre non dicerem. Adeo sentire semper idem, atque non sentire ad idem recidunt. Ibid. scribit: Scio fuisse Philosophos, eosdemque viros doctos, qui corpora omnia sensu prædita esse sustinuerunt. Nec video si natura sensationis in reactione sola collocaretur, quomodo refutari possint. Sed etsi ex reactione etiam corporum aliorum, phantasma aliquod nasceretur; illud tamen remoto objecto, statim cessaret. Nam nisi ad retinendum motum impressum, etiam remoto objecto, apia habzant organa, ut habent animalia; ita tantum sentiant, ut nunquam sensisse se recordentur. Sensioni ergo quæ vulgo sic appellatur, necessario adheret memoria aliqua.*

tantummodo semen & vim genericam sensus & rationis; non sensum animale, rationem, cogitationem reflexam & conscientiam. Nodum ergo non solvunt. Quæ- rere licet unde & quomodo gignatur in animalibus sensus, & in hominibus cogitatio reflexa? Si dicant vitam illam naturalem & genericam diversimode pro organorum diversitate sese exercere, incidunt in labyrinthos Epicureorum; & ipsis concedere coguntur per modificationem in organis factam rem omni antea non existentem & nullum nexum cognationemve habentem cum organizatione.

Quarto: Cogitatio plane repugnat nature materię, seu corporis. Nam corpus est substantia constans multis partibus extra se invicem positis & separabilibus: & æque distinctis, ac sol & luna. Hanc materię naturam participant omnes illius proprietates: magnitudo corporis est multitudo partium juxta se positarum, & augetur vel minuitur, aut juxta positione novarum partium, aut earum subtractione. Figura tota corporis enascitur ex figuris partium exteriorum. Inertia, gravitas, motus corporis alicujus, pendet ex inertia, gravitate & motu partium, adeo ut non possis dividere corpus in partes duas vel tres, quin has omnes pariter qualitates divides. Aequi cum hac partium multiplicitate, quam participant omnes materię qualitates, consistere non potest cogitatio. Nam cogitatio non tantum est disjuncta ab istis qualitatibus corporis (id est, non est longa, quadrata, ponderosa, iners, divisibilis, &c.) Sed est plane simplex & individua; una tantum valet quisque vi, qua res comparat, judicat, conficit; qua præterita tenet, complectitur præsentia, futura providet, qua per totam vitam quisque conscius est sibi, se eandem esse individuum personam successivis temporibus. Atqui hæc vis unica, simplex & individua in re multiplici esse non potest. Nam illa vis in multis partibus esse individua non potest; nisi omnes partes habeant ean-

Tom. I.

dem individuum vim; aut ex omnibus simul conjunctis efflorescat illa vis individua. v.g. Pone illam vim esse in corporibus A, B & C, vel erit in singulis, vel in conjunctione trium. Sed utrumque est absurdum. Primum certe est absurdum, quia qualitas individua corporis B, non potest esse qualitas individua corporis A, non magis quam gravitas, seu motus, seu natura, seu existentia corporis A potest esse gravitas, seu motus seu natura, seu existentia corporis B: non magis quam mea cogitatio possit esse alterius eadem & individua cogitatio. Quæque res habet suam naturam nec natura carere potest; quæque ergo res habet propriam individuationem, & individua qualitas, quæ adhæret naturæ cujusque rei, esse non potest qualitas individua alterius rei, magis quam natura A potest esse identica natura B. Secundum etiam non minus absurdum est: nam qualitas totius alicujus non potest esse diversa a qualitatibus partium; cum totum sit complexio partium, si natura aut qualitas totius differret a natura & qualitate partium, differret a seipsa, quod repugnat. Sic totum non potest esse extensum, nisi partes sint extensæ; totum non potest moveri, quin partes totius moveantur. Sed, inquires, rotunditas in circulo, globositas in globo, est affectio totius, quæ non est in partibus. Nequaquam: nam rotunditas esse non posset, nisi essent arcus seu partes efficientes rotunditatem, nec globus esse posset, nisi essent partes sphericitatis.

Uti sumus solummodo hoc loco rationibus petitis ex multiplicitate partium materię & earumdem divisibilitate: alia argumenta contra animi extensionem quære infra, ubi de immensitate Dei. Vide de toto hoc argumento Cartesium, Mallebranchium, Dangeau: Clarkium, Baxter de immortalitate ani-

ma.

H

AR-

Ex materia & animi existentia.

PROPOSITIO.

*Deum esse, qui cuncta in initio creavit
& sua efficacia perpetuo conservat, ostendunt omnes, quibus constat mundus, substantia.*

PROBATIO.

EX superiori propositione patet duplicem esse in mundo substantiam; materiam nempe, motus subjectum; & spiritum, cui insit cogitatio. Atqui utraque illa substantia non est per se existens, sed alterius Entis arbitrium figmentum. Et primo quidem materiam rem creatam esse multiplici hac ratione conficitur.

1. Illud ens non est per se subsistens & independens, in cuius idea nullo modo includitur necessitas existendi, sed e contrario contingentia: nam si de rerum naturis judicandum sit, judicandum sane est ex ideis. Atqui in materia idea non includitur existendi necessitas, quia potest concipi non existens: nam id solum necessarium cogitatur, quod non potest cogitari non existens; sic dicimus partem necessario esse minorem toto, quia repugnat partem esse aequalem vel maiorem toto: & dicimus e contrario motum corporis alicujus versus quamdam partem determinatam esse contingentem, quia idem corpus motum in contrariam partem facile cogitamus. Atqui materiae partes omnes non existere facile cogitamus, ut unam, aut aliam quamvis, aut omnes simul.

2. Illud ens non potest esse necessarium, sed est dependens, quod nullos habet modos existendi necessarios, sed omnes contingentes & mutabiles. Atqui materia nullos habet modos necessarios.

Maior propositio evidens est; nam quod necessario existit & sine causa, debet etiam habere modum existendi independentem a quavis causa; repugnat plane ut ens sit necessarium & indepen-

dens ad esse, & contingens ac dependens ad modum existendi: quia cum existentia sine modo existendi esse nequeat, talis est modus existendi qualis existentia: immo res quævis necessaria vel contingens denominatur ex nulla re alia, quam ex modo existendi. Proindeque quod contingens est, mutabile & dependens ratione modi existendi, dependens quoque est ratione existentiae.

Minor propositio nullam habet obscuritatem: quis enim modus materiae necessariæ & immutabilis est? Cogita illam in massam homogeneam & uniformem conglomeratam, vel divitam in partes; cum his aut illis figuris, in hoc vel illo situ, in motu vel quiete, in statu fluiditatis vel soliditatis; nullum ex his modis dicere possis necessarium, quia modus contrarius aequè possibilis est, illosque omnes successive induit materia: ergo ipsa materiae existentia, quæ sine his modis contingentibus & mutabilibus esse nequit, est etiam contingens.

3. Materia est ens mere passivum, est enim res divisibilis, mobilis, figurabilis, locabilis, &c. Est res divisa, mota, figurata, &c. quæ qualitates certe sunt passivæ, seu significant hoc unum, materiam posse ab agente varie modificari, & esse jam modificatam. Tolle hanc capacitatem passivam a notione materiae, omnem materiae notionem sustulisti. Atqui quod passivum est, id factum & productum esse necesse est: Nam passivitas non magis concipi potest sine activitate, quam effectus sine causa; eadem omnino est connexio, seu relatio inter id, quod passivum est, & id per quod est passivum; quæ est inter effectum, & id per quod effectus existit. Passivum quippè & activum voces sunt, quæ habent eandem potestatem ac istæ, effectum & efficiens; quia activitas omnis est vera efficientia, & passio est revera effectus, & vice versa: & proinde si fieri posset, ut substantia passiva non esset effectus causæ alicujus, tunc effectus quilibet posset esse a se & independens: quod plane absurdum est.

Ergo

Ergo ex natura materiæ passiva concluditur materiam esse effectum. Hæc lucem & firmitatem ex sequentibus accipient.

4. Illud ens non potest esse necessarium & independens, cuius omnes proprietates non possunt aliter concipi, quam ut effectus causæ alicujus, immo ut effectus arbitrarii. Atqui omnes materiæ proprietates tales sunt. Proprietates corporum sunt, magnitudo, figura, situs, soliditas, motus, inertia; &c. Atqui hæ omnes proprietates seu modi non possunt aliter concipi, quam ut effectus causæ a materia distinctæ. Quid enim est magnitudo finita, nisi moles contingenter, & arbitrarie determinata, quam sine causa determinante cogitare non possumus. Sic quoque figura quævis, seu circularis, seu triangularis, &c. non necessitatis, sed voluntatis opus est; res figurata sine figurante effectus est sine causa. Sic motus seu corporis ex uno in alium locum translatio nulla alia ratione potest cogitari, quam ut effectus vis motricis. Sic soliditas sine cohesione partium non est; cohesio autem effectus est vis alicujus materiæ partes compingentis. Denique ista vis inertię, quam inesse materiæ supra diximus, non alio modo intelligitur, quam ut effectus divini decreti, quo statuit materiam ad mutandum statum allaturam esse resilientiam. Ergo quicquid in materia experimur, non potest aliter concipi, quam ut effectus causæ a materia distinctæ; & in unaquaque atomo vis divina varia ratione conspicua est in determinatione magnitudinis, figuræ, situs, soliditatis, motus, inertię, &c. Dies fortasse atomum quamlibet natura sua finiri & ad talem magnitudinem, figuram, motum, duritiem, inertiam determinari. At per naturam vel intelligis ens aliquod, aliquam vim, distinctam a figura, duritie, &c. vel nihil. Sin primum, habemus quod volumus. Sin secundum, absorde loqueris.

Hoc idem sic brevius confici potest.

Corpus vel habet *necessario* omnes magnitudines possibiles, omnes figuras, omnes situs, &c. vel habet *necessario* nullam magnitudinem, nullam figuram, &c. vel habet *necessario* unam figuram, unam magnitudinem, &c. vel denique habet magnitudinem, figuram, &c. *contingenter* & ex voluntate entis alicujus. Primum contradictionem involvit, nempe corpus habere *necessario* omnes simul magnitudines, omnes figuras, &c. Secundum repugnat: nam corpus sine aliquo ex illis modis existere non potest. Tertium contra experientiam est: nam corpora perpetuis vicissitudinibus obnoxia sunt. Ergo hæc omnia voluntate determinantur. Vide alia argumenta infra, ubi de Ente necessario.

Eadem rationes facile conferri possunt ad conficiendum, animos etiam esse substantias creatas. Nam omnia quoque in animis, sensus, affectiones internæ, vis intelligendi, & cætera sunt arbitraria voluntate determinata.

Obijcies. Est illud Philosophiæ omnis certissimum principium, & ab omnibus Philosophis admissum: *ex nihilo nihil existere*. Ergo.

Respondet: Principium esse Philosophiæ certissimum, ex nihilo nihil existere, hoc sensu intellectum, quod nihil, quod non fuit ante, possit existere sine efficiencia causæ alicujus, vel quod a *nihilo nihil effici possit*. Idem principium esse falsum, eo sensu, quod *nihil, quod non fuit antea, ad existentiam adduci queat*. Igitur fatemur sine efficiente causa ex nihilo nihil posse oriri, quia rei non existentis nulla est efficiencia: ex quo etiam conficitur nunquam fuisse nihil seu non omnia entia esse facta, sed naturam aliquam per se & necessario ab infinito tempore fuisse. Ex eodem principio sequitur, nihil produci posse, nisi ab ea natura, quæ parem saltem rei productæ perfectionem habet, & facultatem tantam, quanta sufficit ad illam producendam: effectus qui perfectior est causa sua, sine causa necesse est ortus sit, cum suæ causæ efficiencia excedat.

Ideoque si nullus in orbe motus foret, neque ulla præter corpora natura existeret, nullus motus unquam posset existeret, cum corpora careant vi motrice. Idcirco etiam videtur nullam naturam finitam & imperfectam, novam substantiam producere posse, tametsi novis modis producendis par sit: quia efficientiam creatricem continere non posse videtur.

Hæc ipsa tamen verba sensum falsum continent, si nimirum per istas voces *ex nihilo*, terminus a quo tantum designetur, & hic illis sensus tribuatur, nihil quod non fuit antea ad existentiam ullo modo adduci posse. Hoc enim si universe verum esset, nulla posset esse productio seu efficientia, nullus motus, nulla cogitatio. Sed in nobis ipsis experimur facultatem, novas cogitationes in animis nostris, novosque motus in corporibus producendi; quod ipsum cogit Atheos, ut hanc propositionem restringant, & de substantiis unice accipiendam stant. Quo etiam sensu falsa est propter rationes supra allatas, & hanc aliam: quia negari non potest creatio, quin tollatur potentia infinita. Nam quid est infinita potentia, nisi facultas perficiendi id omne quod non repugnat? Atqui non repugnat existere aliquam substantiam finitam & imperfectam, quæ antea non fuit, atomum, v. g. vel animal. Qui ergo istud principium hoc sensu assumunt, assumunt nullam esse potentiam infinitam, quod est petitio principii.

At, inquit, istud principium, *ex nihilo nihil fit*, est etiam certissimum eo sensu, quod a causa efficiente etiam infinita nulla substantia produci possit. Nam nequaquam creationem substantiæ ex nihilo cogitatione complecti possumus.

2. Istud principium experientia confirmatur: nam in naturalibus mutationibus, in generatione & corruptione corporum, nulla pars substantiæ vel destruitur, vel creatur; sed si ex nihilo substantiæ oriensur, res aliter sese haberet, ut observavit Lucretius:

*Nam si de nihilo fierent, ex omnibus rebus
Omnes genus nasci posset, nil semine egeret;*

*Ex mare primum homines, & terra posset
oriri*

Squamigerum genus & volucres, erumpere exlo

*Armenta & alia pecudes: genus omne
ferarum*

Incerto partu culta ac desertis tenerent:

*Nec fructus iisdem arboribus constare so-
lerent,*

*Sed mutarentur: ferre omnes omnia pos-
sent.*

3. Quia ut idem Poeta argumentatur:

Præterea nisi materies æterna fuisset

*Antehac ad nihilum penitus res quæque
redisset*

*De nihiloque renata forent quacumque
videmus.*

Respondeo: Tam vanas esse illas Atheorum rationes, præter quas nullas habent alias, ut magnam ex ipsis accipiat auctoritatem nostra conclusio.

Prima ratio sic procedit: non intelligo quomodo substantia ex nihilo producat: Ergo substantia esse nulla creata. Licetbit ergo homini cæco a naivitate concludere nullos esse colores, nec corporum distantium situm & figuram posse cerni? Licetbit ergo nobis omnibus concludere nullum esse in mundo motum, seu cogitationem? Nam non magis intelligimus, quomodo nascantur, quam quomodo oriantur substantiæ. Quod obsecrum est in creatione est transitus a nihilo ad esse, qui transitus æque obtinet in motus & cogitationis productione. Si ergo ex motu & cogitatione concludere liceat esse vim motricem, & vim cogitandi, quam non habeo comprehensam: cur etiam non licebit concludere ex naturalibus & essentialibus proprietatibus rerum finitarum, quæ evidenter sunt contingentes, mutabiles & effectus arbitrarii, esse vim creatricem, etsi illam non complectar cogitatione. Profecto si sit vis aliqua necessaria, illa infinita est, ut modo ostendimus; & consequenter æque certi sumus & certiores, illam existere quæ par sit omnibus rebus possibilibus producendis, quam esse vim aliquam finitam illius participationem.

Se-

Secunda ratio Lucretii plane ridicula est, & efficit solummodo res non oriri ex seipsis, seu sponte sua, temere & sine consilio ac vi causæ efficientis.

Tertia ratio æque est inepta: si res quidem sponte sua temere prodirent ex nihilo, sine causa etiam interire & renasci iterum possent. Sed ubi existunt tantum efficacia potentia infinita, in nihilum redire non possunt, nisi subtractione istius efficaciae per quam existunt. Hæc omnia multo melius retorqueri possunt adversus Epicuri & Lucretii hypothesim: in qua temere & sine causa cuncta, præter brutam materiam, ex nihilo erumpunt.

ARGUMENTA METAPHYSICA.

ESSE Deum seu Ens hominibus excellentius, cujus numine & procuratore cuncta regantur, cum summa vi & auctoritate suadent argumenta moralia, sed parum explicant naturam illam divinam: ideoque videmus hominum vulgus, quod solummodo ex istis argumentis moralibus Deum intellexit, neque sese contulit ad rerum physicarum & metaphysicarum contemplationem, in magna opinionum perversitate circa Dei naturam ejusque virtutem fuisse. Argumenta physica, quæ exposuimus modo, in perfectiorem nos ducunt Dei cognitionem; dum ostendunt eam esse totius universitatis artificem solertissimum; totius naturæ, diffusionis suæ virtutis, rectorem & quodammodo animam; & ipsarum etiam substantiarum omnium creatorem & adminiculum. Sed quæ jam expositori sumus argumenta metaphysica interiorum Dei notitiam dabunt; scilicet, in quibus non tantum videbimus, quam habeat cum hominibus habitudinem, aut cum rebus creatis connexionem; sed qualis in se sit intelligemus. Ex sicut profecto in locis jam explicatis, in moralibus & physicis rebus, nihil est, a quo profecti non possimus ad Deum ascendere; ita in mentis nostræ abstractis ideis, seu in mundo intelligibili ni-

hil quoque est, quod divinam existentiam non demonstret: pene dixerim quod ipse Deus non sit. Id triplici argumento conficiemus: in primo existentiam *Entis summe perfecti*, ex existentia *Entis necessarii* colligemus. In secundo perfecti & imperfecti, infiniti & finiti notiones eandem Dei existentiam efficere probabimus. In tertio ostendemus *efficientias verum necessarias*, & *immutabiles earum relationes*, seu omnem *veritatem conjunctam esse cum existentia Dei, qui est sempiterna & immutabilis veritas*.

Inter argumenta hæc, quædam subtilia nimis & levia videntur multis, neque nos ipsi eandem vim omnibus inesse existimamus; tamen illa omnia breviter exponere constitutum est, quod nobis haudquaquam æquum videatur nostrum ingenium alijs, ut judicii normam, proponere, & moveat præterea sum morum Philosophorum auctoritas, quibus hæc omnia argumenta summo opere placuerunt.

ARGUMENTUM OCTAVUM.

Ab existentia entis necessarii.

PROPOSITIO.

Existere Deum, quo nomine hic intelligimus ens infinite perfectum, demonstratur ab existentia entis necessarii.

PROBATIO.

NAM profecto existit in rerum natura ens necessarium. Atqui ens necessarium est infinite perfectum.

Major propositio ab omnibus seu veteribus, seu recentioribus Atheis admissa est: & revera evidentissimis argumentis sic conficitur.

1. Aliquid existit. Atqui nisi esset eas aliquod necessarium, nullum ens existeret. Nam si nullum esset ens necessarium: entia quævis essent natura sua *contingentia*. Atqui si entia quævis essent natura sua *contingentia*, nullum ens existeret. Ens si quidem contingens illud est, quod ex se & ex natura sua ad existendum vel non existendum indifferens est,

est, quod proinde nisi ad existendum alia re, quam natura sua determinaretur, nunquam existeret. Atqui in hac hypothese nulla alia res est, a qua determinaretur entis alicujus existentia. Ergo nullum ens existeret, quod falsum est. Vel sic brevis confice: omnia entia existunt, vel ob causam aliquam externam, vel ob causam aliquam internam. Prius contradictionem involvit: si posterius verum sit, ergo entia omnia non sunt contingencia, sed est aliquid necessarium: nam ens necessarium illud est quod in natura sua continet rationem existentiae suae.

2. Vel existit ens necessarium quod natura sua necessario existit: vel entia seipsis debere originem contingenter, cum antea non extitissent: vel omnia entia producta fuerunt, uno ente aliud successive generante per totam aeternitatem. Atqui dici nequit, 1. entia omnia contingenter sibi dedisse originem, cum antea non extitissent: quia in ista hypothese res orirentur ex nihilo sine causa: nam res antequam existat est nihilum, & nullam habet efficientiam. 2. Dici nequit entia omnia fuisse successive procreata, nullamque esse primam causam improductam: nam jam demonstravimus progressum ejusmodi in causis producentibus supponi non posse, nec solvere difficultatem; quia tota illa series entium, cogitari potest, ut unum ens continuum sine principio & sine fine, nec tamen necessarium & independens, sed productum. Quod repugnat; cum nullum sit ens a quo producatur.

Minor propositio quoque certa est; nam

1. Vel ens illud quod est necessarium, est necessario finitum & imperfectum, vel est infinitum & perfectum. Seu, conversa propositione, vel finitum & imperfectum est necessarium, vel infinitum & perfectum est necessarium. Atqui finitum & imperfectum nullo modo est necessarium: bene vero quod infinitum & perfectum est. Nam quod multiplex est, quod varium est, quod in suo

conceptu includit arbitriam & contingentem determinationem, non potest dici necessarium: sed id solum quod simplex, quod unum, & in cujus conceptu nihil arbitrium & contingens includitur. Atqui finitum & imperfectum est multiplex & varium, in ejus conceptu includitur contingens & arbitria determinatio perfectionis, ut patet. Ens vero infinitum & perfectum unicum est, & simplex, & in ejus conceptu nulla perfectionis contingens & arbitria determinatio includitur. Ergo finitum & imperfectum non est necessarium, sed potius infinitum & perfectum.

2. Ens necessarium continet in natura sua necessitatem existendi; seu ens necessarium illud est, de quo existentia necessaria nequit negari sine contradictione. Eternum si aliquid posset necessario existere praeter id unum, quod in ipsa sua natura necessitatem existendi continet; sequeretur necessitatem illam existendi, quam res illa haberet, ex nihilo ortam esse, & in nihilo fundatam, eo quod neque ab ipsa rei natura, neque ab alia quavis causa oriri posset. Atqui solum ens infinitum & perfectum in sua natura necessitatem existendi continet: de solo illo ente cum contradictione negatur existentia necessaria. Quia in notione solius entis infiniti includitur existentia necessaria, non vero in notione cujuscunque entis finiti & imperfecti. Ergo ens necessarium est infinite perfectum.

3. Ens necessarium illud est, cujus existentia posita est in necessitate absoluta & antecedente insita in natura: nam juxta nostrum cogitandi modum ens necessarium, non est necessarium, quia existit ab aeterno, seu consequenter ad aeternam existentiam; sed existit ab aeterno, quia necessarium est, seu quia necessitas quaedam absoluta & quodammodo antecedens juxta nostrum concipiendi modum ratio formalis est existentiae. Atqui ens cujus ratio existendi est absoluta & antecedens necessitas, non potest esse finitum & imperfectum. Nam illa necessitas absoluta & antecedens, quae
ratio

ratio existendi supponitur, nullum habet limitem, & exigit æqualiter omnem realitatem, omnes gradus perfectionis, totam entis amplitudinem. Non potes cogitare illam unquam in arbitrario aliquo gradu perfectionis aut aliqua contingentis realitatis limitatione consistere, quin statim, sublata necessitate illa absoluta, arbitrium supponas. Ergo ens necessarium, quod existit ex absoluta & antecedente necessitate, quam nulla res coerceat, quam nullum arbitrium regat, est necessario infinitum & perfectum.

4. Si finitum & imperfectum esset necessarium, ens & nihil haberent quodammodo divinum imperium, & de nihilo plura possent prædicari, quam de ente. Cum finitum non contineret omnem realitatem possibilem, omnes metaphysicas rerum possibilem essentias; nihilum esset necessarium, esset æternum, esset immensum, esset infinitum, esset cognoscibile, immo contineret essentias rerum omnium possibilem, omnes earum rationes (Vide argumentum decimum infra). Atqui absurdum videtur asserere nihilum habere proprietates illas omnes entis, immensitatem, cognoscibilitatem, &c. Ergo infinitum & perfectum quod continet omnem realitatem, excluditque omne nihilum, est necessarium.

5. Ens necessarium unicum est, ut satis patet, & infra probabitur. Atqui ens unicum est necessario infinite perfectum. Nam habet omnes perfectiones possibles & illæ perfectiones possibles sunt infinitæ. Habet quidem omnes perfectiones possibles: nam nulla est perfectio possibilis, nisi quatenus alicui subjecto inhaerere potest. Atqui ens necessarium habet omnes perfectiones, quæ alicui subjecto possunt inhaerere. Duo tantum sunt perfectionum subjecta, ens necessarium & ens contingens. Sed ens necessarium unicum habet manifeste omnes perfectiones proprias enti necessario: habet etiam omnes perfectiones entium contingentium, cum hæc non possint habere nisi illas quas

ab ente necessario acceperunt. Ergo habet omnes perfectiones possibles. Deinde illæ perfectiones possibles numero sunt infinitæ: ille quippe numerus infinitus dicitur, qui absolutus est & cui nihil addi potest. Atqui perfectionum possibilem numero nihil addi potest. Quidquid enim extra perfectiones possibles positum est, id non est in genere perfectionum. Ergo perfectiones possibles sunt infinitæ. Ergo ens necessarium habet infinitas perfectiones; vel saltem tot & tantas habet, quot & quantæ haberi possunt; ita ut nihil ipso sit perfectius, nihil majus, nihil melius: sed tale ens Deus est. Ergo. *Vide Clarkium, de existentia & attributis Dei, & in resp. ad plures litteras ad calcem ejusdem operis.*

ARGUMENTUM NONUM.

Ab idea entis infiniti & perfecti.

PROPOSITIO.

Deum esse seu existere ens infinitum & perfectum probat ipsa idea infiniti & perfecti.

PROBATIO.

NAM certissime indita est mentibus nostris idea infiniti & perfecti. Sed hæc idea multiplicem suppeditat conficiendæ existentie Dei rationem.

Major propositio sic conficitur. Finitum ab infinito, imperfectum a perfecto cogitando distinguimus. Atqui nisi animis informata esset idea aliqua infiniti & perfecti, nec finitum ab infinito, nec imperfectum a perfecto distinguere possemus. Quæcunque enim cogitatione dividimus, aliquid nobis exploratum distinctionis fundamentum habere debent: quod aliud esse nequit præter interiorem sensum aut ideam. Quæ nec sensu nec idea percipiuntur, nec comparari nec dividi possunt, suntque respectu nostri quasi non existant. Ergo infinitum & perfectum, si comparantur cum finito & imperfecto, ab istis cogitando dividantur necesse est, aut sensum al-

quem

quem, aut ideam infiniti & perfecti habeamus (*).

Et profecto ridicule fati diceretur nos nullam habere illius rei notitiam, cujus existentiam multiplici argumento demonstramus, quam & Athei quoque admittere coguntur. Sed entis infiniti & perfecti existentiam superioribus argumentis iam confecimus, & etiam in hypothesi Atheorum, si tollatur mens infinita & perfectionibus absoluta, admittendum erit aliquid aliud infinitum, tum duratione, tum extensione: quod adeo verum est, ut omnes Athei arcem causæ suæ in infinita materia posuerint.

Neque movere quemquam debet quod infinitum comprehendere non possimus, aut informare talem notionem, quæ totam ejus infinitatem exhauriat. Nam habere ideam entis infiniti, est apprehendere ens, cujus naturæ sit nullus terminus habere, v.g. si immensitas esset adjuncta naturæ spatii: vel æternitas esset adjuncta naturæ temporis, cogitando spatium & tempus res infinitas apprehenderemus, licet ipsam earum infinitatem non complecteremur animo. Nullam rem etiam finitam comprehendimus, ita ut ejus noscamos essentiam, aut omnes proprietates & virtutes: num ergo dicendum est, nos rei nullius habere ideam (*Cartes. resp. ad obj. prim.*)?

Jam vero hæc idea entis infiniti & perfecti multiplici ratione confirmat existentiam Dei: 1. si consideres illius originem & causam: 2. si attendas ad ejus constantiam: 3. si ejusdem naturam perspicias.

1. Videtur quod a nulla alia causa quam ab ente infinite perfecto oriri poterit.

Nam primo: prædicta idea non oritur directe & immediate a sensibus externis. Quia est longissime disjuncta ab omni qualitate sensili, seu coloris, seu

soni, seu saporis, &c. ab omni etiam affectione qualitatem sensilem comitante, extensione, motu, figura, inertia, cohesione, divisibilitate, &c. Quia etiam quidquid est realitatis seu perfectionis in aliqua re, id est formaliter vel eminenter in causa sua prima & adæquata, alias effectus existeret ex nihilo: unde sequitur realitatem objectivam ideæ entis perfecti, deberi formaliter contineri in ejus causa. Sed realitas objectiva ideæ entis perfecti, seu omnis perfectio non continetur in objectis sensibilibus.

Secundo: Eadem ideæ non est ab ipsa mente confecta per aggregationem omnium perfectionum rerum finitarum, earumque mentali amplificatione, uti contendunt Gassendus, Lockius, &c. quia 1. non mihi conscius sum, illam ideam a me aliquando confectam fuisse, conquisitis undique perfectionibus: congrua est menti meæ, domestica, nativa. Inferior & imperfectior est mens humana, quam ut rei adeo præstantis notionem sibi informare queat: colligat omnes perfectionum ideas ex sensibus advenientes, omnes suarum perfectionum notiones adjungat, quantum poterit amplificet: illa idea factitia multum aberit ab infiniti & imperfecti notionem, quam gerimus in animis, & cum illa comparata vanitatis convincetur. Quia 2. mens non cudit suas ideas simplices, aut ex phantasmatis educit, uti credebant Aristotelici quidam, sed eas sibi informaras habet a natura, id est, sensu quodam interiori & nativo percipiuntur. At ista idea infiniti seu perfecti est simplicissima, omnisque compositionis experta. Nam infinitas seu perfectio est ens absolute, cui nulli limites adjunguntur. Perfecta seu infinita cognitio est cognitio absoluta, cui nulla ignorantia adjuncta est, seu cognitio sine ignorantia. Similiter infinita & perfecta.

(a) Ideæ nomine, inquit Cartesius in resp. ad obj. tertias, intelligo cujuslibet cogitationis formam, per cujus immediatam perceptionem ipsius ejusdem cogitationis conscius sum, adeo ut nihil possim verbis exprimere intelligendo id quod dico, quin ex hoc ipso certum sit in me esse ideam ejus, quod verbis illis significatur.

Est potentia, nihil est nisi potentia absoluta, in qua nihil cogitur debilitari & impotentia, seu virtus operandi sine adjuncta notione imbecillitatis. Hincque illam ideam infiniti seu perfecti nullo modo neque amplificare, neque immuere, neque ullo modo discipere possumus: sicut ideas omnes factitias mens ad arbitrium varia ratione componit: hæc plane immutabilis, & a mente independentes videtur. Propterea etiam sicut circulus perfectus male diceretur defectus circuli perfecti, sed e contrario circulus imperfectus deficit a norma stabili circuli perfecti: sic quoque imperfectum omne & finitum, quod in sua notione semper includit arbitriam limitationem, deficit a norma simplici, & neutiquam arbitraria, infiniti & perfecti. Ideæ hæc perfecti & infiniti non tantum simpliciores sunt, sed omnino clariores: quia ut quanto plus in re quaque lucis est, tanto illa clarior est & illustrior, sic quanto plus virtutis & veræ perfectionis natura quædam habet, tanto illa melius cognoscitur & facilius sentitur, vis ejus mentem potentius commovet: notioni limitationis, ignorantia, impotentia, &c. quid tenebriculum inest.

Addit Cartesius si omnino velis mentem activam esse & suas omnes ideas credere, & inter alias hanc infiniti & perfecti; eadem ratione argumentari licebit ab origine tantæ activitatis, tam præclaræ facultatis, quæ valeat ipse infiniti speciem sibi informare; quæ tanta facultas non minus requirit causam infinitam, quam ideæ ipsa infiniti.

Vide Cartesii med. tertiam. Vis omnis hujus argumenti, ut satis liquet, pendet ex natura & origine ideæ infiniti & perfecti: si sit accepta a sensibus, factitia, negativa; ut contendunt Gassendus & Lockius, evanescit omnis hujus rationis autoritas.

2. Confirmat Dei existentiam prædictæ ideæ constantia. Nam quæcumque rerum notiones tam alte animis nostris infixæ sunt; ut nullo modo, quidquid moliamur, ejici vel evelli queant, illæ res existunt. Nam tunc existentia

illarum rerum æque certa erit & eodem niteretur fundamento, ac quævis alia veritas: v. g. illa veritas, bis duo sunt quatuor, idco certa est; quia illam idearum convenientiam nec mutare nec eliminare ex mente ullo modo licet. Atqui notio entis infiniti, æterni, immensi, potentissimi, omniscientis, ex harum idearum ordine est: quam nec mutare ullo modo, nec ex mente extirpare possumus, sed semper nobis invitis sese obtrudit. Finge nullam esse omnino substantiam, etiam facta hac absurda hypothese observabitur semper menti forma æternitatis, immensitatis; cogitabis infinitam multitudinem rerum possibilem & veritatem: hæque formas ad nihilum pertinere statuendum erit, dicendumque nihilum esse æternum & immensum, in nihilo contineri infinitas relationes & veritates, atque rerum infinitarum possibilitatem: quod videtur contradictionem involvere. Hoc argumento utitur Clarkius ad demonstrandam existentiam æternitatis successivæ, & spatii infiniti; sed multo melius confertur ad conficiendam existentiam entis infiniti & perfecti, si ne quo æternitas & infinita extensio esse non possunt; at quod fortasse exilire potest sine illa temporis successione & spatii diffusione.

3. Quidquid clare & distincte percipitur, illud est aut esse potest. Sed si ens perfectum esse potest, revera existit. Alias esset simul possibile & impossibile: possibile quidem ex hypothese; impossibile quoque; tum quia, eo ipso quod non existeret, necesse esset non existeret: tum etiam, quia non posset ulla ratione ad existentiam perducī; neque a se; quod res nulla sibi dare existentiam possit; neque ab alio, quia infinitum & perfectum non potest produci ab imperfecto & finito. Valet argumentum hoc, siue idea Dei supponatur passiva, vel negativa.

4. Quidquid in idea clara & distincta alicujus continetur, id de illa re affirmari potest, modo illa idea sit simplex & ab ipsa natura mentibus nostris insita, non conficta a mente. Atqui in idea

simplici & naturali entis perfecti includitur existentia necessaria, æterna & independens, utpote quæ non tantum perfectio est, sed fundamentum omnis perfectionis. Ergo.

Loquatur ipse pro se Cartesius magnus hujus argumenti, si non inventor, saltem defensor (*Princ. Philosa. p. 1. c. 14.*). Animus meus considerans inter diversas ideas, quas apud se habet, unam esse entis summe intelligentis, summe potentis, & summe perfecti, quæ omnium longe præcipua est, agnoscit in ipsa existentiam non possibilem & contingentem tantum, quemadmodum in ideis omnium aliarum rerum, quas distincte percipit, sed omnino necessariam & æternam. Atqui ex eo quod exempli gratia percipiat in idea trianguli necessario contineri, tres ejus angulos aequales esse duobus rectis, plane sibi persuadet triangulum tres angulos habere aequales duobus rectis: ita ex eo solo quod percipiat existentiam necessariam & æternam in entis summe perfecti idea contineri, plane concludere debet, ens summe perfectum existere. Magisque hoc crederet, si attendat nullius alterius rei idem apud se inveniri in qua eodem modo necessariam existentiam contineri animadvertat. Ex hoc enim intelliget, istam ideam entis summe perfecti non esse a se effectam, nec exhibere chimericam quamdam, sed veram & immutabilem naturam, quæque non potest non existere, cum necessaria existentia in ea contineatur (*Vide med. 5. Cartesii.*).

Hoc argumentum cujusque judicio sine defensione relinquemus; dicemus tantum magnam illi accedere auctoritatem ex suffragiis summorum in omni gente philosophorum (*Jacquelot, Saurin, H. More, Gastrel, Lamy, Mallebranche, Stillingfleet, &c.*), & ex dissensione eorum, qui illud confutatur, qui videntur potius suspicari vitium in argumento, quam perspectum illud habere. Budæus, inquit Fabricius, in Cartesii argumento reprehendit quod ideam infiniti & perfecti, pro re infinita & perfecta, quæ non nisi a Deo esse possit, vendit; &

fallacia ambigua locutionis delusus ex eo, quod ens perfectissimum, siquidem existat, necessario existat, concluderet illud etiam existere. Joannes Norris negat primam ideam Dei esse, ut ens, perfectissimum cogitemus, sed illud demum ideam Dei existentis consequi, veluti ideam trianguli consequitur, quod dico in illo latera junctim accepta sunt tertio majora. A Christiano Wolfio notatur Cartesium supponere rem ab Atheo vocatam in dubium, quod ens perfectissimum existere possit. Samueli Clarkio argumenti hujus obscuritas & defectus videtur latere in eo, quod ad ideam nominalem, scilicet definitionem entis per se existentis præcipue se extendit, neque sufficienti evidentia & consequentiâ valido satis nexu applicatur ad ideam realem istius entis actu extra non existentis. Delect. argum. cap. 10. pag. 329. Adde etiam quod ceteri viri, perspicacissimi omnes ingenii nervos contenderint, ut hoc argumentum convincerent vanitatis, & varia exempla paralogis morum protulerint, quæ ejusdem generis esse asseruerunt, tamen successu caruerunt exempla illa: eorum vitia, & cum argumento hoc discrepantiam Cartesiani prodiderunt: v. g. hoc aliquibus probatum est. Quidquid in idea clara percipitur alicujus rei, id de illa re potest affirmari. Atqui in idea horologii loquentis includitur existentia actualis. Ergo. Sed illa idea horologii loquentis factitia est, non simplex, ut est idea perfecti, & ideo tantum concluditur de illo existentia actualis, quia jam in præmissis conjuncta fuit cum horologii idea neutiquam cognata & necessario cum eo conjuncta; vid. actualis loquelæ. Alii hoc exemplo utuntur, quicquid in idea clara, &c. Atqui in idea æterna materia includitur existentia necessaria. Ergo existit necessario materia æterna. Sed in hoc argumento includitur vitium est. Idea æterna materie factitia est & salum potius judicium, quam idea simplex & nobis connaturalis. Er profecto manifestum est exemplum nullum proferri posse: quia, ut observavit Cartesius ad essentiam nullius rei imperfectæ pertinet nec-

essitas existendi, sed è contrario dependentia & arbitraria limitatio.

ARGUMENTUM DECIMUM.

Ex scientia immutabili natura, seu Eternis rerum ideis. & necessariis earum rationibus.

PROPOSITIO.

Deum esse, id est, mentem infinitam, æternam, necessariam, universalem, immutabilem, probant immutabiles rerum essentia & rationes, in quibus posita est omnis veritas & scientia.

PROBATIO.

NAM intelligitur à nobis veritas ut res infinita, æterna, universalis, necessaria & immutabilis, quæ posita sit in immutabilibus & necessariis rerum rationibus. Atqui illa immutabilis, infinita & necessaria veritas, quæ à nobis intelligitur, est modus mentis infinitæ, æternæ, universalis, necessariæ & immutabilis.

Major propositio per se evidens est: vixque potest ex argumentatione accipere auctoritatem. Concipitur quidem veritas, ut infinita: idque vel sola Geometria, quæ circa figuras & abstractas extensionis modificationes occupatur, satis declarat: infinitæ quippe figurarum sunt species, & infinitæ figuræ cuiuslibet proprietates, & figurarum inter se rationes. Est veritas res æterna, quæ semper fuit, eritque semper. Est ne aliquis, qui sibi persuadeat, ante Euclidem, Archimedem, ceterosque Geometras propositiones eas, quarum veritatem detexerunt, veras non fuisse, aut fuisse ad veritatem & falsitatem indifferentes? Erant ergo veræ antequam detegerentur; nec, quantumvis committatur animo, ullum potest tempus concipi, quo figuræ geometricæ, triangulum v. g. determinatam formam non haberet, aut non esset relatio certa & determinata inter latera trianguli; quæ cum omni tempore existeret & demonstrari potuerit, non constata, sed inventa à Geometris fuit. Est veritas res universalis rerum enim

essentiæ & earum rationes, etiam si tot in mentibus existant, haud tamen idcirco discernuntur, amplificatur, aut ullo modo commutantur; verum in omnibus uniusmodi, ejusdemque generis sunt. Quænammodum unum eundemque vultum infinita referunt specula; unius scilicet imaginem innumerabiles simul oculi conspiciunt; unam eandemque vocem mille hauriunt aures: ita infinita mentium multitudo, unam eandemque audit vocem sempiterni verbi; easdem rerum immutabiles formas videt; eadem æternæ luce collustratur, cujus radii in mundum spiritalem universum, non secus ac solares in totum orbem corporeum diffunduntur. Est denique veritas res necessaria & immutabilis, id est, perpetuo & constanter eadem; quæ sicut nunquam esse coepit, ita nunquam esse, aut eodem esse modo, desinet. Fac omnes pereant Geometriæ, non ideo Geometricæ rationes peribunt. Univerfus hic corporeus mundus evanescat, & omnes quæ in eo sunt intelligentiæ tollantur, impossibile tamen erit, rationes quæ nunc ab illis intelligentiis clare & evidenter præcipiuntur, salvæ & incolumes non permaneant. Verum semper erit, tres angulos trianguli æquales esse duobus angulis rectis; in circulo lineam ordinatam perpendiculariter ad diametrum esse mediam proportionalem inter duas partes abscissas diametri. Nullum igitur dubium est, quin inviti concipiamus veritatem, ut quid æternum, infinitum, universale, necessarium & immutabile.

Deinde in veritate, in rationibus his æternis & immutabilibus posita est omnis ars & sapientia: & arte ac sapientia omnia constituta sunt. Nam nullum ordinem, nullum artificium sine illis concipimus; multoque minus intelligimus: quomodo ipsa ars & sapientia ex re bruta oriri potuerit: sunt ergo ipsa per se & rerum omnium principia. Nihilne ergo illud erit, quo cuncta constant atque fundantur? Quod viri atatum omnium sapientissimi tanto studio, tot curis & laboribus deiegere conati sunt, rati nihil veritate & sapientia illustrius, &

in ejus participatione vitæ hujus felicitatem positam esse?

Præterea cærtum est nos res nullas attingere in ipsis, sed tantum intervenitu alicujus ideæ: objecta sensilia percipimus per ideam qualitatum sensilium, & alias qualitates sensiles comitantes; & quia cogimur ab ipsa natura ideam has referre ad res externas, tanquam earum imagines, ideo res externas existere certo judicamus. At æque reales sunt perceptiones intellectuales rerum & earum relationum, eademque natura cogente credimus *immutabiles & necessarias*, & a nostra perceptione vel existentia independentes. Vel, ut verbis utar authoris recentioris nobis in hac parte contrarii, *illæ res sensiles haberi debent reales & existentes, de quibus sensus externi in omni tempore idem testimonium tulerunt: & illæ res certæ sunt, quæ se se offerunt semper eodem modo*. Ergo & illæ res intellectuales debent haberi *reales & existentes*, de quibus *sensus interni & intellectuales* idem in omni tempore testimonium ferunt: & illæ res intellectuales *certæ* sunt, quæ sub eadem forma semper & omnibus sese offerunt: cur fidem habebimus sensui externo, non habebimus interno & intellectui? Cur major illius, quam hujus auctoritas? Cur sensivam certitudinem admitteremus, intellectualem & metaphysicam aspernabimur?

Minor propositio facile probatur, scilicet, veritatem necessariam, immutabilem & æternam esse *modum* mentis necessariæ, immutabilis & æternæ: nam quidquid reale & positivum est, vel est substantia, vel substantiæ modus: ergo infinita, æterna, immutabilis & necessaria veritas, vel est substantia aut alicujus substantiæ modus. Substantia autem illa quæcumque sit, æterna, infinita, necessaria & immutabilis est, ejusdem nempe generis, cujus est veritas, quæ in ipsa fundatur: substantiam certe finitam, recentem, contingentem, particularem, mutabilem, fundamentum esse modi infiniti, æterni, universalis, necessarii & immutabilis repugnat. Neque

enim ullo modo potest in temporaneo fundari quod æternum est, in finito quod infinitum est, in particulari quod universale est, in contingenti quod necessarium est, in mutabili quod immutabile est. Deinde si prædictæ veritates nihil aliud essent quam substantiæ finitæ, contingentes, mutabiles aut harum substantiarum modi; supposita, quod fieri potest, earum destructione, ipsas quoque veritates perire necesse esset, sicut extincta luce pereunt colores, vel destructo corpore interit motus. Sed absurdum est veritatem æternam, immutabilem & necessariam perire. Ergo veritas hæc supponit mentem infinitam, & ejus existentiam demonstrat. Tandem omnes res finitæ & eorum modi in suo conceptu dicunt aliquam relationem ad tempus & causam, præterque etiam ad locum. Sed essentia rerum & earum rationes nullam talem dicunt relationem, quia revera, nec in loco existunt, nec tempore conditæ sunt, nec ullo modo creatæ, sed æternæ & necessariæ.

His argumentis usi sunt clarissimi Philosophi. Platonis (*In Protagoram*), mentem sic expressit Cicero. *Essentias Plato negat gigni, sed semper esse, & ratione & intelligentia contineri.* (*In Metaphysicis*.) Aristoteles, qui est irrisor ideæ Platonis, hoc idem docuit: *formam seu speciem rei nemo facit, nec ea generatur ullo modo*. Alibi eandem formas vocat naturam immutabilem & immobilem. Idem affirmat Cicero multis in locis, præsertim in libris de legibus (*Vide infra, ubi de immutabili natura legis naturalis*). Quos secutus Sanctus Augustinus præclare scribit. *Quapropter nullo modo negaveris esse incommutabilem veritatem, hæc omnia, quæ incommutabiliter vera sunt, continentem, quam non possis dicere tuam, vel meam, vel cujusvis hominis.* (*De libero arbitrio*). Sed omnibus incommutabilia vera continentibus, tanquam miris modis secretum & publicum lumen præsto esse ac se præbere communiter. Omne autem quod communiter omnibus ratiocinantibus atque intelligentibus præsto est, ad ullius eorum proprie

naturam pertinere quis dixerit? (a) Huic etiam argumento subscribere debent ii omnes, qui ex Ideis spatii & temporis infiniti concludunt eorundem existentiam.

Ex alia parte adversus doctrinam hanc disputarunt olim, & nostris temporibus quamplurimi.

1. *Protagoras Abderites*, uti constat ex *Platonis theaeteto*, asserbat nullam esse immobilem essentiam, nullam absolutam & universalem veritatem, sed tantum relativam; omnem scientiam non esse comprehensionem naturae immutabilis, sed esse sensum ex motu corporum exortum: animam ipsissimos sensus esse dicebat; & consequenter uniuscujusque hominis sensum aut opinionem unicam esse regulam omnis veritatis... Quaecumque alicui videntur esse, ea esse illi cui videntur... Omnem visionem seu opinionem veram esse. Ex quibus etiam hic concludebat: Quaecumque civitas quadam sancti pro honestis vel inhonestis, pro iustis & iniustis, pro sanctis & profanis habenda esse, ea civitati illi reapse talia esse: nec in ejusmodi rebus ullus privatus alio privato, aut civitas sapientior esse. Hæc Protagoræ sententia dupbus nitebatur fundamentis. (Vide *Cudw. de ætern. justis & iniustis* not. l. 2.), nempe doctrina *Heracleti*, qui nihil stare, sed omnia instar fluminis perpetuo fluere assermabat, & atomica philosophia, quæ nihil nisi materiam & motum adittebat.

2. Eandem cum *Protagora* opinionem tenere deberent omnes *Democriti* & *Epicuri* discipuli; neque minus vani sunt, dum scientiam seu comprehensionem veri immutabilis ex fluxu atomorum temere vagantem educunt; quam cum ex eorundem motu ortam fingunt libertatem. Attamen non eo ulque processerunt, sed contra in sensu judicium veritatis posuerunt. Dicebant res triplici ratione percipi sensu, mente & affectione; sed mentem & affectionem ex sensu derivabant: mentem quidem, quod omnis idea, seu species mentalis, quam vocabant *antici-*

pationem vel *prænotionem*, gigneretur vel *incurfione*, cum res sensibilis directe incidit in sensus; vel *proportionem*, cum res accepta per sensum amplificatur vel minuitur; vel *similitudinem*, cum ad instar rei; quæ fuerit sensu percepta, similem aliam imaginamur; vel *compositionem* denique, cum duarum aut plurium rerum distinctas notiones in unam compingimus. Adeoque juxta ipsos notiones mentis abstractæ & universales, quas *Plato* & *Aristoteles* dicebant per se intelligibiles & menti domesticas ac natives, ex rebus sensibilibus arripiuntur: scilicet, mens visis pluribus singularibus, eorum variis discriminibus quasi sepositis, anticipationem ejus, quod commune est, effingit. Hanc philosophandi rationem nostris temporibus secuti sunt *Gassendus*, *Lockius* & alii.

3. *Hobbius* quoque philosophiæ *Epicuri* sese addixit, sed suo more quædam immutavit, vel enucleatius exposuit. Docet originem omnium cogitationum esse sensum: nullam esse animi conceptionem, quæ non fuerit ante genita in aliquo sensuum, vel tota simul, vel per partes: causam autem sensationis esse externum corpus, sive objectum quod premit uniuscujusque organum, & premendo continuum efficit motum introsum ad cerebrum, & inde ad cor; unde nascitur cordis resistencia & contrapressio, sive conatus cordis liberantis se a pressione per motum tendentem extrorsum; qui motus propterea apparet tanquam aliquid externum. Atque apparitio hæc sive phantasma, est id quod vocamus sensationem... Postquam enim objectum remotum est, vel oculus clausus, imaginem tamen rei visæ retinemus, quanquam aliquanto obscuriorem: atque hæc est imago, a qua sacularem appellamus imaginationem. Quæ nihil aliud est quam sensio deficiens sive phantasma dilutum & evanidum; & est hominibus cum animalibus cæteris fere omnibus communis, seu vigilans, sive somnians... Eadem est res imaginatio & me-

(a) Vide de hoc argumento *Cudworth syst. intellect. & l. de æternis justis & iniustis mensuris*. *Maillebranche entret. metaphys. Œuvres polemiques* t. 1.

memoria, sed propter diversas considerationes diversis nominibus significata. Memoria multarum rerum dicitur experientia Imaginationes dormientium sunt somnia ... Difficile est, inquit, & multis videtur impossibile inter sensum & somnium distinguere accurate. Ego quoties considero, quod in somniis, neque saepe, neque constanter, eadem objecta, loca, personas actionesque imaginor, quae vigilans; neque tam longam seriem cogitationum coherentium reminiscor somnians, quam alias; & quoniam vigilans absurditatem somniorum meorum saepe video, somnians autem cogitationum meorum vigilantis absurditates non video, satis persuasus sum vigilantem me scire quod non somniem, quamquam somnians videor mihi vigilare. ... Imaginatio, quae in homine aliove animali, a sermone vel aliis signis voluntariis nascitur, appellatur intellectus (ibid. c. 3.) Series imaginationum est discursus; ad quem revocatur, facilius inveniendi seu sagacitatis, reminiscencia, prudentia (ibid. c. 6.) Ratio, nihil aliud est praeter computationem, sive additionem & subtractionem nominum generalium, quae ad notationem sive significationem cogitationum nostrarum recipiuntur Apparet hinc rationem non esse, sicut sensus & memoria, nobiscum natam; neque sola, ut prudentia, experientia acquisitam, sed industria, scilicet apta imprimis impositione nominum; deinde methodo recta procedendo a nominibus ad propositiones, & a propositionibus ad syllogismos, donec veniatur ad cognitionem consequentia-

rum nominum omnium quae ad scientiam pertinent. Cognitionum duae sunt species, altera facti, & est cognitio propria rerum, cujus scriptio est historia. Altera est consequentiarum, vocaturque scientia, scriptio autem ejus appellari solet Philosophia.

Doctrinam hanc brevius expositam habemus in objectionibus ad mediu. Cartesii, his verbis. Quid dicemus, si forte ratiocinatio nihil aliud sit quam copulatio & concatenatio nominum sive appellationum per verbum est. Unde colligimus ratione nihil omnino de natura rerum, sed de earum appellationibus, nimirum utrum copulemus rerum nomina secundum pacta, vel non. Si hoc ita sit, sicut esse potest, ratiocinatio dependebit a nominibus, nomina ab imaginatione, & imaginatio ab organorum corporeorum motu. Et sic mens nihil aliud erit, praeterquam motus in partibus quibusdam corporis organici.

4. Cl. author historiae naturalis nuper vulgatae superiorem doctrinam suam in multis partibus fecit. Docet omnem veram & realem cognitionem esse sensum, omnem scientiam esse experientiam; ideas abstractas principia cognitionis esse non posse, neque in talibus fundamentis quidquam poni praeter templum erroris sacrum (a). Hinc quoque alibi scribit veritatem esse rem vagam, quae nullam habeat definitionem; veritates ipsas mathematicas, quae primi ordinis censentur, esse positas in definitionibus seu suppositionibus arbitrariis & relativis: & ideo ipsas veritates, quae ex talibus principiis deducuntur.

(a) Est il bien difficile de voir que nos idées ne viennent que par les sens, que les choses que nous regardons comme réelles & comme existentes sont celles dont nos sens nous ont toujours rendu le même témoignage dans toutes les occasions, que celles que nous prenons pour certaines, sont celles qui arrivent & qui se présentent toujours de la même façon; que cette façon dont elles se présentent ne dépend pas de nous, non plus que la forme sous laquelle elles se présentent: que par conséquent nos idées, bien loin de pouvoir être les causes des choses, n'en sont que les effets & des effets très-particuliers, des effets d'autant moins semblables à la chose particulière, que nous les généralisons davantage; qu'enfin nos abstractions mentales (toutes les perceptions qui ne sont pas sensations) ne font que des êtres négatifs qui n'existent même intellectuellement, que par le retranchement que nous faisons des qualités sensibles aux êtres réels. Des lors ne voit-on pas que les abstractions ne peuvent

cuntur, esse quoque arbitrarías & relativas (b).

5. Denique adversus expositam supra doctrinam differt Cartesius in meditationibus suis metaphysicis, & in responsionibus ad objectiones adversus eandem meditationes. Non quidem cum Protagora sustulit omnem absolutam veritatem aut essentias rerum immutabiles; neque cum atomice Philosophi & recentioribus metaphysicis sensum principium omnis scientiæ fecit, sed essentias ex Dei arbitrio dependere asseruit. *Resignat, inquit, Dei voluntatem non fuisse æternò indifferenter ad omnia quæ facta sunt, aut unquam fieri; quia nullum bonum vel æternum, nullumve credendum, vel faciendum, vel omittendum fingi potest, cujus idea in intellectu divino prius fuerit; quam ejus voluntas se determinavit ad efficiendum ut id tale esset: neque hic loquor de prioritate temporis, sed ne quidem prius fuit ordine, vel natura, vel ratione ratiocinata ut vocant. Exempli causa, non voluit tres angulos trianguli, æquales esse duobus rectis, quia cognovit aliter fieri non posse: sed contra, quia voluit tres angulos trianguli necessario æquales esse duobus rectis, idcirco jam hoc verum, & aliter fieri non*

potest. Et alibi scribit (In resp. ad obj. Gassend. adv. med. sam.): Quemadmodum Poeta fingit a Jove quidem facta fuisse condita, sed postquam condita fuerit ipsum se ipsis servandis obstrinxisse; ita ego non puto essentias rerum, mathematicasque ullas veritates, quæ de ipsis cognosci possunt, esse independentes a Deo; sed puto nihilominus, quia Deus sic voluit, quia sic disposuit, ipsas esse immutabiles & æternas. Cum his igitur,

Objicies 1. Omnis intelligentia nihi aliud est quam sensatio a rebus corporeis excitata. Atqui per sensationem non percipiuntur nisi res singulares, mutabiles & temporaria.

Respondeo nego majorem, idque ob multiplicem causam.

1. Quia ex prædicto principio multa sequuntur absurdissima: videlicet, omnem opinionem esse veram, cum omnis sensus sit verus sensus: sequitur opiniones contradictorias posse esse simul veras, opinionem verbi gratia Protagoræ; & opinionem contrariam Platonis; nullumque esse commune criterium veritatis, sed privatum in unicuique sensu. Sequitur nullum esse discrimen inter conceptiones vigilantis, & phantasmata somniantis, vel deliria febricitantium. Hæc

con-

vent jamais devenir des principes, ni d'existence, ni de connoissances réelles, qu'au contraire ces connoissances ne peuvent venir que des résultats de nos sensations comparés, ordonnés & suivis, que ces résultats sont ce qu'on appelle l'expérience, source unique de toute science réelle, que l'emploi de tout autre principe est un abus, & que tout édifice bâti sur des idées abstraites, est un temple élevé à l'erreur? 1. 2. ch. 5. p. 77.

(a) Le mot de vérité ne fait naître qu'une idée vague; il n'a jamais eu de définition précise, & la définition prise elle-même dans un sens général & absolu, n'est qu'une abstraction qui n'existe qu'en vertu d'une supposition.... Il y a plusieurs espèces de vérités, & on a coutume de mettre dans le premier ordre les vérités mathématiques, ce ne sont cependant que de vérités de définition; ces vérités portent sur des suppositions simples, mais abstraites, & toutes les vérités en ce genre ne sont que des conséquences composées, mais toujours abstraites, de ces définitions, nous avons faites des suppositions, nous les avons combinées de toutes les façons, ce corps de combinaisons est la science mathématique, il n'y a donc rien dans cette science que ce que nous y avons mis, & les vérités qu'on en tire ne peuvent être que des expressions différentes, sous lesquelles se présentent les suppositions que nous avons employées; ainsi les vérités mathématiques ne sont que les répétitions exactes des définitions ou suppositions.... Et comme les définitions sont les seuls principes sur lesquels tout est établi, & qu'elles sont arbitraires & relatives, toutes les conséquences qu'on en peut tirer sont également arbitraires & relatives. 1. 1. p. 53. in 4.

confectaria a *Protagora* & *Heraclito* admixta olim sunt, adeoque atterebant falsum illud esse principium: *impossibile est aliquid simul esse & non esse*: quod opinio posset esse simul vera & falsa.

2. Experimur inesse animis nostris nobiliorem facultatem *contingendi*, *judicandi* & *rationandi*, quæ de sensibus ipsis fert sententiam, fallacias & errores eorum aperit; docetque nihil in rebus externis esse simile qualitativis sensibilibus, coloribus, sonis, calori, &c. quæ in nobis ex eorum præsentia excitantur. Hoc etiam confiteri cogebatur *Democritus* *Archeistica* sedæ princeps unus: *Democritus*, inquit *Sextus Empiricus*, in regulis duas dicit esse cognitiones; alteram quidem per sensus, alteram vero per cogitationem. Ex quibus cognitioni quidem per cogitationem tribuit *judicium veritatis*, ac *genuinam*, & *fide dignam esse* testatur: cognitionem autem per sensus nominat *tenebrosam*, eripitque ei hoc quod in vero discernendo errare nequeat.

3. Si intelligentia esset *sensatio*, nullæ essent in mente notiones, nisi rerum corporearum. Attamen innumerae insunt animis notiones, quæ ad corpora nullo modo, aut ad ea sola non pertinent: tales sunt omnes conceptiones *perfectiorum spiritualium*, sapientiæ, justitiæ, bonitatis, veritatis & falsitatis, conscientiae, memoriae, iudicii. Hæc nec visu, nec tactu, nec olfactu intelliguntur; tantumque abest, ut a corporibus adveniant, ut nullo modo illas nunties cum materia conjungere possimus. Tales sunt conceptiones *respectuum seu relationum*, quæ existunt inter res corporeas & ex quibus exurgit id quod *pulchrum* vel *deserme* nominamus: perceptio convenientiæ plurium rerum, vel inter se, vel cum fine aliquo, longissime distat a sensatione ab ipsis rebus excitata. Ex. gr. non sensu externo percipitur pulchritudo vel convenientia partium *Ancidis*, neque systematis *Copernicani*, neque magni ædificii, aut cujuscunque compositi, in quo spectanda convenientia partium inter se, & omnium cum inten-

to fine. Tales sunt idææ *numerationum*; quæ sine corporum ideis perfectissimæ esse possunt; *durationis*, quæ comitatur omnes operationes mentis: *extensæ*, & *spatii*, & *motus*, & *quietis*, quæ dicuntur *affectiones sensationem comitantes*. Tales denique sunt *ideæ simplices figurarum perfectarum*, circuli, trianguli, quadrati, &c. quarum nulla sunt corporea exemplaria; sed cum menti nativæ & domesticæ sint, eas ad res corporeas applicat: vel accidit nobis res corporeas contemplantibus, quod homini qui piam amici absentis imaginem contemplatur. In illius hominis animo binæ sunt eodem tempore imagines & diversæ formæ; quarum altera impressa est a tabula, altera jam ante in mente exitit; hæcque norma & exemplar est ad quod illam expendit, & vactorum vitiorum convincit. Ita in mente Geometræ res corporeæ non generant illas simplices & perfectas notiones, sed excitant solummodo; quæ excitatae sunt mensuræ imaginum corporearum (*Vide Cartesii med. 5. initio*). Atque, ut observat *Aristoteles analyt. post. l. i. p. 226.* earum rationes quamvis per sensum aliquo modo perciperemus, tamen illas per sensum non *sciremus*, demonstrationem requireremus: quia *scire* est id, quod universale est, cognoscere.

4. Aliud multiplex discrimen inter *sensum* & *intelligentiam* notavit *Plato*. 1. *Sensus* est pura passio in organis sensuum per motum externum facta, cujus occasione alia succedit passio spiritualis in mente, aut est quædam cum corpore compassio; quæ de iis rebus quæ pertinent ad statum corporis mens conscia fit: Caret omni vi activa qua possit ejus, quod recipit, notitiam comparare. *Intelligere* vero est interiori quadam mentis vi, eademque insita, nativa & domestica rei cujusdam notitiam consequi. 2. *Sensus* est mera perceptio formarum quarundam corporearum, humilis & depressus jacet in rebus sensibilibus, nec sele erigere potest atque ad notionem abstractam & universalem ascendente. *Intelligere* est rem aliquam reapse

comprehendere ope rationum quarumdam abstractarum & universalium, per quas, ut Boethius loquitur, mens quasi desuper spectans, concepta forma quae subsunt dijudicat. 38. Sensus obscura est & parum accurata perceptio extremitatum naturae cujusdam corporis, & accidentium ejus, intermedium statum, indolem & rationes sensus non assequitur: hincque fieri potest ut res quaedam eadem maneant, & nihilo tamen minus respectu omnium sensuum mutetur, sub aliis nempe qualitatibus sensibilibus appareat, alio colore, odore, calore, &c. Solus intellectus veram rerum naturam, & immutabiles rationes percipit atque comprehendit. 4. Sensus qui extra corpus percipiunt, & rem objectam contemplantur, distant intervallo ab ea re, quam contemplantur. Intellectus autem rem quam novit & intelligit, interius & sine ullo intervallo expendit; ac quod vocabuli intellectus origo indicat, in interioribus, legit, intra se collecta ipsam rem complectitur. 5. Sensus corpora singularia externa, ope rei alicujus ab illis fluentis & quodammodo a posteriori percipit: omne enim quod in nobis per res sensibus subjectas extrinsecus producitur, nihil est, quam motus in organis sensuum. At intelligere non est percipere per impulsum organorum, sed per excitationem interiorum animi facultatum. 6. Sensus non est perceptio rei extra mentem positae, sed passionis solummodo animae: corpus cum acu pungitur, aut gladio vulneratur, nemo sibi persuaserit dolores exinde natos veras esse & absolutas qualitates in acu seu gladio ante sensum nostrum existentes: & idem verum est de omnibus aliis sensationibus. Immo vero adsunt hae sensationes, ubi nulla est objectiva realitas; quod contingit iis, qui post abscissam manum sentiunt dolorem quasi in digitis, qui jam non sunt sui corporis. Quod accidit etiam dormientibus, furiosis, febriçantibus, quibus phantasmata obversantur. Et quamvis in vigilantibus phantasmata minus vivida sint, sensationes validiores; accidit tamen etiam in vigi-

Tom. I.

lantibus, seu metu, seu alia passione graviter commotis, ut sensationes phantasmaticus vincantur; & propterea multa cernant, vel audiant, quae extra mentem non existunt. Intellectus vero ipsas rerum naturas attingit; id patet ex ipso iudicio quod de sensibus fert; nam ea res, quae in nobis pronuntiat, notiones rerum, quas sensus nobis informant, non absolute veras esse; phantasmaticis non semper credendum; non potest non sensu & imaginatione praestantior esse. Bene ergo scripsit Cartellus: *ipsamet corpora non proprie a sensibus, vel ab imaginandi facultate, sed solo intellectu percipi; nec ex eo percipi quod tangantur aut videantur, sed tantum ex eo quod intelligantur.* 7. Sensus ubi nimio splendore rerum percussitur; tunc obundatur, frangitur. Intelligentia per veritates maxime splendida haud debilitatur, sed e contrario roboratur. Quod discrimen ex eo nascitur; quod sensus nihil sit quam passio mediantibus organis corporis excitata, intellectus sine organis fortasse exerceat sese.

Obijcies 2. *Abstractae rerum ideae*, quales sunt omnes perceptiones praeter sensationes rerum particularium in sensibus externis genitas sunt *figmenta* animi humani. Scilicet inest homini facultas ideas complexas ex sensibus advenientes varia ratione dividendi; & unam qualitatem, cum aliis multis in ipsis rebus conjunctam, separatim considerandi, abstrahendique: hincque natae sunt omnes praedictae ideae abstractae, quae eo magis, dissimiles sunt rerum particularium, quo subtilior est abstractio (*Locke de intell. hum. l. 3. c. 3. 67. Essai sur l'origine des connoissances humaines sect. 5.*). Immo vero fortasse nihil aliud sunt quam *voces generales*, quibus nulla respondet idea, sed significatur multitudo rerum particularium (*Hobbes supra. Berkeley de princ. cog. hum.*) Jam vero hae animi figmenta arbitraria sunt & relativa, utpote merae *suppositiones* vel *appellationes* ex arbitrio pendentes, nullatenus vero naturis rerum congruentes (*Hist. nat. supra*). Ergo ad nullam realem cognitionem nos ducere possunt.

K

Re-

respondendo omnes hujus argumenti partes non minus a veritate quam a communi omnium ferme veterum & recentiorum opinione abhorretere.

Nam 1. falsum est omnes nostras ideas, quæ non sunt rerum particularium per sensus externos, animi esse *figmenta*. Quia ex modo dictis manifestum est habere nos sensum interiorem, vim intelligendi sensu externo præstantiorem, cujus facultatis objecta naturalia sunt virtutes animi spirituales, idæ incorporæ & relationes omnes; cujusque ope spirituum æque perfecta est notitia ac corporum: laetet intima utriusque natura, notæ sunt affectiones. Illud ergo axioma, *nihil est in intellectu quod prius non fuerit in sensu*, verum esse poterit hoc tantum sensu, quod in intellectu nihil sit, cujus sensus occasio non extiterit. Neque hoc negat Cl. Lockius, at ejus quidam discipuli nobis vendunt doctrinam in objectionem contentam, ut clavem novam omnis cognitionis humanæ, cujus ope omnem ex scientiis obscuritatem & errorem liceat depellere, & veritatis interiora adyta penetrare: miseranturque omnium hæcenus Philosophorum sortem, qui sine hoc filo scientiarum labyrinthos ingressi sunt. Sed, quæso, hujus tam præclari inventi qui hæcenus fructus extitere? Aut in quo tantum differet (differet sane quoad verba) ab obsoleta Peripateticorum doctrina, quod *concepius animi* & rerum *rationes ex phantasmatibus ab intellectu agente* advocantur? Obijcerent eis Platonici quod olim Peripateticus, quod intellectu tantum facultatis & vigoris concedant, quantum ipsi ei tribuerent, tantumque interfit inter utrosque quantum intereum qui diceret, soli esse potentiam lucem ex nocte seu caliginoso aere educendi, aliumque qui solem contenderet pollere facultate lucem ex ipso corpore suo protrudendi. Utrique hi parem soli largiuntur vim & potentiam: verum hic apte magis & proprie enuntiat, quod ille minus accurate ac proprie tradit (*Cudw. de et. just. not. L. q. c. 1.*).

Quod vero spectat illos, qui abstra-

ctas & generales rerum notiones & rationes nihil esse statuunt, quam mera vocabula, quibus nulla subjecta potestas est, judicat Cudworthus (*Ibid.*) eos indignos esse cum quibus aliquis congregetur, cujus sequimur judicium, quamvis impense veneremur unum, cui hæc doctrina placuit.

2. Parum refert quam habeant originem, seu existendi occasionem prædictæ idæ. Quia argumentum nostrum petitur ex earum natura. Docuit Plato illas ideas ab ipsa mente naturali energia gigni: quæ sententia nescio quare ab omnibus jam deserta & derelicta sit. Docuit Mallebranchius illas perceptiones esse passiones ab immutabili & universali natura: quæ sententia, quamvis habeat aliquam obscuritatem, tamen æque intelligitur, ac illa passio, quam defendunt Athei, ex rebus corporis. Immo vero cum major cognatio sit inter mentem & Deum, melius mihi videor intelligere, quomodo ab ipsa Dei natura afficiatur, & de ejusmodi modis certior fieri; quam quomodo a natura tangar corporis, & de ejus admonear affectionibus & proprietatibus. Quidam tandem recentiores, non sine supercilio & optimorum Philosophorum aspernatione, promuntiant ideas omnes abstractas ortas esse primum in sensibus, & per mentis operationem a rebus particularibus esse separatas. Esto. Hæc verior sit sententia. Num idæ abstractæ, & earum rationes erunt idcirco *figmenta relativa & arbitraria*? Nequaquam. Etiam in hac hypothesi idæ simplices circuli & trianguli tam erunt passiones mentis, occasione sensationum exortæ, quam sensationes coloris & soni: & earum quæ rationes, ubi mens illas figuras contemplabitur, erunt quoque passiones intellectuales: non potest Mathematicus non sentire tres angulos in triangulo esse æquales duobus rectis. Quomodo ergo *figmenta* sunt? Deinde dicimus sensationem quamvis caloris, vel saporis, &c. esse *relativam*, quia ex mea sensatione colligere non possum, quid alia entia rationalia ad præsentiam talis objecti sentiant;

niant; habet cum me solo relationem; & ex ea intelligo, quomodo se habeat obiectum relative ad corpus meum. Sed ex abstractis ideis, colligo quid omnia entia rationalia intelligunt: ex. gr. novi omnes intelligere tres angulos in triangulo esse aequales, duobus rectis. Per hanc intelligentiam communem est inter omnes rationales societas & omnium ratio, lexque una communis: per sensationem vero, quia particularis & relativa est, nulla talis constituitur societas, & consonantia animorum. Sic etiam variae ideæ factitiae arbitrarie sunt; Hippocentaurum fingere possum, ipsi alas addere, aliasque partes novas; deinde formam fictam discerpere, & alia ratione componere: estne idea circuli ejusdem generis? Possuimus illam amplificare, discerpere, aut ulla ratione mutare? Nonne circuli ratio independens est a mente mea & in se necessaria: & propter hanc causam eadem & immutabilis in omnium mentibus? Ubi dux ideæ componuntur, an cernitur quævis habitudo vel relatio, an non una sola quæ utriusque naturis convenit; & quam intelligimus. Deum ipsum immutare non posse? Quisquamne intelligere potest, quid sit veritas arbitraria, scientia arbitraria, sapientia arbitraria? Nonne melius definiunt veritatem veteres, *ἀσφάλεια αὐτῆς*; id est; comprehensionem ejus quod necessario est: rem omnium minime vagam, sed clarissimam, certissimam & firmissimam; qua si homines ab ipso Deo non essent imbuti, omnia quæ condita sunt, nihil forent quam ludibria fortune, & atomorum, somnia, umbræ ac vanitas: *ἄρtem & scientiam, ut præclare scribit Cudworthus* (Cudw. de at. just. nos. l. 5. c. 2.), *nemo negaverit esse stabiles & veras, quoniam maximi ponderis & momenti effectus, tum in ipsa rerum natura, tum in universa hominum vita gignunt & producant; at quis nescit eas tamen unice in contemplandis & conserendis inter se verum relationibus, viribus & finibus versari?* Quod si ergo hæc omnia umbræ tantum essent ac simulacra, nihil nisi logica no-

tiones, entiaque, ut ajunt, rationis, quomodo quas res tam insignes & præclaras efficere possent? ipsa, hoc si verum esset, ars & sapientia tota esset stultilis ac commentitia: perinde quoque foret, quid quisque ageret vel susceperet ad certam quandam rem obtinendam & consequendam: omnes denique homines, quod Protagoras quondam censuit, æque sapientes & prudentes essent, nec ulla inter se ratione disarent. Adde his, si ab efficientia, vi & impulsione discederes, quæ in rebus corporeis ad unum motum tota redit, nullam fore aliam externam causam, per quam effici posset aliquid, neque virtus illa scientiæ & artis, quæ exemplaris causa vulgo dicitur & a vi, impetu & cæca impulsione distinguitur, aliquid esset quam somnium & inane visum. Taceo virtutem, justitiam & bonitatem, dato illo quod diximus, necessario inter fabulas & commenta fore referenda, cum bonum & malum morale nihil nisi relationes sint; quin etiam quod majus est, convenientiam rerum & dissensionem, utilitatem ipsam & inutilitatem, nihil nisi commenta & nugæ fore.

3. Propter has causas consequentiam nullo modo admittere possumus, quod ad nullam veram & realem cognitionem abstractæ perceptiones nos ducere valeant. Nam primo cum ideæ abstractæ, quocunque modo gignantur, habeant obiectivam realitatem, eamque necessariam, immutabilem, & omnibus mentibus communem; per omnes scientias etiam speculativas, in quibus investigantur earum convenientiæ, acquiritur *scientia realis*: veritas omnis est res solida, non ficta & evanida. Deinde in omnibus scientiis mixtis, seu physico Mathematicis, in omnibus artibus, in quibus ex cognitis observatione viribus determinatur ope abstractarum relationum quomodo applicandæ sunt vires ad producendos certos effectus, comparatur etiam sine dubio scientia realis, quamvis non sit rerum actu extra nos existentium. Ex. gr. quando determinatur geometrice quod inclinatio tormento bellico danda est, ut globus

ferreus ad certam distantiam deferatur: vel quæ curvatura danda sit prout navis, ut cum maxima celeritate sulcet mare: quæ scientia si *ficta* & *vana* esset, non afferret tantas vitæ hominum utilitates. Sic quoque ex abstractis relationibus inter causas & effectus; nunc ex effectibus causarum *realem* cognitionem, nunc ex causis *realem* cognitionem effectuum comparamus. Ex. gr. determinant Physici ex lege gravitatis motus planetarum; & vicissim ex motu planetarum colligunt legem gravitatis. Sic quoque & nos colligimus ex causis *finalibus*, ex virium naturalium *temperatio- ne*, ex omnium rerum *aptitudine*, existentiam causæ intelligentis. res mundanas procurantis: quæ cognitio, quamvis ex abstractis ideis relationum habeatur, *realis* tamen est, *certiorque*, quam est ea, quæ solo sensuum fundamento nititur.

Obijcies 3. cum Cartesio. Quamvis voluntati humane tantum tribui non debeat, ut rerum essentis pro lubitu fingere, destruere & immutare possit; saltem hoc concedendum est voluntati divinæ. *Nam repugnat Dei voluntatem non fuisse ab æterno indifferentem ad omnia quæ facta sunt aut unquam fient; quia nullum bonum vel verum nullumve credendum vel faciendum, vel omittendum fingi potest, cujus idea in intellectu divino prius fuerit quam ejus voluntas se determinatis ad efficiendum, ut id tale esset.*

Respondeo rerum quidem vocabula & nomina mutari posse a voluntate; figura quæ quadratum dicitur, circulus dici potest. Verum si quis naturam quadrati dixerit, non id necessario esse quod est, sed in naturam circuli ex arbitrio Dei converti posse; essentiam circuli ad seiscite posse essentiam trianguli sine ulla physica & reali mutatione, per metaphysicam quandam essentiarum conversionem, non tantum quæ cogitatione consequi non possumus, sed aperte repugnantia nobis credenda proponit. Fuit quidem in Deo ab æterno *voluntas*, sed fuit etiam *sapientia*. Utra harum perfe-

ctionum, quas in Deo esse necessario intelligimus, alteri parcat, facile cognoscitur ex utriusque natura. Sapientia, uti a nobis concipitur, res est plane determinata, constans, immota, flexu ne- scia, neque ullo modo mutabilis; ideoque per se norma est & regula. Voluntas vero in se spectata, separata ab intellectu, cæca est & omni luce destituta, nulla ex parte definita, varia, mutabilis; regula igitur & norma esse non potest. Quapropter tum voluntas perfecta intelligitur, cum a veritate & sapientia dirigitur & inclinatur; non solitur, sed moderatur. E contrario sapientiam & veritatem voluntatis arbitrio subjicere, & ad hanc tam variam & mutabilem facultatem componere non possumus, quin sapientiam & veritatem sustuleris.

COROLLARIA.

Primum. Existentia Dei demonstratur a posteriori.

Nam demonstratio a posteriori illa est, in qua proceditur a notis effectibus ad ignotæ causæ investigationem; & consequenter argumenta a posteriori existentie Dei illa sunt, in quibus colligitur ex effectibus naturalibus existentia entis supra naturam, & omnium rerum moderatoris. Atqui in præcedentibus argumentis multa talia sunt: ut moralia, & physica, & illa metaphysica ex idea Dei, quam ostendimus a solo Deo mentibus nostris insculptam esse.

Secundum. Existentia Dei demonstratur a simultaneo.

Nam demonstratio a simultaneo ea est, in qua nec proceditur ab effectibus ad causam, nec a causa ad investigationem effectus: sed in qua existentia alicujus entis probatur per quædam attributa magis nota, quæ soli illi enti convenire posse demonstrantur. Sic verbi gratia, cum concludimus ex vi cogitandi, & ex vi movendi esse in mundo substantiam spiritalem a corpore secretam, cujus hæc vires attributa sunt, ista demonstratio est a simultaneo; non a priori certe, quia vis cogitandi non est causa substantiæ spi-

ri-

ritatis; non etiam a posteriori, quia vis cogitandi non est effectus naturæ spiritalis, sed ipsa ejus natura seu essentialis attributum. Multa quoque exempla demonstrationum a simultaneo suppeditat Geometria; ut cum dais basi & altitudine trianguli demonstratur area; vel dais area & altitudine demonstratur basis. Atque existentia Deo demonstratur per attributa quædam, quæ supponuntur magis nota, quæque demonstrantur sibi entis perfectissimo posse convenire: talis est illa demonstratio metaphysica ducta ex æternis veritatibus, quæ supponuntur magis notæ, quam sublimitatæ æternæ spiritalis existentia; & quæ demonstrantur nihil aliud esse, quam modos immutabiles æternæ & infinitæ mentis.

Tertium. Existentia Dei demonstratur a priori.

Nam demonstratio a priori illa est, in qua proceditur a causa cognita ad investigationem effectus; vel a ratione aliqua antecedente ad consequentem ex illa rei alicujus existentiam: sive in qua existentia rei alicujus colligitur, vel ex causa ejus efficiente, vel ex causa formali, quæ per mentem concipitur ut antecedens rei existentiam & determinans modum existendi. Atqui etsi Deus nullam habeat proprie dictam suæ existentie causam, nihilque sit tempore prius Deo; tamen nostro concipiendi modo & in ordine nostrarum idearum est aliquid Dei existentia prius, nempe necessitas existendi: ex qua Deum existere & talem esse probamus; quæque proinde concipitur, ut causa formalis Dei existentie, ejusque perfectionum, ut patet ex illa demonstratione metaphysica ducta abente necessario. Nisi existentia Dei hanc haberet rationem fundamentalem, dici posset Deum existere casu & fortuito, vel existere sine causa; saltem nullam aliam rationem afferre possemus, nisi hanc Atheorum pro cujuscunque rei existentia; ideo nempe existere, quia existit. Et tunc non repugnaret, ut existere desineret, aut non existeret ubique. Uti Epicureus dicit atomum existere, quia existit, & existere hoc in loco quia existit in hoc loco.

Quantum illa propositio, *Deus est*, nota est per se, quoad se.

Nam Scholastici illam propositionem notam per se quoad se, dicunt, ejus prædicatum est de natura seu essentia subiecti, qualis est illa, *homo est animal*. Atqui in illa propositione, *Deus existit*, prædicatum est de essentia subiecti. Non minus quippe existentia essentialis est Deo, quam animalitas homini, ut coniectum est in argumentis metaphysicis.

Quantum. Illa propositio, *Deus est*, nota est per se, quoad nos.

Nam illa propositio dicitur nota per se, quoad nos, cui auditis & intellectus terminis mens statim acquiescit. Atqui talis est illa propositio, cum demonstratum fuerit in argumentis moralibus sensum numinis esse omnibus hominibus naturalem & sponte nasci & adolecere, ut nascitur quævis alia affectio naturalis: & ex argumentis Physicis patet, omnem naturam parentem suam tam alte prædicare, ut ad ejus vocem obfuscescere homines nequeant: & denique in metaphysicis coniectum sit, nos statim atque rectam Dei notionem animis informavimus, non posse ab ejus idea existentiam dividere.

Sextum. Ergo non solum existentia Dei a nullo invincibiliter ignoratur, sed revera nulli sunt Athei speculativi, sed tantum Prædici.

Atheus Prædici ille dicitur, qui ita vivit ac si nullus Deus esset, sensumque numinis animo insitum prædicare conatur. Tales quidem multi sunt.

Atheus speculativus ille est, qui Deum nullum revera agnoscit: vel quia de Deo illi nunquam contigit cogitare, Deumque ideo ignorat; vel quia rationibus convictus est, nullum esse Deum. Tales omnino nullos esse sequitur ex his omnibus, quæ hæcenus disputata sunt. Adeoque haud dubitandum, quin illi omnes, qui olim & hisce nostris temporibus Atheisticam impietatem professi sunt, id fecerint, non ex interiore persuasione, quam habere nunquam potuerunt, sed a quadam singularitatis affectu.

statione, aut ingenii levitate, aut per-
 veritate cordis. Imprimis hoc certum
 est, multos esse homines, qui non tam
 ex sincero amore veri scientiis adiungunt
 animos, seseque conferunt ad scriben-
 dum, quam ex famæ atque existimatio-
 nis cupiditate; eosque in id maxime con-
 niti, ut omnium in se oculos convertant
 doctrinæ singularitate; tantaque esse so-
 let singularitatis hæc illecebra, ut ad
 absurdissimas defendendas opiniones & ab
 omni sensu abhorrentes traduci se facili-
 ter patiantur. Hinc sine dubio factum
 est, ut quidam de omnibus dubitare se
 dixerint; alii materiam existentiam, alii
 motum, alii quietem negaverint, alii
 huius principii veritatem, *impossibile est*
aliquid esse simul & non esse; & uno
 verbo quicquid in opinionibus tertissi-
 mum est, inficiati sint. Deinde illi qui
 adversus religionem sermonibus vel scri-
 ptis perorant, non id faciunt quia sunt
 soluti metu Numinis; sed plerumque quia
 magis illo metu interius eliduntur, a
 quo solvere se omnibus modis conantur:
 observatur quippe ab ipso Lucretio Atheos
 esse omnium hominum maxime meticu-
 losos, omnibus ærumnis adfectos vive-
 re, in rebus adversis acrius advertere
 animos ad religionem, verasque tunc
 voces pectore ejici, eripi personam, ma-
 nere rem: & hoc suum in scribendo
 poemate consilium fuisse, scatur, ut me-
 tum hunc Acherontis ageret funditus ex
 suorum in schola Epicuri discipulo-
 rum animis.

EXAMEN

PRIMÆ PARTIS ETHICES SPINOSÆ

Quæ est de Deo.

CUM huius Athei systema, propter
 novam, quam invenit, loquendi
 formam, abhorrentem a communi sermo-
 ne, vix intelligi queat; & multorum
 acutissimorum hominum torserit ingenia;
 necesse imprimis est illud breviter enu-
 cleare: quod melius fieri non posse pu-
 tamus, quam comparando hanc novam
 doctrinam cum veterum Atheorum opi-
 nionibus, & investigando qua in re con-

sistant, & in qua videantur dissentire.
 Sic quippe veterum Atheorum aperia &
 perspicua placita Spinosa: tenebris lucem
 aliquam fortasse afferent. Deinde expo-
 nemus novi systematis principia ut in-
 telligamus an ex illis aliqua addita sit
 Atheismo auctoritas. Et denique brevi-
 ter quibus argumentis universum adifi-
 cium convelli possit, indicabimus.

EXPOSITIO DOCTRINÆ.

1. Hæc commune Atheorum omnium
 principium semper fuit & esse debet,
unicam existere substantiam, necessariam,
improductam, infinitam; quam veteres,
 vel *materiam primam*, vel *extensionem*
infinitam, vel *atomes* vocabant: Spino-
 sa vero dicere amat *Deum* (Prop. 5. 6.
 7. 8. 11. 14.), qua appellatione quando-
 que etiam veteres utebantur.

2. Sequitur huius unice substantiæ at-
 tributa vel affectiones esse *extensionem* &
cogitationem, quod etiam probat Spino-
 sa (Parte 2. prop. 1. 2.).

3. Sequitur omnia enia particularia
 corpora & mentes esse *partes* illius unice
 substantiæ, uti etiam docet Spino-
 sa (Parte 2. in cor. prop. 115. Hinc sequitur
mentem humanam partem esse infiniti in-
tellectus Dei). Corpus est pars exten-
 sionis certa ratione modificata: mens est
 singularis cogitatio seu idea rei alicujus
 singularis actu existentis. Sed amat quo-
 que illa vocare *modum* extensionis &
 cogitationis; quia partium distinctio ingra-
 tam multipliciter notionem adjunctam
 habet (Parte 1. prop. 15.).

4. Athei omnes, præter Stoicos, do-
 cebant, nullam esse *communem* toti sub-
 stantiæ, vel vim *stricticem arte & vin*
progreredientem, vel sapientiam universi
 moderatricem. Proindeque nullas esse
causas finales, contra quas sæpe disputat
 Spino-
 sa (App. ad prop. 36.); neque ens
 aliquod perfecta intelligentia, bonitate &
 felicitate præditum, qualem nos Deum
 esse putamus; sed hoc tantum sensu sub-
 stantiam unicam dici posse perfectam,
 quatenus infinita est & infinitorum nu-
 mero modorum subiectum, ita quoque
 Spino-
 sa (Parte prim. prop. 30. 31. 32.):

in.

in scholio ad prop. 17. habet: *infra absque ope hujus prop. ostendam, ad Dei naturam perne intellegendum, & neque voluntatem pertinere*. . . . Si ad eternam Dei essentiam intellectus & voluntas pertinent, aliud sane per utrumque hoc attributum intelligendum est, quam quod vulgo solent homines. Nam intellectus & voluntas, quæ Dei essentiam constituerent, a nostro intellectu & voluntate toto calo differre deberent, nec in ulla re præterquam in nomine convenire possent, non aliter scilicet quam inter se conveniunt canis signum esse & canis animal latrans.

5. Veteres Atomici Philosophi nullam aliam vim, præter motum agnoscebant, qui repetitis impulsibus in æternum propagaretur, & esset omnium modorum tum corporeorum, tum spiritalium, quos accidentaliter producebat, temerarius artifex. At Hylæonæ seu Stratonici præter motum, vim cogitationum, appetituum & volitionum per se & naturaliter effectricem admittebant. In illo Epicureos (a), in hoc Stratonicos sequitur Spinoza (b).

Juxta ipsum Deus seu unica substantia agit necessario, sive quatenus res cogitans, sive quatenus res extensa: Quatenus res cogitans, producit cogitationes singulares, quæ mentes hominum sunt. Quatenus res extensa, producit corpora, cum omnibus eorum mutabilibus affectionibus. Sed cum corpora, tum mentes non producantur ab unica substantia exerente aliquam agendi facultatem, sed per seriem successivam infinitam causarum finitarum: generati enim pronuntiat parte prima prop. 28. *Quandocunque singulare, sive quævis res, quæ finita est, & determinatam habet existentiam, non potest existere, nec ad operandum determinari,*

nisi ad existendum & operandum determinetur ab alia causa, quæ etiam finita est, & determinatam habet existentiam; & rursus hæc causa non potest etiam existere neque ad operandum determinari, nisi ab alia quæ etiam finita est, & determinatam habet existentiam, determinetur ad existendum & operandum, & sic in infinitum.

At quoniam mens & corpus idem sunt, & eadem potentia est movens & cogitans, existit inter cogitationes mentis & affectiones corporis mutua sympathia, seu harmonia naturalis, ordo & connexio idearum, ut ponit Spinoza prop. 7. p. 2. idem est ac ordo & connexio rerum: *modus extensionis, & idea illius modi una eademque res est; sed duobus modis expressa. Ex. gr. circulus in natura existens, & idea circuli existentis, una eademque est res, quæ per diversa attributa explicatur, & ideo sive naturam sub attributo extensionis, sive sub attributo cogitationis, sive sub alio quocunque concipiamus, unum eundemque ordinem, sive unam eandemque causarum connexionem, hoc est eandem res sequi reperimus. Neque ulla alia de causa dixi, quod Deus sit causa ideæ, v. g. circuli quatenus tantum est res cogitans, & circuli quatenus tantum est res extensa, nisi quia esse formale ideæ circuli, nisi per alium cogitandi modum tanquam causam proximam, & ille iterum per alium & sic in infinitum potest percipi; ita ut quædam res, ut cogitandi modi considerantur, ordinem totius naturæ, sive causarum connexionem, per solum cogitationis attributum explicare debemus; & quatenus ut modi extensionis considerantur, ordo etiam totius naturæ per solum extensionis attributum explicari debet, & idem de aliis attributis intelligi (c).*

6. Tan-

(a) Lemma tert. post. prop. 13. secundæ partis. *Corpus motum vel quiescens ad motum vel quietem determinari debuit ab alio corpore, quod etiam ad motum vel quietem determinatum fuit ab alio, & illud iterum ab alio & sic in infinitum.*

(b) Parte quint. prop. secundæ. nec corpus mentem ad cogitandum, nec mens corpus ad motum vel quietem nec ad aliquid, si quid est, aliud determinare potest.

(c) Parte quint. prop. prima: ut habet pro cogitationes, rerumque ideæ ordinantur, & concatenantur in mente, ita corporis affectiones, seu rerum imagines

ada-

6. Tandem ex his principiis sequitur omnia evenire ex necessitate naturæ illius unicæ substantiæ (Prop. 16. prima partis); hanc unicam substantiam, cum extra illam nihil existat, dici posse rerum omnium causam immanentem (ibid. prop. 18.); & res nullo alio modo, neque alio ordine a Deo produci potuisse (Prop. 33. ibid.).

Cum hæc principia Atheis veteribus & Spinose communia sint, liquet certe illos re ipsa non dissentire: videamus ergo quid sibi hic velit novis illis, quibus utitur, formis loquendi:

1. Duplicem distinguit naturam cum veteribus Cabbalisticis naturantem & naturatam: per priorem intelligit, id quod per se est, & per se concipitur; seu talia substantiæ attributa, quæ æternam & infinitam essentiam exprimunt; hoc est, Deum, quatenus ut causa libera consideratur. Per naturam autem naturatam intelligit, id omne, quod ex necessitate Dei naturæ, sive uniuscujusque Dei attributorum sequitur; hoc est, omnes Dei attributorum modos, quatenus considerantur, ut res quæ in Deo sunt, & quæ sine Deo nec esse, nec concipi possunt (Schol. ad prop. 29.). Ex hisce definitionibus liquet istas voces novas designare solummodo unius & ejusdem rei, seipsam modificantis & per seipsam modificata, varios aspectus.

2. Docet naturam naturantem esse liberam; quia ex solis naturæ legibus & a nemine coacta agit, quam libertatem sic explicat in ep. 23. ad Oldenb. Hic paucis explicare volo, quæ ratione ego fatalem omnium rerum & actionum necessitatem statuam: nam Deum nullo modo fato subijco, sed omnia inevitabili necessitate ex Dei naturæ sequi concipio, eo-

dem modo ac omnes concipiunt ex ipsius Dei naturæ sequi, ut seipsum intelligat; quod sane nemo negat ex divina naturæ necessario sequi, & tamen nemo concipit, Deum fato aliquo coactum, sed omnino libere, tametsi necessario seipsum intelligere. Primus Spinoza necessitatem physicam & libertatem conjunxit. Naturam vero naturatam negat esse liberam: quia determinatur ad existendum a natura naturante: & cum omnia corpora & mentes pertineant ad naturam naturatam, nullam agnoscit in hominibus aut quavis mente particulari libertatem. Nihil hic habemus præter verba nova.

3. Docet unicam substantiam concipi posse duplici ratione abstracte scilicet & superficialiter, prout nempe ipsam imaginamur: vel ut substantiam, quod fit per intellectum: quod si ad quantitatem attendamus, prout in imaginatione est, quod sæpe & facilius a nobis fit, reperitur finita, divisibilis, & ex partibus conflata. Si ad quantitatem prout vero in intellectu est attendamus, & eam, quatenus substantia est, concipimus, quod difficillime fit, tum infinita, unica & indivisibilis reperitur. Nam cum vacuum in natura non detur; substantia corporea, quatenus substantia, non potest habere partes realiter distinctas & consequenter non potest dividi: est illa ubique eadem, nec partes in eadem distinguuntur, nisi quatenus materiam diversimode affectam esse concipimus: unde ejus partes modaliter tantum distinguuntur, non autem realiter. Ex. gr. aquam quatenus aqua est, dividi concipimus, ejusque partes ab invicem separari; at non quatenus substantia est corporea, eatenus enim (quia vacuum est impossibile) neque separatur neque dividitur. Porro aqua, quatenus aqua

ge-
adamussum ordinantur & concatenantur in corpore. Et ep. 15. quod autem ad mentem humanam attinet, eam etiam partem naturæ esse censeo, nempe quia statuo, dari etiam in natura potentiam infinitam cogitandi; quæ quatenus infinita in se continet totam naturam objectivè, & cujus cogitationes procedunt eodem modo, ac natura, ejus idearum. Deinde mentem humanam hanc eandem potentiam statuo, non quatenus infinitam, & totam naturam percipientem; sed finitam, nempe quatenus tantum humanum corpus percipit & hac ratione mentem humanam partem cujusdam infiniti intellectus statuo.

generatur & corrumpitur : at quatenus substantia , nec generatur nec corrumpitur . Ex hisce valde manifestum est , Spinofam in unica sua substantia partes revera agnoscere , quæ sint subiecta variarum affectionum seu motus , seu cogitationis ; alias quadratas , alias rotundas ; alias motas in Orientem , alias in Occidentem ; alias lætas , alias tristes , &c. & in hoc solummodo dissentire ab aliis Philosophis , quod sermonem immutare velit , illasque partes modos appellare : propterea quod illæ unicam abique coherentem substantiam efficiant , & non sint a se invicem diverse , nisi propter diversitatem modificationum & singularem existentiam . Sæpius ipse communi formæ loquendi sese accommodat , & in loco modo laudato scribit : *Quamvis hoc non esset (id est , quamvis materia non esset indivisibilis & ex partibus constaretur) nescio cur materia divina natura indigna esset ; quandoquidem extra Deum nulla substantia dari potest , a qua pateretur Quare nulla ratione dici potest substantiam extensam divinam naturam indignam esse , tametsi divisibilis supponatur , dummodo æterna & infinita concedatur .*

SYSTEMATIS SPINOSE FUNDAMENTA .

Cum nihil novi , præter voces , referat Spinozæ doctrina , videamus jam an attulerit aliquam Atheismo suis rationibus auctoritatem : an non tota celebritas systematis orta sit ex principiorum obscuritate & illa admiratione , quam in hominibus indoctis & levibus pariunt res reconditæ , & a vulgi intelligentia disjunctæ . Certe Spinozæ principia , quæ per se clarsa esse deberent , adeo sunt involuta , ut nulla alia ratione possimus illa exponere , quam explicari solent arcanæ notæ & verba quædam minus usitata : videlicet comparando loca varia , in quibus eadem verba usurpantur , siquæ sensum ex concordantibus locis expromendo . Hoc ergo modo rem tentemus .

DEFINITIONES .

Prima. *Per causam sui intelligo id , cujus essentia involvit existentiam , sive id , cujus natura non potest concipi , nisi existens .*

Satis ineptum est definire causam sui , quæ nulla est : ens necessarium non nisi valde improprie , sic dici potest .

Secunda. *Ea res dicitur in suo genere finita , quæ alia ejusdem nature terminari potest . Ex. gr. corpus dicitur finitum , quia aliud semper majus concipimus . Sic cogitatio alia cogitatione terminatur : at corpus non terminatur cogitatione , nec cogitatio corpore .*

Ex hac definitione sequitur , infinitum in suo genere esse id , quod alia re ejusdem nature terminari non potest , seu , de quo nulla res ejusdem nature negari potest . Et infinitum in omni genere erit illud , quod nulla alia re cujuscumque nature terminari potest , seu , de quo nulla res negari potest . Ergo Deus , qui est illud infinitum in omni genere , est congeries omnium rerum . En universum systema in unica definitione .

Deinde , quamvis illam vocem , potest , adjecerit Spinoza ad fucum faciendum , illius tamen hic revera sensus est : *ea res dicitur finita in suo genere , quæ alia ejusdem nature terminatur , ut patet ex prop. 8. ex qua definitione directe sequitur substantiam extensam & materialem esse infinitam : neque vi creatrice , quæ diversæ nature est , posse finiri .*

Certe hæc definitio plane absurda est ; cum finitum non definiatur per causam finitudinis , seu efficientem , seu formalem : & sit contraria communi hominum intelligentiæ . Nam concipimus corpus aliquod finitum esse , etiamsi nulla alia corpora existerent , aut etiam possent existere ; & etiam ex altera parte concipimus rem infinitam , etiamsi res finita ejusdem nature genericæ existat : nempe concipimus intelligentiam seu cogitationem infinitam in Deo & finitam in mente humana .

Tertia. *Per substantiam intelligo id , quod in se est & per se concipitur : hoc*
est ,

est, *cujus conceptus non indiget conceptu alterius a quo formari debeat.*

Hujus definitionis duplex sensus est: alius generalior, ut substantia sit id quod in se est & per se concipitur absque conceptu, seu *subjecti* cui inhæreat, seu *causæ* a qua producatur. Alter sensus est minus generalis; ut substantia sit id, quod in se est & per se concipitur sine *subjecto* inhærentis. Hic posterior est omnium Philosophorum, juxta quem substantia alia potest esse *creata*, alia *inventa*. Sed non est sensus Spinozæ; nam ad priorem sensum determinatur in propos. secunda, & in cor. prop. quart. & in scholio ad prop. dec. In hac ergo definitione, assumit substantiam esse *ens necessarium & independentem*. Quæ positio universæ doctrinæ summa est. Immo falsa est hæc definitio, si substantia consideretur relative ad modos suos: nam substantia neque existere, nec concipi potest sine modis existendi; & per modos existendi cognoscitur, saltem a nobis, qui rerum essentias non habemus perspectas.

Quarta. Per attributum intelligo id, quod intellectus de substantia percipit, tanquam ejusdem essentiam constituens.

Difficilis est hujus definitionis sensus. Nam in definitione sexta & propositione nona videtur distinguere attributum a substantia; cum illud multiplex, hæc unica dicatur. At axiomate primo, & prop. quarta & alibi attributum cum substantia confunditur: *Extra intellectum, inquit, nihil datur præter substantias & affectiones, id est, modos.* Exemplis quibus utitur Spinoza, melius intelligitur, quid sit attributum, quam ex ejus definitionibus. Extensio est attributum, *cognatio* est attributum unicum, quam admittit, substantiæ; aliisque infinita attributa esse supponit, quæ tamen nullibi explicat. Videbimus modo attributum in systemate Spinozæ non esse ens reale, sed abstractam mentis notionem.

Quinta. Per modum substantiæ affectiones, sive id quod in alio est, per quod etiam concipitur. Clarius exprimitur hæc definitio prop. 15. modi sine substantia nec esse nec concipi possunt,

& in scholio ad prop. 10. habet: per modificationem autem intelligo, id quod in alio est, & ejus conceptus a conceptu rei, in qua est, formatur. Si exempla quicquam conferre possunt ad sensum Spinozæ pervidendum, nolece corpora omnia esse modos unice substantiæ quatenus extensæ; & mentes omnes esse modos ejusdem quatenus cogitantis; motum esse quoque modum corporis, id est, modum modi.

Manifestum est falsam esse definitionem sensu expōsitō: nam nedomus modus sine substantia non possit concipi; contra substantiam non concipimus nisi per modos. Ex corporibus arripimus notionem substantiæ corporeæ, & ex mentibus notionem substantiæ spiritualis. Et etiam motus qui apud Spinozam est modus modi, non includitur in conceptu substantiæ corporeæ, sed est aliquid reale substantiæ corporeæ adjectum.

Sexta. Per Deum intelligo ens absolute infinitum, hoc est, substantiam constantem infinitis attributis, quorum unumquodque æternam & infinitam essentiam exprimit.

Explicatio. Dico absolute infinitum, non autem in suo genere; quicquid enim in suo genere tantum infinitum est, infinita de eo attributa negare possumus; quod autem absolute infinitum est, ad ejus essentiam pertinet quicquid essentiam exprimit & negationem nullam involvit.

Hæc definitio respondet aptissime definitioni finiti supra traditæ, & ex utraque sequitur ens infinitum esse collectionem omnium realitatum.

Septima. Ea res libera dicitur, quæ ex sola sua natura necessitate existit, a se sol. determinatur (quamvis necessitate physica & cæca, ut prop. 17.) necessaria autem, seu potius coacta, quæ ab alio determinatur ad existendum & operandum certa & determinata ratione.

Singularis sane Albertus, quæ atomis Epicuri convenit!

Octava. Per æternitatem intelligo ipsam existentiam quatenus ex sola rei æterna definitione necessario sequi concipitur.

Ex.

Explicatio. Talis enim existentia ut aeterna veritas, sicut essentia concipitur, propterea per durationem aut tempus explicari non potest, tametsi duratio principio & fine cavere concipiat.

Est hæc definitio necessariæ existentiae, non æternitatis; & ex ea sequitur nulla esse decreta æterna, quæ necessaria non sint.

A X I O M A T A.

Primum. *Omnia quæ sunt, vel in se, vel in alio sunt.*

Verum est duplici sensu. 1. Omnia quæ sunt, vel existunt in se & independentem ab alio, vel in alio, id est, dependentem a virtute alterius. 2. Omnia quæ sunt, vel sunt in se, id est, sunt subiecta; vel in alio, id est, sunt qualitates subiecto inhærentes. Sed falsum est 3. sensu, si intelligas omnia, quæ sunt esse in se & independentia, vel in alio, id est, esse qualitates subiecto independenti inhærentes; & hic obscurior sensus, est sensus Spinozæ. Ex quo sequitur nihil existere præter substantiam in se & independentem atque ejus modos.

Secundum. *Id. quod per aliud non potest concipi, per se concipi debet.*

Ambiguitatem habet propter voces per se. Etsi non concipiamus quomodo materia creata sit, tamen non debet concipi, ut increata.

Tertium: *Ex data causa determinata necessario sequitur effectus: & contra, si nulla deus determinata causa, impossibile est, ut effectus sequatur.*

Ambiguum est. Verum quidem, ubi agitur de causis necessariis vel actualibus: falsum, si transferatur ad causas liberas & potentiales. Hicce existentibus non necessario sequitur effectus, sed est solummodo possibilitas.

Quartum. *Effectus cognitio a cognitione causæ dependet & eandem involvit.*

Ambiguum est. Immo vero, effectus formaliter, ut aiunt, spectatus, involvit cognitionem causæ suæ: quia duo correlata sunt simul cognitione. Non vero effectus materialiter spectatus. At prop. sex. & prop. 25. hoc sensu generali su-

mitur & concluditur mundum non posse esse creatum, si ejus conceptio non involvat conceptionem Dei. Ex hoc axioma conjuncto cum definitione sexta concluditur omnes effectus cum per causam suam concipiantur, esse modos causarum suarum.

Quintum. *Quæ nihil commune inter se invicem habent, etiam per se invicem intelligi non possunt: sive conceptus unius alterius conceptum non involvit.*

Ambiguum est. Verum si intelligas communitatem relationis & naturæ generis: qualem admittimus inter mentem omnipotentem & res creatas. Falsum vero est, si intelligas communitatem naturæ specificæ. Nam etsi causæ & effectus non sit eadem specifica natura, v. g. intelligentiæ & mundi, tamen ex ordine mundi intelligentiæ colligo existentiam. Quamvis corporum translatio sit diversæ naturæ a vi motricæ, ex corporum tamen translatione colligo existentiam vis motricis.

Sextum. *Idea vera debet cum sua ideatō convenire.*

Falsum est eo sensu, quo illud interpretatur Spinoza, sed ad rem nostram non pertinet fallaciam aperire.

Septimum. *Quidquid ut non existens potest concipi, ejus essentia non involvit existentiam.*

P R O P O S I T I O N E S.

Prima. *Substantia prior est naturæ suis affectionibus.*

Demonstratio: patet ex definitione tertii & quinta.

Substantia neque esse, neque concipi potest sine modo existendi, ergo non est prior naturæ modo suo.

Secunda. *Due substantiæ diversæ habentes attributa nihil inter se commune habent.*

Demonstratio: patet ex definitione tertii. Unaquaque enim debet esse & per se concipi, sive conceptus unius conceptum alterius non involvit.

In falsa vel captiosa definitione non potest poni nisi falsa vel captiosa propositio. Sensus hic est, Deus & materia.

L. 2. si est.

fi essent duæ substantiæ diversa habentes attributa, uti vulgo putatur; nihil inter se commune haberent, id est, ut modo videbimus, una alterius causa esse non posset. Nos vero ex alia parte dicimus duas substantias diversa habentes attributa habere communem relationem causæ & effectus, & posse unam per aliam concipi, causam per effectum, creatorem per creaturam.

Tertia. Quæ res nihil commune inter se habent, earum una alterius causa esse non potest.

Demonstratio. Si nihil commune cum se invicem habent, ergo per axioma quintum nec per se invicem intelligi possunt, adeoque per axioma quartum una alterius causa esse non potest.

Axioma quartum & quintum captiosa sunt, ut supra diximus: ergo, & hæc propositio. Nihil commune est inter tremorem nervorum opticorum & visionem, aut quemvis alium motum in sensuum organis & sensationes, unum tamen alterius causa est vel moralis seu occasionalis, vel physica. Nihil commune est inter vim motricem, vel volitionem mentis & membrorum motum, experimur tamen hunc motum esse earum causarum effectum. Sic quamvis inter corpora & vim creatricem nihil commune concipiam, cum cogito eorum attributa: tamen hanc illorum causam esse intelligo. Immo idem admittendum est in ipso Spinozæ systemate, in quo natura naturata, ad quam juxta Spinosam pertinent omnia corpora & omnis intellectus, seu finitus, seu infinitus, producit a natura naturante, quæ non majorem habet analogiam cum natura naturante, quam canis signum coeleste, & canis animal latrans. Scilicet Spinoza in natura naturante nihil concipit, præter vim coæram procreatricem omnium modorum corporeorum & spiritualium, finitorum, & infinitorum mentium humanarum & intellectus divini. Hæret ergo in iisdem difficultatibus quas nobis objicit.

Quarta. Duæ aut plures res distinctæ, vel inter se distinguuntur ex diver-

sitate attributorum, vel ex diversitate affectionum.

Demonstratio. Omnia quæ sunt, vel in se, vel in alio sunt per axioma primum. Hoc est per definitionem tertiam & quintam extra intellectum nihil datur præter substantias, earumdemque affectiones, nihil ergo extra intellectum datur per quod plures res distinguantur præter substantias (sive quod idem est per definitionem quartam) earum attributa, earumque affectiones.

Falsa est hæc propositio, quia manifestum est res non tantum distinguuntur per diversitatem attributorum & affectionum; sed etiam per separatam existentiam. Circulus A & circulus B, eo ipso, quod separatim existant, diversi sunt. Ipsius spatii & temporis partes, quamvis similes, habent tamen distinctam existentiam: & sine dubio in Spinozæ unica substantia infinite extensa partes admittendæ sunt distinctæ & diversæ, nisi communem loquendi formam & communem sensum quis aspernari velit.

Quinta. In rerum natura non possunt dari duæ aut plures substantiæ ejusdem nature sive attributi.

Demonstratio. Si darentur plures distinctæ deberent inter se distinguuntur, vel ex diversitate attributorum, vel ex diversitate affectionum, per propositionem quartam. Non ex diversitate attributorum, quia supponuntur ejusdem esse nature sive attributi. At si ex diversitate affectionum tantum distinguuntur, cum substantia sit prior suis affectionibus per propositionem primam, depositis ergo affectionibus & in se considerata, hoc est, per definitionem tertiam & quartam, vere considerata, non poterit concipi ab alia distinguuntur: hoc est per propositionem præcedentem non poterunt dari plures, sed tantum una.

Hæc propositio in priori posita est, confundit Spinoza notiones maxime communes, seu potius formam loquendi mutat; eas res solummodo distinctas esse vult; quæ habent diversam essentiam, cum alii omnes illas distinguunt quæ habent diversam existentiam.

Sex-

Sexta. Una substantia non potest produci ab alia substantia.

Demonstratio. In rerum natura non non possunt dari dua substantia ejusdem attributi per propositionem precedentem, hoc est per propositionem secundam, quae aliquid inter se commune habent. Adeoque per propositionem tertiam una alterius causa esse nequit, siue una ab alia produci nequit.

Propositio hæc deducitur ex tribus falsis propositionibus: & eadem est vanitas sequentium omnium.

Septima. Ad naturam substantia pertinet existere.

Demonstratio. Substantia non potest produci ab alia, per propositionem precedentem, erit itaque causa sui, id est, per definitionem primam, ipsius essentia involvit necessario existentiam, siue ad ejus naturam pertinet existere.

Octava. Omnis substantia est necessaria infinita.

Demonstratio. Substantia unius attributi, nisi unica existit, per propositionem quintam; ad ipsius naturam pertinet existere, per propositionem septimam: erit ergo ipsius natura vel finita vel infinita. Ad non finita; nam per definitionem secundam, debet terminari ab alia ejusdem nature, quæ etiam necessario debet existere, per propositionem septimam. Adeoque darentur dua substantia ejusdem attributi: quod est absurdum per propositionem quintam. Existet ergo infinita.

Nona. Quo plus realitatis, aut esse unaquæque res habet, eo plura attributa ipsi competunt.

Demonstratio. Patet ex definitione quarta.

Decima. Unumquodque unius substantia attributum per se concipi debet.

Demonstratio. Attributum est id quod intellectus de substantia percipit tanquam ejus essentiam constituens per definitionem quartam. Adeoque per definitionem tertiam per se concipi debet.

Hanc propositionem addidit Spinoza, ut obviam iret Cartesii argumentis; in quo ex diversitate conceptuum, quibus

extensio & cogitatio apprehenduntur, concluditur rem extensam & rem cogitantem esse entia diversa: cumque illam ponat in duabus definitionibus pro lubitu confictis, manifestum est hic esse repetitionem principii. Si stemus definitioni substantia tradita a Spinoza, sequetur extensionem esse substantiam, quia per se concipitur: & cogitationem esse substantiam, quia per se concipitur: & juxta axioma quintum has substantias nihil commune inter se habere, quia conceptus unius conceptum alterius non involvit.

Undecima. Deus siue substantia constans infinitis attributis, quorum unumquodque eternam & infinitam essentiam exprimit, necessario existit.

Demonstratio. Si negas, concipe, si fieri potest, Deum non existere. Ergo per axioma septimum ejus essentia non involvit existentiam. Atqui hoc per propositionem septimam est absurdum. Ergo Deus necessario existit.

Duodecima. Nullum substantia attributum potest vere concipi, ex quo sequatur, substantiam posse dividi.

Demonstratio. Partes enim in quas substantia, sic concepta, divideretur, vel naturam substantia retinebunt, vel non. Si primum, tum per propositionem octavam unaquæque pars debet esse infinita, & per propositionem sextam causa sui, & per propositionem quintam constare debet ex diverso attributo, adeoque ex una substantia plures constitui poterunt, quod per propositionem sextam est absurdum. Adde quod partes per propositionem secundam nihil commune cum suo toto haberent, & totum per definitionem quartam & propositionem decimam absque suis partibus, & esse, & concipi posset, quod absurdum esse nemo dubitare poterit. Si autem secundum ponatur, quod scilicet partes naturam substantia non retinebunt: ergo cum tota substantia in aequales partes esset divisa, naturam substantia amitteret & esse definiret: quod per propositionem septimam est absurdum.

Decimatertia. Substantia absolute infinita est indivisibilis.

De-

Demonstratio eadem est quæ propositionis duodecimæ. Addit: *ex his sequitur, nullam substantiam corpoream, quatenus substantia est, esse divisibilem.*

Decimaquarta. Præter Deum, nulla dari, neque concipi potest substantia.

Demonstratio. Cum Deus sit ens absolute infinitum, de quo nullum attributum, quod essentiam substantiæ exprimit, negari potest per definitionem sextam, isque necessario existat per propositionem undecimam. Si aliqua substantia præter Deum daretur, ea explicari deberet per aliquod attributum Dei, sicque dua substantia ejusdem attributi existerent, quod per propositionem quintam est absurdum; adeoque nulla substantia extra Deum dari potest & consequenter concipi. Nam si posset concipi, deberet necessario concipi ut existens. Atqui hoc per primam partem hujus demonstrationis est absurdum. Ergo, extra Deum nulla dari, neque concipi potest substantia.

Pergit. Hinc clarissime sequitur. 1. Deum esse unicum; hoc est per definitionem sextam, in rerum natura nonnisi unam substantiam dari, eamque absolute infinitam esse. Sequitur. 2. rem extensam & rem cogitantem, vel Dei attributa esse, vel per axioma primum affectiones attributorum Dei.

Decimasexta. Ex necessitate divine naturæ, infinita infinitis modis, hoc est omnia quæ sub intellectu infinitum cadere possunt, sequi debent.

Demonstratio. Hæc propositio unicuique manifesta esse debet, si modo ad hoc attendat, quod data cujuscunque rei definitione plures proprietates concludit, quæ revera ex eadem (hoc est, ipsa rei essentia) necessario sequuntur, & eo plures, quo plus realitatis rei definitio exprimit, hoc est, quo plus realitatis rei definitæ essentia involvit. Cum autem natura divina infinita absolute attributa habeat per definitionem sextam, quorum etiam unumquodque infinitam essentiam in suo genere exprimit, ex ejusdem ergo necessitate infinita infinitis modis, (hoc est, omnia quæ sub intellectu infinitum cadere possunt) necessario sequi debent.

Omnia hic assumit Spinoza, siue ulia probatione.

Vigesima nona. In rerum natura nullum datur contingens; sed omnia ex necessitate divine naturæ determinata sunt ad certo modo existendum & operandum.

CONFUTATIO SYSTEMATIS SPINOSÆ.

Revocari potest Spinozæ doctrina ad propositiones tres. Prima est unicam existere substantiam, extensam & cogitantem, ex cujus naturali vi & efficientia, sed cæca & bruta, omnia intra se producantur necessario, ita ut nihil detur contingens, sed omnia determinata sint ex necessitate naturali ad certo modo existendum & operandum. Secunda est, hanc substantiam unicam nullas habere partes & esse plane indivisibilem & immutabilem. Tertia est, hanc substantiam esse summe perfectam, quod contineat omnem realitatem, omnes modos entis.

Prima propositio continet doctrinam omnium Atheorum; & directe confutatur omnibus argumentis, seu moralibus, seu physicis, seu metaphysicis, quæ hætenus explicata sunt. Confutabitur etiam in sequentibus hujus operis partibus, speciatim vero, in articulis de immensitate Dei, ubi ostendemus extensionem & cogitationem in eodem subiecto consistere non posse; de libertate Dei, ubi conficiemus omnia in rerum universitate esse arbitrarie constituta; de attributis Dei moralibus, quæ cum necessitate illa ferrea & cæca existere nequeunt; & ubi de libertate hominis & lege naturali.

Secunda & tertia propositio formam loquendi contingit Spinozæ propriam, quam si ostendimus non tantum esse abhorrentem & communi sermone, sed alienum ab omni ratione, erit certe Spinozæ systema ex omni parte confutatum.

PROPOSITIO PRIMA.

Unica Spinosa substantia cogitans & extensa composita est ex partibus realiter distinctis, divisibilis est & mutabilis; & consequenter non est ens necessarium propter rationes in argumentis superioribus allatas.

PROBATIO.

1. **U**T principis Spinosa: ut ait substantia esse id ejus conceptus non indiget conceptu alterius a quo formari debeat. Atqui juxta eundem Spinosa: cogitatio non indiget conceptu extensionis, a qua formari debeat, sed per se concipitur: sic quoque extensio non indiget conceptu cogitationis a quo formari debeat. Ergo extensio & cogitatio sunt duæ substantiæ. Immo hujusmodi attributa, quæ per se concipiuntur infinita agnoscit in Deo Spinosa. Ergo vel falsa est substantiæ definitio, vel infinitæ sunt substantiæ.

Hanc objectionem in scholio ad propositionem decimam præoccupare voluit; ubi sic legitur: *Ex his apparet quod, quamvis duo attributa realiter distincta concipiuntur, non possumus tamen inde concludere, ipsa duo entia, sive duas substantias constituere. Quidni? Quia id est de natura substantiæ ut unumquodque ejus attributorum per se concipiatur; quandoquidem omnia, quæ habet, simul in ipsa semper fuerunt, nec unum ab alio produci potuit; sed unumquodque realitatem seu esse substantiæ exprimit. Hoc eodem redit, ac si dixisset: nolo agnoscere plures partes substantiales esse realiter distinctas. Si simul semper conjuncta fuerint, neque una fuerit ab alia producta, & unaqueque realitatem substantiæ exprimat. Potest certe Spinosa rerum nomina mutare pro arbitrio, sed hac mutatione existimare se novam doctrinam condere, eamque demonstrare, hominis delirantis est.*

In eodem scholio habet: *si quis unum sum quærit, ex quo ergo signo diversitatem substantiarum poterimus agnoscere, legat sequentes propositiones, quæ*

ostendunt in rerum natura non nisi unicam substantiam existere, eamque absolute infinitam esse, quapropter id signum frustra quaeretur. Quod eodem redit, ac si dixisset nullum haberi tale signum. Et revera nullum aliud signum præter conceptum clarum realis distinctionis, esse potest. Quod signum nunc admittere, nunc non admittere, hominis est ridicule secum dissentientis.

2. In illa substantia sunt partes realiter distinctæ, ubi sunt modificationes contrariæ & repugnantes quæ in eadem parte esse nequeunt: v. g. si finita extensio A moveatur versus Orientem, & alia extensio finita B. moveatur versus Occidentem, negat communis hominum intelligentia A esse B, quia tunc moveretur eodem tempore in contrarias partes, quod est absurdum. Atqui Spinosa: in Deo agnoscit modos ejusmodi infinitos, contrarios & incompatibiles. Ergo necesse est ut illos distribuât in partes diversas unice sue substantiæ. Et revera, quamvis placuerit Spinosa: varias partes substantiæ unice modos appellare, illis modis tribuit ea omnia quæ nos tribuimus partibus, separatam existentiam, efficientiam propriam; certas affectiones particulares seu modos, ut patet ex propositione 2^a. Quodcumque singulare, sive quavis res, quæ finita est & determinatam habet existentiam, non potest existere nec ad operandum determinari, nisi ad existendum & operandum determinetur ab alia causa, quæ etiam finita est & determinatam habet existentiam, & rursus hæc causa non potest etiam existere, neque ad operandum determinari, nisi ab alia, quæ etiam finita est, & determinatam habet existentiam, determinatur ad existendum & operandum: & sic in infinitum. Et parte secunda inter prævias definitiones hæc septima est; per res singulares, intelligo res quæ finita sunt & determinatam habent existentiam. Quod si plura individua in una actione ita concurrant, ut omnia simul unius effectus sint causa, eadem omnia eatenus, ut unam rem singularem considero. Et axioma quartum ibidem est: *nos corpus quod-*

quoddam multis modis affici sentimus. Inepie ergo solummodo formam loquendi immutavit, dum partes substantiæ modis appellat, eodemque contra communem sensum aliorum modorum subiecta efficit.

3. Expendamus rationes, quibus Spinoza substantiæ extensæ & modorum infinita varietate distinctæ indivisibilitatem confirmavit.

Primo hujus indivisibilitatis hæc legitur demonstratio propof. 13. *Si enim divisibilis esset, partes, in quas divideretur, vel naturam substantiæ absolute infinita retinebunt; vel non. Si primum, dabuntur ergo plures substantiæ ejusdem naturæ, quod per propositionem quintam est absurdum. Sed supra ostendimus propositionem quartam, in qua hæc demonstratio ponitur, esse falsam.*

Secundo. In scholio ad eandem propositionem invenimus hanc aliam demonstrationem. *Quod substantia sit indivisibilis, simpliciter ex hoc solo intelligitur, quod natura substantiæ non potest concipi, nisi infinita; & quod per partem substantiæ nihil aliud potest intelligi quam substantia finita; & quod per propositionem octavam manifestam contradictionem implicat. Propositio quarta deducitur ex propositionibus evidenter falsis & temere assumptis: imprudenter adversari communi omnium intelligentiæ, hoc apud Spinozam est demonstrare.*

Tertio. In scholio ad propositionem 15. habet. *Non minus absurdum est ponere, quod substantia corporea ex corporibus sive partibus componatur, quam quod corpus ex superficiebus, superficies ex lineis, linea denique ex punctis componatur. Quis hoc concedet Spinozæ, non est difficiliorem cogitationem puncti mathematici, quam corporis solidi: aut non magis repugnare, ut substantia corporea ex punctis inextensis, quam ex partibus extensis componatur.*

Quarto. Pergit ibidem. *Atque hoc omnes, qui claram rationem insallibilem esse sciunt, fateri debent, & imprimis ii, qui negant dari vacuum. Nam si substantia corporea ita posset dividi, ut*

ejus partes realiter distinctæ essent; cur ergo una pars non posset annihilari, manentibus reliquis, ut ante, inter se connexis? Et cur omnes ita aptari debent, ne datur vacuum? sane rerum, quæ realiter ab invicem distinctæ sunt, una sine alia esse & in suo statu manere potest. Cum igitur vacuum in natura non detur, sed omnes partes ita concurrere debent, ne detur vacuum, sequitur hinc etiam easdem non posse realiter distingui, hoc est, substantiam corpoream, quatenus substantia est non posse dividi. Est-ne hominis prudentis ponere sententiam tam abhorrentem a communi omnium intelligentia in opinione tam incerta & explosa a maxima parte Physicorum, qui sine vacuo motum existere non posse contendunt? Sed quidquid sit de hac controversia, manifestum est materiam tam esse partibus distinctam, in systemate Cartesii, qui vacuum negat, quam in systemate Newtoni vacuum admittentis; quia in utroque corpora omnia, v. g. Sol & Luna separatam habent & independentem a se mutuo existentiam, nec magis identificantur per interjectum æther, quam per vacuum interpositum.

Quinto. Tandem omnes objectiones ibidem sic præoccupat. *Si quis tamen jam quærat cur nos ex natura ita propensi simus ad dividendam quantitatem? Ei respondeo, quod quantitas duobus modis a nobis concipitur, abstractè scilicet sive superficialiter, prout nempe ipsam imaginamur; vel ut substantia, quod a solo intellectu fit. Si itaque ad quantitatem attendimus, prout in imaginatione est, quod sæpe & facilius a nobis fit, reperietur finita, divisibilis & ex partibus constata; si autem ad ipsam, prout in intellectu est, attendimus, & eam, quatenus substantia est, concipimus, quod difficillime fit, tum, ut jam satis demonstravimus, infinita, unica & indivisibilis reperietur. Quod omnibus, qui inter imaginationem & intellectum distinguere sciverint, satis manifestum erit: præcipue si ad hoc etiam attendatur, quod materia ubique eadem est, nec partes in eadem distinguuntur, nisi quatenus materiam*

PROPOSITIO SECUNDA.

Substantia unica Spinoza non est ens infinite perfectum.

PROBATIO.

1. SUBSTANTIA unica Spinozæ vel diceretur infinite perfecta, quatenus est naturans & concipitur per intellectum: vel quatenus est naturata & concipitur per imaginationem: sed neutrum dici potest. *Natura naturans* nullam habet facultatem, nullam vim, nullum modum, ut modo dictum est; nihil est aliud quam abstracta idea substantiæ vel extensionis cum abstracta idea cogitationis & virium, quæ actualiter tantum existunt in natura naturata. Atqui idea abstracta nullum habens objectum actuale non est certe ens infinite perfectum, sed ens rationis. Neque natura naturata, quæ revera sola actualiter existit, est ens infinite perfectum. Nam Spinoza in scholiis ad propos. 15. docet extensionem corpoream non consistere ex partibus, quia partes finitæ infinitum componere nequeunt. Atqui nature naturate modi sunt finiti. Ergo infinitum nequeunt constituere.

2. Ens infinite perfectum illud dicere solemus, quod habet omnes perfectiones in infinito gradu, scientiam, bonitatem, omnipotentiam, libertatem, imperium; quod nullas ex alia parte habet imperfectiones. Atqui juxta Spinozam unica substantia quovis modo consideretur non habet illas perfectiones, nisi nomine, ut patet ex superiori expositione: habet vero omnes imperfectiones corporum & spirituum, cum ex illis conficitur; in Deo existunt omnes figure, motusque corporum; omnes sensationes etiam molestissimæ, animorum, quas omnes imperfectiones a Deo non amovet Spinoza nisi per vanissimam illam distinctionem nature naturantis, & nature naturate, vel substantiæ conceptæ per intellectum & per imaginationem. Sed profecto cum natura naturans, seu substantia concepta per

M

intel-

riam diversimode affectam esse concipimus, unde ejus partes moraliter tantum distinguuntur, non autem realiter. Ex. gr. aquam; quatenus aqua est, dividi concipimus, ejusque partes ab invicem separari; at non, quatenus substantia est corporea: eatenus enim neque separatur, neque dividitur. Porro aqua, quatenus aqua, generatur & corrumpitur; at quatenus substantia, nec generatur, nec corrumpitur. At vanissima est hæc distinctio: nam substantia unica considerata per intellectum est pura abstractio mentalis nullum habens objectum reale. Substantia considerata per intellectum est substantia sine modo existentie. Atqui substantia existeret non potest sine modo existendi. Seu quod eodem redit, nullæ res existunt nisi res singulares, nullæ cogitationes nisi singulares, nulli motus nisi singulares juxta propositionem 28. primæ partis. Et juxta axioma 5. secundæ partis nullas res singulares præter corpora & cogitandi modos percipimus; quæ omnia pertinent ad naturam naturatam juxta scholium propos. 29. & concipiuntur per imaginationem. Quid ergo erit natura naturans, quæ concipitur per intellectum? An substantia sine modo & sine attributis? Sed nulla talis esse nec concipi potest. An substantia cum vi mortice vel vi cogitandi? At juxta Spinozam propos. 28. jam laudata nulla est in unica sua substantia facultas, nihil præter actuales motus & cogitationes. In scholio ad propos. 48. parte secunda scribit. Eodem modo demonstratur in mente nullam dari facultatem absolutam intelligendi, cupiendi; unde sequitur hæc & similes facultates, vel prorsus fictitias, vel nihil esse præter entia metaphysica, sive universalia, quæ ex particularibus formare solemus. Natura ergo naturans quatenus distinguitur a natura naturata, est pura abstractio mentalis.

intellectum, sit pura mentis abstractio, seu, ut ejus verbis utar, res factitia & ens metaphysicum ac universale, quod ex particularibus efformare sole-
mus: si nullas habeat imperfectiones, nullas habebit etiam perfectiones.

Nihilominus Spinoza omnibus ferme argumentis metaphysicis supra traditis utitur ad demonstrandam summam perfectionem suæ unice substantiæ per intellectum conceptæ & in scholio ad propo-
s. sic concludit. *Perfectio igitur rei existentiam non tollit, sed contra ponit; imperfectio autem contra eandem tollit, adeoque de nullius rei existentia, certiores esse possumus, quam de existentia entis absolute infiniti seu perfecti, hoc est, Dei. Nam quando quidem ejus essentia omnem imperfectionem secludit, absolutamque perfectionem involvit, eo ipso omnem causam dubitandi de ipsius existentia tollit, summamque de eadem certitudinem dat; quod mediocriter attendenti perspicuum fore credo. Hæc pronuntiat de natura naturante, cui nullum concedit, neque intellectum, neque voluntatem, neque ullam omnino facultatem; & cujus nomine, quatenus dividitur a natura naturata, nihil intelligere possumus præter extensionem infinitam, cui essentia loco tribuit potentiam: nam hæc est propo. 34. *Dei potentia est ipsa ipsius essentia. Cujus propositionis hanc singularem tradit demonstrationem: ex sola enim necessitate Dei essentia sequitur, Deum esse causam sui per propo. 11. & omnium rerum per propo. 16. Ergo potentia Dei, qua ipse & omnia sunt & agunt, est ipsa ipsius essentia. At quid esse possit hæc potentia, quæ est causa Dei & omnium rerum? Quæ non est vis motrix, nec vis cogitandi, nec ullo modo habet rationem facultatis? Si ullus sensus tam obscuro sermone tribuendus sit, dicendum erit Spinozæ per potentiam illam causam Dei & omnium rerum intelligere necessitatem existendi, quam scholastici perique vocant gradum constitutionem divine essentia, & quam quidam**

metaphysici antecedentem vocant, atque exilicantur *Dei causam formalem*. Adeoque extensio necessaria considerata sine ullis aliis perfectionibus erit ens infinitum perfectum. Hoc tueri, quid aliud est, quam insanire?

Hæc natura naturans producit juxta Spinozæ naturam naturatam? videamus, quo sensu huic summa perfectio tribui possit; quomodo natura hujus naturata accessione, una natura effici possit perfectissima. Statuit propo. 16. ex necessitate divina natura, infinita infinitis modis (hoc est, omnia quæ sub intellectum infinitum cadere possunt) sequi debent. Cujus propositionis demonstratio supra descripta est; hæc summa est: *Entis necessarij infinita realitas est. Ergo ex ejus natura infinita infinitis modis sequi debent: id est, sequi debent omnes affectiones possibiles corporeæ, & spirituales.*

Concedimus antecedentem propositionem. Ens necessarium sine dubio habet infinitam realitatem, continet formaliter omnes perfectiones, ut loquuntur scholastici, simpliciter simplices, & quæ sunt meliores ipse quam non ipse; quæ nullam habent adjunctam imperfectionem, nec aliam perfectionem majorem aut æqualem excludunt. Continet etiam eminenter & virtualiter omnes perfectiones simplices, quæ non sunt meliores ipsæ, quam non ipsæ, vel quæ imperfecti quidpiam habent adjunctum, vel opponuntur perfectionibus excellentioribus: has, inquam, continet cogitatione & potentia. Nullo alio modo evolvere ideam entis inhnite perfecti possumus, quam accumulando ex una parte omnem veram perfectionem; & ex altera parte omnem imperfectionem & limitationem excludendo.

Sed negamus ex infinita Dei realitate infinita infinitis modis sequi ad sensum Spinozæ, ita ut de illo nihil negari possit. Nam 1.^o Spinoza de Deo suo quamplurima negat & ea quæ maximam continent perfectionem: quæ nisi Deo negaret, inutile foret ei tribuere gradus entis finitos. Negat in Deo existere in-

telli-

elligentiam infinitam, sapientiam, bonitatem, omnipotentiam, libertatem, &c. quas perfectiones cum Deo tribuamus inutile est tribuere ideas, volitiones, vires humanas, & alios quosvis definitos gradus entis. 2. Cum Spinoza nos jubet concipere ens perfectum, ut ens infinitum *extensive*, non *intensive*: loco unius entis ponit collectionem entium innumerabilium cum diversis & distinctis existentis, quarum una non supponit aliam, Finge atomos Epicuri numero infinitas habere omnes illas perfectiones simplices corporum & mentium; unam esse quadratam, rotundam aliam, aliam triangularem, &c. unam habere unum gradum velocitatis, aliam

duos, aliam tres, &c. aliam lram, aliam tristem, aliam justam, aliam injustam, &c. Quis enim mentis compos dixerit istam discordem multitudinem atomorum esse unum ens in genere perfectionis infinitum? 3. Hæc idea entis finiti *extensive* habet omnes difficultates, quæ adjunctæ sunt extensioni infinitæ, temporis infinito, numero infinito; quæ longe majores sunt, quam quæ adjunctæ sunt ideæ entis perfecti *intensive*. 4. Supra consecimus *perfectiones simplices*, seu modos mentium & corporum esse *arbitrarios* effectus causæ liberæ (pag. 137.), neque esse posse modos *necessarios* entis a se existentis & immutabilis.

THEOLOGIA NATURALIS, DE NATURA DEI.

SECTIO SECUNDA.

De Natura & Attributis Dei.

ARTICULUS PRIMUS.

De Natura Dei generatim.

Solemus *essentiam* seu *substantiam* Dei ab ejus proprietatibus & attributis dividere; illamque cogitare, uti *substratum* aliquod, cui inhæreant proprietates tanquam accidentia in subjecto. Sed cum hujus *substrati* seu *subiecti*, non in rebus modo divinis, verum et in naturalibus quidem, quisquam sibi notionem distinctam fingere possit; vane institueretur de illa disputatio: haud minus ac si cæci de coloribus differerent. Per *naturam* igitur Dei hæc intelligimus complexiorem divinarum perfectionum, sive attributorum, sive proprietatum; per quas revera nobis innotescit. Tolle ab idea Dei necessitatem existendi, æternitatem, immensitatem, immutabilitatem, intelligentiam, bonitatem, potentiam; omnem ejus naturam sustulisti: sicut si tol-

las a materia extensionem, soliditatem, divisibilitatem, mobilitatem: nescio an relinqueretur idea ullius rei, quam vocare possis *essentiam* materiæ.

Sub hoc igitur titulo instituemus solummodo quæstiones tres. 1. An & quomodo Dei natura & perfectiones cognosci a nobis possunt? 2. An & quomodo divinæ perfectiones sint a se invicem distinctæ? 3. An sit inter Dei attributa aliquod primum, a quo alia fluere concipiuntur; & quodnam illud sit? Quæstiones has, cum non magnam habeant utilitatem, valde breviter concludemus.

QUÆSTIO PRIMA.

An & quomodo natura Dei cognosci possit?

Triplex vulgo distinguitur cognitio: *abstractiva* nempe, quæ comparatur non ex rei ipsius contemplatione, sed ex ejus operationibus & effectibus: sic colligitur natura Dei ex admirabili mundi opificio; ad hanc etiam refertur cognitio ex ideis & revelatione. *Inuitiva*, quæ rem

speculatur, ut in se sit & immediate: hanc speramus in altera vita. *Comprehensiva* denique alia dicitur cognitio, quæ omnes rei alicujus partes, & rationes compiectitur: totamque rei naturam interius perpicit & exhaustit.

Omnis de *intuitiva* Dei cognitione disputatio aliena est a nostro instituto: & de *comprehensiva* Dei cognitione hoc solummodo dicendum habemus, quod finitis mentibus non competat. Quippe cum Deus contineat infinitam realitatem, omnes rationales rerum essentias, omnem veritatem: non potest perfecte & comprehensive cognosci, nisi cogitatione infinita, ejus capax creatura non est, quæ Dei, non creaturæ attributum est. Igitur pauca solummodo addemus de cognitione *abstractiva*, quæ propria est præsentis status.

Plures recentiores nimium videntur deprimere abstractivam hanc cognitionem: negant illam esse ullo modo veram scientiam, seu arripere posse nos ex rebus creatis, aut ex ipsa revelatione ullam sinceram divinæ naturæ notitiam. Ajunt ejus attributa esse *toto genere* disjuncta ab illis perfectionibus, quarum formam habemus in animis, & nos non debere illas attribuire Deo, sensu *univoco*, sed sensu tantum *analogico*; id est, debere nos cogitare, in Deo esse aliquid supra nostrum intellectum, quod respondeat aliqua ratione istis nostris perfectionibus, quamvis cum illis non habeat veram similitudinem etiam *genericam* (a). In eadem sententia etiam plures veteres christiani fuerunt, ut Boethius, qui scripsit *Deum non esse vere substantiam: sed ultra substantiam*. Et auctor cœlestis Hierarchiæ, falso nuncupatus Dionysius Areopagita, qui Dei sapientiam vocat *absurdam, irrationabilem & stultam sapientiam: quia est ultra omnem sapientiam, & prudentiam*.

(a) Vide lib. qui inscribitur anglice: The procedure, extent and limits of human understanding.

Cognitio abstractiva divinæ naturæ, quam habemus in hac mortali conditione, vera est & sincera: seu ex effectibus naturalibus, ex ideis menti nostræ congenitis, ex creaturarum perfectionibus apprehendimus perfectiones Dei, si non perfecte & quoad modum infinitum, saltem ut in se sunt & quoad speciem.

PROBATIO.

NAM primo, nullo modo intelligitur quomodo perfectiones in Deo esse possint diversi generis & speciei a perfectionibus creaturarum. Scientia enim res una est & immutabiliter eadem in omnibus mentibus; verbi gr. ratio convenientiæ inter tres angulos in triangulo & duos rectos, eadem est respectu omnium entium intelligentium, non enim hæc ratio contrahitur in hominis mente & amplificatur in divina, sed eadem in utraque est, quia æque est necessaria & immutabilis, ac ipse Deus. Sic etiam iustitia res est constans & uniformis: est liquidem constans voluntas sequendi in agendo immutabilem rerum ordinem. Sicut igitur hic ordo rerum est regula uniformis, constans, flexi necia; necesse est iustitiam esse ejusdem generis in omnibus mentibus. Sic quoque benevolentia ejusdem generis & speciei est in Deo & homine: quid enim in quopiam ente esse potest, quam voluntas beneficiendi vel felicitatem communicandi? Idem de potentia aliisque omnibus divinæ naturæ virtutibus dici potest.

2. Si divinæ perfectiones essent diversi generis ab illis quas in creaturis deprehendimus, vel quas cogitando assequi possumus, ista nostra *analogiæ*, uti vocatur, cognitio, revera non esset cognitio. Verbi gratia, tamen si possumus hominem a nativitate cœcum testimonio hominum & multiplici experientia convincere, esse in hominibus aliis sensum,

quo

quo ipse caret, visionis videlicet, quo corpora distantia apprehendere possunt; tamen ista ejus convictio & persuasio non potest dici cognitio visionis. Atqui analogica cognitio est prorsus ejusdem generis ac ista cognitio hominis cæci, quia divinæ perfectiones supponuntur toto genere disjunctæ a perfectionibus nobis cognitis, sicut facultas videndi dividitur natura ab aliis sensibus, quorum cæcus notitiam habet.

Præterea quomodo in ista Christianorum quorundam sententia homo factus est ad imaginem & similitudinem Dei? Hæc certe similitudo in nulla re potest consistere quam in similitudine perfectionum. Quomodo Deus proponi nobis posset in exemplum, quod debeamus imitari? Scriptum est: *sitis imitatores Dei. Sitis misericordes, sicut pater vester celestis, misericors est. Sitis perfecti, sicut pater vester perfectus est.* Si harum perfectionum nullam haberemus veram notionem, nostræ imitationis objectum esse non possent: nam ille qui imitando assequi aliquid conatur, debet id cognoscere quod imitatur. Cum etiam in scripturis sacris hominum judicium appellat Deus circa suas agendi rationes, si ejus perfectionem moralium notionem nullam rectam habeamus? Cur ait apud Isaiam? *Habitatores Jerusalem & viri Juda, judicate inter me & vineam. Cur apud Ezechielem? Audite ergo Domus Israel: numquid via mea non est aqua, & non magis via vestra prava sunt?* Cur denique in iisdem scripturis refertur viros sanctos divinarum perfectionum notiones sibi efformasse & judicasse quid Dei justitiæ conveniret, quid non conveniret? Cur Abraham sic cum Deo contendit? *Numquid perdes justum cum impio?* ... *Abstine a te ut rem hanc facias, & occidas justum cum impio, fiatque justus sicut impius: non est hoc tuum qui judicas omnem terram, nequaquam facies judicium hoc.* Cur Jeremias Dei nomine hæc præcipit? *Hæc dicit Dominus: non gloriatur sapiens in sapientia sua, & non gloriatur fortis in forti-*

tudine sua, & non gloriatur dives in divitiis suis; sed in hoc gloriatur, qui gloriatur: scire & nosse me, quia ego sum Dominus, qui facio misericordiam & judicium & justitiam in terra: hæc enim placent mihi, dicit Dominus. In quo loco asseritur in eo positam esse omnem hominis gloriam, quod divinis perfectionibus cognoscendis par sit.

3. Denique nulla ratio cogit nos hanc simplicem & obviam divinæ naturæ explicationem derelinquere: & ad illam obsecuram & tenebrosam rationem analogicam recurrere. Perfectiones quidem Dei sunt omnes necessariae, æternæ, independentes, immutabiles, perfectæ, infinitæ; in creaturis vero sunt contingentes, temporariæ, dependentes, mutabiles, imperfectæ, finitæ. Sed denominationes istæ afficiunt solummodo modum & gradum perfectionum, non ipsam speciem. Nam primo quod existit dependenter, vel in tempore, vel mutabiliter, habet certe realem existentiam, sicut id quod necessarium est, independentens & æternum. Cognitio vel potentia dependens & nova est tamen cognitio & potentia; non quidem cum istis adjunctis quæ afficiunt modum existendi in Deo; sed tamen ejusdem generis. Nam abstracta idea cognitionis & potentiae, quæ genus constituit, tam potest applicari cognitioni & potentiae dependenti & mutabili, quæ heri orta est & cras cessabit; quam cognitioni & potentiae independenti & immutabili, quæ nunquam esse coepit neque interibit. Secundo, non differunt genere perfectum & imperfectum, sed gradu tantum, secundum majus & minus. Potentia perfecta est facultas quilibet efficiendi, seu potentia sine adjuncta imbecillitate ulla: potentia imperfecta, est facultas quædam efficiendi. Sic scientia perfecta, est perceptio omnium rerum possibilem & rationum omnium, quæ sunt inter res possibilem, id est, scientia sine ignorantia, scientia imperfecta est cognitio aliquarum tantum rerum, & quarundam tantum rationum inter illas res: hæc

hæc sane non genere sunt distincta, sed gradu. 3. Denique non differunt genere infinitum & finitum: tum quia finitum & infinitum idem omnino sunt ac imperfectum & perfectum, quæ non differre genere modo diximus. Tum etiam quia ubi dicimus Dei perfectiones scientiam & potentiam esse infinitas, hominis scientiam & potentiam esse finitas, supponimus esse similitudinem aliquam genericam: alias nullo modo utralque possemus comparare. Nam si divinæ perfectiones essent toto genere disjunctæ a nostris, ut sonus a colore; non magis dicere possemus in Deo esse scientiam infinitam, quam dicere possumus visionem esse sonum infinitum: hi termini igitur finitum & infinitum necdum includant distinctionem in genere; e contrario applicari non possunt, nisi rebus quæ habent hanc genericam similitudinem. Ergo cum informare animis volumus Dei distinctam ideam, hoc solummodo cavendum est, ne defectus & limitationes, quæ modum finitum nostrarum perfectionum comitantur, illi tribuamus. Nostra cognitio, v. g. oritur ex sensatione, vel reflexa cogitatione, vel ex discursu: non sic cognoscit Deus. Omnibus nostris affectibus adjuncta est perturbatio quædam, quæ a Deo omnino exulat, &c.

QUÆSTIO SECUNDA.

An & quomodo attributa divina inter se distinguuntur.

Incidimus hic in controversiam scholæ celeberrimam, quam omnino prætermittere nefas foret, tamen non tantam habere videtur utilitatem, ut in illa expendenda multum immoremur; & præterea ejus determinatio pendet ex interiori Dei essentiae notitia, a qua profecto longissime distamus.

Duplicem scholasticæ distinctionem esse docent; aliam *realem*, quæ intercedit etiam nemine cogitante inter entia realia: aliam *rationis*, quæ fit per mentem in re simplicissima.

Distinctio realis triplex distinguitur: alia *major* dicitur, nempe quæ est inter diversas substantias, ut inter corpus & animam; vel inter ea quæ relative opponuntur, ut inter tres personas sanctissimæ Trinitatis. Alia *minor* vocatur quæ est inter rem & ejusmodum: quæ ita inter se differunt, ut substantia sine isto modo esse possit, non vice versa: ita corpus distinguitur a figura sua. Alia denique *formalis* nuncupatur, quæ intercedit inter illa, quæ unam eandemque habent existentiam, ut inter duas proprietates inseparabiles ejusdem substantiæ: quales sunt in Deo scientia & potentia.

Distinctio *rationis* duplex: alia *rationis ratiocinantis*, quæ fit per mentem sine ullo in ipsa re fundamento & solummodo nascitur ex imbecillitate mentis, quæ totum objectum, licet simplicissimum, unica cogitatione complexi nequit. Alia dicitur *rationis ratiocinatae*, quæ non solum fit per mentem ex imbecillitate, sed etiam quia est in re fundamentum distinguendi: & ideo cum in re ipsa spectatur, vocatur *virtualis*.

Qui inter Theologos scholæ *nominales* olim dicti sunt, negabant aliam inter divina attributa distinctionem admittebant, præter distinctionem *rationis ratiocinantis*. Qui *Thomistæ* dicuntur, suam fecerunt distinctionem *rationis ratiocinatae* seu *virtuales*. *Scotistæ* acriter defendunt distinctionem realem formalem. At revera duplex tantum esse potest de hæc sententia, neque ullo modo nisi nomine differunt *Thomistæ* & *nominales*. Nam eodem plane redit, si dicas cum his, adeo esse imperfectam mentem humanam, ut non nisi sub diversis & inadæquatis formis Deum valeat assequi, an vero dicas cum *Thomistis* adeo esse perfectum Deum, ut non nisi sub diversis & inadæquatis formis a mente possit intelligi. Utraque distinctio rationis ratiocinantis & rationis ratiocinatae eodem modo definitur apud utramque familiam: est distinctio mentalis rei in se simplicissimæ ratione connotati seu effectuum, quos

alt-

aliquo modo respicit. Isdem quoque exemplis familia utraque ad explicandam suam sententiam utitur. Commune est exemplum, virtus solis liquefactiva cææ & inductiva luti. Fundamentum legitimum distinguendi quod admittunt Thomistæ, nihil aliud est quam summa Dei perfectio, seu æquivalentia pluribus causis; quam perfectionem & æquivalentiam *Gerfonus* & cæteri *nominales* nunquam negaverunt. Sed magis proprie loquentes dicebant causam distinctionis esse imbecillitatem ingenii humani; non summam Dei perfectionem: alias Deus ipse sua attributa cogitatione divideret.

Sententia quæ mentalem tantum distinctionem admittit, eo quod simplicitati divinæ magis faveat, majorem Deo perfectionem attribuere videtur. In hac opinione Deus unico & simplicissimo actu omnia intelligit, vult, agit: omnes proprietates divinæ, quamvis nobis variæ videantur ac multæ, reapse tamen unum idemque sunt: non secus, atque solis lux, una licet sit & simplicissima, tamen si incidens in nubem frangatur, oculis nostris speciem præbet Iridis variis distinctæ coloribus. At revera nobis, qui ex perfectionibus mentium creatarum & variis ideis, divinæ naturæ notionem informamus, omnino est incomprehensibilis hæc simplicitas: neque ex nulla re argumentum pro simplicitate non intelligibili, cujus nulla extra Deum representatio est, capere possumus: cum Scotistis hæc argumenta sese offerunt. Primo, perfectiones mentis divinæ & mentium humanarum sunt *eiusdem generis*, & tantum differunt *modo existendi & gradu*. Sed perfectiones mentium humanarum sunt formaliter distinctæ; scientia in animo distinguitur formaliter a volitione & potentia. Deinde conceptuum diversitas unicum est criterium diversitatis entium; sic omnes res distinguimus: sed divina attributa diversimode concipiuntur. Scientia & vis creatrix res nobis *em distinctæ* videntur, quam circulus & triangulum. Sicut varia de triangulo affirmare licet, quæ circulo non conve-

niunt, v. gr. quod trianguli capacitas sit minima omnium figurarum, circuli vero capacitas maxima: sic etiam contraria de scientia & vi creatrice affirmamus. Scientia cuncta possibilia necessario complectitur & habet immutabile objectum. Vis creatrix ad pauca se extendit eaque mutabilia; nec necessaria. De hac insolubili questione hæc sufficiant, de qua etsi longiorem institueremus disputationem, nihil ad clariorem rei intelligentiam asserre possemus.

QUESTIO TERTIA.

An sit inter attributa Dei aliquod primum a quo cætera fluere cogitemus, & quod sit quodammodo divina essentia constitutivum.

Circa questionem hanc satis otiosam, sed quam scholæ consuetudo sacram fecit, tres sunt Theologorum sententiæ. Thomistæ contendunt *intellektionem* in Deo esse primum illud attributum, constitutivum divinæ essentiae; sed inter ipsos lis est, utrum *intellektio radicalis* seu facultas intelligendi, an *intellektio actualis*, hoc nomine donanda sit. Scotistæ vero pro *infinitate* dimicant. Sed a Theologis vulgo ad hunc honoris & dignitatis gradum præ cæteris omnibus perfectionibus effertur *necessitas existendi*.

PROPOSITIO.

Necessitas existendi, inter Dei attributa illud est, quod potiori jure dici debet gradus divina essentia constitutivus.

PROBATIO.

NAM illud attributum præ cæteris omnibus dici debet gradus divinæ essentiae constitutivus quod in Deo primum est; quod Deum a quois alio maxime dividit; quod a nobis concipitur ut fons & origo cæterarum omnium perfectionum, ita ut possint ex illa a priori demonstrari. Atqui 1. necessitas existendi est quid primum in Deo, nihil enim concipimus prius, quam ipsum esse.

se. Prius est esse, quam esse intelligens, quam esse infinitum. 2. Illud attributum, magis quam alia quævis perfectio Deum dividit a quovis alio ente: nam entis divisio prima & maxime obvia atque generalis, illa est, entis per essentiam & entis per participationem; nullæ sunt res magis oppositæ, quam res necessaria & res contingens, quæ se habent, ut ens & non ens. Quippe ens necessarium est ens simpliciter, ens vero contingens, dependens & precarium est primordialiter tantum possibile seu non ens. *Intellectio* certe quam defendunt Thomistæ non adeo dividit Deum & alia entia, cum istam perfectionem omnes mentes participant. Nec *infinitas* seu *summa perfectio*, cum sit quidam modus existendi, nunquam adeo disjunctus esse potest ab alio modo existendi; ac ipsa essentialis existentia Dei est a naturali, ut ita loquar, non entitate aliarum omnium rerum.

3. Necessitas existendi adeo est fons & radix nostro concipiendi modo omnium perfectionum divinarum, ut ex illa omnes demonstrentur a priori. Hoc enim jam supra confecimus, ubi probavimus existentiam entis perfectissimi ex necessitate existendi. Idem omnis sequens disputatio efficit in qua singulas Dei perfectiones ex hoc principio derivatas fluere ostendimus.

Hinc intelligitur quam consentiens veræ philosophiæ sit narratio instituta in Genesi, in qua scribitur Deum, quærenti Moyse, *quis esset*, & quod nomen haberet, respondisse, se esse *ens per naturam* seu *ens necessarium*: *Ego sum qui sum*; sic dices filiis Israel, *qui est mihi sit me ad vos*.

ARTICULUS SECUNDUS.

De divinis Attributis.

Attributa Dei in tres classes commodè tribui possunt: Prima continebit illa attributa, quæ concipiuntur ut modi existendi entis necessarii, quæque ita pertinent ad substantiam a se existentem,

ut nequeant communicari creaturis: ideo illa appellabimus *attributa incommunicabilia*: qualia sunt *infinitas*, *æternitas*, *immutabilitas*, *unitas*. Secunda Classis illa habebit, quæ concipiuntur, non ut modi entis necessarii simpliciter, sed ut modi entis viventis, vel ut facultates seu virtutes: talia sunt *vita*, *scientia*, *voluntas*, *potentia*, *libertas*, *felicitas*. Hæc attributa, quoniam participantur a creatis mentibus, dicemus *attributa communicabilia*. Tertia, illa denique complectetur, quæ habent habitudinem seu relationem cum lege æterna & immutabili, quæque propterea *moralia* dici possunt qualia sunt *sapientia*, *sanctitas*, *bonitas*, *justitia*. Hæc vero attributa moralia cum sint exercitatio attributorum secundæ classis, proprie pertinent ad disputationem de divina providentia, & propterea in subsequenti sectione de illis disseremus.

De attributis Dei incommutabilibus.

De infinitate Dei.

Infinitum, si ad grammaticalem notionis potestatem attendas, videtur esse quid mere negativum: carentiam enim termini ac finis sonat; & revera hunc habet sensum cum applicatur abstractis notionibus rerum finitarum, ut temporis, extensionis, numerorum, velocitatis, &c. Finitæ naturæ & earum proprietates cum absolutam & veram infinitatem assequi nunquam possint & semper incrementorum capaces sint, earum magnitudo abstracte considerata est negative infinita seu caret terminis. At infinitum Philosophice consideratum est aliquid maxime positivum, cum nihil sit aliud quam *summa & absoluta perfectio* (*Vide pag. 154.*).

Duo quæri possunt, an Deus sit infinitus seu summe perfectus? Et quomodo intelligenda est summa Dei perfectio? utrique quæstioni jam satisfecimus. Priori, in argumentis metaphysicis existentie Dei (*Vide pag. 137.*), ubi ostendimus

mus

mus rem eam, quæ certis tantum gaudeat perfectionibus, non omnibus; aut finito quodam perfectionum modo & mensura; voluntate causæ effectricis ad illam finitam & arbitriam amplitudinem determinatam esse: adeoque naturam primam, quæ nullam agnoscat causam limitantem, habere omnes perfectiones. Posteriori quæstioni respondimus præsertim in disputatione de systemate Spinozæ, ex qua colligitur, Deum eo sensu esse infinitum, quod habeat formaliter omnes perfectiones puras & absolutas, quas scholastici vocant simpliciter simplices, id est, illas omnes, quæ nullam habent sibi adjunctam imperfectionem, nec ullam aliam excludunt perfectionem; qualis est, verbi gratia, scientia perfecta. Quod contineat tantum virtualiter, id est, uti effectus est in causa perfectiones simplices seu secundum quid, quæ quidpiam imperfecti habent ex se, aut alteri perfectioni seu æquali, seu majori opponuntur; quales sunt motus, figura &c.

De æternitate Dei.

Sit aliquod ens necne, cui nec ortum, nec interitum tribuere possimus, & quod proinde æternum sit, nullus unquam negavit. Sed cum in tempore omnia quæ novimus successive durare videantur; ejusdemque durationis notionem quandam adjunctam habeat omnis mentis actio, aut passio; ardua & difficilis exitit quæstio de divina natura, an successive dures. In diversas abiit partes viri gravissimi in omni retro antiquitate & etiam nunc in hac ætate nostra: alii statuunt naturam divinam simplicem & immutabilem, omnia semper eodem ac unico actu intelligentem & volentem, nullo modo successive durare, nec ullam temporis continuationem sibi adjunctam

Tom. I.

(a) Erat, est & erit, partes sunt temporis, & male illa transferimus ad æternam naturam; huic est tantum competit; erat vero & erit pertinent solummodo ad res in tempore fluentes, sunt enim motiones. Illa semper immobilis natura nec senior, nec junior ullo modo esse potest. In Timæo p. 37. Vide Philonem Judæum, Proclum, Plotinum, Simplicium, Plutarchum. Hanc quoque opinionem secuti sunt plerique Ecclesiæ Patres et omnes ferme scholastici.

habere. Deus juxta hos ipsius temporis, omniumque temporalium parens, nec fuit, nec labitur; sed in constanti stabilitate sua labentem omnium temporum seriem; idque quod nos mortales tempus præteritum, præsens & futurum nominamus, simul continet. Negant tamen hanc stantem æternitatem concipi debere ut breve quoddam temporis momentum, quod consistit, vel informidam esse illius ideam ex rerum mutabilium duratione: habere quamque rem pro sua indole & natura durationem propriam; ideoque rerum quarum imperfecta natura fluminis instar decurrit, perpetuisque motibus & vicissitudinibus agitur, duratio necessario succedens est, præteriens, & fluens: hæc naturæ perpetuo ex præterito tempore in præsens descendunt, semper futurum spectant, semper denique eventurum esse aliquid, quod nondum adest, sed appropinquat, vel sperant, vel metuunt. Verum id quod stabili gaudet & immobili natura, ejus quoque duratio stabilis, nullique fluxui obnoxia esse debet: nunquam illud, ejus quod possidet, amittit aliquid vel relinquit; nunquam, ut consequatur aliquid, cujus nondum compos est, procedere pergit. Plato (a) olim & tota ejus familia, aliique maximi nominis apud antiquiores in hac fuere opinione: inter quos Boethius, cujus maxime probata est hæc æternitatis definitio. Est juxta eum interminabilis vita tota simul & perfecta possessio.

Alii contra, illicque gravissimi viri de religione etiam optime meriti hanc non capientes sententiam, nimis illam subtilitatis arguunt & rotunde statuunt æternitatem esse durationem successivam seu tempus infinitum.

In hac difficili quæstione, quæ humani ingenii vires longe superat, vix quicquam

N

quam

quam satis exploratum possumus affirmare, præter hoc solum, esse ensortu & sine carens: quod prima propositione breviter confirmabimus. Et cum verisimilior videatur, & autoritate magnorum virorum magis confirmata sententia prior, etsi conceptu difficilior, illam etiam paucis adstruere conabimur.

PROPOSITIO PRIMA.

Deus est ens æternum, seu principio & sine caret.

PROBATIO.

1. **D**EUS est ens necessarium, seu interna necessitate existit, seu necesse est Deum existere. Atqui quod necesse est existere, id nunquam non fuit, & nunquam non futurum est.

2. Deus si non sit æternus, aliquando habuit initium. Atqui habere initium non potuit. A quo etenim? Non ab alio, cum sit ens primum. Non a seipso; nulla res sibi dare potest existentiam, cum rei non existentis nulla virtus, nulla efficacia sit.

3. Id pro vero habendum est, in quo omnes consentiunt. Atqui, ut Boethius notat lib. 5. de consol. phil. prola 6. *Deum æternum esse cunctorum ratione utentium commune judicium est.* Et Cicero etiam observavit, *naturam, qua Deorum informationem nobis dedit, eandem magis nostra indidisse, Deos esse beatos & æternos.*

PROPOSITIO SECUNDA.

Æternitas Dei non est duratio successiva sine principio & sine, seu tempus infinitum.

PROBATIO.

1. **S**I æternitas sit successio infinita momentorum semper fluentium seu tempus infinitum, duo contradictoria affirmari possunt: videlicet infinita sæcula jam esse præterita & non esse præterita. Infinita præterierunt

ex hypothesi, nam tempus infinitum supponitur. Præterita tamen sæcula nullo modo sunt infinita, nam illorum numerus novis advenientibus sæculis perpetuo augeatur; & illud tantum infinitum est, cui addi nihil potest. Sic etiam affirmari potest ab origine divina nativitatem hominis esse infinite distantem & non esse. Erit enim infinite distans ex hypothesi, cum intercedant infinita sæcula. Non erit profecto: nam illa omnis duratio, quæ est præterita, fuit aliquando præsens, alias non esset præterita; sed quod præsens fuit non potest a nobis intervallo infinito distare; numero potest designari aliquo distantia, uti manifestum est.

2. Duplex æternitatis pars distingui potest; illa quæ jam præterita est, quæ dicitur æternitas a parte ante: & illa quæ est futura, quæque dicitur æternitas a parte post. Ejusdem prorsus naturæ sunt hæc duæ æternitates & eadem ratione illas animo informamus. Nam informamus notionem æternitatis a parte post, cum cogitamus ens aliquod posse durare ultra quodvis temporis futuri spatium. Et informamus notionem æternitatis a parte ante cum cogitamus ens aliquod potuisse existere ante quodvis determinatum temporis intervallum. Atqui absurdum est dicere æternitatem a parte post posse unquam evolvi, quoniam infinitum non potest exhauriri. Ergo æque absurdum est dicere æternitatem a parte ante jam evolutam esse, quia exhaustum supponeretur infinitum.

Objicies. Pervertit omnes maxime communes notiones sententia hæc, ponit pro digno attributo quiddam minus intelligibile; & est obnoxia insuperabilibus difficultatibus.

Respondeo hosce characteres esse totidem notas veritatis. 1. Nec debent nec possunt in hac disputatione communes notiones in divinam naturam transferri. Nullam habemus ideam durationis, nisi illius fluentis & perpetuo labentis creaturarum finitarum, quarum existentia

par-

partes omnes aliquando futuræ erant, postea præsentis sunt, & aliquando erunt præteritæ. Talem durationem infinitam nunquam evadere posse, videmur clare intelligere: nam quantumvis remotam temporalis rei originem concipiamus, nunquam poterimus efficere ut non cogitemus omnia momenta durationis istius successivæ & prætereuntis fuisse præsentia: & consequenter illam originem haud magis infinite distantem cogitare possumus, quam numerum infinitum compositum ex successiva unitatis additione: vel aliquid in spatio infinito collocatum, quod a nobis infinite distet seu ejus distantia metiri non possit. Hæc enim notio temporalis durationis valde accurata est, & nunquam errabimus quamdiu illam applicabimus entibus tantum mutabilibus & finitis. Ex ea concludere licet mundum non esse æternum, non esse infinitas generationes, &c. sed illa non magis Deo convenit, quam idea mutationis & fluxus perpetui.

2. Est etiam character veritatis in hac sententia quod modus existentie necessarii sit incomprehensibilis. Quid enim verius est, quam infinitum Deum necessarium & immobilem non posse comprehendere a finitis mentibus? Et præsertim ubi non agitur de perfectionis alicujus specie, sed modo; qui tantum distare debet a modo illarum perfectionum, quantum independentia a dependentia, necessitas a contingentia, immutabilitas ab inconstantia, infinitum a finito.

3. Non mirum est, quod res a nostris sensibus disjunctæ & abhorrentes a communibus notionibus, multis videantur difficultatibus obnoxie, ubi ad illarum communium notionum trutinam expendantur. Sed male hoc tentatur, recusa-

mus illam normam, nullas ex illis ortas objectiones admittimus, nisi ubi agitur de specie attributorum, quam quidem ex animi nostri sensibus & virtutibus utcumque apprehendimus; sed modum nullo modo. v. g. scientiam esse in Deo concludo & utcumque apprehendo ex humana intelligentia; sed quomodo Deuse agnoscat, eadem ratione intelligere non possum. Sic quoque existentiam Deo tribuimus, eamque necessariam, quam autem connexionem habeat cum successione temporis plane nescimus.

De immensitate Dei.

Eandem, quas in superiori disputatione, hic difficultates experimur & ex eodem fonte natas. Deum a nulla re abesse facile concedunt omnes, qui illius agnoscent existentiam, sed in explicando modo divine immensitatis magna diffensio est. Cum ea omnia corpora inter quæ versamur spatium quoddam aut locum replere videantur, & cum omni rei, ejus habemus distinctam notionem, sit conjunctus loci, quo contineatur, sensus; difficile nascitur questio: *an Deus etiam cum spatio diffundatur*. In diversas partes abire tum Philosophi, tum Theologi. Quidam Deum, omnemque naturam cogitantem ita simplicem censent, ut neque cum spatio coextendi, aut locum quemvis occupare possint; quod hoc sine partibus vere diversis, utcumque similibus & cohærentibus, concipi nequeat: & ex eo confirmant opinionem suam, quod spirituum affectiones & vires omnes, sensus, cogitatio, conscientia, &c. nullo modo per locum extensum porrigi videantur. In hac sententia tota fuit Platonis schola (a) cum Aristotele aliisque bene multis veteribus Philosophis,

N. 2

(a) Tertium genus locus est, qui omnibus quæ gignuntur sedem exhibet... cum ad hunc animo respicimus, somniamus quodammodo, necessariumque putamus, ut quidquid est, in aliquo sit loco positum; & quod neque in terra neque in cælo sit, minime esse credimus: hoc somnio & imaginatione adeo tenentur homines constricti, ut hæc & similia etiam a pervigili vereque existente natura dividere non valeant. *Plato in Timæo, p. 535*, Deus non in alio quodam est, non in terra non in cælo, sed idipsum, per seipsum, cum seipso uniforme sem-

phis, hanc quoque secuti sunt ferme omnes Christianæ Ecclesiæ Doctores.

Alii haud pauci doctissimi viri negant debere nos a communibus notionibus & a luce quodammodo ad tenebras animos transferre: & contendunt existere necessario spatium infinitum & æternum, quod omnes res corporales & spirituales contineat; quodque nihil aliud sit, quam ipsa divina immensitas. Quandoquidem hujus immensitatis spatiose notionem nulla possimus industria ex animis nostris extirpare; hoc argumento esse ajunt, pertinere illam ad ens necessarium, cui existentiam sine contradictione denegare non possumus. Hi igitur Philosophi res omnes formaliter extensas asserunt & in quadam *condensatione* substantiarum differentiam ponunt. Deo propriam esse extensionem infinitam & subtilissimam; ita ut quasvis alias substantias facile penetrare queat: materiam vero esse extensionem maxime crassam & solidam: & inter Deum & materiam innumerabiles substantias possibili esse, quarum subtilitas magis vel minus a summa Dei simplicitate recedit, & quæ propterea etiam magis vel minus activæ sunt. Hujus opinionis patroni inter veteres plures extiterunt, & a recentioribus aliquibus Philosophis præsertim inter Anglos Newtono, Clarkio, Lockio, aliisque defensa fuit: quorum quædam placita sunt multum abhorrentia a receptissimis notionibus. Nempe Newtonus inter questiones, quas proposuit in fine optices, hanc habet: *An non sensorium animalium est locus cui substantia sentiens adest, & in quem sensibiles rerum species per nervos & cerebrum deferuntur, ut ibi præsentia a præsentia sentiiri possint?* *An non ex phaenomenis constat esse entem incorporalem, viventem, intelligentem, omnipresentem, qui in spatio infinito, tanquam sensorio suo, res ipsas in-*

time cernat, penitusque perscipiat: totas intra se præsens præsentis complectatur; quarum quidem rerum, id quod in nobis sentit & cogitat, imagines tantum ad se per organa sensuum delatas, in sensorio suo percipit & consuetur? Novimus etiam eosdem Philosophos, etsi mentem suam clare nunquam libris vulgaverint, existimasse, Deum in creanda materia nihil aliud egisse, nisi hoc unum: nempe effecisse ut pars suæ immensitatis solida existeret. De qua opinione consule notam editoris gallici in librum quartum Lochii.

Non desuerunt aliqui, qui mediam inter has oppositas sententias viam insistere voluerunt; quique hoc modo utroque componere tentarunt. Docent Deum quidem prorsus non extendi, sed tamen ubique in spatio infinito diffusum esse, ita ut totus ubique præsens sit. Finitas etiam mentes, tamen si parte sui interiori non sint distinctæ, semetipsas tamen in certam quandam extensionis externæ seu loci amplitudinem diffundere, per quam ita certo cuidam spatio alligatæ sunt, ut simul totæ in singulis ejus partibus adsint. Hincque nata est distinctio celebris, *ubi circumscriptivi*, quod corporibus, & *ubi definitivi*, quod spiritibus convenit. Hanc sententiam scholastici secuti sunt, quæ valde obscura & subtilis est, nihilque aliis referre videtur, nisi voces sensu vacuas, vel consociationem idearum repugnantiam. Quomodo enim, ajunt, res quandam in amplitudinem loci se se potest extendere & tamen non esse extensa, extensionem occupare & replere sine extensione?

Nos vero tantas dirimere lites nullum mortalem posse putamus, & hanc solam in his questionibus utilitatem querendam esse, ut tenuitatis nostræ conscientia excitetur, & ingenii deprimatur arrogantia. Verum quoniam prior opinio, etsi

semper existens. Cætera vero omnia, quæ pulchra sunt, illius participatione pulchra sunt. Idem *symp. p. 331. Vide Aristotelem phys. cap. ultimo & in libris metaphys. & de anima, Plotinum, Simplicium, Porphyrium. Unde mirum est Baylium Dict. crit. t. 4. art. Simonide & alibi asseruisse hanc doctrinam ante Cartesum a nemine defensam fuisse.*

est obscurior, non tot patet incommodis, magisque habet approbationem Philosophorum maximorum, illam, post assertum breviter divinæ immensitatis dogma, defendemus.

PROPOSITIO PRIMA.

Deus est immensus seu rebus omnibus, tum corporeis, tum spiritualibus, intime præsens est.

PROBATIO.

1. **D**EUS est ens necessarium, seu ens quod existit ex interna & absoluta necessitate, quam nulla vis coerces. Atqui tale ens necessario immensum est, seu a nulla re potest abesse. Nam absoluta necessitas æqualiter exigit, ut sit ubique, ac ut sit alicubi: contradictionem involvit, ut possit ab aliquo loco abesse, quia aberit sine causa. Pone uni tantum loco adesse, tollis uniformem illam, absolutamque necessitatem, quæ supponitur causa existendi interior, & inducis arbitrium seu arbitriam determinationem unius loci, cui addit, præ omni alio.

2. Deus est ens infinitum & perfectissimum. Atqui ens infinitum & perfectissimum a nulla re vel loco potest abesse, id enim nec infinitum cogitatur, quod ullis terminis circumscribitur; nec perfectissimum, quod caret excellenti proprietate ubique existendi.

3. Deus est omnium rerum fabricator, est omnium operationum naturalium primus author, est omnium substantiarum adminiculum, ita ut nequeant sine ejus virtute existere. Atqui divina virtus agere non potest, ubi ipse Deus præsens non est & quodammodo indistans: quia nihilum non potest agere. At ubi substantia Dei non est, ibi est nihilum Dei.

PROPOSITIO SECUNDA.

Deus non est formaliter extensus, seu spatium, quod fingitur infinitum, non est divina immensitas.

PROBATIO.

ID efficitur illis rationibus, quibus probatur animos omnes nullo modo extensos esse.

1. Si spiritus omnis extensus sit, necesse est aut quamlibet animi extensi partem esse animum & partis ejusmodi quamlibet partem esse quoque mentem, aut non esse. Atqui utrumque absurdum est: primum quidem; nam si nulla pars animi extensi animus est, propriaque sibi intelligentia valet; certum est omnino, neque totum quod ex omnibus his constat partibus, mentis particeps esse posse: quia ex nihilo nihil fit. Coagumentatio rerum vita vacuarum seu in quibus est nihilum vitæ, non potest continere vitam, non magis quam ex collectione rerum non extensarum potest componi extensio. Cum totum aliquid nihil revera sit, quam partium collectio; disserere natura a partibus non potest. Secundum etiam dici non potest: nempe singulas animi extensi partes esse totidem animos, qui sua gaudent intelligentia atque vita; quia tunc tot essent mentes, quot partes: in qua hypothesi omnes essent supervacaneæ præter unam: & præterea intimo sensu intelligimus rem, quæ in nobis est particeps cogitationis, non esse multiplicem.

2. Sic conficere licet: Si spiritus qui sentit ac percipit in nobis extensus esset, partemque haberet extra partes, unum ex his tribus affirmandum est: aut quamlibet naturæ hujus extensus partem objectæ rei partem tantum percipere; aut singulas ejus partes totam rem objectam comprehendere; aut denique unum quoddam punctum esse individuum, quod singulas objectæ rei partes & totum simul percipiat, ad quod tanquam ad centrum omnes reliquæ partes tanquam radiem

idem lineæ tendunt. Atqui primum dici nequit; quia tunc nihil erit in nobis, quod rem universam comprehendat; partes compareret cum partibus. Secundum dici nequit: tunc enim quotquot animus punctis constabit, toties rem unam eandemque totam percipiet; id est, infinitæ unius rei perceptiones simul exoriantur in nobis, & erit quisque spiritus multitudo personarum percipientium. Tertium verò eligere, est incidere in sententiam eorum, qui negant spiritus esse extensos: nam punctum individuum esse extensum nequit. Et præterea ejusmodi punctum in re extensa, juxta omnes Philosophos qui continui divisibilitatem in infinitum admittunt, nullum est. Aliunde non intelligitur, quare in eadem re extensa unicum punctum sit cogitans, alia non sint: neque etiam quomodo minimum istud punctum completi valeat tantam rerum varietatem quantum percipimus.

3. Constat experientia esse in animis multarum rerum species, quæ imaginando nequeunt informari; ideoque nec longitudinis aliquid, nec latitudinis, nec crassitudinis habent, quales sunt notiones virtutum & vitiorum. Fingimus etiam animo formas potentiarum & virtutum, nunc crescentium, nunc immutatarum; quibus omnibus nihil extensionis inest. Omnes abstractæ rerum essentiae dividi nequeunt. Quin etiam, mens nostra ipsas res extensas, nec extense, nec divido percipit: Si spatium mille passuum animo tecum expendas, non plus loci cogitatio hæc occupat in animo, aut animum magis dilatat, quam si de exapeda vel pede cogites. Atqui si illa res, quæ in nobis sentit ac percipit, esset natura extensionis particeps, haud ea cuius rei, quam sentimus, æque esset accommodata, nec simili plane modo rerum majorum & minorum notiones animo informaret: minime vero omnium, res omni omnino magnitudine vacuum cogitando sibi effingeret; immo nullæ tales intelligibiles essent. Hanc argumentationem Ari-

stoteles putat nulla via elevari posse.

4. Si spiritus finiti essent formaliter extensi, essent etiam corporei, quia certe haberent omnes corporum proprietates. Essent primum *extensi* ex hypothese; essent etiam *figurati*, nam haberent extensionem terminatam seu circulearem, seu triangulearem, seu quadratam, &c. certe extensio finita sine figura esse nequit. Essent etiam *mobiles*, possent transferri de loco in locum; & motus inter ipsos etiam communicaretur juxta certas leges seu impulsiones, seu gravitatis, &c. Essent iidem *divisibiles*: posset sane Deus dimidia partem creaturæ extensæ annihilare servata alia dimidia parte; vel posset duas dimidias partes a se invicem disjungere. Substantiam sane extensam sine positione partium extra partes non concipimus. Essent iidem *impenetrabiles* & *solidi*: nam illa substantia impenetrabilis & solida dicitur, quæ locum suum replet, & cujus partes firmiter coherent, ob nullam aliam causam materia impenetrabilis & solida habetur. Atqui si spiritus extensi sint, replent locum suum, eorum partes valde coherent, cum nulla vi nisi divina possint divelli. Denique facile concipimus substantiam quamlibet vere & formaliter extensam posse in organa distribui, & varios continere motus, qualis est motus sanguinis in corpore humano. Uno verbo ab idea substantiæ extensæ nullo modo separare possumus omnes corporis affectiones. Ergo, &c.

5. Nullam habemus aliam judicandi regulam præter claram distinctamque perceptionem. Atqui clare & distincte disjunguntur cogitatio & omnes animi virtutes ab extensione: neque ullo modo possumus aut extensionem cogitare cum vi cogitandi, aut vim cogitandi vestire extensione.

6. Tandem, quod Deum attinet, valde absurdum videtur negare Deum esse totum ubique, & partem solummodo illius esse in hac rerum universitate corporea. Hoc tamen necessario dicendum est, si spatium sit ipsa divi-

na immensitas. Nam Deus infinite extensus non potest esse totus, v. g. in sole, cum infinitas spatii, quæ divinum attributum supponitur, in sole non sit. Immo alia pars divinz immensitatis erit in sole, alia in terra; & quisque planetarum motu suo varia peragrat & transiit divinz substantiæ partes.

Obijcies. Nulla est idea clarior illa spatii; quiddam obnitamur animo, illam mente pelleri non possumus; iniviti spatium, ut quiddam infinitum, immobile, æternum & necessarium cogitamus; dum facile materiam limitibus circumscribimus. Ergo spatium habet objectivam realitatem, quam materia non habet.

Respondeo. Distinguo, consequens. Ergo habet objectivam realitatem, in mente tum humana, tum divina: sicut alia bene multa, tempus, numerus, æterna veritates, Concedo. Extra mentem omnem divinam & humanam, seu est proprietas entis alicujus distincta a cogitatione, vel aliqua substantia existens necessario & ab æterno. Nego. Idea spatii valde clara est, esto. Sed non est clarior quam idea temporis, vel numeri, vel illarum rationum, quæ sunt inter numeros & figuras: ut spatium cogitamus infinitum & æternum; sic quoque cogitamus tempus infinitum, numeros infinitos, veritates infinitas & æternas. Igitur non magis concludere debemus spatium esse realem aliquam proprietatem æternam & infinitam extra mentem omnem, quam concludere licet, tempus, numerum, veritates esse entia realia extra intellectum omnem. Quid ergo spatium est? Est abstracta idea extensionis corporeæ; sicut tempus est idea abstracta durationis entium mutabilium: ut veritates æternæ sunt abstractæ notiones rationum, quæ sunt inter res possibles vel existentes. Quare illud ut infinitum semper cogitamus? Quia illam abstractam extensionem, quam mente comprehendimus, possumus augere in infinitum, eadem possumus etiam in infinitum minuire. Eadem

propterea ratione tempus augemus & minui in infinitum; numeros addimus & frangimus in infinitum. Quare materiæ terminos ponimus, non spatii? Quia materia est vere existens extra mentem, quæ natura sua necessario circumscribitur: at extensio est abstracta idea, quæ præscindit ab omni amplitudine determinata. Sic quoque cuiusque rei finitæ extra mentem existentis durationem finitam cogitamus, neque aliter possumus apprehendere: ipsam tamen abstractam temporis notionem sub forma indefinita concipimus. Res numeratas quoque semper certo & finito numero definitas cogitamus, etsi ipsi numeri infiniti censcantur. Quamobrem manifestum est omnibus rebus abstracte sumptis nullos limites ponere nos & sub forma infiniti negativi concipere, spatia, tempora, numeros, velocitates & quæcunque alia incrementi perpetui capacia sunt: quia mens habet perpetuam facultatem augendi id quod nunquam esse potest absolute & positive infinitum, neque potest mens res illas tanquam finitas concipere: nisi tollas ab illa istam suam facultatem perpetuo augendi. Concludendum ergo est illam infinitatem spatii, temporis, numeri, &c. esse infinitatem potentialem, seu capacitatem accipiendi incrementa, non absolutam & actualem infinitatem, extra mentem existentem; & illam esse unice positam in illa facultate, qua gaudet animus duplicandi, triplicandi, & quæcunque ratione multiplicandi, quiddam capax est amplificationis. Et idcirco etiam si posueris numerum aliquem esse infinitum, perget animus augendo & finget duos infinitos numeros, infinitum infinito majus, multiplicabit in infinitum ipsum infinitum. Adeo hæ operationes ingenii nostri lusus sunt.

Obijcies 2. Multum disjuncta est a communi omnium intelligentia illa de substantiis non extensis opinio, habet multas inextricabiles difficultates.

Primo? illæ substantiæ non extensæ vel minima sunt physica, quæ cum exi-

lita-

litate sine incredibili secari amplius & dividi nequeunt: vel puncta sunt mathematica, quæ nemo, nisi mente & cogitatione assequi potest. Atque mille harum substantiarum in unius acus cuspidem saltare poterunt, quæ ridicula notio risu excipienda potius est quam serio confutanda.

Secundo: quodcumque nec parvum est, nec magnum; nec spatium occupat, nec loci sitisque inter cætera corpora particeps est: id omnino nihilum est: Magnitudo enim & extensio veram constituunt illarum rerum, quæ vere existunt, essentiam; nec sine extensione cogitari potest vel substantia vel accidens.

Tertio: qui naturas inextensas defendunt, hi etiam docent easdem esse totas in toto, spatio & simul totas in qualibet parte spatii: quod plane absurdum est. Etenim si tota Dei natura existat in loco A, nihil ejus esse potest in puncto B; aut si hoc etiam contineat divinam aliquam naturam, alia sit necesse est, tota ab illa altera discrepans. Similiter si animus noster totus unam corporis partem replet, nisi multiplicatus in aliis partibus totus existere non poterit: nec unicus existere totus in toto corpore.

Quarto: si substantiæ inextensæ sint, locum nullum occupant; si locum nullum occupant, sunt immobiles, quod videtur absurdum. Ex eo etiam sequeretur posse animum finitum toti rerum universitati præsentem esse, illamque moderari.

Respondeo hæc omnia argumenta a veteribus nostræ sententiæ defensoribus præoccupata fuisse & confutata.

Primo: negant Plotinus & Porphyrius Deum aut alias substantias non extensas dici posse, vel puncta physica, vel puncta mathematica. Priora enim magnitudinem habent, partesque extra partes, & cogitatione dividi possunt. Puncta vero mathematica, quamvis magnitudine careant, habent situm & positum. *Punctum*, ait Aristoteles, monas est, quod situm gaudet & posita. Spiritus vero, neque habet ma-

gnitudinem, neque situm: non possis illud dicere magnum vel parvum, nec collocatum ad Septentrionem vel ad Meridiam. Proinde nec in cupide acus nec ulquam alias saltare potest.

Secundo. Populi opinionibus servire est, pro nihilo illud omne habere, quod non habet partes extras partes. Cum animum avocamus a sensibus &phantasia: quam multa sine ulla forma extensa cogitamus? Illa, quæ rebus omnibus præsidet sapientiæ; illa virtus, quæ omnia continet immensamque molem pro arbitrio versat, habetne ipsa molem aliquam?

Tertio. Necesse est ut substantia spiritalis tota adsit illis rebus quibus adest; ac si contrarium statueremus, nempe partem substantiæ spiritalis in parte corporis tantum existere; incidere in id vitium quod nobis exprobat, consistentes rem individuam in partes secari posse. Sed adest pluribus partibus sine multiplicatione, ut vis motrix una adest omnibus partibus corporis moti, & sapientiæ divina una & individua adest omnibus partibus universitatis. Rem ita esse colligimus ex ipso communi omnium sensu naturæ insito, quo credimus Deum esse ubique; quod profecto esse non posset, si Deus esset diffusus, & unaquæque pars ejus ita disponderetur, ut una pars in uno loco, alia in alio loco existeret: Sic enim Deus dissiparetur, neque pars unaquæque tota divina natura esse posset.

Quarto. Sine dubio non competit spiritibus motus sicut corporibus: nec illa vi, qui *impetus* dicitur & corpora transfert, agitur. Possunt tamen hoc sensu moveri, quod successive variis rebus *cogitatione* præsentibus esse possunt, & vi cogitationis procreatrice hoc sensu agitari: ac propter hanc eandem rationem efficere potest Deus potentia sua, ut spiritus finitus omnibus rebus creatis præsens sit cogitatione, easdemque, ut corpus suum, nunc regit, moderetur.

Aliæ sunt objectiones Physicorum, quibus conficiunt necessarium esse vacuum

cum ut existeret possit motus, quas ingenue fatemur nos solvere non posse. Si omnia essent, inquirunt, plena corporibus nullo modo intelligere possemus quia ratione fluida, sive liquores in perpetuo motu esse queant. Nam non possunt liquidorum particulae perpetuo si-
rum mutare inter se, quin spatiosa vacua relinquunt: nullaque est materia quae possit sese aptare tam subitis & tam variis mutationibus pororum, ut eos perpetuo accuratissime compleat. Oporteret illam subtilem materiam esse actu in infinitum divisam, quod omnino concipere non possumus, & redderet illam ad omnes usus inutilem: cum materiae in infinitum divisae, seu quae nullam haberet massam, nullum momentum esse posset, nulla vis, neque ad movendum, neque ad sistendum. Argumentum etiam insuperabile petitur ex inertia, quam materiae omni inesse experientia & ratione intelligimus: quae efficit ut materia omnis movenda resistat pro quantitate molis suae, cum qua tanta resistentia in mundo pleno demonstratur motum existeret non posse. Præterea intelligimus his Deum posse lunam vel aliud quodcumque corpus in nihilum redigere, cæteris in eodem statu divina virtute conservatis, quod tamen esse non posset, nisi vacuum esset possibile. Hæc & similibus rationibus multi adducti sunt, ut spatium vacuum admitterent; quod cum æqualiter distet a materia solida & a spiritu inextenso, & tamen proprietas extensionis sine subiecto esse non possit; illud dixerunt substantiam simplicissimam cuius unica sit aut saltem cognoscatur proprietas, videlicet extensio. Quot & quantas etiam habet hæc sententia difficultates!

De immutabilitate Dei.

Exsi immutabilitas negativum aliquid videatur significare: positiva nihilominus sensu philosophico in Deo proprietas est, per quam scilicet idem semper permanet: multoque magis mutabilitas & inconstantia defectus constantiae est & im-

Tom. I.

mutabilitatis, quam constantia defectus mutabilitatis.

PROPOSITIO.

Deus est immutabilis.

PROBATIO.

1. **Q**UICQUID mutatur, vel mutatur a causa externa, vel a causa interna. Atqui Deus experiri mutationem a causa externa non potest; cum sit independens, singularis & distinctus ab omni alia re, nullique externae impressioni obnoxius. Non ab interna causa: nam nulla alia concipi potest divinae existentiae, ejusque modorum, quam necessitas absoluta existendi; quæ cum sit eadem semper & uniformis, exigit ut Deus semper idem sit in omni tempore.

2. Deus est ens infinite perfectum. Atqui tale ens nullam accipit mutationem: quia nullam de novo acquirere perfectionem potest, cum jam omnes habeat: neque ullam perdere, cum sint omnes indissolubili nexu conjunctæ, nec una esse possit sine aliis. Vel sic consue, Deus est immutabiliter talis, qualis est necessario. Sed est necessario in forma perfectissima. Est ergo immutabiliter in illa forma.

3. Qua in re experiri mutationem posset? An ratione existentiae, sed illa necessaria est. An ratione loci? Sed immensus est. Omnia in ipso vivunt, moventur & sunt. An ratione temporis? Sed immobiliter æternus est, & in stante sua æternitate omnes temporum differentias continet. An ratione cognitionis? Sed quid latere potest infinitam scientiam? An ratione consiliorum? Sed a perfectissima mente omnis abest animi levitas, quæ ex ignorantia aut in-
tigitantia in ipsis hominibus proficiscitur.

In hac denique sententia summa sententia sunt omnium Philosophorum consensio, *illam necessario existentem essentiam Dei, quæ est ipsa æqualitas, ipsa pulchritudo, ipsa singularitas; quæ est ipsum*

ipsum ens; nullam experiri posse mutationem. Plato in Phædone.

Aliquam habet difficultatem attributi hujus cum libertate & variis divinæ providentiæ actibus conciliario, de qua vide de art. de libertate Dei.

De unitate seu singularitate Dei.

Per unitatem intelligimus, non solum illam singularitatem, quæ excludat omnis alterius entis æqualis & eorundem perfectionum consortis existentiam. Sed & omnis alius naturæ, necessariæ & a se existentis seu independentis consortium. Adeoque veram naturæ divinæ unitatem negarunt.

1. Quotquot duas naturas ab æterno existentes, nempe materiam & Deum admiserunt, quique sic duo rerum principia, alterum efficiens, alterum, quod fingeretur, docuerunt. Hoc dogma Academicis, Peripateticis & Stoicis tribuit Tullius in Acad. Quæst. 1. Naturam dividebant in res duas, ut altera esset efficiens; altera autem quæstiva se præbens, ex qua efficeretur aliquid: in eo quod efficeret vim esse censebant; in eo quod efficeretur materiam quamdam (a): At juxta eundem Philosophi hi duo ista rerum principia sic commiscebant, ut reipsa non nisi una fierent eademque natura, in utroque tamen utrumque, pergit Cicero, neque enim materiam ipsam coherere potuisse, si nulla vi contineretur, neque vim sine aliqua materia: nihil est enim, quod alicubi non esse cogatur. Immo Stoici has res multo magis confundebant: docebant enim rem efficientem materialem esse, ignemque aliquem subtilissimum. Sed quidquid sit de horum opinione certum est fuisse quamplures Philosophos, qui simplices & spirituales mentes professi, duo diversa rerum principia ab æterno simul extitisse asseruerunt, materiam videlicet, & Deum segregatum ab omni concretionem corporea. Sic Anaxagoras

sensit, sic Archelaus, sic Anticus, & plures alii. Pythagoram quoque in hac sententia fuisse Numenius author est. Platonem idem sensisse Plutarchum & Lactetius scripserunt. Aristoteli eandem fovisse sententiam persuasum multis fuit. Porphyrius, Jamblychus, Proclus & Simplicius, etsi docuerint Deum caput esse atque causam rerum omnium, tamen putaverunt materiam esse æternam. Quorum omnium atque suam sententiam sic exponit Plutarchus (t. 2. Op. p. 1014.). Præstat igitur Platonis, (quam Heracliti) sententiam sequi, atque hoc dicere & canere, mundum a Deo esse factum. Nam & mundus omnium operum est pulcherrimum, & Deus omnium causarum præstantissima. Substantiam autem & materiam, ex qua factus est mundus, non natam, sed semper subjectam opifici disponendam se atque ipsius similitudine, quantum fieri potest, effingendam sese præbuisse. Non enim ex nihilo extitit mundus, sed ex eo quod non pulchre, non recte, nec perfecte sese haberet, quomodo sunt domus, vestis, statua. Immo vero quidam viri doctissimi hanc opinionem attribuant omnibus generatim antiquioribus sapientibus. Vide ed. lat. Cudworthi cum notis & diss. doctissimi interpretis, & Beausobre in historia Manicheismi.

Hoc dogma tenuerunt olim etiam multi Christiani, qui idcirco materialii vocati sunt, inter quos Hermogenes celebris fuit, quem præsertim ex origine mali disputasse legimus apud Tertullianum l. contra Hermog. p. 138. Præstruit, ait Tertullianus, Dominum aut de semetipso fecisse cuncta, aut de aliquo... Negat illum ex semetipso facere potuisse, quia partes ipsius fuissent, quæcunque ex semetipso fecisset Dominus; porro in partes non devenire, ut indivisibilem, & indemutabilem, & eundem semper, qua Dominus. Ex nihilo non potuisse eum facere sic contendit, bonum & optimum designans Dominum; qui bona & optima

tam

(a) Dicunt Stoici nostri duo esse in rerum natura, ex quibus omnia fiunt, causam & materiam. Materia jacet iners, res ad omnia parata, cellatura singmo moveat. Causa autem, idest, ratio, materiam format. Sen. ep. 65.

ram vellet facere, quam sit: immo nihil non bonum atque optimum, & velle eum & facere. Igitur omnia ab eo bona & optima oportuisse fieri secundum conditionem ipsius. Inveniri autem & mala ab eo facta, utique non ex arbitrio, nec ex voluntate: nihil incongruens & indignum sibi faceret. Quod ergo non arbitrio suo feceris, intelligi oportere ex vitio aliqujus rei factum ex materia esse sine dubio.

2. Præter hanc æternam & necessariam materiam, & Deum, multi olim quasi tertium quoddam principium excogitarunt; quippe cum non intelligerent quomodo sub regimine Dei summe boni malum oriri potuisset, & vanam incertamque ducerent opinionem, quæ materiam qualitatis omnis & virtutis vacuum, causam mali faciebat, quod esset inobsequens voluntati Dei; putarentque in illo systemate malum non in materiam, sed in Deum ipsum refundendum esse; huic materię æternæ adjunxerunt naturam seu vim quamdam ratione carentem & maleficam, inordinatis ac turbulentis motibus materiam perpetuo cipientem: hanc naturam Plutarchus vocat animam contrariam & contrariorum opificem: animam incompositam, turbulentam & mente vacuum: nominat quandoque necessitatem, eo quod sine consilio agat: atque eam ipsum esse satum asserit, de quo Poetæ & Philosophi tam multa scripserunt. Hi Philosophi igitur sic explicant originem rerum; ut nihil omnino productum fuerit ex nihilo, neve bonum, neve malum: ac juxta eos Deus, cum mundum condere voluit, hæc effecit. Primo materiam digessit, & suum elementis cullibet locum assignavit. Deinde ne recte constituta denuo convellerentur, mundi animam emendavit, quantum potuit, ejusque inordinatos ac turbulentos motus temperavit. Et tandem de sua propria substantia partem addidit, quæ variis ejus motus sic dirigeret; ut hæc rerum omnium pulchritudo nasceretur. Quidquid ergo mali est in mundo, ori-

ginem habet ab ista malefica anima, quam Deus omnino corrigere non potuit: quidquid vero boni, ab illa parte divina, quæ principatum obtinet: & æquabili lege omnia continet. Ut mundus universus, sic homo quique, ex tribus istis partibus componitur, nempe materia vi inordinata & agra: celesti.

Huic ultimæ opinionis valde deditus fuit Plutarchus, qui summum studio conatus est in istius patrociniū trahere omnes præclarissimos Philosophos. Vide *system. intell. Historiam Manichæismi. Manichæismum ante Manichæos.*

3. Superioris sententiæ amplificatio quædam fuit Manichæorum doctrina. Hi etenim in hoc solummodo a recentioribus Philosophis differabant; quod existimarent, juxta veterem quandam Chaldaeorum, Phœnicum, & Persarum aliquorum opinionem (vide *Hist. Man.*), in ista æterna materia naturaliter gigni varii generis animantia, & Dæmonas malos, unumque aliorum Principem: duoque sic statuerint imperia æterna; aliud lucis repletum infinitis beatis Spiritibus, in quo regnaret Deus optimus, maximus; aliud tenebrarum, in quo imperitaret Princeps Dæmonum, Hyle dictus, cum suis confortibus. Audiamus ipsum Manichæum (apud *S. August. lib. contra ep. Man. c. 43.*). In exordio fuerunt due substantię, a se se divise: & luminis quidem imperium tenebat Deus pater, in sua sancta stirpe perpetuus, in virtute magnificus, natura ipsa æterus, æternitate propria exultans, semper continens apud se sapientiam, & sensus vitales: per quos etiam duodecim membra luminis sui comprehendit, regni videlicet proprii divitias affluentes. In unaqueque autem membrorum ejus sunt recondita milia innumerabilium, & inmensorum thesaurorum (vide explicationem hujus mystici sermonis in *hist. man.*). Ipse vero pater in sua laude præcipuus, magnitudine incomprehensibilis, copulata habet sibi beata & gloriosa sæcula (zonas): neque numero, neque prolixitate æstimanda, cum quibus idem sanctus atque illustris pater

¶ *genitor degit: nullo etiam in regnis ejus insignibus aut indigente aut infirmo constituto. Ita autem fundata sunt ejusmodi splendidissima regna super lucidam & beatam terram, ut a nullo unquam aut moveri aut concuti possint. Juxta vero unam partem ac latus illustis illius ac sancta terra erat tenebrarum terra profunda, & immensa magnitudine, in qua habitant ignea corpora; genera scilicet pessima. Hinc infinita tenebra ex eadem manantes natura inestimabiles cum propriis satibus, ultra quas erant aqua caecosa ac turbida cum suis inhabitatoribus, quatuor interius ventis horribiles ac ahe- mentes cum suo principe & genitoribus. Rursum regio ignea & corruptibilis cum suis ducibus & nationibus. Pari more introrsum gens caliginis ac sumi plena, in qua morabatur immanis princeps om- nium & dux, habens circa se innumera- biles principes, quorum omnium ipse erat mens atque origo; haeque fuerunt naturae quinque terrae pessimae (apud S. August. ibid. cap. 15.). Hæc regna per infinita sæcula separata sic manserunt neque Deus bonus dignum se judicabat, quidquam in imperio tenebrarum moliri aut ex materia quidquam fingere: principatus vero tenebrarum appetitu quidem præditi, at ratione destituti imperium lucis nesciebant. Verum tandem, vel quod nimium multiplicati sedes migrare volue- runt (a), vel quod exorto inter illos bello, qui devicti sunt, vincenium fu- rorem longius fugientes ad terminos regni lucis pervenerunt (b): hic tunc victores, tum victi capti pulchritudine lucis, pace composita, regnum cæleste in- vadere meditati sunt. Deus vero, a quo*

nihilum malum existeret potest, bellum declinans, hanc arripuit occasionem cor- rigendi aliquatenus tenebrarum perva- sam substantiam, mundicie huius aspe- ctabilis efformandi. Bonus ergo potestatem quandam misit, custodiam scilicet præ- scripta; re autem vera futuram ipsi ma- teria illicebant & invitamentum ad mo- derationem; ejus a voluntate alienam. Hanc conspicua materia, amore exarsit, sibi eam conjungere concepit, improvi- deque devoravit. Sic quodammodo tan- quam bellua ligata est. Hæc Titus Bo- strensis, qui videtur melius perspectam habuisse Manichæorum doctrinam. Idem addit, Manichæos usos esse hoc exemplo tanquam cautione missæ potestatis ma- teriam sopitam fuisse. Ex commixtione ergo duarum naturarum, non solum ho- minem, sed universum mundum, quem in oculis paribus animatum putabant, generatum docebant.

Hæc Manichæi, ut inter Persas alios- que Orientales plures existerunt, qui malo principio excellentiores dotes ma- joremque virtutem concessisse videntur, & duos quodammodo Deos æternos & inimicos constituisse: nisi decepti fuerint Plutarchus & alii Græci, & per Græcos etiam quamplurimi Latini, quod ex- tra omnem verisimilitudinem non est. Sed de horum omnium doctrina alius erit fortasse dicendi locus.

4. Divinæ naturæ unitatem negave- runt illi Ethnici, qui multos Deos æ- quales & independentes agnoverunt: sed profecto res est valde ambigua, an ve- teres eodem sensu istam vocem *Dii* sem- per acceperint ac nos nunc accipimus: aut potius certum videtur eos per il- lam

(a) Erat, inquit Manichæus, tempus cum materia sine ordine crederetur: & generabat & crescebat ac multas potestates producebat. Ausa igitur evehebatur, nesciens substantiam boni. Postquam vero magis erecta novit terram & lumen boni, nitebatur ascendere ad ea quæ non erant propria. *Titus Bostrensis.*

(b) Explanant autem modum seditionis hujus. Qui, inquit Manichæus, ex ea nequitia (nequitia autem Satanas est) nati sunt, se mutuo infectati sunt & devoraverunt, dura & gravia passi, neque prius desisterunt in seipso moveri, quam lumen sero tandem viderent. His enim verbis utitur, & a se enim ipsi exagitati, cum aliqui nescirent, ita tamen ausi sunt ad lumen accedere. *idem.*

lam vocem, ubi illam pluribus tribuebant, nequaquam intellexisse entia perfectissima, quod entia necessaria, neque primas causas rerum omnium, sed interiores aliquos Deos *indigeant, gentilitios, locales, tutelares, ephesios, & mundanos*, quos tanquam primæ & universalis causæ administratos spectabant. Quod cum aliqua diligentia effecturi sumus, ut vis sua conitet argumentis supra allatis ex notione immensis, omnipotentis & omnipotentis Dei omnium hominum mentibus impressa.

PROPOSITIO PRIMA.

Unicum esse Deum, seu unicam primam causam rerum omnium sine aequali ratio evidenter demonstrat; Philosophi omnes Theisti docuerunt; omnes vetustissimæ gentes semper agnoverunt; adeoque unitas pertinet ad notionem veri & summi Dei animis hominum insitam.

PROBATIO.

PARS PRIMA.

Unitas Dei ratione conficitur.

1. **D**EUS est ens summum. Atqui repugnant plura summa: quia id tantummodo summum est, quod neque majus quidquam, neque par agnoscit. Sic Tertullianus: *de his convenit apud omnes, ut Deus sit summum magnum & forma, & ratio, & vi, & potestate* Quæ erit jam conditio ipsius summi magni? Nempe ut nihil illi adequetur; id est, ut non sit aliud summum magnum, eversa conditione &, ut ita dixerim, lege, quæ summum magno nihil finit adequari.

2. Deus est ens infinite perfectum, cui nulla deest perfectio. Atqui non potes ponere duo entia summe perfecta, quin eodem tempore statuas utrumque carere aliqua perfectione. Nam illa duo entia A & B, a se invicem aliqua re distinguuntur & differunt: scilicet attributis suis vel causa formali existentie suæ: nam si A & B habeat eandem causam for-

malem existentie suam, eandem naturam & eadem attributa, certe ex nulla parte differunt porro id per quod distinguereque, perfectio esset, & illa perfectione utrumque careret. Ergo. Neque dicas per existentiam, quam habet quodque specialem, utrumque ens satis distinguui. Nam existentia supponit res distinctas, & ubi nulla est distinctio, absurde fingitur separata existentia: sic suppone Petrum & Paulum non distinguui neque per naturam, neque per causam suam, videlicet decretum divinæ voluntatis. Certe Petrus & Paulus entia duo esse non possunt, nec separatam habere existentiam. Argumentum hoc subtile scholasticorum est.

3. Deus est ens necessarium. Atqui entia plura necessaria esse non possunt. Nam illud ens tantum est necessarium, quod non possumus cogitare non existens, seu cujus non existentia involvit contradictionem. Atqui omnia entia præter unum possumus cogitare non existentia: pone verbi gratia decem, facile concipimus ex illis decem, novem esse profus inutilia & posse non esse.

Deinde eus necessarium illud est, quod exiit ex interna & absoluta necessitate, quam necessitatem aliqua ratione, ut antecedentem & internam seu formalem causam existentie Dei cogitamus. Atqui illa absoluta & uniformis necessitas unius & singularis naturæ perfectissimæ causa interior esse tantum potest: unius immensitatis, unius æternitatis, unius potentie, unius intelligentie &c. nec unitatem ab illius idea disjungere. valeamus: cur duorum vel trium entium, vel quinque, vel viginti &c. causa sit, non videmus: ubicumque numerus fingitur, ibi est arbitrium, non necessitas; quia quicumque alius numerus æque possibilis est. Rationem hanc bene exposuit Clarkius.

4. Deus est ens infinitum, ens cujus attributa omnia sunt infinita. Atqui unicum tantum potest esse ens, cujus attributa omnia sint infinita: quia om-

nia

nia attributa infinita necessario singularia sunt. Primo *immensitas* postulat dependentiam omnium aliarum rerum. Nam quod immensum est, a nulla re alia debet excludi. Atqui si essent duo entia æqualia & a se mutuo nullo modo dependentia, a se mutuo excluderentur. Deus ideo tantum in ætæternis existere concipitur, quia per ipsum & in ipso existunt, seu earum existentia & conservatio fuit ex perpetua Dei actione. Sed si illas divina virtus non fecisset, nec existerent per Deum, nec in Deo. Deus ab illis excluderetur. Secundo duplex *omnipotentia* repugnat: nam illa potentia infinita non est, quæ experitur contrariam; immo æqualem in alio ente. Et cum his duobus attributis intereunt omnes alie perfectiones. *Scientia infinita* nulla est, siquidem ille non novit omnia, qui ab aliqua re excluditur, non povit naturam, vim, consilia illius æqualis entis & independentis. *Sapientia* nulla est, nec *bonitas*, nec *justitia*; siquidem ille non potest sapienter, iuste & benigne cum aliqua fidentia & securitate agere; qui experiri potest aliam naturam consilia contraria machinantem. Si dicas mendicare posse unum Deum ab alio veniam agendi, sustulisti entis independentis & perfecti, & infiniti notionem. Tandem perit etiam Dei *señitas* summa, quæ in voluntate omnipotente, liberrima & sibi sufficiente posita est.

5. Denique omnia in mundo connexa sunt, & ordo unus ex omnibus existit, ergo unico consilio mundus constitutus est: cuncta in eo placide summaque cum constantia & æquabilitate, juxta eandem leges seruntur, ergo unica est administrationis ratio. Atqui ex unitate consilii in constitutione mundi bene colligitur illius unum esse Architectum, & ex unitate providentiæ bene efficitur unum esse rectorem. Tanta pax & concordia hanc universitatem non contingeret, si turbæ quædam Deorum per se existentium & æqualium, nec ullius su-

premi Numinis jussu parentium, rerum administrationi præsideret.

SECUNDA PARS.

Consensio Philosophorum circa unitatem Dei summi.

OMNES illi, qui primis Religionis Christianæ temporibus adversus Gentiles scripserunt, hoc sibi probandum suscepserunt, maximi nominis Philosophos, non secus ac Christianos, unum rerum omnium parentem ac Deum profectos esse. Hoc argumentum tractant *Clement Alexandrinus* in Strom. & in cohortatione ad gentes; *Athenagoras* in apologia pro Christianis; *Theophilus Antiochenus* in libris ad Autolicum; *Cyrillus Alexandrinus* l. 1. contra Julianum. Et inter Latinos, *Tertullianus* in apologetico c. 24. *Minucius Felix* in octavo cap. 19. *Arnobius* l. 1. adversus gentes. Horum secutus est *velligia Huetius* in aleneticis questionibus, sed omnium copiosius de hac Philosophorum consensione disserit *Cudworthus* in systemate intellectuali. In re tam aperta congerere testimonia hic supervacaneum videtur, adeoque unum appellabimus *Onatum* ex schola Pythagoræ Philosophum; cujus apud *Stobæum* hæc sententia legitur. Neque mihi unus videtur Deus, verum unus quidem maximus ac summus Deus, rerum universitatem gubernans; aliis autem præterea multiti, diversis virtutibus præditi. Imperat autem omnibus Deus is, qui robore, magnitudine, virtute præstat. Hic ille Deus est, qui universum mundum arceat, moderatur & continet. Reliqui vero Dii sunt, qui per calum eodem, quo tota rerum universitas, motu decurrunt, primum & intelligibilem illum Deum ordine sequentes. Hanc sententiam expressit aliis Philosophis omnibus attribuit S. Cyrillus, l. 1. c. jul. Manifestum est, ait, etiam Græco more philosophantibus, unum consensu ac in confesso esse Deum universi conditorem & naturæ omnes superantem, a quo

quo facti sunt & producti ad generationem, alii deinceps Diis sub intellectum & sensum, ut ipsi loquuntur, cadentes. Et certe ne unus quidem inter omnes veteres sapientes laudari potest, qui plura crediderit numina æterna, & per se existentia: immo Cicero scripsit Tusculanum disput. l. 1. Deus alio modo intelligi non potest, nisi ut mens soluta & libera, segregata ab omni concretionem mortali, omnia sentiens & movens, ipsa prædita motu sempiterno.

PARS TERTIA.

Consensio nationum omnium circa unitatem Dei summi.

CUM asserimus hanc fuisse communem omnium populorum fidem, unum esse supremum Deum optimum, maximum, patrem Deorum atque hominum; non hoc assumimus probandum, nullum fuisse ex imperita multitudinis, qui hac non fuerit imbutus opinio, sed hoc solummodo demonstrare contendimus nullam fuisse gentem in qua doctos inter & indoctos publica & communis doctrina non fuerit, unum esse Deum summum, qui cunctas res hominumque Deorumque moderetur. Hanc partem confirmabimus 1. optimorum testimonio auctoritate. 2. Poetarum, qui religiones populorum suis carminibus celebrant, evidentissimis testimoniis. 3. Speciali consideratione variarum religionum. Et 4. Denique communibus apud vulgus opinionibus & consuetudinibus.

1. Hæc assertio firmatur auctoritate optimorum testimonio.

Aristoteles, de rep. l. 4. c. 15. p. 510. t. 3. op. scribit: omnes homines affirmant Deos esse sub imperio. Hoc est, vult esse regem & dominum, qui Diis omnibus imperet.

Maximus Tyrius, diss. 1. p. 4. & 5. Quod si concionem cogas, omnesque simul artes uno decreto convenire jubeas, ac de Deo ex iis quæras, putasne aliud Piætores, aliud Stannarium, aliud Poetam, aliud dicentem esse Philosophum? Immo ne

Scythia quidem, & Græci, & Persæ, & Hyperborei. Verum enim vero in aliis videbis alia, neque unquam eadem statere homines. Nec enim bonum idem omnibus, nec idem omnibus malum, nec idem turpe aut honestum. Ut de legibus taceam, quæ pro cuiusque placito in omnes tria partes distrahuntur, ut non modo gens cum gente, sed nec urbs cum urbe, nec familia cum familia, nec homo cum homine, nec unus aliquis interdum secum ipso consentiat. In hac tanta pugna, contentione atque opinionum varietate, in eo leges ubique terrarum atque opiniones convenire videbis. Deum esse unum regem omnium & patrem, huic multos additos esse Deos alios, qui supremi illius filii sint & quasi in imperio collega. In eo Græci cum Barbaro, Mediterreneus cum Insulano, sapiens consentit cum stulto.

S. Augustinus, cum Faustus Manichæus objecisset Christianos mutuatos esse a Gentilibus fidem in unum supremum Deum, hæc respondet: discat ergo Faustus Monarchiæ opinionem non ex gentibus nos habere, sed gentes non usque adeo ad falsos Deos esse delapsas, ut opinionem amitterent unius veri Dei, ex quo est omnis qualisunque natura.

2. Eadem assertio confirmatur auctoritate Poetarum omnium, qui eloquentiæ & artis suæ luminibus populorum religiones exornant & vates præsertim Theologicæ Gentilium nuncupati sunt. Haud diffitemur quidem illorum carminibus multa ridicula, contradictoria & plane abhorrentia, tum a ratione, tum a pietate accipisse auctoritatem, & depravasse eos in multis populorum animos; protereaque à Platone recte ablegatos fuisse a sua republica: tamen certissimum est eosdem, in ista fabularum colluvione, semper servavisse dogma istud de unitate Dei summi & æterni. Justinus Martyr testatur se librum de Monarchia Dei eo consilio scripsisse, ut insitam a natura, sed a prava consuetudine obliteratam de Deo uno sententiam resuscitaret ex Poetarum scri-

scriptis. Dio Chrysostomus or. 36. p. 447. scribit. Poeta omnes primum principemque Deum universe parentem appellant rerum omnium ratione praeclarum, nec non regem earundem, cui Poetarum doctrina morigeri homines Jovi Regi altaria dedicant, neque verentur eum patrem appellare. Quadam asseramus exempla.

Orpheus, Poetarum Graecorum, quorum feruntur carmina aliqua, antiquissimus; quique propter multa egregia de Theologia scripta, constitutam apud Thracas Religionem, & instituta mysteria, Theologus à veteribus dictus est: ex cujus quoque praeceptis non mediocre sapientiae suae partem hausisse putantur celeberrimi olim Philosophi Pythagorae & alii: Orpheus hic licet multos Deos coluerit, colendosque illos esse complures populos docuerit: tamen certissimum est, unum tantum supremum Deum admisisse. Hoc testantur antiquissimi scriptores; hoc confirmant illa carmina, quae sub ejus nomine feruntur; quae si forte genuina non sint, tamen sunt antiquissima, ejusque doctrinam continere non dubitant eruditi. Inter multa ejus pulcherrima laudata à veteribus, ea solum describemus, quae Proclus servavit,

Primus, postremusque Jovis, qui fulmine candet:

Ille caput, mediumque simul, cui cuncta creantur:

Ille solum ac caeli stellatos sustinet axes.

Rex idem, rerum parens, & originis auctor.

Unica vis, Dæmonque unus, qui cuncta gubernat.

Sophocles in Tragedia, quae publice agebatur, hæc scripserat:

Unus profecto est, unus est tantum Deus

Qui caelum & amplum condidit terræ globum,

Mansueque fluctus, vimque ventorum gravem.

Plerique nostrum, mente sed capti, Deum

Simulachra nobis, ceu mali solatium;

Cum saxea atque acerna consecravimus. Sive aureas, eburneasque imagines: Sacris & istos colimus, his seculos dies Agimus: pios hoc esse nos remur modo. Multa similia habent Æschylus, Aristophanes, Menander, alique Graeci Poetae, quorum carmina omnium, etiam artificum, manibus terebantur.

Neque minus communis est apud Latinos doctrina.

Ennius, tametsi Deos omnes inferiores Erebo, & Nocte natos esse doceat, seu quod idem est ex chaos generatos, unum tamen Deum cæteris omnibus majorem & præstantiorem laudat, qui

Divumque hominumque pater Rex ipsi dicitur. Quæ denominatio nullius esse potest, nisi ejus qui universam naturam fabricatus est, cumque ipse ortu careat, Deos una cum mundo ex chaos fixit.

Plauti, quoque hæc verba clara sunt in Rudente; ubi Deos ut Jovis Angelos exhibet.

Qui gentes omnes mariæque & terras movet

Ejus sum civis civitate cælitum.

Qui est imperator Divum atque hominum Jupiter.

Is nos per gentes alium alia disparat, Hominum qui fata, mores, pietatem

& fidem

Noscimus...

Qui falsas lites falsis testimoniis Petunt, quique in jure abjurant percuriam,

Eorum referimus nomina exscripta ad Jovem.

Valerii Sorani Poetae vetustissimi versus hos servavit Varro.

Jupiter omnipotens Regum Rex ipse Deumque

Progenitor genitrixque Deum, Deus unus & omnis.

Apud Virgilium, l. 1. Æn. sic Jovem compellat Venus.

O qui res hominum Deumque Æternis regis imperiis & fulmina terras.

& ali-

& alibi,

O Pater, o hominum Divumque aeterna potestas,
Divumque aeterna potestas, inquit Servius, propter aliorum Numinum discretionem, quae scilicet aeterna non sunt, sed ex Jove generata & edita. Horatius. l. 1. Ode 12. habet.

Quid prius dicam solitis parentis
Laudibus? qui res hominum & Deorum,
Qui mare & terras variisque mundum
Temperat horis.

Unde nil majus generatur ipso
Nec viget quidquam simile aut secundum.
Proximos tamen illi occupavit
Pallat honores.

Nihil Jovi est secundum, inquit J. Bond, quid nullus ordo esse potest inter infinitum & finitum. Accedat locus alius ex l. 3. ode 4.

Qui terram inertem, qui mare temperat
Ventosum, & urbes regnaque tristia
Divos mortalesque turmas
Imperio regit unus aequo.

Rem nostram etiam hoc maxime conficit quod veteres omnes seu Poetae seu Philosophi, Deos mundi aequales finxerint & apud eos Theogonia seu generatio Deorum pars sit Cosmogonia seu generationis mundi. Hæc doctrina valde clare exponitur ab Ovidio, qui Hesiodi & aliorum securus est vestigia. Is in initio Metamorphoseon docet mundum aliquando coëxisse, & ex chaos generatum esse,

Ante mare & terras & quod tegit
omnia caelum,

Unus erat toto natura vultus in orbe,
Quem dixeret chaos.

Deinde post generatum mundum tradit conditos fuisse Deos.

Nec regio foret ulla suis animalibus
orba,

Astra tenent caeleste solum, formaque
Deorum.

Tandem non fortuito & temerario concursu partium materiae, sed unius supremi Dei ingenti & aeterni voluntate cuncta constituta docet: qui singulis mundi partibus propria tribuit animalia, mare piscibus replevit, terram hominibus

Tom. I.

incolendam dedit, caelum Deorum voluit esse domicilium.

Hanc Deus & melior litem natura diremit.

Nam caelo terras & terris absceidit undas,

Et liquidum spisso secrevit ab aere caelum.

Sic ubi dispositam quisquis fuit ille
Deorum

Congeriem secuit, scellamque in membra redegit.

Sic opus inclusum numero distinxit eodem

Cura Dei.

Ovidius in istis versibus unum tantum mundi opificem, melioremque naturam nominat, at idem tamen ubi hominum ortum describit, ex more Gentilium, a Deo quidem unico genus esse conditum mortalium fatetur, verum in effigiem moderantem cuncta Deorum. Atque consentienter huic Poetarum doctrinae, quae communis apud Paganos fuit, scribit Cicero, mundum conditum fuisse hominum Deorumque causa & esse commune Deorum & hominum domicilium.

Multa quidem sunt hisce in speciem repugnantia apud eosdem Poetas, sed meminisse oportet Theologiam Poetarum esse colluvionem quandam sensuum naturalium, quibus omnes homines informantur, & scitorum Philosophicorum, & traditionum antiquarum, & fictionum allegoricarum, & fabularum popularium: & propterea poeticum sermonem nullo modo secum consistere. Sic verbi gratia, ille Jupiter erit ex sensu naturali & opifinus, maximus, mundi melioris origo, Divum hominumque pater Rex; erit ex traditione filius Saturni; erit juxta Cosmogoniam Philosophorum ex chaos generatus; erit juxta fictionem allegoricam aer, quo circumfundimur: Sed in hac summa confusione eminet Theologia ex sensu naturali oriunda, etsi exprimitur ambiguo & corrupto sermone: nec dubium est quin majorem etiam in populorum animos habuerit vim. Hi fictiones

P

nes

nes allegoricas non intelligebant; Cosmogonias & Theogonias Philosophorum non curabant; ab illis traditionibus, quæ Jovem aliosque Deos homines esse ferebant, tanquam ab impiis commentis abhorrebant: ideoque hoc solum relinquitur, ut crediderint juxta sensum naturalem & opinionem optimorum Philosophorum unum esse supremum Deum, & plures inferiores, quibus præsertim sui cura commissa esset.

3. Si populorum religiones & instituta sigillatim recensemus, inveniemus eos omnes, etiam si idolis, brutis animalibus, astris, mortuis hominibus, & infinitæ Deorum multitudini supplicaverint; tamen mansisse in communi omnium gentium fide unum esse supremum Deum omnium rerum parentem.

Primo. Hanc fuisse perpetuam fidem gentis *Hebrææ* & ejus progenitorum ab origine mundi ex antiquissimo historico *Moyse* compertum habemus: qui in operis sui exordio sine ulla hæsitazione Deum omnium rerum conditorem prædicat; & hanc sententiam viguisse docet apud *Noemi* posteris in terra Chanaan usque ad *Abrahami* tempora, ubi erat *Melchisedech Sacerdos Dei altissimi*. Neque solum ex *Moyse*, sed ex vetustissimo libro *Job*, & aliorum Scriptorum antiquorum fragmentis, quæ nobis idololatriz & ethnicarum superstitionum origines & progressus memoriæ reliquerunt, in aliis quoque locis unius Dei fidem communem fuisse discimus. Post *Abrahamum* peculiaris certe laus gentis *Hebrææ* fuit quod nullos Deos præter supremam & universalem causam agnovit, & a *Moyse* temporibus habuerit constitutionem civilem istius doctrinæ conservatricem: cujus lex fundamentalis erat: *Audi Israel, Dominus Deus tuus Deus unus est*.

Secundo. *Chaldaeorum* doctrinam his verbis tradit *Berosus* antiquissimus Scriptor: *Chaldaei docent tempus fuisse olim, cum nihil esset præter tenebras & aquam Belum vero, quem Jovem interpretantur, medias divisisse tenebras, separasse invicem caelum & terram, & hac ratione mundum condidisse Hunc*

etiam Belum sidera, Solem, Lunam & quinque Stellas erraticas comparasse.

Tertio. *Ægyptii*, etsi Deorum multitudine & superstitionibus omnes alios populos vicerint, tantæ tamen Deorum turbae unum excellentius omnibus, celsissimumque Numen præposuisse novimus. Id constat ex eo, quod Græci Philosophi & Legislatores, qui mysteria apud Græcos & alios populos instituerunt, ut *Orpheus*, *Pythagoras*, &c. hanc doctrinam secum in patriam ex *Ægypto* asportarint. *Plutarchus* toto de *Iside & Osiride* libro *Ægyptios* Numen unum agnovisse, & principem Deum appellasse docet; idem tradit *Jamblychus*, qui *Ægyptiorum* religionis cum summa diligentia explicavit; hanc doctrinam continent libri *Hermetici*, qui quamvis genuini non sint, repræsentare tamen creduntur in multis partibus *Ægyptiorum* dogmata. Præterea nulla gens firmius & tenacius adhæsit vetustissimæ traditioni de mundi generatione, quæ sane concipi nequit sine Deo supremo. Denique insigne etiam argumentum suppeditat præstantissimum illud antiquitatis *Ægyptiacæ* monumentum, quod *Plutarchus* & alii posteritati conservaverunt: illa videlicet inscriptio templi, quod erat in Saide, *Ego sum omne, quod extitit, est & erit; meumque populum nemo adhuc mortalium detexit*. Cujus inscriptionis hunc esse sensum cum multa editione defendit *Cudworthus*. Tota verum natura nihil est, nisi ipse ego, verum populo circumdatus: At splendorem meum nudum, neque ullo velo reclusum nemo unus mortalium, aut oculis contueri, aut mente comprehendere potest.

Quarto. De *Æthyopibus* scribit *Strabo*: Deum putant alterum immortalem, alterum mortalem: immortalem quidem eum, qui rerum omnium causa sit. Mortalis vero apud eos incertus est & nomine caret, sed frequentius eos, a quibus beneficium acceperunt, & Reges pro Diis habent.

Quinto. Antiquissima gens *Persarum* nullis olim utebatur templis, neque idolis; sed in locis altissimis, sicut facere consueverunt Patriarchæ, sacra faciebant:

eos unum agnovisse tantum. Deum supremum, qui *Oromazes* dicebatur, testantur sacra eorum monumenta; adstruit authoritas scriptorum Arabum; probat hodierna recentiorum Persarum, qui contempto Mahumete, veteres suae gentis doctores sequuntur, consuetudo. Hanc reliquerat *Zoroaster* Persarum Propheta & Legislator Dei summi descriptionem. *Ens est primum, aeternum, immortale, sine socio aut aequali, omnis pulchritudinis fons, integerrimum, bonorum optimum, prudentium prudentissimum, legum aequitatis & iustitiae parens, a seipso doctum, a se existens, perfectum, &c.* (Vide *Eusebium* in *prep. ev. l. 1.*). Immo clarissimus author *Thomas Hyde*, l. de rel. vet. Pers. contendit adversus scriptores Graecos cultum ignis atque astrorum apud illam gentem nunquam sacrum fuisse & laetricum, sed tantummodo civilem & relativum. Baylius quidem asseruit post alios plurimos Persas agnovisse praeter *Oromazen* Deum bonum, alium Deum, aeternum & ingenitum mali principium, sed hanc esse vanam calumniam videre licet apud *T. Hyde* ibid. *Cudw.* in syst. intell. & *Beausobre* in historia Manichaeismi. Ipsi Manichaei dōs Deos non admittebant, ut patet ex hac contestatione *Faulsi* Manichaei apud *S. Aug. l. 21.* Nunquam in nostris quidem assertionibus duorum Deorum auditum est nomen.

Quinto. *Sabai*, qui gravissime accusantur a *Maimonide*, quod nullum Deum praeter stellas agnoscerent, & solem pro Deo maximo haberent, ab *Abulpharagio* doctissimo viro, & qui optime perperam habuit eorum doctrinam plane absolvunt: Docet quidem eos unicum Deum summum agnoscere quem Dominum Dominorum vocant, & argumenta eorum ad probandam Dei unitatem firmiora esse: Spiritus caelestes hominibus Deum supremum adiutur, mediatorum loco esse, quorum ope beneficia sua illis communicat, & voluntatem suam patefacit. Vide *Pocock* specimen hist. Arab. p. 143.

Sexto Graecorum & Romanorum qui sensus fuerint, satis liquet ex iis quae ipm. laudata sunt ex eorum Oratoribus,

Poetis & Philosophis: hoc solummodo addemus quod Jovem dicere solent *optimum maximum*, & in cultu solemni hac uti formula precandi *Kyrie eleyson*. Quodque *Deus ignotus* cui ara Athenis dicata fuit, quique Apostolo Paulo in exordio sui sermonis ad Areopagum occasionem praebuit conciliandi sibi animos Atheniensium, verisimiliter fuerit *Deus maximus* supra omnia sensum & intellectum positus; & ideo ignotus dictus. Cui interpretationi favent haec Apostoli verba: quem vos ignorantes colitis (id est quem sub ignoti Dei nomine invocatis) hunc ego annuntio vobis. Deus qui fecit mundum, & omnia quae in eo sunt, &c.

Denique, qui nostris temporibus falsis Numinibus sacra faciunt, Indi omnes, Sineses, Siamia, Africani & Americani tenent unum esse summum maximumque Deum, quem variis designant nominibus: iura testatur *Jos. Acolia*: hoc, ait, commune apud Barbaros est, ut Deum quem omnium rerum supremum & summe bonum fateantur; spiritum vero quendam personarum non obscura opinio sit. Igitur & quis ille summus, idemque sempiternus rerum omnium opifex, quidem illi ignorantes colunt, per omnia doceri debent, mox quantum ab illo, illisque fidelibus ministris Angelis, absint gens pessima *Cacodamonum*. Vide *Rochefort* Histoire des Caribbes, l. 4. c. 13. Du Terre Histoire nat. des Antilles p. 7. *Sagard* Histoire du Canada. Purchas l. 4. l. 10. c. 5. Recueil de lettres éditantes, &c.

Tandem ex communibus vulgi opinionibus & consuetudinibus colligitur haec universalis hominum non omnino rudium consensio in agnoscenda supremi Numinis unitate. Nam

Primo. Omnes populi semper existimarunt Deum esse ubique, & intervenire ipsius cogitationibus: quod de mortali vita functo, vel de Gentilibus Diis intelligere non poterunt, sed de unico rerum omnium auctore. Unum quiddam, ait *Plotinus*, idemque numero esse simul ubique totum communis indicat mentis humanae conceptio; quando omnes naturali quodam instinctu clamant in unoquoque

nostrum esse Deum: adeo ut unus in omnibus, idemque sit Deus.

Secundo. Ustatissimi moris erat apud Paganos nomen, *Deus*, usurpare in singulari numero; ex quo concludunt veteres scriptores Christiani naturæ humanæ adjunctam esse unius Dei cogitationem. *Vulgus, inquit S. Cyprianus tract. de van. idolorum, in multis Deum naturaliter conficitur, cum mens & anima sui auctoris vel principis admagnetur, dici frequenter audimus, o Deus! & Deus videt; & Deo commendat; & Deus mihi reddet.* Has voces vocat Tertullianus: *testimonium animæ naturaliter Christianæ.*

Tertio. Hoc concluditur ex Epicureorum disputationibus contra Dei existentiam. Quem enim Deum illi impugnabant? Num *Jovem Cretensem*, aut *Saturni filium*, aut alium quemquam Deum Gentilium? Nequaquam certe: sed *impositum cervicibus suis sempiternum Dominum*; quem dies noctesque timerent: omnia ad se pertinere putantem; curiosum & plenum negotii Deum. Sic enim describitur ab Epicureo apud Ciceronem, & adversus hunc sempiternum & unicum Dominum semper argumentatur. Ut etiam Lucretius sequentibus versibus.

*Quis regere immensi summam, quis
habere profundi,*

*Inde manu validâ potis est moderanter
habenas?*

*Quis pariter cælos omnes convertere &
omnes*

*Ignibus ætheris terras suffire feraces,
Omnibus inque locis esse omni tempore
præsto.*

Denique ex eo colligitur Paganos unum supremum Deum agnovisse, etsi solummodo cultu prosequerentur Deos Gentilios & inferiores, quod post introductam Religionem Christianam, & disputationes exortas inter Christianos & Ethnicos, ne unus quidem in tanta hominum multitudine extiterit, qui plures Deos independentes & æternos unquam defenderit: immo injuriam sibi fieri clamavit, si hac ratione religio sua inteligeretur, & circa unitatem primæ cau-

sæ & principis Dei se esse concordēs professi semper sunt. Quæ unanimis attestatio conjuncta cum illis omnibus quæ hætenus allata sunt omnino conficit unitatem in animis hominum semper fuisse conjunctam cum idea veri & magni Dei.

Obijcies. Nihil adeo certum videtur in tota retro antiquitate, quam agnovisse omnes gentes Deos innumerabiles, atque hanc fuisse gentis Judaicæ peculiarē gloriam, quod Deum unicum agnovit & coluerit. Ergo imperite satis pro Dei unitate ex consensu nationum argumentum petitur.

Respondet, distinguo antecedens. Certum est gentes omnes, plures Deos coluisse, id est, homines in cælum, ut putabatur, receptos; vel hujus mundi partes; vel Dæmones gentes; vel virtutes; vel tutelares, gentilios & locales Deos, concedo. Plures Deos summe perfectos, ingentis, a se existentes, causas primas rerum omnium, totius naturæ moderatores: aut præter hos Deos nullum alium, saltem *speculative*, agnovisse, nego. Omnes igitur Dii, quos coluit antiquitas, certis classibus comprehendi possunt.

1. Dubio caret multos eorum homines fuisse vita functos, seu animas Heroum, quos virtus ad sidera tulisset: hinc docet Cicero cælum genere humano ab antiquis Paganis repletum fuisse. Tales erant *Hercules, Castor & Pollux, Æsculapius, Quirinus, & alii*. Etiam majores gentium Deos, uti *Jovem, Mercurium, &c.* homines fuisse multi probare conati sunt. Ob hanc causam creditur ab aliquibus Moysen despectus causa vocasse sacrificia Gentilium, *sacrificia mortuorum*.

2. Alteram veterum Deorum classē majores & nobiliores partes universi constituant, quibus anima inesse credebatur: sol, nimirum, luna, stella, & ipsa quoque terra, quam variis nominibus *Vesta, Cibele, matris Deorum, &c.* insigneabant. Certe horum Deorum nullus credi potuit per se ab omni æternitate existisse, cum Aristoteles l. de cælo c. 10. scribat; ante suam ætatem ab omnibus rece-

receptum fuisse, totam hanc universitatem ortum aliquando habuisse.

3. Aliam Deorum familiam componunt illi, quos *Damones*, *Genios*, & *Lares* vocabant; sive Deos *atheos*, *aerios*: quos excellentiores quidem naturæ esse, quam homines; at infra tamen *celestes mundanosque* Deos positos esse arbitrabantur. Hæc quoque Numina, quandoquidem partes tantum erant, neque præcipuæ etiam, totius universitatis, quam coepisse credebant, sine ullo dubio inter Deos *genitos* numerabant.

4. Deorum quantum genus *affectionibus* constabat, sive rerum *proprietatibus*: in his virtus erat, *Pietas*, *Felicitas*, *Veritas*, *Fides*, *Spes*, *Iustitia*, *Clementia*, *Amor*, *Desiderium*, *Sanitas*, *Pax*, *Honor*, *Fama*, *Libertas*, *Memoria*, *Somnus*, *Nox*, pluresque alæ; quibus omnibus supersticio aras & delubra olim consecraverat. Ista, quæso, Numina quis sanus credere potuit per se existere? Qui illis Numinibus aras dedicarunt, testari volvebant suum erga istas virtutes devotum animum.

5. Restat una Deorum classis, qui tamen nomina habeant personis propria, tamen cæteri originis expertes aut independentes nullo modo potuerunt, ob hanc evidentissimam causam; quod omnes hi Dii certis muneribus, officiis, locis atque provinciis alligati essent, neque illis migrare fines suos licitum esset, ne aliorum rationes perturbarent. Unus ex his Diis *cælo* præsidebat, alius *aerem* moderabatur, tertius *maris* gubernabat motus, quartus *terra* atque *inferorum* imperium sustinebat. Hic Deus vel *Dea sapientia* & *eruditionis* tutelam gerebat, ille *eloquentia* habebat administrationem; alius *iustitiam* & *leges diviles* curabat. Hic *belli* dux est, ille *deliciarum* & *voluptatis* custos, alius *terre frugibus* præpositus. Unus *Romam*, alius *Carthaginem* tuebatur. Hi Dii quomodo æterni & ingeniiti haberi poterunt? Certe apud veteres Poetas & Theologos, illorum ortum & natalia deprehendimus.

Aliunde tamen certissimum est Gen-

tiles agnovisse Deum ingeniitum & æternum, causam primam & universalem rerum omnium, quod modo consecimus: Hi ergo characteres cum non conveniant ulli ex memoratis Diis, necesse plane est constiteri, agnovisse eos supremum quemdam Deum, qui ut hominum sic quoque Deorum *pater*, *Rex* & *ætterna potestas* esset.

Ex his omnibus perspicuum esse videtur, non id multorum Deorum cultoribus crimini dandum quod multis supplicaverint Diis ex infinito tempore existentibus, nullique causæ subjectis; sed sunt graviter vituperandi quod cultum summi rerum omnium conditoris, cum conditarum & genitarum rerum cultu confuderint: vel potius quod, contempto vero Deo vel præterhabito, impense creaturas adoraverint: uti illis exprobrat divus Paulus in ep. ad Romanos: *revelatur ira Dei de cælo super omnem impietatem & injustitiam hominum eorum, qui veritatem Dei in injustitia detinent; quia quod notum est Dei, manifestum est in illis: Deus enim illis manifestavit: invisibilia enim ipsius a creatura mundi per ea, quæ facta sunt, intellecta conspiciuntur, sempiterna quoque ejus virtus & divinitas. Ita ut sint inexcusabiles, quia cum cognovissent Deum, non sicut Deum glorificaverunt.*

Si quæras unde ortum habuerit hæc incredibilis Paganorum superstitio. Respondeo illius causam nullam aliam querendam esse, præter naturalem vulgi levitatem & credulitatem.

Quotquot vero philosophice Polytheismi originem explicare conati sunt, etsi vera multa dixerint, tamen in multis etiam recedunt a veritate. Hæc fuerunt magis celebratæ apud veteres sententiæ.

Primo. Multi hanc Deorum multitudinem inde profectam existimabant; quod putarent veteres religionum inventores, aut totum mundum animatum esse ac ipsum esse supremum Deum, adeoque omnes mundi partes totidem esse viventia Dei membra: aut saltem existimarent orbem hunc speculum esse Divinitatis, seu spectabilem invisibilis Dei ima-

imaginem: adeoque diversas ejus partes, omnelque naturæ effectus tot esse declarationes & simulachra divinæ potentia: & providentiæ: & judicarent nobis mortalibus. fas non esse, omnem illam, quam divinæ naturæ debemus, reverentiam, hac una generaliiori: neque satis explicata professione concludere, esse Numen aliquod supremum: sed omnia in quibus divina virtus hominibus sese spectandam & admirandam præbuerit, separatim considerari debere, divinique honoris partem aliquam suo jure poscere existimabant. Quod ut commodius præstarent, placuit illis ex hujus universitatis partibus totidem conficere personas. Hæc sententia Stoicorum fuit & fuscæ exponitur a Cicerone l. 2. de nat. Deor.

Sed explicatio hæc nimium subtilis habitata est ab ipsis veteribus Paganis, uti patet ex ejusdem Ciceronis libro tertio. Gravius etiam antiqui Ecclesiæ Christianæ Doctores, Arnobius, Lactantius, Eusebius, Augustinus, & alii in has ineptias involti sunt: & certe illi bene noscebant Religionis, qua ab infantia imbuti fuerant, genium & naturam.

Secundo. Alii docuere ista varia, quæ usurpabant veteres, Deorum nomina, unum summum Deum exprimere; & illi tot nomina imposita fuisse pro multifariis ejus virtutibus in orbe conspicuis, beneficis atque donis, quibus homines cumulavit; atque sub his nominibus eisdem Deo Creatori varios honores decretos fuisse: hinc etiam evenisse aiunt, ut multæ res per se minime subsistentes in Deos tamen & personas a veteribus commutarentur; ac tanquam totidem nomina & notiones unius supremi Numinis religioso cultu afficerentur. Quoties volens, inquit, Seneca de benef. l. 4. c. 7. tibi licet aliter hunc authorem rerum nostrarum compellare. Tot appellationes ejus esse possunt, quot munera, hunc & Liberum patrem, & Herculem, & Mercurium nostri putant; sic hunc naturam voca, satum, fortunam: omnia ejusdem Dei sunt: varie utentis sua potestate. Quidam inter Christianos etiam sunt, qui ad tres saltem personas sanctissimæ Trinita-

tis, varia Deorum vocabula revocari posse censuerunt. In hac sententia fuisse fortassis quidam inter ethnicos Philosophi; sed quicunque vel leviter versatus est in antiquitate pagana. optime novit hanc non fuisse communem populorum opinionem; neque etiam doctos esse aulos mentem suam aperire, aut id non fecisse impune.

Alii tandem cum Evchemero, qui de hac re librum scripsit, contenderunt totam Deorum turbam, homines esse mortuos, sed ab ista opinione tanquam ab inextinguibili blasphemia abhorruere, qui inter Ethnicos pii & religiosi erant, prædictumque auctorem propterea severe reprehendit Plutarchus.

PROPOSITIO SECUNDA.

Abhorret ab omni ratione portentosa verum, uti fertur, quorundam de duobus Diis contrarii æternis & independentibus doctrina, quaque vulgo tribuitur Manichæis.

PROBATIO.

I. **R**EPUGNAT notio entis summe materiali: nam per principium malum, vel intelligitur ens infinite contrarium bono principio in omni re, ut tegebræ opponuntur luci: vel intelligitur principium confors earundem perfectionum, sola excepta benevolentia. Atque utroque sensu repugnat principium malum. Si sit ens infinite contrarium in omni re, est solummodo infinita non entitas & debet continere negationem earum omnium perfectionum, quæ sunt in Deo; intelligentiæ, potentia, & universæ realitatis: sicut tenebræ, quo nomine designabatur malum principium, sunt. negatio lucis. Jam vero hoc idem est ac si diceret existeret nihilum infinitum & necessarium & malum. Deinde si intelligas naturam participem divinarum perfectionum intelligentiæ, potentia, &c. sed malevolam; constabit illud ens attributis repugnantibus. Nam primum non intelligitur quomodo a choro aliarum virtutum voluntas recta abesse possit; quia quæque res vult & propendit juxta suam

naturam : cum igitur supponatur illud ens esse intelligens, id est, id, quod rectum est, videre & probare per intellectum, non intelligitur quomodo rectum averteretur per voluntatem, aut rectum non prosequatur. In ista saltem hypothese interire concipitur omnis illius entis felicitas ; si quidem perpetuo secum divisum & mere in partes contrarias distractum est ; ipsamque suam naturam odio habere probatur. Tandem non intelligitur, quomodo ens intelligens capere possit mala consilia, nisi ex ignorantia recti, vel utilitatis alicujus spe : quod rectum cernit & necessario probat, nec a recto advocatur utilitatis alicujus consideratione, rectum necessario sequitur. Atqui ens quod æternum, & independentis, atque infinite intelligens supponitur, rectum ignorare nequit, & sibi sufficiens nullius utilitatis consideratione a recto advocari potest. Ergo malum prosequi nequit. Vide infra ubi de voluntate Dei.

2. Posita existentia entis mali & independentis, tollis Deum. Deus enim, uti supra declaravimus, est ens summum & perfectissimum, & necessarium, & infinite intelligens, & infinite potens, & immensum, &c. Atqui in hypothese duorum Deorum intereunt hæc omnia attributa. Non est summus, qui habet æqualem & socium. Non est necessarius, qui non est singularis & unicus, quia non existentem possumus cogitare. Non est immensus, excluditur enim ab illo ente maligno independente (a). Non est infinite intelligens, non nocet quippe consilia illius entis, a quo abest & a quo natura dividitur. Non est infinite potens, cum experietur hostem æque potentem. Non est sibi sufficiens & felix, cum spe sua sepe fraudabitur & irritos sentiet conatus suos.

3. Ridicula & sine causa inventa est

(a) Summum & verum Deum, utrum sit finitus, necne, si quæritur ; de hoc boni & mali contrarietas breviter poterit edocere : quandoquidem, si non est malum, profecto infinitus est Deus. Habet autem finem, si malum est. Non igitur infinitus est. Illic enim esse mala incipiunt, ubi bonorum est finis. *Faustus Manichæus apud S. Augustinum.* Nihilominus asseriebant Manichæi Deo omnia alia attributa præter immensitatem.

duorum Deorum hypothesis, quia inepta est ad explicandam mali originem. Nam vel supponitur illa duo principia coæterna agere ex necessitate naturali, uno perpetuo & necessario bonum operante ; altero necessario operante malum : vel supponitur illa duo principia consulto & libere agere ex pacto fœdereque inito. Atqui in neutra hypothesis explicatur origo mali.

Primo. Si ponas illa duo principia agere ex necessitate naturali, ipsam mali moralis notionem sustulisti : omnia enim tunc contingent ex efficacia naturali illorum duorum principiorum, quam frangere nec nos mortales nec illi Dii poterunt, & proinde nullus erit locus libertati : sine qua nihil morale esse potest.

Deinde vero in ista hypothese sic licet conficere : vel *inequalis* est duorum principiorum potentia, vel *æqualis*. Si *inequalis*, coerceret necessario unum alterum ; bonum si prævaleat, malum bacchari non sinet, nec finire poterit. Si malum viribus superius sit ; nullum erit bonum, & erit semper quantitas liquidi boni vel mali pro excessu virium aut unius aut alterius. Si *æqualem* fingas utriusque vim : inde tantum oritura est summa confusio & inconstantia, uno perpetuo destruente alterius opera, vel potius nihil orietur, cum ex contrariis viribus nascatur quies. Neque dicas orituram æqualem mixtionem bonorum & malorum : nam illa non concipitur mixtio, nisi ponas duo principia concurrere ad ejusdem rei productionem, uno quadam liquida bona suppeditante, & alio mala insudando æquali mensura. Sed hic nulla est pugna, sed potius fœderis cuiusdam imago, quod jam considerandum est.

Secundo. Non melius explicatur origo mali, si ponas illa principia libere agere & post expertas mutuas vires fœdera iniisse, uti ponit Baylius. Nam primum

num in hac hypothesi non minus auctor mali Deus bonus constituitur, quam in communi & pervulgata opinione. Nam sic supponitur Deum bonum tolerare malum, quia ad id fœdere adstrinxit sese; eo fine, ut aliqua etiam bona existerent. Sed sic malum libere & ex fœdere tolerando auctor mali invenitur, eodem modo ac in provulgata opinione. Nam æqualiter mali auctor censeri debet is, qui creaturam suam exponit ludibrio & malitiæ entis maligni, ac is qui creaturam mali capacem generat. Si Deus potuerit consentire suæ bonitati producere res, quas Genii mali furoribus obnoxias fore cognovit, intuitu illius boni quod illis inditurus erat; potuit etiam creaturas producere consentienter suæ bonitati, quas ex naturæ suæ imperfectione miseriis obnoxias futuras præcivit, propter illud bonum, quod cum ista imperfectione conjunctum futurum erat. Nam eodem plane redit, nec magis nec minus distat a bonitate, consentire, ut creaturæ malis naturalibus implicentur ex interna naturæ constitutione, an ex efficacia externæ causæ: atque si satius fuit hominem existere obnoxium malitiæ principii mali, quam omnino non esse: satius etiam certe fuit, hominem in hac mortali conditione cum vitæ miseriis & peccandi libertate existere, quam omnino non esse.

Deinde illa hypothesi experientia confutatur: Nam si fœdere res inter duos Deos composuit fuissent; æquæ esse debuissent conditiones, & in omni re æqualem vim utrumque principium exercere & æquale habere imperium debuit. Sed rem aliter contingere experimur. Quia notum est ex unius cuiusque hominis prudentia, consilio & industria pendere magna ex parte felicitatem suam; & miseria non tam fatali lege, quam ex imprudentia & intemperantia oriri: quod ostendit non ex fœdere duorum principiorum existisse præteritum rerum ordinem, sed unius entis consilio, quod nostram fortunam propriæ industriæ & prudentiæ opus esse. voluit.

Præterea non intelligitur, qui in fœdus coire tam contraria principia potue-

rint & in eadem re finem suum obtineant: videtur certe hac conventionē utrumque spe sua fraudatum esse, nam bonus Deus absolutum & liquidum bonum natura prolequitur; Malus vero Deus, malum absolutum. Neutrum tamen hac ratione contingit; cum mali pondus superpendat æqualiter bonum & irriti fiant utriusque naturales conatus. Deinde mali principii ingenio satis bene congruisse videtur omnium rerum summa perturbatio, & ut nihil esset constans & permanens; qui ergo ordinis introductioni consentire potuit infinita alia hujus opinionis absurda consectaria enumerare liceret, si operæ pretium esset; inter quæ hoc unum est, quod manifeste tollat omnem religionem, nullam relinquens spem in boni Dei præsidio, aut in mali genii placabilitate.

Ab hac tam absurda doctrina longissime disjunctos fuisse omnes veteres Philosophos, omnesque antiquissimas gentes calumniatas a Baylio, demonstravit Cudworthus in syst. intell. Hyde de rel. vet. Pers. & Beaufobre in historia Manichæismi.

PROPOSITIO TERTIA.

Deus eo sensu unicus est, quod solus necessariam & æternam habeat existentiam: nec materia ullo modo in hujus necessariæ existentia participationem venire potest.

PROBATIO.

1. **H**OC conficiunt illa omnia, quæ supra disputata sunt in argumentis physicis pag. 137. ubi conclusum est materiam esse effectum arbitrarium entis a materia disjuncti. Illa quoque, quæ de entis necessariis & independentibus summa & absoluta perfectione dicta sunt p. 146. Et tandem illæ rationes huc conferri possunt, quibus modo divinæ naturæ unitatem probavimus. Adeoque hic expendemus solummodo contrariæ sententiæ, tam communis apud veteres Philosophos, fundamenta.

2. Ob duplicem causam ista hypothesis inventa fuit. Primum, quia difficile con-

concupitur creatio: & quia apta visa est ad explicandam mali originem. Primum fundamentum vanum esse ostensum est pag. 141. Et profecto tam obscura & difficilis est cogitatio, quomodo Deus regere possit rem necessariam & a se natura independentem, ac quomodo creare possit: huicque recurrunt illæ Epicureorum non leves quæstiones. *Quæ molitio? Quæ ferramenta? Qui velles? Quæ machina? Qui ministri tanti operis fuerunt?* Quæ nulla alia ratione eludi possunt, nisi faciendo materiam divinæ potestatis effectum. Secundum ergo fundamentum expendamus.

Vel enim dicendum erit cum Stoicis materiam cavere per se omni qualitate & esse ad omnem usum aptissimam: vel cum Plutarcho & aliis Philosophis materiam inesse naturaliter motum inordinatum & vim quamdam maleficam. Sin prius eligas, confutaris hac Ciceronis argumentatione. *Vos enim ipsi dicere soletis, nihil esse quod Deus efficere non possit, & quidem sine labore ullo: ut enim hominum membra, nulla contentione, mento ipsa ac voluntate moveantur; sic numine Deorum omnia fingi, moveri, mutarique posse.* Materiam enim rerum ex qua & in qua omnia sunt, totam esse flexibilem & commutabilem, ut nihil sit, quod non ex ea subito fingi convertique possit: ejus autem universe reatricem & moderatricem divinam esse providentiam: hanc igitur quocunque se moveat, efficere posse quicquid velit. Itaque aut ne scit, quid possit; aut negligit res humanas; aut quid sit optimum non potest judicare. De Nat. Deor. l. 3.

Sin secundum eligas, communis etiam recurrit objectio, quam sic urget Tertullianus contra Hermogenem cap. 10. *Aut enim potuit Deus emendare materiam, sed noluit; aut voluit; aut voluit quidem, verum non potuit infirmus Deus. Si potuit & noluit, malus & ipse, quia malo servit, & sic jam habetur ejus assentator; licet non instituerit: quia tamen si noluisse illud, non esset; ipse jam fecit esse; quod noluit non esse: quo quid turpius? Si voluit esse, quod ipse*

noluit fecisse, adversus semetipsum agit, cum & voluit esse quod noluit fecisse, & noluit fecisse quod voluit esse. &c. Invenietur Deus egisse male, si per voluntatem; turpiter, si per necessitatem; aut famulus erit mali Deus, aut amicus.

Deinde in hac hypothesis non erit author boni Deus, magis quam mali. Nam in materia vel nihil erat nisi malum: vel erat mali & boni quædam permixtio. Si nihil præter malum, non potuisset ex ea bonum elicere, ejus siquidem æternam & necessariam naturam mutare non potuit. Si malum & bonum simul existeret: ergo Deus non magis est author boni quam mali. Sed, inquit, cum Plutarcho, Deus inordinatos motus æternæ materię temperavit, & ita ex malo bonum produxit: adjecitque partem suæ substantię, quæ quasi reatrix & moderatrix in eadem temperatione materiam contineret. Sed vana hæc est responsio: nam si Deus aliquod malum tollere potuit; totum cur non tollere potuisset? Cur materię inordinatos motus omnino non temperavit? Præterea adjectione istius portionis divinæ substantię, a qua bonum omne fuit, revera mali omnis author extitit Deus. Nam malum morale, in illa sententia, in eo positum est quod vis malefica, naturaliter insita materię, partem cœlestem superet, illamque subigat & impotenter ferat in omne malum: adeoque Deus similis est patris, qui filium patitur conscendere equum rabidum & frenâ renuentem, qui per præcipitia raptabit & elidet. Quod maxime abesse videtur a parentis optimi benignitate.

Tandem in hac opinione, ut in illa duorum Deorum, nullo modo potest religio consistere: hæc omnis posita est, in eo quod ex divino præsidio malorum omnium liceat sperare liberationem & ex divina iracundia mala multa nostris capibus impendeant. Atqui in hac hypothesis præsidio vitandi; mala spes nulla affulget; malum quippe ex constitutione naturali exoritur, alias non absolvitur Deus: & nihil a Deo metuendum nobis est, qui nihil mali facere potest;

nec punire debet ob malum ex rerum natura & constitutione ortum.

ARTICULUS SECUNDUS.

DE ATTRIBUTIS DEI COMMUNICABILIBUS.

Hactenus illa attributa exposuimus, quæ propria sunt supremi Numinis & includuntur in conceptu entis necessarij, neque ullo modo pertinere possunt ad naturas finitas. Hic ea nobis evolvenda sunt, quæ ad ens necessarium pertinent quatenus vita præditum, quæque mentes finitæ aliqua ratione participant, qualia sunt, *vita, scientia, potentia, voluntas, libertas, felicitas.*

De vita Dei.

Per vitam entis alicujus generatim intelligitur ille motus, vel illa actio seu vis interior, qua explicatur ejus facultates atque virtutes. Vocis istius infima acceptio est, cum tribuitur rebus, quæ in permanenti statu servantur per motum sibi proprium: hoc sensu dicimus *aquas viventes*. Proximus gradus vitæ: illorum entium proprius est, quorum partes ita sunt comparatæ, ut capaces sit nutritionis & incrementi: talia sunt *lapides & fossilia omnia*; sed præsertim *plantæ atque arbores*, quæ in se abdita continent vegetationis principia, & certis annis tempestatibus induunt se sponte sua in florem, ac folia fructusque explicant. In *animalibus* organa & officia vitæ magis sunt exquisita, spontaneo feruntur motu, pascuntur quoque sponte sua & speciem propagant: in iisdem clara habemus sensuum & passionum indicia, nec eorum motus ad mechanicas leges revocare possumus. In *homine* vitæ principium excellentius est: per illam enim facultatem, quam intellectum nominamus, quæque fluit ex ejus vita vel vitæ ejus pars est, non solum de rebus judicat, deliberat, ratiocinatur, quod non faciunt animantes: sed se immiscere toti rerum universitati, ipsum cælum & Deum mente adire, & omnes rerum ordines perscrutari potest. Puriores esse

Spiritus auguratur ipsa ratio, in quibus vitæ vividum principium magis viget, quique non tantum habent facultates nostras. in perfectiori gradu, seu fortasse continet eorum vita vires novas, quarum nullam ideam informare animo valemus.

Ex his creaturarum rerum vitis aliquam informare notionem possumus. illius vitæ, quæ omnium aliarum fons & principium est. Sed meminimus eam semper esse distantiam inter vitam excellentissimam rerum creaturarum & vitam Numinis, quanta est inter finitum & infinitum, inter ens necessarium & contingens, inter ens independens & naturam precariam: Deum non tantum continere illas vires, quas in creaturis experimur, in summo gradu & sine adjuncta aliqua imperfectione, sed infinitas alias vires ejus vitæ appendices esse, quas omnino ignoramus. Ille solus proprie continet vitam in semetipso, proprie habet immortalitatem: omnia alia entia ejus vitæ participatione vel efficientia vivunt, in ipso vivimus, movemur & sumus.

Propter hanc immortalem semperque actuosam vitam, solebat Plato Deum appellare *naturam pervigilem*; utpote quæ nunquam dormit aut cessat; sed perpetua & nunquam interrupta activitate viget. Idcirco etiam Aristoteles appellabat Deum *energiam*, seu *vim essentialem & substantialem*: ut nempe exprimeret perpetuum & infinitum vigorem supremi Numinis.

In hoc igitur differt vita Dei ab aliis attributis; quod latius pateat & sit complexio omnium virium istius entis infiniti; non tantum earum, quæ a nobis cognoscuntur, sed earum etiam quæ in Deo abditæ sunt.

De scientia Dei.

Esse Deum intelligentem efficiunt ea omnia argumenta, quæ supra attulimus ad efficiendam ejus existentiam. Nul- lum est inter argumenta seu moralia, seu physica, seu metaphysica, quod huic conferri non possit. Adeoque hic solum-

modo breviter declarandum est, quousque sese extendat hæc Dei scientia.

I. *Deus seipsum perfectissime novit.* Quia primo cum sit ens perfectissimum non potest carere cognitione objecti præstantissimi. Quia secundo non concipitur quomodo Deus aliter intelligens esse possit, quam seipsum comprehendendo. Nam cum præter Deum nihil per se existat, vel cognitio Dei est comprehensio sui ipsius aut nihili. Sed non est comprehensio nihili, cum comprehendere nihilum & non comprehendere sint quid unum atque idem. Quia tertio Deus est ens intelligens & sibi intime præsens, ergo habet sui conscientiam.

II. *Deus novit omnes rerum essentias, omnesque rationes, quæ sunt inter illas essentias, id est, omnem veritatem.*

Nam Deus est sempiterna & incommutabilis natura, ea omnia quæ incommutabiliter vera sunt continens; seu essentiarum rerum & earum rationes nihil aliud sunt quam modi mentis divinæ: ut supra effectum est.

III. *Deus novit omnia entia possibilea seu omnia, quæ extra Deum existere possunt.*

Primo. Deus cognoscit seipsum & consequenter potentiam suam: cognoscit etiam rerum omnium essentias rationales & metaphysicam earum possibilitatem. Atqui entia possibilea sunt res quibus divina potentia dare potest existentiam. Deinde mens infinitæ perfectionis id omne complecti notitia sua debet, quod est in rerum intelligibilium genere. Atqui res possibilea tales sunt. Denique Deus potest res possibilea ad existentiam perducere, quia omnipotens; & multas revera produxit. Atqui Deus non posset velle producere res possibilea, nisi easdem ante cognosceret. In sapientia Dei, inquit S. Aug. de civ. Dei l. 11. sunt infiniti thesauri rerum intelligibilium, in quibus sunt omnes invisibiles & incommutabiles rationes rerum, etiam visibilibus & mutabilibus, quæ per ipsum factæ sunt: quoniam Deus non aliquid nesciens fecit, quod nec de quolibet homine artifice dici potest. Porro si sciens fecit omnia, ea

utique fecit quæ noverat: ex quo occurrit animo quoddam mirum, sed tamen verum; quod iste mundus nobis notus esse non posset, nisi esset; Deo autem nisi notus esset, esse non posset. Hæc scientia dicitur a scholasticis scientia simplicis intelligentiæ.

IV. *Deus omnia existentia, etiam minutissima; & ipsas hominum cogitationes.*

Primo. Omnia quæ sunt, in Deo vivunt, moventur & sunt; seu per omnipotentem ejus efficaciam existunt, agunt & diriguntur. Atqui Deus novit ea quorum ipse author, conservator & moderator est. Deinde Deus illa omnia novit quibus intime præsens est, atqui omnibus rebus præsens est per immensitatem. Hæc duo argumenta pulchre conjungit David Ps. 139. Quo ibo a spiritu tuo, quo a facie tua fugiam? Si ascendero in caelum, tu illic es; si descendero in infernum, ades. Si sumptero pennas diluculo (vel diluculi seu lucis) & habitavero in extremis maris, etenim illic manus tua deducet me & tenebit me dextera tua. Denique Deus creaturis suis intelligentibus concessit facultates videndi, audiendi & varia ratione percipiendi. Sed qui plantavi aurem, ipse non audies? Qui finxit oculum, non considerat? Qui docet hominem scientiam, ipse non intelliges? Ps. 94.

V. *Deus novit etiam ab aeterno futura omnia, seu necessaria, seu libera.*

Nam primo, Deus est ens infinitum & perfectissimum, cui nihil accidere potest de novo, cujus scientia nulla incrementa capere potest. Sed si Deus non cognosceret res omnes futuras, non haberet cognitionem perfectissimam & singulis diebus ejus scientia amplificaretur. Quod longissime videtur abhorreere a dignitate entis infiniti.

Secundo. Sublata Dei scientia futurorum, tollitur divina providentia cum attributis moralibus. Nam ille non potest universalitatem sapienter, bene & iuste ordinare, qui non novit omnes suarum operationum exitus & consequentias; & consequenter ignorat, quæ mala oriri possint, aut quæ remedia fiat malis nascen-

scientibus afferenda; qui perpetuo & singulis momentis manum operi suo emendatricem admovere propter mala non praevisa cogitur; haud secus ac artifex, qui horologii a se constructi motus omnes non praevidisset; nunquam sane certus esse posset illud fini ad quem destinavit intervenire posse.

Tertio. Omnis opifex, qui operis aliquis inventor, & etiam creator atque unicuique administrum est, qualis est Deus, non potest non cognoscere interius opus suum, illiusque omnes motus perspicere; illiusque fortunam omnem praevidere. *Nota est Diis, ait Seneca de benef. l. 4. c. 32. operis sui series. Omnium illis rerum per manus suas iturarum scientia in aperto semper est: nobis ex abdito subit. Et quae repentinae putamus, illis praevisa veniunt & familiaria.*

Quarto. Deus in summo gradu possidet, id omne quod nos aliqua ratione participamus: itaque si nos ipsi cecici mortales aliquam probabilem conjecturam ex rerum circumstantiis & cognitis imperfecte hominum indole, propensionibus & cognitionibus capere possumus de futuris etiam liberis actionibus, & eo securius judicare possumus, quo perfectius illa omnia noverimus, Deus ergo cognitis perfecte omnibus omnino actionum principis habere potest actionum liberarum certissimam praescientiam.

Quinto. Denique id efficitur ex vaticinationibus olim factis afflante Deo, quibus praedicti sunt non tantum eventus ex causis naturalibus & necessariis, sed etiam ex causis liberis procreati: qualia sunt facta imperiorum; humana consilia, hominum virtutes & vitia. Praescientia ergo Dei hoc habet testes, quot fecit Prophetas. Haec scientia vocatur in scholis *scientia visionis*. Iisdem rationibus efficitur Deum nosse omnia etiam futura *conditionata*, id est, ea, quae futura essent, si haec aut illa poneretur conditio. Quam scientiam conditionatorum Molina & ejus discipuli vocant *mediam* inter scientiam *simplicis intelligentiae*, & *scientiam visionis*. Sed qui S. Augustini & Thomae nominibus sese

nuncuparunt, scientiam conditionatorum ubi conditio non est ponenda, sed possibilis tantum, revocant ad *scientiam simplicis intelligentiae*, quae versatur circa res possibiles; ubi conditio ponenda est, revocant ad *scientiam visionis*.

Obijcies. Scientia illa futurorum liberorum cum humana libertate nequit consistere. Nam id, quod certo praescitum est, certo est futurum. At quod certo futurum est, id non contingens, sed necessarium est.

Respondeo nego minorem. Fateor quidem nihil certo praesciri, quod non sit certo futurum; sed nego nihil certo futurum esse, quod non sit necessarium. Magnum esse discrimen inter rei certitudinem atque rei necessitatem, vel ex eo patet, quod plures quotidie cernamus effectus causarum contingentium liberarum, qui certo sunt, etsi potuissent non esse & consequenter non sunt necessarii. Nam quodcumque est, id certo est, licet non necessario: sic etiam quod certo nunc est, certo erat futurum, quamvis non necessario. Eventus tantum hic necessarius est, qui habet causam necessariam, sed eventus omnis certus est, qui certo est futurus, quamvis pendeat a causa particeps libertatis. Ergo si id quod libere sit, certo nihilominus futurum est, & quod certo futurum esse possit certo praesciri, manifestum est praescientiam involvere quamdam eventus certitudinem, nequaquam vero necessitatem.

Et vero praescientia non avertit majorem necessitatem rebus praescitis, quam scientia rebus cognitis. Nam praescientia in Deo nihil aliud est quam scientia cui cuncta futura sunt praesentia: sed nemo dixerit scientiam esse causam rerum cognitarum, nec visionem esse causam rerum visarum.

Inlabis: id non contingens, sed necessarium est, quod non potest non evenire. Sed quod certo futurum est & certo praescitum, id non potest non evenire.

Respondeo distingo minorem. Quod certo futurum est & certo est praescitum, id non potest non evenire in sensu com-

posita, concedo: in *sensu diviso*, nego. Propositio sumpta in sensu composito hunc habet sensum; quod certo futurum supponitur & certo præscitum, non potest supponi non eventurum. Quæ propositio valde clara est: Ejusdem minoris in sensu diviso intellectæ hic sensus est; quod certo futurum est & certo præscitum, id in nulla hypothese potest non evenire, sed est necessarium & habet causam necessariam. Quæ propositio falsa est, quia futura libera & contingencia, ut mox diximus, possunt certo præsciri, quamvis non sint necessaria. Idem argumentum asserri potest ad conficiendum omnes, quas cernimus, hominis actiones esse necessarias: sic enim possis conficere; id non contingens est sed necessarium, quod non potest non esse; sed quæ cerno oculis non possunt non esse, ergo sunt necessaria. Manifestum est ad hanc argumentationem afferendam esse præcedentem distinctionem sensus *compositi* & *divisi*: verum quidem est, repugnare, ut id quod cerno, dum id cerno, non existat; sed falsum est, ex eo quod aliquid videam, id habere causam necessariam.

Instabis: ex concessis actiones creatæ voluntatis non possunt non evenire in sensu composito præscientiæ divinæ: ergo necessitas existendi conjuncta est cum præscientia Dei.

Distinguo consequentiam: Ergo necessitas existendi *hypothetica* & *consequentia*, ut aiunt, conjuncta est, &c. concedo. Ergo conjuncta est necessitas antecedens & consequentis nego. Si dixerō, v. g. Deus prævidet hoc anno in aliquibus partibus seu Europæ, seu Asiæ exarsum esse bellum. Ergo bellum exarsum est. Consequentia quidem est necessaria & existit hypothetica quædam necessitas: nam non potes tollere quod semel posuisti. Posuisti bellum exarsum esse, Deum id præcuisse, non potes ergo contrarium ponere. Sed tamen consequens est contingens, non necessarium: quia id non continget ex causa aliqua necessaria, sed libera aliquorum Principum determinatione. Profecto haud ma-

gis Dei scientia affert voluntati principum necessitatem, quam mea probabilis conjectura, quæ certe nullo modo eorum afficit voluntatem.

Solent Theologi scholastici hoc locum suse disputare de modo scientiæ divinæ & mediis in quibus Deus res omnes videat. Satis unanimiter definiunt Deum *semetipsum cognoscere sine medio*: res omnes *possibiles in essentia* & *omnipotentia sua*; omnes res *existentes*, in decretis suis & *operationibus*. Sed quod spectat res futuras in magna sunt disensione. Thomistæ præmotionis physici defensores contendunt Deum futura omnia seu necessaria, seu libera videre in decretis suis absolutis & physice præmoveribus ac prædeterminantibus. Juxta alios Deus eadem futura novit in sua essentia tanquam specie intelligibili in repræsentando infinita: supposito tamen decreto, seu positivo, seu permissivo de eorum futuritione. Juxta alios Deus res futuras cernit in earum cum æternitate divina coexistentia. Tandem alii sunt, qui docent Deum futura omnia cernere in proximis earum causis: futura necessaria in causis necessariis; libera in hominum voluntatibus per eminentissimam quandam cognitionem liberi arbitrii. Sed ne nos hæc inextricabilibus questionibus & propterea tam vanis implicemus nos, vetat autoritas S. Augustini, qui in Pl. 49. nobis præceptum & exemplum relquit his verbis. Non audeam dicere quomodo Deus novit. Ne hoc a me, fratres, expectetis, ut explicem vobis quomodo cognoscat Deus. Hoc solum dico non sic cognoscit ut homo: non sic cognoscit ut Angeli, & quomodo cognoscit dicere non audeo, quoniam & scire non possum. Svident etiam inter scholasticos sapientissimi, qui consentiunt omnem hanc disputationem niti conjecturis. Et profecto res aliter esse nequit. Nam non possumus nobis aliquam informare notionem divinæ intelligentiæ quam ex nostris facultatibus, quæ hoc solo infinito distant a virtutibus divinis in modo existendi quod nos nihil possideamus per nosmetipsos, habeamus præscientiam scientiam præ-

precariam vim, precaria omnia & aliunde advenientia : Deus vero cuncta quae habet in se & per se possideat & nihil emendicet a suis creaturis, non ipsam cognitionem earum existentiae.

De voluntate Dei.

Nulla vox est magis in sermone communi familiaris; nulla etiam quam Philosophi & Theologi saepius usurpent, quam ista vox *voluntas*; nulla tamen magis ambigua; quae ambiguitas forte multarum disputationum causa extitit. Quandoque per *voluntatem* intelligitur divinae naturae potentia, & hoc sensu dicitur, voluntatem Dei esse omnipotentem. Alias per *voluntatem* intelligitur divina libertas, & hoc sensu dicitur voluntatem Dei esse liberam. Sed profecto valde improprie, quasi vero una facultas haberet aliam facultatem, ac facultas voluntatis dei possit habere facultatem libertatis. Melius diceretur divina natura est omnipotens, est libera, &c. Saepissime etiam tum Philosophi, tum Theologi per *voluntatem* intelligunt inclinationem versus bonum cui propensione concipimus esse in Deo aliquid analogum, quod amorem quoque nuncupamus: manifestum est hunc vocis sensum multum differre a libertatis vel potentiae notione, & haec est in praesenti loco vocis illius acceptio. *Voluntatem* ergo definimus propensionem in bonum seu amorem boni.

1. Deus summa voluntate seu amore seipsum, suasque perfectiones prosequitur.

Nam primo enti perfectissimo nulla deesse potest vera perfectio, cujus possessione melior aliqua natura esse possit. Atqui amor sui ipsius, objecti videlicet optimi, & propensio in id omne quod pulchrum est atque bonum est vera perfectio, qua siingas Deum carere, eum imperfectum statim cogitabis. Sicut enim concipimus scientiam praestare potentia, cujus cecus impetus, praecipitesque conatus temperat: sic quoque inlita est omnium animis, uti loquuntur Plato & Aristoteles, divinatio quaedam atque praesensio, aliquid melius & excellentius existere ipsa scientia, aliisque omnibus per-

fectionibus. Est hic amor recti fundamentum omnium perfectionum moralium, veracitatis, bonitatis, iustitiae & sapientiae, &c. quae aliter concipi nequeunt, quam ut exercitationes ad extra illius amoris & propensionis in seipsum & id omne quod bonum est. Sine illo amore habebis in potentia & scientia divina causas cur metuas & verearis Deum; cur diligas & fiducia plecus complectaris, nullas prorsus causas animadvertis. Ergo hanc perfectionem Deo denegate non possumus.

Secundo. Deus creaturis rationalibus, quas ad sui imaginem finxit, indidit illum amorem & inclinationem versus bonum & rectum; & crevit illa propensio pro naturae dignitate. Ergo in Deo qui summum gradum omnis perfectionis tenet & cujus naturae summa dignitas est, debet idem amor summus & infinitus esse.

Hoc quoque agnoverunt omnes Philosophi. Plutarchus in vita Aristidis p. 522. t. 1. scribit, *Quidem Deus tribus praeclare videtur, immortalitate, potentia & virtute: inter quas summa maiestatis & divinitatis virtus. Nam vacuum quoque & elementa aeterna sunt: vim vero terra motus, fulgura, ventorum procelles, aquarum impressiones ingentem obtinent: at juris rectique ne Deus quidem, nisi sapiendo & ratiocinando venis in consortium. Quare enim tria quoque sint, quibus affectum erga Deum vulgus est, quod cum beatum putes, timeat & honoret; beatum dicere videtur, quia immortalis est nec interit; exhorrescere & metuere ob vim & potentiam; diligere & honorare & venerari iustitiae causa. Plato in libris de rep. ubi de virtute disserit, docet summum bonum neque voluptatem esse, neque intelligentiam & scientiam, sed amorem recti. Ideo apud Platonicos virtus, quae est in homine constans voluntas legibus aeternis parendi, vocatur imitatio divinitatis: hincque patet, quam consentiens verae philosophiae sit illa divinae naturae descriptio apud Beatum Joannem sub notione caritatis: Deus caritas est; & qui manet in*

in caritate, in Deo manet, & Deus in eo. Quam divina etiam sit illa Apostoli Pauli sententia: si linguis hominum loquar & Angelorum, charitatem autem non habeam; factus sum quasi aes sonans & cymbalum tintiens. Si habuerim prophetiam & noverim omnia mysteria & omnem scientiam charitatem autem non habuerim, nihil sum charitas nunquam excidit major autem hominum est charitas. Cor. 1. ep. 13.

11. Deus voluntate seu amore naturali nihil persequitur præter semetipsum. At, ut postea explicabimus, libere sese determinando ad creaturarum productionem excitat in se amorem liberum erga creaturas.

Nam Deus id solum naturali & necessario amore persequitur, quod solum habet bonitatem absolutam. Sed Deus solus sine consorte bonus est & solus ab aeterno existit. Deinde si Deus necessario & naturali amore diligeret creaturas, essent plane necessariae & ex divina natura per quamdam emanationem a tota aeternitate fluxissent, uti docuerunt recentiores Platonici.

De potentia Dei.

Per potentiam intelligimus generatim vim efficiendi, & per potentiam infinitam vim efficiendi omnia possibilia seu potentiam cui nulla adjuncta est imbecillitas. Hujus perfectionis notionem aliquam informamus ex illo dominio, quo animus gaudet in corpus suum, & ex omnibus aliis etiam quibuscunque motionibus & effectibus. Adeo ut hanc ex naturæ rerum tollere nemo unquam in mentem sibi induxerit. Spinoza & alii Athei dum Deo hanc denegant, materiæ attribuant. Paucis igitur, quæ ad præsentem questionem pertinent, absolvemus.

Deus habet potentiam infinitam.

1. Quia Deus est ens perfectissimus, cui nullam denegare possumus perfectionem & nullam adjungere imperfectionem vel imbecillitatem. 2. Quia nos participamus illam vim, & ens infinitum & perfectum in summo & infinito gradu possidet omnem nostram perfectionem.

3. Is est omnipotens, qui potest efficere quicquid est possibile seu quicquid esse potest. Atqui negari non potest sine contradictione Deum non posse facere quicquid est possibile: nam in ista hypothese res essent possibiles & non possibiles: possibiles ut supponuntur; impossibiles certe, quod sine potentia Dei esse non possint. 4. Illius potentiam illimitatam atque infinitam cogitare debemus, qui hanc rerum immensam molem sustinet, animat, regit cum summa facilitate: nam nihil est in rebus possibilibus, quod majorem difficultatem contineat. Qui potest ex nihilo substantias producere, vires & facultates iisdem addere, easdem vires & facultates moderari; omnia certe potest: quia his tribus omnis potestas continetur.

De libertate Dei.

Libertas melius conscientia intelligitur, quam definitur; nam nullam habemus vocem clariorem, vel aliquam ideam sensumve, qui nobis sit interior (*Vide infra ubi de libertate humana*). Cum Spinoza præsertim nobis est in hoc loco disputatio, qui negat esse ullam vim sui determinatricem in ulla re & asseritque omnia in Deo, considerato sub forma extensionis, contingere ex serie impulsuum quorum unus alterius causa sit; & similiter omnia in eodem Deo, considerato sub attributo cogitationis, contingere serie quadam & nexu cogitationum & volitionum, quarum posterior immediate præcedentis effectus existat. Propterea in asserenda Dei libertate quibusdam utemur rationibus, quæ efficiunt solummodo immunitatem a coactione.

Deus est summe liber.

Nam 1. Deus est ens summe & infinite perfectum; cui nullam adjunctam imperfectionem cogitare possumus: si ergo liberas sit perfectio vere compatibilis cum aliis Dei perfectionibus, erit in Deo libertas infinita. Atqui libertas est naturæ rationalis summa perfectio; hoc certe conscientia nos docet cum majori vi atque autoritate, quam quæcumque ratiocinia: illa etiam tam co-

gnata est ceteris Dei perfectionibus, ut vix ulla sine libertatis notione concipi possit.

2. Deus omnes habet perfectiones eminenter & in summo gradu, quas possident ejus creaturæ. Atqui nos habemus illam libertatem & consistit tota vita in ejus usu, nec ullo modo ista perfectione privari vellemus; quia non posset a nobis tolli, quin ipsi a nobis ipsis quodammodo tolleremur.

3. Est in Deo libertas, si sit in Deo consilium & agat ad fines certos obtinendos: nam consilium & sapientia posita est in electione mediorum ad finem; qui necessario agit & a se non determinatur, nullos certe fines sibi præscribere potest. Hoc agnoscit Spinoza, & ideo confidenter asserit naturam finem nullum sibi præfixum habere & omnes causas finales esse humana figmenta. Atqui causas omnes finales tollere, negareque oculum esse factum ad videndum aut dentes positos esse in ore ad masticandum, insanire est. Cum sapientia divina intereunt etiam veritates, bonitas, justitia, & omnia Dei attributa, quæ si absent ab ente necessario, quam longe distaret a perfectione!

4. Libertas etiam includitur in idea omnipotentiae. Nam potentia activa sine libertate concipi non potest; nec potentia infinite activa sine absoluta libertate. Ens cujus potentiae activæ nullos cogitamus limites, illius etiam arbitrio nullos positos esse intelligimus: quidvis potest eligere & quidvis facere. Fac verbi gratia animum non esse liberum ad movendum corpus, perit statim omnis idea activæ potentiae in corpus suum.

5. Deus est ens intelligens. Atqui si sine libertate sumpta generatim pro vi sui determinativa nulla esse potest in Deo proprie dicta intelligentia. Nam intelligentia in Deo non potest esse *passiva* ab extrinseco adveniens, seu conscientia passionis, cujus est aliqua causa exterior, eum præter Deum nulla alia causa agnoscere possit; sed est necessario *activa* interior naturæ divinæ. Atqui omnis actio Deo interior & cujus principium est ipsa

natura Dei, arguit libertatem sumptam pro facultate agendi sine alterius determinatione. Eodem modo conficere possit ex natura voluntatis divinæ, qui est amor activus.

6. Si prima causa careret libertate seu esset agens necessarium, cujus omnes actus sint tam absolute & physice necessarii ac ipsius existentia; sequeretur id omne quod non existit, esse non potuisse; & id omne quod est, non potuisse non esse. Sequeretur omnes modos rerum & omnia, quæ eveniunt, aliter contingere non potuisse. Hoc confitetur Spinoza. Atqui abhorret a communi sensu asserere nihil esse contingens, modos entium non potuisse esse aliter, quam sunt. Nam experientia compertum habemus & omnium intelligentiæ obvium est, cuncta è contrario esse effectus arbitrarios; motum videlicet cum omnibus suis adjunctis, determinata velocitate, directione, &c. leges omnes seu gravitatis, seu cohesionis, &c. numerum & ordinem corporum caelestium, &c. Quæ necessitas v. g. fuit ut systema solare septendecim altris constaret? Ut Mercurius, Venus & Mars nullam lunam seu satellitem haberent: terra vero haberet unam, Jupiter quatuor, Saturnus quinque? Ut tam inæqualis esset orbitarum excentricitas aut tam diversa earum ad eclipticam inclinatio? Ut eam, qua feruntur, velocitatem haberent, tum circa axem suum, tum circa solem; eum omnis alia æque esset possibilis? Omnia etiam quæ in terra sunt ad arbitrium composita videmus, in plantis, in animalibus, in hominibus. Quæ necessitas fuit ut colorum numerus ad septem primitivos definiretur, &c.

7. Nisi prima causa seu Deus esset ens liberum, existeret progressus causarum in infinitum sine ulla causa prima. Nam si nullum ens sit sui ipsius determinativum seu liberum, nullum erit proprie activum, nullum primum movens, nullum primum cujusunque seu cogitationis seu volitionis principium; quidquid existit erit passivum & determinatum, seu effectus. Hoc sæpius videtur agnoscere Spino-

no

nosa (*Prop. 33. & pte. 2. prop. 13. lem. 3.*). Atque repugnat plane progressus causarum in infinitum sine ulla causa prima, ut per se patet, & supra confectum fuit. Ergo.

Obijcies cum Spinoza. 1. Ex necessitate divinæ naturæ infinita infinitis modis sequi debent. Hoc pertinet ad divinæ naturæ perfectionem: proinde nullus est locus liberati (*Prop. 16.*).

2. Si res alterius naturæ potuissent esse, vel alio modo ad operandum determinari, ut naturæ ordo alius esset: Dei etiam natura alia esse posset, quam nunc est (*Prop. 33.*).

3. Qui negant ex necessitate divinæ naturæ omnia necessario fluere, Dei omnipotentiam negare videntur, coguntur enim fateri Deum infinita creabilia intelligere, quæ nunquam creare poterit: nam alias, si scilicet omnia quæ intelligit crearet, suam juxta ipsos exhauriret potentiam & seipsum imperfectum redderet. Ut igitur Deum perfectum statuunt, eo rediguntur, ut simul statuere debeant ipsum non posse omnia efficere ad quæ ejus potentia se extendit (*Cor. ad pr. 17.*).

Respondeo primam rationem esse manifestam positionem principii. Naturam infinite perfectam producere posse infinita infinitis modis certum est, sed debere eandem necessitate naturali infinita infinitis modis producere nullo modo sequitur, nisi primum ponas illam naturam necessario agere secundum vim suam infinitam, quod est positum in controversia.

Secunda ratio quoque ridicula est: nam nullo modo sequitur mutari naturam divinam, si varia diversis temporibus, & diversis modis producat juxta decreta immutabilia & æterna sui arbitrii. Æquo jure & meliori concludere possemus Deum in hypothese Spinozæ ex eo quod producat omnes possibiles rerum differentias, ideo ejus voluntatem & naturam esse semper necessario variam & sui dissimilem.

Tertia ratio ejusdem generis est, ac si quis hoc argumento divinam æternitatem tollere velit; si æterna duratio seu

Tom. I.

omnis possibilis duratio non sit actu exhausta, nunquam poterit exhauriri. Ergo nulla est Dei æternitas. Sic Spinoza per id tolli vult divinam omnipotentiam, per quod Deus constituitur omnipotens. Sicut ego Deus æternus est, quia ejus duratio exhauriri non potest, sic ideo etiam est omnipotens, quia ejus potentia non potest exhauriri, nec omnia creari possibilia queunt.

Obijcies 2. Deus est ens necessarium & immutabile. Atqui tale ens non potest esse liberum. Nam entis necessarii & immutabilis modi omnes sunt necessarii & immutabiles; & ens non potest esse liberum, quin habeat modos contingentes. Siquidem unaquæque volitio & actio est entis modificatio, & unaquæque volitio libera est modificatio contingens.

Respondeo 1. Quamvis immutabilitatem Dei non possemus conciliare cum libertate, hoc non minueret vim rationum in quibus utraque Dei perfectio posita est. Nam multa sunt certissima, quæ explicare non possumus: v. g. Demonstrant Geometræ lineam diagonalem quadrati esse incommensurabilem cum lateribus ejusdem quadrati; neque quomodo id fieri possit, ullo modo explicant. Præterea difficultas hæc non nos solos attingit, sed Spinosam quoque & omnes Atheos, qui in sua materia necessariam perpetuam modorum mutationem agnoscunt.

2. Ab hac difficultate satis bene expediunt sese, qui existimant libertatem in Deo esse quidem immunitatem ab omni coactione & physica necessitate, at bene consistere cum necessitate morali. Nam moralis necessitas æque adjunctam habet immutabilitatem, ac necessitas physica. Sic si supponas a tota æternitate menti divinæ præsentem fuisse omnes mundos possibiles; si deinde ponas Deum inter mundos possibiles eligere perfectissimum ex necessitate quadam morali orta ex infinita ejus sapientia & bonitate; & tandem ponas hanc Dei electionem esse efficacem; in hac hypothese omnes hi modi, nempe intelligentia rerum possi-

R

bilium, volitio, actus, sunt aliquo modo necessarii & immutabiles. Intelligentia fuit ex naturali & essentiali energia naturæ divinæ, electio ex intelligentia fuit moraliter & ex electione operatio. At in hac sententia dicendum est libertatem in Deo esse vim sui determinativam ex motivis rationalibus inclinanti- bus cum morali necessitate, quam defini- tionem amplecti non possumus.

3. Quidam Theologi existimant perti- nere quidem ad naturam entis necessarii & immutabilis, ut omnes ejus modi *perfecti* sint necessarii & immutabiles; ne- cesse autem non esse, ut defendamus om- nes modos *minime perfectos*, quales sunt volitiones liberæ & omnes ad extra ope- rationes, esse necessarios & immutabi- les. Immutabilitatem naturæ Dei pro- priam salvam consistere putant, quam- diu non acquiritur nova perfectio aut ali- qua deperditur. Sed hæc responsio mul- ta habet incommoda & parum consentit eum iis quæ a nobis supra disputata sunt in tertio argumento physico pro existen- tia Dei, ubi ex modis materiæ contin- gentibus & mutabilibus conclusimus ma- teriam esse ens contingens; & simul as- seruimus modum existentie necessariæ ef- se necessarium.

4. Satiis aliis Philosophis & Theolo- gis visum est negare volitiones & ope- rationes liberas esse propriæ modis natu- ræ divinæ, quatenus liberæ & contin- gentes sunt; multamque operam posue- runt Theologi scholastici, ut rem plane superantem intellectum humanum ex- plicaret. Docent volitionem Dei spectari posse duobus modis; primo ratione sub- stantiæ seu entitatis divinæ, quatenus est intra Deum & ejus modificatio; secun- do ratione terminationis ad creaturas, qua ex parte omnino libera est. Igitur putant id quod actus Dei liber supra ne- cessarium ponit, esse dumtaxat habitudi- nem seu respectum ad creaturas. Atta- men quoniam actus liber Deo internus est, etiam quatenus liber est, pro- conditione libertatis quæ ei est intrinseca; & aliunde tamen actus liber, quatenus liber, potest esse vel non esse: ut expli-

cent quomodo aliquid in Deo liberum & internum possit esse vel non, distinguunt in prædicta terminatione ad creaturas quasi duplicem respectum; unum ex parte Dei & sub ea ratione intrinsecum, ordinem tamen & habitudinem dicentem ad ex- trinsecum, nempe creaturas; alterum ex parte creaturæ & sub ista ratione pure extrinsecum, creatum & defectibilem. Hocque modo exponunt quomodo eadem semper immota remanente Dei substan- tia & entitate, actus liber Dei sit in- ternus & contingens: non quidem ratio- ne entitatis, neque etiam ratione solius puræ terminationis extrinsecæ, quæ actum liberum intrinsecum constituere non pos- set, sed ratione terminationis intrinsecæ ad extrinsecum. Hæc & multa alia sub- tiliora habent quamplurimi; ex quibus fortasse difficilior & obscurior facta est immutabilitatis & libertatis conjunctio, quam antea visa fuerat.

De felicitate Dei.

Ea est illarum rerum fors, quæ per se claræ sunt, ut definiendo vel descri- bendo nullam illis lucem asferre possi- mus: inter hujusmodi res principem lo- cum tenet *felicitas*. Dicitur a nobis non tantum bonum, sed summum bonum: in eam ferimur naturali inclinatione: est omnium actionum nostrarum finis & obiectum: hanc intelligimus adjunctam esse proprietatem omni intelligenti & conscie naturæ, ut felix esse velit; & revera sit, vel e contrario infelix. Est ergo felicitas solida quædam res, illam ergo & Deo debemus attribuerè.

Deus habet summam & infinitam felicitatem.

Nam 1. Deus est ens perfectissimum, cui nihil deesse potest ad naturæ suæ per- fectissimum statum, & quod continere debet omnem realitatem. Anqui felicitas est maximum naturæ cujuslibet comple- mentum, est vera realitas.

2. Id in se habent entia omnia cogitan- tia, quod propriarum virtutum & recte fa- ctorum conscientia recreantur, & ex sui amore & approbatione enascatur magnus felicitatis sensus. Si in entibus imperfectis, quales nos sumus, quibus tanta ex omni par-

ae imbecillitas adjuncta est & quos miseriarum cohors obsidet, quorum etiam finitus sui amor est, id contingit; quanto magis in ente summo, cui naturalis est summa perfectio & infinitus in se ipsum amor; qui possidet omnia, quæ possit & velit possidere aut amet, infinitam scientiam, quæ omnia novit; infinitam potentiam, quæ omnia valeat consequi, cæteraque omnia quæ desiderii vel voluntatis objecta esse possunt; felicitas certe est gaudium quod naturaliter nascitur ex possessione perfecta illius quod unice diligimus.

3. Deus fecit nos beatos, multa dedit felicitatis adminicula, potest etiam, ut clare intelligimus, hanc perfectionem, ut alias omnes, amplificare & intendere in infinitum. Ergo possidet ipse illam in summo gradu.

4. In hac re omnium unanimis consensio semper fuit: Cicero generatim pronuntiat naturam quæ nobis indidit esse

Deos, eandem animis nostris indidisse eos esse beatos & æternos. Hinc maxime usitata eorum appellatio semper fuit illa *beatorum Deorum*. Ipsi Epicurei non aliam sibi notionem finxerunt, & existimarunt sibi licitum esse ab isto, quod ab omnibus concedebatur, eorum attributo argumentari adversus Dei providentiam. Ita Lucretius sequentibus verbis.

Omnis enim Divum per se natura necesse est,

Immortali ævo summa cum pace fruatur.

Semota a nostris rebus se junctaque longe.

Nam privata dolore omni, privata periculis.

Ipsa suis pollens opibus, nil indiga nostri

Nec bene pro meritis capitur, nec tangitur ira.

De moralibus Dei perfectionibus modo dicemus.

THEOLOGIA NATURALIS, DE PROVIDENTIA DEI.

SECTIO TERTIA.

De Providentia Dei.

DEI providentia potest sub duplici respectu considerari, ut est in mente divina, & ut est in creaturis. Priori sensu considerata est ipsa mundana idea; seu illa infinita & efficax mentis divina cogitatio, quæ continet & determinat ordinem & statum rerum omnium; complectens omnia tempora, omnia entia, omnes eventus; unamque componens imensam & coherentem seriem, quam tempus fluendo & labendo perpetuo explicat & in æternum explicabit. Posteriori sensu accepta, est ipse universalis ordo rerum seu ipsa natura & definiri potest, cursum temporalis rerum creaturarum, cum omnibus earum conversionibus & vicissitudinibus juxta leges ab initio positas per-

petuo procedens. Sic autem describitur & dividitur providentia a Boethio l. 4. consol. Philosophiæ prola 6. pag. 933. *Providentia est ipsa illa divina ratio in summo omnium principe constituta, quæ cuncta disponit.... Quæ cum in ipsa divine intelligentiæ puritate conspicitur, providentia nominatur: cum vero ad ea, quæ movet atque disponit, refertur, statum a veteribus appellatum est; ut sit statum inhaerens rebus mobilibus dispositio, per quam providentia suis quæque mœrit ordinibus.*

De Creatione satis dictum est in argumentis physicis, & in articulo de unitate Dei, quibus locis probatum est præter Deum nihil existere ab æterno & consequenter providentiæ divinæ primum actum fuisse rerum omnium creationem. Creatio duplex distinguitur, prima & se-

secunda. Prima est effectio rerum, quæ antea nullæ fuerant: & videtur solius Dei esse opus. Secunda dicitur creatio, quæ materiam primas indexit formas, & ex materia per se bruta & inutili species effecit.

Per *conservationem* vero non intelligimus illud præsidium quod Deus præbet creaturis suis, sed illam procuratorem, qua illa omnia quæ sunt conservantur earum status præparat, & quæ sunt noxia removet; siquidem hæc Dei operatio pars est *gubernationis*: sed intelligimus vim illam, qua perpetuo rerum omnium vires & ipsum esse producit. Qualem autem Dei vim exigant res creatæ, ut permaneant, non unanimes est Philosophorum opinio. Disputant, videlicet an eadem vi continua egeant, qua & esse cœperunt: an vero ea stabilitas ipsi tributa sit, ut durare per se possent, nisi divina vi rursus intereant. Disputant etiam circa rerum creaturarum operationes, an ex vi quadam divina, vel *concurrente*, vel *promovente* efficiantur: an contra rebus creatis a primo ea vis tributa sit & cum ipsis conservata, ut per se operari possent? De quibus questionibus breviter nostram sententiam dicemus.

Imprimis hoc omnino certum est Deum, qui esse rebus dedit, posse eas cum velit perdere; & consequenter in quavis opinione earum durationem & vim omnem Deo acceptam esse referendam. Deinde cum in argumentis physicis existentie Dei supra concluderimus, vires naturæ materialis nihil aliud esse nisi divinam efficaciam, quæ sese iuxta certas leges exerit; & omnes substantias divinæ potentie adminiculo indigere; si consentientes nobis ipsis esse velimus, hic definiendum est, conservationem esse perpetuam creationem, aut saltem operationem æquivalentem perpetuæ creationi: nam parum vocetur creatio necne. Quæ opinio his etiam rationibus confirmari potest.

Primo. Quodcumque non existit ex necessitate naturæ suæ, existit in omnibus momentis durationis suæ *contingenter*, *precario* & ex sola virtute causa sua:

de primo momento nullum dubium est; sed neque de secundo major videtur dubitandi ratio; quia secundum momentum nullam habet necessariam connexionem cum primo; non ex eo fuit necessarium, sed est æque contingens & precarium: quia etiam creatura non magis per se servare existentiam potest in secundo momento, quam sibi dare in primo; notio quippe creaturæ per se non existentis includere videtur dependentiam non tantum ad esse, sed quoque ad perseverandum in esse; & si sine divina virtute perseveraret, esset in secundo momento independents.

Secundo. Nullo modo concipitur, quomodo sublata illa vi, qua aliquid existit, id possit servare suum esse. Num radius solaris existeret potest sine Sole? Num motus sine vi motrice? Num cogitatio sine vi cogitandi?

Tertio. Deus annihilare potest creaturas suas. Sed annihilatio non videtur actus positivus divinæ virtutis; sed potius virtutis, qua quid subsistebat, subtractio: nam positivus actus effectus aliquis est realis, at in annihilatione effectus nullus realis est.

Altera questio videlicet an sit quaedam Dei actio seu *concurrentis*, seu *promovens*, in omnibus creaturæ operationibus distincta ab illa actione, qua Deus conservat res & earum vires? An vero vires a Deo conservatæ sine nova ex parte Dei actione interposita sint activæ? Magnas habet difficultates & obscuritatem nimiam. Nullatenus dubitamus quin saltem actio Dei *concurrentis* sit necessaria; sed ab his & similibus questionibus tam subtilibus, quæ longam postulant disputationem, in hoc compendio lubenter abstinemus.

De tertia ergo parte divinæ providentiæ, videlicet *administratione* rerum, hic disputatio instituitur. Quamvis universus rerum ordo sit fortasse in mente divina systema unum, cujus omnes partes connexæ sunt, tamen quia universam hanc designationem viarum Dei non possumus nos mortales cogitatione complecti; necesse est illam in varia systemata distinguere, & tria generaliora; videlicet.

Unum

Unum pure *spiritale*, quod componitur ex spiritibus ab omni corporea mole segregatis; qui *Angeli* nuncupantur ab officio, quo in hac corporea universitate funguntur, dum Dei iussa exequuntur. De mundo hoc spirituali quantumvis distinctus videatur a nostris sensibus, ingentia volumina quidam scribere. Docent non modo quot ordinibus consistat hoc systema: sed etiam qua in re ordines discrepent; quænam sint spirituum dotes, qualis vita & conversatio, quid ab initio illis contigerit aut obventurum est. At hæc amplissima scientia, si pauca excipias, quæ in divina revelatione fundamentum habent, conjecturis nititur quibusdam ingeniosis vel conclusa est ex quadam analogia cum mentis nostræ natura & virtutibus. Hæc teneamus quæ docet fides. 1. Esse Angelos. 2. eos esse variis ordinibus distinctos. 3. Illos fuisse primum, saltem aliquam eorum partem cum qua nobis est quædam communio, in statu probationis constitutos. 4. Illorum partem in bono perseverasse, aliam vero partem peccasse & a statu, in quo fuerant constituti, in perpetuum excidisse: illos *Angelos*, hos *Dæmones* dicimus. 5. Deum utrique uti administris in sua rerum humanarum administratione, Angelis in bonorum distributione & cuiusque hominis custodia; Dæmonibus in vindictam scelerum.

Aliud systema prorsus *corporeum* est, quod componitur ex variis corporibus, quæ dum se mutuo librant & in se mutuo agunt, efficiunt hunc admirabilem conspectum rerum, quo fruimur. Cum materię nulla esse possit vita, nisi illa ejus motus principium est: natura hujus systematis gubernatrix est vis motrix certis legibus definita. In hoc immenso corporeo systemate variz partes distinguuntur, quæ totidem sunt systemata particularia, & hæc alia intra se continent, & hæc rursus alia in indefinitum; quorum omnium fata plane ignoramus: neque multum nostra refert scire, quæ propius cum nostris fortunis sunt conjunctæ. Hæc ex sacræ & profanæ historię autoritate qua-

tuor generales, aut fuerunt, aut futuræ sunt: videlicet ejus ex chaos origo, ejusdem per diluvium corruptio, conflagratio futura, & postea renovatio.

Tertium denique systema distinguere debemus mixtum seu *corporeo-spirituale*, quod illa entia complectitur, in quibus est admirabilis animi & corporis conjunctio; quales sunt homines. Quod ad animantia spectat, haud nostrum est in eorum vitæ conditionem curiosius inquirere, nec quidquam in hac re vel conjectura consequi valeamus; adeo ut haud defuerint Philosophi, qui omnes animantes automata esse statuerint sine sensu, dum è contrario alii fuerint, qui temere ipsis animas humanas, aut etiam angelicas, quarum transmigrationem finxerunt, concesserint. Sed multum nostra refert scire, quæ sit humanæ naturæ sors, quid humano generi olim acciderit, aut Deo providente obventurum sit, & hæc Dei in homines providentia hujus disputationis futura materies est.

Providentia hæc duabus partibus consistat, una quæ *naturalis* dici potest, quam experientia & ratione intelligimus; alia *supernaturalis* dicitur, quam nobis divinitus accepta revelatio aperuit, quæ ad restitutionem generis humani in primævum perfectionis & felicitatis supernaturalis statum, Christi filii Dei mediatione & spiritus sancti administratione procedit. De hac providentia Dei supernaturali toto secundo volumine dicturi sumus; adeoque de naturali tantum inquirendum est, an sit? qualis sit, seu quæ sint illius attributa? Cur & quomodo seu juxta quas leges procedat?

In tota hac disputatione sola utemur ratione secuti S. Augustinum contra Manichæos, Theodoretum in libris suis de providentia & Theologos qui de possibilitate *status naturæ puræ* scripserunt: haud nesciunt nos magnam lucem afferre posse quæstioni de origine mali ex revelata religione quæ nos docet mala graviora quæ vitam humanam vexant, non esse ex primo Dei consilio, sed penam peccati.

ARTICULUS PRIMUS.

De existentia Divinae Providentiae, seu in creaturas imperii.

DEI providentia ita est conjuncta cum ejusdem existentia, ut nullus unquam fuerit, qui admissio Deo serio Dei providentiam negaverit: ideoque omnes Philosophi veteres non dubitarunt confiteri asserere, Epicurum tollendo providentiam, re sustulisse Deos & ideo tantum nomen reliquisse, ut fucum faceret imperitis, & Atheisticæ impietatis infamiam aliquatenus vitaret. Adeoque non attingeremus hunc locum, nisi nobis præberet opportunitatem, refellendi ea, quæ ab antiquis quibusdam Atheis & recentioribus audacioribus hominibus scripta sunt, quæque in hoc opere nondum sunt confutata.

Divinum imperium duplex est, aliud *physicum* seu *naturale* per leges physicas, cui imperio omnis natura obtemperat: & imperium *morale* in creaturas rationales & liberas per leges morales, quarum omnis vis est in sensu quodam animis insito ad certam vitæ rationem impellente & in sanctione præmiorum ac poenarum, nullam afferente voluntatibus necessitatem. De prioris præcipue hoc loco agitur, de altero tota secunda hujus operis parte disputabitur.

PROPOSITIO.

Deus cunctas universi res ditione sua continet & providentia moderatur.

PROBATIO.

ID conficiunt argumenta omnia, quæ supra pro Dei existentia allata sunt: præsertim moralia atque physica.

Argumenta siquidem moralia petita fuerunt ex utilitate, ex autoritate hominum, ex interiore naturæ voce, ex fide historicarum. Sed hæc omnia non probant Deum otiosum in intermundiis Epicuri positum, sed providum & nostri sollicitum. 1. Nullam habet utilitatem otiosi Numinis agnitio, nec ad privatum cuiusque solatium, nec ad societatis natu-

ralis præsidium, nec ad civitatum salutem. 2. Omnes homines consenserunt in fidem Deorum optime de nobis meritorum, ad quos precibus & sacrificiis confugiendum est. 3. Illa interior naturæ vox, quid obmurmurat, nisi sempiternum esse Dominum, qui legibus æquis omnia temperat, qui nos præceptis moralibus adstrinxit; in cuius potestate etiam post mortem erimus? Tandem fides historicarum non otiosum Deum refert, sed plenum negotii, dum testatur illum rebus humanis sæpe intervenisse, præsentiamque suam declaravisse miraculis, vaticiniis atque subitis & inopinatis præter omnem expectationem rerum conversionibus.

Argumenta physica petita fuerunt ex admirabili pulchritudine universi & motuum naturalium constantia; ex rerum naturalium operationibus, vi motrice & vi cogitandi; ex ipsarum substantiarum, materiæ videlicet & spiritus naturis. Atqui hæc eadem conficiunt Dei providentiam cum eadem vi & autoritate ac illius existentiam. 1. Admirabilis rerum pulchritudo, ut casu oriri non potuit, ita nec sine eadem causa, quæ fecit, potest casu consistere. Nullus omnino ordo esse potest sine raris legibus. Casus, ut leges nequit ponere, sic nec servare potest. 2. Rerum præsertim corporum vires, cum nihil aliud esse ostensum sit, quam ipsam divinam efficaciam, quæ sese juxta certas leges exerit, nullumque esse propriæ cursum naturæ seu causarum secundarum, divinæ certe naturali providentiæ perpetuum & visibile præstant testimonium. Denique cum ipsarum etiam substantiarum attributa omnia & proprietates maxime essentielles sint arbitrarii effectus voluntatis divinæ, probant, quamdiu durant, illam eandem permanere Dei voluntatem, qua sublata, privarentur unico suo adminiculo & in nihilum necessario deciderent.

3. Hisce argumentis hæc alia adjungi possunt ex divinæ naturæ consideratione.

Deus est perpetuus mundi a se conditi rector, si ad tenenda mundi gubernacula, creaturasque suas legibus moderandas,

das, naturæ suæ determinatione quodammodo adstringatur; nec imperio abdicare se possit, quin ipse se denegat & naturam suam aspernetur. Atqui... Nam certe divina sapientia, quæ Dei lex est & regula, de qua modo dicemus, committit Deo imperii habenas: quippe sapientia dicitur ab eo cuncta debere moderari, qui fines optimos novit, mediaque ad fines optimos obtinendos aptissima: non fortunæ aut cæco casui sapienter committeretur imperium. Atqui Deus is est, qui optimos fines novit, mediaque ad eisdem obtinendos aptissima. Nullus alius præter ipsum autorem mundi satis habet exploratas & voluntati suæ subditas naturas rerum, motus cogitationisque principia, ut queat causarum vim suspendere vel dirigere; cordibus hominum consilia, se induere, seu evellere; appetituum vim frænare; imperiorum fata nunc sustinere, nunc inclinare; cavere ne quid detrimenti ex pactum damnis vel erroribus immensa rerum summa capiat, ac efficere ut ex ipso malo bonum oriatur & ex ipso discordiæ sinu admirabilis ordo. Ergo ipsi Deo sapientia divina tradit habenas regni; recteque conclusit Cicero; *Deo nihil præstantius, ab eo igitur necesse est mundum regi.*

Deus seipsum amat necessario, atque suas perfectiones ipse veneratur & colit; ut dictum est. Ergo non potest mundum, qui impressum gerit characterem istarum perfectionum, quas amat & in quibus gloriatur, alienum a se putare. Ut Architectus aliquis cum pulchrum, commodum atque excellentis architecturæ ædificium construxit, in opere suo complacet sibi & gloriosum reputat, quia peritæ suæ testimonium continet & fert notas illius artis, quam ipse colit ac diligit & in qua gloriatur; nec potest illud ædificium alienum a se putare propter illum sui, suæque artis cultum & amorem: sic neque Deus cum seipsum amet, & illam artem qua mundum condidit, & illas perfectiones quas in mundo expressit, non potest in opere suo sibi non complacere, non potest in illo non gloriari, ullo modo illud a se alienum putare.

Deus bonus est neque alia ulla ratione illum adductum ad creandum cogitare possumus, quam ex bonitate. Atqui alienum est ab illa bonitate creatoris non querere creaturarum suarum perfectionem & felicitatem, & eas temeritati seu fortunæ committere. *Quis operator negligat operis sui curam? Quis deserat aut destituat, quod ipse condendum putavit? Si injuria est regere; nonne major injuria est scisse, quam aliquid non scisse, nulla injustitia sit; non curare quod feceris, summa inclementia (S. Ambrosius l. de Offic. c. 13.)* Propterea irridet Epicurus Cicero, quod cum optimam & præstantissimam naturam Dei diceret esse, negaret idem esse in Deo gratiam, tolleretur id quod maxime proprium est optimæ præstantissimæque naturæ. *Quid enim melius, aut quid præstantius bonitate & beneficentia? Qua cum careat Deum vultis, neminem Deo carum, neminem ab eo amari, neminem diligere vultis (De Nat. Deor. l. 1. c. 43.).*

Vel sic confici potest argumentum: si Deus mundum non regit, causa est vel incitua, vel impotentia, vel voluntaris defectus. Atqui Deo omniscienti nihil occultum est, omnipotenti nihil difficile, optimo nulla ignavia inest, quæ ne in stupidissimas quidem pecudes cadit, nam & illæ suos foetus curant, nec ita delicatæ sunt, ut viliores aspernentur.

Vide Simpl. in Enchir. Epict. cap. 38. Quæst. sec.

Obijcies cum Epicureis. 1. Haudquaquam intelligitur, qui Dei cogitatio tantam rerum multitudinem simul complecti possit; aut qui valeat ejus potentia ad res omnes etiam minutissimas pertinere; aut qui in tantis negotiis ullam liquidam gustare queat voluptatem. *Si in mundo, inquit Epicureus apud Ciceronem de natura De l. 1. Deus inest aliquis, qui regat, qui gubernet, qui cursus astrorum, mutationes temporum, rerum vicissitudines ordinesque conservet, terras & maria contemplant hominum commodavitque tueatur; ne ille est implicatus levis negotiis & operibus.*

2. Dei majestate plane indignum videtur

detur sese dimittere ad omnium rerum etiam viliorum procuracionem *minora Dei negligunt, nec agellus singulorum, nec viticulas prosequuntur; nec si uredo aut grandio, quidpiam nocet, id Jovi animadvertendum fuit.*

Respondeo duas illas rationes rusticorum potius esse, quam Philosophorum. Nam

1. Summæ inscientiæ & stupiditatis est, velle Dei infiniti & summe perfecti vires expendere ad modulum imbecillæ nostræ naturæ: longe majus spatium est illud, quod patet ab homine ad Deum, quam id quod ab animantibus ad nos patet. Sed quam multa facit hominis industria, quæ si conjecturam caperemus ex notitia illarum tantum facultatum, quibus natura animantes ornavit, impossibilia viderentur. Præterea non desunt nobis in rerum natura symbola & expressæ imagines diviniæ naturæ; quibus ad diviniæ scientiæ notionem informandam animis aliquatenus pervenire valemus. Sol, quo orbis noster illustratur, si animal esset, vitæque ejus tam late pateret, atque lux & radii patent, haud dubie omnes materiæ particulas, quas radii ejus longe lateque fusi attingunt, sentiret ac videret. Jam vero quot sunt res a Deo conditæ, illæ certo quodam sensu sunt radii divinitatis seu ejus efficaciæ termini, ex quo intelligitur Deum non posse non videre & percipere omnia, quæ ex potentia sua sic fluxerunt. Deinde vero ipsi homines multa simul negotia variis in locis animadvertere ac sine magna perturbatione & molestia gubernare possunt! Quam immensa oculi humani acies, quæ universa ferme sidera complectitur? Quam infinita notionum multitudo in mente nostra recondita est, inter quas nulla viger contentio! Si ergo imbecilla humanæ mentis natura, quæ per exigui corpusculi foramina quædam prospicit, tantam rerum multitudinem complexi valeat; non habere debet admirationem nostram quod, ante quem orbis terrarum est tantum momentum statera & tanquam gutta voris antelucani, quæ descendit in ter-

ram, & qui omnibus rebus substantia & virtute præsens est, eum summa facilitate cuncta provideat & dextera verset ac gubernet. Ita argumentatur Socrates apud Xenophontem (*L. de diallis & familiaribus memorabilibus Socratis p. 576.*). Animadverti mentem tuam, etiam dum inest in corpore ex arbitratu suo corpus gubernare. Quamobrem existimandum est sapientiam illam, quæ est in hoc universo, sic omnia regere, quemadmodum ipsi gratum est. Num tuus oculus ad multa usque studia pertingere potest, & non potest Dei oculus simul omnia intueri? Numque tuus animus tum de rebus, quæ hic accidunt, tum de illis quæ in Ægypto sunt & Sicilia cogitare potest: & non potest Dei sapientia simul omnium habere curam?

Secunda etiam ratio vanissima est: nam primum non magis indignum Deo est minora curare, quam fecisse. Deinde ita sunt cum grandioribus naturæ parti- bus conjuncta minora, ut nullo modo possint illa administrari a Deo, quin & horum habeat rationem. Nam ut animadvertit Plato, lapides magnos sine parvis collocari recte posse negant Architecti. Certum etiam est nec imperatores, nec patres familias, nec navium gubernatores, nec machinarum fabros sua arte aut officio bene fungi, nisi æqua lege & majores res & minores ingenio comprehensas habeant, suisque consiliis & rationibus temperent. Caveamus ne Deum, ait Plato, l. 10. de leg. p. 671. mortalibus opificibus viliores putemus: isti sane quanto petiores sunt, tanto arte sua & parva simul & magna exquisitis absolutiusque perficiunt. Tandem quæ naturæ pars vilis dici queat? Num minima? sed ut a Plinio Hist. nat. l. 11. notarum est; rerum natura nusquam magis, quam in minimis tota est: in magnis siquidem corporibus facilis officina sequaci materia fuit. In his tam parvis, atque tam nullis, quæ ratio, quanta vis, quam inextricabilis perfectio! Ubi tot sensus collocavit in calice? Et sunt alia dictu minora. Ubi in eo visum præstitit? Ubi gustatum applicavit? ubi odoratum in-

inseruit? ubi vero trunculentiam illam & portione maximam vocem ingeneravit? Qua subtilitate pennas annexit, pralongavit pedum crura? depofuit jejunam carcam, uti alvum? avidam sanguinis & potiffimum humani fuit accendit?

Multum ergo errabant & illi (a) qui providentiam Dei cœli orbibus includebant, nec ad res terrenas demittebant: quasi vero non abhorreret a bonitate divina illi creationis parti præsidium denegare, quæ plus illo indiget propter varias mutationes & conversiones quibus terra obnoxia est; & appetituum passionumque procellas, quibus ejus incolæ perpetuo jactantur; quasi vero non sint ordinati ipsi aëtorum cursus ad usum hominum, & æquum non sit, ut magis curetur id, cujus gratia est aliud, quam quod in usum alterius comparatum est.

Non minus falluntur, qui universalia a Deo curari volunt, ut creaturarum species & imperia, non individua & singularia. Nam genera non subsistunt nisi in singulis ita ut si singula perire possint deserta a Deo, possent & ipsa generata: & certe generum seu imperiorum conservandorum nulla alia Deo causa esse potest, quam benefica ejus in singulos voluntas.

ARTICULUS SECUNDUS.

De Divina Providentia Attributis.

Atributa divinæ providentiæ illa sunt, quæ in administratione mundi existereprehendimus, & quibus omnis rector & præsertim lumen carere non potest; nempe *sapientia, sanctitas, justitia, bonitas, &c.* Perfectiones illæ vulgo dici solent *morales*, quia quamdam earum conformitatem cum regula seu lege æterna concipimus. Possunt eadem dici etiam *attributa relativa*, quia dicunt respectum ad creaturas: vel *attributa secundaria*, quia revera nihil aliud sunt, quam exercitatio ad extra Dei attributorum naturalium; quæ attributa natura-

Tom. I.

(a) Hæc sunt sententia Aristotelis ref. Plut. de placitis Philosophorum l. 1. c. 3. & Attico apud Euseb. de præp. Evang. l. 3. c. 5.

lia nullam accipiunt mutationem ex hac exercitatione.

De sapientia Dei.

Inter scientiam atque sapientiam Dei hoc discrimen intercedit, quod scientia versari nobis videatur in rerum omnium speculatione; sapientia vero practica sit, & versetur in rebus agendis. Scientia in Deo est speculativa cognitio omnium rerum, omniumque rationum, quæ sunt inter res possibiles; sapientia est constans voluntas agendi juxta dictata suæ infinitæ intelligentiæ, id est, consilium firmum utendi sua omnipotentia ad fines optimos obtinendos per media optima.

PROPOSITIO.

Deus in administratione rerum est summe sapiens, seu est in Deo constans voluntas utendi omnipotentia sua ad obtinendos fines optimos per optima media.

PROBATIO.

1. **D**eus est ens perfectissimus, cui nihil laude dignum & bonum deesse potest. Atqui sapientia seu constans voluntas prosequendi fines optimos per media optima est perfectio: immo nostro concipiendi modo omnium maxima, quæque nos homines maxime divitidit ab animantibus.

2. Deus indidit hominum mentibus istius perfectionis portionem aliquam: non dubitamus, quin alia entia existant nobis perfectiora, quæ cum majore inclinatione voluntatis & constantia prosequuntur fines optimos, mediæque ad obtinendos fines suos maxime idonea: & facile concipimus hanc perfectionem posse augeri in infinitum. Atqui Deus continet eminenter eas omnes perfectiones, quibus suas creaturas ornavit: sedet in summo gradu infinitæ scalæ perfectionum.

3. Deus naturali inclinatione fertur in seipsum, suasque perfectiones amat necessario & proinde in agendo Deus non potest aspernari naturam suam, suamque

S

per-

perfectiones denegare. Atqui si Deus posset finem minus bonum prosequi atque media eligere minus apta, denegaret sua attributa, aspernaretur dictata infinitæ suæ intelligentiæ, quæ monstrat illi fines optimos & media ad fines istos obtinendos aptissima, v. g. dictat divina intelligentia hominem meliorem esse plantam & magis convenire ut planta ordinetur ad usum hominis, quam ut homo ordinetur ad usum plantæ; vel esse inter plantam & hominem rationem inæqualitatis, quam si Deus non sequeretur in agendo, perverteret res & earum rationes, nec servaret illum æternum ordinem quem continet ejus intelligentia.

4. Nulla alia causa inveniri potest cur ens intelligens non sequatur æternum ordinem rerum, aut non querat fines præstantissimos per optima media, præter has: vel id non facit quia nescit, qui sint optimi fines & media aptissima; vel quia non potest eligere fines optimos & optima media; vel quia etsi cognoscat & possit eligere fines optimos & optima media, tamen inclinatione naturali fertur ad electionem finium & mediorum minus perfectorum; vel denique, quia ad hoc aut illud eligendum liber est. Atqui nullum horum dici potest: non primum, certe novit qui sint fines optimi, quæque media magis sint apta ad illos consequendos, cum habeat infinitam scientiam; quæ complectitur omnes rerum convenientias & disconvenientias. Non secundum, cum potentia Dei infinita sit, quali cum facilitate prosequi potest finem perfectissimum per optima media, ac finem minus perfectum per media minus apta. Non tertium, quia voluntas divina non fertur naturali inclinatione in id quod minus perfectum est, sed è contrario potius in id quod magis est perfectum: quia nihil aliud esse videtur voluntas Dei, quam amor perfecti & summe boni. Non denique quartum, quia etsi Deus liber sit & possit agere vel non agere; tamen ex hypothesi quod agat, necessario agit ut Deus, id est, secundum dictata infinitæ suæ intelligentiæ & inclinationem suæ voluntatis, non vero

contra utriusque facultatis dictata seu inclinationem.

5. Tandem Dei sapientia evidentissime efficitur a posteriori ex rerum creaturarum pulchritudine & legum, quibus omnia continentur, aptitudine: quæ tanta est, ut nihil in rerum natura ullatenus mutari possit, sine magno totius damno. Hunc locum jam attigimus supra, & modo defendemus.

Ex hoc præsertim attributo, ut infra dicemus, oritur jus imperii in Deo; ex eodem conjuncto cum Dei potentia pendet divinæ providentiæ inerrantia seu infallibilitas; ut ait Job: *Sapienter corde est & potens robore; quis resistit ei & pacem habuit? Attingit a fine ad finem fortiter & disponit omnia suaviter.*

De sanctitate Dei.

Inter Dei attributa moralia nullum est, quod adeo moveat reverentiam nostram, ac illud quod *sanctitas* dicitur, quæ a nobis concipitur, ut excellens quædam puritas, quæ ab omni malo morali seu peccato infinito distat intervallo: quæ excludit umbram omnem seu malitiæ, seu invidiæ, seu inimicitæ, seu vindictæ, seu crudelitatis, seu injuriæ, seu falsitatis, & cujuscunque denique defectus moralis. Manifestum est hanc Dei sanctitatem revera non distinguere a Dei voluntate seu ex illa derivatam esse; voluntas siquidem illa Dei est naturalis inclinatio seu amor adversus seipsum & suas divinas perfectiones; sanctitas vero est amor rectitudinis & boni moralis in creaturis suis, & averlatio omnis impuritatis.

PROPOSITIO.

Dei Providentia sancta est.

PROBATIO.

1. **S**I Deus sit ens perfectum, cui nullus gradus perfectionis deesse possit, certe erit sanctissimus, seu ab omni impuritate & nequitia longissime distabit, quæ naturam quamlibet rationalem maxime deprimi naturaliter putamus.

2. Sanctitas continetur in illo amore, quo

quo Deus fertur in semetipsum & suas infinitas perfectiones : ex illo enim nascitur necessario ille amor ordinis in rebus externis , in quo posita est sanctitas .

3. Certum est nos esse naturaliter sanctos hoc sensu , quod inditus sit naturis nostris recti & mali , honesti & turpis sensus , qui nullis præjudiciis aut passionibus extingui , cujus sanctissimum iudicium nullis præmiis corrumpi potest . *Placet , ut ait Seneca , suapte natura virtus , adeoque gratiosa est , ut insitum sit malis probare meliores .* Atqui cum Deus omnes possideat creaturatum suarum dotes eminenter , necesse est , ut etiam hanc habeat in perfectissimo gradu .

4. Nullam in Deo causam cogitamus , qua a sanctissimis consiliis unquam abducat . Nulla in illo est temeritas , vel levitas , vel indigentia , vel cupiditas : quæ in vitia homines solent impellere .

5. De Dei natura ejusque providentia certum ferre possumus iudicium ex regni ejus legibus moralibus . Sed leges illæ , quas indidit hominum omnium mentibus , sunt sanctissimæ , ut infra docebitur ; & nimirum sanctas esse conqueri solent homines improbi .

Et vero adversus divinæ providentiæ sanctitatem , nihil obijciunt Athei , nisi permissionem peccati ; sed hæc obiectio est ob hanc causam maxime ridicula , quod nisi Deus libertatem hominibus concessisset & peccandi potestatem , nullus existeret posset probationis & disciplinæ status , nullæ arduæ virtutes ; non ista herboica sanctitas , quæ in superandis difficultatibus & tentationibus exercetur . Quid ergo ? de natura sanctitatis est , hæc omnia tam admirabilia sanctitatis specimina à mundo tollere ?

De justitia Dei .

Justitia Dei late sumpta non distinguitur a Dei sapientia , sanctitate , veritate & cæteris perfectionibus , & est constans voluntas sequendi immutabilem rerum ordinem , seu agendi juxta immutabiles rerum rationes . Strictè sumpta respicit solummodo creatorum rationum felicitatem & miseriam , & præ-

miorum atque poenarum distributionem : quo sensu definiri potest constans voluntas tribuendi præmia vel supplicia unicuique pro meritis .

PROPOSITIO.

Dei Providentia justa est .

PROBATIO.

1. **S**I careret Deus hac virtute multum distaret ab illa entis perfecti idea , quam animis informatam habemus .

2. Indidit Deus animis nostris justitiæ elementa , propendimus naturaliter in eos qui bene agunt , ac laude præmiisque dignos naturaliter judicamus : è contrario malos averfamur & indignatione naturali excitamur ad eosdem vituperandos & male accipiendos . Atqui nihil habent creaturæ perfectionis , quod in summo gradu non habeat communis parens .

3. Ille non est sapiens Legislator , qui legum suarum observationi non propiciat , qui se subditorum contemptui exponit , qui non vindicat maiestatem imperii sui . Ille non est sanctus in administratione rerum , qui non testatur odium peccati & amorem virtutis . Ille non est bonus , qui leges bonas & ad totius universitatis salutem plane necessarias sanctione aliqua non confirmat . Atqui si ab administratione rerum abesset justitia & leges divinæ non confirmarentur sanctione præmiorum & poenarum , Deus non vindicaret maiestatem imperii sui , sese subditorum contemptui exponeret ; deinde in divina administratione nulla essent indicia sanctitatis , cum nulla ratio haberetur virtutis & vitii ; denique leges optimas , & necessarias ignave perverti finiret .

4. Deus justitiam revera exercet in hac vita , quantum rerum conditio patitur & sanctionibus præmiorum & poenarum leges suas confirmavit . Nam primo experientia habet quisque compertum virtutem esse tutissimam ad felicitatem viam & naturalia esse ipsi adjuncta præmia : conscientie pacem , aliorum hominum existimationem & benevolentiam . E contrario experimur improbitatem ,

S. 2. tum.

tum angores procreare conscientie, tum provocare naturali efficientia aliorum hominum odia, indignationem, vindictam & multas esse proprias eisque vitio poenas. Sed hæc sunt manifestissima divinæ justitiæ indicia. Si in civitate aliqua constitutus, aliquis esset, quamvis nunquam legisset tabulas legum, earumque sanctiones, nec Judicem in Tribunali sedentem vidisset; tamen si animadverteret malas actiones vituperari constanter & puniri, bonas laudari & præmiis remunerari: certo concluderet constitutam esse æquis legibus illam civitatem, esseque in illa rectorem & Judicem justum. Idem ergo de constitutione rerum naturali concludendum est; etsi ipsum Judicem Deum non cernamus, nec sanctiones legum naturalium descriptas in charta vel in ære legerimus.

Deinde Deus sua effecit providentia, ut civitates ubique constituerentur, legibusque civilibus virtus defenderetur, vitium contra reprimeretur.

Præterea historias evolvere non possumus & monumenta temporum, quin aptissima advertamus Dei judiciorum exempla, insignium sceleratorum tragicos exitus; criminum secretissime admissorum detectionem & poenam; gentium dum probitati & virtuti studuerunt felicitatem, earundem in vitia prolapsarum ruinam & interitum: hæc sæpe tam miris modis, tamque contra omnem expectationem contingunt, ut non sine Numinis interventione accidisse deprehendantur.

Denique Deum esse justum probant illa omnes naturæ humanæ infusæ propensiones & affectus, quibus adstruitur futurum post hanc vitam Dei iudicium: certum est, in bonorum animis sponte exoriri spem immortalitatis beatæ; terrores suppliciorum animos occupare impiorum; neque hos ulla ratione præfocari posse. Ergo divinæ justitiæ indicia infinita sunt.

De bonitate Dei.

Dei bonitas, illud attributum est, quod solum nos Deo conciliat, movetque nostros tenerrimos adversus eum affectus.

Attributa illa incommunicabilia, æternitas, immensitas, &c. superant vires mentis humanæ; illa quibus ad nos propius accedit, infinita scientia, sapientia, omnipotentia, habent quoque admirationem nostram; infinita Dei sanctitas & intermerata puritas, etsi mirabiles sui amores excitaret clare perspecta, nostros tamen oculos nimio fulgore obtundit; immensa Dei majestas quasi instructa justitia reverentiam & metum jubet: sed bonitas Deum amabilem & parentem in nos propensissimum exhibens, omnes amoris, gratitudinis, spei & pietatis sensus excitat.

Per bonitatem intelligimus non solum tam omni lege benignitatem, sed constantem voluntatem benefaciendi seu communicandi felicitatem suis creaturis sentientibus, quantum patiuntur earum finitæ naturæ, & sapientissimi fines, quos Deus sibi proposuit. Hæc divina bonitas varia accipit nomina. pro variis creaturarum, quæ afficit, conditionibus: quando creaturis non merentibus bona dividit, *grata* est; quando creaturis malis & habentibus mala merita tribuit bona, *miseriordia* est; ubi homines malos punire tardat, *longanimitas* est.

PROPOPOSITIO.

Deus bonus est, seu benefica voluntate movetur erga omnes suas creaturas.

PROBATIO.

1. **C**erte bonitas est res per se laudanda & summa cujuslibet naturæ intelligentis præstantia & perfectio, ergo ab ente infinito abesse nequit.

2. Deum esse bonum, colligitur ex eo quod soli boni sint beati; quodque ipsa benevolentia sit maxima beatitudinis illi naturæ, cui inest, causa.

3. Idem efficitur ex eo, quod naturæ præstantissimæ & nullius rei indigæ nulla occurrere possunt in contrariam partem incitamenta: homines ipsi, qui rationem vitæ ducem faciunt, nihil mali agunt; sed illud omne semper oritur, vel ex cupiditate, vel metu, vel ira, vel vindicta.

dicta, quarum passionum imbecillitas principium est.

4. Dei bonitas seu propensio ad bene faciendum suis creaturis derivata fuit ex illa naturali propensione, qua fertur in semetipsum & infinitas suas perfectiones: hæc efficit, ut non possit non diligere expressas imagines suarum perfectionum, & objecta in quibus creandis & moderandis exercet non solum potentiam, sed sapientiam aliaque attributa sua.

4. Tota mundi constitutio benigno consilio comparata est; nullum est machinationis invidæ aut sævæ vestigium, quod sub Numinis non boni imperio sapius in mundo cernere licuisset. Quam earum rerum copiam suppeditat natura, quæ ad vitam commode & jucunde agendam inserviant! Ut hominum & animantium omnium sensus sunt comparati, ut salutaribus recreentur; noxia & pestifera illis inolesta sint! Ut omnes a natura insiti appetitus ad individui aut totius systematis conservationem aut felicitatem utiles sunt! Ut acri quodam decori & honesti sensu, una cum affectibus benignis incitantur homines, ut alii aliis prodesse velint! Ut lætissimo sensu remunerantur hi, qui aliorum felicitati consuluerunt!

Sed sunt etiam mala: at qualia? Quæ non in ipsa rerum machinatione destinata videntur tanquam ipsius finis proprii; verum ex materiæ imbecillitate, inferiorum agentium errore, eveniunt juxta eas leges, quæ omnino sunt utiles. Mala sunt, sed quæ ex legibus generalibus fluunt quas suspendere non tenetur Deus; & quæ hominum exercent prudentiam, & industriam. Mala sunt; at sine quibus abesse commiseratio, beneficentia, liberalitas, fortitudo, æquanimitas, patientia, lenitas, & officia omnia gratuita, quorum sensus longe est omnium lætissimus & memoria jucundissima. Quis omnem sublatum vellet dolorem quo de pravo corporis habitu admonemur; aut laborem, ad sanitatem & vires corporis animique tam necessarium? Quis contra naturæ studia tantum obdruit, ut illos sensus nostros, licet molestiam quandoque

ferant, vituperet, quibus aliorum infertunia deploramus, quibusque ad operum ærumnolis ferendam incitatur; aut illum animi morsum seu angorem, quo elidimur ex eriminum nostrorum aut culparum conscientia; & quem vitiorum medicinam esse voluit benignus Deus? Mala sunt, sed non totum rerum ordinem cogitatione complectitur humana mens. Exigua est hæc mundi pars, quam cernimus, & pro brevi temporis spatio; si plurimam ergo in hoc ævo mala magnas asferre videamus utilitates, scilicet quod hominum scelera sæpiusmodi cohibeant & impediant, proborum virtutes exercent & augeant; hominum mentes a rebus externis & vilioribus voluptatibus ad interna & vera bona convertant; hinc certe fit certissimum, ea etiam mala (si qua sint) quorum nullum nunc cernimus usum, ad totius systematis in partibus a nobis remotioribus & incognitis, aut ad sæculorum futurorum felicitatem & perfectionem fuisse destinata: ex iis certe nullatenus efficitur mundi administrationem esse invidam aut malignam.

OBJECTIONES.

Contra Divina Providentia attributa expenduntur.

OBJECTIO PRIMA GENERALIS.

Illud systema rerum dici nequit sapientissimum, neque sanctissimum, neque justissimum, neque bonum, in quo multa sunt, quæ contraria nobis videntur tum sapientiæ, tum sanctitati, tum justitiæ, tum bonitati. Certe de universo systemate non aliter judicare possumus, quam ex illis partibus, quæ nobis cognitæ sunt; quæ si abhorreant ab istis perfectionibus, concludendum est systema universum non esse sapiens, &c. Atqui multa sunt, quæ nobis videntur multum distare a sapienti & bona regum administratione; quorum consideratione adducti sunt quam plurimi philosophi ut causam aliquam mali a Deo independentem admitterent.

Responsio generalis. Nego majorem: nam systema mundi etsi sapientissimum, no-

nobis videri potest in multis abhorre-
re sapientia, Quod ut intelligatur, duo ge-
neratim conficiemus : 1. Quod mun-
di systema sit plane incomprehensibile .
2. Quod hæc incomprehensibilitas efficiat,
ut nequaquam apti simus ad ferendam de
illo sententiam . Has duas partes cum
aliqua diligentia explicabimus, quia con-
rinentur generalem & optimam respon-
sionem ad omnes quascunque atheorum
objectiones .

1. Systema divinæ providentiæ incom-
prehensibile est, idque ob multiplicem
causam .

Primo. Quia illud invenit infinita sa-
pientia, cujus hoc proprium est supera-
re in effectibus suis humanæ mentis sa-
gacitatem . Nam experimur in omni re
sapientiam atque artem, quo magis im-
perfecta est & ad nostram accedit nati-
vam prudentiam, eo magis a nobis in-
telligi; quoque magis distat perfectione,
eo semper evadere admirabiliorem . Sic
præclara humani ingenii inventa & re-
gum consilia a brutis hominibus non in-
telliguntur; ab animantibus intelligi non
possunt . Manifestum tamen est artem
humanam, quæ sapiens est homini li-
terato, non esse propterea insipientem,
quia illam non capit idiota, vel quia
animantia illam omnino non compre-
hendunt . Sic divina ars soli Deo, qui
se se comprehendit, quam sapiens illa sit,
quam sancta, quam bona, quam iusta,
videri potest: imperfectis creaturis sem-
per erit locus admirandi, quia semper
superabit earum intelligentiam: & pro-
pterea valde stultum foret tribuere insci-
tiæ, vel temeritati illam inscrutabili-
tatem, quam sapientiæ proprium esse ca-
racterem necessario agnoscimus . Prima
ergo ratio, cur exaltata sint cogitationes
& viæ Dei a cogitationibus & viis ho-
minum, hæc est maxime obvia, quod
Dei sapientiæ infinite distet a prudentia
humana .

Secundo . Providentiæ divinæ systema
incomprehensibile est, nec de illo ullum
ferre iudicium possumus, quia respectu
nostri, *immensum, æternum & infinitum*
est . Per systema divinæ providentiæ, cu-

jus summam ex omni parte sapientiam
& bonitatem defendimus, non intelli-
mus historiam & fortunam alicujus sin-
gularis entis, aut alicujus speciei entium,
aut alicujus orbis; sed divini imperii uni-
versitatem, ejusdemque imperii unde-
quaque connexi vices omnes . Adeo ut
providentiæ divinæ Idea sit complexio
omnium operationum Dei ad extra per
totam æternitatem, continens omnia tem-
pora, omnia entia atque omnes even-
tus: ex illis omnibus conficiens cohe-
rentem & indefinitam seriem, quam tem-
pus labendo perpetuo explicat . Jam vo-
ro in hac concatenatione immensa, cur-
sue rerum æterno, quantula pars est
vita hæc cujusque nostrum? ex qua ta-
men de Dei infinita illa providentiæ con-
jecturam capere oportet nos mortales .

Sed signatur divinum regnum nostri or-
bis limitibus, nullum aliud exerceat im-
perium morale, quam in homines: nul-
lum physicum, nisi in hoc orbe ad cu-
jus conspectum admittitur . In hoc utro-
que ordine cujus partes sumus & in utrius-
que conjunctione omnia sunt inscrutabi-
lia . Primo *physica rerum administratio*
non per voluntates particulares & decre-
ta inter se nullatenus connexa procedit:
sed est manifeste constitutio cujus partes
omnes sibi invicem respondent & se mu-
tuo suspendunt, idque non in corporibus
tantum observatur, sed in animantibus .
Nempe cujusque speciei individua multas
habent inter se naturales habitudines, ut
homines cum hominibus; species etiam
integræ cum aliis speciebus, ut animan-
tes cum hominibus; quedam animan-
tium species cum aliis animantium spe-
ciebus: nescimus certo quousque hæc re-
lationes pertingant, atque si ex analogia
judicandum sit, illis omnes hoc anodo
conjunctas esse concludemus . Sic quoque
nullus est evenus, qui non habeat ali-
quem respectum ad alios omnes eventus
præteritos, qui ejus causæ extiterunt, &
aliquem etiam cum futuris omnibus quo-
rum causa aliquatenus futurus est . Im-
mo animadvertisimus res quandoque levissi-
mas esse necessarias condiciones sine qui-
bus res maximi momenti non contigis-
sent,

Tent. Cum igitur per tam stupendam connexionem rerum & subordinationem perpetuam innumerabilium caularum & effectuum progrediatur naturæ cursus, manifestum est nullum mortalem ullius rei rationem pervidere posse accurata descriptione ejus caularum, finium, antecessionum, adjunctarum, & consequentiarum; aut certo pronuntiare quemcumque eventum etiam levissimum non esse in concatenatione rerum plane necessarium. *Administratio* etiam *moralis* sine dubio ejusdem generis constitutio est, & omnes ejus partes, videlicet virtutis exercitationes in hoc statu militiæ & probationis, vitiiis data licentia, tempora exercendis Dei judicii statuta, prædestinata divinorum judiciorum instrumenta, præriorum & poenarum distributiones, atque omnes actus justitiæ & bonitatis possunt eos habere inter se respectus, ut ordinem conficiant undequaque connexum; & cujus omnes partes non tantum apte coherant, sed sint in systemate plane necessariæ, & ad bonum commune præordinatæ.

Non tantum, tum universum systema divinx providentiæ, tum administratio physica & moralis quæ nos propius attingit, nobis perspecta non sunt, sed non pervidet quisquam nostrum propriam suam fortunam, nec quæ pars illius sit præsens nostra vita. Exstiter summi philosophi, qui decreverunt nos in statu alio meliori primùm creatos fuisse & in hunc statum, quasi purificationis, devenisse ad luendas poenas peccatorum in præcedenti admisorum: hos nunquam ex sola ratione redarguent athei. Ignoramus etiã statum futuræ vitæ in quem commigraturi sumus post hanc mortalem sortem; sine cujus tamen cognitione manifestum est nos parum æquos esse divinorum erga nos judiciorum æstimatores. Si de Josepho nihil aliud relatum fuisset, nisi quod venditus a fratribus fuerit, deportatus in Ægyptum, & ob injustam accusationem conjectus in carcerem, severitate erga eum usam esse providentiã divinam putarem: sed ubi intelligimus hosce omnes eventus fuisse totidem gradus ad im-

perii summam in Ægypto obtinendam & ad salutem generis sui, sortem Josephi nequaquam miseramur. Si consideremus solommodo partem illam vitæ humanæ, quæ per novem menses utero materno includimur, parum speciosa videbitur, illam tamen non ita ægre ferimus ut præparationem ad hunc admirabilem conspectum rerum. Sic quoque sit hæc vita mortalis minus quoque speciosa, tamen si totum illud spatium quod patet ab infantia ad senectutem est respectu alterius vitæ, quod novem illi menses respectu vitæ præsentis, manifestum est nos de sorte nostrâ & divinis erga nos judiciis nullam ferre posse sententiam ex hujus ætatis consideratione. Est ergo ex omni parte & illa quæ nos propius attingit divina providentiã plane incomprehensibilis.

Tertio. Divinx providentiæ rationem nullus investigare potest, & de illa sententiam ferre, nisi qui rerum naturas perfecte cognoscat. Nam hoc generale principium est in administratione rerum, quamlibet regendam esse pro sua natura, seu gubernationis leges debere attemperari rerum naturis. Atqui nihil in tota naturâ comprehendimus, nec materiæ & motus indolem, nec quæ vires sunt necessariæ, nec qui fines sunt prosequendi; nec quibus mediis fines obtineri possint, nec quæ sint sapientissimæ regiminis leges: multo magis fugiunt captum nostrum natura animi, ejus naturales vires, libertas, &c. Qui fieri potest, ut sine harum rerum cognitione judicemus de necessitate permittendi mali seu physici seu moralis; aut de modo, quo Deus versat corda hominum, consilia regit, omnia providet, &c., quidquam sapienter pronuntiemus, cum ighoremus, qui animus cogitet, aut agat, aut deliberet, aut reminiscatur, &c.

Quarto. Sapiens mundi administratio postulat vias secretas & occultas, ob multiplicem causam.

Quia magis habet admirationem nostram illa divinx providentiæ ratio, in qua omnia fugiunt nostri intellectus aciem; & in qua nec qui fines quaerantur,

tur, nec quæ media ad fines obtinendos adhibeantur, pervidemus. Solent quidem homines parvi pendere ea quæ obvia sunt, ea vero multum suspicere, quæ sunt a communi hominum sensu valde disjuncta: inter scientias æstimamus præfertim eas quæ sunt magis reconditæ. Nihil igitur ad excitandam admirationem nostram, sibi quæ conciliandam reverentiam melius facere potuit Deus, quam providentiæ suæ partes omnes ita obtegendo, ut nihil omnino cerneremus, ac perpetui eventus inopinati, quorum causas, antecessiones, præparationes ignoraremus, tenerent nos attonitos. Experimur nulla re adeo commoveri hominum erga Deum pietatem, quam cum inexpectata conversione rerum, mala, quæ nostris capitibus impendebant, in eorum auctorem præter spem retorquentur.

Quia sine incerto exitu rerum humanarum & occulta divinæ providentiæ ratione nullus esset locus probationi hominum, neque exercitio summarum virtutum, fidei, spei, fiduciæ & devotiæ erga Deum voluntatis. Non fuisset, v. g. tam admirabilis Jobi patientia & fides, si antea intellexisset brevissimas suas ærumnas ipsi allaturas esse majora præmia, vitam longiorem, sobolem numerosiorem, majores divitias atque famam.

Quia ista divinæ providentiæ ratio melius est accommodata naturæ hominum, qui libertate utuntur. Si Deus tam evidenter discriminaisset bonos atque malos in hoc mundo, ut boni prospera semper uterentur fortuna omnibusque rebus abundarent, & mali è contrario malis omnibus obnoxii viverent; haud magis esset locus optioni, an vellent boni vel mali esse, quam utrum beate vivere vel misere, eligerent. Sed ubi eventus incertus est, deliberationi locus invenitur; spes hinc, inde metus sollicitat: quibus passionibus suspenduntur vel inclinantur voluntates liberæ hominum, & merito locus invenitur.

Quia hæc administrandi ratio optima

est, si homo ad immortalitatem destinatus sit: adducit enim a rebus hujus vitæ, cujus voluptates & illecebræ nimium nos detinerent, si constanter virtutis affectum experiremur felicitatem, nec quidquam nobis invitis præter spem accideret: excitat etiam perpetuum futuræ vitæ desiderium.

Est ergo divinæ providentiæ ratio ob multas optimas causas plane incomprehensibilis.

II. Dico, hanc incomprehensibilitatem elevare omnes objectiones Atheorum. Nam ex hac inscrutabilitate divinæ providentiæ manifeste sequitur.

Primo. Nos errare in multis, & posse res sapientissimas nobis videri alienas a sapientia. Efficit namque, ut partes sumamus pro toto: & desideremus in parte totius pulchritudinem & convenientiam. Ut si quis admitteretur tantum ad videndam magni & pulcherrimi ædificii culinam, aliasve partes usibus vilioribus destinatas; certe non videret ædificii pulchritudinem, nec architecti artem multum miraretur; quæ tamen maxima esse potest. Ergo illa omnis objectio, quæ ex hoc fonte oritur vel orta supponi potest, vanitatis convincitur. Hæc eadem providentiæ inscrutabilitas efficit, ut media non dividamus a finibus; & in mediis desideremus finium excellentiam. Ut si quis videret hominum multitudinem occupatam in congerendis lapidibus & gypso, terraque ex uno loco in alium caris transferenda, & ignoraret hos esse magni ædificii apparatus; labor hic vanus & inutilis videretur. Ergo quæcumque objectio solvi potest, supponendo illam partem, quæ in divina providentia accusatur, esse præparationem ad aliam partem angustiorum, vana quoque est (a). Hæc eadem inscrutabilitas efficit, ut ignoremus, quid cuiusque rei naturæ conveniat, & quibus legibus quæque res gubernari & possit & debeat; proindeque vanam esse illam omnem objectionem, quæ ex hoc principio

(a) Ita ordinantur omnia officiis & finibus suis in pulchritudinem universitatis, ut quod horremus in parte, si in toto consideremus, plurimum placeat. S. Aug. de vera rel. ep. 70.

cipio solvi potest; quod res vituperata pertineat ad rei naturam.

Secundo. Divinæ providentiæ inscrutabilitas Deum absolvit in illis omnibus providentiæ partibus in quibus nihil intrinsece malum deprehendimus. Illa omnia quæ in mundo contingere videmus, si modo sapienter & julte in hypothesi aliqua fieri possint, credere debemus illa a Deo ob sapientes & justas causas permixta esse, quamvis illas causas ignoremus. Jam vero negamus Atheos posse ullam rem indicare, quæ in nullo casu & in nullis circumstantiis sapienter & julte a Deo permitti possit. Plerumque objectiones Atheorum petuntur a bonis atque malis; quæ contingunt vel hominibus privatis vel publicis societatibus: sed quis audeat dicere nullas esse posse justas causas horum eventuum? Manifestus certe est externos quoscunque eventus justos esse vel injustos, non in se, sed relative ad varias circumstantias temporis, loci & personarum; proinde etiam evidens est nos non posse de eorum justitia vel injustitia ferre judicium, quin perfecte cognoscamus omnes circumstantias.

Tertio. Inscrutabilitas divinæ providentiæ absolvit Deum in illis etiam omnibus actibus, qui dici possunt *supreme autoritatis*, qui nempe continentur intra limites justis & rectis, quorum nullam aliam rationem querere debemus præter Dei arbitrium & beneplacitum. Quamvis Deus non possit aspernari suam naturam & justitiæ quidquam contrarium agere, tamen intelligimus multa esse Deo possibilia quæ nulla lege determinantur, sed unicam habent causam in libera Dei electione. v. g. Deus in scripturis sacris nullam causam nobis affert Supernaturalis suæ in genus hominum economiæ & inæqualis distributionis gratiæ præter beneplacitum, quia manifestum est hæc rerum dispensationem & ea omnia quæ ad illam pertinent, ex gratuita Dei voluntate omnino pendere, nec jure nos posse quidquam vindicare. Sic etiam divina ju-

Tom. I.

stitia exigit ut Deus obstinatos puniat peccatores, tamen exercet judicium cum suprema & libera autoritate, id est, non alicui temporis, vel loco, vel modo puniendi alligatus est, uti inferiores sunt iudices, qui præscriptas regulas superioris sequuntur, sed pro libera sua voluntate malos aut serius vel citius, publice vel privatim, & quacumque velit ratione, punit.

Sed, inquires, hac responsione nulla sunt consilia quantumvis perversa, quæ defendi non possint cum hæc erga Deum reverentia: v. g. sic credere poterimus, ut multi theologi docuerunt, Deum propterea condidisse homines, ut in paucis glorificaret misericordiam suam quos prædestinavit ad gloriam; & ut in aliorum æterna damnatione ostenderet justitiam suam.

Respondeo viarum & judiciorum Dei inscrutabilitatem Deum tantum absolvere ab omni injustitia in eventibus, qui habere justissimas causas possunt, vel qui ex divina pendunt suprema autoritate; Deum non absolvere in illis consiliis capiendis quæ adversa fronte pugnant intelligimus cum justitia & bonitate. Multum discrepant hæc duæ questiones: an evenus aliquis possit conciliari cum divina justitia; & hæc altera; an administrationis leges injustæ possint defendi, illas rejiciendo, in divinum beneplacitum? Difficultas quam invenimus in componendis eventibus cum divina justitia oritur omnino ex nostra ignorantia, sed conciliare non possumus injusta consilia cum idea Dei propter evidentem repugnantiam iniquitatis cum divina natura. Vide *Sherlock* de providentiâ Dei. *Butler* Analogy of religion natural and revealed to the Course and constitution of nature.

OBJECTIO SECUNDA.

Ex malo defectus.

Sunt in natura multæ res imperfectæ, & videmus alias aliis esse imperfectiores: Materia perfectione cedit animantibus, animantes hominibus, homines Angelis.

T

Atqui

Atqui magis decuisset Deum omnia creare perfectiora sine imperfectionibus, & in eodem omnia statu perfectionis: certe fuisset universitas rerum pulchrior & Deo dignior, si nos homines dotes haberemus Angelorum. Ergo rerum universas neque pulcherrima, neque Deo dignissima dici potest.

Respondeo nego minorem quoad usamque partem: aut Deum decuisse res perfectiores creare sine imperfectione, aut omnes equaliter perfectas, &c.

Primo. Certe id facere Deum non oportuit, quod plane repugnat. Atqui repugnat creatura perfectior sine imperfectione. Omnis creatura, utpote finita, necessario imperfecta est & distat infinito intervallo a natura perfectissima, semperque habebit sibi superiores creaturas possibiles in infinitum. Jam vero cum creatura omnis necessario sit imperfecta, aut omnino non creare Deum oportuit, aut imperfectas naturas creare: si imperfectas creare dignum Deo fuit, in quo gradu consisteret, determinare sola ejus voluntas potuit. Quid si ab ipsis imperfectissimis exordium sumpsisset, & sua potentia effecisset ut illæ imperfectissimæ naturæ per totam æternitatem nova perfectionis & felicitatis incrementa perpetuo acciperent; numquid non illud systema rerum nobis magnificum & gloriosum Deo, atque etiam propter nativam menti nostræ ambitionem jucundissimum videretur? Numquid non Deo gratum quoque futurum cogitamus, videre mundum suum perpetua pulchritudinis accessione splendescentem & ad suam similitudinem gradibus semper accedentem.

Secundo. Neque debuit Deus omnes creaturas equaliter perfectas creare ob multiplicem causam.

Quia primo in omni systemate rerum illud est impossibile. Nam omne compositum partes habet, hæ partes alias, & sic in indefinitum. Sed partes habere non possunt perfectionem totius, cujus sunt partes: manus habere nequit perfectionem totius corporis, nec homo

unus perfectionem totius generis humani, nec genus humanum perfectionem totius systematis eorum spiritualium, cujus pars quædam est. Huc ergo redit objectio an indignum Deo fuerit systema rerum instituire in quo naturæ variis relationibus & subordinatione quadam sibi mutuo conjungerentur, ut factum videmus in hac universitate? vel an necesse fuerit, ut Deus creaturas equaliter perfectas sine ulla subordinatione coordinatas crearet? quod jam considerandum est.

Secundo. Dico rationem nullam asseri posse, cur Deus systema rerum non institueret in quo inæqualiter divideret dotes & perfectiones creaturis suis. Nam, ut modo diximus, divina attributa non exigunt, ut Deus unum potius gradum perfectionis creaturis suis tribuat, quam alium. Deinde entia minus perfecta conjuncta in systemate cum perfectioribus non impediunt horum existentiam, nec minuunt felicitatem: e contrario vero illis inservire possunt; ut materia, quæ omnium naturarum imperfectissima est, nedum nocet naturis sentientibus seu animantibus, præbet illis fertile solum; ut animantium genus non nocet hominibus, sed eorum usibus inservit.

Tertio. Tandem tam parum repugnat sapientiæ & bonitati divinæ creare naturas perfectione inæquales, easque in unum systema variis nexibus conjungere: ut nihil magnificentius a Deo fieri posse existimemus, quam si diffusionem perpetua bonitatis, intelligentiæ & potentæ suæ naturas possibiles cum infinita varietate produceret. Nil sapientia sua dignius aut admirabilius, quam si illam infinitam varietatem naturarum in unam quasi rempublicam coactam imperio æquabili & generali civitatis universæ Rector administraret. Pulchre de hac re disputavit multis in locis S. Augustinus.

A terrenis usque ad celestia, & a visibilibus usque ad invisibilia sunt alii alia bona meliora; ad hoc inæqualia ut essent omnia. l. 11. de Civ. Dei.

Quid.

Quidquid tibi vera ratione melius occurreris, scias fecisse Deum, tanquam bonorum omnium conditorem. Non est autem vera ratio, sed invidia infirmitas, cum aliquod melius faciendum fuisse cogitaveris, jam nihil aliud inferius velle fieri; tanquam si perspecto Cælo nolles terram faciliam esse; inique omnino. Idem de lib. arb. l. 3. c. 3.

Et tibi Deus omnino non est malum, non solum tibi, sed nec universa creatura tua, quia extra te non est aliud quod irrumpat ordinem quem posuisti ei. In partibus autem ejus quedam quibusdam quia non conveniunt, mala putantur, & in semetipsis bona sunt: & omnia hæc quæ sibi invicem non conveniunt, conveniunt inferiori parti rerum, quam terram dicimus; habentem Cælum suum nubilosum atque ventosum, congruum sibi. Et absit jam ut desiderem non esse ista; quia & si sola ista cernerem, desiderarem quidem meliora; sed jam etiam de solis istis laudare deberem; quoniam te ostendunt laudandum de terra dracones & omnes abyssi, ignis, grando, &c. Cum vero etiam de Cælis te laudent, Deus noster, in excelsis omnes Angeli tui, Sol & Luna, Stella, &c. non jam desiderabam meliora, quia omnia cogitabam: & meliora quidem superiora, quam inferiora, sed meliora omnia, quam sola superiora judicio. Saniore pendebam. Idem Conf. l. 7. c. 3.

Quæ in Cælo & in terra corpora, non solum illi a quo sunt condita; sed nec inter se oportebat esse æqualia; & ideo sunt omnia bona; quia sunt aliis alia meliora; & bonitas inferiorum additur laudibus superiorum; & in rerum bonarum inæqualitate ipsa est jucunda gradatio, ubi minorum comparatio ampliorum est commendatio. Idem Cont. adv. Legis & Proph. l. 1. c. 4.

OBJECTIO TERTIA.

Ex malo Physico.

Sunt in mundo mala multa physica; sunt partes multæ inutiles & noxiæ; exi-

stunt omnium rerum corruptio; in animalibus vero mors; in iisdem dum vivunt sunt molesti sensus famis & sitis, incumbitque laboris necessitas: ut morbis laborant! generis propagandi quam incommoda ratio est, & spatio vitæ quam varia & iniqua sunt, infansia, juvenus & senectus! ut homo ignorantia & errori obnoxius est! ut passionibus eliditur! atque hæc omnia deberent abesse ab opere divino.

Respondeo, nego minorem: mala hæc physica, quatenus pertinent ad creaturas irracionales, sunt appendices earumdem naturæ, ac propterea mala defectus; quatenus vero vexant vitam humanam poenæ sunt peccati; ac poenæ salutares, sine quibus in degederi hoc statu deterior esset hominum conditio, adeoque cum iustitia Dei elucet, etiam in his, bonitas & misericordia.

Primo, negamus in hæc omni universitate rerum ullas esse partes inutiles. Nos nequaquam esse utilitatis rerum idoneos iudices jam confectum est supra, ex eo quod rerum inter se relationes & necessitudines non cognoscamus. Omnium rerum imperfectissima est maioria; verum non satis admirari possumus quanta cum solertia res illa stupida & in se inutilis, facta sit omnibus animantibus utilissima atque ad contemplationem pulcherrima. Si dici possit, inquit S. Aug. conf. l. 12. c. 6., nihil aliquid est & non est, hoc (eam materiam) dicerem: & tamen jam utcumque erat, ut species caperet istas visibiles & compositas. Res autem noxiæ in se pulchre sunt, universitati rerum pro suis portionibus decoris multum tanquam in communem rempublicam conferunt: nobis ipsis si eis congruenter utamur commoditatis aliquid attribuant: unde nos admonet divina providentia, non res insipienter vituperare, sed utilitatem rerum inquirere & ubi nostrum ingenium deficit, credere occultam. Ipsa utilitatis occultatio, aut humilitatis exercitatio est, aut elationis attritio. Verbe sunt S. Augullini.

Secundo, *corruptiones rerum sequuntur ex naturali conditione hujus mundi*. Quid est enim corruptio, nisi partium dissolutio seu aliarum ab aliis avulsio? Atqui hic est necessarius effectus contrariorum motuum. Sed, inquires, cur contrarios motus in opere suo esse voluit parens naturæ? quia mundum hunc voluit, qui sine istis contrariis motibus esse non potuit. Hic est modus ejus. Fac universam molem corpoream in una massa torpere, non habes mundum. Fac materiam omnem moveri in linea recta cum eadem motus velocitate, non etiam habes mundum. Fac partes materiarum ita sese librare, ut in perfecto sint æquilibrio & quiete, non habes mundum. Omnis igitur mundi pulchritudo & admirabilis rerum varietas, non ex quiete, non ex partium æquilibrio, non ex conspirantibus motibus, sed ex motu opposito, ex interrupto æquilibrio, ex rerum pugna, omnis nascitur. Necessè fuit ut lux, ignis, aer, aqua, & omnia elementa non separata & divisa in sua quæque regione manerent; sed ut commixta secum invicem contenderent, & his admirabilibus atque mixtis concretionibus originem darent, videlicet plantis, corporibus organicis, &c. Necesse itaque fuit, ut esset hæc elementorum contentio, substantiarum heterogenearum fermentatio, concretiones & dissolutiones, quam necesse fuit ut ipse mundus existeret. Hoc solummodo a divina mente postulare debemus, ut certis legibus iisque aptissimis regat & temperet hanc elementorum contentionem; quod a Deo effectum est cum tanta sapientia, ut nullas leges sapientiores cogitare possimus.

Pulchra sunt in harum rerum commendationem verba S. Augustini. Conf. li. 4. c. 10. *Etenim omnia senescunt, & omnia intereunt. Ergo cum oriuntur & tendunt esse, quo magis celeriter crescunt, ut sint, ita magis festinant ut non sint*. Sic est modus eorum: tantum dedisti eis, quia partes sunt rerum, quæ non sunt omnes simul, sed decedendo ac suc-

cedendo agunt omnes universum, cujus partes sunt. Ecce sic peragitur, ut sermo noster per signa sonantia. Non enim erit totus sermo, si unum verbum non decedat, cum sonuerit partes suas, ut succedat aliud.

Idem l. 12. de civ. Dei c. 4. habet; *ceterum vitia pecorum & arborum, aliarumque rerum mutabilium atque mortalium, vel intellectu, vel sensu, vel vista omnino carentium, quibus eorum dissolubilis natura corrumpiunt, damnabilia putare ridiculum est. Cum istæ naturæ eum modum nulli creatoris asseperim, ut cedendo ac succedendo peragant infimam pulchritudinem temporum, in genere suo istius mundi partibus congruentem. Neque enim celestibus fuerant terrestria conquantanda: aut ideo universitatis deesse ista debuerunt, quoniam sunt illa meliora. Cum ergo in his locis, ubi talia esse competebat, alia aliis deficientibus oriuntur & succumbunt minora majoribus, atque in qualitates superantium superata vertuntur, rerum est ordo transeuntium. Vide l. 3. de lib. arb.*

Tertio, idcirco mors in se spectata malum non est, sed imperfectio una ex illis, quæ ex materia atque motu oriuntur. Est quippe dissolutio corporis organici, vel animæ & corporis separatio ex dissolutione corporis consequens. Sed nullo modo corpus organicum in hac terra nostra naturaliter gaudere potest immortalitate; quia sicut, aliz omnes concretiones, continet elementorum commixtionem atque humorum discordantium pugnam. Hæc mortis defensio est quoque morborum omnium, qui ex iisdem principiis orti, illam solent præcurrere. Ex gratuita Dei bonitate aberant mala hæc a *primæva* hominum conditione. Quod jam illis sint iidem obnoxii, etiam magnæ misericordię est: quanta incrementa acceptura esset ex immortalitate & perpetua sanitate hominum improbitas, quam mortis perpetuus terror & morbi non cohibent, facile intelligitur. Bonitatis est igitur in Deo erga malos, quod nec

hoc

hoc malitiz augmentum, nec eos in aeternum seclerata mente vivere sinat; bonitatis est erga bonos, quod eos ab immortalibus tyrannis vexari non permittat, atque ad meliorem sortem vocet.

Quarto, quod attinet famem, sitim & laborem, in illis quoque multum elucet benigna Dei providentia.

Imprimis, cum corpora nostra sint ex partibus heterogeneis composita, quæ in perpetua sunt fermentatione; sitque tum fluidorum, tum solidorum maximus motus; hinc partes fermentatione illa & attritione minuantur; ex qua diminutione, nisi aliquid afferatur remedium, cito consequeretur interitus & dissolutio totius fabricæ. Necessè igitur est, ut perpetua damna alterius mæritæ substitutione resarciantur, & ad illa damna reparanda interioribus sensibus excitetur, ex quo existit utilitas famis & sitis. Deinde vero cum animalium corpora singularem habeant texturam atque habitum, qui postular convenientia alimenta, jam variis coctionibus digesta, idque quotidie: hinc existit labor in conquirendis & præparandis alimentis.

Hi sensus, hic labor in primævo statu voluptates erant. Etiam in hoc corrupto statu multipliciter habent non solum utilitatem, sed & jucunditatem. Illi sensus famis & sitis multo melius nos de corporis inedia admonent, quam si jam rationi res permitteretur. (Vide *Mallebranche, recherche de la verité.*) Quam bene institutum est ut lentos & remissiorem stimulant atque cogerent, nec molestissime desinerent, donec opem corpori necessariam tulissent. Quam beneque provisum, ut iidem in temperanda siti atque fame experirentur voluptatem operæ in propria sui conservatione positæ mercedem. Quæ sane voluptas, ubi suppetunt alimenta, multum vincit molestiam illam, quam famas aut sitis solet procreare. Laboris etiam sua utilitas est & jucunditas. Utilitas quidem: nam multum conducit ad bonum corporis habitum, nec parum

etiam ad facultates animi confirmandas: avocatur a vitiis naturæ tam inimicis, quorum omnium mater est otiositas. Jucunditas etiam: nam ita sumus a natura comparati, ut appetat semper animus aliquid agere, grataque omnis illi sit materia excitandi sese abstrahendique; & non sine tædio & ægra otii patientia possumus conquirere. Præterea labor & industria hominum conciliatrix est præcipua humanæ societatis: nihil adeo conjungit homines cum hominibus, quam permutatio officiorum & commercia; quæ omnia posita sunt in illis emolumentis quæ præstare aliis suo labore & industria homines possunt, aut ab aliorum labore & industria expectare.

Quinto. In ipso etiam dolore ingratæ sensationibus, quæ aberant a primæva hominum conditione, conspicua sunt divinæ bonitatis argumenta. Dolor quippe ex ipsa naturæ vitæ animalis seu conjunctione animæ & corporis corruptibilis naturaliter sequitur: neque illum unquam frustra sentimus. Illa enim consuetudo animæ atque corporis postulat, ut illæ quæ substantiæ agant reciproce in se mutuo: ut cogitationes animæ varios excitent in corpore motus, & vicissim varii corporis motus varie afficiant animam: ut jucundis sensationibus excitetur appetitus ad res bonas & salutes capessendas; contrariis vero sensationibus a noxiis & pestiferis avocetur. In primævo quidem statu dolor aberat, quia peculiari providentia cavebat Deus nequid corpus exterius læderet; & arboris vitæ fructus interioris omnis ægritudinis causas impediebat. At profecto sine dolore, in præsentis mortali statu, nullo modo vitam servare possemus. Deus quidem hoc evitare potuisset, si decesset ut anima corporis motibus non afficeretur, vel si insisteret, ut omnes corporis motus excitarent jucundam sensationem. Sed nemo non intelligit, quam periculosum futurum esset mortalibus tale beneficium. Si nullam ingenerasset natura animis aversionem mortis, nec ulla molesta sensa-

tione

tione nos certiores fecisset illius adventantis; in mortem, quasi in somnum, incidereamus, & si animam quodque eum eadem voluptate moreretur, cum qua reparat corporis sui damna comedendo, illam quereremus. Molestæ ergo illæ sensationes doloris ex conditione animalium corruptibilium sequuntur & plane utiles sunt in statu præsentis ad conservationem vitæ.

Sed, inquit, sine molestis illis sensationibus potuisset nos natura admonere de corporis statu & excitare ad afferenda remedia, vel clara cognitione mali, vel diminutione voluptatis, qua antea fruebamur. Respondeo, hanc constitutionem rerum (nisi multa alia immutarentur & in statum primævum restituerentur) non futuram meliorem: Nam primum non intelligitur, qui animus possit habere perspectum malum imminens corpori & in periculo versari, si sine tristitia; & nisi hæc tristitia vim haberet parem dolori & ingratas sensationibus, non sufficeret: eum sæpius has impares esse experiamur cogendis nobis, ut a pestiferis abstinemus. Diminutio vero voluptatis, quæ secundo loco proponitur, nobis majorem procrearet molestiam, quam afferunt illæ sensationes, de quibus instituitur querimonia. Nam satius plerumque ducesim tolerare dolorem, quam privari voluptatibus: verbi gratia, etsi podagra acerbissimos dolores creet, tamen nemo vellet privari sensu tactus & voluptatibus eum illo sensu conjunctis, ut illo malo liberaretur. Multi homines optime sciunt certorum ciborum comestura se aucturos esse mala sua & tamen anteponunt voluptatem illam, quam experiuntur ex cibo & potu nimio, immunitati ab isto malo. Tandem sic licet argumentari: vel illa diminutio voluptatis erit majus malum vel minus, quam molestia, quam experimur ex ingratas sensationibus. Sin primum, nihil sane lucraremur per commutationem: sin secundum, non haberet sufficientem vim ad nos inclinandos ad remedia malis præsentibus afferenda, eum quotidie experiamur ingratas hæc sensationes & præ-

sensationem futurorum dolorum non habere parem vim ad suspendendum levem aliquam voluptatem.

Sed, dices, illæ molestæ sensationes sæpius prorsus sunt inutiles; podagra & alii dolores acutissimi nullum habent usum nec conducunt ad produendam vitam. Respondeo illos morbos esse prævios habitus corporis, qui naturaliter contrahuntur & ex motu fluidorum, concretionibusque oriuntur. Quæstio igitur hic est, utrum utile nobis sit certiores fieri istorum morborum, nec ne? Sed nullum est dubium quin melius sit admoneri, & ita admoneri, ut necesse sit afferre remedium. Nam si febris correptus quis vel podagra, non admoneretur de prævio corporis habitu; non vitaret ea quæ se ipsum accenderent, nec ea quæ sunt apta ad eandem temperandam arriperet; sicque subito & inopinato moreretur. Jam veto inter omnes morbos, quibus affligimur, illos horrere solemus magis, qui subito opprimunt: quænam ergo esset sors nostra, si hæc esset morborum omnium natura? Quantum tandem inserviant dolores ad hunc optimum finem; nempe ad deprimendum hominum superbiam & vanitatem, ad abduccendos a rebus terrenis eorum animos atque ad cælestis transferendos, dicere necesse non est.

6. Quod spectat generis humani propagationem & ætates varias vita, quæ cum illa connexæ sunt; nedum ex hac constitutione peti possit argumentum adversus Dei providentiam, e contrario maxima sapientię indicia continet.

Ex ea pendet generis humani societas. Vinculum quippe societatis omnium ætissimum in ipso conjugio est, quod ad speciei propagationem inquit; proximum est sanguinis, quo continentur primum liberi, deinde fratres, postea sobriini & consobriini, deinde consanguinei: & hac ratione, quia omnes homines sunt iisdem parentibus prognati, unam magnam consociant familiam, & homo quisque bene moratus humani ni-

hil

hil a se alienum putat. Præterea hæc constitutio efficit, ut officia mutua hominum inter se sint plane necessaria & sic arcta magis efficiatur humani generis communitas: filii rethem per longa temporis spatia indigent parentum ope, & parentes vicissim ope filiorum.

Si singulas ætates vitæ particulatim consideremus, invenimus nullam esse prorsus ærumnosam & quæ non afferat varia commoda. *Infantia* primum, curis & sollicitudinibus vacua est: Præterea in præsentibus hominum circumstantiis ad eorum vitam conservandam, excolendamque necessaria sunt artes plurimæ: non enim illos ut cætera animalia, vestivit aut armavit natura; aut illis omnia ad passum idoneum & copiosum præparavit; aut animos disciplinis & scientiis instruit. Hinc provido consilio institutum est, ut hominum soboles tenera & imbecillis diutius maneret, sedula indigens cura, & disciplina patiens, æque antea variis imbueretur artibus & scientiis, quam vires intrasitiles adipisceretur. *Senectus* cum iisdem mortalibus afferat vitæ fastidium morti præparat, atque sic efficit ut sine multo dolore ex hac scena rerum discedant, quam in aliâ ætate tristiores reliquissent.

Parturientium dolores, & graviora mala quæ hæc ætates varias jam comitantur, aberant a primævo statu; suntque revera peccati pœnæ.

7. Ignorantia rerum maximi momenti ad vitam bene instituendam labes est sine dubio & pœna peccati: ignorantia autem rerum non necessariarum non tam malum est, quam imperfectio, quam velle abesse a creaturis nimium absurdum esset. Quod cum ita sit, quem haberemus scientiæ gradum solum determinare potuit liberimum Dei arbitrium. Deinde vero error ex nostra ignorantia fluit & eadem habet causas. Magna pars scientiæ humanæ nititur testimonio hominum & in fide aliorum posita est, ut illa omnis quam de rebus civilibus, in quibus præsertim versamur, habemus;

jam vero quamdiu in his nos fallere poterint homines, necesse est, ut simus deceptioni obnoxii. Magna etiam pars scientiæ humanæ nititur relatione sensuum, qui nobis rerum solummodo apparentias indicant, non ipsam interiorem naturam. Sed res, quæ naturis valde dividuntur easdem habere possunt apparentias; in quo etiam casu fallamur necesse est.

At profecto illa nostra nativa ignorantia & errores involuntarii, qui ex illa fluunt, nulla habent gravia incommoda, immo utilitates multas. Nam primum earum rerum scientia, quæ non sunt conjunctæ cum præsentis nostri statu, levissimam haberent utilitatem seu potius nullam: ad nihilum quippe inferviret, (quoniam homines non possunt pluribus rebus simul intendere) quam ad eos abducendos a rebus & officiis necessariis. Parum etiam prodesset vel potius obesset cognitio earum rerum mundanarum, quæ non conferret ad bene agendum, & recta capiendâ consilia: verbi gratia, parum prodesset scire, quot sunt mundo altra, quæ cujusque magnitudo, quænam sint omnium motuum naturalium principia: talis scientia nulum relinqueret locum inquisitionibus philosophicis, quæ sunt oblectamenta oris. Obesset multo magis rerum humanarum ampliôr scientia: quis enim vellet habere omnium sensuum suorum interiorum, omniumque cogitationum testes quasi oculos omnes homines? Quis vellet fortunas suas & fatalem illum diem mortis semper habere ante oculos? Tolleretur uno verbo ex vita humana spes omnis, unicum in malis solatium & felicitatis magnum principium. Tolleretur metus, quo avocamur a flagitiis, si prævideremus quam bene succederent.

Quod vero errores spectat, illi quidem qui sunt voluntarii, & in quos incidimus ex negligentia, vel temeritate valde fatales habent quandoque consequentias, sed sunt proprie peccata & mala moralia. Illi qui sunt naturales & in

& in quos incidimus ex naturæ nostræ imperfectione parum plerumque minuunt felicitatem nostram. Immo eadem causa quæ efficit ut multarum rerum ignorantia utilis sit, efficit etiam ut error ignorantie soboles sua utilitate non careat. Quam bene proviſum fuit, ut ſpe vitæ conſervandæ, ſpe recuperandæ ſanitatæ, ſpe mutandæ fortunæ ſemper deluderemur! Quam bene conſtitutum quoque eſt, ut aliorum hominum externo habitu inclinaremur ad officia erga eos præſtanda; quæ non præſtaremus ſi interiores eorum ſenſus perſpiceremus? Sed, inquires, in rebus multis erramus, quæ multum remouent nos a felicitate; multasque res ignoramus, quæ ſcire multum prædeſſet. Reſpondeo, illos errores remove quidem nos ab idea abſolutæ felicitatis, quam animo habemus comprehenſam, non remove ab illa ſclititate, quæ eſt propria præſentis ſtatus, & ad quam nati ſumus. Neque poſſunt illi errores exprobrari Dei providentiæ, niſi omnino miſerum efficiant vitam humanam, ſine ulla in alia vita compensatione.

8. Quod vero paſſiones attinet, dicendum, inquit S. Thomas, quod illa in quantum ſunt præter ordinem rationis inclinant ad peccatum: in quantum autem ſunt ordinata a ratione pertinent ad virtutem. Quod vero animum humanum ſic perturbant & tanto rapiant ad illicita impetu naturæ noſtræ depravatio eſt, non primæva ejus conditio.

Necelle enim fuit, quoniam in eam conditionem devenire debuiſſemus, in qua nobis ad conſervationem vitæ multa eſſent arripienda & proſequenda, ut naturalibus inclinationibus ferremur ad ea quæ nobis utilia & ſalutaria ſunt; & averſaremur noxia & lethifera. Necelle fuit etiam cum ad ſocietatem quoque nati ſumus, ut aliquibus vinculis conjungeremur cum aliis hominibus. Atqui hoc fieri melius non potuit, quam naturalibus illis inclinationibus & averſationibus, quas paſſiones vel affectiones vocamus. Quam enim paſſionem natu-

ralem tollere velis? num amorem vitæ eorumque quæ ſunt conſervantia noſtri ſtatus, aut illas affectiones, quæ ex illo fluunt? Sed neceſſariæ ſunt ad conſervationem individui. Num cupiditatem ſcientiæ ſeu naturalem curioſitatem, qua excitatur animus ad inqueſitionem veritatis? Num philantropiam? Num caritatem patriæ? num paternos affectus aut pietatem filialem? num amicitiam? num commiſerationem, aut alias, quæ vincula ſunt ſocietatis? Num angorem internum & pudorem poſt male acta? Num bonæ famæ & laudis cupiditatem, qua ad præclara, ſaciora ingenuus quique ſtimulatur? Num indignationem ex malorum proſpera fortuna ſponte ſubnaſcentem? Manifeſtum eſt nullam, ex iis omnibus quas veteres Philoſophi & Theologi revocabant ad appetitum concupiſcibilem, aut irraſcibilem, indigitari poſſe, quæ melius abeſſet a natura hominis. Sed omnes modum ſuum prætergredi poſſunt & ſæpiſſime prætergrediuntur; hincque exiſtit nimis ſui amor, nimium pro patria ſtudio, ambitio, iracundia, invidia, intemperantia, avaritia, cæteraque vitæ humanæ peſtes. At hæc vitia arbitrii crimina ſunt, non naturæ primordia. Veritatem divinarum dogmatum, inquit Theodoretus ſermone 3. Therap. de natura hominis, perdiſcite, corporis divinam pluſificationem, anima naturam immortalem, bujuſque pariem rationalem affectibus imperantem, & affectus ipſos natura utiles ac neceſſarios. Nam & concupiſcendi vis utiliſſima eſt, & huic oppoſita irascendi facultas ſimiliter. Per illam ſiquidem & divinas res appetimus, & contemptis viſibilibus intelligibilis cogitatione animoque verſamur: atque in terra degentes, Dominum qui in cælis eſt videre cupimus, virtutemque deſideramus. Hac ipſa vitam tuemur, & cibum potumque ſumimus, & legitima liberorum procreatione genus propagatur. At irascendi vis ſocia data eſt rationi, ut immoderatam cupiditatem coerceat. Quoniam enim ultra poſitos limites tranſilire illa contendit, irascitur.

cundiam illi creator, quasi pullum quemdam copulavit, qui eam retrahat, quando ultra quam opus est progredi conatur: ac veluti calida frigidis quidem sunt contraria, inter se tamen permixta temperationem optimam efficiunt; sic cupiditas & iracundia invicem admixta mutua castigazione optimam faciunt virtutis commixtionem. Est autem agendarum rerum penes rationem vis & potestas, ut hanc contineat, & illam impellat, vel illam inhibeat, & hanc excitet. Siflit enim nimiam iracundiam cupiditas, & iracundia rursus inextinguibilem cupiditatem castigat. Hæc autem perfectissime geruntur, dum ratio habenas scite moderatur. Quod si molli ac lubrico cupiditatis sensu delinqua, vel eum exultante iracundia intempestive fines egressa, laxius quam par sit habemus remiseris, illa quidem præter modum, equorum instar frænum mordentium, excurrunt, hæc vero vi tracta rapitur, risumque præbet spectantibus cum opprobrio: atque ita pœnas luit, ut quæ sponte sua hoc damnum subierit. Nam & humana leges eos qui delinquent pœnis coercent, & Deus peccantibus ignem inextinctum comminatus est. Deus autem cum sit bonus & iustus, ab iis pœnas non exigeret qui contra leges vitam ducunt, si necessario delinquerent: neque hominum sapientissimi ejusmodi leges unquam tulissent, si compertum illis fuisset, non animi arbitrio humana facinora perpetrari.

Concludamus cum eodem Theodoro: itaque mala non sunt mors, paupertas, servitus, ægritudo: sed vocantur a stultis mala, bene autem utentibus bona sunt. Vide S. Thomam primæ secundæ quæst. 24. Cartesium de passionibus. Malebranche de inquisitione veritatis.

OBJECTIO QUARTA.

Ex malo morali.

Saltem nullo modo conciliari potest cum perfectionibus Dei malum morale, seu pravæ creaturarum intelligentium electiones. Nam in hac quæstione non possunt afferri eadem responsiones, quæ

Tom. I.

modo allatæ sunt objectionibus ex malo defectus & naturæ. Mala enim imperfectionis & naturalia excusantur, ex eo quod sint naturales rerum appendices vel pœnæ, & utilitatē non careant; non item mala moralia: nam nec natura hominis aut ejus naturalis conditio exigat ut male eligat, nec prava electio bonum universi vel privatorum augeat.

Respondeo 1. Objectionem hanc ex malo morali afferri quidem posse ad ostendendam humanæ mentis imbecillitatem, si res certissime existentes, providentiam & malum morale, conciliare nequit, & sed valde ridicule assertur ab Atheis ad tollendam Dei providentiam: ob hanc evidentissimam causam, quia id supponit obiectio, quod tollere vult. Nam cum malum morale seu peccatum sit libera legis divinæ bonæ atque justæ transgressio, sine libertate in creatura, & providentia bona & iusta in Deo, cogitari nequit. Adeoque in hac obsecrissima quæstione de mali moralis origine sine ullo causæ nostræ detrimento confiteri nostram ignorantiam possumus. Ut habet Arnobius l. 2. adversus gentes, Responsionis necessitas nulla est, si enim possumus dicere, sive minus valemus, nec possumus, utrumque apud nos parum est, nec in magnis ponderibus ducimus, vel ignorare istud, vel scire; unum solum posuisse contenti, nihil a Deo principe, quod sit nocens atque exitiale, proficisci.

2. Mala moralia sunt proprie mala defectus, & eorum possibilitas sequitur ex conditione hominum. Multiplicem quoque certissime habent utilitatem: neque, ut ait S. Augustinus, Deus omnipotens, cum summe bonus sit, ullo modo sineret mali esse aliquid in operibus suis; nisi usque adeo esset omnipotens & bonus, ut benefaceret etiam de malo... melius judicavit de malis benefacere, quam mala nulla esse permittere. Enchir. c. 11. 17.

At, inquires, congruebat bonitati divinæ mala hæc impedire; cum hoc fieri facillime poterit & sine ullis incommodis, idque tribus modis; 1. Si funestum

V liber-

libertatis donum Deus non concessisset: 2. Si omnipotentiam suam interpolasset, & voluntatem in se liberam a prava electione continuisset; 3. Si mutato rerum præsentis statu homines in alium transulisset, ubi præcis errorum causis nihil occurreret quo ad male eligendum moverentur.

Respondeo, Deum quidem impedire posse mala moralia, & revera impedisse in superioribus creaturarum ordinibus; at non propterea debuisse continere a pravis electionibus homines; vel tollendo libertatem; vel interponendo omnipotentiam suam; vel mutando humani generis statum.

Et 1. quidem sublata penitus libertate facile intelligitur pejorẽ futuram mundi conditionem; tum respectu Dei, tum respectu creaturæ.

Respectu Dei: quia 1. sublatis agentibus liberis, mundus universus mera machina esset digito Dei ductilis, & ut patet, multum amitteret dignitatis sue. Quia 2. Sublata libertate nullum esset Deum inter & creaturam fœderis & amoris commercium, nulla libera gratiarum actio, quam tamen Deo gratiorem esse & præstare omnibus materiæ lufibus facite sentiet, qui meminerit quantum interest inter puerum patri blandientem & machinam manu artificis circumactam. Tales servos suos, ut ait S. Augustinus, meliores esse Deus iudicavit, si ei serviant liberaliter: quod nullo modo fieri posset, si non voluntate, sed necessitate servirent: & alibi pereunãtanti Evodio cur dedisset Deus liberum arbitrium, quod si non accepisset homo, non peccasset, respondet: *satis cause est cur dari debuerit, quoniam sine illa libertate homo recte non potest vivere, & pœna injusta esset & premium, si homo voluntatem non haberet liberam: debuit autem & in supplicio & in premio esse iustitia, quoniam hoc unum est bonorum, quæ sunt a Deo. De lib. arb. l. 1. c. 1.* Quia 3. sublatis creaturis liberis non adeo in administratione rerum eluce-
rent divinæ perfectiones. Nam in gu-

bernatione rerum carentium libertate magis elucere videtur potentia, quam sapientia: hæc multo magis enitet, cum tot agentibus liberis a dominio suo quodammodo manumissis & suspensio potentiæ exercitio, sola providentia fines assequitur, efficitque ut tot discordes voluntates in bonum universi conspirent. Præterea in hac administratione morali clucent sanctitas, iustitia, cæteraque omnia his connexa attributa; quorum in fatali rerum omnium & ferrea concatenatione nullum indicium esse potest.

Respectu etiam creaturæ, Quia 1. sublata libertate, cæteræ præclarissimæ mentis nostræ dotes tollerentur: verbi gratia, si intellectum seu vim cogitandi haberemus sine libertate, vel nobis esset de eadem re perpetua cogitatio, vel series cogitationum necessarium perpetuo sese obtrudendum: in quo statu certe nullus relinquitur rationi locus, nec consequenter illis deliciis, quas ex liberis inquisitionibus, ex inventis, ex inceptis, ex vitæ nostræ rationibus institutis, ex oratione & colloocatione hominum, &c. accipimus. Quia 2. careremus etiam illis voluptatibus interioribus, & magis exquisitis, & magis permanentibus, quæ virtutis præmia sunt: quæ manifeste habent fundamentum in libertate & sunt grati sensus recti exercitii nostrarum facultatum. Quia 3. Sublata libertate, careremus illa omni felicitate, quam pariunt ipsæ electiones liberæ circa res etiam indifferentes; quæ certe in vita maxima est: nam si quis seipsum tentare velit, inveniet illam vim esse libertatis, ut grata nobis efficiat omnia quæ eligimus; etiamsi ante electionem essent maxime indifferentia, immo etiamsi vera mala sint physica & habeant dolorem adjunctum. Sic illius ope supra fortunam tollimur & rebus adversis impetiti solatium intra nos ipsos quærere possumus; novaque nobis proponere studia, quæ oblectamento suo necessaria in præsentis statu ærumnas multum lenient.

2. Deus in sua potentia media habet effi-

efficacissima, quibus, prout vult, flectere possit voluntates liberas hominum. At illis uti necesse non fuit, de qua re ingeniole disputat S. Augulinus de lib. arb. l. 3. cap. 12. Naturas igitur omnes Deus fecit, non solum in virtute atque iustitia permansuras, sed etiam peccaturas: non ut peccarent, sed ut essent naturæ universum, sive peccare, sive non peccare voluissent. Si enim rebus deessent animæ, quæ ipsum fastidium ordinis in universa creatura sic obtinevent, ut si peccare voluissent, infirmaretur & labefactaretur universitas, magnum quiddam deesset creaturæ: illud enim deesset, quo remoto stabilitas ærum atque connexio turbaretur: tales sunt optima & sanctæ & sublimes creaturæ celestium & supercelestium potestatum, quibus solus Deus imperat, universus autem mundus subiectus est. Sine istarum officiis iustus atque perfectus esse universitas non potest. Item si deessent, quæ sive peccarent, sive non peccarent, nihil universitatis ordini minueretur, etiam sic plurimum deesset. Animæ sunt enim rationales, & illis superioribus officiis quidem imparas, sed natura pares; quibus adhuc inferiores sunt multi & tamen laudabiles a summo Deo constitutarum rerum gradus. Ibid.

Tertullianus lib. 2. contra Marcionem sic disputat: si enim semel homini permiserat (Deus) arbitrii potestatem & libertatem, & digne permiserat; utique fruendas eas ex ipsa institutionis auctoritate permiserat; fruendas autem quantum in ipso secundum ipsum, id est, secundum Deum... quantum vero in homine secundum motus libertatis ipsius. Quis enim non hoc præstet ei, cui quid semel frui præstat, ut pro animo & arbitrio suo fruatur? Igitur consequens erat, ut Deus concederet a libertate, semel concessa homini, id est, contineret in semetipso & præscientiam & præpotentiam suam, per quas intercessisse potuisset, quominus homo male libertate sua frui aggressus in periculum laberetur. Si enim intercessisset, rescidisset arbitrii libertatem, quam ratione & bonitate permiserat. Denique puta

intercessisse... Nonne exclamaret Marcion? O Dominum futilem, instabilem, infidelem, rescindentem quæ iussit! Cur permiserat liberum arbitrium si intercedit? Cur intercedit, si permisit? Eligit ubi semetipsum erroris notet, in institutione, an in rescissione.

3. Denique non necesse fuit, ut Deus hominem alicui collocaret. Nam primum qui hoc volunt, volunt omnino hominum ordinem non esse: nam creatura rationalis in cælo posita & in alia vitæ conditione diversis esset oronibus ab homine animali terrestri. Audiamus S. Augulinum de lib. arb. l. 3. c. 5. Si te delestes creatura, quæ perseverantissima voluntate non peccat, non est dabitandum, quod eam peccanti recta ratione præponas. Sed sicut eam tu cogitatione præponis, sic eam creator Deus ordinatione præponis. Crede esse talem in superioribus sedibus & in sublimitate colorum. Habet illa sublimis perpetuam beatitudinem suam, in perpetuum fruens creatore suo, quem perpetua tenenda iustitia voluntate promeretur. Habet deinde ordinem suum etiam ipsa peccatrix, amissa in peccatis beatitudine, sed non dimissa recuperanda beatitudinis sæcultate, quæ profecto superat eam, quam peccandi perpetua voluntas tenet. Inter quam & illam priorem permanentem in voluntate iustitiæ, hæc medietatem quamdam demonstrat, quæ penitendi humilitate altitudinem suam recipit. Nam neque ab illa creatura, quam præscribit Deus non solum peccaturam, sed etiam in peccandi voluntate mansuram, abstinent largiatur bonitatis suæ, ut non eam conderet: sicut enim melior est vel aberrans equus, quam lapis, propterea non agerrans, quia proprio motu & sensu careat; ita est excellentior creatura, quæ libera voluntate peccat, quam quæ propterea non peccat, quia non habet liberam voluntatem... propterea jam non te moveat, quod vituperantur animæ peccatrices, ut dicat in corde tuo melius fuisset, si non essent. In sui enim comparatione vituperantur, dum cogitantur quales essent, si peccare noluissent.

Ex his omnibus patet solutio huic objectioni quam proponit Cotta apud Cicéronem, l. 3. de nat. Deor. *Si medicus, inquit, sciat eum agrotum, qui iussus sit vinum sumere, meracius sumptum statimque perituum, magna sit in culpa: sic vestra ista providentia reprehendenda, quæ rationem dederit iis, quos sciverit ea perverse & improbe usuros*: Manifesta est illius comparationis vanitas. Potest enim æger sine vino vivere, immo & convalescere. At homo sine ratione esse non potest. Nec minus distant peccare & perire. Verum est quod nemo vinum sumere agrotum voluerit, quo perituum sciverit; quilibet tamen prudens medicus ægro cibum sumere permittit, sine quo certo perituum novit; etiam si febrim eo sumpto auctum iri præviderit. Sic Deus rationem hominibus, sine qua homines non essent, dedit, etiam si quædam inde mala oritura prævideret. Deberet ergo ratio comparari cum vita, mala moralia cum morbo: proindeque si Deus rationem auferret, ne homines male illa uterentur, similis esset ejus, qui occideret filium, ne agrotaret. At, inquit, bonitatis pars esset in patre occidere potius filium, quam permittere ut insanabiliter decumbat. Si hoc sit patris officium, non est provisoris generalis, ad cuius providentiam, ait S. Thomas, pertinet & boni productio & permissio mali, ut non impediatur bonum universi perfectum.

Eadem vanitas est omnium exemplorum seu olim a Manichæis & Epicureis seu nuper a Baylio allatorum: hic vero in similitudine matris familias præferitur delectatur, quæ cum certa sit filiam suam pudicitie jacturam facturam esse, si certis illam perditorum hominum circulis & ludis interesse sinat, tamen permittit, ne filix libertatem tollere videatur: hanc vero matrem cum omnes facile concedant imprudentem & in filiam revera sub benignitatis specie sævam esse, ejusdem plane imprudentiæ & sævitix Deum arguendum esse pro-

nuntiat. Sed hæc comparatio ob multiplicem causam distat a præsentis questione. 1. Quia præsentia filix circulis res necessaria non est: mater impedire potest ne illa intersit sine ejus interitu: sed libertas contrarietatis pertinet ad statum hominis. Quærendum est igitur an matrem bonitas excitare debeat ad filiam occidendam, ne pudicitie adeat periculum. 2. Quia mater malo filix nullum remedium asserere novit; nec ex illo, vel sibi, vel filix, vel familiæ, vel patriæ utilitatem aliquam arripere potest. Deus vero efficere potest & revera efficit, ut peccator sibi prosit ad manifestationem suorum attributorum; ut peccatori nisi volenti non obstitit etiam prosit; cum per salutare pœnas non tantum ad primam, sed majorem perfectionem & felicitatem illum si velit perducat; ut toti civitati utile sit cum paucorum infortunium exemplo aliis esse possit quo in officio continentur.

Ex iisdem principiis solvitur illa adeo nota obiectio Epicuri, quam Lactantius proponit his verbis. *Deus aut vult tollere mala & non potest; aut potest & non vult; aut neque vult, neque potest. Si vult & non potest, imbecillius est, quod in Deum non cadit. Si potest & non vult, invidus, quod æque alienum a Deo. Si neque vult neque potest, & invidus & imbecillius, ideoque neque Deus. Si vult & potest, quod solum Deo convenit; unde sunt mala? aut cur non tollis? Ex quatuor illis membris sumebant olim Manichæi & Stoici primum: illi fingebant propter vim & potentiam mali principii Deum bonum non posse efficere quod velit. Hi vero voluntatem divinam frustratam dicebant, incorrigibili natura materiæ aut animæ maleficæ insitæ in materia. Alii secundum eligunt propter diversas rationes: Deus, inquit Lactantius, potest quicquid velit, & imbecillitas vel invidia in Deo nulla est: potest igitur mala tollere; sed non vult: nec ideo tamen invidus est: idcirco enim non tollit; quia sapientiam su-*

mau

mul tribuit, & plus est boni & jucunditatis in sapientia, quam in malis molestia: sapientia enim facit, ut etiam Deum cognoscamus & per eam cognitionem immortalitatem assequamur, quod est summum bonum. Itaque nisi prius malum agnovimus, nec poterimus agnoscere bonum: sed hoc non vidit Epicurus, nec alius, si tollantur mala solli pariter sapientiam, nec ulla in homine remanere virtutis vestigia, cujus ratio in sustinenda & superanda malorum acerbitate consistit. Igitur propter exiguum compendium sublatorum malorum, maximo & vero & proprio nobis bono careremus. Leibnitzius quoque dicendum existimat Deum mala tollere potuisse, sed noluisse propter hanc optimam rationem, quod simul bona sustulisset, & plus boni quam mali. Clericus & alii multo melius respondent & huic responsioni inhaerendum est, Deum potuisse mala tollere, sed non voluisse: quia Deus in dividendis donis suis creaturis nullam aliam legem habet praeter arbitrium, ut supra diximus ubi de malo imperfectionis. Si ad aliquod procreandum teneretur bonitas infinita, teneretur ad perfectissimum, sed perfectissimum repugnat. Necessitas ergo est, ut bonitas quamvis infinita in aliquo gradu finito perfectionis & felicitatis consistat. Sed utne gradus ullus finitus, cui Deus adstrictus sit? manifeste nullus est. Ergo bonitas quamvis infinita in quocumque gradu perfectionis & felicitatis potest consistere. Ergo in eo qui est proprius hominum in praesenti conditione.

OBJECTIO QUINTA.

Ex inaequali distributione praemiorum & poenarum.

Iusta rerum administratio postulat ut praemia & poenae dividantur pro meritis. Atqui in administratione divina boni & meritis saepe concipiuntur; dum impiis afflat fortuna.

Unde Ovidius:

Cum rapiant mala fata bonos, ignorete fasso

Sollicitos nullos esse putare Deos.

Notus est etiam elegantissimus Claudiani locus in Ruff. l. 1.

Saepe mihi dubiam traxit sententiam mentem,

Curarent superi terras, an nullus inesset

Rector, & incerto fluerent mortalia casu.

Nam, cum dispositi quassissem foedera mundi,

Prascriptosque mari fines, annique meatus,

Et lucis noctisque vices, tunc omnia rebar

Consilio firmata Dei, qui lege moveri

Sidera, qui fruges diverso tempore nasci

Sed cum res hominum tanta caligine volvi

Adspicerem, lasosque diu florere nacentes,

Vexarique pios, rursus labefacta cadebat

Religio, causaeque viam non sponte sequebar

Aiterius, vacuo quae currere semina motu

Affirmat, magnumque novas per inane figuras

Fortuna, non arte, regi, qua numina sensu

Ambiguo, vel nulla putat, vel nescia veri.

Respondeo, distingo majorem: Iusta administratio postulat, ut praemia & poenae dividantur pro meritis in statu finalis, concedo: in statu probationis & militiae, qui via est ad alium statum, nego. Esse quidem inaequalem distributionem praemiorum & poenarum facile concedimus: nonnisi sero Dei vindicta assequitur malos, quandoque in hac vita nullatenus; boni & contrario propter ipsam suam virtutem malis multis opprimuntur. Sed haec forma regiminis cum Dei iustitia optime consistit, ob duplicem hanc praecipue rationem.

Primo. Quod Deus utpote omnium su-

supremus Dominus pro suo beneplacito possit differre malorum supplicium & bonorum præmia, si id ad bonum aliquod consequendum possit intervenire. Hoc jus ipsis regibus & magistratibus nostris non negamus; si e re reipublicæ sit differre malefactoris supplicium vel bonæ actionis remunerationem, hoc regi licitum esse nemo negabit. Ad absolvendam ergo Dei justitiam moderatricem mundi sufficit, quod aliquando malos capiet suæ improbitatis poenitentia & boni invenient præmia virtutis; venietque tempus quando bonos non poenitebit dilati præmii, nec mali poterunt gloriam de dilato supplicio; quando Deus ipsis moræ & dilationis in puniendo & remunerando habebit rationem.

Secundo. Præsens mundi conditio postulat hanc inæqualem distributionem: nam primum hominum conditio est status probationis & militiæ, in quo ad exercitationem virtutis oportet bonos viros molestias multas perferre: oportet etiam malos uti prospera fortuna: ut probetur bonorum constantia, quandoque ad ulciscendam improborum hominum impietatem; ut iidem sint illustra exempla in insausto exitu divinæ ultionis. Deinde vero divina justitia rerum humanarum moderatrix talis esse non debet, quæ omnia statim destruat; sed quæ potius mundum conservet in conditione qua potest optima. Jam vero si Deus sederet in tribunali ad ferendam ultimam sententiam, iudiciumque æquum diceret in hac vita, in omni ætate destrueret maximam partem generis humani: & quid simile experiremur istius calamitatis quæ in diluvio contigit, si hic habitare nullis liceret nisi bonis. Cum igitur Deus velit servare mundum, necesse est ut malos vivere patiatur & id solummodo agat, ut legibus suis & iudiciis quandoque severioribus coerceat hominum perversitatem. Denique manifestum est juxta cursum rerum ordinatum sine perpetuis miraculis exerceri non posse illam strictissimam justitiam: conditionem quoque ge-

neris humani illam non ferre; ita quippe vinculis amicitiae, sanguinis & commodorum colligantur inter se homines, ut mali acerba pati non possint, quia in partem infortunii veniant etiam boni. Quæ esset, v. g. pats liquetæ voluptatis in parentis optimi vita, qui sibi divino iudicio ereptos charissimos liberos lugeret?

ARTICULUS TERTIUS.

De motivo, finibus, perfectione & methodo Dei providentiæ.

QUESTIO PRIMA.

Quo motivo Deus excitatus fuerit ad creandum? & quem finem in agendo spectaverit?

CONSULUNT sæpius Theologi & Philosophi *motivum* divinarum operationum: ad extra cum earumdem *fine*: & ex duabus illis questionibus, quas titulus exhibet, unam valde æquivoce effecere: ex quo evenisse videtur, ut etsi reapse sint concordēs, tamen in variis discesserint opiniones. v. g. Quidam, inter quos *Estius* est, negant dici posse Deum aliquem finem sibi proposuisse in condendo mundo; quia, inquit, Deus perfectissimus est & nullius indigens; & sicut efficientem causam non habet, ita nec finalem. Hæc opinio seu potius forma loquendi valde dissone est, nec satis abhorret ab Atheorum sermone, qui omnia propter nullum finem temeraria ac inconsulta actione æntis æterni & necessarij constituta pronuntiant. Quid est agentem carere fine, nisi agere temere & inconsulto? tamen manifestum est hos Theologos non nisi verbis ab aliis differre, quia per finem intelligunt, non finem operis, sed motivum quo Deus inclinatus est ad operandum: fatentur etenim rerum a Deo creatarum esse aliquem finem, gloriam videlicet Dei: fatentur etiam inter res creatas aliquas esse, quæ conditæ sunt propter alias, v. g. solem ad illustrandos lumine suo planetas.

Nos

Nos ergo adhibita distinctione statuemus cum *Eslio* Deo nullum fuisse motivum naturale agendi ad extra; deinde vero cum aliis, Deum libera voluntate ad agendum determinatum sibi proposuisse finem v.g. gloriam suam & creaturarum bonum.

PROPOSITIO PRIMA.

Nec gloria Deo ex universitate rerum redundatura, ut quidam putant, nec bonitas creaturarum, nec inclinatio aliqua benevolentis erga creaturas, aut aliud quodvis motivum, Deum impulit ad agendum ad extra: sed Deus seipsum libere determinavit, & volendo creaturarum existentiam eas fecit & bonas & gratas sibi.

PROBATIO.

1. **G**loria ex universitate redundatura non potest dici motivum, quo Deus ad agendum determinatus fuit. Nam gloria hæc est res externa & adventitia. Atqui Deus a re externa ad agendum moveri nequit: qui enim determinatur ab extra, pendet ab ea re a qua determinatur, passive se habet, agitur, non agit. Quæ omnia de Deo affirmari nequeunt.

Deinde vero ens sibi sufficiens, nullaque re indigens nihil diversum a se appetit; cum ipsa alicujus rei appetitio indigentiam significet. Et propterea talis erit indifferens esse debet, cujuscumque rei finitæ & externæ existentia. Sed gloria ex universitate redundatura res est finita & externa.

Denique si esset in Deo aliqua gloriæ appetitio independenter a libera voluntatis determinatione, esset illa appetitio naturalis, & ideo æterna & necessaria, & consequenter ab æterno excitatus fuisset Deus ista appetitione ad creandum, quod tamen omnes negant. Ergo.

2. Deus dici non potest excitatus ad creandum creaturarum bonitate. Nam primum ante liberam Dei electionem crea-

turarum bonitas nulla est. Num bonitas absoluta seu realis perfectio aliqua? Sed rei non existentis nulla bonitas est absoluta, nulla realis perfectio. Num bonitas relativa? Sed hæc sine existentia concipi nequit: & relative ad Deum infinitum nihil extra se, natura sua & independenter a voluntate divina, bonum & conveniens esse potest.

Deinde si Deus bonitate externa creaturarum inclinaretur ad operandum, omnes indiscriminatim creaturas possibiles produxisset: nulla est ratio, cur creaturas aliquas discriminaverit, cum omnes æqualiter habeant illam objectivam bonitatem, qua Deus inclinatus supponitur.

Denique cum bonitas creaturarum sit respectu Dei res externa, huc referri possunt omnes modo allatæ rationes, quibus effecimus gloriæ externam non fuisse divinarum operationum motivum.

3. Propter easdem rationes nulla concipitur in Deo ante liberam voluntatis determinationem *benevolentis inclinatio* erga creaturas seu naturalis appetitio.

4. Restat ergo quod divina voluntas libere sese determinaverit ad operandum ad extra. Nam nulla causa distincta a voluntate fingi potest, & cum nullam habeant creaturæ, dum sunt possibiles, bonitatem, nec absolutam, nec relativam, necesse est divino fiant bonæ decreto. Atque revera existentia perfectio est absoluta & categorica in fundamentum; earundem conformitas cum divina voluntate, ceterisq; eius attributis, bonitas etiam relativa est, quam utramque creatione acquirunt. Tandem Deus volendo concipitur eas sibi gratas facere & in se quamdam earum voluntatum appetitionem excitare: dum enim erant tantummodo possibiles, nullamque haberent bonitatem nec absolutam, nec relativam, gratæ ipsi proprie esse non potuerunt: sed cum volendo ipsis existentiam destinaverit, propter bonitatem tum absolutam, tum relativam diliguntur. (a).

Obji-

(a) Qui querit, quare Deus voluerit mundum facere, causam querit volun-

Obijcies. Si ab effectis suæ omnipotentiae & decretis suæ voluntatis nihil gloriæ, Deus expectaverit, quo excitaretur ad res creandas; cur creavit? cur non otiosus mandavit?

Respondeo non plus asserere Deo molestiam voluntatem creandi, quam otium; proinde ad velle & non velle prorsus indifferens Deus fuit. Tam igitur queri potest cur non creaverit, quam cur creaverit: atque propter hanc indifferenciam summè liber intelligitur, utpote qui nullo modo natura inclinatus, potest agere vel non agere.

Obijcies 2. Nullo modo intelligitur, quomodo ens aliquod possit sese ad agendum determinare nulla causa, nulla ratione inclinatum.

Distingo antecedens. Non concipimus modum, quo ens aliquod seipsum determinat ad agendum, seu vim illam sui determinatricem, concedo. Non concipimus rem ita esse, nego. Fatemur quidem nos nullam habere ideam claræ potentiae seu vis sui motricis & activæ, nec modum quo sese exerit intelligere: sed esse entia prædita tali vi certo scimus: quia certo novimus progressum infinitum in causis esse non posse, & consequenter sistendum esse in aliqua causa, quæ vim habeat sese determinandi. Quam multa sunt huiusmodi quæ negare non possumus; etsi quomodo sint non intelligamus: scimus lucem a sole derivatam nervorum pulsatione sensationes luminis & colorum excitare; scimus membra nostra cogitatione vel desiderio moveri: at quomodo id fiat nul-

lo modo concipimus. Fortasse si quis penitus rem hanc expendere velit, inveniet nos non clarius apprehendere, qui aliquid ab alio moveatur, vel quomodo modo afficiatur, quam qui seipsum moveat & afficiat: saltem multo difficilius intelligitur quomodo motus vel cogitatio esse potest sine principio, quam quomodo ab agente incipiat. Fallunt nos in hac parte entia corporæ inter quæ versamur, quæ exempla nobis passionis exhibent, actionis vero nulla: ac si nulla essent corpora & cum mente nostra, ejusque interioribus facultatibus conversaremur; nescio an non obscurior esset cogitatio passionis, quam actionis. Hoc certum est nullam esse posse passionem sine actione & multo obscuriorem esse cogitationem, quomodo volitiones mentis sint natæ ex impressionibus extrinsecus acceptis; quam quod sint naturæ cujusdam per se activæ operationes.

Ab hujus questionis solutione pendet etiam illa omnium aliarum similium. *Cur Deus citius non creaverit? Cur præcise in hac spatii infiniti (si quod sit) parte creaverit? Cur plura entia non produxerit? Vel cur alias dates creaturis non addiderit?* Responsio generalis hæc est: quia noluit.

PROPOSITIO SECUNDA.

DIVINARUM ad extra operationum finis est vel gloria Dei (a); vel bonitas divina creaturis communicanda (b); vel divinorum attributorum exercitatio, vel Dei perfectionum in creaturis expressio (c).

Hæc

tatis Dei. Sed omnis causa efficiens est; omne autem efficiens majus est, quam id quod efficitur. Nihil autem majus est voluntate Dei. Non ergo ejus causa querenda est. *S. Aug. l. de civ. Dei 28.* Deus vult hoc esse propter hoc, sed non propter hoc vult. *S. Tom. part. prim. q. 19.*

(a) Univerſa propter ſemetipſum operatus eſt Deus, *prov. 16.* in laudem gloriæ ſuæ. *S. Paulus.*

(b) Bonitate Deus præſtabat, bonus invidet nemini. Itaque omnia ſui ſimilia generavit. *Plato in Timæo.* Hæc juſtiſſima mundi condendi cauſa fuit, ut a Deo bono bona opera fierent. *S. Aug. l. 11. conf. c. 21.*

(c) Satis liquet quod intuitu primariæ & univerſalis rationis hominem Deus creaverit ob ſeipſum, ſuamque & bonitatem & ſapientiam, quam facile in omnibus perſpicias, *Athenagoras de reſurrectione, c. 11.*

Hæ omnes formæ loquendi probantur a gravissimis authoribus, tum veteribus, tum recentioribus; & revera eodem omnes redeunt. Nam expressio Dei perfectionum ad extra, est ipsa exercitatio suorum attributorum; voluntas vero exercendi sua attributa & communicandi suas perfectiones, quid aliud est quam divina bonitas? Et denique gloria Dei, in qua re potest consistere, quam in dicta attributorum suorum exercitatione vel suarum perfectionum in creaturis expressione, atque illa complacentia quæ hinc in Deo enascitur? Sic certe mentem suam explicavit Mallebranca, quem calumniantur Baylius & alii bene multi, dum stupidam & ridiculam illi tribuunt opinionem, quod Deus egerit ex vana gloria, ad aucupandam famam & exultationem hominum; quam sententiam e contrario confutat in disputationibus metaphysicis. *Entret. metaph. p. 349.*

QUESTIO SECUNDA.

An providentia divina systema dici possit perfectissimum.

Veteres omnes Philosophi Platonici, Stoici, & alii asseruisse videntur mundum hunc cum omnibus suis imperfectionibus atque malis esse tamen perfectissimum; eorum omnium mentem expressit *Balbus Stoicus* apud *Ciceronem*, l. 2. de nat. Deor. his verbis. *Ex iis naturis, quæ erant, quod effici potuit*
Tom. I.

(*) Post hæc quorundam refellit insaniam (*Plotinus*) qui quasdam mundi particulas reprehendere conabantur, sic loquens: totum enim quoddam fecit, omni ex parte pulchrum & sibi sufficiens, amicum sibi suisque partibus, tum principalioribus tum minoribus, tamquam ipsi magis congruentibus. Qui ergo a partibus totum accusat, hujus suæ accusationis causa insulsissimus est. Nam & partes considerare oportet ratione totius, utrum sint illi consonæ ac conformes: & qui totum considerat, non ad minutiores quasdam partes respicere debet. Hoc enim non sit mundum reprehendentis, sed quædam illorum seorsum capientis, ut si quis ex toto animali crinem inspicere, imosque pedum ungues, totum hominem, prope divinam visionem, non curet inspicere... Quando igitur quod factum est, univ ersus est mundus; qui hunc contemplantur, dicentem fortasse audiet: *Deus me fecit, & ego inde sum factus ex animalibus cunctis perfectus meipso potens, mihiq; sufficiens & rei nullius indigens: quoniam in me sunt omnia, & planta, & animalia & generum omnium natura.* Serm. 6. Therap.

optimum, effectum est. Deceat ergo aliquis potuisse melius. Sed nemo unquam docet: & si quis corrigere aliquid volet, aut deterius faciat, aut id quod fieri non potuit desiderabit.

Quidam etiam Ecclesiæ Patres, qui Platonis philosophiæ additi fuerunt, docuerunt mundum hunc perfectum esse: non eo quidem sensu, quod Deus perfectiorem creare non possit; sed quod partes respectu totius sic aptæ sint, ut melius esse non potuerint. *Theodoretus* qui majorem operam quam alius, quicquam posuit in illustranda & defendenda Dei providentia expresse probat *Platonis* doctrinam (*).

Cum *Baylius* in Dictionario suo historico critico multa adversus providentiam Dei ex consideratione mali physici & moralis disputasset: hoc sibi negotii dari crediderunt præclarissimi Philosophi recentiores, ut religionem adversus illius hominis objectiones vindicarent; neque aliam tutiorem viam ingredi posse se multi putaverunt, quam si absolute pronuntiarent mundum hunc cum omnibus malis suis physicis & moralibus esse tamen perfectissimum, neque Deo licuisse condere perfectiorem: proindeque aut Deo fuisse temperandum a creatione, aut mundum huic, uti nunc est, condendum fuisse. Sed inter hos magna extitit contentio, unde repetenda sit operis divini perfectio: alii cum *Leibnitio* mundum hunc ratione perfectionis suæ absolutæ & indepen-

X

den-

denier a viis simplicioribus, ordinem esse inter omnes possibiles profus optimum arbitrantur, neque posse tolli malum quin simul tollatur & bonum. At Mallebranchius ordinis hujus perfectionem summam ex duplici fonte repetit: nempe primum a viis generalioribus & simplicioribus, quibus in condendo mundo Deum usum esse asserit: magis dignum fuisse Deo illum mundum præ cæteris omnibus eligere, qui via simpliciori creari, conservari ac gubernari poterat; etsi magis abundaret vitiis, quæ ex ipsa legum simplicitate procederent. Secundo ab incarnatione Verbi Divini, quæ mundum ad eum extulit dignitatis & perfectionis gradum, ut dignus esset in quo condendo & administrando Deus occuparetur. Clarissimus Dubliniensis Archiepiscopus in ingenioso opere *de origine mali* abutroque in multis discessit, summam systematis mundani perfectionem repetit ex convenientia ejus cum voluntate divina, & ex eo quod nulla pars mutari possit nisi in deterius; quod sic conficit: si aliqua pars mundi melior effici possit relative ad totum, id triplici tantum ratione fiet, vel augendo numerum individuorum in aliqua parte existentium; vel majorem inducendo specierum varietatem; vel intendendo sensus & appetitus amantantium. Atqui qui harum mutationum consequentias in hac tellure nostra perpendere velit, inveniet plus incommodi ex illis esse oriturum, quam commodi: & per analogiam idem de cæteris omnibus partibus concludet. Non negat tamen hic author quin Deus infinitos alios mundos eodem sensu perfectissimos creare poterit.

Cum tota hæc questio metaphysica sit & nostrum intellectum superet, quid nos de illa sentiamus brevissime aperiemus.

Dico primo, mundum hunc esse perfectissimum ratione illius finis, quem Deus sibi proposuit; saltem asseri non debere alium perfectiorem esse possibilem. Nam hic finis est gloriæ Dei, &

perfectionis ejus manifestatio. Dico quoque esse perfectissimum ratione *mediorum* ad hunc finem. Nam juxta nostrum concipiendi modum sapientia posita est in electione mediorum aptissimorum ad fines suos consequendos; isque stulte agere censetur, qui relictis mediis magis idoneis, iis utitur, quæ sunt minus idonea: v. g. si quis ad solertiz suæ specimen, machinam, cum magno sumptu, valde compositam faceret, ad obtinendum finem, quem assequi potuisset simplici rota & sine sumptu; rideremus certe illius artificis imperitiam: sic haud scio an non jure desideremus in opere Dei sapientiam, si finem suum quaereret per media minus apta.

2. Etsi Deus necessitate morali teneretur ad prosequendum finem optimum, nempe gloriam suam; & ad assumenda media ad illum finem aptissima: tamen cum ille finis, qui *specie* est in divina actione necessarius; *gradu*, ut ita loquar, sit arbitrarius, quippe Deus teneretur ad manifestationem suorum attributorum, sed non ad infinitam manifestationem, quæ est impossibilis. Si ad finem tantum, quandoquidem in finito innumeri gradus sint & nullus summus exisset, solum Dei arbitrium, in quo gradu & qua mensura manifestaret sua attributa, determinare potuit. Sicque ex finium possibili multiplicitate & varietate intelligimus multos mundos possibiles esse, eoque omnes revera perfectissimos, hoc sensu quod in omnibus Dei gloria obtineatur per media optima.

3. Dico a posteriori, confutari non posse veteres & recentiores Philosophos, qui asserunt mundum hunc esse absolute perfectissimum; si per mundum intelligas ordinem infinitum & æternum rerum omnium præteritarum & futurarum, quæ ab æterno fuit, est, & erit divinæ complacentiæ obiectum. Quia dicere possunt hujus immensi ordinis nullos limites esse, Deum novas res cum indefinita varietate semper producere & totum systema, saltem rerum spiritualium, perpetuo in statum progredi perfectiorem,

& ire

& ire de virtute in virtutem. Si talis esset rerum constitutio, intelligitur nullo datum perfectionis actualis & fixæ statum, cum illa esse comparandum, id est, esse omnino perfectissimum: tum respectu Dei, cujus gloriæ in hac hypothese indefinita est manifestatio: tum respectu creaturæ, quia nulla est rationis compos quæ non satius duceret in hac depressa mortalis conditionis sorte exordiorum existentie capere, si per omnes temporum periodos nova intelligentiæ & lætitiæ incrementa capere deberet, quam nasci in quocumque dato gradu perfectionis stabilis & nullius capacis incrementi. Juxta hanc ideam universitas rerum si in aliqua ætate infinitæ suæ durationis spectetur, vel si per partes consideretur, non erit perfectissima absolute, cum pars non possit habere perfectionem totius, & concipiatur totam constitutionem perfectionibus novis perpetuo amplificari: sed si consideretur cum omnibus suis partibus, & omnibus suis evolutionibus, uti mundi idea existit in mente divina, erit perfectissima, tum ratione gloriæ Dei, cujus est æterna, immensa & infinita explicatio, tum ratione bonitatis seu perfectionis communicandæ creaturis. Erunt quoque partes perfectissimæ relative ad totum ordinem, quia quamvis non habeant in se summam perfectionem sunt tamen partes systematis optimi, cujus indefinita perfectio est.

Verum, quamvis Deus sensu exposito systema perfectissimum condere voluerit & indefinitam gloriæ suæ manifestationem sibi proposuerit, tamen initium systematis hujus perfectissimi ab aliquo gradu finito perfectionis sumendum fuit; ibique erat locus arbitrio. Quapropter calculus omnibus subductis videtur ad hærendum esse huic principio, quod si Deus liber fuerit ad creandum, liber etiam fuit circa majorem vel minorem operis sui perfectionem: si non omnino manifestare attributa sua potuit, nullam creaturis tribuere perfectionem & ex solo arbitrio id fecerit: certè arbitrium solum agere potest limites, intra quos in exer-

citio suorum attributorum & bonorum distributione se se contineat.

Q U Æ S T I O T E R T I A .

An Divina Providentia legibus generalibus procedat, sintque illæ leges propriæ mechanicae?

Si animus esset, omnia, quæ ad hanc questionem pertinent, referre, & Philosophorum veterum atque recentiorum opiniones varias & discordes expendere, & diligentius confutare; nacli sumus hic locum ad dicendum amplissimum; sed cum operis hujus ratio sit, non curiose res reconditas investigare, sed religionis principia exponere & defendere, non nisi leviter hanc partem attingemus.

Quæri potest primo, an universa natura, & singulæ ejus partes legibus fixis & ratis procedat, evolvatur & gubernetur; an non voluntatibus, ut ajunt, particularibus Deus sine aliquo certo tenore cuncta immediate producat?

Respondeo nullum dubium esse debere, quin Deus agat juxta leges generales. 1. Quia nisi cuncta sic procederent, nullo modo esse possent in creaturis prudentia, seu consilium, nullæ scientiæ & artes, nulla industria, nulla certa ratio instituendæ vitæ, nulla stabilis methodus vel corporum curandorum, vel animorum perficiendorum: quæ omnia manifestissime pendunt ex constantia legum, qua fiat, ut calculos inire possimus, futura prospicere, certos effectus & consequentias ex certis actionibus expectare, facilliquè totum vitæ cursum instituire.

2. Quia experientia compertum habemus vera generalia omnem naturæ sic per leges generales procedere: verbi gr. in orbe corporeo ubique & semper obtinent eadem leges gravitatis, cohesionis, elasticitatis, percussionis, &c. in mundo corporeo spirituali eadem sunt leges in omnibus hominibus, quibus animi cum corporibus conjunguntur: inditi sunt omnium mentibus iidem sen-

fus, eadem propensiones, eadem vivendi præcepta. Ex his cognitis naturæ partibus, earumque legibus, per analogiam rectè concludimus, partes alias abditas magis & quarum administrationis ratio obscurior est, legibus quoque ratis & fixis gubernari.

3. Idem colligitur etiam a priori: quia illa ratio administrationis sine dubio obtinet, in qua magis elucet divinæ perfectiones, scientia, consilium & potentia; id est, quæ Deo omni ex parte dignior est. Sed majorem habet notam sapientiæ & potentæ cuncta unico intuitu ab origine rerum prospicere & perpetuo tenore ex legibus generalibus evolovere, quam minutatim & per partes novarum legum institutione producere.

Quæritur 2. quibus legibus natura tota ejusque partes gubernentur?

Respondeo magnam esse Philosophorum in hac re dissensionem.

1. Fuit olim communis valde & pervagata opinio, affectionem seu tactum siderum, causam esse omnium eventuum sublunarium; etiam actionum humanarum. Hujus opinionis defensores dicere solebant, coelum magnam quoddam volumen esse, in quo Deus mundi historiam & cujusque fortunæ descripsit: cæli efficaciam hanc, alii repetebant ex tactu physico astrorum; alii vero sidera non causas physicas, sed morales vel occasionales eventuum faciebant; Deum vero certa lege pro diverso eorum situ, cursuque eventus producere. Vanam & anilem superstitionem hanc, quæ tamen ultimo sæculo in tota Europa vigeat, & apud Orientales adhuc viget, sustulit restauratæ philosophiæ lux. Vide *Barclaii Argem. l. 2.*

2. Stoici olim defendebant cunctas omnino res, eventusque omnes *fato* evenire: per *fatum* vero quam plurimi intelligebant, serream rerum omnium concatenationem seu necessariam & invariabilem causarum inter se aptarum & nexarum seriem ac successionem æternam: cui *fato* Dii ipsi subiecti erant, *eadem necessitas, ait Seneca, & Deus alligat;*

irrevocabilis divina pariter & humana cursus vehit. At multi etiam inter ipsos extiterunt, qui cum *fato* libertatem conciliabant & eadem plane ratione expediabant sese, qua apud nos Thomistæ, ut patet ex hoc loco *Ciceronis* de *fato*, c. 18. *Chrysippus autem cum & necessitatem improbareret, & nihil vellet sine præpositis causis evenire, causarum genera distinguit, ut & necessitatem effugias, & retineat fatum. Causarum enim, inquit, alie sunt perfectæ & principales, alie adjuvantes & proximæ: quamobrem cum dicimus omnia *fato* fieri causis antecedentibus, non hoc intelligi volumus, causis perfectis & principalibus, sed causis adjuvantibus, antecedentibus & proximis, &c.*

Ab hac opinione Stoicorum vix differre videtur sententia recentiorum Philosophorum; inter quos eminet Leibnitzius, qui sublata omni physica necessitate moralem, non minus ineluctabilem ejus loco posuerunt. Prædictus philosophus docet, Deum ad mundum hunc creandum necessitate morali adductum fuisse, neque alium condere potuisse; quia ad optimum quodque semper tenetur. Mundum hunc duplici parte constare corporea & spiritali; utriusque vero hanc esse naturam atque leges. Corpoream vero complexionem esse substantiarum supplicium, quas *monadas* vocat, quibus inest illa ad motum tendentia, eæque vires, ex quibus naturaliter & necessario nascuntur motus omnes, qui mundum hunc aspectabilem efformarunt: mundi vero formati status omnes esse necessitate mechanica connexos & unumquemque subsequentem ex præcedenti necessario consequentem esse. Partem vero mundi spirituales, ut animos hominum, docet totidem etiam *monadas* esse seu substantias simplices, aliis viribus instructas, in quibus naturaliter nascitur series cogitationum, voluntatum & appetituum sibi invicem succedentium & sese continuo producentium sine vi ulla sui determinatrice; quam valde irridet. Has vero *monadas materiales seu*

mo-

moventes, & spirituales seu cogitantes, negat agere in se mutuo aut omnino ex ulla parte a se mutuo dependere; ita tamen hæc monadas spirituales a Deo provido comparatas esse; ut earum cogitationes, appetitiones & voluntates perfecte respondeant motibus certarum materiarum combinationum, quas corpora humana vocamus: quæ propterea a Deo cum iisdem materialibus machinis copulatæ sunt. Eodem momento, verbi gratia, quo monas spiritualis vult ambulare; eodem præcise collectio monadum materialium seu corpus mechanice ambulat. Adeoque animus & corpus in homine relationem secum invicem habent, non per actualem unionem, vel reciprocam actionem seu physicam, seu moralem; sed tantum per constantem correspondentiam motuum corporis cum cogitationibus animi. Hoc systema vocatur, *systema harmoniæ præstabilitæ*: quod certe satis divinam commendat industriam, sed omnem tollit libertatem seu divinam seu humanam; & consequenter morale Dei in homines imperium.

3. Alii philosophi Deo & mentibus creatis relinquentes libertatem, statuunt saltem ordinem totum Physicum mechanici legibus omnino permitti, nec unquam Deum intervenire; duas tantum leges postulant Cartesius & Malebranca; nempe primam *quæ jubeat conservari motum in linea recta*. Secundam quæ præcipiat, *ut quantitas motus communicetur pro quantitate molis corporum impingentium*. Alii plures concedi sibi volunt. Ex his generalibus & ratis legibus derivant mundi formationem & conservationem; quidam, corporum organicorum artificium; quidam illos eventus, qui contra leges naturæ accidere videntur & propterea *miracula* dicuntur: quidam hæc legibus sine particulari interventione Dei remunerari justos, puniri nocentes; hominum devote supplicantium vota perfici; ea denique omnia peragi, quæ Deus factu necessaria judicaret, si *particularibus* uteretur *voluntatibus*. Hujus opinionis commendatio est simplici-

tas & exquisita quam Deo attribuit solertia.

Verum ex materia & motu & ejus legibus mechanicis, nec mundum oriri, nec conservari; nec corpora organica formari; nec ullum naturæ phænomenon explicari, jam ferme omnes philosophi consentiunt: & tota illa philosophia posita fuit a Cartesio in principio falso: videlicet esse semper in mundo eandem motus quantitatem; quem revera interire omnes nunc physici agnoscunt. Igitur inveniendæ sunt vires viæ motus productricis quas materiæ inesse non posse, supra ostendimus: & hæc si materiæ inessent, nisi illas etiam facias intelligentes, prædictorum omnium effectuum causæ esse non possunt. Quis enim ingenio valeat consequi, quomodo vis metrix certa lege eaque invariabili definita attemperare sese possit statui creaturæ liberæ & mutabilis, nunc sævam sese erga peccantem præbere, & statim ex poenitentia mansuescere & vota supplicantium cumulare? potestne, v. g. pestilens vapor hunc corripere, ut dignum morte; alium præterire precantem, & sic in eodem cursu suo cum quadam arbitrii specie dividere vitam & mortem pro meritis, rationem habere sacrificantis & non sacrificantis? nisi tamen mechanicæ vires hæc exequantur, tollit hæc opinio omnem Dei cultum, omnem in divina ope spem, aut iracundiæ divinæ metum. Quod vero attingit illam rationem ex hujus systematis simplicitate & solertiæ caractere, illa sine dubio auctoritatem cuiuscumque systemati affert: sed imprimis considerandum est, quis machinæ finis, quis usus sit? Nam si hi tales sint, ut obtineri nequeant, nisi admoveatur opificis manus, non esset sapientiæ pars manuum non ad-movere, v. g. Horologium, quod singulis diebus indiget manus applicatione, recteque indicat horas, multo præstat alio, cui applicaretur manus singulis mensibus, sed nunquam vel raro recte horas indicaret. Sic quoque si hæc machina mundi destinata fuerit ad bonorum re-

mu.

munerationem & malorum punitionem, ad poenas post poenitentiam removendas & iterum post relapsum renovandas: cum materia harum vicissitudinum, variis animorum statibus correspondentium, nullo modo capax videatur; aut adhibenda manus est, aut optimus finis atque usus machinæ est deferendus. Jam vero abesse a sapientia videtur frustrari optimis finibus & machinæ suæ vobis propter viarum simplicitatem; sed nullo modo defectus in Deo est quod materia capax non sit arbitrii & libertatis.

4. Quidam vero cum varia naturæ phenomena, præsertimque corporum organicorum admirabilem structuram legibus mechanicis explicari nullo modo posse censerent, neque divina majestate dignum putarent omnia minutissima corpora propriis quasi manibus fabricare, statuerunt esse in mundo genitricem quamdam naturam, qua, tanquam instrumento, divina providentia utatur in disponenda ordinandaque materia: illam includi in materia, spiritualem tamen esse & via ac methodo progredi; licet consilio, intelligentia & conscientia careat. Hanc sententiam confirmant ex eo, quod gradatim, tarde ac lente cuncta fiant in rerum natura; & quod varia in ea visæ & errores notentur. Hæc si significare putant causam immediate dirigentem motus materiae, non esse infinita potentia præditam.

At novæ & incomprehensibilis naturæ plasticæ seu ficticis comminiscendæ rationes non sufficientes sunt. Prima ratio petita ex molestia, quam Deo accessit rerum minutarum procreatio, valde vana est, ut supra dictum fuit. Præterea Deus in hac opinione non solvitur omni cura; invigilare quippe debet ne natura genitrix in vitia incurrat graviora; oportet eum corrigere & emendare, quæ quandoque prave operatur natura hæc. Uno verbo docent hujus sententiæ patroni sublimiori quadam providentia regi & gubernari naturam hanc; quia ita constituta est, ut cum judicio & consilio nihil agere possit. 2. ratio ex

tarditate operationum naturalium vana quoque est: nam etsi Deus operaretur immediate, posset sine dubio efficere propter sapientissimas causas, ut naturales operationes tarde conficerentur; neque, quia habet ille infinitam potentiam, ullo modo sequitur teneri eum momentanea actione ad perfectum statum rem quamque adducere: 3. Tandem ratio levis est. Nam si Deus semper videt, quid agat hæc natura, si actiones ejus moderetur; si cavet ne desciscat a norma; si denique corrigit opera ejus; quæ omnia admittuntur a defensoribus hujus sententiæ: certe rerum omnium, quas hæc natura peragit, causa & ratio ad ipsum Deum postremo referenda erit. Inne Dominus, qui servum nunquam ex oculis dimittit, modumque ponit laboribus ejus, reus esse non videbitur vitiis, quibus hic sese astringit?

5. Nos tandem existimamus cum multis gravissimis viris: 1. Nullas esse causas mechanicas seu causas secundas proprie dictas; si per illas intelligas vires aliquas insitas in materia, quia harum omnium virium incapax esse materiam, nec per se legibus parere, jam probavimus: nullas igitur alias causas secundas vel mechanicas esse, quam vim divinam, quæ materiam immediate cietratione constanti & invariabili juxta ratas & fixas leges: solas substantias spirituales vi motrice donari posse aut legibus parere. 2. Putamus illas vires, earumque leges, quas Deus corporum motibus vel spirituum cogitationibus fixit, non leviter vel temere turbari: attamen quia mundus corporeus cum morali conjunctus est, ita ut efficiatur unum systema, & attemperandus sit naturæ corporeæ cursus creaturarum liberarum meritis; solas vires motrices fixas & invariabiles nullo modo sufficere arbitramur propter rationes modo expositas: adeoque Deum vel per se vel per alia agentia libera intervenire, vires illas motrices sæpius dirigere, quandoque suspendere; sed tamen juxta leges æque constantes ac sunt illæ, quibus reguntur vires.

res.

res mechanicæ: quas si sciremus, varii eventus etiam illi qui prodigiosi habentur, non majorem haberent admirabilitatem, quam cursus solis atque astrorum aut suspensio virium mechanicarum, v. g. gravitatis, ex viribus humanis. Nulla alia philosophandi ratione in tuto

consistere religionem existimamus, quæ omnis posita est in divinæ providentiæ nobis semper invigilantis, rationem habentis meritorum & vota recte supplicantium exaudientis, sensu & persuasione.



RELIGIONIS NATURALIS PRINCIPIA.

P A R S S E C U N D A.

ETHICES ELEMENTA.

ETHICA sive *moralis* disciplina a *moribus*, quos dirigit & fingit ad honestatem, nomen accipit. Sunt autem *mores* propensiones quædam in bonum vel malum *morale*, seu in id quod sensu interno *honestum* vel *turpe* iudicamus: quæ propensiones vel nobiscum nate sunt, vel usu ac repetitis actibus comparatæ, quæque proinde actibus humanis, sive bonis sive malis præbent originem. Unde *Ethica* definitur in scholis *scientia practica* seu *prudentia*, quæ circa actus humanos ad honestatis regulas conformandos occupatur: *sicque complectitur omnia vita principia & officia; universam Jurisprudentiam*. Nos vero, qui tertia parte de officiis speciatim & universa Jurisprudentia dicturi sumus, *Ethices* nomen strictius accipimus, vel ejus partem solum attingimus: atque hoc loco naturam & conditionem hominis explicare animus est, duabus sectionibus: in prima dicemus

de natura hominis morali, & conditione, seu quod eodem redit, de actionum humanarum principis internis, finibus seu principis externis, qualitatibus, imputabilitate, æstimatione, &c. ex qua disquisitione constabit homini imputari posse actiones suas ad laudem vel ad culpam, ad præmium vel ad pœnam; & consequenter hominem naturam patientem esse morales imperii, immo conveniens esse ut imperio morali parcat. In secunda differemus de actionum humanarum regulis, & speciatim de legis naturalis in omnes homines diffusionem, autoritate divina & immutabili, ejusdemque sanctione per præmia & pœnas in hac atque futura vita, ex quibus evidens erit hominem revera vivere sub morali Dei imperio. Sicque posita erunt principia, ex quibus derivata fluunt omnia erga Deum, seipsum & alios officia, quæ tertia parte evolvemus.

ETHICES ELEMENTA.

SECTIO PRIMA.

De Actibus humanis.

ACTUS HUMANI, qui legum sunt obiectum & materia officiorum ii dicuntur, qui oriuntur a principis homini propriis, intellectu, voluntate & libertate: seu qui fiunt ab homine cum deliberatione ob finem aliquem: seu qui dæ-

ci possunt moraliter boni vel mali: seu qui imputari possunt ad laudem vel ad vituperium, ad præmium vel ad pœnam: seu qui possunt subijci legibus & de quibus ratio exigi potest. Adeoque actiones puerorum, vel amentium, vel non cogitantium humanæ non sunt, sed in scholis vocantur actiones hominis. At sub actione humana comprehenditur ejus commissio:

missio: non enim quis dicitur agere modo humano & morali solummodo, quando positive, aliquid præstat prædicto modo; verum etiam quando id quod sui erat officii negligit.

Ex prædicta actionis humanæ descriptione patet dicendum esse nobis hoc loco primo de hominis natura & statu, seu principis internis actionum humanarum intellectu. & voluntate, & libertate. 2. De finibus actionum humanarum, qui dicuntur principia externa; & præsertim de *suo ultimo seu summo bono*. 3. De qualitatibus actionum humanarum *bunitate* scilicet & *malitia*. 4. De actionum humanarum *imputabilitate* & earumdem *asimilatione*.

ARTICULUS PRIMUS.

DE NATURE HOMINIS.

Seu

De principis actionum humanarum internis.

Omnis olim Stoicorum Philosophia moralis his duabus sententiis continebatur: NOSCE TEIPSUM, SEQUE-RE NATURAM. Et revera necesse est, ut cuique animanti vitæ dux sit propria natura; neque ullum esse potest officium, quod non proficiatur a commendatione naturæ. Ante omnia igitur oportet unumquemque sese perspicere, totumque tentare, ut intelligat quemadmodum in vitam ornatus venerit, quanta habeat instrumenta ad adipiscendam sapientiam & felicitatem, quam personam imposuerit natura.

Cum unusquisque facultatum atque virium suarum conscientiam habeat, & melius suam naturam meditatione perspicere possit, quam ex aliorum doctrina intelligere, si vellent omnes sese explorare, superfluum foret in naturæ descriptione immorari: sed quoniam plerumque absumt magis homines a seipsis quam a quolibet alia re, ideo ostendendas esse illas quibus constant partes & excitandam animi animadversionem duxerunt Philosophi morales. Eos imitati brevem & nos descriptionem trademus.

Tom. I.

Qui sese tentaverit intelliget 1. in se conjunctas esse, & quadam societate copulatas substantias duas valde dissimiles naturæ, corpus & animum, quarum utraque suas habet vires, sua bona, suaque mala.

Corporis partes cognitionem habent faciliorem, Physicis propriam: nos solummodo obiter hic observabimus, illud ita formatum esse, ut longe aliorum animalium corporibus antecellat: non solum enim sensuum organis, partibusque ad conservationem cujusque individui, & generis, aptissimis instructum est; verum etiam iis solertissime fabricatis, ut mentis imperiis infinitis exequendis commodissime interserviant. Non prætereunda est forma ad dignitatem erecta & contemplationi rerum idonea; membrorum motus facillimi & celetes; tot artium ministræ manus; vultusque ad omnium animi motuum indicia exhibenda flexibilis; quæque ad vocis varietatem & orationis usum in corpore machinata est natura: quæ omnia fusius prosequuntur Anatomici, & nos supra attigimus. At quamvis cæteris animantium corporibus tantis dotibus præstat corpus humanum, est tamen iisdem motus legibus subjectum, quibus parent cætera omnia. Habet cum cæteris corporibus organicis hoc commune, quod ex semine oriundum, nutritione intus suscepta augeatur, & vigeat: est etiam morbis & interitui obnoxium: ideo ad ejus conservationem conquirenda multa sunt, passus quo alatur idoneus, habitatio qua injuriæ tempestatum arceatur, velles quibus ab aeris inclementia protegatur: atque propterea in tutelam datum est animo sagaci & provido, quæ altera pars est hominis, eaque longe præclarior.

Animum vero in partes tres tribuere solemus: *intellectum*, quo rerum percipit differentias, comparat ideas, judicat, argumentatur & conficit: *voluntatem* seu *appetitum*, quo in res intellectas sponte propendit & naturali rapitur inclinatione & *libertatem*, quo nomine intelligimus illam vim sese excitandi agendique, cujus unusquisque con-

Y

scius

scius est. Habet unaquæque facultas suam temperationem, habet & morbos suos; propria sunt unicuique munera, quæ ut appareant pauca de singulis dicenda sunt.

De intellectu.

Intellectus est animus cognoscens seu complexio omnium facultatum, quibus animus res ægnet. Proinde ad illum pertinet vis percipiendi sive per sensus, sive per imaginationem, sive per memoriam: pertinet & vis iudicii; qua animus res comparat, earumque convenienciam vel disconvenienciam perspicit: pertinet vis rationis, quæ per iudiciorum seriem detegit convenienciam rerum primo intuitu non perspectas.

Sensus vero alii sunt *externi*, quibus corpora eorumque qualitates apprehendimus: qui vulgo ad quinque classes revocantur. Horum objecta etiam cum non sunt præsentia sibi mens exhibere potest sub imaginibus corporeis. Quæ facultas dicitur *imaginatio*. Alii sensus *interni* sunt, quorum ope novit animus seipsum & omnia quæ apud se geruntur, ideas & sensationes suas, iudicia, rationes, volitiones, desideria, consilia, &c. Hanc omnem sui & suarum affectionum potitiam conservare valet, quæ facultas dicitur *memoria*. Hi sensus dici possunt *directi & primarii*, atque illas in singulis hominibus sic perfecit natura, ut nulla egeant cultura ad optimam suam conformationem: aut si imperfectos dederit, corrigi nullo modo aut parum possunt. Illos Physicorum considerationi & Metaphysicorum relinquimus.

At præter hos sensus alios experimur, quos *reflexos & subsequentes* dicere liceat, qui ex prioribus enasci solent, & quorum plura genera sunt, quæ hic breviter attingemus, quod contineant moralis disciplinæ fundamenta (*Hutcheson synopsis metaphysicæ & philosophiæ moralis*). Imprimis rei fere cujusvis novitas menti grata est, ex quo sensu nascitur naturalis quidam impetus ad res cognoscendas aut scientiæ cupiditas. Grata item est rei cujusvis perceptæ amplitudo, & plurium rerum uniformitas, ubi simul

cernitur *diversitas & varietas*. Grata est fere omnis *imitatio* sive in operibus æstium, ut fingendi, pingendi & cæclandi, sive in motu & oratione rhythmicæ. In ipso corporis humani statu & motu cernimus aliquid sua sponte & per se gratum, in voce & in gestu, in incessu & in exercitationibus, quibus oblectationis causa utimur. Latissimus etiam sensus comitatur rerum *cognitionem & scientiam*, neque sine jucunditate observantur omnia, quæ *solenter* sive *artificiose* sunt in certos usus fabricata, etiam ubi nullam speramus ex his rebus utilitatem. Sed veniamus ad illos sensus qui circa mores hominum versantur, eosque fingunt & regunt.

Hæc sensibus reflexis annumerandus est ille, qui latine *communis* dicitur & est quædam sympathia, qua ex alterius rebus prosperis gaudium; ex adversis tristitiam colligimus. Mira etiam naturæ nostræ fabrica, plerique aliorum hominum affectus & sensus contagione quadam similes in nobis excitare solet sensus & affectus, etiam ubi nulla suæ conditionis ratio habetur; unde fit ut nemo satis beatus esse possit, ex eo solo quod sibi suppetant omnia ad vitæ copiam & jucunditatem; sed necesse est ut suppetant etiam iis qui sibi chari sunt mira hac naturæ vi efficitur, ut vix ullæ sint voluptates, quæ consortio aliorum non plurimum augeantur, vixque quidquam gratum est vel lætum, vel factum, quod non ex pectore exardescat, ebulliat, atque inter alios prorumpere gessit: neque quidquam homini gravius aut tritius, quam aliorum præcipue imbecientium spectare ærumnas, dolores, moerore, miseriam. Hujus sensus insinuit gradus sunt pro majori vel minori cum aliis propinquitate, vel amicitia, vel familiaritate: atque illo omnes omnino copulantur aliquatenus & sibi invicem conciliantur.

Verum horum sensuum reflexorum præcipuus est ille *decori & honesti*, qui quasi pro tribunali sedens exercet iudicium in omnia quæ agunt homines; in omnes

omnis animi & corporis voluptates, in sententias, actiones, vota, consilia, affectus; decernens quid pulchrum, quid deceat, quid honestum, quis in quoque sit modus. Huic sensui omnis fere, quæ cum bellis nobis communes sunt, voluptates viles videantur; quæ vero agendi consilia produnt ingenium sublimius vel benignam indolem; præcipue vero quæ stabilem & constantem voluntatem beneficiendi, & de aliis bene merendi ostendunt, omnium movent animos ipsa eorum honestate; eique cui insunt lætissima sunt & gloriosa, cum eorum revocat memoriam. Innatam esse hanc menti vim, neque propter ullam suam utilitatem aut voluptatem, suas aliorumve actiones comprobari, ex eo constat, quod quisque honestiora sua erga alios censeat officia, quo majori cum periculo suo aut damno fuerint congesta, quoque minus ad nominis sui celebritatem fuerant destinata; quodque aliorum actiones honestas, de quibus legimus & audivimus in sæculis licet prioribus pariter ac præsentibus laudemus: immo virtutem, fidem, patriæ suæ caritatem, nobis damnosam, vel in hoste, comprobemus. Quæ hoc sensu probantur recta dicuntur & *pulchra virtutumque* nomine appellantur: quæ damnantur, *sfæda* dicuntur aut *turpia* aut *vitiosa*.

Huic sensui decori & honesti affinis est suavissimus ille sensus *laudis & honoris*, cum intelligimus consilia nostra & actiones sententiis bonorum hominum comprobari: cui contrarius est molestissimus *vituperii* sensus, si actiones nostræ vel consilia aliorum suffragiis damnantur. Hisce sensibus commoventur etiam illi qui nullam aliam ex hominum comprobatione sperant utilitatem, neque ex censura incommodum: immo de fama superflue solliciti sunt homines jamjam morituri, non minus quam qui vitam sperant diuturnam. Hunc sensum e natura datum esse satis docet ille animi motus naturalis, qui *pudor* aut *verecundia* dicitur, vultus rubore se prodens; quem non virtutis solum verum omnis decentiæ custodem cernimus, humiliorum-

que appetituum vigilem moderatorem.

Cum autem sensuum horum ope quædam venusta, gloriosa, veneranda appareant, alia vilia videantur, & despicienda, sensum alium reflexum cernere licet eorum, quæ *ridicula* sunt aut risum movere idonea; ubi scilicet eadem res simul excitat contrarias has sensationes. Sic quando agitur de hominum consiliis & actionibus, quia in ipso hominis nomine inest dignitas quædam ex prudentia & solertiæ opinione, risum movent errores leviores, qui commiserationem non valent excitare. Aliarum rerum istæ risum movent, quæ simul speciem quamdam præclaram exhibent, una cum specie opposita, scilicet humili & despicienda. Non exiguum habet hic sensus ulum sive ad sermonis voluptatem augendam, sive ad mores hominum emendandos.

Hanc partem naturæ, quæ *moralis* dici potest, non ita perfectit natura, ut sensus externos. Sunt quidem hi sensus reflexi initia quædam & quasi elementa omnium virtutum, quæ si natura non tantum inchoasset, sed confirmavisset in animis, nulla alium ducem desiderarem ad perfectam vitam: sed parva hæc virtutum semina sæpe pravis moribus aut perversis consuetudinibus præfocantur & magistra opinione discimus pretia rebus male imponere. At studio & doctrina hi sensus si sopiti sint, possunt excitari; si parum vividi, confirmari queunt & intendi; cum ita nata sint corpus & mens, ut omnes eorum vires *consuetudine & exercitatione* perficiantur & *habitu* rationem acquirant.

Ex hisce sensibus seu directis seu reflexis acquirit mens omnem suppellectilem ideatum, in quibus comparandis ad earum deprehendendam convenientiam vel disconvenientiam, *judicii*, & *rationis* vis tota posita est: hæc facultas primas intelligentias & doctrinæ semina in sensibus sita evolvit, peperitque omnes scientias; Arithmeticam ex comparatione numerorum; Geometriam ex comparatione figurarum; Physicam ex

comparatione effectuum naturalium cum viribus materiæ & legibus motus; Scientiam vero moralem ex comparatione actionum humanarum, vel cum sensibus naturæ nostræ insitis, vel cum finibus, quos illi sensus naturales prosequendos esse indicant.

Idearum convenientia vel disconvenientia quandoque *immediata* & *intuitiva* visione apprehenditur, ut in primis principiis quæ *axiomata* vocantur & omnem probationem respuunt. Quandoque duarum idearum convenientia, quæ intuitive non perspicitur, mediæ alicujus idæ assumptione cum qua utraque comparatur, detegi potest & demonstrari. Quandoque idearum convenientia arte nulla detegitur: sic Geometriæ nequeunt invenire rationem circulum inter & quadratum: sic in moralibus sæpius determinare non possumus, an aliqua actio aut ejus omissio magis conferat vel ad privatam agentis, vel ad societatis publicam felicitatem. Quandoque rationes plures & graviores unum suadent, suntque tamen quædam pro parte contraria; tuncque sententia *probabilis* est: verisimilitudinis autem gradus sunt innumeri.

Manifestum est hanc vim judicii & rationis ex nulla parte liberam esse, sed nos ad judicandum determinari ex naturæ nostræ constitutione & rerum naturis. Adeoque non alia ratione judicia penes nos sunt, quam quod in nostra potestate sit mentis aciem in hanc aut illam partem convertere atque utramque sedulo examinare: sed cum serio argumentis evidentibus animum advertimus, eaque intelligimus, cohibere assensum non possumus; aut si argumenta tantum sunt probabilia eam partem quam confirmant esse verisimilem etiam inviti percipimus. Cum restet tamen hæc suspicio contra rationes, quæ tantum sunt probabiles, quod aliæ in contrariam partem existere possunt probabiliores, penes nos est plenum mentis assensum huic parti denegare atque ab agendo abstinere, nisi quædam incumbat agendi necessitas.

Hæc de variis intellectus partibus observanda duximus, quorum usus in sequentibus patebit: at non sunt hic omittendæ scholæ divisiones a cujus sermone recedendum nobis non est.

Dividitur vulgo *intellectus moralis* in partes duas: *synderesim* & *conscientiam*. Synderesis est primorum bene vivendi principiorum cognitio: sic dicta a voce græca, quæ significat conservare, quod hæc prima principia semper in mente conserventur, nec improbissimi illa possint exuere. Conscientia vero est judicium actuale practicum dictum quid in particulari agendum sit aut omittendum; quidve fieri aut omitti debuisset. Hinc vel est *antecedens*, ubi de agendo deliberatur: vel *consequens*, ubi de præteritis est judicium.

Conscientia dividi solet ratione sui in *præcipientem*, quæ jubet aut vetat; *consulentem*, quæ solum adhortatur; & *permittentem*. Ratione objecti, in *rectam* & *erroneam*. Ratione assensus, in *certainam*, *probabilem*, & *dubiam*. Dividitur etiam in *scrupulosam*, cui levissimæ rationes formidinem incutunt; & *latam* seu *laxam*, quam graviore rationes non satis movent. Hæc divisiones ampliori explicatione indigere non videntur & alius erit de iis dicendi locus, ubi agemus de imputabilitate actionum, quæ sunt ex conscientia erronea vel dubia, &c.

Intellectus vitia sunt *ignorantia* & *error*. Ignorantia est defectus scientiæ & si in rebus naturalibus sit *physica* appellatur; si vero mores respicit, *moralis* dicitur. Hæc ratione subjecti, vel est *invincibilis*, quæ adhibita morali diligentia vinci non potest, vel est *vincibilis* quam moralis diligentia superaret. Hæc rursus vel est *affectata*, cum quis non vult intelligere ut bene agat, sed affectat nescire id quod scire tenetur: vel est *crassa* seu *supina*, cum quis licet non affectet ignorantiam, tamen non adhibet debitam diligentiam, ut illam excutiat. Ignorantia ratione objecti dividitur in *ignorantiam juris* qua ignoratur lex aliquid jubens aut vetans: & *igno-*

ignorantiam *facti*, qua ignoratur factum aliquod. Ignorantia ratione principii ex quo oritur, vel est ignorantia *pura privationis*, ut cum oritur ex aliqua oblivione, vel præiudicio, vel ingenti hebetudine; vel est ignorantia *prava dispositionis* cum oritur ex pravo voluntatis habitu. Ignorantia in ordine ad actionem dividitur in *antecedentem*, *consequentem* & *concomitantem*. *Antecedens* ea est, quæ præcedit omnem attentionem intellectus & consensum voluntatis; adeo ut dici possit causa actionis privativa, quatenus scilicet privat cognitionem, quæ si adesset, actionem impediret: hæc uti explicatur a scholasticis eadem esse videtur cum ignorantia invincibili. Ignorantia *consequens* ea dicitur, quam potuimus & debuimus removere & dicitur *consequens*, quia sequitur actum voluntatis saltem virtualem: unde eadem videtur cum ignorantia vincibili. Ignorantia *concomitans* ea dicitur, quæ actionem concomitatur, non tamen ejus causa existit: ut cum quis inimicum suum interficit, feram esse arbitrat, & factio lezatur, illudque sciens admisisset. Tandem ignorantia dividitur in *essentialem* & *accidentalem*: ignorantia *essentialis* illa est, quæ afficit ipsam actionis substantiam sine qua actio non existeret; *accidentalis* ea est, quæ non afficit rei substantiam nec causa rei censetur: ut si quis ex insidiis Petrum occidit, volens occidere Paulum.

Error eisdem habet divisiones.

Quamvis ignorantie & errori ex iudicii præcipitatione vel defectu attentionis intellectus obnoxius sit; tamen est per se naturaliter rectus & ratio est vitæ humanæ regula, ad quam omnes componendi sunt animi motus & externi actus: est in homine quod in navi acus nautica, quæ ubi tranquilla est, nec turbulentis motibus agitata, indicat quo flexendus sit cursus.

De voluntate seu appetitu.

Voluntas sumpta pro appetitu significat illos omnes animi motus, quibus in

res fertur vel impellitur ad agendum: est animus propendens seu cupiens seu appetens. Cum sensibus omnibus sua sint objecta grata, hinc nullus omnino est, cui non sit conjunctus naturæ constitutione suis appetitus; appetimus res quæ gratæ sunt sensibus externis; appetimus etiam res gratas sensibus interioribus; uno verbo propendimus in id omne quod intellectus exhibet ut iucundum, vel honestum, vel utile; & ubi bona sunt cum malis commixta aut bona sunt inæqualia, inclinat voluntas ad ea quæ plura sunt aut præpollentiora. Harum propensionum aliz, quæ sunt omnibus hominibus communes, & semper vigent, vocantur *instinctus* naturales: aliz quæ non sunt adeo communes aut in diversis hominibus variz sunt, dicuntur *inclinationes* si sint tranquille; si sint turbulente & conjunctæ cum motu in corpore, sunt *passiones* proprie dictæ.

In voluntate distingui solet appetitus duplex, alter *rationalis*, alter *sensitivus*. Appetitus rationalis is est, qui rationem in consilium advocat, constanterque persequitur ea, quæ consideratis omnibus adjunctis, præstantiora judicantur. Hujus motus dicti solent inclinationes & sunt tranquilla Appetitio seu desiderium boni adipiscendi & fuga seu aversatio mali depellendi. Quibus adjungi possunt *gaudium*, ubi bonum contrigit aut malum est depulsum; & *tristitia*, ubi malum premit aut bonum amissum est. Sed nobis potius *sensus* videntur gaudium & tristitia, quam *impulsiones* ad agendum seu appetitus.

Appetitus vero sensitivus is est, quo quis cæco quodam imperu & perturbato animi motu fertur in voluptatem, vel ad bona quædam præsertim sensibilia adipiscenda aut mala declinanda. Hujus appetitus motus, qui passiones dicuntur, reducebant veteres ad *cupiditatem* & *iracundiam*, hincque extitit divisio appetitus in *concupiscibilem* & *irascibilem*: varias passionum divisiones videre licet apud Sanctum Thomam in t.

2. quas hic prosequi nimis longum foret.

Horum omnium omnium nobilitas pendet ex sensu quo excitantur: adeoque cum sensus corporei, quos habemus cum animalibus communes, omnium sint maxime viles; cupiditates hinc respondentes omnium sunt magis abjectæ & ad inferiorem partem animæ revocantur: sensus vero omnium nobilissimus cum sit ille *decori & honesti*, sequitur motus hoc sensu provocatos esse omnium maxime excellentes.

Ac quemadmodum sensus alii sunt, qui propriam utilitatem spectant, alii publicam seu alienam, sic motus sunt animorum quorum alii propriam voluptatem & felicitatem prosequuntur, alii sunt pure gratuiti. Ubi enim nulla commovetur invidia aut ira, vel nulla cernitur inter alienam & nostram felicitatem oppositio, ex sensu communi seu naturali sympathia oritur universalis benevolentia, quæ sine discrimine omnium felicitatem appetit: sic quoque tranquillis affectibus appetimus prosperitatem patriæ, amicorum, cognatorum & victorum quorumvis bonorum. Habemus etiam ejusdem generis voluntatis motus perturbatos, quorum quidam nostram insequuntur voluptatem, quidam alienam: sic sponte sua beneficia accepta naturaliter excipit grati animi sensus & vehementior motus benignus erga benefactorem: sic præclaræ in aliis virtutes animos nostros incendunt affectu sæpe perturbato & acri studio viros hinc virtutibus ornatos ad altiores dignitates provehendi: sic naturali indignatione commovemur adversus eos qui aliis immeritis inferunt injuriam. Hos autem animi motus, benignos sponte sua in animis excitari neque nostram aliquam utilitatem, ultimo spectare, inveniet quisquis suos affectus diligenter exploraverit, vel qui clarorum virorum proposita & facta perpexerit, morientium sanctissima officia, mortes pro amicis & pro patria voluntarias: hæc juxta *Ciceronem* indicant innatam esse homini pro-

bitatem & bonitatem gratuitam, non invitatum voluptatibus, nec præmiorum mercedibus evocatam. Adeoque vane philosophari videntur quotquot ad philanthiam, id est, sui amorem omnes affectiones revocare voluerunt (*Vide Hutcheson de natura & usu passionum*..).

Manifestum est voluntatis temperationem pendere ex temperatione intellectus, tuncque perfectam esse, cum rectam rationem neque temere præcursit neque ignave deserit.

De libertate.

Si menti humanæ nulla alia insita esset vis præter facultates quodammodo passivas intelligendi & appetendi; cum neque judicia sint libera nec appetitiones arbitrarie, manifestum est hominem nullo modo futurum Dominum suarum actionum. Ut autem harum ratio ab eo exigi possit, vel ut sui actus illi imputari possint ad laudem vel ad vituperium, ad præmium vel ad poenam, necesse est ut alia vi quædeat sui determinatrix & independenti ab omni causa a se ipsa distincta, aut etiam ab omni motivo exteriori aut indeliberate adveniente & impellente, quam facultatem, *libertatem* dicimus vel *arbitrium*.

Libertas vero hujusmodi duplex distinguitur, alia *contrarietatis*, quæ est sui vis determinatrix, qua ad hoc vel oppositum cogitandum, vel volendum, vel agendum se movere quis possit; ut si quis possit de morte vel vita cogitare, mortem vel vitam appetere, mortem sibi inferre vel vitæ subsidia arripere. Alia est *contradictionis*, quæ est vis sui determinatrix, qua ad cogitandum vel non cogitandum, ad volendum vel ad non volendum, ad agendum vel non agendum se determinare quis possit.

Quantum & quomodo hæc vis sui determinatrix ad humanam mentem pertineat non consentiunt philosophi & theologi. 1. Illam omnino subulerunt, quotquot docuerunt res humanas ineluctabili fato constructas esse, sive illud fatum ortum sit ex mechanica constitutione rerum,

rum, five ex siderum tactu vel affectione, five ex mali cujusdam principii vi, five tandem ex decretis Dei necessario prædeterminantibus. Cum quibus etiam recensendi illi sunt, qui rejecta omni necessitate extrinsecus adveniente seu coactione, aliam induxerunt interiorem & rationalem. Hi existimant nullam esse actionem humanam, quæ non habuerit antecessiones in animo plane necessarias & continuatione seu serie causarum inter se connexarum non contingerit: videlicet putant unumquemque nostrum certam & determinatam indolem a natura accepisse; juxta hanc indolem affectiones varias excitari ab illis boni & mali speciebus, quæ menti occurrunt, idque juxta fixas & ratas leges: judicia etiam & opiniones secundum oblatam boni & mali indicia pro varia mentis sagacitate semper formari: Tandem volitiones & actiones ex his animi judiciiis & affectibus semper & necessario profluere. Adeoque causas illas dicunt liberas, quæ agere possunt quod volunt, & abstinere ab his quæ nolunt, utcumque ad volendum aut nolendum motæ erant. In hac opinione nostris temporibus fuere multi philosophi *Hobbius, Leibnitzius, Baylius, Collinsius* & alii. Hæc sententia vulgo tribuitur Stoicis & revera eorum omnium fuit qui *Cleanthem* sequebantur; at patet ex *Ciceronis* libro de fato *Chrysippum* cum omnibus suis cum fato, per quod intelligebant Dei providentiam, libertatem conjunxisse: causas vero fatales dicebant *adjuvantes tantum*, non *perfectas aut principales*.

2. Alii vero sic explicant naturam libertatis. Consent primo, intellectum & voluntatem in propriis suis operationibus, seu potius passionibus, non pendere a libertate: nimirum liberum non esse homini hoc vel illo modo apprehendere; hoc vel illo modo propendere; vel hoc vel illo modo agere. Non potest non intelligere, ubi observantur idæ; neque non propendere, ubi observatur menti boni species; neque non agere

post determinationem intellectus & voluntatis, seu postquam judicium ultimum practicum, uti vocatur, latum est: videtur certe noxia futura in hac parte libertas; neque omnino intelligitur, quomodo, apertis oculis liceat non cerere; aut proposita felicitate liceat non appetere; aut re aliqua prorsus bona & arripienda judicata liceat non agere. Secundo docent nullam esse unquam in animo æquilibrii indifferentiam, neque unquam quidquam ab homine fieri, cujus præparaciones seu prædeterminationes in intellectu vel in voluntate non sint. Sed tertio illæ prædeterminationes non sunt *necessitantes, sed inclinantes tantum*, neque tanta est earum vis, ut actus necessario sequatur, quia quamdiu homo sui compos est, quamvis vehementissime vel intellectus judicio, vel appetitu inclinetur, tamen semper aliqua ratio cohibendi actum existit, ubi evidenter bonus non est, donec attentius examnaverit cujus naturæ judicium mentis sit, an rectum an falsum, vel cujus generis appetitus sint; vel quænam esse poterint actionis suæ consequentiæ. Adeoque libertas juxta hanc sententiam posita videtur in *secutitate deliberandi*.

3. Alii vero statuunt primo, intellectum, id est, sensus naturales & judicia non pendere a libertate: insitas quoque esse naturæ hominum in res aliquas propensiones quas pro arbitrio immutare non possumus; sicut & augere non possumus illud quod habemus a natura in corpus nostrum dominium. Sed secundo, asserunt circa multas res exiliter in mente æquilibrii indifferentiam, aut saltem multa ab homine cogitari, optari & agi ex arbitrio sine ulla præprie dictis prædeterminationibus seu rationis seu appetitus. Hincque consequenter asserunt tertio, in mente esse vim vero & proprio sensu sui ipsius determinatricem, quæ neque ab intellectu neque ab appetitu, neque a bonitate objectorum, neque a molestia aliqua insensibili, ut aliqui loquuntur (*Locke*), determinatur: sed sibi ipsi agendi motiva erant & in-

& intellectu utatur tanquam facie, ut possibilia actu ab impossibilibus discernat; utatur etiam sensibus tanquam exploratoribus, ut rerum naturam pervideat. Hujus facultatis exercitium ita gratum esse docent, ut res maxime indifferentes, sola electione, gratæ efficiantur; sicuti enim terra nullius est natura, cedit vero in jus occupantis, atque ex ipsa occupatione jus oritur; haud secus arbitrium res eligendo eas quasi occupando facit suas & sibi convenientes & gratas; rerum vero quæ naturaliter gratæ sunt congruitatem intendat &augeat, atque rerum natura ingratarum molestiam minuat: Hincque existere optimum & excellentissimum naturæ munus ac felicitatis ferme omnis principium, cujus ope in omni plane re voluptatem querere & invenire possumus, atque cum ex fortunæ casibus spe & expectationibus nostris decidimus, nova studia, non minus propter electionem & voluntarium desiderium jucunda capere possumus. Clarior evadet hujus sententiæ intelligentia ex subsequenti illius defensione (Vide Kigg. de origine mali).

PROPOSITIO.

Est in homine arbitrium seu vis vero & proprio sensu sui determinatrix.

PROBATIO.

Argumentum primum ex conscientia. Experitur unusquisque posse se pro arbitrio animum suum, ad cujuscumque rei, quæ sub suam notitiam cadit, considerationem convertere excitare etiam in se cujuscumque rei, quæ speciem boni habet actualem appetitionem; imperare in corpore quoscunque motus ad quos dominium animi in corpus sese extendit. Hocque facere potest nullo alio adductus motivo quam ut experimentum capiat propriæ libertatis; proindeque ex motivo, quod sibi fingit mens, & nullo modo naturali & antecedenti. Si quis hoc neget generis humani testimonio mendacii convincitur. Et certe omnium ho-

minum auctoritas infinite major est in re facti, quæ obvia est & nativa menti, quam paucorum hominum ingeniosorum, qui argutis ipsis suis occæcati & irretiti decreverunt verbis negare quod factis sentire se solent ostendere. Sed fortasse meliorem rationem conscientia desideras cum Spinoza? id est, certior esse vis te esse liberum, quam te esse intelligentem, aut te omnino existere. Quo enim argumento alio quam conscientia, existentiae suæ quisquam certus esse potest?

At, inquit, multa plebis captum sugiunt, tum in natura, tum in homine; adeoque fieri potest, ut homines semper inclinentur aliquibus motivis *insensibilibus*, quæ non percipiuntur. Verum hoc satis male in præsentī re observatur: nam populum testem non appellamus de re non percepta, sed ad testandum id quod singulis momentis revera experitur, videlicet, activitatem suam: & præterea nullo modo intelligitur quomodo illa motiva si sint *insensibilia* inclinare assentem possint, nam earum rerum quæ non apparent & earum quæ non sunt, idem est judicium; ideoque dum conceditur motiva illa non esse sensibilia, conceditur quoque mentem nullis perceptis motivis, nisi quæ sibi ipsi finxit, inclinare sese. Et certe negari non potest quin habeamus ideam libertatis, & idea hæc diffusa sit in omnium hominum animis, sed unde orta est idea hæc, nisi ex conscientia libertatis? admirabilis quædam res esset. si causæ necessariæ suaderent non omnes causas esse necessarias, aut si ex necessariis inclinationibus nasceretur sensus libertatis.

Argumentum secundum, ex sensibus conjunctis cum exercitio libertatis. Sensus sive qui præcedunt, sive qui actiones humanas subsequuntur, efficiunt nos esse liberos: nam primo huic facultati inter omnes alias hoc peculiare est, quod illam me habere sciam ante experimentum & conscius hujus vis possum in antecessum prædicere quid ipse facturus sim, non

non tantum proximo momento, sed die vel anno proximo, & totius vitæ rationem instituere. Quinimmo etiam causas occasionales futurarum mearum actionum plane arbitrarías statuere possum. Hi sensus, hæc præscientia & arbitraria prædeterminatio sat bene consentiunt cum libertate, cum necessitate nullo modo.

Deinde huic facultati proprium est ut ea quæ ab ipsa imperantur, sive sint cogitationes, sive propensiones, sive actiones externæ, pro suis habeat, illaque sibi imputet: non aliam ob causam in bene actis nos ipsos approbamus & laudem dignos putamus, in male actis nosmetipsos damnamus: dum eadem illa si a nobis perficerentur involuntario aut sine imperio nostræ libertatis, hosce sensus non haberemus. Sic si aliquid malum negligentia & culpa nostra acceramus, multo magis torquet & diutius ejus memoria molesta est, quam idem illud malum aut majus si in illud casu incidissemus. Atque vel natura nostra in hac parte vana est, dum nobis imputat ea quorum non sumus causæ, vel revera sumus causæ & effectores illarum actionum. Prius ponere, est pervertere omnem philosophiam & in Pyrrhonis præcepta delabi.

Argumentum tertium ex oppositione libertatis & motivorum naturalium. Experiuntur nos posse judiciis nostris, appetitibus & omnibus naturalibus motivis vi sola electionis seu arbitrii obistere ac nulla sequi motiva nisi arbitraria & quæ ipsi finximus. Quod ad appetitus naturales attinet, qui hoc in se expertus non est? Cui non contigit molesta & appetitibus naturalibus contraria sponte tolerare? Idque tam alacriter, ut ipse dolor ex vi allata appetitibus gratus quodammodo factus sit, qui seposita electione fuisset molestissimus. Unde certissime constat cum electionibus nostris seu arbitrii usu conjunctam esse voluptatem, quæ suspendat molestiam ortam ex appetituum frustratione & illam quandoque vincat. Immo obliata electione appetitus naturales pervertere possumus & efficere, ut ea prolequantur quæ naturaliter fugiunt; su-

giant vero quæ natura appetunt; ut illi certe barari fecerunt, qui perpetuo occupati in bello vicinis inferendo captivis vescuntur: nam nasci ad pericula perpetua, ad crudelitatem, ad tales cibos non inclinavit, hæc ab illis non fierent, nisi aliter sibi possent placere, quam ex rerum congruentia cum naturalibus appetitibus, aut nisi esset in nobis arbitrium cujus vi naturam ipsam vincamus.

Deinde ipsi etiam rationi hac vi contradicere nos posse quotidiana docet experientia, & dolendum est nos tot exemplis id probare posse. Immo tantum esse videtur dominium arbitrii in intellectum, ut ejus vi quodammodo subactus non solum bona pro malis, sed etiam falsa pro veris admittere quandoque cogatur: nam arbitrium depravare potest sensus, præcipue interiores illos, in quibus posita est moralis disciplina: sicut enim ea quæ gustui primum insuavia & amara fuerunt, ex usu fiunt gratissima; sic illis quoque sensibus, quibus rectum & honestum cernere deberemus, ea, quæ revera deformia sunt & contemptibilia, pulchra & admirabilia apparent.

Sed, inquires, semper aut appetitus ratione aut ratio appetitu suspenditur. Si per appetitum & rationem intelligas, motiva non naturalia sed libera, quæ mens sibi ipsa effinxerit, verum est. Si intelligas rationis judicia necessaria, vel appetitus vere naturales, falsum est. Exiit Atheus, qui ex mentis obstinatione arbitrarie perversa, cruciatus, carcerem, & mortem ipsam ferre voluit potius quam ejurare sententiam, quam temere elegerat; adeoque amicorum preces, charorum consilia, mentis propriæ dictamina, tormenta, mortem, divinam iracundiam & futura post mortem supplicia, quorum omnis præsentio ejus non potest; omnia denique quæ bona sunt floccificet, pro opinione quæ seposita bonitate, quam ex electione libera habebat, nullum in se continebat bonum naturale. Has tam absurdas electiones explicare frustra conati sunt ad-

erarii libertatis, videlicet primo ex erroribus *necessariis* intellectus, quæ via tollit omnem ab illis electionibus pravitatem; & præterea hoc sine ullo fundamento asseritur quod error Athei sit necessarius: Secundo ex *pertinacia* mentis; sed quid aliud est *pertinacia*, quam electio prava & perseverans? Tertio ex *vi passionum* præsertim ex desiderio laudis & gloriæ, sed hæc motiva vim suam tantam non accipiunt a natura sed ab arbitrio.

4. Ex absurdis contrariæ sententiæ. Primo, ex contraria opinione sequitur nihil in rerum natura aliter fieri potuisse, quam sit: creationem rerum necessariam fuisse, nam iisdem principiis tollitur a Deo libertas, quibus aufertur ab homine. Secundo, omnes homines machinæ sunt rationales & omnis divini imperii virtus in omnipotentia sita est: nullus locus relinquitur in regimine divino sanctitati, iustitiæ, cæterisque attributis moralibus. Tertio, omnis distinctio inter malum naturale & morale evanescit: scelera humanæ vitæ miseris sunt & infortunia, non culpæ. Quarto, homines maleficii puniuntur sicut bruta animalia, non quia merentur poenas, sed quia eorum supplicia terrorem aliis incutiunt, quo a similibus criminibus avocantur. Quinto ideo tantum tenemur beneficia recipere, quia gratias habendo augemus benefactoris erga nos studium; sicque nullam rationem accepti beneficii sed accipiendi habere debemus; neque tantum gratitudo sed omnis religio, fides, pietas, spes divinæ opis, cæteræ omnes virtutes nullum locum habere possunt, si omnis natura sive corporea, sive spiritalis necessitate contorqueatur.

Obijcies 1. Nihil sit sine causa satis potente ad effectum producendum. Atqui causa satis potens ad producendum effectum non potest existere quin producat effectus, neque intelligitur quomodo effectus & causa sua dividi possint.

(*) Ad animorum motus voluntarios non est requiringda externa causa. motus voluntarius eam in se ipse continet, ut sit in nostra potestate, nobisque pareat; nec id sine causa, ejus enim rei causa, ipsa natura est. Cic. de fato, c. 10.

Respondeo, nego minorem. Verum est causas necessarias nunquam carere suis effectis; sed causæ liberæ vim habent multa efficiendi, & possunt tamen illam vim non exercere. Hoc verum etiam est ubi agitur de causis immediatis & actualibus, causa actualis sine effectu suo esse non potest, sic actualis volitio semper habet effectum suum: non est verum de causis habitualibus seu de potentiis: his enim competit facilitas agendi vel non agendi, sese exerendi vel non exerendi.

Obijcies 2. Nullo modo intelligitur qui possit esse electio sine motivo naturali quod sit ejus causa. Deinde si daretur talis electio, quodammodo casu & fortuna contingeret. Denique nullatenus fieri potest, ut creatura quæ per seipsum non existit, per seipsum nihilominus agere possit.

Respondeo 1. Multa nos non intelligere, quæ tamen certissime existunt, neque magis intelligi quomodo arbitrium determinatur per motivum, quam quomodo seipsum determinet (*). Secunda ratio divinum etiam impugnat arbitrium, quod tamen mundum creasse sine antecedente aliquo motivo indeliberato & necessario certum est, uti supra confestim. Huic ergo rationi reponimus, causam liberam non fortuna & casu agere, quia scienter agit; quia agendo sibi motivum & finem agendi creat; quia agit ut experiat facultates suas & illam jucunditatem, quæ est a Deo optimo cum actione conjuncta. Tertia ratio vanæ est, nam ob unam tantum causam vis sui determinatrix creaturæ tribui non posset, videlicet, quia significaret perfectionem infinitam: sed id non probatur. Non est ergo creaturæ incommunicabilis.

Obijcies 3. Operationes omnes naturæ humanæ ad has quatuor reduci possunt, videlicet, *perceptiones*, *judicia*, *propensiones* & *actiones* ex his sequentes. Atqui in illis omnibus homo liber non est. Nam objecta percipimus, prout sese nobis

bis offerunt; prout ea percipimus, sic iudicamus; prout iudicamus, sic propendimus & volumus; voluntatis vero propensionem actio necessario sequitur.

Respondeo 1. nego maiorem. Nam vitiosa est enumeratio virium animi. Prædictæ quippe operationes potius passionibus sunt, & sunt sine dubio necessariae; quando illis homo obnoxius est non sponte sua, aut ubi non sunt imperatæ ab arbitrio. Sed præter has passionibus est in mente vis viva sese commovendi, cogitationes, propensiones & actiones imperandi.

2. Nego minorem. Nam falsum est nos objecta tantum percipere, quæ sese offerunt; nam ipsi in nobis ideas excitamus & illas varie pro arbitrio componimus. Falsum est nos iudicare ex prima specie objectorum; nam sapissime deliberamus de objectorum naturis & affectibus & pendente deliberatione varia serimus iudicia diversa. Falsum est nos velle prout iudicamus; nam quotidie volumus contra clarissima iudicia rationis. Falsum denique est actionem cum propensione voluntatis semper conjungi: nam contra propensionis vim ab actione sapissime abstinemus. Sequimur quidem semper iudicium ultimum practicum, sed illud nihil aliud est, quam ipsa arbitrii libera determinatio.

Ex his omnibus colligimus 1. existere arbitrii imperium in intellectum positum in eo, quod hac facultate uti possit homo tanquam facie ad res cernendas; illamque in quamlibet partem convertere, & sic scienter semper agere. 2. Existere arbitrii imperium in appetitum, positum in eo, quod ex consideratione arbitraria earum rerum, quæ habent speciem boni vel mali, possit excitare vel desideria, vel averfationes. 3. Existere arbitrii imperium in membra sui corporis quæ potest movere ad has aut illas actiones, quantum patiuntur leges unionis animæ & corporis: adeoque hominem dominum esse suarum cogitationum, appetitionum & actionum. Unde sequitur hæc generalis conclusio, ad quam per explicationem naturæ humanæ contendebamus: videlicet *hominem naturæ patientem*

esse moralis imperii, seu subiecti posse legibus moralibus, seu ipsi imputari posse actiones suas, earumque rationem ab eo exigi.

Quæri solet a scholasticis an voluntas cogi possit? Manifestum est voluntatem sumptam pro arbitrio, seu libertate, cogi non posse: nam arbitrium & coactio duo sunt contradictoria: unum est alterius plane negatio. Consequenter omnes actus arbitrii, qui *eliciti & imperantes* dici solent, sunt essentialiter liberi; & hoc tantum sensu cogi potest arbitrium, quod impediri potest eius dominium in cæteras facultates. Sic suspendi potest dominium arbitrii in corpus per vim externam: unde exiit *involuntarium per vim*. Suspendi quoque potest imperium arbitrii in appetitum per magnam perturbationem; unde exiit *involuntarium per concupiscentiam vel metum*. Suspendi tandem potest dominium arbitrii in intellectum per naturalem stupiditatem, vel levitatem, vel aliquam mentis avocationem; unde exiit *involuntarium per ignorantiam*, Quantum imputari debeat homini ad culpam involuntarium ex diversis hisce impedimentis infra dicemus.

Observare etiam solent scholastici in omni deliberatione de re aliqua existere sex operationes animi: quarum tres spectant finem, scilicet, *amor, intentio & fructio*; tres vero spectant media finem assequendi, nempe, *consensus, electio & usus*; de quibus fuse disputat S. Thomas in 1. 2. Horum actuum hic ordo esse dicitur in omni deliberatione. Quando obiectum aliquod sub specie boni obverfatur animo, statim nascitur sensus amoris seu complacentiæ: tum animus in illud bonum ardentius contendit, illudque efficacius prosequitur, unde exiit *intentio*: deinde inquit media ad illum intentum finem conducentia, quæ approbat per *consensum*: ex iis vero quæ utiliora sunt anteponit aliis minus aptis per *electionem*: postea vires suas adhibet ad illa media assumenda & applicanda, & est *usus*: denique in adepto fine conquiescit & est *fructio*.

ARTICULUS SECUNDUS.

De actionum humanarum finibus.

FINIS est, quod propter se expetitur: quæ expetuntur propter alia, *media sunt*. *Finis autem ultimus*, is dicitur, qui omnibus aliis rebus anteponitur & ad quem reliqua ferme omnia referuntur. Ex qua definitione patet unum tantum esse posse naturæ humanæ finem ultimum, etsi plures habere possit fines non ultimos.

Bonum est, quodcumque vel sensibus gratum est, vel inservit procurandis illis rebus, quæ sunt sensibus gratæ; hincque exiit divisio boni *jucundi*, *honesti* & *utilis*. *Jucunda* generatim dicuntur ea, quæ afferunt voluptatem, & propterea expetuntur: raro tamen in hac classe recensentur puriores lætitiæ ex rerum consideratione & ex virtute. *Honestæ* sunt, quæ sua propria specie & dignitate animum commovent & sunt grata sensui illi morali *decori* & *honesti*. *Utilia* sunt, quæ propter alia, non propter se appetuntur. Ad quam divisionem revocari potest, illa aliera bonorum divisio, in *bona corporis*, *bona animi* & *bona fortune*. *Summum vero bonum* simpliciter & absolute sic dictum, est id quo nil melius desiderari aut cogitari possit, completque omnes sensus & appetitus naturæ.

Felicitas generatim est fructio bonorum: alia *perfecta* est, alia *imperfecta*. Imperfectæ felicitatis infiniti gradus sunt, pro bonorum numero, dignitate & diuturnitate. Perfecta vero felicitas est *status bonorum omnium aggregatione*, & *malorum omnium depulsiōne perfectus*, cum *summa securitate illius nunquam amittendi*. Felicitas seu perfecta, seu imperfecta, duplex distingui solet, alia *objectiva*, alia *formalis*. Felicitas objectiva est ipsum bonum cujus fruitione beati effici-mur. Felicitas formalis est delectatio qua formaliter beati sumus.

In qua re posita sit summa felicitas, vel quid sit summum bonum, magna quæstio est in Philosophia morali, circa quam veterum Philosophorum summa di-

scordia fuit, ita ut eorum omnium sententias dinumerare molestum sit. Inter eas tamen præcipuæ fuere tres.

1. Fuit *Aristippi* & *Epicuri*, qui summum bonum in *voluptate* posuerunt, summum malum in *dolore*. Hanc opinionem suam sic tuebantur. 1. Omne animal simul atque natum est voluptate gaudet, dolorem aspernatur & repellit quantum potest, ex quo intelligitur natura id omnibus insitum esse, ut voluptatem summum bonum putent. 2. Dicebatur voluptatem esse summum bonum, dolorem summum malum ex eo intelligi, quod nil beatius esse possit eo, qui perpetuis fruatur animo & corpore voluptatibus, nullo dolore nec impediēte nec impediēte; nil contra miserius eo, qui maximis confectus sit animi corporique doloribus, nulla spe proposita fore melius aliquando, nulla neque præsentē, neque expectatā voluptatē. 3. Quia voluptas expetitur propter se: at virtus expetenda non videretur, nisi voluptatem efficieret & esset omnium virtutum quidam ad voluptatem cursus. Hæc summa est primi libri Ciceronis de *finibus*, ubi Epicuri sententia defenditur a Torquato. Voluptatem vero in qua posita esset felicitas varie designabant, illamque suam esse dicebant in *indolentia* corporis & animi *tranquillitate*; alii vero illam tamquam in *motu*, ut consisteret in suavi motione, veluti lætitia aut hilaritate & quacumque sensus jucunda titillatione. Epicurus vero priorem descriptionem probasse dicitur, quam etiam defendit *Hyeronimus Rhodius*, ideoque felicitatem sapientis stabilem esse affirmabat & præsertim in virtute sitam, *Cyrenaici* cum *Aristippo* voluptatem felicitatis effectricem in *motu* ponebant. Epicurus quoque dicere solebat, *nolumus sapientis vitam esse quasi torrentem, rapidumve flumen; at non idcirco tamen esse volumus quasi aquam resurgentem & mortuam, sed potius quasi aquam fluvii tacite placideque labentis: quare & contendimus ejus voluntatem inertem non esse, sed eam quam ratio efficit firmam sibi.* (Vir-de *Diog. Laert.*)

Se.

Secunda sententia *Stoicorum* est, qui nullum aliud bonum agnoscebant præter *honestatem*, & beatam vitam in *virtute* sitam esse docebant. Asserebant sapientem in paupertate divitem esse, in servitute Regem, in fummis cruciatibus felicem. Ille, inquit, beatus est, quem nulli metus terrent, nullæ aggritudines exedunt, nullæ libidines incitant, nullæ fugiles lætitiæ languidis hquefaciunt voluptatibus. Ut maris tranquillitas intelligitur, nullæ minima quidem aura fluctus commovente; sic animi quietus ac pacatus status cernitur, cum perturbatio nulla est qua moveri queat: contra illi miseri quibus motus turbulenti jactationesque animorum incitatæ & impetu inconsiderato elatæ rationem omnem repellentes, vizæ beatæ nullam partem relinquunt. Atqui virtutes, constantia, gravitas, fortitudo, sapientia efficiunt, ut is, qui eas habet, vim fortunæ & omnia humana tolerabilia ducat, neque timor cum nec angor attingat; efficiunt ut nihil concupiscat, nulla efferatur animi inani voluptate: immo rapiantur ad tortorem nullum recusant nec supplicium nec dolorem. Sic defenditur & multis aliis conquisitis argumentis *Stoicorum* sententia apud *Ciceronem* in *Tuscul. quest. & libro tert. de finibus*.

Tertia sententia est *Platoniorum* & *Peripateticorum*, quos sequitur ipse *Cicero* libro *quint. de fin.* Illi summum bonum ponebant in *virtute simul cum prosperitate vitæ*: vel ut aliis *Ciceronis* verbis utar: *Finis bonorum seu summum bonum est vivere secundum naturam, sic affectum, ut optime affici possit & ad naturam accommodatissime*. Cumque in homine pars præcipua ratio sit, pars levissima cupiditas: cum illa potius, quam cum hac deliberandum est, & longe plurimum tribuendum virtuti, quam cæteris bonis. Hanc sententiam confirmat *Cicero*, 1. ex commendatione generali naturæ; quod omne animal seipsum diligit; quodque ea sit corporis & animi omnium partium facultatumque natura, ut eas salvas & integras perfectasque velimus, per se caras habeamus; in eisque

sint ad beate vivendum momenta maxima: quia cui conservatio sui proposita est, necesse est huic partes quoque sui caras esse, eoque cariores, quo sint perfectiores. Ex quo intelligitur, ut quæque ex nostris plurimum habent dignitatis & præstantiæ ita maxime expetenda, atque adeo virtutem animi qua nihil in homine divinius omnium esse maxime appetendam. 2. Idem conficit *Cicero* ex speciali commendatione cujusque partis naturæ hominum: quod nempe cujusque partis, tum in corpore, tñ in animo, sua vis est, ut idcirco in illis rebus & actionibus, quæ cuique parti subjactæ sint, summa nostra sponte moveamur & ad eas nati videamur: quod Actionum aliarum aliis majores excellentioresque sint, sic natura ipsa judicante: maximæ scilicet sunt cognitio rerum divinarum, administrandæ reipublicæ scientia, tum prudens, temperata, fortis & iusta ratio, cæteræque virtutes & actiones virtutibus congruentes, quæ omnia honesta dicimus, ad quorum cognitionem natura ipsa præcunte deducimur; quæque præterquam quod nos ipsi diligimus, etiam suapte natura appetenda sunt.

Hi ergo Philosophi ab Epicureis in hoc dissidebant, quod assererent esse aliquid naturæ suæ honestum, & id tale esse, ut detracta omni utilitate, sine ullis præmiis fructibusve, per seipsum possit jure laudari; hocque honestum magis esse secundum naturam hominis, quam ipsam voluptatem: Epicurei contra dicerent nos omnibus ex rebus voluptatem tanquam mercedem exigere, adeoque in voluptate tanquam fundamento positas esse omnes virtutes, quarum nullum officium est, quam ut famulentur voluptati. Dissidebant etiam a *Stoicis*, quod admitterent alia præter virtutem bona, quorum esset aliquod momentum ad beatam vitam: quod quamvis tanta sit virtutis excellentia, ut bonorum externorum defectum obruat, & beatus sapiens dici possit, quamvis in molestia quadam sit; accessione tamen illorum bonorum aut decessione fieri alium alio beatiorem. Sic disputabant veteres Philosophi.

At

At nos Christiani cum majori gravitate hanc quaestionem solvimus..

1. Ponimus in hac vita nullum esse summum bonum ex cuius fruitione existat perfecta felicitas. Etenim summum bonum illud est, quo nihil desiderari vel cogitari melius potest; quodque omnes complet sensus & appetitus naturæ. Sed tale bonum nullum est. Primo. Situm non est in bonis externis videlicet opibus, vel honoribus, vel potentia, quia hæc omnia fluxa sunt & instabilia & in fortunæ posita temeritate, aut pendunt ex aliorum erga nos gratia. Quia & improbi qui felices esse non possunt, illis potiuntur. Quia hæc vix ullam habent vim per se ad beatam vitam, sed tantum quantum intervniunt ad alia bona procuranda. Secundo. Non in bonis & voluptatibus corporis. Quia etiam hæc bona nullam habent stabilitatem; sed in dies mutantur & intereunt. Quia spernendas esse voluptates corporis & postponendas bonis animi nos ipsi iudicamus; aspernantur earum consortium sublimiores animi sensus, quibus ad scientiam & virtutem exeatamur. Tertio. Non etiam in animi bonis, in scientia & virtute positum est summum bonum; quia quamvis maximum sit sapientiæ & virtutis momentum ad beatam vitam, tamen non afferunt remedium, neque tormentis fortunæ, neque malis corporis, morbis & doloribus, neque animi sollicitudinibus & meroribus ex malis fortunæ & corporis nascentibus. Quarto. Non denique in bonorum omnium complexione: tum quia hæc complexio esse non potest, cum sint bona bonis contraria & non solum ea quæ sunt animi pugnant cum bonis corporis, sed etiam ipsæ corporeæ voluptates pugnant inter se. Tum etiam quia omnia simul fluunt, omnia incerta sunt, omnia citius aut serius nos deferent: moriendum certe est omnibus.

Ex quibus sequitur solum hominis summum bonum esse ipsum Deum supra quem nihil desiderari aut cogitari potest & cuius infinita perfectio sola potest hominis appetitum satiare. Est etiam Deus pro-

pter eandem rationem hominis ultimus finis: nam extra omnem creaturam finis alius est, quia bonum est excellentius quod homo adipisci potest & quo adeptio natura humana perficitur; at extra Dei fruitionem nihil est ejusmodi.

2. Si instituenda sit comparatio inter bona hujus vitæ, nullum dubium est quin virtus cæteris omnibus præset. Nam quamvis non sufficiat ad perfectam felicitatem, tamen si sit conjuncta cum corporis sanitate & modicis fortunæ bonis efficit vitam satis beatam. Qui vero sequitur virtutem, sequitur naturæ partem præstantissimam nempe rationem & secum ipse consentit: atque inter omnes lætitiis & jucunditates nulla est tam liquida, vel tam diuturna, quam ea quæ exoritur ex recta conscientia; ejus tanta vis est, ut illa confirmati obniti possimus contra quoscumque dolores & ærumnas, ac gustare etiam aliquam felicitatem in ipsis cruciatibus. Qui vero virtutem aspernatur, aspernatur naturam suam aut saltem præstantiorem ejus partem & secum ipse divisus est: summumque omnium malorum est animi depravati & sceleris sui sensu vexati tupitudo, quæ nempe hominem sibi odiosum facit, suumque ingenium quod maxime est intimum vile sibi reddit & pudendum: diuturna est etiam hæc miseria, quam comitantur sollicitudines, metus, angores & continua suspicio quod aliquando pro meritis, vel ab hominibus, vel a Deo, poena retribuenda sit..

3. Denique si non mortalis vitæ tempus brevissimum solum consideremus, sed universam durationem animi humani complectamur, uti decet: sequitur ex his omnibus hominem sapientem in nulla re terrena & mutabili inhzere debere, sed Dei ipsius possessionem prosequi per virtutis viam. Via autem virtutis obvia est ex ipsis sensibus naturalibus & manifeste posita in charitate in omnes diffusa seu in prosecutione boni publici. Neque tantum hunc finem indicant sensus naturales, maxime ille honesti & decori, sed etiam his rationibus ostenditur illum solum esse dignum homine. Primo. Bonum.

nam publicum finis est tanto præstantior bono privato, quanto hominis exiguitas superatur universalitatis immensitate. Secundo. Bonum universale omnium ille finis est, quem omnibus durationis nostræ periodis etiam post hanc conditionem mortalem prosequi poterimus, neque unquam mutare finem nostrum necesse erit. Si igitur in hominis vita deleat constantia, levitas dedecoret; elucebit certe illa in constanti prosecutione hujus optimi finis; at incertum semper iactabitur, nec secum constabit, qui diversum ab universali bono finem quaesierit. Tertio. Bonum universale ille finis est, qui omnibus entibus rationalibus communis esse potest & ex cujus solius unanimi prosecutione unum omnium quasi systema efflorescet, in quo regnabit ordo, concordia & unanimitas. Quarto. Ex generali omnium ad promovendum bonum publicum studio pendet omnis societas & reipublicæ rationalium pulchritudo & etiam uniuscujusque suprema felicitas. Siquidem ut in corporum universitate omnia in se connexa ponderant versus se mutuo, generaleque insuper ad commune centrum habent inclinationem; ex quibus viribus oritur illa mira pulchritudo, motuum conspirantium concentus, partium subordinatio & totius molis plena dignitatis conversio: ita in rerum ordine morali similis oritur concentus ex mutuo benevolentiae sensu inter creaturas eorumque simul omnium in Deum propensione. Quinto. Denique cum hominis felicitas completa & absoluta esse nequeat, quin omnes causæ concurrant, ex quibus illa pendet; patet propriæ perfectionis studendum esse & præterea officiis atque meritis omnium entium sibi conciliandum esse amorem, qui nobis aut prodesse aut obesse possunt. Nam qui sibi non constat aut quem ægritudines exedunt, qui potest non esse miser? aut qui omnium in se concitat odia privatorum commodorum studiosissimum, quomodo potest esse beatus? denique si benevolentiae & amicitiae Dei parum securi sumus, quæ potest esse pax & tranquillitas? nullum igitur ens a quo

pendere potest nostra felicitas negligi debet; omnium ergo officiis gratia captanda est, univerforum bonum prosequendum.

ARTICULUS TERTIUS.

De qualitate Actionum humanarum.

PER Qualitatem actionum humanarum intelligimus 1. earum vim & efficientiam *physicam*, seu utilitatem & noxietatem. 2. Earum moralitatem seu bonitatem & malitiam *moralem*; sub qua divisione includitur earum *justitia* & *injustitia*. 3. Earum *meritum* & *demeritum*. Observa quod per actus humanos non solum intelligamus illos externos qui cadunt in sensus, sed etiam internos animi motus; quales quoque sunt iudicia intellectus, animique affectus & cupiditates, quæ ab arbitrio imperantur. Mores certe non in actionibus externis præsertim consistunt, sed in animi habitibus & commotionibus, a quibus actio externa bonitatem suam aut malitiam mutuatur.

1. Actio *physice bona* ea est, quæ est effectrix boni physici, id est, confert ad perfectionem & felicitatem, seu agentis propriam, seu aliorum. Actio *physice mala*, est ea, quæ est procreatrix mali physici & affert aliquod incommodum vel agenti vel aliis. Actio *physice indifferens*, illa est, quæ neque auget, neque minuet suam vel aliorum, seu perfectionem, seu felicitatem. Bonitas ergo actionis physica est ejus utilitas, & varios, ut patet, admittit gradus.

Actio *moraliter bona*, est actio libera consentiens cum sensu decori & honesti, vel cum ratione. Definitur etiam ea, quæ ab omnibus laudatur & probatur: vel ea, quæ elicitur libere ad promovendum bonum physicum, seu quæ est orta ex benevolentia. Actio mala huic contraria est. Ultima definitio valde clara & accurata videtur: Nam hoc solummodo interest inter bonum physicum & bonum morale, quod illud in natura positum sit, hoc in voluntate atque electione libera: illud quod nobis aut aliis utile est,

est, bonum dicimus physicum; amare vero, eligere, facere libere id, quod utile est, bonum est morale. Manifestum est, quod bonitas & malitia moralis habeat varios gradus pro maiori vel minori scientia & attentione agentis; vel maiori vel minori propensione voluntatis; vel maiori vel minori in agendo difficultate; uti dicemus articulo proximo: hic solummodo dicendum est de *specificacione* quam habet actio ex triplici re, *objecto*, *sine* & *circumstantia*.

Actus liber dicitur bonus, vel malus ex *objecto*; quia ex eo præcise quod circa hoc vel illud objectum versatur, rectæ rationi vel est conformis, vel deformis: sic odium virtutis est deformis, sed odium vitii conforme est rationi. Cum autem dicimus actum quemlibet sumere speciem ab *objecto*, non intelligimus *objectum materiale*, seu rem ipsam circa quam actio versatur, sed *objectum formale*, id est, rationem illam propter quam actio ad hoc vel illud objectum terminatur, ut cum virtutem propter intrinsicam suam bonitatem amplectimur. Hincque sequitur primo omnes actus, qui habent idem *objectum formale* esse ejusdem speciei quamvis habeant diversa *objecta materialia*: unde amor charitatis, quo diligitur Deus propter suam bonitatem, & amor charitatis, quo diligitur proximus propter eandem bonitatem communicatam cum creatura, sunt ejusdem speciei. Secundo sequitur omnes actus distinguui specie, qui habent distincta *objecta formalia*, quamvis habeant idem *objectum materiale*: sic actus spei & charitatis habent idem *objectum materiale*, nempe Deum; & tamen distinguuntur specie, quia habent distincta *objecta formalia*: nam actus spei versatur circa Deum quatenus est summum bonum nostrum, actus charitatis circa eundem quatenus in se bonus est. Tercio: sequitur omnes actus, qui versantur circa media, esse ejusdem speciei cum actu, qui versatur circa finem: nam media & finis appetuntur propter idem motivum, nempe propter finem. Une hæc tria, *objectum formale*, *motivum* & *finis*, idem valent.

Actus etiam liber specificatur a *sine*: nam ex sine malo fit malus, ex bono & honesto bonus. Finem hic intelligimus non *operis*, is enim ab *objecto* non differt, sed *operantis* qui actioni quodammodo extrinsecus est, ut quando furtum committitur, ut indulgere quis possit intemperantiæ. Quando actus liber ex *objecto* bonus est & simul refertur ab operante in bonum finem; ita ut bonitas finis sit diversæ speciei a bonitate *objecti*: tunc habet novam speciem bonitatis a sine ipso: ut si quis largiatur elemosinam, ut sanctificetur nomen Dei: sic è contrario actus ex *objecto* malus, sumit novam malitiam ex malo sine, ut quando furtum committitur, ut indulgere quis possit porus intemperantiæ.

Circumstantia quoque in actione consideranda est; quæ quamvis sit extra substantiam actus posita, illum tamen varie afficit. *Circumstantia* alia est pure *physica*, quæ nec auget nec minuit conformitatem vel deformitatem actus cum recta ratione, ut si quis alium interficiat dextra vel sinistra manu. Aliæ *circumstantiæ* sunt *morales*, quæ afficiunt actus moralitatem, quæque hoc versiculo recensentur.

Quis, quid, ubi, quibus auxiliis, cur, quomodo, quando.

Quis, non denotat nudam personam, sed qualitatem, statum, ætatem, conditionem personæ sive facientis aliquid, sive patientis: nempe si servus vel dominus; subditus vel rex, injuria affectus sit, aut alium affecerit. *Quid*, magnitudinem aut parvitatem, multitudinem aut paucitatem denotat, aut furtum decem denariorum, vel decem nummorum. *Ubi*, non locum simpliciter, sed eundem conditione accidentaria affectum, sacrum videlicet aut non sacrum: furtum in loco sacro sacrilegium est. *Quibus auxiliis*, id est, quo instrumento, quo medio, quo loco. *Cur*, id est, quo sine extrinseco actio fiat, puta si quis occiderit furti vel vindictæ gratia. *Quomodo*, non significat modum actui essentialem in genere morali, sed actus boni vel mali qualitatem; puta si intente vel remisse, si de-

destinata opera vel casu, si obliuato animo vel reluctante, si secreto vel palam. Quando, non tempus simpliciter significat, sed quandam ejus conditionem, si quis aliquid admiserit die festo, tempore precum: huc etiam duratio actionis revocanda est.

Circumstantiæ quædam tantum adaugent vel minuunt bonitatem aut malitiam actus; quales sunt illæ quæ nullam per se dicent conformitatem vel deformitatem cum ratione, nisi illam aliunde supponerent; ut majus & minus, multum & parum. At aliæ sunt, quæ actionem in nova specie moralitatis constituunt, quales sunt illæ, quæ per se opponuntur alicui virtuti: sic in furto rei sacræ peccatur contra justitiam & contra religionem. Hæ circumstantiæ transiunt in obiecta; nam si accidentia fuissent, non potuissent actionem in nova specie constituere, adeoque quod actionis externæ circumstantia dicitur, est obiectum actus interni; nam voluntas non simpliciter vult obiectum suum, sed vult cum omnibus suis circumstantiis.

Ex his patet actionem moraliter bonam esse ex *integra causa*, obiecto nempe, fine & circumstantiis; malum ex *quolibet defectu*; defectu, inquam, *specifico*, videlicet, obiecti, finis vel circumstantiæ; non *graduali*, qui in hoc statu naturæ semper est in actionibus nostris: defectus etenim *gradualis* exiit, cum omnia requisita insunt actioni secundum speciem, sed non secundum eam perfectionem quam habere posset.

3. Actio *justa* ea est, quæ legi est conformis: actio *injusta* dicitur, quæ est legi dissentiens. *Justitia* ergo proprie est conformitas cum lege hinc si ratio in homine habeat naturam legis divinæ, omnes actiones bonæ sunt etiam justæ & piæ; & omnes malæ sunt injustæ & impiæ.

4. Actio *meritoria* generatim ea est, quæ est procreatrix præmii; cumque præmii positum sit, vel in approbatione apud se, vel in laude & benevolentia aliorum, vel in illis bonis quæ ex benevolentia sequuntur: *meritum* definiri

potest *qualitas moralis operativæ approbationis apud se, benevolentia apud alios & illorum bonorum quæ ex aliorum benevolentia sequuntur*. Demeritum vero e contrario est *qualitas moralis auctoris apud se procreatrix, vituperii & indignationis apud alios & illorum malorum, quæ ex aliorum indignatione sequuntur*.

Queritur hoc loco a scholasticis an dentur actiones aliquæ *indifferentes*, quæ neque sint bonæ neque malæ. Ad hujus questionis solutionem solent distinguere actiones in *specie* consideratas ab actionibus in *individuo*: actiones in *specie* sunt illæ, quæ spectantur tantum relative ad suum obiectum, abstractendo a fine & circumstantiis. Actiones in *individuo* sunt illæ, quæ spectantur cum suis circumstantiis & comparate ad finem. Sed revera hæc distinctio satis est inutilis, nam cum omnis actus vere humanus fiat cum deliberatione ob finem aliquem & a mente nunquam fiat præcisio omnium circumstantiarum, nullus est actus in *specie*, sed omnes sunt in *individuo*. S. Thomas cum maxima Scholasticorum turba docet nullas actiones esse indifferentes: Scotus vero ex altera parte cum suis contendit dari actiones indifferentes. Quid nos sentiamus aperimus sine contentione in sequentibus observationibus.

Dico 1. eam esse naturalem actionum humanarum vim & efficientiam, ut semper physice bonæ sint vel malæ, id est, utiles vel noxiæ. Quod ideo observamus ut intelligatur quam necesse sit ut legibus regantur. Siquidem homo quilibet in præsentii conditione vitæ sociatæ quadam conjungitur cum seipso, & cum cæteris quibuscum vivit hominibus; & etiam cum Deo ipso, si intersit suo operi, uti interesse eum supra demonstravimus: & propterea actiones cujusque hominis efficientia naturali tangunt seipsum, alios & Deum. Seipsum quidem, est enim homo a natura constitutus suæ vitæ conservator, suæ perfectionis & felicitatis opifex: neque corpus sine labore & certis actionibus sustentatur, neque mens sine cura vires explicat: habet hæc suas

agritudines, ut corpus morbos; ignorantia torpet, ut corpus cibis privatum imbecillum est; passionibus eliditur, ut corpus febribus. Immo fortasse nulla actio est etiam levissima qua non perficitur aut imminuitur corporis valetudo: nulla etiam interior animi motio, quæ non conferat ad mentis aciem intendendam & ejus perfectionem aliquo modo augendam aut quæ contrarium non habeat effectum. Illæ quæ maxime sunt indifferentes valent ad depellendam præsentem aliquam molestiam aut aliquod procurandum oblectamentum: ad hoc valent illæ ipsæ actiones, quas admittimus ob nullam aliam causam, quam ut experimentum capiamus nostræ libertatis & ut in otio non maneamus. Ergo constanti cura agendi ratione opus est, ut servetur tum corporis tum animi habitus perfectissimus.

Habent etiam efficientiam naturalem in alios homines actiones quælibet; v. g. numquid non cura & sollicitudo parentum liberis necessariae sunt? divitum largitiones ad sustentandam pauperum vitam? mutua concordia, fides, gratitudo & cæteræ virtutes naturali efficientia conservatrices sunt status publici, haud minus quam aer omnibus salubris. Contra injuriæ, bella, perversa exempla quibus alii ad flagitia impelluntur, mala sunt publica & naturalia. Et quamvis omnes nostræ actiones non sint æqualiter noxiæ vel utiles, tamen nulla fere est, quæ ad alios spectet, quæ illos non bene vel male afficiat, eos non delectet, aut vexet. Ergo & in hac publica & sociali vita nostra necesse est certam vitæ rationem sequi.

Tangunt denique Deum actiones humanæ: illum certe nec perfectionem nec beatiorem reddere possumus, tamen cum suo operi intersit & ordinis a se instituti conservationem & perfectionem velit, contraria intelligitur ejus voluntati ordinis voluntaria & inutilis perversio, id est, ipsi mala est; ut è contrario illæ omnes actiones quæ ad conservationem, perfectionem & felicitatem rerum, quantum ejus voluntati congruæ sunt, ita

sunt ipsi bonæ. Ergo etiam certam tenere oportet nos agendi rationem, ne in Deum malefici simus. Ergo in quacumque conditione naturali hominem spectemus, necessaria est vitæ illius regula propter ipsam efficientiam naturalem suarum actionum.

§ico 2. Omnes hominis actiones aliquo sensu dici posse bonas vel malas moraliter, nullas vero indifferentes. Nam actio bona moraliter illa dici potest, quam ratio probat; illa mala est, quam ratio improbat. Atqui ratio omnes nostras actiones vel probat vel damnat: in omnes exercet judicium, si ullæ essent actiones circa quas judicium non ferret ratio, maxime illas quas facimus ex puro arbitrio & ut aliquid agamus; ad quas potius quam ad alias nulla sunt invitamenta in ratione. Atqui has ipsas actiones tam indifferentes probat ratio, quia probat exercitium libertatis in eis rebus quæ neque jubentur neque prohibentur. Vel si definias actionem bonam moraliter, eam, quæ elicitur libere ad promovendum bonum physicum seu proprium seu alienum, seu quæ oritur ex benevolentia; si actio mala moraliter illa sit, quæ elicitur libere ad nocendum, vel sibi vel aliis, seu quæ oritur ex malitia aut amore inordinato. Manifestum quoque est hoc sensu omnes actiones deliberatas dici posse bonas vel malas, nam semper intendimus bonum seu nostrum seu alienum vel contrarium; semper amor noster vel est ordinatus vel inordinatus. Sint in exemplum illæ actiones, quas facimus ad depellendam aliquam molestiam vel procurandum aliquod leve oblectamentum, quæ maxime videntur indifferentes; si hæc actiones fiant ordinatæ seu cum subordinatione ad actiones magis necessarias, sine dubio bonæ sunt & honestæ. Denique in omni actione humana, id est, deliberata tria menti obversantur, objectum, finis & circumstantia: si hæc tria bona sint, id est, rationi consentiant, necesse est, ut actio sit moraliter bona. Si ex his tribus unum regulæ seu rationi dissentiat, actio manifeste mala est. Propterea statuebant Stoi-

Stoici: *ni ratio jubeat, digitum exere, peccas*. Atque hoc diei potest non tantum de actionibus, sed etiam de deliberatis actionum omissionibus. Attamen cum honestas harum actionum quas ratio neque jubet neque prohibet, sed permittit arbitrio, longissime distet ab honestate illarum actionum, quas ratio expresse jubet, illae priores dici possunt indifferentes comparate ad harum necessitatem & convenientiam. Licet sine dubio ex arbitrio hodie deambulare in uno aut in altero horto ad oblectationem: & quemcumque hortum elegeris, electionem probabit ratio, si haec deambulatio sanctiora officia non impediatur: at quænam est honestas istius deambulationis aut electionis unius horti præ alio, comparata cum honestate operum misericordiae & magnanimitatis? Ideo fortasse scripsit Sanctus Hieronymus: *bonum est continentia, malum luxuria, inter utrumque indifferens, ambulare: hoc non est bonum, nec malum; sive enim feceris, sive non feceris, nec justitiam habebis, nec injustitiam*. Sanctus Paulus, in Epistola prima ad Corinth. cap. 10. scribit: *si manducatis, sive bibitis, sive aliud quid facitis, omnia in gloria Dei facite*. Quæ verba juxta quosdam Theologos continent solummodo consilium, juxta alios continent præceptum solis Christianis impositum; at juxta plerisque declarant præceptum ipsius legis naturalis: quod tamen non ita intelligendum est, ac si ad gloriam Dei promovendam, expresso & actuali mentis proposito, omnes referendæ sint actiones, quæ eo directe & immediate non pertinent: sed sensus est, omnia sic faciendæ esse, ut serio caveatur, ne in quavis re præstanda Dei honores lædatur, quod sæpe contingere potest ex circumstantiis, seu ratione scandalizanti ex eis orti: & ut omnia referantur ad Deum virtualiter: quod fit, cum quis intendit eum finem ad quem distante ratione naturali referenda sunt, vel aliquem alium ex se bonum, nullaque prava circumstantia viciatum. Verba sunt Sylviæ, quæst. 18.

Controvertitur inter juris naturalis stu-

diosos utrum actiones humanæ sint naturæ suæ bonæ vel malæ independentes a quacumque institutione positiva, sitque consequenter bonum & malum in rerum naturis positum aut in arbitrio divino. Negat Pufendorfius eum aliis multis Philosophis & Theologis esse aliquid bonum morale independenter a divina institutione, quorum opinionem infra expendemus, ubi de immutabilitate legis naturalis. Hic solummodo observabimus bonitatem aut malitiam moralem nullam esse posse in actibus humanis materialiter consideratis; sed positam esse in dispositione animi actus elicipientis: si igitur sit habitus animi qui est in se bonus, alius vero in se malus independenter a quacumque institutione positiva, erit actio bona natura divisa ab actione mala, & habebunt semper actiones liberae a suis principiis absolutas & incommutabiles denominationes: atqui res ita est; veracitas & benevolentia a perfidia & malevolentia natura distinguuntur: illæ etenim naturæ divinæ perfectiones sunt, entis necessarii incommutabilia attributa: perfidia vero & malevolentia non tantum a Deo absunt, sed etiam ab ejus creaturis nisi depravatis sponte sua. Ergo ut negari possit actus malevolentiae in creatura intelligente & libera non esse natura malos moraliter, actus benevolentiae non esse bonos; negandum est benevolentiam esse absolutam perfectionem, malitiam & perfidiam absolutas esse imperfectiones; quo nihil absurdum magis esse potest.

Dico 3. Omnes actiones humanas esse naturaliter meritorias vel demeritorias. Nam semper nosmetipsos nostrasque actiones judicamus. Si quidem innata quadam vi, quæ non pendet ex arbitrio, nos ipsos approbamus vel condemnamus. Deinde actiones illæ quæ ad alios spectant semper ab aliis judicantur, eorum habent vel approbationem vel condemnationem, atque eorum provocant etiam vel amorem ex quo affectu propensi sunt ad nobis beneficiendum; vel excitant contemptum & indignationem, quibus inclinantur ad nos male excipientes. Hincque etiam concipimus, quod

si divinam majestatem tangunt res humanæ, respectu quoque illius meritorie sint vel demeritorie actiones humanæ, de qua re infra fusius disputabimus, ubi de functione Irgis naturalis.

Ex iis omnibus quæ hæcenus disputata sunt de hominis natura, de fine ultimo & de qualitate actionum humanarum intelligitur quare tam varia extiterit apud Philosophos virtutis definitio. Juxta Stoicos virtus est *juxta naturam vivere seu constans propositum natura parendi*. Juxta alios virtus est *sequi rationis dictamina*. Alii dixerunt virtutem amorem ordinis seu *constans propositum agendi secundum immutabiles rerum relationes*. Alii virtutem posuerunt *in actionum nostratum constanti veracitate seu convenientia cum persona morali, qua ab ipsa natura induimur*; alii in boni communis studio; alii in *constanti desiderio divinæ voluntatis adimplende*. Juxta scholasticos est *habitus electivus secundum rationem*. Sed hæc omnes notiones eodem redeunt; nam naturam nostram sequimur, eique consentienter vivimus; quando obsequimur rationi, quæ pars est naturæ præcipua: rationi vero obtemperamus, & veraciter seu consentienter personæ, qua nos induit natura, vivimus; quando veritatem seu immutabiles rerum relationes pro nostrarum actionum regulam assumimus: & demum cum naturam sequimur vel ordinem rerum æternum & immutabilem, sequimur Deum parentem naturæ æternæque ejus legem.

Intelligitur tamen nos posse rationi parere ex multiplici motivo, nempe vel ex pietate erga Deum & obedientia ejus voluntati, vel ex prudentia propter propriam nostram felicitatem, vel ex amore justitiæ propter virtutis pulchritudinem, ac quaritur in quo motivo posita sit virtutis ratio? Nos vero existimamus tres illas virtutes pietatem, amorem justitiæ & prudentiam nec debere, nec posse separari: ratio quippe ista tria motiva nobis proponit; adeoque illi parere non possumus quin singula complectamur. Aliunde manifestum est tres illas virtutes sese vicissim continere, neque pru-

dens quisquam esse potest, qui justus & pius non est; nec quisquam est justus & pius qui simul prudens non sit.

ARTICULUS TERTIUS.

De actionum humanarum imputabilitate, & earumdem æstimatione.

PRæcedenti articulo generatim consideravimus actionum humanarum speciem, nempe bonitatem, malitiam & indifferentiam, hic consideranda venit quædam earum quantitas & earum faciendæ æstimatio est.

Cum vero actio moralis ea sit, quæ elicitur libere consentienter rationi, vel aliter definiri possit, electio libera boni physici: Manifestum est actionis quantitatem pendere ex duplici re, nempe ex libertate cum qua facta est, & ex convenientia cum ratione: seu momento ad bonum physicum, & consequenter ex hac duplici re pendere quoque ejus æstimationem: quo fuerit actio magis vel minus libera ex una parte & magis vel minus conduens ad promovendum bonum physicum ex altera parte; eo est magis vel minus laudabilis & habet gradum bonitatis majorem vel minorem; dicendum est ergo de æstimatione actionum, 1. ratione *libertatis*, & 2. de earumdem æstimatione ratione *momenti sui*.

De Actionum æstimatione ratione libertatis.

Constitutum supra est hominem liberum esse & exillere arbitrii dominium non solum in actiones externas, sed in ipsas cogitationes & appetitiones; & consequenter has homini imputari posse; id est, laudi aut vitio verti. Observavimus tamen quod quamvis arbitrium in actibus suis *elicitis* non cogatur, tamen ejus imperium in cæteras facultates impediri, aut etiam suspendi queat, & sic quodammodo cogi possit arbitrium in actibus *imperatis*. Sic imperitur, vel suspenditur dominium arbitrii in membra externa per vim externam aut per aliquem morbum debilitantem: suspenditur etiam arbitrii libertas, vel magis vel minus

solicitatur ex diversis instinctibus, inclinationibus & passionibus naturalibus & indeliberatis : suspenditur tandem magis vel minus arbitrii libertas per ignorantiam vel indeliberatam aliquam mentis avocationem ; aut etiam ex evidentiæ sollicitationibus nascitur involuntarium ex vi ; vel ex appetitu, ut ira, metu, concupiscentia ; vel ex ignorantia, &c. intelligitur hæc impedimenta absoluta esse posse, aut sollicitationes irresistibiles ; ita ut nulla remaneat libertas & actiones sint propterea vel impossibiles vel necessariæ : aut hæc impedimenta & sollicitationes vinci possunt, ita ut existat solummodo in agendo difficultas, quæ major vel minor esse potest.

Quæritur quomodo actiones homini imputari debeant relative ad varia hæc impedimenta aut varias sollicitationes intellectus & appetitus ? Cui quæstioni jam respondebimus postquam usitatas scholæ notiones & divisiones voluntarii & involuntarii exposuerimus.

Nos vero supra divisimus voluntatem sumptam pro appetitu ab arbitrio, quia hæc ratione omnem tollimus ambiguitatem, quæ est in voce *voluntas* ; & quia absurdum videtur dicere unam facultatem habere aliam facultatem, id est facultatem voluntatis habere facultatem liberatam ; eodem plane sensu dici potest intellectum habere quoque facultatem libertatis : nam si appetitiones quædam liberæ sunt, non minus sunt liberæ cogitationes : Voluntatis ergo proprie dictæ operationes juxta nos, sunt *instinctus, inclinationes & passionibus* ; arbitrii vero operationes sunt *electiones* : sed Scholastici uni facultati, videlicet voluntati, tribuentes tum passionibus, tum electionibus, voluntarium definiunt illud quod fit a principio interno cognoscente singula in quibus est actus. Dicitur a principio interno, id est, a voluntate, in quo voluntarium differt a violento, quod fit a principio externo. Adduntur hæc verba *cognoscente singula in quibus est actio* ; id est, obiectum, finem & circumstantias ; in quo voluntarium differt a spontaneo, quia spontaneum etiam bellus ra-

tionem destitutus tribui solet. Voluntarium hoc duplex distinguitur, nempe voluntarium *necessarium*, ut amor felicitatis in homine, amor Dei in beatis ; & voluntarium *liberum*, ut prosecutio alicujus boni particularis. Voluntarium etiam vel est *imperans*, quod a voluntate immediate elicitur, qualis est omnis electio aut libera determinatio : & voluntarium *imperatum*, quod per aliam facultatem exercetur, qualis est ambulatio. Voluntarium iterum vel est *purum* seu voluntarium *simpliciter*, nempe si fiat ex plena & perfecta inclinatione voluntatis sine ulla repugnantia : vel est voluntarium *mixtum* seu *secundum quid*, quod sit secundum voluntatis inclinationem, sed cum aliqua repugnantia, ut projectio mercium in mare ex metu naufragii. Voluntarium iterum vel est voluntarium *in se & expressum*, seu *explicitum*, quod in se & immediate in se volitum est ; vel est voluntarium *in causa seu implicitum*, seu *virtuale*, quod quantumvis non in se, in causa sua volitum censetur : Sic, qui vult in se, expresse & explicitè ebrietatem, vult implicitè & virtualiter illas omnes actiones, quas admittere solet quando ebrius est. Voluntarium rursus vel est *formale seu directum*, quod nimirum proficiscitur a voluntate, per influxum positivum operante : vel est *interpretativum seu indirectum*, quod quantumvis non procedat a voluntate ut efficiente, ab ea tamen dependet : sic omnes omissiones actionum quas facere potuimus sunt voluntariæ *indirectæ & interpretativæ*.

Voluntario opponitur *involuntarium*, quod dividitur in involuntarium *privativum*, cum voluntas aliquid non vult cum velle posset : & involuntarium *contrarium vel positivum*, quando aliquid est expresse nolitum. Involuntarium contrarie duplex est : involuntarium *simpliciter*, quod ita voluntati displicet, ut id nullo modo velit : & involuntarium *secundum quid*, quod licet sub aliquo respectu displiceat voluntati, eidem sub alio placet, ut projectio mercium metu naufragii. Hæc Scholastici fusi.

Quæ-

Quæritur igitur 1. quomodo imputari debeant homini actiones quas admittit propter *vim externam*, aut omittit propter *debilitatem*.

Respondeo . Aut illa vis externa seu illa debilitas separari nequit, ita ut ad admittendam vel omittendam actionem quis invitus cogatur: tunc actio vel omis- sio nullo modo imputari potest neque ad laudem neque ad culpam. Hinc evenus extra nostram potestatem non imputan- tur, neque defectus naturales seu in cor- pore seu in animo: nisi tamen nostra culpa violentiam experiamur, aut in illa sumus debilitate; quia tunc actiones ad quas cogimur aut quas omittimus, in causis suis liberæ sunt. Sic ille debitor, qui per suam imprudentiam vel intem- perantiam non habet facultatem resti- tuendi, sine dubio reus est. Sic etiam erant pœnæ obnoxii illi Romani, qui ne militare cogerentur, amputatis pol- licibus, manus tractandis armis inhabi- les efficiebant.

Si autem illa vis externa seu debili- tas superari potest & affert solummodo difficultatem, tunc imputatur actio vel omis- sio ad laudem vel ad culpam, magis aut minus, pro majori vel minori difficultate; magis ad laudem, quo magis ardua.

Quæritur 2. quomodo imputari debeant actiones, quas quis admittit sollicitudinis *instinctibus*, *inclinationibus* & *passionibus*.

Respondeo . Vel illi motus appetitus sunt *indeliberati*, *primo primi* ut loquun- tur Scholastici, & *antecedentes*, vel sunt *liberi*, *primo secundi* & *consequentes*.

Si sunt *indeliberati*, vel suspendunt prorsus usum rationis vel libertatis, aut illum tantum minuunt: Sin prius, quod quandoque contingit ex metu, ex ira, ex concupiscentia, tunc actiones non pos- sunt imputari neque ad laudem & præ- mium, neque ad vituperium vel pœnam. Sin secundum, imputari debent actiones relative ad maiorem vel minorem faci- litatem. Sic quo validiore appetitu incitatur ad aliquod officium naturale, eo minor erit in eo servando honestas ac meritum, quia major facilitas; & ma-

jor in neglectu turpitudine, quia minor difficultas in præstando fuit. Sic cura, quam parentes gerunt sobolis, honestate & merito vincitur ab aliis multis actionibus generosis; quamvis nihil tur- pius esset quam huic deesse officio tam naturali. Vice versa quo minore appeti- tu movemur in aliquid malum, eo major in illo patrandi inhonestas; quo majori appetitu indeliberato excitamur ad malam actionem, eo minus demeri- tum est; hæc dicuntur peccata *infirmi- tatis*, dum priora dicuntur peccata *ma- litia*.

Si motus vero appetitus sint *delibera- ti* aut orti ex habitu libere contracto, imputari debent actiones ratione plane inversa, id est, quo validiore appetitu libero, cujus ipsi causæ sumus, officium præstamus; eo major est in præstando honestas & meritum: & quo vehemen- tiore appetitu libero officium negligimus aut contra officium peccamus, eo major est neglecti officii vel peccati turpitud- o & demeritum. Nam ipsi appetitus boni, cum sunt liberi, imputantur ad laudem & ad præmium, ac quo sunt vehemen- tiores, eo sunt magis laudabiles; actio- nesque ex illis ortæ habent ex eis omne suum meritum. Absurdum esset dicere habitum virtutis, aut vehemens honesti desiderium minuire actionis bonitatem, aut pravam consuetudinem libere contra- ctam minuire actionis inhonestæ mali- tiam. Officia igitur deliberata, si consi- lio stabili & magna propensione suscepta sint, sunt honestiora iis, quæ ex per- turbato quovis & brevi amoris actu na- scuntur: turpiora pariter sunt delicta & injuriæ, quæ destinato consilio aut odio sunt inveterato, quam quæ ex ira, me- tu aut vehementiore, at brevi fluunt cupiditate.

Quæritur 3. quomodo imputari debeant actiones, quæ sunt ex *ignorantia*.

Respondeo 1. Si ignorantia fuerit *an- tecedens* & *invincibilis*, actio, ex ea fa- cta non imputatur: quia ignorantia hæc efficit ut in incibiliter ignoretur bonitas vel malitia actionis, & consequenter ut actio non fiat ex bono vel malo consi- lio.

lio. Si ignorantia fuerit *consequens* & *vincibilis*, actio imputari debet ad culpam, quia ignorantia malitiæ illius actionis libera est: & consequenter ipsa actio in causa sua.

Ut enim ignorantia sit vincibilis duo requiruntur: 1. ut sit eorum, quæ scire potuimus adhibita morali diligentia. 2. Ut sit eorum, quæ scire debemus vi præcepti cujusdam, cujus obligatio nobis nota esse potuit, & consequenter ignorantia vincibilis magis vel minus imputatur, quo major vel minor fuerit, tum facultas, tum necessitas cognoscendi.

Ignorantiam vero vincibilem fuisse, necque adhibitam esse sufficientem diligentiam judicatur, cum non est adhibita ea diligentia quæ rei naturæ & dignitati respondeat, id est, in rebus summe necessariis summa, in spiritualibus major quam in temporalibus, aut cum non adhibeamus eam diligentiam, quam viri prudentes & pii in ejusmodi rebus adhibere solent; aut cum ea diligentia non utamur, quam in rebus minoris momenti dignoscendis adhibemus: aut cum eam non asseramus, quæ veri desiderii cognoscendi officii atque industriæ indicium sit.

Juxta has regulas nemo potest ignorantiam invincibilem præ se ferre circa prima principia legis naturalis & conclusiones proximas & evidentiores, puta Deum esse, eumque bonum & justum, innocentem malum non esse inferendum, colendos parentes, &c. quia non tantum omnis mentis compos hæc scire potest, sed etiam vix potest ignorare. Christianus nullus prætexdere ignorantiam potest circa præcipua fidei dogmata, aut ea præcepta, quæ ad vitam pie agendam scitu sunt necessaria; Neque demum ignorantiam invincibilem obtemperare debemus in iis, quæ ad officium speciale a nobis susceptum pertinent; quia tale officium in se suscipere non debet, qui ea ignorat quæ sunt ad officium debite gerendum necessaria.

2. Si ignorantia fuerit *pura privatio*, ut obliuio, inadvertentia, præjudicata opinio, & fuerit studio debito vincibilis, non excusat prorsus a peccato,

sed tamen de gravitate ejus imminuit. Ignorantia autem *prave dispositionis*, si sit *affecteda*, cum oriatur ex animo a virtute alieno nullo modo excusatur aut minuit peccatum: si sit *supina* paululum imminuit, idque prout major vel minor fuerat locordia & negligentia, aut facilius minusve facilis officii cognitio, ac major minorve ad sciendum obligatio.

3. Denique in peccatis ignorantie inter se comparatis, id generatim minimum est, in quo defectus in intellectu major, in arbitrio minor: quantum enim de *liberi* ratione tantum de peccato minuitur. Unde ea peccata maxima sunt quæ fiunt cum perfecta scientia.

Cum hæc determinationibus per se evidentibus conjunctæ sunt hæc alie decisiones non minus evidenter circa conscientiam errantem, *dubiam* & *probabilem*.

1. Quæ turpia credimus, reclamante conscientia, agere; aut quæ videntur honesta omittere; semper peccatum est, quamvis sit *erronea* conscientia. Nam arbitrium æque fertur in malum ac quando non est erronea; cum idem sit respectu arbitrii *esse* & *apparere*: velle malum semper est malum. Varios tamen gradus admittunt peccata contra conscientiam pro delicti admissi turpitudine varia, aut officii omissi dignitate, gravitate etiam rationum, quæ ad peccandum impulerunt.

Quamquam ille qui sequitur conscientiam erroneam non in eo peccet, quod conscientia pareat; non est tamen a culpa immunis, ubi conscientia vincibiliter erronea est. Culpæ gravior aut levior est pro errorum natura; alii enim errores produunt animum turpem, odio, superbia, & sævitia agitarum; alii vero negligentiam tantum indicant & honestiores animi sensus ac propensiones non satis valuisse.

Magis plerumque peccat, qui conscientie renititur erranti quam qui ei obsequitur: Uterque erroris culpa tenetur, sed prior prodit honesti nullam curam & magnam legum divinarum incuriam. Ubi vero humaniores animi motus &

im

imperia aliorum obstabant conscientie erranti: ingenium quandoque videbitur minus depravatum, si conscientie scrupulis repugnat, quam si ejus monitis obtemperet.

2. Si conscientia dubia sit circa actionis honestatem, seu negative propter defectum rationum & inscitiam, seu positive propter rationum hinc & inde æqualitatem; illam actionem admittere sine necessitate imputabitur ad culpam, magis vel minus pro momento actionis, nempe propter peccandi periculum, cui sciens & volens se committit, parum prudenter adversus seipsum, parum pie adversus Deum, parum benevole adversus alios. Si adit necessitas hic & nunc eligendi unam aut alteram actionem, si copia sit consilii, elagitandum est; si non fuerit, eligenda est pars tutior, id est, illa in qua nullum est periculum: hoc prudentia, hoc iustitia, hoc pietas manifeste suadet. *Bene præcipiunt, inquit Cicero lib. pr. de Officiis, qui velant quidquam agere quod dubites, æquum sit an iniquum: æquitas enim lucet ipsa per se, dubitatio cogitationem significat insuavis.* Hæc regula tamen non semper valet in materia iustitiæ, ubi adest ratio generalis certo modo agendi, v. g. si quis dubitet an ager quem possidet suus sit necne, is jure potest illum retinere, modo nesciat esse alienum: quia reliquis paribus melior est conditio possidentis, ideoque certa esse potest ejus conscientia se meliore jute hunc agrum possidere.

Cum conscientie scrupulose terrores & formidines oriuntur ex defectu scientiæ, melancholia, phantasia depravata, corporisve intemperie contra eam agere non modo licitum est, sed consultum: atque necum hæc scrupulositas aliquam habeat laudem, è contrario actiones ejus illa factæ imputari possunt ad culpam.

4. Quando verum nulla diligentia evidenter cerni potest, ejus locum tenet *verisimile*, unde contra conscientiam probabilem agere non licet, est quippe agere contra *rationem*. Sed prudenter quis sequi potest conscientiam probabilem,

quia agit secundum judicium rationis: & revera necessitas plerumque incumbit agendi ex verisimilitudine, nunquam expectamus, ut notat Seneca de beneficiis lib. 4. cap. 33. *certissimam rerum comprehensionem, quoniam in arduo est veri exploratio; sed ea imus qua ducit verisimilitudo.* Omne hæc via procedit officium. Sic *serimus, sic navigamus, sic militamus, sic uxores ducimus, sic liberos solimus; quanquam omnium horum incertus sit eventus. Ad ea accedimus, de quibus bene sperandum esse credimus. Quis enim polliceatur serenitatem proventum, naviganti portum, militanti victoriam, marito pudicam uxorem, patri pios liberos? Sequitur qua ratio, non qua veritas trahit. Expecta ut nisi bene cessura non facias & nisi comperta veritate nihil moveas: relicto omni actu vita consistit.* Attamen ut liceat sequi opinionem probabilem relicta tutiori, non sufficit quicumque probabilis excessus; sed requiritur notabilis, ut scilicet absit dubium: parum enim pro nihilo habetur.

Antequam paragrahum hunc finiamus, observandum venit, non tantum imputari homini actiones vel omissiones proprias, verum etiam actiones vel omissiones aliorum, quarum ipse aliquo modo causa extitit: eoque magis, quo illarum author magis fuerit. Poterit esse vel causa *principalis*, vel *collateralis*, vel *subalterna*. Tunc erit causa *principalis*, cum vel jussu, vel adhortatione sua, vel etiam simplici approbatione, ita causa actionis vel omissionis existit, ut sublato illo jussu, vel adhortatione, vel approbatione, non extitisset actio vel omisio. Unde non tantum reges & heri causæ sunt principales actionum quas subditis vel servis jubent: sed regum administrari sunt causæ principales actionum in ad quas reges consiliis suis impulerunt: illi quoque a quibus consilium questum est & qui suæ approbationis auctoritate dubitantem aliquem determinarunt. Tunc erit quis causa *collateralis*, quando vel consilio, vel approbatione, vel opera aliquem in proposito agendi solummodo confirmaverit, aut in actio-

actione adjuverit, aut cum posuerit & debuerit non impedierit. Erit tunc quis causa actionis alienæ *subalterna*, quando neque causa principalis, neque in ea cooperator est, sed aliquam adest agentis indicationibus facilitatem, aut suis exemplis ad agendum excitaverit. Sic parentes & magistri qui exemplis suis iuniores ad flagitia sollicitant, cause sunt *subalterna* malorum actionum ab ipsis admissarum; si cooperentur aut non impediunt cum possunt, cause sunt *collaterales*; si iustus aut suasionibus ad illas impellunt, cause sunt *principales*. Manifestum est cause principali magis imputari actionem ad laudem vel ad culpam, imputari vero ferme ex æquo causis collateralibus & magis quam causis subalternis. Ad quam vero classem revocandi sunt qui actionis alienæ aliqua ratione cause existunt, ex omnibus circumstantiis est diiudicandum & quandoque habet magnam difficultatem; vulgo actionis immediatus effector vel dux facti haberi debet pro causa principali.

De Estimatione Actuum Humanorum ex eorum momento & de habituum ex quibus oriuntur dignitate.

Manifestum est quod, cum habitus sit facilitas agendi, eadem est habituum ratio, quæ actionum; quoque sunt actiones perfectiores, eo perfectiorem esse earumdem habitum. Estimatio ergo eodem redit live instituitur inter actus, live inter habitus, adeoque bene utrumque coniungimus.

Actiones vero alix sunt *intellectus* videlicet cogitationes & iudicia: & sunt illis respondentes *habitus intellectuales*, quales sunt omnes scientiæ. Aliæ sunt *voluntatis* seu *appetitus* videlicet desideria & averfationes; & sunt hæc respondentes *habitus voluntarii*, qui instinctus, inclinationes & passionis nuncupantur. Aliæ sunt *externæ & corporales*, videlicet membrorum ad motum spontaneum aptorum motus; & sunt his respondentes *varix corporis habilitates*. Quæ omnes actiones quatenus sunt ex arbitrii electione, sunt bonæ vel malæ moraliter; &

Tom. I.

earum habitus quatenus electivi sunt virtutes vel vitie.

Pater institui posse comparationem inter res orantes & earum fieri relativam estimationem: primum inter sensus facultatesque intellectus. Sensum nempe interiores, quibus novissime bona animi, præstantiores sunt externis; inter sensus interiores longe omnium præclarior est sensus honesti & decori, magisque omnium colendus. Inter scientias vero estimatio fit ex dignitate objecti & cognitionum utilitate; sic scientia verum divinarum & moralis philosophia præstat exteris omnibus, proxime accedit jurisprudentia; tum philosophia naturalis.

Comparatio quoque fieri potest inter affectiones voluntariæ: illæ quibus firmitur in bonum nostrum privatum sunt omnium maxime humiles: voluptatum vero appetitiones nimis turpes sunt, indicantes vilissimam animi partem exteris dominari. Benevolentia etiam que oritur solummodo ex conjunctione nostræ utilitatis & aliorum, quamvis turpitudine vacet, nihil habet tamen præclari; cum cadere in hominem turpissimum & erga turpissimos exerceri queat; neque per se præclara est ea charitas, quæ inter sanguine conjunctos aut amantes intercedit: hæc affectiones perturbata angustis limitibus sunt inclusæ neque ab sunt ab iis qui nihil altum sapiunt. Præclarior est ea benevolentia, quæ ex beneficiis acceptis oritur & gratiæ referendæ studio, ubi abest omnis amicitia simulatio ad captanda nova beneficia: in ejusmodi etiam officiis vulgaribus non admodum elucet virtus, quamvis in iis neglectis aut detractatis summa sit turpitudine. Præclarior longe est illa benevolentia & charitas, quam morum bonorum similitudo excitavit; ostendit enim acriorem honesti sensum & amorem. Huic autem præstat amor patriæ alte infixus. Omnium tamen pulcherrima est ea stabilis animi affectio, quæ universum humanum genus complectitur & singularis oblata occasione consultit. Hæc communis philanthropia non impedit, immo exigit, ut quisque, quantum pati-

Bb

tur

tus communis utilitas, sui suorumque, quos commendant necessitudines actiones, curam habeat precipuam; quibus officiis exequendis pars hominum maxima utilitati communi consulere potest.

Institui etiam potest comparatio inter omnes corporis habilitates, atque inter artes liberales & mechanicas quae ex illis pendent; inter varios vitae status & cetera omnia: quam estimationem cum prosequi non possumus, ex quibus principis generatim facienda sit actionum estimatio dicemus.

Actionis cuiusque estimatio moralis sequitur rationem directam utilitatis communis vel mali propositi, & rationem inversam virium seu facultatum seu opportunitatum agentis. Id est, quo major fuerit in agendo proposita utilitas & minores fuerint vires, facultates, opportunitates, eo major actionis honestas: sic qui in re tenui, exiguisque opibus opulentiores beneficentia aequat, honestate vincit, & similiter eo major est turpitudinis actionis, quo *majora* habet incommoda: & quoque ab *imbecillioribus*, contentis quodammodo nervis, fuerit perpetrata. In estimando autem actionis momento spectanda est tota eventuum qui praevideri poterunt & quorum actio causa sit, series: idque sive sua sponte & consecutione naturali sequantur, sive intervenientibus aliorum actionibus, quas haec actio provocaverit: neque tamen ex

eo concludendum est malam esse physice omnem actionem ex qua damna oriuntur, aut illam omnem esse moraliter malam seu turpem, ex qua praevium est mala esse origina, nisi haec mala fuerint propter se expectata: ex bonis quippe & malis eventibus mixtum est omnium ferre actionum externarum momentum: nullum est vitae institutum, quod non sua habeat & commoda & incommoda: quae omnia ad calculos vocanda sunt, atque illae actiones iudicandae sunt bonae ratione momenti, quarum commoda quae alia ratione parari non poterant, haud parum praeponderant; eaeque male sunt, ex quibus incommoda oriuntur plura & majora.

Dixi supra estimationem actionis sequi rationem directam utilitatis *ab agente proposita*: nam apud Deum & conscientiam, atque etiam apud aequos estimatores, haec omnia imputantur non prout revera eveniunt, verum prout eorum spes erat probabilis. Non enim in ipsis eventibus sita est honestas aut turpitudine, sed in animi consiliis & voluntate. Unde parvi saepe sunt in culpa illi quorum alter casu vel aliorum interventione impeditus nemini nocuit, alter vero gravissime: neque minus laudandus, qui honesta pro viribus etsi frustra conatus est, quam quibus omnia ex voto contigerunt.

ETHICES ELEMENTA.

SECTIO SECUNDA.

De Regulis Actionum Humanorum.

Actionum humanarum regula duplex distingui solet, alia externa & proxima, nempe *conscientia*; alia externa & remota, nempe *lex*. De priori satis dictum est in superioribus articulis: hic igitur solummodo explicanda est legis notio & aliarum vocum potestas videlicet *obligationis, juris, auctoritatis*, quae in

definitione legis continentur, ut via paratur ad subsequentem defectionem legis naturalis.

I. Lex quatenus ad hominis vitam pertinet, definitur primo generalissime *regula agendorum & fugiendorum*. Quo sensu rerum relationes a mente perceptae dici possunt leges, & sapientia divina lex est respectu Dei. Secundo definitur magis proprie a *S. Thoma: regula & mensura secundum quam inducitur aliquis ad agendum vel ab agendo retrahitur*, id est,

est, obligatur ad agendum vel non agendum. Sic etiam Grotius, *lex est regula actionum moralium obligans ad id quod rectum est*. In his definitionibus includitur notio obligationis. Tertio denique lex strictius sumpta definitur ab eodem S. Thoma, rationis ordinatio ad bonum commune ab eo qui curam civitatis habet promulgata. Cui accipit Passendorff hæc: *Id est decretum, quo Superior sibi subiectum obligat, ut ad illius præscriptum actiones suas componat*. Vel tandem defini potest: voluntas iure imperantis, subditi declarata, actiones alias jubens, alias vetans, premiis propositis & pœnis. In hæc definitionibus includitur etiam notio superioris cum auctoritate imperantis, quæ utrum ad legis definitionem pertineat, necne, non levis est inter juris studiosos dissensio, sed tota de nomine.

Juxta hanc ultimam & maxime propriam legis acceptionem lex differt a consilio, vel a pæcto, vel a jure: quæ vocabula fuere a pluribus promiscue sumpta. 1. Enim lex differt a consilio; quod consilium sit præceptum in quo ratio quare pareamus sumitur ab ipsa re, quæ præcipitur: lex autem est præceptum in quo parendi ratio desumitur a voluntate præcipientis; proprie enim non dicitur, sic volo, sic jubeo, nisi sit pro ratione voluntas. Deinde lex est ejus, qui potestatem habet in eos, quibus præcipit; consilium autem ejus qui potestatem non habet: facere id quod lex præcipitur, officii; quod consilio, arbitrii est. Consilium nisi volentibus non datur; lex etiam nolentibus fertur. Denique jus consiliiarii tollitur arbitrio ejus cui consilium datur; jus legislatoris non tollitur arbitrio ejus, cui imponitur lex. 2. Lex differt a pæcto. Nam pactum est promissum; lex mandatum: in pactis dicitur, *faciam*, in legibus, *fac*. 3. Denique lex differt a jure quæ vox quandoque significat collectionem legum; uti cum dicimus *jus naturale*, *jus divinum*, *jus Romanum*: sed etiam aliam habet significationem & sumitur pro facultate in rem aliquam ut mox dicturi sumus.

Lex generatim dividitur in *naturalem* & *positivam*. Illa in rerum naturis posita est & per rationem rerum constitutionem observantem innoscitur: hæc in voluntate & arbitrio imperantis, voce vel scripto promulgata. Lex naturalis generatim sumpta alia *divina* est: quæ designatur a Cicerone *recta ratio summi Jovis nata simul cum mente divina*. Est ipsa Dei sapientia. Alia *mundana* dici quodammodo potest, quæ definitur ab eodem, *ratio Dei mundo & ejus partibus inserta*; et quæ ipsa Dei providentia, seu illa lex quam sibi Deus in regendo mundo ab æterno præscripsit. Dicitur a Scholasticis *lex æterna*, qui ad hanc revocant omnes alias leges sive illam qua gubernantur cœlites, quæque *cœlestis* vocatur; sive illam qua gubernantur corporea universitas; sive illam qua gubernantur homines. Sed juxta maxime propriam significationem lex naturalis est *lex rationis*, quæ definitur a Cicerone: *divina ratio in hominis mente confirmata & confecta*. Lex positiva vel est *divina*, ut vetus & novum testamentum; vel *humana*, quæ vel est *civilis*, vel *ecclesiastica*. Leges positivæ, vel sunt *necessariæ*, quando monstrant utilitatis communis consequendæ viam unicam; vel sunt *arbitrariæ* seu non necessariæ, quando inter plurimas vias consequendæ utilitatis publicæ aut optimam monstrant, aut inter æque commodas unam determinant: hæc dicuntur positivæ ratione materię, illæ naturales.

Leges ferme semper totam communitatem spectant, at sunt leges privatæ unum aut paucos respicientes, quæ vulgo *privilegia* dicuntur, eaque sunt vel in *gratiam*, vel in *odium*.

Legis interpretatio duplex distinguitur, alia *simplex*, quæ est mera legis explicatio: alia per *epikeiam* seu *aquitatem*, quæ est explicatio legis per aliquam emendationem, videlicet quando verba legum magis vel minus sunt, quam par est, universalia. Locum tantum habet emendatio in legibus quæ verbis enuntiantur: lex enim naturalis ex æquo & bono omnia determinat.

Dispensatio, est relaxatio legis, daturque *exemptio* seu immunitas vel a *praecepto* vel a *sanctione*, seu poenis a lege compinatis. Ubi veto delicti admissi datur venia, seu tollitur sanctio, ita ut consuleretur communi utilitati legumque vis conservetur & majestas, nil est in eo iniqui; sed immunitas a praecepti iusti vinculo difficillime admittenda.

Controvertitur inter Theologos Scholasticos utrum lex omnis sit actus intellectus aut voluntatis; utrum de ratione illius sit ut pro tota communitate feratur, aut ad commune bonum, aut a publica potestate; utrum debeat esse necessario iusta; utrum perpetua; perspicuum est illas omnes quaestiones ex definitione legis pendere, varieque resolvendi pro diversa legis acceptione.

Hic praesertim observandum est legem, ut in duabus ultimis definitionibus explicatur, constare duabus partibus, nempe *praecepto*, quod indicat quid faciendum omittendumve; est voluntas iure imperantis: & *sanctione* qua imponitur obligatio per pollicitationem praemiorum vel comminationem poenarum, adeoque ut omnis tollatur obscuritas explicandum est quid sit *obligatio*, quid *jus* & *authoritas*.

II. *Obligatio* definitur in *institutiis Justiniani lib. 5. tit. 140. Juris vinculum quo necessitate adstringimur alicui rei solvenda, secundum nostra civitatis iura; sed haec definitio non satis generalis est. Juxta Cumberlandianum de legibus naturalibus cap. 5. n. 24. Est actus legislatoris quo actiones legi suae conformes necessarias esse indicat, id est, necessarias esse ad consequendam illam felicitatem, quam quodque agens naturaliter expetit. Juxta Puffendorhium l. 1. cap. 6. n. 65. est qualitas moralis operativa, qua quis praestare aut pati aliquid tenetur. Sed clarius & accuratius definiri potest: *Necessitas moralis agendi vel non agendi, orta vel ex ipsa naturae rationalis determinatione, vel ex spe consequendae felicitatis, vitandae miseriae*. Quoties ergo ea est alienius actionis cum natura rationali convenientia, vel cum felicitate hominis connexio, ut illa posita sibi plaudeat &*

beatus sit, & illa non posita sese condemnet & miserum se arbitretur, toties ad illam censetur obligari.

Juxta hanc definitionem duplex distingui potest obligatio, alia *interior* & conscientiae orta ex quarundam actionum interiori approbatione vel condemnatione nequaquam libera: alia *exterior* orta ex praemiis & poenis, actionibus annexis sive per constitutionem rerum naturalem, sive per legem civilem in republica, sive per divinam voluntatem in altera vita. Vera & summa obligatio oritur ex conjunctione interioris & exterioris, neque una sine altera bene consistere potest. Nam quam vim servare possit obligatio interior ex conscientia ad inclinandos hominum animos, nisi cum illa conjuncta esset exterior per praemia & poenas? Certe cum felicitatis dispendio nemo conscientiam sequeretur. Sic neque obligatio exterior vera & proprie dicta dici potest, si habeat sibi contrariam obligationem interioriorem & agens suas actiones interiori condemnet. Vane itaque disputare videntur Philosophi, dum alii omnem obligationem a conscientia, aut illo interno iusti & iniqui sensu, omnem rationis usum antecedente, quem *moralem sensum* appellant; aut ex rerum relationibus, earum perceptis per rationem convenientiis, derivari unice volunt: alii vero ex sola Dei voluntate atque ex poenis & praemiis legibus divinis annexis. Ex singulis siquidem nascitur obligatio, sed diversi generis; quia haec omnia continent agendi motiva, sed diversa. Prior obligatio interior viget praesertim in iis, qui bene nati recteque instituti moventur virtutis pulchritudine, & id omne quod bonum, quod pulchrum, quod honestum, quod decens, quod pium & gratum erga Deum & homines constanter sectantur: aut afficit eruditos & sapientes, qui in scientiis versati rerum convenientias, actionum suarum consequentias omnes, & rationis omnia discrimina cernere valent. Sed sine dubio maxima est illa obligatio, exterior orta ex consideratione voluntatis divinae & intuitu poenarum & praemiorum legibus annexarum.

ne.

neorum : quippe cum Deum nihil la-
teat, nec fugere ejus potentiam possi-
mus, atque non solum in hac vita, sed
per omnes temporis periodos maximis
premiis remunerari, & poenis plerumque va-
let, hanc consideratio in omnimoda ob-
temperandi necessitate quemque consti-
tuit, omnesque affligit, etiam illos, qui
alios sensus naturales praefocarent.

III. *Jus* quoque vocabulum est, quod
varias habet significaciones. Primo signi-
ficat id quod iustum est, & consentaneum
rationi vel legi; hinc iure fieri dicitur
quidquid iuxta legem fit.

Secundo, sumitur *jus* pro ipsa lege vel
complectione legum: quo sensu Pentateu-
chus dicitur, *jus judaicum*, & Justiniani
collectio, *jus Romanum*: Salustius in
Catilinario hoc sensu *jus* definiit his
verbis: *jus est civilis aequitas, vel scriptis
legibus sancita, vel institutis & moribus
recepta.*

Tertio definitur *facultas* quaedam mo-
ralis, quae unusquisque habet, vel circa
rem suam, vel ad rem sibi debitam
acquirendam. Haec facultas vel ex natura
rei, vel ex conventionem oritur aut aliquo
facto humano, hinc alia sunt jura natu-
ralia, alia adventitia. Jura quoque hu-
jusmodi dividuntur in *perfecta & imper-
fecta*: ea *perfecta* dicuntur sine quibus
servatis nulla existere potest inter homi-
nes societas: tale est *jus* cujusque ad li-
bertatem & ad bona sua, aut ne in cor-
pore vel in bonis suis laedatur. Jura *im-
perfecta* ea dicuntur sine quibus in so-
cietate commode vivi nequit: tale est
jus cujusque ad caritatis officia. Est
etiam tertium genus *externum*: cum scilicet
utilitatis ejusdem remotioris ratio exigit
ne impediatur homines quaedam agere,
possidere, aut ab aliis deposcere, quae
tamen parum honeste agerentur vel pos-
siderentur, vel deposcerentur: haec jura
externa saepe oriuntur ex contractibus te-
merariis aut legibus civilibus, alioquin
necessariis. Tandem jura hujusmodi vel
alienari possunt, vel non possunt. Prioris
generis sunt ea, quae & vere trans-
ferti possunt & translata aliquam praebere
utilitatem: quae vero nequeunt in

alium transferri, aut quorum translatio
nullius esset utilitatis, nequeunt alienari.

Quarto *jus* a quibusdam definitur li-
bertas agendi, aut suis facultatibus utendi;
in statu vero naturae, quantum per-
mittit recta ratio; in statu autem civili,
quantum permittunt civitatis leges. Proinde
jus hoc sensu legi quodammodo oppo-
nitur, quia jus lege coercetur, liber-
tas naturalis legibus civilibus minuitur.
At plures Jurisconsulti jubent nos omnes
actiones humanas concipere tanquam praec-
eptas vel prohibitas, vel expresse per-
missas: hanc notionem si admittas,
standum erit primae definitioni, cui con-
gruent haec duae ultimae; id jure fiet,
quod secundam legem praecipivam vel
permissivam fit, & jus poterit generatim
definiri, *facultas homini lege concessa,
ad aliquod agendum, habendum vel ab
alio consequendum.*

Hobbius & Spinoza confundunt jus cum
potentia, & viribus; hoc ideo faciunt,
quod nullum agnoscent legem naturalem,
qua libertas vel licentia coercetur. Sed
manifestum est eos pervertere communes
rerum notiones; nam vulgo per poten-
tiam intelligimus qualitatem physicam,
jus vero in communi sermone semper
dicit respectum ad regulam, seu est li-
bertas relicta vel permissa a lege.

IV. *Authoritas* est *jus praecipendi cum
obligandi potentia conjunctum*. Ex supra
dictis patet nos per potentiam obligan-
di, intelligere non cogendi potentiam;
sed facultatem ea offerendi creaturis ra-
tionalibus ad agendum motiva, quibus
sic interius moventur, ut rei fiant pro-
prio judicio si parere reculent.

Hobbius l. de Civ. cap. 15. §. 5.
Omnem authoritatem seu divinam, seu
humanam, in potentiam resolvit. Pro-
nuntiatque jus regnandi Deo competere
atque puniendi eos, qui leges suas vio-
lant, propter solam potentiam irresistibilem,
neque creaturas ad obedientiam
teneri nisi propter imbecillitatem. Sic
etiam, inquit, si quis inter homines ce-
teros potentia in tantum antecipat, ut re-
sistere ei ne omnes quidem conjunctis vi-
ribus possissent, ratio quippe de jure suo
di-

discederet, nulla esset: Mansisset igitur jus domini in ceteros omnes propter potentia excessum, qua & se & illos omnes conservare potuisset. Verumtamen potentia & vi solummodo potest cogi homo, obligatio vero perfecta, uti modo dictum est, supponit tales causas, quæ intrinsece hominis conscientiam ita afficiunt, ut ex propriae rationis consilio agat & iudicet se recte seu jure non posse resistere: & quamquam in casum sit contra vires potentioris tendere, & hoc modo gravius sibi malum arcescere, remanet tamen jus omnes tentandi vias, quibus vis alterius excuti possit. Ipseque Hobbius agnoscit bello captum quamdiu solis vinculis naturalibus constringitur, nulla teneri obligatione ad parendum, donec pactum seu fides intercesserit. Profecto si res aliter se haberet, juvenum & filiorum, propter majorem vim corpoream, in senes & parentes autoritas esset.

Quod attinet jus divinum imperandi, non est id in sola omnipotentia situm, sed illud habet Deus quia omnes possidet titulos qui ad tale jus constituendum conferre ullo modo possunt. Oritur nempe jus inter homines ab *occupatione*, vel *victoria*, vel *acquisitione* & dicitur *jus proprietatis*; ut est jus Domini in mancipium, jus victoris in bello captum: vel oritur a *beneficiis* ut jus parentum in liberos, benefactoris in beneficiatum: vel oritur ex *præstantia naturæ*, ex qua aliqui derivarunt jus hominum in belluas. Sed Deus hos omnes titulos in summo gradu possidet; nullum esse potest jus majus proprietatis, quam quod oritur ex creatione; Dominus ergo est: nulla re fruimur quam ab ejus liberalitate non accepimus; pater ergo est: si jus quoddam nascatur ex naturæ præstantia patet in Deo summum esse atque infinitum.

At præterea divinum regnandi jus multo melius a sapientia divina & ejus bonitate derivatur, quam ex supra dictis titulis: quippe jus omne lege constitutum concipimus seu a lege concessum, quod si ita sit, in æterna sapientia quæ est lex æterna & immutabilis necesse prorsus est, jus fundari divinum: &

certe lex illi decernit jus regnandi quæ fines optimos novit, mediæque maxime idonea ad hos optimos fines obtinendos; quique propter infinitam perfectionem omnia optime moderari & vult & potest. Eadem imponit omnibus entibus rationalibus obedientiæ officium; dum ostendit hoc imperium Dei omnibus profuturum, atque ideo omnium suffragiis esse comprobandum. Non ideo ergo Deus jus habet imperandi, quia omnipotens est; sed quia ejus omnipotens voluntas sanctissima est, æquissima, sapientissima.

ARTICULUS PRIMUS.

De juris seu Legis naturalis existentia & in omnes homines diffusione.

Jus naturale in digestis lib. 1. tit. 1. de iustitia & jure sic describitur: *jus naturale est, quod natura omnia animalia docuit; nam jus istud non humani generis proprium, sed omnium animalium, quæ in terra, quæ in mari nascuntur, avium quoque commune est.* At hæc descriptio nimium generalis est, & per jus naturale intelligimus illud jus quod a Jurisconsultis Romanis vocatur *jus gentium*, quodque ab ipsis definitur in institutis lib. 1. tit. 2. id quod naturalis ratio inter homines constituit.

Per jus igitur naturale intelligimus certa vivendi præcepta, quæ singulis hominibus dat ipsa natura hominis rationalis: quæ, ut ait orator, non didicimus, accepimus aut legimus; sed ex natura ipsa arripimus, expressimus, hausimus; ad quæ non docti, sed facti; non instituti, sed imbuti sumus. Quæ præcepta cum sint rationis dictata recte scholastici legem naturæ in ratione posuerunt, Ciceronem secuti qui legem naturalem sic definiunt: *est enim ratio, mensque sapientis ad jubendum & deterrendum idonea.* Quibus consonat Grocius juxta quem jus naturale est dictatum recte rationis, indicans alicui alicui ex ejus convenientia cum ipsa natura rationali inesse moralem turpitudinem vel necessitatem moralem, ac consequenter ab auctore natura Deo talem actum aut vetari aut præcipi.

Jus

Jus hoc in rationis dictatis positum dicitur *natura* ob duplicem causam: primum quia naturalibus hominibus facultatibus innotescit atque ab ipsa quodammodo natura promulgatur. Deinde etiam quia jus naturale in rerum naturam fundatum est, nec suam habet obligandi vim ex arbitrarja & positiva legislatoris voluntate: in quo jus naturale differt a jure voluntario, seu positivo, etiam divino: nam hujus precepta in se indifferencia vim habent obligandi ex positiva Dei institutione; & qua auctoritate lata sunt, eadem possunt immutari.

Cum legis stricte sumptæ, ut supra notatum est, ritus sint præcipue proprietates: nempe ut sit regula agendorum clara & apud omnes promulgata; ut sit perfecta a voluntate superioris: ut tandem sit sanctione poenarum & præmiorum confirmata: illas præceptis naturalibus convincere sequentibus articulis astroemus. Jam olim illas rationi adscriptæ Cicero in illo pulcherrimo loco quem ex libro de republica, deperditio servavit Lactantius insit. divin. lib. 6. quem hic describere operæ pretium est, cum ea omnia contineat quæ sunt a nobis in hac secunda sectione disputanda. Est vera lex, ait, recta ratio, natura congruens, diffusa in omnes, constans, sempiterna, quæ vocet ad officium jubendo, vetando a fraude deterreat, quæ tamen neque probos frustra jubet & vetat, nec improbos jubendo aut vetando movet. Huic legi nec obrogari fas est, nec derogari ex hac aliquid licet, neque tota abrogari potest. Nec vero aut per senatum, aut per populum solvi hæc lege possumus, neque est quærendus explanator aut interpret ejus alius. Nec erit alta lex Roma; alia Athenis; alia nunc; alia posthæ: sed & omnes gentes & omni tempore una lex & sempiterna & immutabilis continebit; unusque erit communis quasi magister & imperator omnium Deus; ille legis hujus inventor, disceptator, lator; cui qui non parebit ipse se supiet. & naturam hominis aspernabitur; hoc ipso luet maximas poenas, etiam si cætera supplicia, quæ putantur, effugerit.

Fuerit inter vetustissimos Philosophos non pauci qui ab opinione juss omne ortum existimarent, nullum esse inter bonum & malum morale discrimen putarent, negarentque quidquam natura justum vel injustum, honestum aut turpe esse. Cassicles apud Platonem sic Socratem alloquitur; veritas, o Socrates, ita sese habet; luxuria, intemperantia, licentia, modo facultas suppetat, virtus est atque felicitas. Cætera vero ista speciosa præter naturam adinventæ, hominum deliramenta sunt, nugagæ penitus contemnendæ. Doccebat etiam Carneades, jura sibi homines pro utilitate sanxisse: scilicet varia pro moribus & apud eoldem pro temporibus sæpe mutata, jus autem naturale esse nullum: omnes & homines & alias animantes ad utilitates suas, natura ducente ferri, proindeque aut nullam esse justitiam, aut si sit aliqua, summam esse stultitiam: quoniam sibi noceret alienis commodis studens. Ita etiam disputabant Archelaus, Aristippus, Epicurus, Pyrrho & alii plures, quos recentiores quidam nostris temporibus secuti sunt.

1. Spinoza in tractatu Theologico-Politico, c. 16. habet: per jus & institutum natura nihil aliud intelligo, quam regulas naturæ uniuscujusque individui, secundum quas unumquodque ut naturaliter determinatum concipimus ad certo modo agendum & operandum. Exempli gratia, pisces a natura determinati sunt ad natandum, magni ad minores comedendum; adeoque pisces summo naturali jure aqua potiuntur & magni minores comedunt.... nec hic ullam agnosimus differentiam inter homines & reliqua naturæ individua, neque inter homines ratione præditos & inter alios qui veram rationem ignorant, neque inter satios, delirantes & sanos. Quod enim unaqueque res ex legibus suæ naturæ agit, id summo jure agit; nimirum quia agit prout ex natura determinata est, nec aliud potest. Quæ inter homines, quamdiu sub imperio solius naturæ vivere considerantur, tam ille qui rationem nondum novit, vel qui virtutis habitum nondum habet, ex solis le-

gibus

gibus appetitus summo jure vivit, quam ille qui ex legibus rationis vitam suam diriget: hoc est sicuti sapientius summum habet ad omnia qua ratio docet, sive ex legibus rationis vivendi; sic & ignarus & animi impotens summum jus habet ad omnia qua appetitus fluat, sive ex legibus appetitus vivendi; . . . , jus itaque naturale uniuscujusque hominis, non sana ratione sed cupiditate & potentia determinatur Quidquid itaque unusquisque qui sub solo naturæ imperio consideratur, sibi utile vel ductu sane rationis vel ex affectuum impetu judiciali, id summo natura jure appetere, & quocumque ratione, sive vi, sive dolo, sive precibus, sive quocumque demum modo facilius poterit, ipsi capere licet; & consequenter pro hoste habere illum, qui impedire videt quominus animum expleat suum. Proindeque juxta hunc autorem, ut & ipse alio loco scripsit, bonum & malum nihil positivum in rebus indicant; sed homines illas boni & mali, ordinis & confusions notiones sibi efformant, postquam sibi persuasissent omnia qua sunt proper ipsos fieri: tunc in unaqueque re præcipuum judicare debuerunt, quod ipsis utilissimum, & illa omnia præstantissima aestimare, a quibus optime afficiebantur. Hæc Spinosa, quem ideo primum nominavimus, quoniam omnes alios temeritate & infania vincit.

2. Hobbius quem in multis imitatus est Spinosa, ad tollendas leges naturales aliam viam secutus est. In initio libri sui, qui de civis inscribitur, negat hominem esse animal politicum seu ad societatem aptum natum: eorum, inquit, qui de rebus publicis aliquid conscripserunt, maxima pars vel supponunt, vel petunt, vel postulant, hominem esse animal aptum natum ad societatem; eoque fundamento ita superadificans doctrinam civilem tanquam ad conservationem & totius generis humani regimen nihil aliud opus esset, quam ut homines in pacta & conditiones quasdam, quas ipsi cum leges appellavit, consentirent. Quod Axioma, quamquam a plurimis receptum, falsum tamen, errorque a nimis levi naturæ hu-

mana contemplatione profectus est. Si Hobbius per societatem nihil aliud intelligeret, nisi considerationes civiles & politicas, ut in nota ad hunc locum se intelligere simulat, minus alienus esset a ratione: sed ipsius rationis omnem omnino tollunt inter homines naturalem conjunctionem mutuaque omnia officia. Nam i. Docet homines naturaliter sibi invicem esse insectos, voluntas latendi, ait, duobus inest in statu naturæ, immo homines vult esse naturæ ferociiores lupis, urbis & serpentibus; ideoque eorum statum naturalem esse statum belli, omnium contra omnes; singulos in illa conditione perfectos intentos esse in aliis seu fraude seu vi seu quovis alio modo præoccupandis, quia, ait, securitatis viam meliorem habet nemo anticipatione: vel ut alibi scribit: spes unicuique securitatis conservationisque suæ in eo sita est, ut viribus artibusque propriis proximum suum palam vel ex insidiis præoccupare possit. 2. Afferit consequenter ad hæc principia, in illo statu naturæ licuisse cuilibet facere quæcumque & in quocumque libebat, neque lege ulla impeditam fuisse libertatem; adeoque nihil fieri potuisse injustum, nemini inferri injuriam. 3. Statuit primam & fundamentalem naturæ legem hanc esse, propter sui conservationem querendam esse pacem ubi haberi potest, quæ cum juxta illum autorem nonnisi pactis iniri queat, lex naturalis est, ait, pactis standum esse & fidem servandam; ex quo, 4. concludit regulas boni & mali, iusti & injusti, honesti & turpis, esse leges civiles: quod legislator præceperit id pro bono, quod vetuerit id pro malo habendum esse; ideoque ait, si lex civilis jubeat invadere aliquid, non est illud furtum, adulterium, &c. Immo civitati in omnibus obedire quique tenetur, sive in his quæ spectant cultum divinum, vel vitæ institutionem, aut etiam speculativas opiniones: quoniam ad civitatem, ait, pertinet etiam christianam, quid sit iustitia, quid injustitia determinare. Hinc & aliud ejus dictum nulla lex injusta esse potest.

Tota hæc Hobbius doctrina inventa olim fuit

fuit a vetustissimis Atheis, ut videre licet apud Platonem de Rep. lib. 11. p. 358. edit. Ficini, p. 422.

3. Horum insitens vestigiis author libri recentioris, qui inscribitur *apud fabula*, demonstrare summum studium conatus est virtutem nequaquam esse naturalem hominis habitum, neque illam esse ex omni parte utilem humanæ societati, sed *privatorum vitia publica esse beneficia*. Etenim contendit virtutem a politicis & artificiosis hominibus primum introductam esse, ut homines naturam disjunctos neque aptos societati in unum colligerent & copularent: ad informandos autem virtutum notionibus hominum animos adulatione usos esse primos Legislatores, & persuasisse hominibus esse se naturam a belluis multum separatos, ac naturæ humanæ excellentiam non in appetitu qui sibi cum belluis communis est, sed in ratione & virtute positam esse: vere excellentis naturæ eos esse & omni laude dignissimos, qui appetitus coercent, & postpositis propriis utilitatibus studerent publicis commodis; fortiozem esse, qui se quam qui fortissima vincit moenia; atque in hac fuit ipsius despicientia positam esse animi excellentiam. Propter hanc quam sibi finxit author hic virtutis originem, illam vocat *superbia ex adulatione conceptam prolam*. Existimat omnes homines in has fictas notionis consensisse variis adductis motivis: sapientes vero & peritos, quod illas necessarias putarent ad reipublicæ pacem & incolumitatem; multitudinem simplicem & rudem, quia revera delusa est; improbos etiam, quia inter communes hæc virtutum notiones privata sua commoda felicius promovere posse se arbitrabantur. Simili fere modo religionis originem explicaverat Sextus Empiricus.

PROPOSITIO.

Est lex naturæ nostræ congruens, diffusa in omnes, quæ vocat ad officium jubendo, vetando a fraude deterret.

PROBATIO.

ARGUMENTUM primum ex sensibus, affectionibus & facultatibus naturæ humanæ.

1. Est quidam *justi & iniqui sensus* omnium hominum animis a natura insitus, ut supra notatum est: nam est quædam vitæ ratio quam necessario probamus; sunt quædam vivendi principia tam evidenter æquitatis & sapientiæ, ut ab illis admittendis temperare nemo possit, quæ temporum omnium & locorum omnium communia sunt, quæ doctis & indoctis sponte innotescunt. Qualia sunt illa, suum cuique tribuendum, fidem servandam, beneficiis gratum animum debere: *quæ autem natio, ut ait Cicero, non comitatem, non benignitatem, non gratum animum & beneficii memorem diligit? Quæ superbos, quæ maleficos, quæ crudeles, quæ ingratos non aspernatur, non odit?* Sensus hunc moralem nobis inesse conscientia intelligitur, argumentis demonstrare vane contenderemus: est quippe analogus illi intuitivæ veritatis perceptioni, quæ omnis est scientiæ fundamentum; aut illi gustus sensationi, quæ eibos distinguimus; ac sicut sublata illa intuitiva veritatis perceptione, nullam haberemus veritatis & falsitatis notionem; neque sine illa gustus sensatione essent ulli saporis: sic sublato illo justis atque iniquis, honestis & turpis sensu, nulla esset vocabulorum illorum vis & potestas: hic sensus tam naturalis est, tam constans & uniformis, ut nullis possit præfocari præjudiciis, aut passionibus extingui; ejus sanctissimum judicium nullis præmiis corrumpi potest; viget in sceleratissimis hominibus, quibus ita gratiosa virtus est, ut invite probent meliores.

2. *Ratio* habet potestatem legis propriæ dictæ: nam ad hoc duo requiruntur, ut sit ratio cuique homini in actione

C c ni-

nibus suis perpetuus & domesticus monitor, & ut monet cum auctoritate. Atqui primo ratio quemque in instituenda vita & in singulis ferme actionibus monet: quia hujus facultatis vi quisque vel invit. percipit rerum relationes ac suarum actionum effectus & consequentias, earundemque cum finibus, quos sensus naturales probant, convenientiam vel disconvenientiam. Hæc nisi quisque perciperet non esset rationalis, ageret impetu cæco, more belluarum, sine consilio. Si autem has convenientias percipit: ergo ratione dirigitur; cum dirigi, sit doceri quibus mediis fines attingi possunt, quos sibi aliquis proponit.

Secundo vero ratio monet cum auctoritate, seu, quod idem est, rationis dictata necessario & naturaliter approbamus: quia hæc approbatio a perceptione convenientiæ actionis alicujus cum finibus nostris, v. g. cum felicitate separari nequit; tunc enim idem sensus qui probat finem, necessario etiam probat media ad finem conducentia. Quapropter quoties homo propter animi perturbationem non agit juxta perceptas rerum relationes, seu ipse divisus est; ex partibus quodammodo dissentientibus componitur, ex quarum conflictu angores sequuntur & ægritudines animi. Ergo cum homo rationis monita nequeat contemnere quin naturam hominis aspernetur & ipse se fugiat, est naturæ lex ratio, quæ vocat ad officium jubendo, vetando a fraude deterret.

3. Est in singulis hominibus conscientia, per quam intelligimus non iusti & iniqui apprehensionem, neque judicia rationis, sed meriti & demeriti sensum, innocentia & delicti conscientiam; suavem illam jucundamque voluptatis affectionem, quæ vitam juxta rationis dictata institutam comitatur semper, terroresque illos & metus graves, quibus perturbantur & eliduntur ii, qui magistratam vitæ rationem sequi recusant. Hanc innocentia & delicti conscientiam inesse singulis hominibus neque ab ipsis impiis & Atheis abesse confitetur *Lucræti* in his sequentibus initio libri tertii.

Nam quod sepe homines morbos magis esse timendos,

Infamemque ferunt vitam, quam Tartara letibi,

Et se seivæ animi naturam sanguinis esse;

Nec quidquam prorsus nostra rationis egere;

Hinc licet advertas animum magis omnia laudis,

Aut etiam venti, si fert ita sorte voluntas,

Jactari causa, quam quod res ipsa probetur.

Extorres iidem patria, longæque surgati

Conspexu ex hominum sedati crimine turpi

Omnibus ætumnis affecti denique vivunt;

Et quocumque tamen miseri venere parentant,

Et nigras mæstant peduces & manibus divitis

Inferias mistunt; multoque in rebus acerbis

Actius advertunt animos ad Religionem.

Quo magis in dubiis hominum spectare periculis

Convenit, adversisque in rebus noscere qui sit;

Nam vera voces tum demum pectore ab imo

Ejiciuntur & eripitur persona, manet res.

Malos igitur consistente Atheismi desensore inlestantur furia, non ardentibus tædis ut in fabulis, sed angore conscientia & fraudis cruciatu; dumque omni metu solutos se prædicant, induunt personam, quæ in rebus acerbis eripitur. Atqui hæc involuntaria sui condemnatio arguit inter bonum & malum morale discrimen ab ipsa natura positum: alias cur homines mali proprias condemnarent actiones & sibi ipsis irascerentur? Cur supposita futura vita arbitrantur sibi potius pertimescendum, quam bonis; se potius Divini Numinis iracundiam experturos, quam pios & honestos? Unde horum fidu-

dūcia, illorum diffidentia? Cur non suspicamur mali Deum ipsis favere & honestos poenis esse affecturum? Si illi quos dicimus malos vivant sapienter, si naturæ pareant, si rationi uti contendunt obtemperent sua quærentes commoda, cur tantæ aggritudines, tantæ anxietates? Certo credant Deum nedum ipsis succenseat potius esse remuneratum. Sed si cogitare nequeamus Deum honestis inimicum, malorum patronum; ergo dividit & separat malos a bonis hominis natura, & consequenter etiam actiones hominis natura ipsa dijudicantur.

4. Sensui interno, rationi & conscientie naturales hominis *propensiones*. Nam si particulatim consideremus omnia vitæ officia sive adversus Deum, sive erga nosmetipsos, sive erga alios, nullum est quod aliqua propensione naturali nobis non sit commendatum. Primo nequimus cogitare excellentissimam Dei naturam & perfectiones infinitas, quin admiratione teneamur, & ad augustissimi Numinis *adorationem* sponte procumbamus: nec liberalem ejus & effusam in creaturas suas bonitatem, quin *gratos* experiamur pro beneficiis acceptis *sensus*: nec præsidem Deum supra & circa nos stare, factorum dictorumque censorem sine *observantia* & *reverentia*: alias undè factum est, ut omnes gentes in colendo Deo consenserint? Sic etiam secundo insitis naturæ affectibus cum aliis hominibus conjungimur & ad mutua officia inclinamur. Inest omnibus hominibus generalis benevolentia & gratuita bonitas, cujus tanta vis est, ut ignotis periclitantibus ultro succurramus & naturali commiseratione in omnium miserorum opem commoveamur. Hunc sensum omnibus inditum esse probat plausus ille quo in theatro Romano exceptum fuisse legimus hunc Poetæ comici versiculum: *Homo sum, humani nihil a me alienum puto*. Præterea prolis amor in parentibus & liberorum mutua pietas, amor patriæ, amicitia, gratitudo, & alie omnes benevolæ affectiones, in quibus est posita omnis vitæ felicitas, ad officia nos ducunt gratuita, etiam cum jactura nostrorum

commodorum & vitæ quoque periculo. Hisce affectionibus nullo modo contrariæ sunt cæteræ omnes, ut pudor & verecundia, honoris sensus, existimationis & gloriæ cupiditas, ex malorum prospera fortuna indignatio, immo vero confirmant naturalia officia. Tertio, denique quemque sibi commendari a natura & excitari ad quærenda ea quæ sunt conservantia sui status & ejusdem perfectiæ nullus dubitat. Ergo nullum est officium quod nobis non commendatur non solum a ratione, sed ab appetitu, & nullus est naturæ instinctus, vel inclinatio, vel passio, quæ si sit temperata vitæ humanæ non afferat utilitatem.

Et vero lex naturæ omnis caritate in omnes diffusa continetur, rationisque dictata omnia, diligere alios & benefacere præcipiunt. Atqui ad diligendum & benefaciendum inclinare maxime propensiones naturales, ex eo patet, quod mentem quadam perfundant suavitate; & per se ac sua sponte comprobentur omnes motus benigni. In iis quisque sibi placeat, lubens, iidem, tanquam natura accommodatis, indulget, & similes quoque in aliis comprobatur & veneratur: contrarii autem motus ut ira, odium, invidentia, ultionis appetitio & malevolentia omnis, sunt proxime & per se molesti; in iis recordandi nemo sibi placeat, aut similes in aliis comprobare potest. Præterea, ut observavit *Cartesius* in tract. de passionibus, amor ad optimum corporis habitum multum conducit: odium quædam tristitia est inimica naturæ, quæ cor contrahendo liberum sanguinis fluxum impedit.

Tandem ipsæ corporis habilitates & motus spontanei indicant, quid naturæ congruat, quid non congruat? Quanta vultui venustas accedit ex amica lenitia, socia hilaritate, lætæque sympathia & gratulatione? Quanta pulchritudo ex animo sedato & constanti, sibi recte conscio, atque ex interna sui comprobatione! In amici vultu ejusque qui grato beneficii sensu movetur, quæ gratia, quamque mitis flamma ex benignis emicat oculis! Si e contrario intentetur injuria

ubi ejusdem propulsandæ spes est, in vultu torvo se prodit ira, truciùs ex oculis ignes coruscant terribiles. Si mali avertendi spes nulla est, quanta eloquentiæ vi instruxit natura non homines solum, sed & muta animantia, premente tristitia, dolore, vel metu graviore! Qualis illa vox flebilis & querula, qualis vultus oculique moesti & defecti, suspiria, lacrymæ, gemitus! Quanta eorum omnium vis ad commiserationem apud omnes excitandam, quo promptius opem ferant vel ab incepta injuria abstineant! Nulla ergo pars est humanæ naturæ, ex qua leges naturales non possimus colligere.

Argumentum secundum. Ex observatione in aliorum hominum ingenium & mores.

1. Certissima est illa Socratis & Platonis observatio, nullum esse juvenem rudem & omni vacuum præjudicio, qui, si recte & methodice seu de rebus speculativis seu de practicis morum regulis interrogetur, non apte respondeat: ex quo experimento alii concludebant scientiam esse reminiscendam; alii vero concludunt veritates primas, tum eas quæ ad vitam pertinent humanam, innatas esse & a prima origine insitas: hoc saltem sequitur, esse rerum relationes in ipsa natura fundatas, earumque convenientias & disconvenientias non ex aliqujus arbitrio fingi, sed ab ipsa natura edoceri.

2. Constat experientia perditos homines, qui sua commoda sine honestate & pudore prosequuntur, æquum ferre judicium de aliorum hominum actionibus: ex quo concludit Plato lib. 2. de legibus, divinam esse virtutis vim quæ nulla vinci potest morum perversitate.

3. Experimur flagitiosos & sceleratos homines aliquam virtutis rationem habere: nam, ut ait Cicero, quis est aut quis unquam fuit aut avastia tam ardenti, aut tam effrenatis cupiditatibus, ut eandem ipsam rem quam adipisci scelere quovis vellet, non multis partibus malis ad sese etiam omni impunitate propofita sine facinore quam illo modo pervenire.

Ergo improbitatem refugit vel ipsa natura corruptissima.

4. Nullus est qui suas actiones etiam turpissimas defendere non studeat & illis recti speciem inducere. Impiorum nemo, ut habet Cicero, tam audax unquam fuit, quin aut abnueret esse commissum a se facinus, aut iusti sui doloris causam aliquam fingeret, defensionemque facinoris a natura jure aliquo quaereret.

Rationes has pulchre complexus est Seneca de Ben. l. 4. c. 17. Placet, inquit, suapte natura, adeoque gratiosa virtus est, ut insitum sit etiam malis, probare meliores. Quis est qui non beneficium videri velit? qui non inter scelera & injurias opinionem bonitatis affectet? qui non ipsis quæ impotentissime fecit speciem aliquam induat recti? velit quoque iis beneficium dedisse, quos læsit? gratias quoque agi sibi ab his, quos affixere, patiuntur, bonosque se ac liberales fingunt; quia præstare non possunt. Quod non facerent, nisi illos honesti & per se experiendi amor coegeret moribus suis opinionem contrariam quaerere & nequitiam abdere, cuius fructus concupiscitur, ipsa vero odio pudori que est: neque quicquam tantum a naturali lege defecit, & hominem exiit, ut animi causa malus sit. Dic ergo cuilibet ex istis qui rapto vivunt, an ad illa quæ latrocinii & furtis consequuntur, malint ratione bona pervenire? optabit ille, cui grassari & transvies percutere quaestus est, potius illa invenire, quam eripere. Neminem reperies, qui non nequitie præmiis sine nequitia frui malit. Maximum hoc habemus naturæ meritum, quod virtus in omnium animos lumen suum præmittit, etiam qui non sequuntur illam, vident.

Argumentum tertium ex testimonio hominum. Populorum consensus naturæ vox est, sapientum omnium auctoritas maximum veritatis argumentum est. Sed esse legem naturalem & insitas a naturæ iusti & iniusti notiones omnes populi agnoverunt, omnes sapientes & legislatores putarunt. Hanc, video, inquit Tullius de legibus lib. 2. sapientissimorum fuisse sententiam, legem neque hominum ingenii excogitatam nec scitum aliquod esse.

populorum, sed æternum quiddam quod universum mundum regeret, imperandi prohibendique sapientiam. Plura testimonia ex Philosophis & Poetis congerere, in re tam clara supervacaneum videtur.

CONFUTATIO SCEPTICORUM.

Obijciunt cum Sexto Empirico & Scepticis: est jus omne non a natura sed ab opinione ortum, & illa vivendi præcepta, morumque principia, quæ naturæ leges dicuntur, ad naturam minime pertinent, nihilque aliud sunt quam præjudicæ infantie & educationis opiniones ad quas docti & instituti sumus.

Respondeo, prudenem & sedulam institutionem multum valere ad explicandas leges quibus a natura inguti sumus, ad evolvendas complicatas animi notiones; multum conferre ad primarum intelligentiarum & scientiæ seminum incrementum: doctrina sane vim promovet instans, rectique mores pectora roborant. Sed si nulla sit naturæ vis, qui sit ut notiones iusti & iniqui tam generales sint, tam alte mentibus insideant, ut extirpari nequaquam possint? nam opinionum commenta delet dies, natura tantum iudicia confirmat. Exiuntur certe a visis Philosophis, quæ nonnisi ab infantia ac institutione vim acceperunt opiniones, sed ista naturæ præcepta quo magis excutuntur & ponderantur a viris attentis & meditationi assuetis, eo magis sese illis commendunt, eo solidioribus nixa fundamentis, altiusque infixæ mentibus deprehenduntur.

Inhabis: si essent ullæ naturæ leges, essent illæ ab ipsa mentis origine an mis nostris innatæ; essent universales & omnibus hominibus per se notæ; essent in omni ætate uniformes atque constantes. Nam quod naturale est hisce dignoscitur criteriis: ab ipsa rei origine in illa apparet & conspicuum est: omnibus convenit naturæ individuæ seu plane universale est: immutabile est, naturamque semper eodem modo afficit, nec in diversis dispar & dissimile esse potest: sic, v.g. felici naturale est muribus infestum esse; naturale est malo aureæ ferre mala; au-

rea; naturale est homini videre, sentire. Atqui nullum est vitæ moralis principium, cujus semper consensum fuimus; de quo inter omnes conveniat; quodque in omni ætate constanter & uniformiter receptum fuit. Sunt quippe quidam homines, qui ferarum more nihil aliud habent in animo quam ut vitam corpusque tueantur & qui de Deo, aut religione, de virtute aut vitio numquam cogitant: Richier in Ep. quæ est inter Epistolæ Calvini 237. de Brasiliensibus scribit. *Bonum a malo non fecerunt; vitia, quæ natura in cæteris gentibus arguit, loco virtutis habent; saltem vitiorum turpitudinem non agnoscunt; adeo ut hoc in re a brutis parum differant. Cæterum quod omnium perniciosissimum est, latet eos an sit Deus, tantum abest ut legem ejus obsercent, vel potentiam & bonitatem ejus mirentur. Quo fit ut sit nobis proflus adempta spes lucrificiendi eos Christo, quod ut omnium est gravissimum, ita inter cætera maxime agre ferimus.* Legimus etiam apud Thezenotium quendam esse Alæ populum, apud quem statim ac desperatus est egrorum status & morti proximi creduntur, mos est illos extra domum projicere, ubi aeris inclementie expositi misere intereant: memorantur & alii populi, qui feminas bello captas pro concubinis servant & liberos ex illis genitos ad annum usque decimum tertium saginatos, tandem mactare & manducare consueverunt; eandemque sortem experiuntur miseræ matres, ubi liberos genere desinunt. Alia multa ejusdem generis nec minus a nostris visibus abhorrentia apud historicos & peregrinatores legi possunt. Nulla sunt ergo præcepta vivendi, quæ ad naturam humanam pertinent, sed opiniones omnes animis nostris adhuc teneris instillantur & consuetudine roborantur.

Respondeo 1. nego majorem. Falsa quippe sunt illa naturæ criteria, quod scilicet quodcumque naturale est, illud debeat in rei origine deprehendi; esse omnibus per se notum; aut esse omnino constans & uniforme.

1. Enim

1. Enim sunt plura instita in natura, quæ non nisi post certas temporum periodos explicantur, adoleſcunt & conspicua evadunt: sic arbores non statim folia, flores & fructus explicant; nec nisi post confirmatam ætate stirpem: nemo tamen negaverit fructus cujuslibet arboris proprios illi esse naturales. Multæ sunt etiam in hominibus sicut in cæteris animantibus propensiones, quæ in primo ortu conspicuæ nequaquam sunt, quæ tamen labentibus annis nascuntur & quandam accipiunt maturitatem. Quamvis ergo præcepta vivendi menti nostræ non innotescant, nisi post confirmatam annis ætatem, non minus nota naturaliter dicenda sunt.

2. Id omne quod naturale est, non propterea est omnibus per se notum: quamvis nulla esset opinio, nullum vitæ moralis principium, in quo omnes conveniunt, tamen ex eo minime sequitur non esse legem naturæ nostræ congruam, & principia vitæ moralis naturalia. Nam ut non discedamus ab exemplo jam proposito & ad elucidandum hanc materiam aptissimò, certe naturale est malo aureæ ferre mala aurea; sed si plantetur in Septentrionalibus Europæ plagis non gemmabit, non induet se in florem, non fructum dabit; in Gallia nostra cum magno cultu fructus feret mediocres: sed in Lusitania sponte & sine cultura fructum explicabit pulcherrimum. Itaque licet ad naturam illius arboris pertineat mala ferre aurea, tamen ad florum fructusque explicationem conferunt soli humor, cæli temperies, hominis labor & cultura. Idem dicendum est de mente humana, parvulus dedit nobis natura igniculos, ut loquitur Cicero, quos multi celeriter malis moribus & opinionibus depravatis sic resingunt, ut nusquam naturæ lumen appareat. Fovenda sunt quæ dedit natura scientiæ semina, attentione & meditatione explicanda sunt, tum adoleſcere illa videmus & perfectam assequi ætatem.

3. Ut aliquid naturale censeatur non debet esse omnino constans & uniforme: quamvis enim divini Numinis cultus va-

rius sit apud varias gentes; varia sit apud varios populos forma regiminis; non exinde sequitur nos ad cultum religiosum & societatem civilem non esse naturaliter inclinatorum. Quid tam naturale quam oratio? Quam diversa tamen apud varios populos obtinuit. Ergo potest esse aliquid naturale quod ab origine non fuit conspicuum, quod ab omnibus cognitum non fuit, nec in omnibus est uniforme (*Vide Berkeley alephron vel min. phil.*).

Sed quoniam hoc ex opinionum varietate argumentum adversariis nostris videri solet palmare & invictum, fusius discutiendum est, monstrandumque unde oriatur hæc opinionum varietas & in hominum moribus & institutis dissensio. Accipit enim a natura homo, non solum sui corporis conservandi eam, sed etiam ornandi animi; nam ut corpus natura imbecillum est, & non nisi exercitiis cibisque convenientibus roboratur; sic & animus angustis a natura primum restrictus limitibus, meditatione cogitationes profert, nutritur veritatis studio, contentione & ingenii exercitationibus confirmatur. Si vitam agimus morum belluarum subitis sensuum acti impulsibus, sine ulla de vitæ summa deliberatione, nulla erit in vita constantia, & figura magis quam vitæ ratio nos ab animantibus dividet. Mens humana itaque in ortu primo tabula est fere rasa, quam sculperere debemus; terra est, ferax quidem, veritatis atque virtutis sata seminibus; sed quam fodere atque exercere oportet. Non sunt certe sic innatæ omnium hominum animis ideæ aut ingenita vivendi principia, ut eadem omnium hominum mentibus sponte obversentur; sed rerum notiones successive ex usu facultatum & ex meditatione accipimus: illæque ideæ solum sunt omnibus hominibus communes, quæ per sensus irruunt quodammodo in animos; illæ vero quas meditatione accipimus, possunt quamplurimis nunquam innotescere: ex gr. qui rebus mathematicis nunquam dederunt operam, nullam habent cognitionem proprietatem *parabola* aut *hyperbola*, atque illa.

illa propositio evidentissima, in circulo linea ordinata ad diametrum est media proportionalis inter duas diametri abscissas, nullam habet significationem pro innumeris hominibus, qui de diametro, abscissa, & media proportionali non audierunt: nec intellectus terminis veritas hæc statim innotescit. Possunt alii rerum multo magis evidentium ignoracione laborare: sic quamvis vix ulla veritas sit, quæ clarior est entis summe perfecti & infiniti existentia; tamen ille qui rebus intenderet, nisi quantum ad vitam tuendam intervenire possunt, neque admirabilem rerum ordinem & divini consilii vestigia, neque sui animi virtutes & abstractas notiones contemplaretur; diu vivere posset sine distincta cogitatione entis perfecti. Neque solum homines quandoque non consequuntur cognicionem illarum veritatum, quæ quandam idearum seriem & complexionem possulant: sed nec duarum simplicissimarum convenientiam cernunt; quia ipsis nunquam accidit duas illas ideas secum componere & uno complecti cogitatu. Sic quamvis naturalis sit & valde evidens scientia naturarum; tamen memorentur aliqui populi, qui ad numerum vigesimum vel decimum calculos tantum inire solent. Quamobrem si qui homines sint aut integræ etiam nationes, qui rationem haudquaquam coluerint, admirationem nostram habere non debet quod multa ignorent moralis philosophiæ principia, seu speculativa, seu practica. Verumtamen sicut non minus pertinet ad naturam soli feracis, ut arboribus nutriendis aptum sit, licet subactum esse debeat; ita neque ad hominis naturam minus pertinent leges naturales, quod non nisi illis mentibus innotescant, quarum facultates meditatione vel doctrina sunt explicatæ. Ut principia quædam vitæ moralis dici possint naturalia, sufficit ut attentas mentes sua percillant evidentia, & ut illis semel perceptis constanter & immobiliter ab omnibus adhæreant: ridicule certe ex hominum ignorancia ducitur argumentum; & ut aliquam possit habere vim ad convellendam nostram con-

clusionem opinionum inter homines varietas, ostendendum esset dissensionem non minorem esse inter eos, qui ad veritatis investigationem animos ingenios & veri cupidos contulerunt. Ut ait Aristoteles l. 2. pol. quid naturale sit, spectandum in his qui bene secundum naturam se habent, non in depravatis.

Respondeo 2. nego minorem. Multa enim a veritate valde remota narrare solent itinerum scriptores; neque facile crediderim uspiam esse mortalem aliquem omni sensu honestatis vacuum aut divini Numinis metu solum. Illi quorum testimonio nituntur assertiones in objectione positæ temere plerumque pronuntiant de illis populis, quorum sermonem & mores, a nemique cogitata intelligere non potuerunt; aut etiam eos malitiose calumniati sunt, quod supra consecimus ubi de consensu nationum circa Dei existentiam. Legimus ipsos Judæos & Christianos, quorum disciplina cæterarum gentium religionibus sanctitate tantopere præstat, a multis olim Gentilibus Atheisticæ impietatis & maximorum scelerum accusatos fuisse.

Pleræque illæ etiam consuetudines, quæ ab æquitate & humanitate nobis alienissimæ videntur, recta quidem principia supponunt, sed perperam & contra omnem rationem ad rem aptata. Sic qui ægros morti proximos atque desperatos aeris exponunt inclementiæ, aut quod verius est in suis tuguriis deserunt, sic agunt ex humanitatis & commiserationis sensu, ipsis ægris rogantibus, ne scilicet eorum languor producatur, finemque citius doloribus insanabilibus imponant. Quod de foeminis bello captis, eorumque liberis ad eandem & epulas saginatis refertur, valde est incredibile, etque magis quod ex aliis relationibus noverimus plebrotque barbaros, qui hostium carne vescuntur, illas ingratas epulas sine voluptate parare, ultionis causa & ex vana gloria, ut par hostibus referant. Præterea fortassis apud illos populos, qui omni carent industria & arte, difficile victus comparatur atque ad sustentandam suam & suorum vitam hæc in hostes et Jeli-

tas quodammodo necessaria est. Quid non suadet ira fames?

Instabis 2. Atque non solum apud barbaras gentes obtinet illa opinionum varietas & perversitas morum; sed etiam in illis regionibus, quæ legibus gubernantur, magna est in religione & institutis diversitas: immo etiam in iis ubi artes & scientiæ maxime floruerunt, in Græcia scilicet & Romana Republica, ubi tot ac tanti viri in rerum divinarum investigatione & recludendis doctrinæ moralibus fontibus assidue laborarunt, fuerunt tamen tam varæ tamque discrepantes sententiæ circa Dei naturam, summum bonum & alia morum fundamenta, ut illas dinumerare molestum sit, & Cicero concludit prudenter a rebus tam incertis Academicos assensionem cohibuisse.

Respondeo in illis Gentibus, quæ legibus gubernantur illam varietatem opinionum non esse plerumque circa morâlis vitæ principia practica; vel si fuerunt quædam perversa apud quasdam gentes instituta, uti apud *Carthageneses*, qui liberos suos Diis immolare solebant, ex populi stupiditate & ignorantia primum orta consuetudine robor acceperunt. Si aut enim malos corporis habitus ex aliorum imitatione cogitamus, ita quoque & pravi habitus cogitandi quandoque ingenerantur, ideatque sociamus aliquando, quæ nullam habent convenientiam; quia sic sociatas a magistris vel parentibus accepimus. Raro vulgus hominum suum adhibet iudicium, sed id habet rari, quod ab iis quos probat iudicatum videt. Ut habet Cicero: *multi ante tenentur adstricti quam quid est optimum iudicare poterunt; deinde infimissimo tempore atatis aut obsecuti amico cuidam, aut una alicujus quem primum audierunt oratione capti de rebus incognitis iudicant: ad quamcumque sunt disciplinam quasi tempestate delati, ad eam quasi ad saxum adherescunt.* Certe falsa erat illa divinæ iustitiæ notio in illis hominibus, qui illam cæde hominum placari existimabant; sed hunc errorem cum læste luxerant, neque cum ad examen revo-

care unquam in mentem incidit, aut verabat superstitio. Attamen illæ falsæ idearum conjunctiones fortuitæ omnino sunt, constantes esse nequeunt; veritas sola immota est, sola est naturalis; cum in rerum fundata sit naturis, & ab ea semel percepta nequaquam divelli possimus.

Quod vero attinet Philosophos & Legislatores, constat eos non nisi circa res obscuriores dissensisse. Nam non sunt omnes vitæ regulæ æqualiter certæ; iusti & æqui limites, quandoque difficile determinantur. Sunt quædam vitæ instituta, quæ primo intuitu vel naturæ nostræ congruentia & æqua videntur, vel ab omni ratione aliena: neque confundi magis possunt opposita hæc vivendi principia, quam duo vividissimi colores. Sed in rebus minoris momenti & conclusionibus magis remotis a generalibus morum principis magna potest esse ambiguitas: uti si duos vel tres colores misceas, tandem efficies ex æquali fere illorum mixtura colorem medium, in quo nequaquam poteris deprehendere, quinam è duobus vel tribus coloribus majore copia contineatur. Sunt quædam certe quæstiones de quibus varie statuerunt Legislatores: v. g. de uxoris repudiandæ libertate, de consanguineorum matrimoniis, de pecuniæ locatione & usura, de vi jurisjurandi per vim extortis, & cæteris ejusmodi; quia habent hæc quæstiones varios aspectus, neque omnino evidens est, quid semper & in singulis circumstantiis præscribat ratio, aut quid magis conferat ad societatis communem utilitatem: sed primum & fundamentale vitæ civilis principium, nempe querendum esse bonum publicum; & officia omnia justitiæ & charitatis a Legislatoribus omnibus commendata sunt. Lex illa Spartiaca, quam asserere solent in exemplum adversarii, quæ permittebat junioribus fraude subripere aliorum res, præsertim edulia, data a *Lycurgo* ad excitandam civium vigilantiam & ad adolescentum acutandam industriad, & ut discerent a peritiâ noctu vigilare, interdiu fallere, fluere insidias, exploratores habere, &c

fic

sic adulti bello essent utiliores, quantumvis sit ridicula, injusta tamen non fuit; nam leges circa bonorum proprietatem non sunt immutabiles, nec illarum subdolarum subreptiones erimen habebant furti; cum lex ista facta fuerit consensu civium, unusquisque de suo jure cessasse putandus est. Sed nunquam fuit lege aliqua permittum rapere, & bona sua tuentem occidere. Nunquam lege licuit fidem violare, pacta pro lubitu rescindere. Quandoquidem igitur dividit communis hominum intelligentia bonum & malum morale in aliquibus casibus; in rebus etiam minoris momenti discrimen esse colligendum est, licet propter rationis imbecillitatem illud cernere non valcamus; nedum concludere debeamus, ex eo quod non nisi difficile determinentur conclusiones a principiis remotæ, ideo ambigua esse principia.

Quod vero spectat eos, quos Cicero vocat *minutos Philosophos*, Atheos omnes, Scepticos, Epicureos; quanta sit horum auctoritas supra expendimus, ubi de existentia Dei.

CONFUTATIO SPINOSE.

Obijcies 1. cum *Spinoza*: Jus naturæ unuscujusque non tam sana ratione quam cupiditate determinatur. *Quidquid unusquisque sibi utile, vel ductu sana rationis, vel ex affectuum impetu judicat, id summo naturæ jure appetit, & quacumque ratione, sive vi, sive dolo, sive precibus, sive quocumque demum modo facilius poterit, ipsi capere licet.*

Nam per jus & institutum naturæ nihil intelligi potest, quam regulæ naturæ unuscujusque individui, secundum quas unumquodque naturaliter determinatum concipimus ad certo modo agendum. Atqui determinatur ad agendum ex appetitu & juxta leges appetitus, etiam majori vi, quam ex sana ratione aut juxta leges sanæ rationis. Ergo jus naturæ cupiditate potius quam recta ratione determinatur.

Respondendo nego antecedens: duplex quidem est vis animorum ratio & ap-

Tom. I.

petitus; sed ea est facultatis utriusque natura; ut ad rationem omnis pertineat auctoritas, appetitum vero illius imperio subditum esse necesse sit. Quippe ratio naturæ suæ dominium exercet, ejus vim in imperando tollere nequeas, quin etiam ipsam sustuleris. Appetitus vero ubi affectat imperium naturæ omnem pervertit; illius commotiones cæci sunt impetus, qui ad fines etiam versus quos inclinant obtinendos ducere nequeunt; oportet illos coerceri quasi freno, ne fines omnes prætergrediantur. Ab appetitu etiam, ut notat Cicero, non modo animus perturbatur sed etiam corpus; licet ora ipsa cernere iratorum, aut eorum, qui aut libidine aliqua aut metu commoti sunt, aut voluptate nimia gestiant: quorum omnium vultus, voces, motus, statusque mutantur. Ex quibus illud intelligitur, appetitus omnes contrahendos, sedandosque, excitandamque animi animationem diligentiamque, ut nequid temere, fortuito, inconsiderate, negligentem agamus. Appetitum igitur regere rationis officium est, jus est a naturæ ipsa concessum; & quoties ullius appetitus impetu contra ejus nititur vetitum, Regem & a naturæ datum Ducem vitæ deserimus, partemque sequimur usurpatoris violenti, cui nulla competere potest auctoritas; cujus cum nulla sit gubernandi ars & prudentia, in certam abiicit ruinam.

Ad confirmationem antecedentis respondeo, 1. nego majorem: nam per jus & institutum naturæ humanæ non intelliguntur regulæ secundum quas homines ad agendum determinantur; sed regulæ secundum quas inviti agnoscunt se agere debere: non intelliguntur motiva electionis seu motiva omnia voluntatem ad agendum excitantia, quæ sæpe militant adversus rationem; sed motiva approbationis, quæ omnino diversa sunt. Hæc pertinent ad intellectum, sunt rationis judicia & dictamina conscientiæ, tam sancta quidem ut nullis possint corrumpi præmiis; quorum tanta vis est, ut impotenti appetitus commotioni parere

Ed fine

sine angore non possumus & inviti dicamus, *video meliora proboque, deteriora sequor*. Motiva contra electionis, quæ militant adversus rationem, cæci sunt impetus, quibus mentes & corpora perturbantur, morbi sunt potius quam vivendi regulæ. Quid enim tam absurdum est quam regulam appellare, rem tam variam & multiplicem, quæ nunquam sibi constat & qua perpetuo in contrarias partes distrahimur. Certe de natura regulæ est, ut sit uniformis, constans, flecti nescia, & hæc qualitates solis dictatis rationis in rerum positæ natura convenire possunt.

Respondeo 2. distinguo minorem: determinatur naturaliter ad agendum ex appetitu & juxta leges appetitus, id est, a principio vere naturali, & naturam sequimur minus principalem quæ magistra vitæ esse nequit, concedo: determinatur ad agendum ex appetitu & juxta leges appetitus naturaliter, id est, a facultate cui a natura data est autoritas & agimus secundum naturam perfectam aut adequate spectatam, nego. Ideoque aliquid dici potest *naturale* & fieri *secundum naturam* diverso sensu. 1. Naturale illud dicitur, quod ab interno principio oritur, quo sensu iracundia, invidia, & vitia omnia naturalia sunt: & hoc sensu homo eodem tempore secundum & contra naturam agere potest, nam sæpe duabus passionibus in contrarias partes impellitur. 2. Naturam dicimus illas propensiones quæ majorem habent vim in homine; quæ cum plerumque vitiosæ sint nisi ubi adjuvat divina gratia, dicimus *natura mali*, *natura filii ira*. Juxta has duas acceptiones manifestum est naturam dici non posse legem. Sed 3. Alio prorsus sensu dicere solebant Stoici supremum hominis finem esse *naturam sequi*, atque in hoc virtutem positam esse. Alio omnino sensu dicebat S. Paulus, *gentes naturaliter ea qua legis sunt fecisse & ipsos sibi esse legem*. Scilicet intelligebant naturam ad quam necessario pertineret ratio & in qua principatum obtineret: quæ pro-

pria est & adequata humanæ naturæ notio. Nam per humanam naturam non est intelligenda quedam affectio particularis, neque etiam complexio promiscua & inordinata seu cahos quoddam diversarum facultatum, sensuum & affectionum: sed sicut in idea civilis constitutionis includitur partium subordinatio, ita & humana natura systema est facultatum diversarum habentium functiones, & secum perfecte consentientium, inter quas ratio solum occupat: atque sicut destruitur civilis constitutio, sublata vel partium mutua concordia & subordinatio, vel autoritate gubernante, sic etiam sublato variarum naturæ humanæ virium concentu, & in omnes autoritate rationis, evertitur naturæ humanæ constitutio (Vide Butler *differt. de natura virtutis*).

Juxta hanc acceptionem natura patet commotiones appetitus contra rationem in solis naturaliter collocatam feditiosas esse & ab humanæ naturæ constitutione naturali esse prorsus alienas, ejusque perturbatrices; ætæque Stoicos dixisse vitia magis esse humanæ naturæ contraria, quam sunt tormenta aut cruciatus, aut etiam mors: illa contra principalem hominis naturam sunt, ista inferiorem attingunt. Hæc omnia exemplo elucescent. Si animal aliquod brutum illecebra inescatum in operam suam perniciem, juxta naturam suam agit, quia naturalem sine providentiæ secutum est propensionem: sed si animal sagax & providum, uti est homo, in prævisam ruinam se rapi patitur; numquid humano ageret modo? An non potius modo abhorrenti a sua natura, seu quod idem est minime naturali? Ut ergo consistat *Spinoza* dogma, ponendum est nullatenus esse homines a belluis natura disjunctos, illis non esse impostam ab ipsa natura personam, magna cum excellentia præstantiaque animantium reliquorum.

Inlatis cum *Spinoza*: Saltem potentia & cupiditate determinatur jus naturale, si non sapientium, eorum certe, qui rectam rationem ignorant & habitum.

tum virtutis nondum habent. Atqui hæc conditio est plerorumque hominum.

Distinguo majorem. Potentia & cupiditate determinatur jus eorum qui carent ratione, aut ejus dictata ignorant ignorantia naturali & invincibili, aut qui virtutis habitum neque habent neque habere possunt; concedo. Potentia & cupiditate determinatur jus eorum, qui rationis sunt participes, aut qui ejus dictata ignorant ignorantia vincibili: aut qui virtutis habitum non habent, quia habere nolunt; nego. Est enim, ut ait Cicero, unum jus quo devincta est hominum societas & quod lex constituit una; qua lex est recta ratio imperandi atque prohibendi, quam qui ignorat, is injustus est. Certe si ignoret invincibiliter dictata rationis neque virtutis habitum habere possit, homo non est; & ejus ut animantium ferocia vi subigenda erit.

CONFUTATIO EPICURI ET HOBBIJ.

Obijciat 3. Nullæ sunt naturæ leges, si nulla sit hominum naturalis conjunctio nec ad mutua officia a natura inclinentur. Atqui bene negavit olim Epicurus homines ad societatem natos esse; ejusque discipulus Hobbius recte initio libri sui de civi scripsit illud axioma, hominem esse animal politicum seu ad societatem natum; a plurimis receptum, falsum est; errorque a nimis levi natura humana contemplatione profectus est.

Respondeo nego minorem. Egregium certe impij systematis fundamentum! Quod omnium Philosophorum & sapientum unanimis consensus, omnium seculorum experientia, omnes ejusque hominis sensus atque facultates falsissimum ostendunt.

1. Enim omnes e Lyceo, ex veteri academia & ex porticu Philosophi, omnes qui de officiis aut re politica scripserunt, hoc assumpserunt esse hominem

ad societatem natum: hoc posuerunt juris fundamentum, quod homines sint propensi ad se mutuo diligendos.

2. Hanc hominum congregationem naturalem atque necessariam efficiat, hominis non tantum in ortu, sed in tota vita conditio. Quid est homo, inquit Seneca, imbecillum corpus & fragile nudum, suapte natura inerme, aliena opis indigens, ad omnem fortunæ contumeliam projectum: eum bene laceratos exereus, cujuslibet fera pabulum, cujuslibet victima, &c. Quo alio tuti sumus, inquit alio in loco, quam quod mutui juvenatur officii? Fae nos singulos: quid sumus? Præda animalium & victima, vilissimus & facillimus sanguis. Quoniam ceteris animalibus in tutela sui satis virum est: quacunque vaga nascuntur, & auctura vitam sequegem, armata sunt. Hominem imbecillitas eiegit; non unguum vis, non dentium, terribilem ceteris fecit. Nudum & infirmum societas munit. Duas res dedit natura quæ illum obnoxium ceteris validissimum facerent, rationem & societatem. Itaque qui per esse nulli posset, si diduceretur, rerum potitur: societas illi dominium omnium animalium dedit, hæc morborum impetus arcuit, senectuti adminicula prospexit, solatia contra dolores dedit. Hæc sortes nos facit, quod licet contra fortunam advocare. Hanc tolle, & unitatem generis humani, quæ vita suslinetur, scindes.

3. Experientia constat nullos uspiam fuisse a societate omni alienos: illa ad convictum & consociationem propensio, vel a teneris annis in pueris maxime conspicua est; adeo adheret naturæ, ut Cicero affirmare veritus non est, neminem esse, qui in solitudine vitam agere velit, ne cum in infinita quidem voluptatum abundantia (a): Nec verum est quod a quibusdam dicitur, propter ne-

Dd 2

ces.

(a) Si quis in cælum ascendisset, naturamque mundi & pulchritudinem siderum perspexisset, insuavem illam admirationem ei fore, quæ jucundissima fuisset si aliquem cui narraret habuisset. Cicero de amicis. Nec me ulla res delectabit, licet extima sit & salutaris, quam mihi uni sciturus sim. Si cum hac exceptione detur sapientia, ut illam inclusam teneam, nec enunciem, rejiciam. Nullius boni, sine socio, jucunda possessio est. Sen. ep. 6.

consistat vita, quod, quæ natura desideraret, consequi sine aliis, atque efficere non possemus, idcirco initam esse cum hominibus communitatem & societatem: quod si omnia nobis, quæ ad victum cultumque pertinent, quasi virgula divina, ut ajunt, suppeditent, tum optimo quisque ingenio, negotiis omnibus omissis, totum se in cognitione & scientia collocaret. Non est ita; nam & solitudinem fugeret, & socium studii quæreret: tum docere, tum discere vellet, tum audire, tum dicere (de Offic. l. 1. c. 44.). Quin etiam si quis ea aspernitate est & immanitate naturæ, ut congressus & societatem hominum fugiat atque oderit, qualem fuisse Athenis Timonem nescio quem accepimus, tanten is pati non possit ut non acquirat aliquem, apud quem evomat vitus acerbioris suæ (de amic.).

4. Ratio, consistente Hobbio, naturæ humanæ proprietas est. Immo libro de civ. c. 2. art. 1. Est, inquit, lex quædam ratio, quæ cum non minus sit pars humana natura, quam quælibet alia facultas vel affectus animi, naturalis quoque dicitur. Sed rationis ea vis est ut ostendat homini fines præstantissimos, mediæque ad fines consequendos aptissima, nihilque aliud esse, quam vitæ ars & prudentia. Præterea Hobbio quoque consistente societas omnium bonorum fons est, & unicum malorum remedium quod suadet prudentia. Ergo homines si prudentes, si sapientes, si rationales natura sint, ad societatem ineundam esse natura pronos necesse est; sibi que contraxit apertissime, dum homines natura rationales, dixit ad societatem proclives non esse. Oportebat certe non rationem, sed dementia, sed furorem naturæ humanæ dicere proprietatem (a).

5. Insitus hominum omnium animis naturalis iusti atque iniqui sensus, meriti & demeriti conscientia ad promo-

vendum aliorum hominum bonum naturaliter inclinant. Generosas & beneficæ actiones tum in nobis, tum in aliis sponte probamus & laudamus: crudeles & inhumanas, quæcunque ex illis arripimus emolumenta, nequaquam probare possumus. Quo fit certe ut detrabere aliquid alteri magis contra naturam sit, ut dicebant Stoici, quam mori, quam paupertas, quam dolor, aut cætera quæ possunt corpori accidere aut rebus externis. Multo magis secundum naturam excessitas animi & magnitudo est, itemque comitas, iustitia, liberalitas, quam voluntas, quam vita, quam divitiæ, quæ quidem contemnere & pro nihilo ducere, comparantem cum utilitate communi magni animi & excelsi est. Itemque magis est secundum naturam pro omnibus gentibus, si fieri possit, conservandis, aut juvandis, maximos labores molestiasque suscipere, imitantem Herculem illum, quem hominum fama beneficiorum memor in concilium caelestium collocavit: quam vivere in solitudine non modo sine ullis molestiis, sed etiam cum maximis voluptatibus, abundantem omnibus copiis. Quocirca optimo quisque & splendidissimo ingenio longe illam vitam huic anteposit. Ex qua certe efficitur hominem naturæ obediētem, homini nocere non posse. Cum hoc sensu honesti & decori conjunctæ sunt propensiones & affectiones generosæ & gratiæ, quibus impellimur sine ulla nostræ utilitatis consideratione ad benefaciendum.

6. Ad bonum societatis promovendum inclinat ipsa philantia, seu sui ipsius amor. Interest quippe omnium recte facere & aliorum studere commodis, uti jam notatum est, & tertio articulo mox demonstrabimus. Hic tantum observabimus utilitatem cum honestate contendere non posse. Nam cum nihil tam contra naturam sit quam tur-

(a) Natura vi rationis hominem conciliat homini, & ad orationis & ad vitæ societatem: ingeneratque in primis præcipuum quemdam amorem in eos qui procreati sunt: impellitque ut hominum cætus & celebrationes, & esse, & a se obiri velit: ob easque causas suadet parare ea, quæ suppedient & ad cultum & ad victum. Cicero de Offic. l. 1.

pitudo, quam crudelitas, nihilque tam secundum naturam quam utilitas ad quam quodammodo rapimus, certe in eadem re, sub regimine atque constitutione cuius sapientissimi & optimi, utilitas & turpitudinem esse non possunt.

7. Denique omnes etiam corporis facultates hominem ad societatem naturam esse manifestissime ostendunt. Figuram corporis habilem & aptam humano ingenio dedit natura, & cum ceteras animantes abiecerit ad pastum, solum hominem, quasi ad amplexum, erexit. Tum speciem ita formavit oris, ut in eo penitus reconditis sensus detegat: oculi nimis arguit quemadmodum animo affecti simus loquuntur, & is qui appellatur vultus, qui nullo in animante esse præter hominem potest, indicat mores. Mira etiam naturæ nostræ fabrica plerique aliorum hominum affectus & passionum contagio quodam similes etiam in nobis excitare solent affectus. Multæ quoque sunt opportunitates habilitatesque reliqui corporis, moderatio vocis, orationis vis, quæ omnes humane societatis maxime conciliatrices sunt.

Instabis cum Hobbio 1. Societates civiles sunt fœdera quibus sancientis fides & pacta necessaria sunt: horum ab infantibus quidem & indoctis, vis: ab iis aut qui damnorum a defectu societatis inexpertis sunt, utilitas ignoratur; unde fit, ut illi, quia quid sit societas non intelligunt, eam inire non possint; hi, quia nesciunt quid prodest, non curent. Manifestum ergo est omnes homines cum sint nati infantes ad societatem ineptos natos esse; periculosos etiam, fortasse plurimos, vel morbo animi, vel defectu disciplina per omnem vitam ineptos manere: habent tamen illi tam infantes, quam adulti naturam humanam. Ad societatem ergo homo aptus, non natura, sed disciplina factus est. Porro tamen ea conditione natus: esset homo ut societatem appetere, non sequitur eundem ita naturam esse ut societati incedere sit idoneus; alia res est appetere, alia capacem esse. Appetunt enim illi, qui tamen conditiones æquas,

sine quibus societas esse non potest, accipere per superbiam non dignantur. Hæc ex notula descriptissimus, quam Hobbius primo capiti de civitate affixit ad temperandam duriores illam sententiam, hominem ad societatem aptum non esse.

2. Si esset quoddam societatis inter homines naturale vinculum, esset illud mutua benevolentia. Sed nulla est talis in hominibus affectio. Nam si homo, inquit Hobbius, hominem amaret naturaliter, id est, ut hominem; nulla ratio reddi posset, quare unusquisque unumquemque non æque amaret, ut æque hominem; aut cur eos frequentaret potius, in quorum societate, ipsi potius quam alii desertur honor & utilitas. Non socius igitur, sed ab illis honore, vel commodo affici, natura querimus; hæc primario; illos secundario appetimus.

3. Quo consilio homines congregentur ex iis cognoscitur quæ faciunt congregari. Si coeant enim commercii causa, unusquisque non socium, sed rem suam colit: si officii causa, nascitur forensis quædam amicitia, plus habens mutui metus quam amoris; unde factio aliquando nascitur, benevolentia nunquam: si animi & hilaritatis causa, solet maxime per placere sibi unusquisque in iis rebus quæ risum excitant, unde possit (prout est natura ridiculi) comparatione turpitudinis vel infirmitatis alienæ, ipse sibi commendationem evadere. Etiam si autem hoc innocuum aliquando & sine offensa sit, manifestum tamen est, delectari eos non prius societate, quam gloria sua. Ceterum plerumque in huiusmodi congressibus læduntur absentes, eorum tota vita ratio, facta examinantur, judicantur, condemnantur & dictis traduntur; neque pariter ut ipsi met consabulantibus, quia idem patiuntur simul atque concessu exierint; adeo ut non absurdum fuerit consilium ejus, qui a secula consabulantium exire novissimus solebat. Atque hæc veræ sunt deliciae societatis, ad quas natura, id est, ab affectibus omni animanti instis ferimur.... Denique ut loquar de iis qui profiterentur præ ceteris facere, si Philosophia gratia coeatur, quot

curata & diligenti naturæ humanæ exploratione in illa solummodo argumenta incidit *Hobbius*, ridicule offeruit Philosophos ante se omnes temere pronuntiasse hominem ad societatem natum esse: ipsis certe perspecta erant humanæ naturæ vitia; sed existimaverunt absurdum esse, in iis affectibus ponere morales disciplinæ fundamenta, qui a recta ratione improbantur, omnibusque etiam sceleratis sunt odiosis & pudendi. Præterea sunt a re sua omnino aliena, & nequaquam evincunt hominem societati aptum non esse: nam sic hoc argumentum conclusit, clarum adeo experientia quod congressus omnis spontaneus vel egestate mutua conciliatur vel captanda gloria. Esto: ergo etiam vitia humanæ naturæ societatis vincula sunt & homines a sapientia & virtute alieni ad congregationem & communitatem propensi sunt.

Quarto argumento eadem respondentia sunt. Concedimus *Hobbius* homines summo studio sua prosequi commoda, & consitemur jura civilia partim metu iniusti inventa fuisse; num ex eo sequitur homines esse naturæ ferociores lupis, uris & serpentibus, eorum statum naturalem esse statum belli immorem nostram sua conclusione adjuvat *Hobbius* ut in superiori argumento, dum definit societatem contrahi, tum commodi causa, tum gloriæ. At nullo modo concedimus *Hobbius* nullum aliud esse bonum nisi bonum jucundum: aut si hoc concedere libeat, negabimus omne bonum jucundum contineri bono sensuali & gloria seu vana de se opinione. Existit enim bonum honestum quod specie sua ipsum per se delectat: jucunda in Deum pietas est; jucunda est in alios caritas; lætissimus sensus est beneficentiae, clementiæ, commiserationis, fidei, justitiæ, magnanimitatis; officiorum hæc subsectorum jucundissima est memoria. Virtus omnis etiam deserta a voluptate, inter labores, molestias, pericula, sibi sufficit, seipsa contenta est: immo

Per damna, per cades ab ipso

Ducit opes, animumque, ferro.

Denique ad quintum argumentum respondeo, illud falso supponere in statu naturæ fore inter omnes homines competitionem, aut tantum metum & diffidentiam, aut tantam gloriæ cupiditatem. Deinde dato, quod istis passionibus omnes homines commoverentur, nego tamen ex illis bellum esse inter omnes homines oriurum. Denique dato etiam quod ex illis contrariis appetitibus oriatur bellum, nego in illo bello omnia licere, nihil fieri posse injustum.

Primo. In statu naturæ non est naturalis & necessaria competitio nec mutui metus, nec in alios dominandi cupiditas. Non competitio: nam illa juxta *Hobbius* ex eo oritur quod unusquisque omnia appeteret: sed ad omnia appetenda nequaquam inclinamur a natura, ut mox dicemus ad proximam objectionem. Et ut ipse dixit, *modelli hominis est & vires suas recte asseverare permittit ceteris omnibus eadem omnia quæ sibi*. Deinde non ab hominibus homines naturaliter sibi metuent; sed tantum ab improbis & quorum improbitas atroci aliquo facto comperta sit. Parcit enim naturaliter cognatis maculis similis fera, indita tigris agit rabida cum tigride pacem, lævis inter se convenit uris: homines naturaliter lupis, uris & serpentibus ferociores esse non concedimus. Primi navigatores invenerunt populos barbaros mites & mansuetos; quique hodie pondum experti sunt postquam aut vicinorum sævitiam, a calliditate, a suspitione, a perfidia, a crudelitate genitum ad civilem cultum deducarum, quam multum distant! infinita exempla sunt. Denique omnibus hominibus naturalis non est cupiditas gloriæ & dominii in ceteros omnes: ambitio non nisi post constitutos honores & dignitatis gradus inaccessit hominum mentes: in statu vero naturæ ubi hominum nulla erat nisi in propriis viri-

viribus fiducia, spes domini nunquam ulli affulsit (a).

Secundo. Dato quod unusquisque omnia appeteret, ab omnibus metueret (b), dominium in omnes ambiret & gloriæ cupiditate duceretur, negotamen oriturum inter homines bellum. Nam certum est quod oppositis affectibus ad pacem fortius inclinentur homines quam his ad bellum. Dum igitur *Hobbius* ex harum affectionum consideratione pronuntiavit bellum inter omnes oriturum esse, æque inepte & temere conclusit, ac si quis bilancis inclinationem determinare vellet, cognitis solummodo ponderibus, quæ unicam ejus lancem premunt. Nos vero putamus abunde constare ex iis quæ supra dicta sunt, hominis facultates omnes atque propensiones majori vi ad pacem ducere quam ad bellum: præcipue cum in bello, fatente *Hobbius*, sit mortis violentæ periculum præsens & perpetuum, vita solitaria, indiga, bruta & brevis, adeoque in qua nullæ voluptates nec etiam salus sperari possit. (c) Sed, inquit *Hobbius*, dum aliorum studemus commodis, nostra amittimus; dum cum aliis benevole vivere volumus, securi nequam esse possumus: securitatis viam meliorem novit nemo anticipatione. Falsæ sunt hæc *Hobbius* assumptiones & ab omni sensu alienæ. Major securitas est inter amicos, quam inter hostes, inter eos qui ex beneficiis gratos habent erga nos animos, quam inter eos, qui injuriis affecti vindictam quærunt. Sed actus benevolentiae, comitas, benignitas, beneficentia, aliorum naturaliter

provocant amorem, amicitiam conciliant, gratos excitant animi sensus, ex quibus affectibus magna exurgit securitas. Contra actiones aliis noxiæ, malevolentia, invidia, crudelis *Hobbius* anticipatio concitant omnium odia & ad vindictam provocant; inter quos aliorum erga nos sensus nulla certe esse potest securitas.

Tertio. Denique etiamsi in statu naturæ ex hominum perversis affectibus oriretur bellum, falso assumpsit *Hobbius* omnia in illo bello licita fore: nam inter potestates etiam belligerantes sunt servandæ leges naturales, quæ nunquam silent & ad quæ armorum strepitu nunquam obfurdescere debemus, uti infra ostendemus.

Objicies quarto cum eodem. Non est jus natura, sed pactis constitutum, ubi non præcessit pactum, nihil fieri potuit injustum, nec cuilibet inferri injuria; & vocabula justum & injustum ante potentiam civilem, quæ violationem pactorum ulcisci posset, usurpata non fuerunt. Lev. c. 15. Ex quo principio concludit regulas boni & mali, justi & injusti, honesti & inhonesti esse leges civiles: ideoque quod legislator præceperit, id esse bonum; quod vetuerit id malum esse, legemque nullam iniquam esse posse; quoniam Reges, quæ imperant, justa faciunt imperando, quæ vetant vetando injusta. De Civ. c. 12.

Respondeo cum Cicerone: si populorum jussis, si principum decretis, si sententiis judicum jura constituerentur; jus esset latrocinari; jus adulterare; testamenta falsa supponere; si hac suffragiis & scitis multitudinis

pro-

(a) Le désir que *Hobbes* donne d'abord aux hommes de se subjuguier les uns les autres, n'est pas raisonnable. L'idée de l'empire & de la domination, est si composée & dépend de tant d'autres idées, que ce ne seroit pas celle qu'il auroit d'abord. *Esprit des Loix* l. 1. c. 2.

(b) L'homme dans l'état de nature ne sentiroit d'abord que sa faiblesse. Dans cet état chacun se sent inférieur; à peine se sent-il égal. On ne chercheroit donc point à s'attaquer, & la paix seroit la première loi naturelle. *ibid.*

(c) Au sentiment de sa faiblesse, l'homme joindroit le sentiment de ses besoins... Il y seroit porté d'ailleurs par le plaisir qu'un animal sent à l'approche d'un animal de même espèce... Outre le sentiment que les hommes ont d'abord, ils parviennent à avoir des connoissances. *ibid.*

probarentur. Quod si tanta potestas est futurorum sententiis atque jussis ut eorum suffragiis rerum natura vertatur; cur non faciunt, ut quæ mala pernicioseque sunt habeantur pro bonis & salutaribus? aut cum lex ex injuria jus facere possit, bonum eadem facere non possit ex malo? atqui nos legem bonam a malo, nulla alia nisi natura norma dividere possumus: neque solum jus & injuria natura judicantur, sed omnia omnia honesta ac turpia; nam & communis intelligentia nobis res efficit, ut honesta in virtute ponantur, in vitiis turpia; ea autem in opinione existimare, non in natura posita, dementis est.

Deinde si nulla sit lex, civilibus legibus anterior, quo nimirum fundamento principum autoritas, quidve subditis, qui impune contemnere principis imperia poterunt, coget ad obsequium? quænam esse potest perduellium & foedifragorum culpa? *Pæscentes, inquit* Hobbius, *proprio facto, propria voluntate obligantur*: certe remanet ipsis arbitrium & libertas suis viribus & facultatibus utendi quo modo libuerit; fac illos velle ea pacta rescindere & violare, quæ antea inerant, quid impediet si possint impune? audite ingeniosissimum Philosophum: si qui pacta violant sibi contradicunt & id faciunt quod absurdum in scholis vocatur. *Est enim, inquit* Lev. c. 14. *in contrariis hominum injuria similis ejus, quam in scholis absurditatem vocant. Sicut enim in iis, quæ initio supposita erant contradicere, absurdum; ita quod faciendum voluntarie susceperis irritum facere, injussum appellatur. Et cap. 3. de Cive. Est, inquit, injuria absurditas quædam in conversatione; sicut absurditas injuria quædam est in disputatione. At cur sibi aliquis non contradicit? quia hoc in sermone indignum est persona disputantis & in civitate ei non nimis conveniens est, quæ civitatis membrum haberi vult. Numquid non magnum reperit legibus civilibus præsidium? at hoc ipsum præsidium est a lege naturæ, adeoque incredibilis est hujus authoris vanitas: apud eum ex lege civili omnis*

Tom. I.

nascitur obligatio; deinde docet leges non esse violandas propter legem naturæ absurditatem prohibentem; postremo ad vim magistratuum recurrit & eorum leges, ut valere possint tum pacta civilia, tum lex rationis. Vide Ciceronem l. 1. de leg.

Instabis cum eodem. Natura dedit unicuique jus ad omnia, unde nulla inferri potest injuria: nam jus nihil aliud est quam potentia, seu libertas suis viribus & facultatibus utendi, ad id ergo omne extenditur, quod quis facere potest: quod adeo verum, ut Deus ipse nullum habeat jus nisi ex omnipotentia.

Respondeo æque ridiculam esse illam Hobbii assertionem, unicuique competere jus in omnia; ac si diceret, aliquid simul esse & non esse, aut partem esse toto æqualem, aut hominem esse posse simul in omnibus locis. Quandoquidem dicere hominem jus habere completum ad aliquid, quod jure ad alium pertineat, est asserere jura esse posse contraria, seu quod eodem redit, idem posse esse rectum simul & non esse rectum. Nam jus completum unius in suo conceptu includit negationem juris in quolibet alio; verbi gratia, si unusquisque jus habeat ad propriam vitam & ad se tuendum, ergo nulli competere jus potest vitæ illius auferendæ. Uno verbo contra jus nihil jure fieri potest, sicut quod veritati repugnat verum esse nequit. Præterea ut notat Cumberlandus, de leg. nat. pag. 217. *Si impossibile sit singulis omnes & omnia sibi subjicere, ratio quæ hunc finem proponit singulis, qui uni tantum contingere potest, sapiens quam milies proponeres impossibile & semel tantum possibile. Longissime verodistare notiones juris & potentia, & jus regnandi in Deo non esse in omnipotentia, sed in sapientia etiam & bonitate situm, supra diximus: ergo jus est libertas agendi quam ratio probat.*

Instabis eum eodem: Jus ex concessis est libertas agendi juxta rectam rationem. Atqui ante constitutionem civilem

Ecce in

in statu naturæ ratio recta unicuique concedebat. jus in omnia. Nam in statu naturæ Jus erat unicuique seu licuit unicuique omnia habere & facere quæ unusquisque ad sui conservationem necessaria judicaret. Sed omnia habere & in omnes omnia facere unusquisque ad suam conservationem in statu naturæ necessarium judicabat.

Major hujus ultimi syllogismi sic ab *Hobbio* confirmatur: unicuique jus est omnia possidere & facere in omnes, quæ iudex & arbiter ad vitæ cuiusque conservationem necessaria judicaverit. At quæ unusquisque in statu naturæ necessaria judicaverit, ea iudex ad illius conservationem necessaria judicat: ipse enim in illo statu est iudex solus de necessariis ad suam conservationem.

Minorem vero satis confirmasse se putat *Hobbius* dicendo, *ferri unumquemque in appetitionem ejus quod sibi bonum est, idque naturali necessitate, non minori quam lapis deorsum fertur.*

Respondeo nego tum majorem, tum minorem: 1. Enim major propositio falsa est, quoniam justum & injustum, uti toties probavimus, non ex arbitrio pendet, sed in ipsa rerum natura positum est. Potest igitur homo in statu naturæ falso & temere pronunciare, ea necessaria esse ad suam conservationem, quæ revera necessaria non sunt: ejusque judicium non magis ea reddit justa, quam reddit necessaria. Si quis in statu naturæ cicuram herbam esse utilem, aut etiam necessariam ad corporis sui nutritionem judicaverit; atque ejus succo copiose se ingurgitaverit; non ideo salubre fiet alimentum, sed repugnante licet illius judicis sententia illi mortem afferet. Nec minus constans vis est eorum, quæ ad moralem vitam pertinent, nec mutantur sententiis hominum. Demonstrandum foret *Hobbio* in statu naturæ nullam esse judicii normam: nam si sit quædam ejus-

modi norma, quodcumque judicium ab illa dissentiet falsum erit, & actio consequenter injusta. Jam vero talem esse normam constiteri visus est ipse *Hobbius*, ubi jus definivit, libertatem agendi secundum rectam rationem. (a)

Ridicula est majoris propositionis confirmatio ducta ex comparatione status civilis & status naturalis: in illo quidem sententis judicium adhereremus, non quod semper rectæ sint aut iniquæ esse non possint: sed quod ad finem litibus imponendum & servandam pacem tales æstimari eas necesse sit, & quoniam illud malum privatum quod ex iniquis judiciis exoritur longe eo minusest, quod oritur si bello lites dirimerentur. At certe sententia nec judicis nec principis eorumque valet ut rerum vertatur natura.

2. Neganda est etiam minor propositio cujus falsitas jam satis ostensa fuit in responsionibus ad superiorem objectionem. Ad confirmationem vero dico; omnes quidem homines querere beatam vitam, tamen nequaquam ex eo effici unumquemque judicare omnia sibi esse necessaria. Certe ipse *Hobbius* cap. 1. 64. concedit nonnullos non esse ita ad omnia rapienda propensos. *Alius enim, inquit, secundum æqualitatem naturalem permittit ceteris eadem omnia quæ sibi, quod modesti hominis est, & vires suas recte æstimantis.* Certe si secundum rectam rationem statuatur, qui alius sibi paria permittit; nullum jus sibi acquirere potest ex irrationali suo judicio, quisque sibi omnia, velut ad sui conservationem necessaria, arrogaverit. Quin etiam si singuli homines in statu naturæ judicarent omnia sibi esse necessaria, liceret inde concludere rem ita esse: recta enim ratio non errat: sed contra experientia constat, & *Hobbius* concedit omnia non esse necessaria, ergo recta ratio id non judicat; & cum jus sit libertas agendi juxta rectam rationem, nullum ad omnia jus esse potest.

A R.

(a) Est lex naturalis dictamen rectæ rationis circa ea quæ agenda vel omitenda sunt ad membrorum conservationem, quantum fieri potest, diuturnam. de civ. cap. 2.

ARTICULUS SECUNDUS.

De Legis naturalis divina origine & immutabili natura.

HOC articulo duo disputanda sunt: primo utrum lex naturalis diffusa in omnes accipiat divinam auctoritatem ab auctore Deo; quæ questio est de causa legis naturalis efficientis: deinde utrum illa sit voluntatis divinæ arbitraria constitutio; quæ secunda questio est de essentia ejusdem legis.

Prima disquisitio parum habet difficultatis: nam cum lex naturalis ad naturam rerum a divina voluntate profectam pertineat; divina dici debet, sicut divina est omnis alia naturæ constitutio. Deinde a priori, ubi de Dei providentia, consensum est Deum esse sapientem, bonum atque iustum creaturarum omnium moderatorem, maxime entium rationalium: adeoque legis naturalis, quæ ad sapientiam, bonitatem & iustitiam instituit, certissime inventorem & latorem esse.

Secunda questio magis quidem momenti est, quod ex legis naturalis immutabili natura pendeat omnium entium rationalium communio & quædam cognatio: quippe si lex naturæ sit arbitraria constitutio, non erit necessario in omnibus entibus uniformis; quod nobis iustum, aliis iniquum esse poterit. Sed de ea hoc loco brevius disseremus, quia multa jam a nobis disputata fuerunt ad illam pertinentia, in ultimo argumento pro Dei existentia, in quo contra *Protagoram*, aliosque, æternas & immutabiles rerum naturas, earumque rationes defendimus.

PROPOSITIO PRIMA.

Unus est communis magister & imperator hominum Deus; ille legis naturalis autor; & Læsa Dei majestatis reus est, qui illam contempserit.

PROBATIO.

I. Argumentari licet a priori, ex omnibus Dei attributis, sapien-

tia, bonitate, iustitia & sanctitate, quibus imponitur Deo necessitas gubernandi suas creaturas modo naturis suis accommodato: neque imperio se abdicare potest, quin seipsum doneget & naturam suam aspernetur. Ubi consensum alio loco est, ubi de Dei providentia.

2. Conficere etiam a priori possumus ex legum naturalium *convenientia*, tum respectu *Dei*, cum dignum est exercere in homines morale imperium; propterea quod in hac administratione rerum magis eluceant divinæ perfectiones, præsertim morales; quod in hac sola administratione locus sit mutuo fœderi inter Deum & creaturam, religioni, pietati, & cæteris virtutibus moralibus, quæ Deo in opere suo gratissimæ esse debent: quæ etiam argumenta ibidem attigimus: tum etiam respectu *hominis*, cuius multum interest vivere sub imperio Dei morali ob triplicem causam, nempe propter actionum humanarum naturalem efficientiam, arbitrii humani naturam & legum maximam utilitatem.

1. Morale Dei imperium postulat naturam actionum humanarum. Si illæ essent indifferentes, neque ullius boni aut mali efficientes, essent quidem leges, quibus regerentur inutiles: at ut constituta est rerum natura omnes & singulæ actiones humane physice sunt bonæ vel malæ, id est, naturali vi producunt bonum vel malum physicum, videlicet perfectionem & felicitatem, vel imperfectionem & miseriam, sive suam, sive alienam; ut supra consensum est ubi de qualitate actionum humanarum. 2. Leges morales postulant naturam humani arbitrii: non essent quidem illæ necessariæ, si ea esset arbitrii humani natura, ut in illa semper ferret sese quæ sunt optima, & quibus potiri potest; sed si arbitrii licentia longe major sit, possitque ferre sese ad impossibilia, seu ea quæ attingi nequeunt; si possit reje-ctis salutaribus pellicera quærere, plane necessaria est illi regula quædam, quæ possibilia ab impossibilibus distinguat, ne perpetuo frustreretur; & ut mala a bonis

bonis fecernat ne incaute perniciem sibi accersat. Atqui ex iis quæ supra disputata sunt de libertate, patet illam esse licentiam arbitrii ut possit sese ferre ad impossibilia, & ad pestifera æque ac ad salutaria, propter illam quam habet in agendo facilitatem & voluptatem; immo quoque ferre sese contra ipsa legum præcepta & terrores. 3. Bonum & conveniens homini est vivere, non in statu tumultuario & incerto, sed in ordine optimo & pulcherrimo, in quo rationes suas valeat deducere, prospicere futura, & cursum vitæ cum prudentia institueret. Atqui ordo rerum nullus, neque naturalis, neque moralis esse potest sine legibus & imperio. Tolle leges illas motus, quibus coheret systema mundi, tota moles ruet, evanescetque omnis decor & pulchritudo universi: sic quoque nisi legibus quibusdam vita humana moderaretur, quæ essent in omnibus hominibus uniformes, nulla esse posset in vita humana constantia: nullum inter homines vinculum, nullus concentus, nulla etiam ferme naturæ similitudo: quæ nonnisi ex legum naturalium in omnium hominum voluntates uniformi influu oriri potest. Immo vero nulla est, neque concipi potest natura ad actionem nata sine legibus naturæ suæ convenientibus. Corpora parent legibus motus. Bellæ sensationibus ducuntur, & quia in illis nulla est eligendi facultas ex objectorum impressionibus juxta leges ab authore naturæ positas necessario determinantur. Creaturæ vero libere fors non patitur, ut belluarum more necessario ad agendum inclinetur; sed tamen in tali indifferentia constitui non potuit, ut nulla esset ei vivendi ratio commendata a natura. At si sit quædam vivendi ratio, quam natura commendat, erit naturali lege devincta. Adeoque cum Cicerone concludamus: *nihil tam aptum est ad jus conditio remque natura, quam imperium, sine quo nec domus ulla, nec civitas, nec gens, nec hominum universum genus stare; nec rerum natura omnis, nec ipse mundus potest.*

Tertium argumentum a posteriori. Primo, intellectus hominis est facultas mere passiva, ejusque judicia non ex arbitrio pendent, sed divini sunt quodammodo afflatus: Nam, ut ait author sacer, *inspiratio omnipotentis dat intellectum*; si igitur ratio sit vera lex, ejusque dictata sint vera præcepta, erit certe ratio lex divina. Atqui præcedenti articulo demonstravimus rationem habere vim & potestatem legis, cui qui non pareretur ipse se fugit & naturam hominis aspernatur. Secundo, colligitur a posteriori Deum regnare in homines per leges naturales ex multis divinæ gubernationis figuris, præsertim ex manifestis Dei judiciis, & legum naturalium sanctionibus, de quibus articulo sequenti dicemus. Idem tandem colligitur ex omnium hominum consensione & insito animis divinæ gubernationis sensu; de cuius argumenti autoritate diximus, ubi de existentia Dei. Canamus ergo cum Sophocle in Œdipo.

Leges

*Excelse, cælitus genitæ,
Quarum Olympus Pater solus,
Neque illas mortalis
Natura hominum peperit
Magnus est in illis Deus,
Neque senescit.*

Objicies 1. cum Hobbio. Lex divina est vox Dei imperantis clare prolata, vel scripta, ita ut omnes qui obedire tenentur sciant vocem ejus esse. Atqui dictata rationis seu leges naturales non sunt vox Dei neque prolata, neque scripta, nisi quatenus eadem a Deo in scripturis sacris latet sunt.

Nego minorem. Nam dictata rationis seu præcepta naturalia sunt vox naturæ. naturæ vero vox est vox Dei, non quidem quæ insonet auribus, sed quæ tamen clarissime audiatur & ad quam obfurdescere nequeamus. Immo vero hanc vocem Deo acceptam referunt sponte & naturaliter omnes homines; ipsum imperitantem & commitantem audire sibi videntur; credunt omnes virtutis patronum esse & remuneratorem futurum, sce-

feclerum vero æquissimum vindicem. Neque sane Hobbiū levitatem satis mirari possumus, qui postquam cap. tert. I. de cive ea posuisset, ex quibus confecta est objectio, cap. 4. hæc habet: *qua naturalis & moralis, eadem & divina lex appellari solet, nec immerito: tum quia ratio, qua est ipsa lex naturæ, immediate a Deo unicuique pro suarum actionum regula tributa est: tum quia vivendi præcepta, quæ inde derivantur, eadem sunt, quæ a divina maiestatis pro legibus regni celestis per Dominum nostrum Jesum Christum, ac per Sanctos Prophetas & Apostolos promulgata sunt.*

Obijcies 2. cum eodem. Doctrina hæc seditiosa est, & reipublice quatit fundamenta.

1. Quia civium erga principes obsequium minuit. Omne enim imperium civile metu & terrore, quem incutit imperantium potestas, constat & conservatur. Sed-admisso regno Dei in homines per leges aliquas naturales minuitur hic metus civilis imperiū: metus & reverentia erga excellentiorem potentiorumque naturam tollit metum & reverentiam erga potestatem inferiorem.

2. Quia jus principum nimium circumscribit. Omnis quippe dominatus ejus est naturæ, ut dividi non possit. Si finibus non caret, nullus est. Sed si sint leges aliquæ divinæ diversæ a legibus civilibus, potestas civilis non est sine finibus.

3. Quia tollit unitatem voluntatis & concordiam in civitate prorsus necessariam. Omne enim corpus civile, omnisque respublica unus est homo arte factus ex multis constans hominibus naturalibus uno capiti subiectis, in quo

una communis ratio est, una voluntas, conscientia una. Atqui doctrina de regno Dei per leges naturales privatum introducit de eo, quod justum aut injustum est, iudicium; tot constituit conscientias & voluntates, quot sunt civitatis membra. (a)

Respondeo hæc omnia esse vanissima, nullamque e contrario disciplinam aptiorem esse ad minuendam Principum auctoritatem, & ad excitandas fovendasque seditiones, quam est illa Hobbiū, omniumque Atheorum. Nam juxta horum placita hoc unum jubet natura, ut quisque omni arte, omni modo vitam suam atque membra conservet. Lex quippe naturæ est, dictamen rectæ rationis circa ea, quæ agenda vel omittenda sunt ad membrorum conservationem, quantum fieri potest, diuturnam. Ad hanc membrorum conservationem constitutæ sunt civitates, quarum nullus alius finis est. Sceleratus ergo quisque, si illi poenæ capitales a principe propter admissa crimina intententur, poterit consentienter legi naturæ rempublicam totam miscere, principem interficere & quocumque modo suæ salutis consulere: *querenda sunt, ut idem Hobbius habet, belli auxilia, si pax haberi, & vita conservari nequeat.* Et profecto legis primariæ, quæ jubet conservationem membrorum, ex qua reliquæ omnes fluxerunt, major vis & potestas sit, necesse est; neque secundariæ ullæ leges sanctæ esse possunt, nisi quamdiu principem legem munient. Quo principio nihil civitati perniciosum magis excogitari potest.

Ad primam vero rationem respondeo primo, non solo metu imperantium contineri civile imperium: continetur sci-

(a) Opinio eorum qui docent peccare subditos, quoties mandata Principum suorum, quæ sibi injusta videntur esse, exequuntur, & erronea est, & inter eas numeranda, quæ obedientiæ civili adversantur: De cive c. 12. Civitati universaliter & in omnibus obedire obligamur. *ibid.* c. 14. «Si queratur an obediendum civitati sit, si imperetur Deum colere sub imagine, coram iis qui id fieri honorificum esse putant, certe faciendum est. *ibid.* c. 15. Sequitur ergo legibus illis, non occides, non moechaberis, non furabere, parentes honorabis, nihil aliud præcepisse Christum quam ut cives & subditi suis Principibus in quæstionibus omnibus circa *meum, tuum, suum, alienum*, absolute obedirent. *ibid.*

scilicet lege naturæ, quæ civibus obedientiam & magistratibus imperat, cuius sine ulla divina ratione quædam auctoritas est (a) : continetur metu & pietate adversus Deum, cujus personam sustinent principes. Tollæ hæc imperii adminicula, solumque metum legum & iudiciorum relinque, a nullo exigere poteris, ut pro salute principis vel reipublicæ se morti obiciat : nullum vinculum retinebit eos, qui peccare poterunt impune. Falsum quoque propterea est, quod religio minuat obsequium erga principes : Cum contra cives illis adjungat & contineat in officio, quando eorum majestas contemni & violari posset (vide *supra* pag. 22.). Ergo sine dubio causam Principum agimus, ubi docemus, non solo terrore & violentia eos regnare; sed primum æquitate naturali, deinde Dei metu eorum imperia firmata esse.

Ad secundam vero rationem dico primum, jus infinitum, quale Principi tribuit *Hobbius*, esse nullum, non in ipso Deo. Scilicet quod jure fit, id jure fit seu æquitati consonat. Sed æquitas res est certis finibus conclusa. Si enim sit aliquid naturæ suæ justum & rectum, necesse est aliquid esse injustum & prævum, quod idcirco nulla auctoritas alius jure præscribere potest. Ipsa Dei omnipotens voluntas æquitate vallata est : *justitia ante eum ambulabit, & ponet in via gressus suos : justitia & judicium preparatio sedis ejus*. Deinde nullum est jus Principum, ubi nulla est in subditis obligatio, hæc enim sunt duo correlata : sed absurdissimum est defendere subditos teneri ad infinitam obedientiam. Tandem ad quam rem utile esse potest, hoc infinitum jus concedere Principi? ut possit nulla non scelera admittere & universum populum suo regimini commissum vexare vel delere.

Ad tertiam autem rationem respondeo religionem homines consociare, *Hob-*

bii doctrinam eosdem dividere. Nam ut observavit *Plato*, quod commune & publicum est, id conjungis, & consociat; quod privatum dividit, & dissolvit. Jam vero religio proponit hominibus commune bonum, docet anteponenda esse publica commoda privatis utilitatibus, pro salute imperii periculis & morti occurrendum esse, obtemperandum esse decretis judicum etiam cum suarum fortune ruinæ. Ex altera parte *Hobbius* negat ullum esse prosequendum cuique commune bonum, negat ullo officio homines esse inter se devinctos, omnia ad privatam utilitatem & libidinem refert, nullam aliam legem novit, nisi eam, quæ jubet membrorum conservationem : ex quibus sequitur quemque iudicem esse eorum omnium quæ ad se pertinent, & jure posse tentare quæcumque sibi expedire judicaverit, veneno vel gladio tollere inimicos, rempublicam conturbare. Uno verbo quamdiu cives religionis præceptis parebunt ex unanimi boni publici prosecutione summus consensus efflorescet : quamvis juxta præcepta *Hobbi* sui studebunt utilitatibus summa vigeat contentio; neque unquam ab illis expectanda erit illa legibus civilibus obedientia, quam conscientia dictatis denegant; aut illa erga principem devota voluntas, quam Deo præstare nolumus. Vide *Cumberland* de legibus naturalibus, & *Cudworthi* systema intellectuale.

PROPOSITIO SECUNDA.

Lex naturalis secundum essentiam considerata semper æterna est & immutabilis, atque ut loquitur Cicero, æterna mens est omnia ratione cogens Dei (b)

PROBATIO.

LEX naturalis est semper æterna & immutabilis, si illius præcepta sint posita in naturis rerum, naturæ vero rerum

(a) Virtutis & vitiorum sine ulla divina ratione grave ipsius conscientia pondus est. *Cicero* l. 3. de *Nat. Deor.*

(b) Sapientia vapor est virtutis Dei & commendatio quædam claritatis omnipotentis Dei sincera.... Candor est lucis æternæ & speculum sine macula Dei

rerum sint simplicitern & immutabiles :
etqui .

1. Legis naturalis præcepta in rerum naturis posita sunt; nam nihil aliud sunt quam dictata rationis seu iudicia intellectus de rerum perceptarum convenientia atque inconvenientia, ejusdem profus generis, ejusdem certitudinis & evidentie, ac Arithmeticæ & Geometricæ veritates aut conclusiones quævis scientificæ. Nam in hac parte non differt moralis disciplina seu ethica, quæ in evolendis officiis versatur, a quacunque alia scientia. Arithmetica, v. g. versatur circa ideas numericas & in deprehendis numerorum rationibus tota posita est: Geometria extensionis modificationes & abstractas corporum figuras contemplatur & in earum similitudine aut dissimilitudine, æqualitate vel inæqualitate, proportionibus & mensuris inveniendis occupatur: sic etiam physica in potentiarum & causarum naturalium vires inquiri, earumque cum effectibus & naturæ phenomenon proportionem seu connexionem investigat: nulla denique est scientia inter eas, quæ magis certæ & evidentes habentur, quæ in rerum considerandis relationibus non occupetur. Si igitur moralis disciplina, quæ in deprehendis actionum humanarum regulis versatur, in componendis rerum ideis clavis tota sit, idearumque moralium convenientias & inconvenientias tam feliciter investiget, quam scientiæ Mathematicæ; erunt certe rationis iudicia circa res morales, seu præcepta vivendi ejusdem certitudinis & tam in rerum naturis posita, quam conclusiones quælibet scientificæ. Atqui 1. ideæ morales sunt æque claræ atque distinctæ, ac ideæ numericæ aut geometricæ: distinguimus, v. g. amorem ab odio, gratitudinem ab ingratitude, fidem a perfidia, & cætera ejusmodi tam evidenter

ac circum a triangulo, aut ternarium a binario, 2. Idearum moralium convenientias aut inconvenientias multas intuitivè apprehendimus; sicut illarum idearum, quæ objecta sunt Mathematicos: sic, v. g. intelligo entem sapienti bono & omnipotenti obtemperandum esse; beneficiis gratum animum deberi; cum fido amico non esse perfide agendum. Non minor est inconvenientia inter injuriam & beneficium, quam inter duos numeros aut duas diversas figuras: haud minus peccat contra rerum relationes, qui non colit Deum, vel non honorat parentes, vel qui innocenti injuriam infert, quam qui in computandis numeris scriberet bis duo facere quinque. Ergo præcepta moralia ejusdem naturæ sunt ac veritates mathematicæ & æque posita in naturis mathematicis.

Præterea actiones humanæ circa quas versatur moralis philosophia, sunt causæ physicæ boni vel mali naturalis, & cum certis finibus necessarii habent connexionem: atque earum effectus tam clare & certo cognoscuntur quam effectus potentiarum naturalium: sic v. g. æque certum est temperantiam conferre ad bonum corporis habitum conservandum, meditationem ad explicandas animi vires, fidem, gratitudinem, beneficentiam ad generis humani tuendam societatem; ac compertum est mechanicis pondera manere in æquilibrio cum suspenduntur ad distantias a fulcro ponderibus reciproce proportionales: nihilque certe impedit quominus leges naturales enuntientur ut totidem theorematum sub hac forma. *Actus hic humanus ad felicitatem meam aliorumque communem præ reliquis eodem tempore possibilibus maxime conduces* (Vide Cumberland de legibus naturalibus.).

2. Naturæ rerum metaphysicæ, quæ ratio-

majestatis & imago bonitatis illius. Sap. c. 7. Dominus possedit me initio viarum suarum, antequam quidquam faceret a principio. Ab æterno ordinata sum & ex antiquis, antequam terra fieret: nondum erant abyssi & ego concepta eram Quando præparabat cælos aderam Cum eo eram cuncta componens Et deliciae mez esse cum filiis hominum. Nunc ergo audite me: beati qui custodiunt vias meas. Prov. c. 8.

ratione apprehenduntur sunt æternæ & immutabiles. Nam manifestum est res omnes cuiuscumque sint generis, seu mathematicas seu morales, tales esse naturæ suæ, non alicujus entis voluntate, neque posse omnino tolli a re aliqua essentiam suam. Nam quomodo rem sine propria essentia cogitabimus? Quomodo, verbi gratia, rem rotundam sine rotunditate, circulum sine æqualitate radiorum a centro ad circumferentiam, actionem bonam sine bonitate, honestam sine honestate? Potestne omnipotentis Dei voluntas hoc efficere? (*Vide supra, pag. 159. & seq.*)

Et vero exiit mens æterna & immutabilis, nempe Deus. Atqui mentem æternam & immutabilem cogitatione completi non possumus, quin simul cogitemus æternas & immutabiles rerum essentias, atque necessarias earum rationes: nam illas tollere nequeas, quin simul sustuleris cognitionem & intelligentiam omnem, quæ nihil aliud esse potest in Deo, quam harum æternarum & immutabilium essentiarum, atque earumdem rationum perceptio: qui ergo ponit essentias rerum esse arbitrarías & relativas suppositiones, quæ cognitionis principia esse non possunt, qui omnem scientiam cum *Hobbi* revocat ad sensum & experientiam, certe nullam relinquit æternam & immutabilem veritatem, nec consequenter mentem æternam.

Obijcies. Iustum & iniustum non sunt in rerum naturis posita. Nam, ut ait *Puffendorfius*, *honestas & turpitudinis affectio* es actionum humanarum orta ex convenientia aut disconvenientia cum norma seu lege. Atqui lex omnis est voluntaria superioris constitutio. Ergo honestas & turpitudinis actionum humanarum oritur a voluntaria legislatoris constitutione, non in naturis rerum posita est.

Respondeo, nego minorem: Nam est lex æterna, constans & immutabilis, independens ab arbitrio divino, orta simul cum mente divina, posita in incommutabilibus rerum relationibus, quæque nihil aliud est, quam ipsa Dei sa-

pientia. Ut enim sapientia divina dici possit & sit vera lex, sufficit quod ipsius dictamina habeant præceptorum vim, a quibus nequeat divina voluntas desistere: non enim requiritur ad essentiam hujus legis, ut a superiore feratur, aut ut præmiis & suppliciis confirmetur; nam extrinseca legis commendatio ab auctore, tunc non potest esse necessaria, ubi intrinseca ejus perfectio est absoluta, pertinetque necessario ad naturam perfectissimam; neque egent dictamina divini intellectus sanctione per penas & supplicia, quæ propter intrinsecam voluntati divina ad bonum propensionem violati nequaquam possunt. (*Vide Cumberland de Regib. nat.*)

Est igitur æterna lex in dictaminibus divini intellectus posita, ad quam non tantum creaturarum rationalium actiones expendi possunt, & accipere ex sua convenientia aut disconvenientia cum norma illa denominationes varias & oppositas; sed etiam ipsi actus divini, quoniam huic legi conformes sunt, dicuntur iusti & honesti: nam tolle hanc legem & finge Deum cum *Spinoza* præditum infinita potentia, sed temere & sine lege operantem, nulla esse poterit in illius entis actibus honestas. Hanc fuisse veterum Philosophorum sententiam docet *Cicero* l. 2. de leg. Hanc video, ait, sapientissimorum fuisse sententiam, legem neque hominum ingeniis excogitatam, nec scitum esse aliquod populorum, sed æternum quiddam, quod universum mundum regeret, imperandi prohibendique sapientiam: ita principem legem illam & ultimam, mentem esse dicebant omnia ratione aut eogeniis aut vetantis Dei.... Neque enim esse mens divina sine ratione potest, nec ratio divina non hanc vim in rebus pravisque sciendis habere.... Nec si regnante *Tarquinius* nulla erat *Romæ* scripta lex de stupris, idcirco contra illam legem sempiternam *Sextus Tarquinius* vim *Lucretia* attulit: erat enim ratio profecta a rerum natura & ad recte faciendum impellens & a delicto avocans; quæ non iam demum incipit lex esse cum scripta est, sed tum, cum orta est;

est; orta autem simul est cum cum mente divina. Quamobrem lex vera atque princeps, apta ad jubendum atque vetandum, ratio est recta summi Jovis.

Instabis 1. Atqui denominantur actiones honestæ vel inhonestæ ex convenientia vel inconvenientia cum legibus voluntariis & positivis. Nam honestas & turpitudine nascitur ex obligatione quæ per legem inducitur: illud honestum dicitur quod licitum est, quod debitum, quod officii est. Atqui omnis obligatio imponitur voluntate superioris imperantis, nec ulla cogitari potest sublato superioris imperio; sic tolle Deum, nulla est legum naturalium obligandi vis. Ergo.

Nego minorem: est quippe quædam naturalis obligatio fundata in ipsis rerum naturis, qua devinctum cogitamus Deum ipsum & qua sublata nullam originem potuisse, nisi externam, intelligimus ex arbitraria entis consuecutione institutione. Posset quidem ens viribus præpollens cogere ad obsequium, posset præmiorum pollicitatione & comminatione poenarum ad obedientiam adducere, sed consilio non est proprie dicta & perfecta obligatio, uti supra dictum est: atque illa obligatio exterior, quæ ex spe præmiorum aut suppliciorum metu oritur, ab utilitate uniuscujusque propria & amore sui naturali potius repetenda foret, quam ex voluntate imperantis; quia si nulla esset antecedens naturalis obligatio voluntati illi obtemperandi, non nisi propria utilitate commoveremur, nullatenus ex officii sensu. Igitur si diligentius obligationis originem & causas exploremus, deprehendimus quod in illis etiam legibus, quæ positivæ dicuntur ratione materiæ, seu quibus res natura indifferentes præcipiuntur, non sola legislatoris voluntas efficiat, ut quæ illis rogata sunt iusta fiant & debita, aut ut obligatio aliqua interna & proprie dicta inducatur; sed naturalem potius iustitiam alteri quidem jus & auctoritatem imperandi jubendique res indifferentes conferre, alteri officium obediendi imponere; atque idcirco numquam fuit

Tom. I.

lege aliqua rogatum, ut hæc vel illa res iusta vel iniusta fieret, aut ut homines ad obediendum obligati essent; sed jubent ut hoc vel illud aut fiat aut omittatur: nunquam legislator aliquis jus suum imperandi, civiumque parendi officium lege constituit arbitraria; nam foret proflus ridiculum ejusmodi edictum; quia aut cives ante legis illius rogationem obligatione devincti erant, aut nulla omnino tenebantur: sin primum, lex inutilis est; sin secundum, nullam vim habebit lex ad obligandum cum nullam sit in latore auctoritas. Quamobrem patet solam legislatoris voluntatem obligationis causam non esse, ejus originem altius esse repetendam & in ipsis querendam rerum naturis.

Instabis 2. Evertitur in præcedenti responsione discrimen ab omnibus jurisconsultis positum inter jus naturale & voluntarium. Illud in rerum naturis fundatum dicitur, hoc voluntate determinatur, scilicet omnes consentitur res proflus indifferentes ante legis positivæ rogationem fieri ex mandato legitimo iustas vel iniustas.

Respondeo: nullam legem positivam a quocumque fuerit legislatore facere posse ut res quædam bona vel mala fiat, iusta vel iniusta, quam non ipsa natura talem fecerit. Etenim res indifferentes tamen lege præcipiuntur, etiam divina, ipsæ tamen in se idipsum manent quod antea fuerant; quoniam ut ait Aristoteles, voluntas mutare nequit naturam: quæcumque natura sua sunt indifferentia, ea talia sunt æque constanter & perpetuo ac ea quæ iusta vel iniusta sunt: omnis laus, omnis iustitia, omnis virtus eorum, qui positivis legibus libenter obtemperant, resque ab aliis inlicitas observant, quia jubentur a legitimis superioribus, non a materia ipsarum actionum proficiscitur, sed ab earum forma, seu ex eo quod iuste imperanti libenter & sponte obsequuntur: sicut ille qui rem aliquam, de qua nihil iure naturali sanctum est, propterea facit quia vel pacto, vel promisso semetipsum obligavit;

F f

non

non ideo laudabilis est, quod illam actionem perficiat, sed hoc unice nomine quod fidei datæ memor sit. Quapropter voluntas legislatoris cum leges rogat positivas, vel propria nostra voluntas, cum pollicemur aliquid, non novam aliquam rem moralem producit, sed legem ipsam naturæ quæ imponit civibus parendi officium, quæque violare fidem datam vetat, diversa ratione moderatur & applicat. Proindeque nec aliena nec nostra voluntas nova iusta & debita parit, sed impellit nos tantum ut in talibus actionibus promissis nostris vel legitimis aliorum mandatis obsequamur; quod imperare a nobis debet naturalis iustitia: quæ profecto si nulla esset, nunquam ex lege positiva fieri posset ut res ulla esset bona vel mala, aut ulla alia moralis nasceretur obligatio, nisi illa exterior ex præmiis & poenis.

Ex his, quæ duabus propositionibus probata sunt, sequitur quamdam esse inter homines & Deum societatis communionem, civisque esse nos magnæ reipublicæ, cujus rector est & gubernator Deus, juxta magnificam Platonis & Stoicorum doctrinam, quam pluribus in locis exposuit Cicero præsertim lib. 2. de legibus. Est igitur, ait, quoniam nihil est ratione melius, eaque & in homine & in Deo; prima hominis cum Deo rationis societas: inter quos autem ratio, inter eandem & recta ratio communis est: quæ cum sit lex, lege quoque consociati homines cum Diis putandi sumus: inter quos porro est communicio legis, inter eos communicio juris est: quibus autem hæc sunt inter eos communia, & civitatis ejusdem habendi sunt: si vero iisdem imperiis & potestatibus parent, multo etiam magis parent lucis celestis descriptioni mentisque divinæ & præpotenti Deo; ut jam universus hic mundus, una civitas Deorum atque hominum existimanda & quæ in civitatibus ratione quadam agnationibus familiarum distinguuntur status, id in rerum natura tanto est magnificentius tantoque præclarior, ut homines Deorum agnatione & gente teneantur.

ARTICULUS TERTIUS.

De Legis Naturalis sanctione.

ARTICULO primo ostendimus esse legem naturæ nostræ congruentem & diffusam in omnes, cui qui non pareat ipse se fugit & naturam hominis aspernatur: ex quo conclusimus nos ad virtutem a natura excitari & etiam interiorius obligari independentem a consideratione legislatoris Dei, aut poenarum & præmiorum legibus naturalibus adjunctorum. Ex iis quæ secundo articulo disputata sunt, magna accessit vis legibus naturalibus; scilicet cum demonstratum sit jus naturale a Deo constitutum esse; neque ab arbitraria illius voluntate profectum, sed æterni Numinis mentem esse immutabilem; ad illius observationem inclinare debet erga supremum civitatis moderatorem pietas & reverentia, impellere etiam propriæ excellentiæ cogitatio: nam, aut ait Cicero, quis cogitare potest aliquid se habere divinum, ingeniumque in se suum sicut simulacrum aliquod dedicatum esse, quin tanto Dei munere dignum aliquid semper, & faciat, & sentiat? Verum potissimum ex iis quæ hoc articulo a nobis disputanda sunt pendet legis naturalis, non quidem obligandi vis moralis & interior, sed cogendi vis physica & obligatio exterior. Inquirendum scilicet est in sanctionem legi naturali adjunctam, seu quænam sit illius ad beatam vitam efficientia.

Omnes homines naturali propensione suæ student felicitati, & in omni vitæ ratione instituenda, quantumvis varia atque dispari omnes beatam vitam quærunr; idque faciunt, non quia depravati, sed natura incorrupte atque integre judicante. Quocirca si lex naturalis non efficereat beatam vitam & ad solidam felicitatem duceret, ejus præcepta etsi divina confirmata autoritate amitterent vim, & a creaturis naturaliter ad quæsum voluptatis inclinatis semper contemnerentur, atque natura a nobis ipsis dissidentes in contrarias partes distraherentur.

remor. In hoc igitur articulo ostendere debemus in honestate & pietate sitam esse omnem vitæ prudentiam, virtutem unicam esse ad felicitatem viam.

Cum vario & multum inter se disidente hominum genere nobis hic erit disputandum, cum *Aristippo* primum & suis, contra quos statuemus etiam in hac vita querendam esse in virtute summam felicitatem, deinde cum *Stoicis*, contra quos asseremus virtutem ad beatam vitam in hac præfenti conditione seipsa non esse contentam, immo ad ærumnas quandoque & miseras ducere. Tandem cum *Deistis* quibuldam, contra quos conficiemus non esse hujus conditionis mortalitatis limitibus circumscriptam vitam hominum, sed post mortem sua manere virtutem præmia, vitium autem supplicia.

PROPOSITIO PRIMA.

Leges naturales præmiorum & poenarum sanctione ita sunt a Legislatore Deo confirmate, ut etiam in hæc vitalis virtutis efficientia valde evidens sit & hominum intersit illi sese addicere.

PROBATIO.

NAM virtus seu constans legum naturalium observatio est omnis boni aut immediate & per se effectrix, aut illius ab aliis meritoria: vitium vero e contrario naturali efficientia ducit ad ærumnas & miseras. Omne quippe bonum nostrum atque felicitas oritur vel ex conscientia vacua omni ægritudine, gratisque animi affectionibus: vel ex jucundis sensationibus seu propria, seu aliena opera excitatis: mala autem omnia ad angores mentis revocantur & ingratas sensationes, quas nostra imprudentia, aut aliorum malevolentia nobis procreat.

1. Quidem quod virtus conciliet conscientię pacem & tranquillitatem, mentemque jucundissima perfundat suavitate: quod vitium naturaliter generet angores mentemque exeat ægritudinibus, omnibus experientia notum & in

confesso est: neque mirum profecto, cum virtus nihil aliud sit quam constans voluntas rationi & dictaminibus conscientię obtemperandi, sibi que propterea virtutis assecuta semper consistit; e contrario vero vitium nihil aliud sit, quam contra rationem & conscientiam agere, vitioque mancipatus secum ipse divisus sit, & ex partibus dissidentibus compositus. Jam vero quam gravia supplicia sint mentis ægritudines, sequentia sapientum testimonia comprobant: *animus impurus*, ait Seneca, *Diis hominibusque infestus, nec vigilis nec quietibus sedari potest: ita conscientia mentem excitat vastat. Scelerum in homines*, ait Cicero, *atque impietatum nulla expiatio est: itaque poenas luunt non tam iudiciis, (que quondam nusquam erant, hodie multifariam nulla sunt, persape falsa sunt) ut eos agitant infestanturque Furie, non ardentibus tadis, ut in fabulis, sed angore conscientie fraudisque cruciati.* Juvenalis vero *Satyra 13.*

cur tamen hos tu

Evasisse putes, quos divi conscia facti Mens habet attonitos & surdo verberare cadit,

Occultum quatiente animo tortore flagellum?

Pœna autem vehemens ac multo saevior illis,

Quas aut Caditius gravis invenit & Rhadamanthus

Noctæ: diisque suum gestare in pectore testem.

Ipsam etiam impurissimæ *Epicuri* scholæ patronum *Lucretium* consentientem habemus, qui impius etiam *Atheos* negat esse gravissimis conscientię angoribus solutos.

Exortres idem patria longæque fugati Conspectu ex hominum sedati crimine turpi.

Omnibus ærumnis adfecti denique vivunt.

Immo *Epicurum* ipsum dicere solitum fuisse legimus, felicitatem a virtute separari non posse: ille in extremis positus gloriabatur, se *væstis & exulcerata*

zi ventris tormenta tolerare ulteriores doloris accessiones, non recipientia: esse nihilominus sibi illum diem beatum propter animi lætitiā & memoriā rationum inventorumque suorum natam. Quod si tantus fuerit huic Philosopho lætitiæ sensus ex vita ad sobrietatem instituta & ex recordatione suorum inventorum: quantis deliciis perfundi oportet eos, qui ad divini Numinis voluntatem se studiose composuerunt, expectantque a benefico remuneratore bonorum operum maxima præmia? Ex his saltem sequitur justum hanc semper consequi felicitatis partem, quod mente gaudeat pacata & tranquilla; quam pacem impii & scelerati habere non possunt, quia ut civitas in seditione beata esse non potest, nec in discordia dominorum domus, multo minus animus a seipso dissidens, secumque discordans, gustare partem ullam liquidæ voluptatis potest.

2. Virtus propria & naturali efficientia nostra promovet commoda, sive consideretur quatenus in vita privata instituenda occupatur, sive quatenus instituit vitam hominum ad statum civilem & religionem. Nam primo virtus quatenus in vita privata moderanda occupatur, nihil aliud est quam prudentia & constans studium propriæ perfectionis & felicitatis: sic temperantia virtutis habitus est, quia ad sanitatem servandam corporis producendamque vitam multum conducit; intemperantia, vitium est, quia corporis habitum vitiat, morbos generat, vitam efficit breviorē. Sic etiam gravitas habitus virtutis est, quia multum conducit ad felicitatem deliberatio & maturum in agendo consilium: levitas contra vitium est, quia dum temere & inconsiderate ferimur sæpe impingimus & in mala non prævisa ruimus. Sunt ergo actus virtutis in vita privata felicitatis & perfectionis causæ immediatæ; vitium in ipsa sua notione includit vim nocendi seu noxium natura est.

Deinde actus virtutis quatenus alios respiciunt, naturali quoque efficientia

nostra promovet commoda. Imprimis quia virtute stat hominum societas, illa sublata hominum cœtus nullus esse potest: sunt ergo in virtutem refundenda magna & multa societatis commoda. Deinde virtutis est conciliare sibi animos hominum & ad usus suos adjungere: nam ex opinione virtutis nascuntur in aliis hominibus illi sensus quibus naturaliter propensi sunt ad eos diligendos & honorandos qui virtutem colunt *benefica voluntate*, ut scribit Cicero: *Benevolentia movetur etiam si res forte non suppetit: vehementer enim amor hominum solet commoveri, ipsa fama & opinione liberalitatis, beneficentia, justitiæ, fidei, omniumque earum virtutum, quæ pertinent ad mansuetudinem morum & ad facilitatem. Etenim illud ipsum quod honestum decorumque dicimus, quia per se nobis placet, animosque omnium natura sua & specie commovet; idcirco illos in quibus eas virtutes esse remur, a natura ipsa diligere cogimur. Fides quoque sine qua nulla potest esse familiaritas aut societas, virtute conciliatur, justitia maxime: illis enim solummodo nos committimus nostrasque fortunas, in quibus nulla est fraudis aut injuriæ suspicio. Denique laus, honos, gloria, virtutibus præsertim comparantur; nam illos solent laudare homines & honore dignos putare, quos suspiciunt & in quibus existimant se excellentes, quasdam & singulares virtutes perspicere. Longe diversi ex vitii & injustitiæ opinione nascuntur sensus; odium scilicet & metus, quibus homines commoveantur ad suam querendam salutem in eorum, quos oderunt, interitu; quem metuant odierunt, quem quisque odit perisse expetitur ut dicebat Ennius. Vitium quoque consequuntur infamia & contemptus.*

3. Virtus nobis conciliat Deum, a quo omnino pendet fors nostra & conditio, virtutisque actus esse erga Deum merita naturaliter putamus. Jam vero quamvis vanum esset illud naturale augurium sæculorum futurorum, in quibus bonis gaudia, & malis supplicia reposita.

posita sint. Tamen illa praesensio & expectatio maximam habet vim ad efficiendam beatam vitam. Contra vero, quamvis futurae poenae tantum, ut possibiles considerentur; ingens tamen remanet periculum, tantumque illud est, ut etsi in hac vita omnia alia mala virtutem comitarentur, voluptates omnes vitium stiparent; relinqueret tamen illa spem aeternae & infinitae felicitatis, quam hoc auferret, tolleretur illa periculum magnae & interminatae miseriae, quod hoc relinqueret; insanum esse oporteret cum, qui in eam partem non inclinaretur, in qua nullum mali periculum, immo boni maximi expectatio, vel qui anteponeret fluxas & caducas voluptates cum periculo interminatae miseriae conjunctas, minoribus deliciis spem infinitae felicitatis relinquentibus (*Vide Isocratem or. de permis. Juvenalem sat. 13.*).

Obijcies 1. Si majora essent virtutis praemia, quam virtui, aut si virtus naturali efficientia tam salutaris esset, vitium tam noxium; affluerent boni semper deliciis, mali ærumnis conficerentur. Atqui experientia omnibus notum est homines improbos abundare sæpe omnibus copiis, summisque frui voluptatibus; dum boni malis omnibus afflicti vivunt.

Respondeo, distinguo majorem, affluerent deliciis semper boni & mali ærumnis conficerentur, si nulla essent fortunæ bona vel mala, si nostra felicitas ab aliis hominibus, persæpe improbis, non penderet. concedo, secus nego. Igitur præter animi lætities & illa bona, quæ virtutis præmia naturalia esse diximus, alia sine dubio sunt vera bona, quæ nulla industria aut consilio a bonis acquiri possunt: sunt etiam præter naturales criminum poenae mala quædam, quæ nulla arte vitari possunt: hæc quoniam ex divina providentia contingunt juxta leges nobis ignotas, fortunæ adscribuntur. Talia sunt paupertas, ignobilitas; humilitas, graves dolores corporis, infirma valetudo, debilitas, cæcitas, amissio suorum, inte-

ritus patriæ, servitus, &c. Sed hæc fortunæ mala & contraria bona, quæ honestis & improbis indiscriminatim obtingunt, non sunt hic computanda, sed ea tantum quorum vitium aut virtus per se effectrix est. Adeoque non est conferendus impius cui afflavit fortuna cum honesto viro fortunæ malis omnibus affecto: sed uterque, si vim virtutis & vitii ad efficiendam beatam vitam intelligere velis, isdem donandus aut privandus fortunæ bonis & in eadem collocandus conditione. Nego in hac hypothesi improbum feliciorum fore quam bonum. Præterea animadvertendum est ad virtutem proprie pertinere ea bona quæ mali virtutis simulatione sibi comparant, videlicet aliorum hominum benevolentiam & existimationem: hæc etenim non consequuntur quatenus impii & inhonesti sunt, sed propter externam virtutis speciem; consequenter virtuti non vitio tribuuntur. E contra illa mala quæ bonis obtingunt ex calumnia, aut ex falsa vitii opinione, ad vitium pertinent: nam ab ejus specie accepta ad illud referri debent.

At, inquires, ad virtutem via ardua & difficilis ab omnibus habetur, in prærupti mentis apice collocatur; ad vitia vero plana via est & facilis. Deinde virtus advocat a voluptate; illius alumni appetitum imprimis moderari student, cupiditatibus modum ponere: vir bonus non sibi vivit, sed aliis; & aliorum causa non solum voluptatibus valedicit, verum in se molestias maximas suscipit; constitutum est apud eum famulari virtuti etiam inter scopulos & fluctus vocanti: malus vero sibi res, non se rebus subjungere conatur.

Respondeo viam ad virtutem respectu eorum, qui vitiorum habitus contraxerunt, arduam quidem esse; non vero difficilem esse respectu eorum qui nondum sunt depravati, & bene Seneca scripsit de ira l. 2. c. 13. *Non ut a quibusdam dictum est arduum in virtutes & asperum iter est: plano advenitur. Non vana vobis auctor rei venio. Facilis.*

lis est ad beatam vitam via: inite modo bonis auspiciis, ipsisque Diis bene iuvantibus. Multo difficilior est facere ea quæ facitis. Quid enim quiete otiosius animi, quid ira laboriosius? quid clementia remissius, quid crudelitate negotiosius? vacat pudicitia, libido occupatissima est. Omnium denique virtutum tutela facilior est: vitia magno videntur.

Deinde fallum est virtutem avocare a lætitiis & jucunditatibus, immo multas nobis conciliat a quibus removere vitium solet. Quos in hac controversia appellare iudices deceat? an sapientes, quorum rectum iudicium & sana mens? an illum Cui stupet infans acies fulgoribus,
Et cui

Acclinis falsis animus meliora recusat? si sapientes, ut par est, omnes cum Socrate execrantur cum qui primus utilitatem ab honestate sejunxit; pronuntiantque luxuriosos & flagitiosos pessimos esse rerum æstimatores, & Arithmeticæ imperitissimos. Clamabat ipse Epicurus, non posse jucunde vivi, nisi sapienter, honeste, iusteque vivatur: nec sapienter, honeste, iuste, nisi jucunde. Hujus tam communis apud omnes sententiæ causæ in promptu sunt. Scilicet aliæ sunt voluptates animi, aliæ corporis: ad animum pertinent illæ omnes lætitiæ, quæ ex pacata conscientia, ex honestis officiis, ex bonis studiis, ex nostrorum meritum opinione, & ex aliorum existimatione oriuntur: ad corpus pertinent illæ voluptates, quæ in sensuum commotione possunt: animi vero lætitiis potiores esse probat apud Ciceronem Torquatus Epicureus, quod trium temporum particeps animus sit; corpore autem præsentia solum sentiantur. Quod etiam confirmari ex eo potest, quod animus in homine præcipua pars sit, & in præcipua cujusque animantis parte ponenda sit ejus perfectio & felicitas: quod siquidem in voluptate corporis essent omnia, longe multumque superaremur a bestiis, quibus ipsa terra fundit ex se se passus varios, varique abundantes nihil laborantibus; nobis autem vix suppetunt multo labore

querentibus. Jam vero vir bonus, uti ex supra dictis satis patet, gaudet maxime animi deliciis, malus solas habet voluptates cum bestiis communes, quæ humiles sunt sua natura & sæpe celandæ, quæ cito fluunt, quas excipit satietas & tædium, quarum insuavis est recordatio, quæ nihil habent nobile & gloriosum quo graviora vitæ incommoda aut ærumnæ compensentur. Fallum quoque est luxuriosos magis abundare corporis voluptatibus, si hoc admittatur verissimum principium, eas voluptates vera esse mala, quæ majoris doloris efficientes sunt; eos contra dolores bona esse quæ majoris voluptatis causæ futuræ sunt: nam revera boni lege naturalis avocantur solummodo ab iis voluptatibus, quæ amaræ sunt, quæ sine interiori ægritudine, sine ignominia gustari nequeunt, vel quæ fatales futuræ sunt. Ideo quamvis exercitationes virtutum in juventute molestæ essent, propter mirificos quos afferunt in ætate magis præfecta fructus, suscipiendæ sunt: & intemperantia cum effectum corpus tradat senectuti sine dubio fugienda est: hocque ipsi confiteri solent libidinosi & intemperantes.

cum lapidosa chiragra

*Frægerit articulos veteri ramalia sagi:
 Tunc crassos transisse dies, lucemque palustrem*

Et sibi jam feri vitam ingemuere relictam. Pers. Sat. 5.

Concludamus igitur cum Tullio: *pervertunt homines ea, quæ sunt fundamenta naturæ, cum utilitatem ab honestate sejungunt. Omnes enim expetimus utilitatem, ad eamque rapimur nec facere aliter ullo modo possumus. Nam quis est qui utilia fugiat? Aut quis potius qui ea non studioissime persequatur? Sed quia nusquam possumus, nisi in laude, decore, honestate utilia querere.*

Objicies 2. Cum auctore libri qui inscribitur *apum fabula*. Non tam virtute stant & florent reipublicæ, quam civium intemperantia; experientia enim compertum habemus privatorum vitia publi-

publi-

publica esse beneficia, & ad vires ac potentiam imperii promovendam multum conferre: illud enim est utile societati & rempublicam florentem efficit, quod illius augeat vires ad reditus, promoveatque industriam. Atqui vitia augent reipublicæ reditus, videlicet proferendo commercia, & celeriori mercium consumptioni occasionem præbendo, v.g. bibendi intemperantia quam multis prodest civibus? vinitoribus qui colunt vineam, nautis & rhedariis qui advehunt, cauponibus qui vendunt, publicæ rei cuius augeat reditus. Sic quoque luxus magnatum mercatorum ingentem numerum ad eas & occiduas oras ire cogit.

Respondeo inauditam hanc recentioris authoris assertionem, non impiam magis, quam ab omni ratione esse abhorrentem. Qui enim melius quid reipublicæ prosit, quidve obstat judicare poterint, quam Legislatores, qui illas constituerunt, & Historici, qui imperiorum conversiones varias intuentes, earum causas diligenter explorarunt? Sed nullus unquam fuit Legislator, qui virtuti non sit suis legibus patrocinatus, qui vitia coercere legibus dubitaverit. Nullus Historicus reperitur, qui imperiorum incrementa & prosperitatem virtuti non adscripserit, eorumdemque occasum & interitum contrariis causis acceptum non retulerit. *Post subactam Græciam, inquit Sallustius, primum fracta cæperunt res Romanæ in pejus ruere, quia ibi insuevit exercitus Populi Romani amare, potare, signa, tabulas pictas, vasa cæлата mirari, ea privatis & publice rapere, delubra spoliare, sacra profanaque omnia pollere, ut ait Horatius,*

favior armis

Luxuria incubuit, victumque ulciscitur orbem.

Neque omnia certe, quæ promovent industriam, aut quæ præbent occasionem celeris mercium consumptioni, sunt reipublicæ utilia. Si ita res esset, sceleratus incendiarius, qui hanc regni Metropolitim incenderet, maxime promoveret reipublicæ commoda; nam celeritæ cer-

te mercium consumptionis causa existeret, & industriam in reedificanda urbe egregie promoveret. Eadem ergo esse videtur vitii & incendii ad reipublicæ utilitatem efficientia: quia utrumque eodem modo promovet industria, videlicet inutiliter merces consumendo. Igitur non ea, quæ magnam mercium consumptionem efficiunt, conferunt ad reipublicæ augendam potentiam; sed quæ reddunt cives numerosiores, robustiores & meliores: publicum bonum a privatorum bono sejunctum esse non potest, nec vigere corpus si langueant membra; quod clarius patebit si consideremus rempublicam omnem, quantumvis opibus florentem, habere rationem familiaris: quæ quæso ratione in familia intemperantia & licentia eorum, qui illam componunt, ad ejus opes promovendas possunt conducere?

Præterea, vitia non promovent industriam, neque augent reipublicæ vires atque reditus, etiam multum consumendo. Nam, v.g. bibendi intemperantia habitum corporis corrumpit, vitæ reddit breviorum; & nullo modo fieri potest, ut ebriosus, cujus infirma valetudo & vita brevis, plus consumat, quam vir frugi, qui longævam sanius assequitur ætatem. Et numquid non si ille ebriosus illam nimiam quam hausit vini quantitatem pauperioribus civibus largiisset, eadem fuisset vini consumptio, cum hoc solummodo discrimine, quod suam ipse valetudinem non imminuisset, aliorum vero confirmavisset? Idem de luxu in omni re dicendum, in cujus ipsa notione includitur inutilitas & vis noxia. Nihil quippe aliud est luxus, quam abusus bonorum naturalium, vel ad propriæ valetudinis aut fortunæ imminutionem, vel ad aliorum hominum, quibus opulari tenemur, detrimentum. Tolle hanc noxiam qualitatem & finge usum pecuniæ suæ, aut cujuscumque alterius rei, neque sibi, neque suæ familie, neque patriæ noxiū esse, non erit amplius vitium & in eo quisque sibi indulgere poterit. Tunc tantum

tum usus rerum damnatur & accipit lusus appellationem, quando est perniciosus republicæ aut ejus membris. Jam vero contradictionem involvit, ut quod in sua notione perniciosum est civitati, unquam possit esse utile. Hæc omnia facile cæteris omnibus vitiis possunt applicari.

PROPOSITIO SECUNDA.

Virtus ad beate vivendum seipsa non est contenta, ut gloriabantur Stoici, sed multoties arumnis implicat gravissimis.

PROBATIO.

NAM primo virtus propter fortunæ varia tormenta, propter hominum levitatem vel perversitatem sua amittit præmia: præbet quidem semper conscientie pacem, sed graves dolores corporis non semper sedant temperantia & sobrietas: Justitia, fides, cæteræque virtutes, quandoque aut non satis animadvertuntur ab hominibus, aut etiam si percillant aliorum oculos, illis non donanter honoribus, quos merentur; *virtus laudatur & alget*. Deinde vitium maxime naturales non semper effectus habet: intemperantia & ineontinentia etsi soleant corpus effocium senectuti tradere cum morbis insanabilibus & intolerabilibus doloribus, tamen quandoque propter fortuitam corporis firmitatem hac efficientia carere sæpius videmus. Quidam etiam vel ex tarditate ingenii, vel occæcati cupiditatibus, pravi rectique discrimina non satis cernunt & omnem ferme conscientie sensum prælocant. Tandem multi improbi sunt, qui propter externam virtutis speciem debita virtuti præmia possident, benevolentiam & exultationem aliorum; aut propter divitias & potentiam non solum effugiunt scelerum poenas, sed sibi hominum obsequia coaciliant: (a) dum ex altera parte boi innumeris, onerati falsis criminibus, scelerum quæ non commi-

serunt poenas luunt, aut improborum etiam propter ipsam virtutem experiuntur servitiam. In exemplo est *Socrates*: exemplo etiam esse possunt veteres Christiani, & quotquot pro justitia & veritate animas dederunt. *Omnia in futurum servantur incerta, eo quod universa æque eveniant jussu & impio, bono & malo, mundo & immundo, immolanti victimas & sacrificia contemnti.... Vidi & volocum non esse cursum, nec fortium bellum, nec sapienium panem, nec doctorum divitias, nec artificum gratiam, sed tempus casumque in omnibus.* Eccl. c. 9.

PROPOSITIO TERTIA.

Vita hominum non circumscribitur hujus conditionis mortalis limitibus, sed post mortem manent virtutum præmia, vitiorum vero supplicia a iudice omnium Deo certissime retribuenda.

PROBATIO.

ARGUMENTUM PRIMUM.

Ex consideratione Divinarum Perfectionum.

MUNDUS intellectualis Dei præstantissimum opus est & totius creationis finis. Sunt quippe entia rationalia tam excellentis nature, ut cum nullo alio nisi cum ipso Deo comparari queant: tolle hæc creationis partem, erit orbis corporeus, erimus magna, immensa solitudo, compages exanima, quæ nec authoris suis potentiam, sapientiamque cognoscere, aut experiri bonitatem, aut personare laudes poterit. Proindeque mundus intellectualis: ea pars divini operis est, de qua maxime sollicitus esse debet universi artifex & moralis providentiae ratio perfectius exprimere divina attributa, sapientiam, bonitatem & justitiam debet, quam rerum ordo naturalis. Uno verbo in spirituum gubernatione magis quam in alia quavis re agnoscere debemus rectorem sapientem, parentem bonum,

(a) Multi

*Committunt eadem diverso crimine facto:
Ille cruce sceleris pretium tulit, hic diadema.*

Juv sat. 13.

num, æquum sanctumque iudicem. Atqui si hujus vitæ limitibus circumscriberetur vita hominum, nullo modo haberetur videretur morale Dei imperium in omnibus partibus colorem proprium Numinis aut divinorum attributorum notas; non ordinis & sapientiæ, sed confusiois & imperitiæ; non bonitatis, sed malitiæ; non æquitatis, sed injustitiæ & perversitatis.

1. Morale Dei imperium non semper ferret sapientiæ signa. Non est certe Legislatoris sapientis leges ferre & earum non prosperare observationi: non est rectoris prudentis subditorum contemptui se obnoxium præbere: finis liquidem quem in ferendis legibus intendit Legislator, ad eas faciendas præmiis & suppliciiis determinare debet; neque ullus inter homines princeps extitit, tantæ imprudentiæ & stultitiæ reus, ut quas rogavisset leges ad reipublicæ salutem easdem poenis non sanxerit. Atqui sublata legum naturalium sanctione per poenas & præmia in futura vita Deus leges tulisset, nec earum observationi satis prospexisset, se suamque auctoritatem contemptui exposuisset; liquidem sublatis illis futuris præmiis atque poenis nulla esset obligatio completa seu moralis necessitas servandi illas leges ex motivo propriæ felicitatis; e contrario vero ex insuperabili quo movemur felicitatis amore, sæpe fortius inclinaremur ad contemnendas leges divinas, quam ad illas observandas; & proinde naturalibus affectionibus non tam ad obsequium auctori nostro debitum, quam ad inobedientiam alstringeremur; quo nihil absurdum magis aut ab omni sapientia alienum. Ergo sub regimine entis sapientis, quod nequit se contemptui obnoxium facere, quod suas creaturas legibus devinctas esse vult, quod gubernationis suæ honorem & dignitatem vindicare debet; virtus & felicitas separari non possunt. Ergo cum in hac vita non semper consocientur, erit altera in qua hæc obtinebit tam naturalis concordia.

2. Non semper haberet moralis Dei imperii ratio notas bonitatis, sine qua

nulla majestas est. Nam vita hæc mortalis nisi consideretur, ut via ad beatitudinem, ut stadium in quo decertamus, ut quidam militiæ & probationis status, divini benevolentiae illam acceptam vix referre possumus; neque illius providentiæ ratio ullo modo boni Legislatoris esse videtur. Nam quid tam alienum a bonitate, quam creaturas suas infinitis malis implicare, illasque ad malum innumeris tentationibus allicere, nullo constituto victoribus præmio? sed ut cum exantlaverint infinitos labores, & ad virtutem per molestias & ærumnas summo studio contenderint, incidant in mortis malum sempiternum. Profecto si ex benevolentia Deum excitatum fuisse intelligimus ad creandum, multo magis ad conservationem suarum creaturarum illud inclinare debet eadem in eas propensa voluntas. Nam accepta semel existentia quoddam comparatur ad illam jus: beneficium est quod auferri nisi ab ingratia non debet: *turpius ejicitur*, ut fert Adagium, *quam non admittitur hospes*. Deinde esse boni Legislatoris ferre leges beatam vitam non efficientes, aut subditos devincire institutis quæ ad ærumnas ducunt & miseria: obedientia voluntati Legislatoris sapientis & in bonum suorum subditorum propensi necessario beatos efficere debet legibus obtemperantes. Sed si non sit altera post hanc conditionem mortalem vita, in qua Deus se absolvat, videbitur tulisse leges felicitatem suarum creaturarum nullo modo efficientes: reperietur obedientiam divinæ voluntati ad ærumnas sæpe & miseria ducere; religiosos propter pietatem in Deum infelices esse, improbos propter impietatem suas utilitates consecutos.

3. Divina administratio aliena esset ab æquitate & iustitia. Nam iustitia generatim nihil aliud est quam æqua voluntas, id est, constans propositum agendi juxta æternum ordinem in rerum naturis fundatum. Atqui si nulla esset post hanc conditionem mortalem vita, in qua bonos præmia, poenæ fontes manerent, divina administratio aliena esset ab immutabilibus rerum naturis, neque ullo

modo aeterno ordini consona. Etenim, ut jam confectum fuit, infer bonum & malum morale est discrimen essentialia in rerum naturis positum, illaque dividit communis Dei & hominum intelligentia: bonum naturali pulchritudine decorum est & amabile, provocatque sponte sua omnium rationalium studia: vitium contra ex propria foeditate turpe est & odiosum. Atqui nisi Deus se abolveret in altera vita, ageret ab iis rerum naturis modo valde abhorrenti: ex ejus gubernationis ratione judicandi locus esset, nulum esse ejusmodi naturale inter bonum malumque discrimen, cum ipse omnium Parens & Legislator bonorum & malorum non haberet rationem: nullo modo ex ejus regiminis forma concludere possemus illum virtutibus delectari, aut ab improbitate aversum esse; bonos siquidem & malos eodem tractaret modo: immo illum constituisset ordinem in quo majora quandoque essent vitii quam virtutis praemia.

Præterea ubi erunt divinae immutabilitatis signa? certe si Deus sit ens immutabile, neque temere & sine consilio agat: fixa atque constans esse debet illius voluntas; hancque ejus constantiam experiri debeat præstantissima ejus opera. Sed quid tam inconstans, tam a consilio & omni gravitate alienum, quam in destruendis creaturis perpetuo occupari, & idipsum agere quod exprobare solemus homini levi & inconstanti, qui *divinis, adificat, mutat quadrata rotundis*. Deinde ex aeternitate sua pendet omnis rationalis naturæ dignitas, nisi ad contemplandas res divinas admitteret, non erat operæ pretium nasci: quid enim erat cur in numero viventium me positum gauderem? An ut cibos & potiones percolarem? Ut hoc corpus caussarium & fluidum periturumque, nisi subinde impleatur, sarcinem & viverem agri minister, & mortem timerem cui omnes nascimur? Detrahe hoc inestimabile bonum immortalitatis, non est vita tanti ut sudem, ut astemur. Quam contempta res est homo, nisi supra humanam se erexerit. Immo monstruosus naturæ partus homo ef-

set, si ejus vita hujus conditionis limitibus finiretur: affectionibus commoveretur naturalibus sine causis; futurorum sæculorum terroribus vanis frangeretur; vel spe deluderetur bonorum quæ nunquam esset consecutus: quid tam informe & disjunctum a Dei sapientia, cæterisque perfectionibus?

At, inquires, hæc parum consentire videntur cum iis quæ supra confecta sunt, videlicet; Dei sapientiam, bonitatem & justitiam in rerum administratione evidentissime elucere.

Respondeo has Dei perfectiones elucere quidem, & quantum decet in statu *militiæ & probationis*; non vero quantum deceret in statu *finali* & in *ultima scena*. Deus certe leges sanxit sapientissimas, illas poenis & præmiis confirmavit; & bona multa nostris ulibus paravit, ut facile agnoscere possimus illum rebus interesse humanis, virtutis patrum esse & vindicem scelorum: satis, ut concludere possimus illum aliquando homines in judicium adducturum esse, sed non satis ad vindicandas suas perfectiones. Quippe non possumus aliter absolvere divinam providentiam, nisi cogitemus illam extra hujus vitæ limites excurrere, hanc conditionem mortalem statum esse militiæ & probationis, in quo decertandum sit, superandæ variae difficultates; in quo magis promissis divinis ad virtutem accendimus, quam propter virtutem remuneramur; in quo vitium non tam divinis castigatur judiciis, quam gravissimis comminationibus & terroribus coercetur: nempe animadvertere licet impios non tam luere poenas scelerum supplicis, quæ sæpius nulla sunt, quam metu suppliciorum; bonos non tam frui voluptatibus, quibus sæpe nunquam potiuntur, quam quidam jucunditate ex spe felicitatis. Ergo quoniam in hac vita habemus spem & expectationem præmiorum aut suppliciorum, in alia illa retribui necesse est. Ita certe conclusum fuit etiam a Paganis Philosophis, inter quos illi solummodo interire funditus animum in morte judicantur, qui negabant Deum habere ullam rerum humanarum pro-

pro-

procuracionem . Unius hic utemur auctoritate Plutarchi qui in libro *de iis qui sero a numine puniuntur*, scribit: *pugnat anima sicut athleta in vita; postquam vero certamen peregerit, accipit quae ipsi conveniunt*. In eodem libro demonstrat immortalitatem animarum in iisdem plane rationibus fundari, in quibus fundatur ipsa Dei providentia. Ex quibus observationibus hoc aliud nascitur argumentum.

ARGUMENTUM SECUNDUM.

Ex praesenti verum administratione.

In superiore disputatione confectum est Deum in hoc mundo personam iudicis sustinere; iudiciumque, quantum convenit rerum humanarum praesenti sortì, severum exercere: ostensum est virtutis exercitio conjuncta esse praemia multa naturalia, quae probos beatos efficerent; si nulla essent fortunae tormenta, & inter malos non versaremur; vitio vero adjunctas esse poenas, quae nisi suspenderentur corporis voluptatibus, variisque fortunae bonis malos misere cruciarent: uno verbo demonstratum est Deum exercere morale imperium per leges naturales sanctione praemiorum & poenarum confirmatas. Jam vero quod Deus exerceat morale imperium in hac vita, id argumento est in vita altera futuram ejusdem imperii moralis continuationem. Cur abdicabit se hoc imperio? Cur personam iudicis deponet? quae causa suspicandi esse potest, virtutem amissuram salutarem suam vim, aut virium noxiam suam naturam? potestne haec tanta mutatio consistere cum divina constantia?

At, inquit, sit constant divinae administrationis ratio: ex eo solummodo concludere licebit partem divinae administrationis futuram, extra conspectum nostrum jam positam, consentientem & analogam fore cum administratione praesenti, in qua alget virtus & laetor, cernimus florere nocentes. Respondeo administrationem dei posse constantem duplici modo; primo si iisdem causis perpetuo & sine mutatione agentibus iidem semper

consequerentur effectus; alio etiam sensu administrationem dici posse unam & constantem; nempe unitate consilii & finis, cum omnia ad finem aliquem ordinata sunt: sic cum architecti saxa fecant, machinas admovent, tabulata ad fornicum constructionem consuevit, quoniam haec aedificium construendum necessaria sunt, suum propositum prosequuntur & constantem habetur eorum agendi ratio. Jam vero divina administratio dici non potest una atque constant priori sensu, cum hominis conditio a prima conceptione multas experietur mutationes & insignem expertura sit, ubi positus corporis exuviis mundum hunc relinquet; quia praeterea experimur animum humanum ad capiendam scientiae & felicitatis incrementa aptum natum esse: ergo una & constant tantum esse potest Dei moralis administratio ratione finis & consilii. Sed quis est finis imperii Dei moralis? An ut felicitas vitii merces sit, miseria effectus virtutis? Nullatenus: nam huic fini opposita est utriusque essentia naturalis, neque in hac perturbatione rerum est exitus. An ut omnia sint semper incerta, ut non vitios, non virtuti temere famuletur felicitas? Nequaquam: quia experimur felicitatem esse virtutis naturalem appendicem, hancque salutarem ejus vim non nisi contingentibus causis & in hoc praesenti statu operantibus suspendi: experimur quoque vitio, utpote naturae rationali contrario, naturaliter adjunctam esse aegritudinem, & non nisi accidentalibus causis deliniri improbos. Uno verbo ubi virtus est infelix, & vitium felix, violentus status est, rerum naturis repugnans, Deo hominibusque invidus; qui ideo perdurare non potest: neque in praesenti vita obtinet aliquando nisi quia ob sapientissimas causas, quarum aliquas etiam nobis non difficile est intelligere, placuit parenti optimo nos in statu probationis & disciplinae collocare; cujus ratio postulat, ut boni per aliquod tempus difficultates experiantur & severiorem adhibeant disciplinam, ad virtutis perfectum statum, seu acquirendum, seu conservandum.

dum. Sed unde novimus statum hunc esse statum probationis & disciplinae respectu alterius vite? Hoc primum concludimus ex divinarum perfectionum, quas aliter absolvere non possumus, consideratione: Deinde etiam cum unicuique experientia sua & observatione consilet nos esse in statu probationis & disciplinae respectu *felicis vite*, quæ maxima ex parte pendet ex ejusque prudentia & in moderanda vita industria, per analogiam concludimus in eodem esse nos respectu *felicis futurae*. Analogiam hanc exposuit diligenter & accurate Cl. Author libri inter omnes alios absoluti, qui inscribitur *Analogia religionis naturalis & revelatae cum natura constitutione*. Cum argumento hoc sequens conjungendum est.

ARGUMENTUM TERTIUM.

Ex hominis naturæ morali.

1. In omni sapienti rerum administratione hoc principium fundamentale est, quamque rem regendam esse pro sua natura: multoque magis hanc legem sequetur omnium naturarum parens: sic intelligimus Deum a bellis non esse postulaturum rationem operationum suarum, quia cognitionis & libertatis expertes in judicium adduci non possunt: propter eandem rationem si homines ad rationem reddendum sint a natura comparati, bene auguratur illos esse vocandos aliquando in judicium: cur enim eos tractaret modo naturæ suæ non convenienti? Atqui homo est revera comparatus a natura ad reddendam rationem suarum actionum: nam rationis particeps scienter agit, libere etiam & ad arbitrium vivit, præterea lege devincitur, denique agnoscit superiorem & judicem. Nec solum propter hanc naturalem conditionem rationis reddendæ par est, verum insuper videmus eum semper paratum esse ad defendendum sese aut accusandum, quasi ante tribunal judicis stare: nam sese turpiter agentem damnat, & etiam in tenebris ignavi pudet facinoris: si qui velles fuerint inhonestæ actionis, rubore

suffunditur, aut defensionem suscipit facinoris. Hi sensus non solum infimis hominibus insunt, sed ipsos principes, a quibus nulla ratio in terris exigi potest, afficiunt. Cum ita igitur simus comparati, ut non modo rationis reddendæ pares, sed etiam motu quodam naturali inclinemur ad illam reddendam omnibus quorum interest, nullum dubium est quin supremo rerum omnium rectori ratio nobis aliquando reddenda sit.

2. In omni disputatione proficiscendum est ab hoc principio: quod omnis naturalis sensus necessario verax sit; a Deo quippe institus naturæ illius quodammodo monentis vox est (*Vide pag. 44.*). Quod vero insitæ sint ab ipsa natura omnium hominum animis expectatio futuri Dei judicii & quædam præsentiones futurorum sæculorum, colligimus ex eo quod hi sensus universales sint; quod sponte & naturaliter sine institutione & doctrina exoriantur in hominum animis; quod ita inhæreant, ut nulla industria possint extirpari.

Primo. Certe illi sensus generales sunt. Nam habemus in hac parte consentientes omnes antiquissimos populos, *Hebræos, Ægyptios, Chaldaeos, Indos, Persas, Getas, Gallos, Græcos & Romanos*, omnemque antiquitatem: præcis illis omnibus insitum fuisse legimus apud *Herodotum, Pausaniam* & alios, esse in morte sensum, neque excessu vitæ sic deleri hominem ut funditus interiret: idque cum multis aliis rebus, tum è pontificio jure, quod ubique obtinuit & ceremoniis sepulchrorum intelligi licet, quas tanta cura non coluissent omnes populi nec violatas tam inextinguibili religione sanxissent, nisi hæsisset in eorum mentibus, mortem non interitum esse omnia tollentem atque delentem, sed quamdam quasi migrationem, commutationemque vitæ. Hinc quoque totum prope cælum a præcis populis genere humano completum est, & primus derivatus fluxit idolorum cultus. Veteribus populis consentiunt omnes, qui hodie sunt terræ incolæ, *Mexicani, Peruviani, Brasilienses*, &c. Denique si specimen naturæ cur-

jus

jussit a natura optima sumendum sit, uti possumus authoribus præclarissimis ingenii summiisque philosophis in omni gente, Confucio, Zoroastro, Socrate, infinitisque aliis, quorum extant gravissimæ de hac re sententiæ.

Secundo. Illa opinio non est institutis & legibus confirmata, non illam commune fecit colloquio hominum, sed ipsa vox naturæ. Sponte enascitur sine doctrina in animo quædam magnifica de se opinio: cogitare quippe non possumus animum nostrum nobis ingeneratum esse, instar salis, ad arcendam a corpore putredinem. Quid multa? ait Tullius, sic mihi persuasi, sic sentio; cum tanta celeritas animorum su, tanta memoria præteritorum, futurorum providentia, tot artes, tanta scientia, tot inventa; non posse eam naturam, quæ res eas continet, esse mortalem. Deinde, ut ait idem Cicero, maximum argumentum est naturam ipsam de immortalitate animorum tacite judicare, quod omnibus cura sunt, quæ post mortem futura sunt; quid procreatio liberorum, quid propagatio nominis, quid adoptiones filiorum, quid testamentorum diligentia, quid ipsa sepulchrorum monumenta, quid elogia significant, nisi nos futura etiam cogitare. . . . Nondum in his ipsis libris, quos scribunt Philosophi de contemnenda gloria, sua nomina inscribunt? Quod si omnium consensus natura vox est & omnes qui ubique sunt, consensunt esse aliquid, quod ad eos pertineat, qui de vitâ cesserint; nobis quoque idem existimandum est. Et, si, quorum aut ingenio aut virtute animus excellit, eos arbitramur, quia natura optima sunt, cernere nature vim maxime: verisimile est cum optimus quisque maxime poslevitatis serviat, esse aliquid, cujus is post mortem sensum sit habiturus. Denique homines boni in maximis molestiis & ærumnis gravissimis spe futurorum bonorum naturaliter confirmantur: impii & contrario quamvis afflet fortuna & abundant voluptatibus, tamen in illa sua copia metuunt, peribantur & ægritudinibus ceduntur.

Tertio. Ubi de immortalitate animo-

rum sensus nullo modo extirpari possunt; sicuti experientia constat: & uti possumus autoritate ipsius Epicuri qui docebat non posse jucunde vivi, nisi honeste vivatur; quod ea quæ sunt luxuriosis efficientia voluptatum merus injiciant graves Deorum a quibus nulla industria liberari possunt.

At, inquit, prædicti sensus ex quibus petitur argumentum omnino vani sunt: illa suæ excellentiæ opinio animi plus æquo superbiens inanis elatio est. Desiderium immortalitatis nihil aliud est quam suæ conservationis studium; vivere ambimus, interitum reformidamus; vitæ idcirco limites ambitiose nimis proferimus. Metuimus etiam futuras penas; sicuti in tenebris lemures, sicut horrebat olim totum humanum genus tricipitem Cerberum, Cocyti fremitum & furias anguibus terribiles. Humana vanitas, ut observat Plinius, in futurum etiam se propagat & in mortis quoque tempore, ipsa sibi vitam mentitur, alias immortalitatem animæ, alias transfigurationem, alias sensum inferis dando & manes colendo, Deumque faciendo, qui jam etiam homo esse desierit.

Respondeo: si anima ad immortalitatem genita sit, sapienter factum esse, ut hujus destinationis conscia magnifice de se existimet: si mortalis sit, cur tantopere superbiat nullam causam esse. Nos ergo naturæ partes tuemur, & præstat certe tueri; cum nullam aliam natæ simus præceptricem. Deinde desiderium immortalitatis longe distat a studio propriæ conservationis: divisos enim sæpe experimur istos sensus; mali optant interitum sempiternum, dum ardentissime suæ student conservationi: boni vitam facile profundunt propter immortalitatis spem. Sed demus immortalitatis desiderium sponte nasci ex suæ conservationis studio: ergo ambimus naturali inclinatione æternam vitam, æque constanter & necessario ac conservationem vitæ. Quid porro tam certo expectandum, quam quod natura duce necessario appetimus? Denique spes immortalitatis beatæ & metus futurorum suppliciorum

cum.

eum vanis terroribus confundi non possunt : quia formidines vanæ, quatenus distinguuntur ab ipsa voce naturæ, neque universales sunt, neque sponte nascuntur & facile extirpantur ; phantasiæ fortis sunt & fictæ a Poetis. imagines, non rationis secum ipsa deliberantis iudicia : quam vero habent constantiam, eam omnem mutantur a sensibus naturalibus, quibuscum consociatæ sunt & quodammodo confusæ.

ARGUMENTUM QUARTUM.

Ex natura Animorum immortal.

Idcirco futurum post mortem iudicium incredibile quibusdam videtur, quod difficile sit cogitatione comprehendere, qualis animus sit vacans corpore, magnum ergo pondus superioribus argumentis addemus, si confecerimus autem esse a corpore diversum & naturæ suæ immortalem. Jam supra ubi de existentia & immensitate Dei, plures demonstrationes proposuimus sunt, quibus efficitur substantiæ cogitantis simplicitas segregata non tantum ab omni concretionem corpoream, sed etiam ab omni extensione : adeoque hic solummodo observabimus, quantum distat vita animi a vita corporis, ut arripiamus occasionem consutandi varias rationes, quibus animi immortalitas impugnari solet & quas nondum attigimus.

Animus ea est hominis pars, quæ intelligentia & ratione valet, quæ doloris & lætitiæ sensus experitur, quæ suorum actuum arbitra vim continet movendi sese. Atqui hæc pars naturæ erit corpori superstes : quod hæc vita spiritalis animi sit omnino diversa a vita corporis : quod cum ea nullam etiam habeat necessariam conjunctionem, nec ab ea pendeat ullo modo : quod cogitatione comprehendere non possimus quomodo animus possit interire.

Primo vita animi multum disjuncta est a vita corporis. Etenim corporis vita in organizatione posita est, id est, in quodam partium coherentium contextu & motu ; legibusque nascitur & viget mechanicis. Illius origo minutum

femen est, aut ovum, aut si velis animalculum, quod evolvitur ut arborum & fruticum semina calore nempe & nutritione intus suscepta. Omnes quibus constat partes, unde nascantur cerno : sanguinem, bilem, pituitam, ossa, nervos, venas, cerebrum & omnem denique membrorum, & totius corporis figuram, videor posse dicere unde concreta & quomodo facta sint. Continuis mutationibus obnoxium est, singulis fere septenniis totum perit & renascitur. Quid contra animus est? Eo cuius primum attributum individua cogitatio est : non porrigitur in longitudinem & latitudinem, non dividitur, non ponderat, non cohesione vel motu partium consistit. Non pulsu agitur externo, sed affectibus : suarum operationum arbitra commovet se sponte sua, exercetque in corpus dominium. Manet mens amputatis membris integra, diffuente corpore immota, mutato alternis annis corpore eadem. Nihil intelligimus in animo quod ex terra fictum esse videatur : nihil aut humidum, aut stabile, aut igneum : his enim in naturis nihil inest, quod vim memoriæ & cogitationis habeat, quod præterita teneat, futura prævideat & complecti possit præsentia. Concludendum igitur est cum Platone, cæterisque omnibus gravioribus Philosophis singulariorem esse naturam & vim animi longissime sejunctam a natura corporis : quam *Entelechiam* vocabat *Aristoteles*, quam quandam continuatam motionem & perennem.

Secundò. Quancumque sit communio inter corpus & animum, manifestum est nullam esse inter utramque substantiam connexionem ; ac etiam si anima nihil aliud sit quam atomus quædam materiæ, tamen ejus vitam spiritalem independentem esse a vita corporis organici. Nam si hæc vis spiritalis ab organica dispositione corporis ullo modo penderet ; vel penderet a partium numero, vel ab earum figura, vel ab eorumdem motu & contextu. Sed profecto viginti partes per vim cohesionis vel gravitatis connectæ non sunt ad cogitandum

aprio-

aptores quam decem, neque pars sanguinis velociter agitata sapientior est alia parte minore acta velocitate, neque pars rotunda triangulari felicior ullo modo esse potest. Pone ergo vim cogitandi materiz insitam esse, fac animum igneum cum Stoicis, vel cum aliis aereum & spirabilem, erit aternus: quia cum non vigeat, neque figura, neque motu partium, sed divino munere; nunquam interire poterit nisi Deo reposcente munus concessum. Optime ergo concludit Cicero *Anima sit animus, ignisve nescio; cum tamen jurem esse divinum. Et si animus ignis est, idem esse & Deus poterit: nam qui siderum conversiones, omnesque motus animo vidit, is docuit similem animum suum ejus esse, qui ea fabricatus esset in caelo, cum enim Archimedes luna, solis & quinque errantium motus in sphaeram illigavit, effecit idem quod ille, qui in Timaeo mundum edificavit Platonis Deus, ut tarditate & celeritate dissimillimos motus una regeret conversio: quod si in hoc mundo fieri sine Deo non potest ne in sphaera quidem eosdem motus Archimedes sine divino ingenio potuisset imitari.*

Tertio. Nullo modo cogitatione comprehendere possumus mortem animi; quia mors seu interitus est discessus & diremptio earum partium, quae ante interitum junctione aliqua tenebantur. Sed in animis nihil admixtum, nihil coagmentatum, nihil duplex cogitamus, quod secerui aut dividi possit. Deinde haec propria natura animi est, quod seipsum moveat, quod vi quadam interiori & sua cogitet, propendat, agat, uti supra confectum est. Ergo nunquam moveri & seipsum eiere desinet: quia hoc fieri non potest quin a seipso deseratur. Sic concludit acute Cicero post Socratem & Platonem, *sensit animus se moveri: quod cum sensit illud una sensit, se vi sua non aliena moveri, nec accidere posse ut ipse a se unquam deseratur. Tus. l. 1.*

At iniques, singularem illam substantiam nullo modo licet complecti cogitatione; nec qualis sit, nec ubi sit, omnino intelligere. Deinde nullo modo

concipitur qua ratione cum materia conjungi possit: nam ut ait *Lucretius l. 1.*

*Quippe enim mortale aeterno jungere,
& una
Consentire, putare &ungi mutua posse,
Desipere est.*

Respondeo primo. Nobis fortasse aequum notum esse animum ac corpus: nam utramque substantiam ex attributis solummodo intelligimus: in corpore extensionem, figuram, motum & qualitates sensibiles percipimus; quae omnia si tollas nulla restabit materiz notio: sic in animo cogitationem, vim memoriae, inventionem, affectiones varias cogitamus, atque ex his attributis aequum clare quid sit animus intelligimus, quam ex supra memoratis corpus cognoscimus. Et vero Deus rerum omnium parens & moderator intelligitur a nobis: alio tamen modo intelligi non potest, nisi ut mens soluta quadam & libera, segregata ab omni concretione mortali, omnia sentiens & movens. Verba sunt Ciceronis.

Deinde gratis assumitur a *Lucretio* naturam simplicem materiz conjungi non posse: non intelligo qui id fiat, sed si omnia ad intelligendum non habeo, quae habere vellem, tamen iis uti licet quae habeo. Sentio animi vim ad movendum corpus; sentio quoque illam vim in corpore esse non posse: restat igitur ut animus licet singularis naturae cum corpore conjungi possit. Et certe Deum naturae motui moderantem non video, ubi habitet nescio, quomodo agat ignoro: tamen certo intelligo tam ratos siderum motus, tanti molis ordinatissimum cursum procedere divinae legis imperio. Sic mentem hominis quavis non videamus, ut Deum non videamus; tamen ut Deum agnoscamus ex operibus ejus, sic ex memoria rerum & celeritate cogitationis vim divinam mentis agnoscere debemus.

Obijces. Quaecumque sit animi natura, concludere debemus illum experturum esse sortem corporis; quia ad illius societatem unice factus a natura videtur. Nam 1. animus diffusus in corpore quodam modo cum illo confunditur: propterea memoriam in cerebro, intelligentiam

tiam in arce capitis, in corde affectiones naturaliter collocamus.

Sic anima atque animus per se nil posse videntur

Nimirum quia per venas & viscera missim

Per nervos atque ossa tenentur corpore ab omni.

Inde pedes & crura mori : post inde per artus

Ire alios tractim gelidi vestigia lethi.
Lucret. l. 3.

2. Corporis ope cogitat, omnis cognitio est ex sensibus, & multum refert quali in corpore animi locati sunt; multa è corpore existunt, quæ acunt mentem, multa quæ obtundunt.

*Si immortalis natura animi est,
Et sentire potest secreta corpore nostro
Quinque, ut opinor, eam faciendum
est sensibus auctam.* *ibid.*

3. Omnes corporis vices experitur animus: cum corpore nascitur & evolvitur; corpore ætuate aut languente ætuate aut languet mens; corpore senio confecto senilis mens desipit: somno vel lethargo oppresso corpore sensus nullus est: qui igitur dubitare possumus sensum in morte nullum esse, cum in somno, ejus simulachro, videamus esse nullum sensum?

Præterea gigni pariter cum corpore, & una

Crescere sentimus, paniterque senescere mentem.

Nam velut infans puer teneroque vagatur

Corpore, sic animi sequitur sententia tenuis.

*Inde ubi robustis adolevit viribus ætas,
Consilium quoque majus & auctior est animi vis.*

Post ubi jam validis quassatum est viribus ævi

Corpus, & obtusis ceciderunt viribus artus,

Clandicat ingenium; delirat linguaque mensque,

Omnia deficiunt atque uno tempore defunct.

Ergo dissolvi quoque convenit omnem animam

Naturam, seu fumus in altas aeris auras.

Et quoniam mentem sanari, corpus ut agrum,

Cernimus, & flecti medicina posse videmus:

Id quoque præstat mortalem vivere mentem. *ibid.*

Nego antecedens. Constat enim quidem animum humanum posse a Deo post corporis interitum ad nihilum redigi; posse etiam suspendi ejus vires; sed negamus ex phenomenis naturalibus confici, illum delendum, aut ejus vires suspendendas. Nam nedum vis illa divina cogitationis pendeat a corporis artificio & organis; nullo modo cogitatione consequi possumus quomodo fieri possit, nisi ex omnipotentissima Dei voluntate, ut tam intima sit duarum rerum adeo diversarum communio; quam voluntatem si tollas, intelligimus nullam fore amplius inter corpus & animum connexionem, & utramque a se invicem disjunctam propria naturæ suæ vi posituram esse: ac nedum eventurus sit animi interitus, è contrario corporis artificio, quo circumseptus erat, quasi carcere liberatus & spatia ingressus liberiora, multo puriora & dilucidiora cernet, quam nunc, per foramina illa quæ patent ad animum è corpore. *Mibi quidem*, inquit Cicero, naturam animi intuenti multo difficilior occurrit cogitatio, multoque obscurior, qualis animus in corpore sit, tanquam in aliena domo, quam qualis cum exierit & in liberum cælum quasi domum suam venerit.

Ad primam vero rationem respondeo; tam arctam quidem esse animi & corporis conjunctionem ut animus in corpore quodammodo diffusus & ad omnes oras pertingere videatur; scilicet propter leges ab authore naturæ positas, hujus necessitudinis causas; quibus legibus efficitur, ut motus quosdam corporis comitemur in mente cogitationes aut affectiones, quasi ab illis motibus excitatæ; & vicissim animi desideria corpus eodem modo

do afficiant: animum tamen cum corpore confundere multa vetant. 1. Quia evidentissimum est illas corporis commotiones non posse esse veras causas efficientes & physicas cogitationum & sensationum, sed tantum occasionales: quis enim non videat variam nervi vibrationem esse rem plane diversam a sensu coloris, vel soni, vel voluptatis, aut a quacunque idea, nec ejus causam propterea esse posse, nam *motu nihil generatur nisi motus*. 2. Quia apertissimum est animum in corpore non diffundi, nec ipsi esse ullo modo commensuratum: cum amputatis membris integer maneat animus & illius solummodo coarctetur imperium: cum maximi sint in corpore motus, quorum animus non est conscius; qualis est motus sanguinis, stomachi, cæterorumque musculorum: cum sæpius accidat ut manu abscissa dolorem tamen sentiat animus, quasi indigitis, qui jam non sunt sui corporis; quod probat certe animam sentire posse etiam in illis partibus ubi diffusa non est. Notum quoque est quod, ligatura aliqua sic compresso nervo, ut motus perducatur ad cerebrum non possit, non sentiat animus illius nervi vellicationem. Propter quas omnes rationes vulgo creditur animum esse in arce capitis collocatum, corpus autem esse organum nervis, quasi fidibus, intentum, cujus pinnæ ab obiectis percussæ excitant tremores, quibus ad animi sedem productis, ut totidem nuntiis, mens admonetur & varia ratione afficitur. Potuisset certe eadem plane ratione, si rerum omnium parenti placuisset, cum universa natura conjungi animus humanus, præsensque ubique adesse, sicut adest in corpore humano.

Ad secundam vero confirmationem respondeo nullo modo confici quod animus corporis ope egeat ut cogitet, quasi vero sine corpore intelligere & cogitare non possit. Nam duas quasi vitas agere videtur homo in corpore, unam *spiritualem*, *sensualem* alteram: suas habet utraque leges, suas lætities, suas tristities;

Tom. V.

neque a se invicem pendere videntur. Sic cum ex sensuum commotionibus afficimur, agimus vitam illam sensualem, & illam interitutam esse cum sensibus facile concedemus. Sed ubi nullare sensus vellicante animum ad seipsum advocamus & a corpore abducimus, cogitamus, argumentamur, atque afficimur propria & interiori vi: hæc vita sensuum externorum ope non viget, neque cum illis interire experientia deprehendimus: nam sine oculis, sine auribus, immo paralyti dissoluto toto corpore, viget animus, eandem vim servat quandoque memoriz & rationis eisdem sensus amoris & odii, spei & metus. Sed deamus propter illam arctam corporis & animi necessitudinem vix ullam esse in animo cogitationem, quam non comitetur aliquis in corpore motus. Attamen principium motus esse in animo sentimus, eique competere vim sese excitandi corpusque suum varia ratione afficiendi, ex quo efficitur non esse semper motum in corpore causam primam cogitationum & affectionum animi: nam quod principium motus est, a motu pendere non potest, quia causa non potest debere existentiam suo effectui. Præterea commotiones sensuum excitant quidem in animo affectiones, sed illæ affectiones nullam habent cum illis motibus proportionem: verbi gratia, quam proportionem habet contumelia in sermone alicui illata cum illa exandescencia quam solet excitare: immo experimur verbum temere ab aliquo prolatum & sine offensionis studio, vel literis consignatum, quod certe levissime oculorum aut aurium nervos vellicat, in furem tamen quoddam quandoque agere. Tantæ perturbationis causa esse nequit commotio organi ab objecto externo.

Ad tertiam rationem respondeo propter illam arctam, quam esse voluit Deus inter corpus & animum, necessitudinem, experiri hunc illius vices, illudque prorsus esse necessarium quamdiu manebit hæc confociatio. Nam ut continetur illud

H h

com-

præstanda officia, quæ imbuti naturalibus sensibus cum iucunditate obirent. Finge jam aliquem *minutum Philosophum* inter homines imbutos sensibus prædictis degentem, eisdem sensus exuere & consentienter suis principiis vivere, quis exitus erit? Ipse omnium hostis constitutus, omnes experietur hostes, & ut immanis bellua cuius feritas tolerari ne-

quit, cito exterminabitur. Pulchra sane philosophandi ratio, quæ publice recepta communem, privatim admissa privatam operatur ruinam! quis erit philosophiæ hujus fructus post mortem? Si Deus nullus sit, bene est: sed si forsitan sit aliquis mundi arbiter, & humanarum censor actionum...



RELIGIONIS

NATURALIS PRINCIPIA.

P A R S T E R T I A.

Jurisprudentia Naturalis, seu de Officiis.

JUS NATURALE est complexio regularum, quas natura hominis rationalis ejus actionibus præscribit. *Justitia naturalis* est constans & perpetua voluntas his legibus seu regulis parendi. *Jurisprudentia naturalis* est illarum legum scientia seu ars earumdem indagatrix. Præcepta morum seu leges naturales duobus modis investigari & concludi possunt.

1. *Ex autoritate seu ex consensione* populorum, eorumque conferendo sententiæ, qui de officiis scripserunt, *omni autem de re, ut ait Tullius; consensio omnium gentium vox natura putanda est.* Hanc methodum secuti sunt præsertim *Grotius* in eximio suo opere de *jure belli & pacis*, & *Seldenus*, de *jure gentium juxta placita Hebræorum*, quos imitatus est *Puffendorffus* in majori suo opere, de *jure natura & gentium*: at longa & operosa est hæc methodus docendi, minisque ad institutum nostrum accommodata.

2. *Ex ratione*, quæ ad hanc rem non uno modo a variis Philosophis adhibita est.

Alii nempe inquirunt in varias naturæ humanæ partes, illamque constitutionem, quæ ex partium unione nascitur, atque varia officia ex convenientia cum hæc constitutione naturæ, sensum moralem decori & honesti ducem sequentes, determinant. Hanc methodum sequebantur olim *Stoici*, quorum hoc generale effatum erat, *sequere na-*

turam, illamque ingeniose & eleganter prosecutus est *Cicero* tribus libris de *Officiis*; & inter recentiores *Hutchesonius* in sua *moralis philosophiæ compendiarie institutione*: hujus methodi fundamenta supra posuimus pag. 406. & seq. & pag. 501. Hi sensus, ut habet *Cicero*, sunt prima elementa naturæ, quibus auctis, virtutis quasi carmen efficitur. At ex illis accendi debet Philosophi ratio, ex ea sensus accipient confirmationem & augmentum, atque ad omnes casus poterunt applicari.

Alii vero abstractas rerum naturas, earum convenientias vel disconvenientias incommutabiles inquirunt, assidueque vitæ haud aliter, quam ipsas speculativas veritates dijudicant, vel ex ipsa intuitiva & immediata perceptione convenientiæ inter ideas morales; vel ex argumentatione & demonstratione (*Ipsa virtus brevissime recta ratio dici potest. Cic.*). Hujus etiam methodi, quam commentavit potissimum *Clarkius* in opere quod incipit *argumenta religionis naturalis & revelatæ*, principia descendimus supra parte secunda, ubi de legis naturalis immutabili natura.

Non multum ab his distanti alii, qui primum ex variis hominis perfectionibus, imperfectionibus, & ejus necessitudinibus cum aliis entibus ac eum seipso, determinant quam personam imposuit cuique natura, quam in vita quoque civili quisque gerit; atque ex actionum convenientia vel disconvenientia cum

cum hæc *persona morali* officia deducunt. In comparatione actionum cum persona ceritur quædam *veritas* vel *falsitas*, haud minus quam in propositionibus voce, vel scripto enuntiatis. Sic qui destinata opera aliquem interficit, haud minus declarat se esse ejus hostem, quam si id elocutus fuisset: & si hostis non fuerit, sed parens, vel filius, vel concivis, actio falsa est & *dissonans persona*. Sic qui coram idolo sacrificat, haud minus ejurat Christi fidem, quam si verbis usus fuisset: quia ut habet Cicero, est actio quasi sermo corporis. Et si illam externam actionem admittat quis, interior Christi fidem retinens; revera meretur, seu actio ejus falsa est, dissonans personæ christiani (a). Hanc actionum veritatem vel falsitatem expressitam fusc & illustratam videre licet in opere quod inscribitur, *adumbratio religionis naturalis*, auctore *Wollaston*.

Alii denique inquirunt in finem *generalem legis naturalis*, & in actionum humanarum cum hoc fine convenientiam vel disconvenientiam. Hanc methodum indicavit Cicero l. 1. de off. n. 7. Omnis, inquit, de officio duplex est questio: unum genus est, quod pertinet ad finem bonorum: alterum quod possumus esse in præceptis, quibus in omnes partes usus vite confirmari potest. Hanc methodum commendavit *Cumberlandius* l. de legibus naturalibus. Prosecutus est *Puffendorfius*, qui tamen solus hujus mortalitatis vitæ & actionum externarum tantum rationem habens, nimium legis naturalis finem & materiam omnem contraxit. Hanc etiam secutus est *Hobbius* in l.

de Cive & *Leviathan*, sed male definito fine, utpote quem esse vult ejusque conservationem & utilitatem propriam in hac vita, tota via aberravit. Hanc & nos, utpote breviorum, certiorum & ad docendum aptiorum, non relictis omnino aliis, sequemur: adeoque primum demonstrabimus legem naturalem charitate in omnes diffusa contineri, seu ejus finem esse totius civitatis rationalium, cui præest Deus, bonum publicum: ac deinde officia sic deducemus, ut ad hanc formam facile revocari possint. Actus hic humanus ad meam, aliorumque communem felicitatem, præ reliquis eodem tempore possibilibus maxime conducet. Hæc ergo erit nobis formula, quam constituendam esse monet Cicero (b), neque differt multum ab ea, quam ille a Stoicis mutuatus est, quæ talis est: detrachere aliquid alteri & alterius incommodo suum augere, est contranaturam; pro multorum autem incolumitate & salute labores & molestias suscipere, secundum naturam est. Ex quo sequetur honestatem & utilitatem solidam unquam pugnare; neque hanc questionem unquam incidere, an honestati utilitas anteponenda sit.

Lex naturalis charitate in omnes diffusa continetur, & virtus in studio boni publici consistit.

Nam ille est legis naturalis finis, quam solum sibi proponere potuit Deus hujus legis inventor, disceptator, lator: quem probat sensus moralis & ratio: ad quem quærendum præmiis atque poenis ex rerum constitutione enascentibus obligamur. Legum quippe omnium sensus

(a) Idem esse dicebat Socrates veritatem & virtutem. *Sen.*

Omnia officia mutuis relationibus sunt merienda. Pater est & præcipitur, curam ejus agendam, cedendum ei in omnibus: si convincitur, si verberet, ferendum esse. At pater malus est. Numquid natura cum bono patre conjunctus es? Non, sed cum patre. Tu ergo munus tuum erga eum tuere, nec quid ille agat considera: sed quibus rebus agendis tuum institutum naturæ futurum sit consentaneum. Sic vicini, sic civis, sic imperatoris officium invenies, si mutuas relationes spectare conlueris. *Epist. Eneid. c. 37. Vide Comm. Simplicii.*

(b) Formula quædam constituenda est, quam si sequemur in comparatione rerum, ab officio nunquam recedemus. *De Off.*

fus intelligitur, vel ex cognita *legislatoris mente*; vel ex *ipsis tabulis*; vel ex *judiciis*. Atqui primo Deus communis parens, isque sapiens, sanctus, bonus, immo cujus omnium operationum bonitas principium est, nullam partem sui operis deferere potest, fed universonum bonum necessario intendit: uti supra confectum est, ubi de providentia Dei. Secundo sensus moralis atque ratio, quæ quasi legum naturalium tabulæ sunt, ipsæ quoque propensiones maxime naturales probant, suadentque hunc finem: uti conclusum est art. 1. partis 2. & pag. 437. Tertio denique ad quærendum bonum publicum præmiis & pœnis, quæ sunt quasi Dei judicia, cogimur: ut in adstruenda legis naturalis sanctione modo confectum est. (Vide etiam supra pag. 449.).

Ex quibus sequitur virum probum legis naturalis observantem seu virtutis alleclam, eum esse, cujus omnes *sententias, affectus, actiones* regit charitas: qui animo complexus universonum naturæ ordinem, magnæ reipublicæ, cujus rector Deus, se civem agnoscit, & ad promovenda publica commoda & imperantis Dei, & civium, & sua, omnes confert vires & facultates. Qui primum summo studio intendit ingenii aciem, illamque convertit ad investigandas rerum naturas, Dei præsertim & entium rationalium perfectiones; ad inventionem finium præstantissimorum, & mediorum ad eosdem consequendos aptissimorum: qui uno verbo *mentem* rerum divinarum & humanarum scientia excolere diligenter contendit. Qui deinde cogitatione sic complexus universonum rerum ordinem, ad hunc accommodat omnes motus *voluntatis*, & in unamquamque rem pro suo merito aut perfectione propendit. Qui denique *externum* corporis *habitus* & omnes *actiones* ex scientia veri & amore recti constanter moderatur. Hunc virum vere Dei similem & perfectissimam ejus imaginem intelli-

gimus; eum Deo sentit & judicat, cum Deo amat & desiderat; actionibus Dei minister est, cujus exequitur voluntatem & providentiam adjuvat: uno verbo parvus in corpore Deus est. Nam, ut habet Seneca, *animum bonum & rectum, quid aliud vocas, quam Deum in humano corpore hospitantem*. Ep. 31.

Aristoteles & alii omnes Philosophi ac scholæ, Theologi, hoc præcipue considerantes, quod cum omnes insiti naturæ hominum sensus, appetitionesque omnes provido Dei consilio ad aliquam vitæ utilitatem destinatæ sunt; ab illis tamen homines ad extrema quæque, ubi non sunt temperatæ abripiantur; virtutem in mediocritate posuerunt, illamque dixerunt, *habitus electivum in mediocritate situm, secundum rectam rationem*. Ex hoc virtutis præcipuo officio, quod ab extremis excessuum & defectuum animi motus cohibeat; in virtutibus explicandis percurrerunt varias affectiones, earumque varios gradus juxta vehementiores aut languidiores; medios monstrantes esse tutissimos, utilissimos, magisque deoos; quos volunt esse virtutes (a). Habitus vero hanc auream mediocritatem conservantem in partes quatuor dividunt, quas vocant virtutes Cardinales: *Prudentiam, Justitiam, Temperantiam, Fortitudinem*. Atque ad has alias omnes virtutes revocant, saltem morales; aut tanquam earum *species* seu *partes subjeclivas*; aut tanquam earum *munera* seu *actus*, seu *partes potentiales*; aut tanquam earum *partes integrales*, sine quibus virtus moralis integra esse non posset. Hæc fusius explicata videre licet apud *Sanctum Thomam* 2. 2.

Obvia magis & ad docendum longè aptior est illa divisio quam secuti præsertim sunt recentiores, a quibus virtutes omnes distinguuntur ratione objectorum, erga quæ sunt exercendæ; & ad tres principales revocantur: nempe *Religionem*, quæ est exercitatio facultatum & virium naturalium circa Deum & res divi-

(a) Vide hujus methodi censuram apud Grotium in prolegomenis l. de jure belli & pacis.

divinas; *Philanthropiam* seu *Humanitatem*, quæ posita est in applicatione virium animi & corporis ad promovenda publica hominum commoda : & *Prudentiam* privatam, quæ est constans studium suæ propriæ perfectionis & felicitatis; causarumque, quibus hæ res continentur, diligens exploratio. Atque hanc partitionem, utpote faciliorem, & utiliore, nos prosequemur.

SECTIO PRIMÆ.

de Officiis erga Deum.

PIETAS in Deum tribus constat ex supradictis, scilicet reverentissimis de Deo *sententiis*, piissimis in Deum *affectionibus*, & cultu externo honorificentissimo.

Sententiæ hæ alta mente reponantur, quarum veritatem supra in Theologia naturali demonstravimus.

I. Deus agnoscendus est, & exploratis divinx in omni re artis ac consilii signis fovenda vivida in Deum fides.

Primus Deorum cultus, inquit Seneca ep. 95. Deos credere. Quid enim verius, inquit Cicero, l. 2. de leg. quam neminem esse oportere tam stulte arrogantem, ut in se mentem & rationem putet inesse, in cælo mundoque non putet; aut ut ea quæ vix summa ingenii acie comprehendat, nulla ratione moveri putet?

II. Deus alio modo intelligi non debet, quam ut mens æterna, necessaria, infinita, immutabilis, omnisciens, omnipotens, sibi sufficiens, sui possessione beatissima.

Ita inter Ethnicos omnes ferme Philosophi Deum describere, uti supra confectum est.

III. Non solum præstantissimam esse Dei naturam cogitare debemus; sed omnium rerum author & creator agnoscendus; intelligendumque ejus ditioni subiecta omnia procedere æternæ legis imperio; specialem habere illum rerum humanarum curam; patrem esse amantissimum, simulque iustissimum ac sanctissimum judicem.

Primus Deorum cultus, ait Seneca, ep. 95. Deos credere, deinde reddere illis maiestatem suam, reddere bonitatem, sine qua nulla maiestas est; scire illos esse qui præsidet mundo, qui universa vi sua temperant, qui humani generis tutelam gerunt.

IV. Deus unicus agnoscendus est, neque pluribus tribuere licet divinam maiestatem.

Hanc etiam consentientem fuisse veterum omnium de Deo summo sententiam supra consecimus.

V. Divinam naturam plane incomprehensibilem cogitare oportet, nec ullam ejus fingere ex rebus creatis imaginem vel descriptionem.

Profecto cum Deus natura infinita sit, mentique nostræ non obversetur nisi finitæ imagines; ex his nullo modo intelligi potest. Ideoque cum divini numinis speciem, quantum possumus perfectissimam informamus animo, cum illa debemus semper conjungere nostræ tenuitatis sensum. Quamobrem non modo alieni a divina natura judicandi sunt corporum modi, ut *figura, locus, motus* & cæteri; sed nec Deo tribuendæ sunt animorum nostrorum affectiones; non *penitentia*, aut *ira*, aut *commiseratio*, aut *vindicta*; qui sensus in nobis dolorem habent adjunctum, cui Deus obnoxius esse nequit: Non *cupiditas*, aut *spes*, aut *desiderium*, qui affectus indigentiam significant. Cum etiam Deo voluntatem tribuimus, amovenda sunt omnia creatæ voluntatis vitia, omnis *debilitas*, omnis *imperfectio*: nulli sunt in Deo motus turbulentæ, humanis similes passionibus; quamvis ei bonis actionibus acceptos nos reddamus & a malis censeatur alienus; cavendum tamen ne putemus pietatem nostram cultumve Deo utilitatem aliquam asserere: nostra in eo præcipue vertitur utilitas; nostri causa eum Deus exigit, ut summa fruamur felicitate ex virtute. Non itaque existimare debemus ejus beatitudinem incertam esse, precariam aut a rebus externis pendentem: neque propter se gloriæ, ho-

honoris aut laudis appetens censeatur, aut propter has causas fecisse; sed intelligendum ex stabili potius bonitate & voluntate perpetua suam communicandi felicitatem profluere omnia Dei consilia. Denique non est tribuenda Deo cognitio aut intelligentia nostræ rationi similis; nulla est in Deo mentis contentio, nulla *successio idearum*; omnia simul infinitæ menti comprehensa observantur. (a)

ILLÆ mentis sententiæ sequentes provocare debent animi affectus.

I. *Adorationem*. Cum Dei præstantissima natura sit & majestas infinita, maxima decet nos teneri in ejus contemplatione, tum admiratione, tum reverentia: decet, nostram tenuitatem cum ejus magnitudine comparando, nos quam maxime coram illo demittere & quasi pro nihilo habere, qui affectus proprie *adoratio* dicitur.

II. *Gratos sensus & amorem*. Cum Deus existentiam, bonaque innumera in nos eorulerit; infinitaque ejus beneficia Patrem ostendant nostri amantissimum, eum oportet totis animis diligere omnique ratione intendere gratos erga eum sensus. Neque ideo tantum Deum amabit vir bonus, quod ab ejus liberalitate multa acceperit & multa speret; sed ex ipsa virtutis, omnisque præstantiæ contemplatione gratuitus in ejus animo efflorescet amor, nulla suæ utilitatis habita ratione.

Quem astrorum ordines, ait Cicero l. 2. de leg. quem dicrum noſſiumque vicissitudines, quem mensium temperatio, quemque ea qua nobis gignuntur ad fruendum non gratum esse cogunt, hunc hominem omnino nuncverare qui decet?

III. *Timorem*. Cum Deus ex una parte sanctissimus, ex altera potentissimus sit, eum non modo adorare & di-

ligere, sed & vereri oportet; summoque studio cavere ne aliquam in nos succedendi & animadvertendi causam præbeamus.

Quia tamen Deus non est formidolosum aut sævum Numen, sed optimus parens, non ejus generis debet timor esse, qui cum amore & maxima fiducia nequeat consistere: ideoque recte scripsit *Seneca de Benef. l. 4. Deos nemo sanus timet: furor est metuere salutaria, nec quisquam amat, quos timet. Et Varro apud S. Aug. l. 6. de civ. Dei Deos a re igitur vereri, a superstitione timeri.*

IV. *Fiduciam*. Cum Deiditione omnia contineantur, sitque propensius ad beneficiendum; eumque nos omni tempore mala multa premant, multa etiam impendeant: nostri officii est ad Deum *precibus* confugere; ejus opem implorare, & si in eum peccaverimus omni studio oportet exorare.

Ad orandum omnes a natura ipsa edocti & sumus etiam propensi, quo factum est ut nulla unquam gens fuerit, quæ Deum precibus moveri non crediderit; & in ærumnis ac periculis id omnes habcant in ore, *mi Deus, bone Deus*: quod profecto non fieret, *nec in hunc furorem*, ut *Senecæ* verbis utar, *omnes mortales consensissent, ailequendi surda Numina & inefficaces Deos, nisi nossent illorum beneficia nunc ultro oblata, nunc orantibus data, magna, opportuna, &c. l. 4. de Benef.*

Porro ut preces Deo gratæ sint, asferenda est t. magna mentis attentio, magnum impetrandi studium, magna fiducia, sine quibus carerent reverentia & contumeliose potius essent. *Audaſter, ait Seneca ep. 1. Deum roga bonam mentem, bonam valetudinem animi & corporis, nihil illum de alieno rogaturus. 2. Roganda sunt vera bona, & ea quæ*

(a) Neque enim fieri potest ut tantum saltum faciamus cogitatione nostra, ut æquemus primi principii dignitatem, cui eum eorum honorum, quæ cogitatione complectimur, maxime veneranda, sanctissima, & primaria tam nomina quam res tribuimus; illud periculissimum habendum, nihil nos illi dignum ipso tribuisse. Sed ad veniam impetrandam illud nobis satis est, quod nihil superius illis habeamus. *Simplicius in Epist. c. 38.*

palam audientibus omnibus hominibus petere possis. Sic vive cum hominibus; ait ibid. Seneca, tanquam Deus videat; sic loquere cum Deo, tanquam homines audiant. Quanta dementia est hominum! turpissima vota Deis insulant: si quis admovent autem, conticescunt; & quod scire hominem nolunt, Deo narrant. 3. Cum in magna verorum bonorum ignorantia verseremur, eaque sepiissime in votis habeamus, quæ nobis noxia essent, imitanda est veteris Poetæ modestia, qui hac utebatur precatione. Jupiter bone res quidem bonas, sive precemur, sive non precemur nobis concede, res vero noxias, etiamsi illas postulemus, a nobis arce. Quod etiam suadet Juvenalis.

Permites ipsis expendere Numinibus,
quid

Conveniat nobis, rebusque sit utilis nostris.

Nam pro jucundis aptissima quæque dabant Di.

Carior est illis homo, quam sibi.

V. Devotionem. Cum Deus sit optimus, simulque sapientissimus & potentissimus, debentur ei nos torostradere, omnemque fortunam æquanimiter tolerare: nam quia sapientissimus, optime novit quid nobis conveniat; quia est optimus, nostris sollicitè consulit commodis, & denique quia potentissimus, nequeunt esse irrita benigna Dei consilia (a).

Magnifica apud Stoicos & multum celebrata sententia fuit: sequere Deum: In qua omnem pronectant vitæ disciplinam. Hic magnus animus, ait Seneca ep. 107. qui se Deo tradidit; & contra ille pusillus & degener, qui oblectatur. Memento nostram, inquit Epictetus, submitte-
Tom. V.

(a) Nunquam bono quidam mali contingere potest, nec vivo, nec mortuo, cum res ipsius Deo curæ sint. Cic. Tusc. qu. l. 1. Quidnam in rebus humanis & casibus formidandum filio Dei occurret? Si quis attingat propinquitatem Cæsarem, aut alium quempiam potentiorum Romæ; satis ad tuto vivendum, & ut ne despiciatur, prædium habebit, nec sibi ab aliquo timebit. Deum vero cum habeamus conditorem, & patrem, & curatorem, is nos tristitia & metu non liberabit? Epict. apud Arrianum l. 1. c. 9.

re oportet gubernanti omnia menti, tanquam boni cives legi eruditus.

Sequitur æquanimiter ferenda esse quæcumque fortunæ incommoda. De quo officio multa sunt præclara Stoicorum dicta, quidquid, inquit Seneca l. de vita beata, ex universi constitutione patiendum est magno exicipiatur animo. Ad hoc sacramentum adacti sumus, ferre mortalia; nec perturbari his quæ vitare nostra potestatis non est: in regno nati sumus, Deo parere libertas est. Et alibi. Quæcumque sunt debuisse fieri putet, nec velis objurare naturam: optimum est pati, quod emendare non possis. Malus miles est, qui imperatorem suum remens sequitur. Semper magis volo, dicebat Epictetus apud Arrianum l. 3. diss. 7. id quod evenit. Melius enim arbitror, quod Deus vult, quam quod ego: adiungat & adhibebo illi, velut minister & affecta. Cum illo appeto, cum illo desidero & simpliciter ac uno verbo, quod Deus vult volo. & l. 2. diss. 16. sic Deum affatur: Utere me in reliquum ubi lubet & ut lubet, mente tecum consensio, æquanimis sum, nihil recuso omnium quæ tibi videbuntur, Quocumque me voles, ducio; quam vestem lubet, circumdato, magistratum me gerere vis? privatum esse & manere, sugere? in pauperie, in epibus agere? ego non assentior tantum, sed in his omnibus apud alios ego te defendam & tuebor.

VI. Puritatem & sanctitatem. Cum Deus sit ens sanctissimum, & reipublicæ rationalium imperator & oculatissimus iudex, oportet legibus divinis omni studio atque diligentia parere; virtutumque omnium moralium, integritatis, bonitatis & iustitiæ exercitatione Deum, quantum licet, exprimere.

Optimus animus, inquit Seneca, pul-
li
cher.

aberrimus Dei cultus: & ep. 95. Vis Deos propitiare, bonus esse: satis illos coluit, quisquis imitatus est. Cultus autem Deorum, inquit Cicero l. de Natura Deorum, est optimus, idemque castissimus atque sanctissimus, plenissimisque pietatis, ut eos semper pura, integra, incorrupta & mente & voce venereris. Sic certe vivendum est, verba sunt Senecæ, ep. 83. tanquam in conspectu vivamus: sic cogitandum tanquam aliquis in pectus intus inspicere possit. Quid enim prodest ab homine aliquid esse secretum? nihil Deo clausum est; interest animis nostris, & cogitationibus mediis intervenire.

VII. Cum voluntatis motus est & propensiones omnes fiant exercitatione vegetiores, sapius & statim temporibus exercenda est pietas, Deum contemplando, adorando, amore & fiducia complectendo, ejus opem implorando, nos ipsi committendo, quod valebit multum ad animos cæteris omnibus virtutibus excolendos, & ad mores emendandos; ad omnia vitæ officia strenue obeunda excitabit; quin etiam perfectissimum illud omnis virtutis exemplar sapius recolendo, accendetur ardentius studium illius perfectionis imitandæ.

DENIQUE sunt etiam officia religionis externa: nam ut supra diximus non solum mentem & voluntatem, sed omnes quas natura dedit facultates & habilitates corporis ad Dei cultum conferre oportet, si recte de Deo existimare & bene erga eum affici, sic recte agere necesse est. Et profecto exercitationes corporis externæ naturaliter committantur internis animi motus, natura siquidem solitarium refugit ac sponte in actionem prorumpit: eisdem etiam sensus ipsi nobis intendunt, & contagione quadam excitant in aliis actiones externæ.

Sint actus externi honorificentissimi, lex est generalis. Itaque

I. Cum naturæ divinæ infinita majestas sit, testanda est summa reverentia maxima in omni externo cultu gravitate,

Nulla igitur fingenda Numinis species corporea, nam omnis figura aliena est a majestate divina. Nulli sint vani & superstitiosi ritus, quales erant apud Ethnicos Aruspicum atque Augurum religiones. Nulli ludi, qui nedum foveant pietatem, avocant potius & alio traducunt; quales erant Circenses & Scenici.

II. Conceptos in animo gratos sensus oportet gratiarum actionibus prodeire: idque tum voce, scil. in meditationis carminibus & orationibus; tum actibus, videlicet donis honorificentissimis.

Dico esse adhibenda meditata carmina, donaque eximia; quia ad significandam reverentiam afferenda sunt cujusque generis optima; si ad thronum principis non nisi arte multa compositos sermones & munera pulcherrima afferre audemus, multo magis ad aras Numinis accedentes hæc decet observantia. Non tamē splendidissima dona afferre necesse est, nam omnibus parere debet ad colendum & placandum Numen via, neque arcenda est Dei aditu paupertas, sed unumquemque oportet

Sacrificare Deo, ut opes viresque tulerunt.

quia, ut habet Plinius, *non in vicinis, licet opima sint, autoque præfulgeant, Dei est honos, sed pia ac recta voluntate venerantium.*

III. Si testari pium timorem adversus Deum velimus, considerate & magnifice de Deo semper loquamur: non temere nominemus: non per alium juremus: non sine causa gravi testem appellemus: denique jurisjurandi religio inviolata esto.

Si gravi semper & honorifico erga Deum sermone uti velimus, ea adhibeamus præcipue verba, quæ negativa sunt; qualia sunt, *incomprehensibilis, infinitus, immensus, æternus.* Vel utendum superlativo gradu & dicendus est, *altissimus, maximus, optimus.* Vel hæc indefinita usurpemus vocabula; *bonus, justus, sanctus, creator*, quibus omnibus significare nos potius admirationem nostram, observantiam & ob-

& obsequentem animum, cogitare debemus, quam ejus naturam describere. Proprium & unicum divinæ essentiae nomen est, *Iehovah*, id est, *sum*. Sux cum nobis necessitudinis, *Deus*: quo vocabulo significatur, *Creator*, *Parens*, *Domini*.

Non leviter & inconsulto nominandus est Deus, injuriosum quippe est. Per Deum solum jurandum est, quia, dum per Deum solum juramus, agnoscimus nihil eum latere, & ulticem manum neminem posse avertere; mos est igitur Deo perhonorificus: per aliud quidquam jurare alterius quasi Dei agnitio est. Non nisi caute & in causis gravibus testis appellandus, quia non vacat contumelia inutilis & vana contestatio. Jurisjurandi inviolata religio esse debet; quia Deus voti testis & exactor est, atque perjuri poena ex consensu voventis exitium est.

IV. A precationibus rerum agendarum initium sumendum est; si Deo, ut par est, in ejus ope fiduciam testari velimus.

Legimus fuisse in Republica Romana legibus constitutum, ut non solum rerum agendarum, sed etiam dicendi in Foro vel Cuna initium ab eorum invocatione sumeretur. Quia existimantur teste *Plinio in paneg.* quod nihil vite, nihil providenter homines, sine immortalium ope, consilio, honore, auspiciantur.

V. Submissum Deo animum testari oportet in omni fortuna, in prospera modestia, in adversa constantia.

Non modo Dei voluntati assentiendum est, sed ut præcipit *Epistola*, divinam providentiam tueri semper & apud alios defendere oportet, imitati magnum illud patientiae exemplar *Job*, ac cum illo dicere: *Domini dedit, Domini abstulit, sit nomen Domini benedictum*.

Cum sit Deus ens sanctissimus, simulque oculatissimus cordium scrutator, non solum admovenda est divinis aris corporis castimonia, sed etiam pura & incorrupta mente officii religionis externis perfungi oportet. Nam simulare pie-

tatem quasi fallere possemus, contumelia est; atque sacris sese immiscere absque pio animo, contemptus majestatis est. *Donis impit*, inquit *Cicero*, ne placare audeam Deos: *Platonem audiam*, qui vetat dubitare qua sit mente futurus Deus, cum vir nemo bonus ab improbo se donari velit. *Animadverto*, inquit *Plinius* in paneg. *Deos non tam accuratis adorantium precibus, quam innocentia & sanctitate latari: gratioremque existimari, qui delubris Deorum puram castamque mentem, quam qui meditatam carmen intulerit*. Quibus consonant hæc *Persii* satyra secunda in fine.

Dicite Pontifices in Templo quid facit aurum.

Nempe hoc quod Veneri dicat a Virgine puppe.

Quin damus id Superis, de magna quod dare lance

Non possit magni Messala lippa propago:

Compositum jus, fasque animo, sanctosque recessus

Mentis, & incolum generoso pectus honesto.

Hæc cedo, admoveam Templis & sare litabo.

Hæc omnia officia non tantum privatim & in penetralibus, sed publice & in aliorum conspectu exequenda sunt, alias quod in honore præcipuum est, nempe aliorum excitatio ad cultum Numinis & officia omnia, amittitur. Si in civitate positi sumus, & sit legibus constituta forma cultus divini, nullo modo abhorrens a vera pietate, utendum est caeremoniis publica autoritate sancitis & in templis sacra omnibus probata facienda sunt.

Apud quem pie vigent istius modi sententiæ, affectiones & actiones adversus Deum, apud eundem accenditur studium inquirendi de omnibus divinæ voluntatis significationibus: & si quæ eluxerit, sive per ipsam rerum naturam, sive per revelationem, quod sperarunt Philosophorum principes, ei libens, lætusque sese accommodabit.

SECTIO SECUNDA.

De Officiis erga seipsum.

Simul atque natum animal quodcunque est, ipsum sibi conciliari, & commendari cernimus a natura, ad se conservandum, suumque statum; & ad ea, quæ conservantia sunt ejus status, diligenda: alienari autem ab interitu, iisque rebus, quæ interitum videantur asserre. Neque profecto est ullum animal cui necessaria magis fuerit hæc sui commendatio, quam homini; cujus pendet omnis perfectio & excellentia a sua in colendo se se diligentia. Sunt igitur hominis adversum se officia in natura posita, quæ si non solum ad propriam utilitatem, sed ad Dei cultum, aliorumque commoda referantur, nulla erunt his sanctiora.

Cum homo constet *anima & corpore*, obvia est officiorum divisio in ea, quæ pertinent ad illius culturam, & hujus optimam conservationem.

De animi cultura.

Animi cultura duabus partibus constat, informatione *mentis* & temperatione *voluntatis*.

I. Ad optimam *mentis* informationem hæc præcepta cuique sequenda sunt pro suis facultatibus & opportunitatibus.

1. Oportet naturales sensus, quos supra diximus reflexos & morales, fovere & intendere; præsertim illum honesti & decori, quo cernimus quid deceat, quis in quoque sit modus, quid hominis sapiat dignitatem. Sunt enim hi sensus elementa ex quibus virtutis quasi cæmen efficitur, quæ licet natura omnium insint mentibus, tamen attentione & recta institutione vividiores efficiuntur: hinc in ingenuis adolescentibus, qui liberaliter fuerunt educati, longe magis vigent: acriori laudis studio incenduntur, magis timent infamiam, pulchritudine magnarum actionum fortius commoventur, a turpitudine magis abhorrent.

2. Quoniam natura nobis dedit ingenium parum firmum, quod tamen exercitatione ad contentionem & laborem fingi potest, illius vires sunt explicandæ, confirmanda ratio, iudicii acuetudo sagacitas, quantum patietur vitæ conditio. De qua re legendi logici.

3. Cum pravæ opiniones sanitate spoliarent animum, haud secus ac sanguis in corpore corruptus illius vitiatur habitum; omnibus opibus elaborandum est, ut nullæ insideant in mente præjudicatæ opiniones, & in iudicando vitæ temeritatem. Quod vitium effugere qui volet, adhibebit ad res considerandas tempus & diligentiam: nihil tenebit, quod non habuerit perspectum, & cujus non possit causam probabilem reddere. Non alieno stabit iudicio & more pecudum sequetur antecedentium gregem: oportet in ea re maxime, inquit Lactantius inst. div. lib. 2. c. 7. in qua vitæ ratio versatur, sibi quemque considerare, suæque iudicio ac propriis sensibus niti, ad investigandam, & perpendendam veritatem, quam credentem alienis erroribus decipi, tanquam ipsum rationis expertum: dedit omnibus Deus pro virili portione sapientiam, ut & invidita investigare possent, & audita perpendere. Tamen quoniam quisque scire omnia nequit, & major hominum pars philosophiæ vacare non potest; nihil consideratum magis sepe numero, quam petere a sapientioribus consilium, corumque parere monitis. Teneat etiam quisque hoc præceptum Columelle l. de re rustica: in universa vitæ pretiosissimum esse, intelligere quæque nescire se, quod nesciat; semperque cupere, quod ignoret addiscere.

4. Sed animi cultura ipi his etiam vertitur, ut mens veris imbuatur sententiis circa res ad officium pertinentes atque quam maximam sibi comparet rerum dignorum scientiam. Species enim ab intellectu representatas sequuntur ferre semper voluntatis motus. Adilcendum igitur recte ea stimulare, quæ appetitus stimulare solent; perspicendumque quid quæque ad bene beateque vi-

ven-

vendum afferant, & qui sint fines bonorum & malorum; quibus cognitis, inventa est totius vitæ ratio. Alte igitur imprimis infigendum animo est, quod supra attigimus, summum hominis bonum esse situm in ipsa pietate erga Deum & erga homines benevolentia ac beneficentia.

Itaque primo natura divina, omnesque ejus virtutes infinitæ, pro viribus explorandæ; præcipue quæ venerationem nostram, amorem, fiduciamque alliciunt: alteque combibendæ sunt, animo illæ veritates, quas paragrapho superiori exposuimus.

Deinde intrandum est in naturam humanam, seduloque discendum, quid homines simus, quos Deus nos esse velit, quod munus, quam personam communem & cuique propriam imposuit.

Intelligat quisque se non casu & fortuito, sed divino munere natum, tantisque instructum dotibus: aliquid sentiat se habere divinum, ingeniumque in se suum, ut loquitur Tullius, simulachrum aliquod dedicatum putet. (a)

Intelligat etiam quisque non esse suam vitam hujus ævi terminis finitam, sed in hac conditione meliori feliciorique vitæ præcludi.

Intelligat quisque quemadmodum in vitam subornatus venerit, quanta habeat instrumenta ad obtinendam sapientiam & felicitatem.

Aliarum omnium rerum præter virtutem & sapientiam adhibenda est despi-

cientia, quam comparabit quicumque sedulo perpenderit, quam viles; sordidæ, fluxæ & caducæ sunt voluptates, quæque res illis inserviunt, atque ipsa quidem corpora! quam exigua sint gaudia, quam parum necessaria, quæ ex vitæ cultu & splendore percipiuntur; quamque etiam incerta; quot curis paranda & servanda, & quam cito satietatem aut nauseam allatura! Deinde quam imperfectæ sint omnes scientiæ, ad novas obseuritates, ancipitesque cogitandi curas, & tenebras animum subinde ducentes impeditum: nostramque de rebus fere cunctis detegentes cæcitatem, aut hebetudinem, quantula itidem res sit gloria, ab ignaris immerito collata, ævi brevis & incerti spatio fruenda, per exiguum terræ partem permeans, cum omni laudatorum & laudantium memoria, æterna nocte obruenda. Eadem etiam brevis ævi memoria & meditatio, animum ad aspera omnia & adversa ferenda aut spernenda confirmabit: præcipue hoc adjuncto, animum fortiter perperientem & perferentem, vires suas amplificaturum; atque ad instar ignis validi, omnia coniecta in suam naturam convertentis, æstuque ardentiore prorumpentis, se ea ipsa mala in insignioris laudis virtutisque materiam convertere posse. Ut brevi præcidamus, humana omnia fluxa, incerta, putida, brevis dieculæ spatio interitura; in immenso & utrinque porrecto æternitatis oceano mox absorbenda (b). Quid est

(a) Existit illa a Deo Delphis præcepta cognitio, ut ipsa se mens agnoscat, conjunctamque cum divina mente se sentiat: ex quo insatiabili gaudio compleatur. Ipsa enim cogitatio de vi & de natura Deorum incendit illius æternitatis imitandæ. *Cic. Vide Arianum l. 1. c. 3.*

(b) Vitæ humanæ tempus, punctum est: natura, fluxa: sensus, obscurus: corporis universi fabrica, putrescere prona: anima, vaga: fortuna, res impervestigabilis: fama, quiddam judicii expers: & ut verbo dicam, omnia corporis quidem, fluxius; animæ vero, somnium & fumus: vita, militia & hospitis in peregrino mora: fama posthuma, oblivio mera. Quidnam est ergo quod hominem deducere & transmittere possit? Res sola & unica est philosophia. *M. Anton. l. 2. c. 17. Vide ibid. c. 12. & l. 7. c. 48.* Quamvis modum omnem prætergressi sunt Stoici, nimium virtuti tribuentes, nimium cætera bona calumniantes, proderit tamen multum eorum scripta sæpius & diligentius legere; quia non modo præ-

in hominis vita diu ? cedunt & dies ; & menses , & anni : cuique moriendum est ; & illud incertum , an hoc ipso die : quumque advenit supremum tempus , omne quod præterit effluxit : tantum remanet quod virtute & recte factis consecutus sis ; beatæ immortalitatis spem præbens lætam , quæ sola animum vera fortitudine confirmare , & divini imperii iustitiam & bonitatem illustrare potest . (*Hutcheson. Phil. moralis.*)

II. Ad optimam vero temperationem voluntatis hæc præcepta tenenda sunt .

1. Omni ope elaborandum est , ut appetitus rationi obediant , eamque neque præcurrant , neque propter pigritiam aut ignaviam deserant . Hoc animo alte insigendum , rationem in hominē partem esse præcipuam , qua antecedit animantia , esse natura cæterarum omnium facultatum dominum & reginam : contra ejus niti vetitum , exuere naturam & monstruosum esse . Suum ergo arrogant sibi imperium mens & ratio , viresque animi pene divinæ in appetitus omnes humiliores ; eosque regere & reprimere assuescant . Quod quidem continuam ferre , in degere hoc humani generis statum postulat meditationem , attentionem & disciplinam interiorem ; cui plurimum conferent officia pietatis erga Deum , adoratio , preces , delictorum confessio , pia vota , perpetuus Dei omnia intuentis & ubique præsentis sensus . Cumque perturbati animorum motus præcipuam suam vim sortiantur ex incauta quadam idearum complicatione , unde in certis rebus sine ulla causa miras imaginamur virtutes aut magnum aliquod ad beatam vitam momentum ; ex eo quod apud incautos , quibuscum versamur , ambiciosos , luxuriosos & flagitiosos , qui pravis habitibus naturalem rerum sensum depravarunt , hæc maximi æstimentur ; ut debitum consequamur in hæc cupiditates imperium & veram assequamur animi libertatem ; plurimum

profuerit complicatas hæc notionēs evolvere & divellere ; & res omnes quæ appetitum stimulare solent sedulo perspicere furtivis hisce coloribus nudatas ; ut quid veri boni , quid mali in re quaque reperitur cognitum habeamus & exploratum ; ne ultra rationes veri boni aut mali assurgat appetitio aut fuga (*Vide M. Ant. l. 6. c. 13. & l. 8.*) .

2. Quoniam passionēs non sine causa fuerunt nobis ab auctore naturæ ingeneratæ , non est necesse illum quietum Stoicorum statum seu apathiam affectare . Sed ubi fuerint temperatæ , earum licebit stimulis parere , præcipue cum ad officia omnia præstanda cum alacritate impellant , cursusque ad id omne , quod præclarum est , per eas inciturus : unde eandem anima alas aut quadrigas appellavit Plato .

Itaque primo , licet *gloriam* in bene agendo quærere , & illa laudis , cujus a pueritia appetentissimi sumus , cupiditate ferri ad præclaras res gerendas . Nam ut scribit *Cic. Tuf. 3. Est gloria solida quadam res & expressa , non adumbrata : ea est consentiens laus bonorum , incorrupta vox bene judicantium de excellenti virtute : ea virtuti resonat tanquam imago : quæ quia recte factorum plerumque comes est , non est bonis viris repudianda . Et præterea adhibenda est quædam reverentia adversus homines omnes : unde negligere , quid de se alii sentiunt , juxta eundem *l. de Offic. c. 28. non solum arrogantis est , sed etiam omnino dissoluti .**

Non est tamen confundenda illa gloria cum ea , quæ se ejus imitatricem esse vult , temeraria atque inconsiderata , & plerumque peccatorum vitiorumque laudatrice fama populari ; quæ simulatione honestatis , formæ ejus , pulchritudinemque corrumpit . Hæc proflus homini probo contemnenda est , quæ plerumque ab improbis hominibus ex fastu , ex splendidis palatiis , ex apparatus superbia ; & magnis quandoque facinoribus

præclarissimis abundant præceptis ; sed constituunt virtutum imagines ante oculos cum amplissima dignitate , quibus animus in earum admirationem & amorem accenditur .

bus comparatur. Nam ut ait *Horatius*,
Ode 2. l. 3.

*Virtus repulsa nescia sordide,
Inimicis fulget honoribus;
Nec sumit aut ponit secures
Arbitrio popularis aura.*

Nec etiam tanti facienda est vera gloria, ut illam pro virtute tuenda amittere parati non simus. Si gratum esse non licebit, inquit prælare, Seneca, ep. 87. nisi ut videat ingratus: si reddere beneficium non aliter, quam per speciem injuriæ potero; æquissimo animo ad honestum consilium, per mediam infamiam tendam. Nemo mihi videtur magis estimare virtutem, nemo illi magis esse devotus, quam qui viri boni famam perdidit, ne conscientiam perderet. Audiamus etiam præcipientem Ciceronem: te autem si in oculis sis multitudinis, tamen ejus judicio stare noim, nec quod illa putat idem putare pulcherrimum: tuo tibi iudicio est utendum: tibi si recta probanti placebis, tum non modo tu te viceris, sed omnes & omnia. Hoc igitur tibi propone, amplitudinem & quasi quamdam exaggerationem quam altissimam animi, quæ maxime emines contemnendæ & despiciendis doloribus; unam esse omnium rem pulcherrimam, eoque pulchriorem, vacet populo, neque plausum captans, se tantum ipse delectet. Quin etiam mihi quidem laudabiliora videntur omnia, quæ sine venditione & sine populo teste fiunt, non quod fugiendus sis, omnia enim benefacta in luce collocari volunt; sed tamen nullum theatrum virtutis conscientia majus est. Hæc vera descriptio magnanimitatis est, cujus est nihil præter sapientiam, virtutem & immortalitatem magni æstimare, & contra honorum dignitatumque jacturam erigere.

Secundo. Cum paupertas magnum malum sit, nosque multis faciat obnoxios incommotis, querere opes non modo licet, sed suadet ratio; modo non sit immoderata appetitio, & æstimentur tantum, quanti valent, scilicet propter uti-

litatem ad victum & vestitum atque ad alios sublevandos. Neque vero rei familiaris amplificatio nemini nocens vituperanda, si opes dederit fortuna, aut opportunitas obtulerit, aut conciliaverit industria. Sed fugienda omnis injuria est, nec studiosè licet pecuniam recondere. Oportet semper meminisse, nihil esse tam angusti animi, tamque parvi, quam amare divitias: nihil honestius, magnificentiusque, quam pecuniam contemnere, si non habeas: si habeas, ad beneficentiam liberalitatemque conferre (a): magnas divitias parum augere felicitatem, immo oneri plerumque esse; quia crescentem sequitur cura pecuniam, majorumque fames; quia, ut habet *Apuleius*, immodice divitiæ, velut tunica longa & præpendens, impediunt & præcipitant: aut velut ingentia & enormia gubernacula facilius mergunt, quam regunt, quod habeant irritam copiam, anxiam nimietatem.

Divitiæ grandes homini sunt vivere parce

Æquo animo, neque enim est unquam penuria parvi.

Luer. l. 5. v. 1116.

Mensura tamen quæ

Sufficiat census, si quis me consulat, edam,

In quantum situs atque fames & frigora possunt.

Juvenal. Sat. 14. v. 316.

Deum igitur cum Rege sapientissimo precemur: paupertatem & divitias ne dederis mihi; tribue tantum victui meo necessaria.

In divitiarum ergo usu, si illas habeas majores, adhibenda est magnificentia & liberalitas; si habeas mediocres aut parvas, frugalitas; si nullas, æquanimitas & patientia.

Terrio. Quoniam adjuncta est naturæ nostræ appetitio quædam principatus, ut nemini parere animus bene a natura informatus velit, nisi præcipienti, aut docenti, aut utilitatis causa, iuste & le-

(a) Cur tu abundas, ille mendicat; nisi ut tu bonæ dispensationis merita consequaris, ille vero patientiæ præmiis coronetur? *S. Basil. in serm. ad divites avar.*

& legitime imperanti : cumque interfit maxime boni publici , ut præclarissima ingenia hac appetitione excitentur ad capeffendam rempublicam & magnas res gerendas ; non omnis damnanda est ambitio , & ut verbis Ciceronis utamur , quamvis forſitan iis concedendum ſit , rempublicam non capeſſentibus , qui excellentie ingenio doctrinæ ſeſe dediderunt ; & iis qui aut valetudinis imbecillitate , aut aliqua graviori cauſa impediti , a republica receſſerunt : quibus tamen talis nulla ſit cauſa , ſi deſpicere ſe dicant ea , quæ plerique miremur , imperia & magiſtratus , iis non modo non laudi , verum etiam vitio dandum puto : quorum iudicium in eo ; quod gloriam contemnent & pro nihilo putent , difficile ſaſtueſt non probare ; ſed videntur labores & moleſtias tum offenſionum , tum repulſarum , quaſi quandam ignominiam timere & infamiam , & ignave deſerunt honeſtatis locum & virtutis . Ergo hiſ , ſi habeant a natura adjumenta rerum gerendarum , abjecta omni cunctatione adipiſcendi magiſtratus & gerenda reſpublica eſt : nec enim aliter aut regi civitas , aut declarari animi magnitudo poſeſt .

Virtus honoris & potentix cupiditatem temperans modeſtia dicitur , quæ præcipit : 1. non nimis elate , ſed ſobrie de ſe concipere . 2. Honores , quibus dignus es , non avidius proſequi . 3. Inferioris conditionis hominibus ſeipſum accommodare , humaniterque cum illis agere . 4. Alios debito honore ac laude nunquam fraudare . 5. Curare ut nec in cultu corporis , nec in reliquo apparatu , geſtibus , viſtu , ædibus & ſimilibus , ex immodico & ſaſtuoſo ſplendore captes gloriam . Uno verbo abſit omnis ſuperbia , omnis arrogantia & impotens dominandi libido .

Quarto . Cum omnis dolor contrarius naturæ ſit , nihilque magis ſecundum naturam quam voluptas ; illum ſine dubio fugere , hanc proſequi licet . Sed cavendum ſtudioſe ab iis rebus , quæ dum voluptatem afferant , molles & effeminatos reddunt ; minuunt vires mentis

& corporis ; avocant a rebus gerendis ; magnis impenſis conciliantur , magnæ rerum ad vitam neceſſariorum conſumptionis & jaſturæ cauſæ ſunt ; quæ denique concitant odia , jurgia , diſſidia . Hincque omnis viſtus , cultuſque corporis , quamvis ex benigniſſima conſtitutione Dei habeat adjunctam voluptatem , potius tamen ad valetudinem & ad vires , quam ad voluptatem referendus eſt . Intelligendum eſt in voluptatis regno nullum omnino hominibus eſſe poſſe cum virtute commercium : voluptatem non ſatis eſſe dignam hominis præſtantia , turpe eſſe diſſuere luxuria & delicate ac molliter vivere : ideoque qui ſunt paulo erectiores , nec ex pecudum genere , quamvis voluptate capiantur , occultant & diſſipulant appetitum voluptatis propter verecundiam .

Voluptatis appetitum præſertim moderantur ſobrietas & caſtitas . Sobrii eſt , cibum & potum ſumere ad conſervationem vitæ & ſanitatís ; cum quo corpus minus gravatur , & animus magis habilis ad officia remittitur : in cibo & potu non querere ſuperflua , non ſumptuoſa , non ſplendida : non multum temporis ad menſam conſumere . Sunt tamen tempora in quibus feriandum eſt & genio indulgendum , modo omnis caveatur animi & corporis perturbatio . Caſti eſt inhoneſtas voluptates nunquam capere , earum memoriam penitus ex animo delere ; nec pati ut earum cogitatione commoveatur ; vitare illa omnia , quæ earum deſideria poſſunt excitare , ſeu commoſſationes , ſeu picturas , in quibus eſt aliquid laſcivum , ſeu ſermones obſcenos & iliberales . Jocos : eluceat in geſtu , in vultu , in habitu verecundia .

Ad dolorem ſuſtinendum adhibenda patientia , cujus munus eſt animum ſic obſcurare contra omnem calamitatem & dolorem , ut nihil effreminatam & indignum viro forſi edat ; non contra providentiam obmurmuret ; aut adverſus proximum doloris cauſa ſpiret vindictam . Quæ virtus comparanda eſt conſuetudine

ſola .

tolerandi leviora, bonæ conscientiæ securitate, & calamitatum, quæ nobis semper impendent, prævisione: hinc optimum illud *Terentii* præceptum: *Omnes eum secunda res sine maximo, tum maxime meditari secum oportet, quo pacto adversam fortunam ferant.* illudque *Senecæ*: *in ipsa securitate animus ad difficilia se præparet, & contra injurias fortune inter beneficia ejus obfirmetur.* Vide *Senecam de animi tranquillitate.*

Quinto. Quoniam omnes trahimur & ducimur ad cognitionis & scientiæ cupiditatem: & semper avemus aliquid videre, audire, addicere; sine dubio animus ad scientiæ & veri investigationem conferre licet: præcipue vero, cum in scientiâ excellere pulchrum sit; nescire vero, turpe ducamus; habeantque scientiæ omnes nobiliores magna virtutis adjumenta, vel hoc solo, quod illis assuetus animus humiliores spernere solet voluptates. Sed cavendum tamen est ne nimis magnum studium, multamque operam in res obsecras atque difficiles conferamus, easdemque non necessarias; immo pulcherrimarum rerum studio a rebus gerendis abduci contra officium est. *Plus scire velle, ait Seneca, quam satis est; intemperantiæ genus est: & alibi, ut omnium rerum, sic litterarum intemperantiâ laboramus: nec vita, sed scholæ dissemus.*

Sexto. Adhibeatur temperantiâ in
Tom. I.

(a) Sunt enim clariora & plane perspicua, nec dubitanda indicia naturæ, maxime scilicet in homine, sed in omni animali, ut apparet animus aliquid agere semper, neque ulla conditione quietem sempiternam possit pati. Facile est hæccernere in primis puerorum ætatibus: videmus ut conquirere ne infantes quidem possint, cum vero paululum processerint, lusionibus vel laboriosis delectantur, ut ne verberibus quidem deterri possint: eaque cupiditas agendi aliquid adolescit una cum ætatibus. Itaque ne si jucundissimos quidem nos somniis usuros putemus, *Endymionis* somnum nobis velimus dari: idque si accidat mortis insar putemus. Quin etiam inertissimos homines, nescio qua singulari nequitia præditos, videmus tamen & animo & corpore moveri semper, & cum re nulla impediuntur necessaria, aut alveolum poscere aut quærere quempiam ludum aut sermonem aliquem requirere: cumque non habeant ingenuus in doctrinæ oblectationes, circulos aliquos & semicirculos confectari. Ne bestię quidem quæ delectationis causa concludimus, cum copiosius aluntur quam si essent liberę, facile patiuntur sese contineri; motusque solutos & vagos a natura sibi attributos quærunt. Cic.

ludis exercendis: quos prosequitur vir bonus recreationis tantum causa, non ad tempus otiose & inutiliter terendum, non pecunię acquirendę causa: ludet sine perturbatione animi sui, aut aliorum scandalo.

Septimo. Usque adeo omnes passionnes per se & naturæ honestę sunt, ut nec ira omnis damnanda sit. Ubi nimia est, & ei cui inest molestissima, & aliis sæpe est pestifera: at etiam in quo nulla est, is contumeliis & petulantię perpetuo objicietur; neque suę prospiciet famę aut suorum salutis. Sic & indignatio illa, qua naturaliter commovemur, cum ad honores & publica munera indigni provehuntur: justa sine dubio est & homine probò dignissima, magnam habens in vita utilitatem: at ubi nimia est, aut non concipitur justa de causa (quæ *invidia* dicitur, unde nascuntur odia inveterata) terribilis est animi rubigo, ei cui inest & molestissima & turpissima, omnia sæpe miscens divina & humana.

De his autem omnibus, quę irę sunt affines aut malignę videntur, animi affectionibus, quæ omnino tenendum, iis non amplius indulgendum quam exigite sui aut suorum conservatio, aut communis utilitatis cura. Vide *M. Ant. l. 11. c. 9. Sen. de ira.*

Octavo. Cum ad actionem manifestissime nati simus (a) nec quietam vi-

K k tam

tam sine tædio maximo agere possumus: animusque humanus ita agilis sit & pronus ad motus, grataque omnis illi excitandi sefe, abstrahendique materia sit, ut detractis oblectationibus, quas ipsæ occupationes præbent, domum & solitudinem ferre non possit; invitus aspiat se sibi relictus; hincque illud tædium & displicentia sui & nusquam residentis animi voluntario ac otii fueritis & ægra patientia, quæ multos ad querenda exitia impulit: manifestum est oportere unumquemque amplecti genus aliquod vitæ & tractatione rerum, officisque civilibus se derinere: neque solum ad id impellere debet propria utilitas, sed etiam caritas patriæ ut prodesse velimus quam plurimis (a).¹

In vitæ autem genere eligendo inspicere primum debemus nosmetipsos, ut intelligamus ad quæ munera sumus magis instructi a natura. Deinde ipsas res quas aggredimur, considerare oportet; & vires nostræ cum rebus, quas tentaturi sumus comparandæ: debet plus esse virium in latore, quam in onere; nam necesse est opprimant onera quæ ferente majora sunt. In quoplo tamen cavendum est, ne aut temere desperemus propter ignaviam, aut nimis confidamus propter cupiditatem.

Bene præcipit etiam *Epictetus*, *Ench. c. 40.* ut quisque sibi constituat legem vivendi isti vitæ generi consentaneam quam quisque elegerit, ad quam singulæ actiones sunt dirigendæ sive solus sit, sive inter alios versetur; hac ratione summa orietur vitæ constantia & idem tenor. Hactenus de cultura animi.

(a) Multi mortales dediti ventri atque somno, indocti, ineultique, vitam sicut peregrinantes transiere: quibus profecto contra naturam corpus voluptati, anima oneri fuit, eorum ego vitam mortemque juxta æstimo, quoniam de utraque siletur. Verum enim vero is demum mihi vivere, atque frui anima videtur, qui aliquo negotio intentus præclari facinoris aut artis bonæ famam querit. *Sall. bell. Cat. cap. 6.* Il y a des créatures de Dieu, qu'on appelle des hommes, qui ont une âme qui est esprit, dont toute la vie est occupée & toute l'attention est réunie à seier du marbre: cela est bien simple, c'est bien peu de chose: il y en a d'autres qui s'en étonnent, mais qui sont entièrement inutiles, & qui passent les jours à ne rien faire; c'est encore moins que de seier du marbre. Caractères de la Bruyère. Chap. des Jugemens.

De conservatione vitæ & cultu corporis.

Omnia quæ ad hunc locum pertinent hoc generali præcepto continentur. *Quisquæ id agere debet, ut se tueatur & in optimo natura statu conservet: eaque teneat, quæ corporis vires augere possint, declinetque moritura.*

1. Igitur non licet temere vitam projicere, sic docuere inter veteres *Pythagoras*, *Socrates*, *Plato*, *Cicero*, alique. Immo contumeliosa sepultura dignos censet *Plato*, qui de se stauissent. *Pontificio jure* apud Romanos sepultura prohibebantur, nec illis iusta fieri oportuit (*Vide Gutherium de jure maximo Romanorum l. 1. c. 10.*). Hinc *Virgilius* apud inferos obnoxios supplicii scripsit.

Proxima deinde tenent massila loca, qui sibi lethum

Insontes peperere manu, lucemque paros.

Proiecit animas. Quam valent atbere in alto

Nunc & pauperiem & duros perferre labores!

Et recte quidem, quia non solum aspernantur naturam hominis; sed etiam quia in Deum impii, in patriam scelerati, in seiplos crudeles sunt. In Deum quidem sunt impii: nam non casu & fortuito in hanc vitæ lucem devenimus, sed in ea fuimus constituti a Deo, qui supremus vitæ nostræ arbiter est; proindeque ejus injussu de statione vitæ decedere non licet. *Piis omnibus*, ait *Tullius* in somnio *Scipionis*, retinendus est animus in custodia corporis; nec injussu ejus, a quo ille nobis est datus,

ex

ex hominum vitamigrandum est, ne munus humanarum assignatum a Deo fugisse videamur. Deinde vetat etiam caritas patriæ, cui nos debemus & cui nos subtrahere pro lubitu non licet: nam etsi parum prodesse aliis posse nos sit admodum verisimile, tamen propter varios casus, id certo scire nunquam possumus. Præterea exemplis virtutum in omni ætate & in omni vitæ conditione etiam acerbissima homines ad virtutem accendere licet, immo ipsa invicta animi in maximis ætumnis constantia: e contrario de se statuere, exitiosum aliis exemplum est. Denique vetat etiam sui amor & prudentia: inconsideratum quippe est divinæ providentiæ leges invertere & festinare ad futurum statum haud vocatum a Deo: profecto si militia sit vita hominis super terram & probationis ac disciplinæ status, qui ad alium nos preparat; illum breviorum efficere cum nostro commodo non possumus, immo immatura mors magna afferre nobis poterit incommoda. Considerandum insuper est, majorem esse animi excellentiam & constantiam in contemnenda fortuna, quam subeunda morte: nam ut ait *Martialis* l. 11. Ep. 57.

Rebus in adversis facile est contemnere vitam;

Fortiter ille facit, qui miser esse potest.

Mors autem, inquit Aristoteles, vel ut paupertatem, vel laborem, vel molesti quidpiam fugiamus, fortis viri munus est, sed potius timidi: quippe cum laborem fugere mollior sit.

2. Huic præcepto, ut patet, adjuncta sunt ista: non licere temere & sine causa periculis se obijcere: non offeramus nos, inquit *Seneca*, periculis sine causa, quo nihil stultius est... in tranquillo tempestatem optare, dementis est.

Nec corporis membra amputare, aut deformare licet, recteque damnat *S. Ambr.* ex. ad Virg. Petruscum Juvenem, quem veteres fabulæ ferunt, quum propter admirandam oris pulchritudinem

in amore forminas accenderet, stigmatibus inarasse vultum suum, nequa cum adamaret.

Hoc etiam præcepto prohibetur omnis intemperantia, quæ habitum corporis destruit, valetudinem minuit & vitam efficit breviorum: jubetur in orando & confirmando corpore cura, ut obedi- rationi possit in exequendis negotiis & in labore tolerando. Præcipitur in conquærendis & providendis rebus ad victum & vestitum necessariis diligentia. In motu, in statu, in gestu, in ductu oris, in voce, omnis fugienda turpitudine est & querendus modus, in quo maxima dignitas.

Tamen, quoniam omnes homines niti debent, ne ad fruges tantum consumendas nati videantur, veluti pecora, quæ natura prona, & ventri obedientia fixæ; sed studere perfectioni suæ, aliorumque inservire utilitatibus: non solum in hunc finem licet in se suscipere molestias & labores quæ minuant valetudinem, sed etiam oportet. Pro salute principis, conservatione reipublicæ, & magnis societatis commodis, se obijcere periculis, immo certæ mori occurrere pro tuenda veritate, pro iustitia, pro salute publica, magni & excelli animi est. *Æquo* iudicio, ut habet *Ammianus Marcellinus*, juxta timidus est & ignavus, qui, quum non oportet mori desiderat, & qui refugit, cum sit opportunitum.

De iusta sui defensione infra dicemus.

SECTIO TERTIA.

De hominum erga se mutuo officiis.

Est homines ad societatem & communiter natos omni argumentorum genere adversus *Hobbiū* supra confestim; neque solum ex proprio sui amore ad suas consequendas utilitates copulari eos, sed omnino esse propensos a natura ad se mutuo diligendos. Quæ caritas nata a primo satū, quo a procreatoribus nati diliguntur, & tota domus conjugio & stirpe conjungitur, fer-

pit sensim foras cognationibus primum, tum affinitatibus, deinde amicitiis: post vicinitatibus cum civibus, & iis, qui publice locii atque amici sunt: deinde totius complexus gentis humanæ: quo fit ut humani nihil ab homine alienum esse possit (a).

Latissime patet hic locus de mutuis hominum officiis, ideo ut magis distincta oratio sit, illum in tria capita tribuimus pro tribus præcipuis hominum statibus. *Status est, hominis conditio permanens, varia jura, & longam obligationum seriem includens.* Estque vel naturalis, quem constituit ipsa natura, vel adventitius ab aliquo hominum factio, vel instituto ortus. Status hujusmodi infiniti sunt, at tres generatius distinguntur, videlicet *status libertatis naturalis, status domesticus, & status politicus.* In hac juris evolutione multum utemur *compendiaria philosophia moralis institutione* edita a clarissimo in academia Glasguensi professore Fr. *Huschefon* qui nobis visus est breviter & eleganter complexus ea, quæ fusi apud *Grosium, Puffendorfiū, & alios* tractata sunt.

CAPUT PRIMUM.

Officia societatis in statu naturalis libertatis; seu

Jurisprudentia privata.

PEa *statum naturæ* cum intelligimus, in quo essent positi homines, qui nulli imperio subicerentur, sed sola naturæ similitudine aut pactis privatis adunarentur. Nequaquam est ille status confectus a jurisconsultis ad distinctam magis juris evolutionem: nam memorant historici fuisse olim populos, & etiam

nunc esse, qui liberi & soluti, sine legibus & sine imperio, vivunt; qui sequuntur vagi pecora, utque a pabulo ducti sunt, ita suguria sua promoveant, atque ubi dies deficit, ibi noctem agunt; & quamquam in familias passim & sine lege dispersi, nihil tamen in commune consultant. In eo statu naturæ fuerunt initio omnes familiæ erga se mutuo, ante constitutas civitates: in eodem sunt respublicæ & imperia: in eodem forent homines liberi, qui naufragium passi in terram incultam deferrentur. In isto naturæ statu alia sunt cujusque hominis *jura perfecta*, sine quibus omnino consistere non potest hominum communitas; alia *jura imperfecta*, sine quibus societas læta & jucunda esse non potest. Juribus hæc duplicis generis respondent obligationes seu officia: alia *perfecta*, quæ ad *justitiam*; alia *imperfecta*, quæ ad *charitatem* pertinent. *Justitia* vetat violare jus alienum perfectum, & tribuit alteri quod omnino suum est: *caritas* jubet rationem habere etiam jurium imperfectorum; & tribuit quod nostrum est, ex humanitate. Homo justus nocet nemini; bonus etiam proderit omnibus, quantum potest.

ARTICULUS PRIMUS.

De æqualitate hominum naturali & juribus ac officiis ex ea nascentibus.

IN statu naturæ omnes homines æquales sunt & paribus gaudent juribus. Nam in illo statu discriminant homines solummodo dotes vel mentis vel corporis, quibus præstant alii aliis. Sed hæc dotes sunt tantum bona eorum propria, qui illis gaudent; in aliorum personas aut res nullum jus concedunt. Qui vi-

(a) Quomodo se habent in continuis corporis membra, eodem se habet in distinctis quæ ratione sunt prædita, cum ad mutuas rei eidem conficiendæ operas conferendas nata sint. Utraque consideratio hæc animum tuum magis attinget, si te frequenter sic allocutus fueris: membrum sum ego compagis istius quæ ex ratione præditi componitur. Si partem dumtaxat esse te dixeris, homines ex animo nondum diligis: hoc ipsum benefacere, per te nondum obligat te: adhuc tanquam quod fieri debeat tantum facis, nondum perinde ac si tibi ipsi benefacias. *Marcus Antonius*, l. 7. c. 13.

su acuto magis valet, non ideo jus in alterius oculis habet; sic nec ille cui lacertos dedit natura robustiores ullum jus habet in brachia alterius minus valentia: hic sua eodem jure possidet, quo ille sua. Sic quoque cum nulla sint indicia certa, quorum ope convenire inter omnes possit, quinam hominum sunt ceteris solertiores & meliores; cumque & hebetiores præstantem sibi arrogant prudentiam, omniumque pessimi malitiose sæpe simulant probitatem & bonitatem a vera haud facile discernendam, patet nullo probitatis aut prudentiæ obtentu posse quemquam jure in alios invitos imperium sibi arrogare. Hoc enim communibus obesse felicitati.

Quapropter 1. jus est cuique perfectum ad vitam & corporis integritatem. 2. Jus pudicitie conservandæ, & exsistationis, ut ajunt, *simplicis*, sive famæ viri probi, & hominum societate non indigni. 3. Jus ad libertatem, seu jus suo arbitratu agendi quæcunque nulla lege prohibentur. 4. Jus etiam in vitam suam, eo usque ut possit quisque se non solum periculis quibusvis, verum etiam certæ morti, obicere; ubi id exigerit sanctum aliquod officium, unde major humano generi aut præstantioribus quibusvis oritur utilitas, quam ex vitæ lux conservatione; quod & recti honestique sensus & virtutis amor cuique commendabit. 5. Est etiam cuique jus, cujus sensus alte est a natura infixus, suo utendi judicio, in rebus omnibus seu speculativis, seu practicis, modo nemini inferatur injuria. 6. Quamvis nulli hominum natura speciale jus in aliquid externum concessit, sed omnia in communi posuit. Est tamen jus cuique naturale communibus communiter utendi: atque ut idem ei pateat aditus, qui cæteris, ad jura adventitia acquirenda seu personalia in homines, seu realia in ipsas res. 7. Jus conubia ineundi, paciscendi, societates ineundi, commercia exercendi, cum omnibus qui volunt, si modo sui sint juris, nulloque priore contractu, aliove iusto impedimento prohibeantur. Hæc cuique

competere jura perfecta monstrat sensus cujusque; animique affectiones omnes benigniores; eaque evidenter confirmat communis utilitatis ratio.

Horum jurium violationes injuriæ dicuntur, quo nomine comprehenduntur homicidia & omnis in alium crudelitas, adulteria, stupra, calumnia, detractationes, convicia. Injuria est, inquit Cicero; *qua aut pulsatione corpus, aut convicio aures, aut aliqua turpitudine vitam cujuspiam violat.*

Justitiæ ergo primum præceptum est, ut ne cui quis noceat, aut nullo modo inferat injuriam: cui præcepto hoc aliud adjunctum est: oportere eum, qui fecerit injuriam, facti quam citissime pœnitere, orare veniam, & cumulate satisfacere. Non pœnitere, nec satisfacere, injuriæ quædam continuatio est, & inimicitie demonstratio; manetque injuriæ passio simultatis causa, & jus prosequendi injuriæ reparationem: qui status belli, qui contra naturam est & dissolvit societatem, ociosam pace & concordia finiendus est.

ARTICULUS SECUNDUS.

De jure acquirendi dominii, ejus acquirendi rationibus, officiisque illi respondentibus.

IN statu naturæ quædam privata esse nequeunt, sed semper remanent communia: illa scilicet quorum usus omnibus ad videndum necessarius est, ut lux, calor solis, aer, aqua profluens, &c. Ea etiam quæ possideri & servari nequeunt, ut Oceanus: transeuntibus tamen per freta recte imponi potest tributum. Aliquod ab ea civitate, cujus propugnaculis aut navibus armatis arcetur Pyratæ, tutumque omnibus per ea maria munitur iter: quod tamen tributum non est augendum ultra rationem sumptuum omnibus utilium. Jura ad res omnes usus inexhausti dicuntur jura communia. Quædam res nullius sunt, occupationi tamen non patent; neque sunt omnibus communes: ut publica res, theatra, porticus, via, balnea.

Ut

ut etiam quæ sunt sub dominio cœtus aut communitatis, ut *res sacra, sanctæ & religiosæ*. Quæ quamvis sint extra singulorum patrimonialia & commercia, veniunt tamen in populorum commercia, sive inter se, sive cum privatis. Jura ad has res, sunt *jura publica*.

At cum ad vitam sustentandam, multas res consumere unumquemque necesse sit, oportet ut in statu naturæ ea, quæ natura communia sunt & ad usum atque commoditates omnium nata, *privata* esse possint, id est, ut is tanquam *propriis* uti cuique liceat: unde nascuntur *jura privata*. Hoc non tantum suadet *communis utilitatis ratio*: sed etiam insita cuique solertia & vires ad res occupandas & colendas idoneæ, earum sponte nascentes appetitiones, benignique animi affectus quemque incitant ad res sibi & suis utiles acquirendas & occupandas. In istiusmodi solertia & industria delectatur gnavius quisque & strenuus, atque in eo sibi plaudit, quod suo labore amicorum officiorum materiam sibi comparavit.

Hoc jus in res inanimas nullam habet difficultatem. Apparet quidem evidentissime illa omnia a parente optimo Deo parata esse in usum animalium, hominum præsertim, quibus inservit sensus ut salutaria a pestiferis fecerant, & appetitus ad priora arripienda. Præterea ea quæ gignuntur ex terra, cum cito sua sponte interitura sint, in nullum alium usum meliorem converti possunt, quam ut hominum inserviant utilitati & felicitati. Jus etiam hominum in belluis ad usus suos accommodandis, nititur sine dubio lege divina positiva, data primæ hominum progeniei, at insuper ex ipsa ratione satis innotebit. Videmus mutuum animantium genera debiliora in fortiorum & sagaciorum cibum a natura effecta: & communem ergo sequuntur homines legem. Deinde jumenta omnia atque animalia mitiora, quorum homini-

bus præcipuus usus est hominum labore & providentia nascuntur & conservantur: hujus curæ & laboris mercedem perolvere ea æquum est, aut laboribus suis in communem positum, si ad id idonea sint; aut lacte & lana, aliisque operis: immo cum animalia hominibus debeant quod omnino vivant; neque graviore morte pereant inopinato in hominum cibum mactata, quam omnibus ab hominum tutela exclusis, fame, frigore & ferarum vi pereundum esset, non inique & crudeliter iis homines velcuntur.

Dominium vel est *primum*, quod ex rerum natura communium occupatione & cultura oritur: vel *derivatum* quod a prioro domino ad novum est translatum: de jure derivato articulo sequenti dicemus.

Dominium primum acquiritur *occupatione & accessione, & usufructu*.

t. Qui prius occupat res seu inanimas, seu animatas, divina quasi providentia in rei adductus possessionem videtur: nulli inferit injuriam, neque alterius violat jus (a): & præterea quæ possidentur, ut domus, arva, pascua, vineæ, oliveta, pomaria, horri, jumenta & his similia plurima cultu indigent & industria occupantis; at uniuscujusque labor & industria sua profecto sunt, & consequenter quæ labore & industria vigent: v. g. qui arborem severit, rigaverit, & a radice coluerit, tam suos fecit arboris istius fructus, quam sua sint membra propria; idem de bestiiis domesticis & de agris ipsis dicendum est, qui sine cultura nihil ferunt (Vide Locke de regimine civili.). Illa ipsa opera, quam in rebus occupandis impendit quis, in res jus proprietatis confert, quia exoritur ex illa jus in rem, majus quam jus alterius cujuscunque; sic aqua quæ dum fluere communis erat, privata est ubi hausta in vase; aqua subterranea, quæ communis fuit, illius est qui puteum.

(a) Quammodum theatrum cum commune sit, recte tamen dici potest ejus effectum locum, quem quisque occupaverit, sic in orbe mundo non adversatur jus, quominus suum quodque ejusque sit. Cic. de fin. bon. & mal. 3. Dominium rerum ex naturali possessione coarctat Nerva filius ait; ejusque rei vestigium remanet de his, quæ terra, mari & coelo capiuntur; nam hæc protinus eorum sunt, quæ primi potestatem eorum apprehenderint. Dig. l. 41. s. 2.

reum excavavit: ferè terribus irretitæ præmia sunt laboris ejus, qui illa retenderit; nec alieni laboris fructum jure quis vindicare potest: quod si faceret, vitæ abruptum per societatem, & perpetuis bellis materiam præberet.

Hincque patet res a Deo hominibus fuisse relictas in ea communione quæ dicitur *negativa*, non *positiva*. Illa est status rerum in medio positarum, ut occupationi possint. Hæc vero: status rerum quæ sunt in plurium dominio indiviso, ad quas nempe sibi sumendas sine dominorum omnium consensu, nemini jus est. Recte igitur quivis, cæteris inconsultis, res prius negative communes occupabit; neque in dominio primo constituendo omnium de rebus dividendis conventionibus opus fuit.

Occupandi variz sunt rationes, de quarum vi non una est sententia Jurisconsultorum. Quidam putant omnem occupationem fieri per corporis ad rem adjunctionem, qualis circa res mobiles maxime fit manibus, circa res soli pedibus (*Vide Puff. l. 4. c. 9.*). Alii vero arbitrantur aliquem hoc ipso occupare quod declaret certo indicio se velle occupare, vel se accingit ad occupandam rem, quæ ejus occupationi patet (*Vide notas ibidem.*). Utraque sententia nobis videtur non levibus mixta rationibus: prior est aprior ad præcavendas lites, & ideo moribus ubique ferme est confirmata; posterior magis humana. Illa nullam habet difficultatem, ideo hujus deducemus consequentias. Juxta hanc non tantum inhumanum, sed injustum esset, nulla premente necessitate, aliorum innocuos labores, inchoatos, nec dum intermissos, impedire; eorumque fructus præmatura nostra occupatione intervertere. Ergo, si quis res sibi anquirens necessarias rem aliquam prior vidit, confessim arripuerit, aut persequutus; qui in simili non fuerat causa, inique ageret, si celerius currendo rem prius arripere, quam antea non querebat. Si plures simul res sibi necessarias anquirentes eandem rem viderint, quam eorum quisque facile capere possit, ea erit his omnibus com-

munis, quamvis unus primus attigerit, vel arripuerit, nisi moribus aut legibus aliter sit constitutum. Si unus prior viderit, confessim arripuerit, alter vero prioris consilii ignarus, similes tamen ipse res anquirens, rem prior arripuerit, ea res videtur communis: nullæ enim sunt ab una parte causæ magis humanæ, quam ab altera. Si quis suo labore aut solertia feras ineluserit, irretiverit, aut capti faciliores fecerit, eas huic eripere, non licet; etsi neque primus illas vidisset, neque attigisset. Si pluribus innotuerit rem quamdam esse dominio vacuam & cuius occupatio patere, illicque eam occupare simul statuerint & conati fuerint, ubi nihil in mores inducitur est, illa res omnibus citius aut serius occupantibus erit communis, aut communiter habenda, aut inter hos plures pro ratione operarum & impensarum, quas prudenter & bona fide in ea occupanda singuli contrulerunt, dividenda: si quidem eorum nulli defuit bona fides & iusta diligentia. Uno verbo, juxta hanc sententiam hoc imprimis cavendum ne innocuorum & honestorum laborum fructus interviantur, aut probi & industrii spes & conatus fiant irriti: si omnibus faveat hæc ratio, res debet esse communis.

Jus occupandi uniuscujusque in statu naturæ certis est limitibus circumscriptum; finitur quippe commoditatibus occupantis & eorum, quorum conservatio prospicere debet; aut eorum, quos sibi asseclere potest, excolendi viribus; ea tenere, quæ sibi inutilia, aliis utilia esse possunt, non licet; sic immensis agris, quos colere non possumus, alios excludere alienum est ab humanitate & justitia, quippe cum Deus communem omnibus terram dederit, ut communem degerent vitam, non ut tabida & furens avaritia sibi omnia vindicaret. Non ergo primo appulsus in vastam insulam, plurium familiarum capacem, plurumque cultura egentem, fieri potest unus paterfamilias totius insulæ dominus: neque primo classis suæ appulsus domina sit civitas vallis continentis, plurium civitatum capax, cui excolendæ unus ci-

vitaris coloniz neutiquam fuissent: recte occupat, tum familia, tum civitas quantum spes est se posse iusto tempore excolere, quantum etiam necesse sit ad se adversus externos muniendos: reliqua remanent communia:

Cum solo occupato, occupantur & ea, quorum nullus aliis esse potest usus, sine usu soli; ut *lacus, flagna, flumina* ripas occupatas interfluentia: immo & ea, quorum ex usu promiscue permisso, rebus nostris periculum immineret, ut *sinus* longius a mari in agros occupatos recedentes, partesque maris littoribus propiores, unde bellicis tormentis ladi possent res nostræ. Non tamen occupantur fera animalia, quæ sponte se subducere possunt, & in quibus custodiendis, aut includendis, nullus est impensus labor: licet recte alios ab aucupio, venatione, aut piscatu, in solo nostro, possimus arcere.

II. Dominium acquiritur *accessione*. Accessiones appellantur omnes *fructus, incrementa, alluviones* (Vide Gr. l. 2. c. 8.), *commixtiones, confusiones, specificationes, & meliorationes*. De quibus hæc regulæ facilitatæ, nisi aliquid legibus aut moribus introductum.

1. Rei nostræ accessiones omnes, quæ nullam alterius rem aut operam includunt, sunt nostræ, nisi quis alius jus aliquod recte acquisivit, nostro derogans aliquid dominio. 2. Ubi citra dolum malum aut culpam, plurium res aut operæ ad rem aliquam conficiendam aut conficiendam concurrunt, aut rem fecerunt meliorem; dominium est hæc pluribus commune, pro rerum aut operarum quas singuli contulerunt ratione. Res igitur ipsa est his communiter, aut vicibus alternis, in eadem ratione, utenda; aut inter hos ita dividenda, si sine dispendio hoc fieri possit. 3. Quorum si nullum possit fieri, qui minore cum incommodo, re communi carere possunt, eam cedere debent magis indigenti, accepta compensatione, viro probo definienda. 4. Ubi dolo malo aut culpa latet: res aut opera aliena rei meæ est immista, unde mihi sit minus utilis; ejus pretium ab

eo, qui dolo aut culpa rem meam contrectavit, est mihi præstandum; immo præstandum quod mea interesset, salvam habuisse rem meam & intactam: atque rem meam mihi inutilem ipse habeat. Si vero res mea mihi facta sit utilis, una erit, tantumque illi a me præstandum, non quantum res mea facta est pretiosior, sed quantum, subductis omnibus rationibus commodi & incommodi, ejus opera factus sum locupletior.

III. Res olim a domino occupatæ *communes* iterum fieri possunt, si fuerint a domino projectæ, ea mente, ut in rerum suarum numero esse nolit. (Alia est causa earum rerum quæ in tempestate navis levandæ causa eiciuntur.) Aut postquam vindicare eas poterat diu neglectæ, quod etiam animum abdicandi satis indicare potest: hinc d'uturna earum possessio quemvis constituet dominum.

Quamdiu dominus rei, invite licet amittat, non apparet, cedit possessori; pium tamen est & recte multis in locis constitutum, ut illa res pauperibus erogetur postquam nulla est spes agnoscendi dominum. At hoc non jubet iustitia; quia ex dominio nemo jus habet præter dominum; non esse autem & non apparere tantumdem valent quoad eum, cui non apparet. Inter res domino carentes sunt *thesauri*, id est, pecuniæ quarum dominus ignoratur, qui etiam sunt inventoris: nisi legibus aut moribus aliud sit constitutum. Jus jam commune ferme est, ut adducatur principi aut saltem eorum pars.

Alia ulucapio legibus civilibus introducta est ad communem utilitatem & ad præcavendas lites, scilicet *prescriptio*: Quæ est *acquisitio domini per continuationem possessionis tempore a lege definita*. Ut iusta sit prescriptio hæc requiruntur. 1. Possessio nomine suo non alieno. 2. Ut sit possessio cum bona fide, id est, ut possessor nullo modo dubitet quin res sit sua saltem initio; & ut ejus ignorantia non sit vincibilis: possessio tamen bona fide inchoata per dolum non interruptitur, cum melior sit conditio possidentis. Hæres mala fide possidentis

non

non præferibit, licet ipse de possessionis jure non dubitet; quia censetur una persona cum defuncto, qui fuit malæ fidei possessor. 3. Requiritur titulus præsumptus, sine quo nulla esse posset bona fides. 4. Debet continuari possessio tempore a lege definito. Nam cum hoc jus concedatur a lege, ut dominia non sint incerta, non potest acquiri nisi juxta regulas leges præscriptas.

Hactenus de acquirendo jure reali aut dominio rerum: de jure personali seu de imperio in personas infra dicemus. In dominio reali perfecto duæ partes distinguuntur, quæ aliquando separantur, scilicet *proprietas* & *usufructus*. Est autem *usufructus* *jus utendi* & *fructu aliena re, salva illius substantia: fructu*, inquam, ut distinguatur a nudo usu, qui nec donandi nec vendendi, nec locandi copiam facit, quæ omnia licet usufructuario. Dominium sine usufructu dicitur *nudum* & *directum*: usufructus sine proprietate dicitur *dominium utile*. Ratio domini dicitur *titulus, qui est iusta* & *acquitati naturali consentanea possessionis causa*. Ex præcedentibus patet hunc titulum nasci ex *iusta occupatione*, ex *cessionem*, & *prescriptionem*; ex sequentibus patebit quomodo idem nascitur ex *traditione contractu*, *hereditate*, vel ex *delicto*.

IV. Iustitiæ munus respondens huic juri proprietatis est, ut *communibus utatur quisque ut communibus; privatis, ut suis; ab alienis abstineat*. Detrahere, ut habet Cicero, aliquid alteri, & hominem hominis incommodo suum augere commodum, magis est contra naturam quam mors, quam pauperas. Nam principio tollit convicium humanum & societatem: si enim sic erimus afflicti, ut propter suum quisque emolumentum spoliaret & violaret alterum, disrupti necesse est eam, quæ maxime est secundum naturam humani generis societatem. Ut si unumquodque membrum sensum hunc haberet, ut posse putaret se valere si proximi membri valetudinem ad se traduxisset, debilitari & interire totum corpus necesse est; sic si unusquisque nostrum

Tom. I.

rapiat ad se commoda aliorum, detrahitque quid cuique emolumentum sui gratia, societas hominum & communitas evertatur necesse est.

Hoc præcepto vetantur non solum rapinæ, furta, incendia: sed rei alienæ injulta detentio, mala consilia, & quicumque actus ex quibus detrimentum capere possit aliquis.

Huic legi adjuncta est hæc altera, videlicet: *resarciendum esse quantocius damnum alicui illatum*. Nam qui detinet alterius res, auferre pergit. Damni autem nomine intelliguntur non solum rerum alienarum direptiones, corruptiones, detentiones injultæ; verum & fructus omnes, siue naturales, siue civiles, qui vel re ipsa percepti fuerunt, vel percipi potuissent si res domino mansisset, aut si studiose culta fuisset; atque omnia etiam incommoda, quæ ex primo damno promanarunt; *lucrum* scilicet *omne cessans*, non minus quam *damnum emergens*. Neque solum id, quod quis propria opera intulit, damnum præstare tenetur; verum etiam id omne cujus aliquo modo causa fuit, vel imperio, vel cohortatione, vel consilio, vel negligentia, ubi quis impedire potuit & debuit. Qui malis vero lætantur alienis, vel injurias laudant; si causæ damnorum non sunt, improbum quidem produnt animum, sed ad capienda non tenentur.

Damna data a familiæ parte aliqua, ut filio, præstabit ex bonis filii Paterfamilias: a mancipiis data videntur dominum obligare ad mancipium ea lege distrahendum, qua hominis oberati facultates, quæ omni æri alieno solvendo non sufficiunt, inter creditores pro rara dividendæ sunt: hinc, mancipii pretium quod domini jus est; illinc, damnum datum est estimandum, quod læsi jus est; & pro eorum ratione, mancipii pretium est dividendum, aut pensatio a domino præstanda. Quod & de *pauperie* a quadrupede facta tenendum: modo negligentia domini non obtigerit. Tamen Grotius negat teneri ex jure naturæ in his casibus Patremfamilias; & ex alia parte aliquid amplius in læsorum gratiam definire

Ll

runt

runt leges civiles, ut domini in servis suis & animalibus coercendis fiant diligentiores. Damna data a mercenariis ipsos solos onerant. Qui casu omnino & fortuito malum intulit, reparare omnino non tenetur: nam cum non fecerit voluntarie, a fortuna illarum putandum est: ut si quis ex alto ruens alium læserit: aut si navis jactata tempestate in aliam impulsâ, illam dissolverit; quanquam in hac causa multorum populorum legibus damnum tale dividi solet ob culpæ probanda difficultatem. Immo ex officio communis utilitatis causa suscepto, præcipue in rebus trepidis, ubi difficile est satis cavere; quamvis viri strenui incuria leviori damnum acceptum sit, id publice sarcindum.

Ubi plures damnum communi consensu intulere & æquales operas contulere singuli in solidum tenentur: id est, si omnes solvere possint, & velint, unusquisque partem tantum conferet; sed si ex illis unus, aut plures solvere non valeant, aut effugerint, reliqui ad totum damnum pensandum tenentur. Damni tamen illati communiter ab eo querenda est primum restitutio, qui illud propria opera intulit, qui vulgo censetur causa principalis, nisi servus fuerit aut mercenarius, qui ex imperio heri egerit: tum herus erit causa principalis & ab eo repetenda primum damni pensatio. Si causa principalis seu dux facti appellari non possit, vocabuntur causæ collaterales nempe ii qui adjuverunt; vel qui consilio, consensu, receptum præbendo, non impediendo cum debuerint, causæ aliquo modo extiterint: vel etiam subalternæ, nempe ii qui aliquam præbuerint ad inferendum damnum facilitatem, aut in præda & latrocinio participes fuerint. Is tamen qui totum pensavit, recte divisionis contra socios beneficium postulat. Illis quoque, qui ad graviora mala sibi imminentia declinanda, damna aliis dederunt leviora, quamvis necessitatis favore ab omni culpa sint excusandi, ad damnum sarcindum obligantur, cum non teneantur vicini immerentes mala illis imminentia suo damno redimere.

ARTICULUS TERTIUS.

De jure transferendi domini, ejusdem transferendi rationibus & officiis connexis.

IN statu naturæ privata pro arbitrio possidentis in alios transferri possunt. Docet enim recti honestique sensus humanum & iniquum esse, alteri res suo labore partas aut excultas prorsus non permittere. Deinde nisi hoc vis cuique concederetur, multum imminueretur hominum industria, quæ tamen ad publicum bonum fovenda est diligentissime. Neque tandem aliter jucunda erit hominum vita, nisi relicto cuique opum suarum usu libero & facultate sibi caris gratificandi: hinc jucundi sunt labores & honesti: hinc vigent amicitia & mutua bonorum officia. Menum igitur dominium continent hæc quatuor. 1. Jus rei possidendæ. 2. Jus omnem ejus usum capiendi. 3. Jus alios ab eo arcendi. 4. Jus, prout Domino libuerit, eam transferendi, vel absolute vel sub conditione quavis licita & in quemcumque eventum; sive totam sive mutilam, aut quemcumque ejus licitum usum, alteri permittendi.

Derivata jura sunt vel *realia* vel *personalia*. Juris realis materia, sunt ipsa rerum dominia; personalis materia est libertas naturalis, seu jus cuiusque pro sua voluntate & judicio agendi suasque res administrandi. Huusmodi juris parte aliqua ad alterum translata nascitur eidem jus personale.

I. Jura realia derivata sunt vel pleni domini partes quædam, a reliquis separata, vel ipsa domini ab uno ad alterum translata. Partes quæ separatæ solent manere sunt quatuor scilicet. 1. Jus possidendi rem alienam; quæ sine vi & dolo ad aliquem pervenerat. 2. Jus hæreditarium. 3. Jus pignoris aut hypothecæ. 4. Servitutes.

1. Qui rem alienam sine vi aut dolo possidet, vel novit eam esse alienam; vel ex causa probabili credit esse suam; atque hic proprie dicitur *bona fidei possessor*: qui vi aut dolo sine iusta causa rem

alic-

alienam possidet, ei nullum est Jus. Qui vero sine vi & dolo possidet quod novit esse alienum, ut qui res amissas aut naufragas invenit; ei Jus est eas retinendi, quod valebit contra omnes præter Dominum per se aut per alium reposcentem, & si nullus vindicet res cedet possessori. Tenetur autem possessor publice denunciare, res eas apud se esse, Domino repetenti reddendas: eas enim celasse crimen habet furti. Recte tamen a Domino exiget impensas, in us conservandis aut denunciandis prudenter erogatas.

Bonæ fidei possessor, 1. rem tenetur cum fructibus rei exstantibus Domino reddere. Dico cum fructibus rei, nam industriæ fructus etiam si sine re non procederent, rei tamen non debentur. 2. Si res ejusve fructus sint consumpti, tenetur Domino præstare quantum ex rei alienæ usu factus est locupletior; immo quantum rebus suis interea perpererat; nam in hoc locupletior censetur. 3. Ubi res ipsæ earumve fructus periere; ea præstare non tenetur bonæ fidei possessor, aut fructus quos percipere neglexerat; utebatur enim rebus tanquam suis. Cessat autem bona fides, ubi primum possessori innotuit probabilis suspicandi causa rem esse alienam: eaque cessante, omnia *lata culpa* neglecta aut omissa præstare tenetur. 4. Quum rem oneroso partam titulo Domino reddit bonæ fidei possessor, pretium a venditore recte reposcit. 5. Ut venditor solvendo non est, melior erit Domini causa, quam bonæ fidei possessoris; si rem hic emerit imprudenter non omni cautione adhibita: si vero emerit sub hasta vel in foro, melior erit causa bonæ fidei possessoris, quam Domini. Postulat utilitas publica, & ut nulla sit facilitas clam vendendi res furtivas, & ut palam ementibus certæ sint acquisitiones suæ. 6. Rem suam a bonæ fidei possessore alteri donatam a donatario recte vindicat Dominus, neque illi ullum est repetendi jus: donator non tenebatur si res bona fide possessa fuerit causa & occasione donationis & nisi omnino sine hac re donaturus tantumdem fuisset. Tunc enim lucrum meritis rei suæ perperisse.

2. De jure hæreditario certum est, cum, qui pleno jure est Dominus, posse rem suam ad quemvis, in quemcumque eventum & sub conditionibus quibusvis licitis transferre. Hæreditas igitur cujusque non minus sanctum jus est, quam donatarii. Neque minus inhumanum est; cohibere Dominum, ne ad hæredem substitutum, sibi eorum, rem suam in certum eventum transferat: Non minus inhumanum est, hæredis secundi aut tertii spem sine justa causa præcidere, quam amici domum intervertere. Recte tamen leges civiles, in communem utilitatem, vetant in infinitum porrigere hæc jura, possessoribus fortasse gravia futura aut ipsi civitati: prout prodigæ & inconsculte donationes æqui judicis sententia rescindi possunt.

3. Ad eorum jura, quibus aliquid debetur, confirmanda & munienda dantur *pignora*, ea lege, ut res oppignorata, nisi ante statum diem solutum fuerit debitum, cedat creditori; quæ est *lex commissoria*, nihil iniqui continens, si modo debitori reddendum sit quod superest pretii, ex re palam, sine fraude & vocato rei Domino, vendita. Sæpe vero non traditur res creditori; sed quod eodem sermone redit, ipsi in eam, per formulas quasdam publicas, constituitur jus reale, quod *hypotheca* dicitur. Quod cum sit, huic creditoris juri cedunt omnia jura adversus debitorem personalia quamvis priora, quæ ante hypothecam constitutam non publice innotuerant. Neque recte queruntur isti, quorum jura personalia juri cedunt reali subsequenti: sibi enim impudent, quod minore cautione contenti posthabentur iis, quos prioris sui juris non monuerant, quique majorem impetrarunt cautionem, citra quam fidem debitoris haud fuissent secuti. Hæc formulæ solennes non tantum in statu civili locum habent, sed etiam in libertate naturali eas exigebat commerciorum fides. Nisi enim esset formula quædam, qua adhibita plena intelligitur domini translatio, contractu nullo priore, qui latuerat, eludenda; nemo aliquid emeret, mox sibi forte vi contractus latentis eripiendum.

4. Inter jura realia, denique, sunt servitutes: jura scilicet. *certi usus ex re aliena percipiendi*; quæ ex contractu nascuntur; aut ex eo quod in dominio transferendo, hæc sibi prior dominus retinuit; aut denique ex lege civili. Servitutes omnes sunt jura realia, definitam rem spectantia; pro variis tamen, ut vocantur, *subjectis* quibus competere videntur, non *objectis* quæ spectant, dividuntur in *reales* & *personales*. Hæ in certi hominis gratiam constituntur, eo defuncto interituræ: illæ in prædii vicini commoditatem constituuntur, cuicumque ejus domino competunt. Personales sunt, *ususfructus, usus, habitatio* (a) & similes quædam aliæ. Reales sunt vel *urbane* vel *rustice*. Urbane sunt *onus ferendi, signi immittendi, altius tollendi, aut non tollendi, stillicidii, luminum, prospectus*, &c. Rusticæ contra spectant prædia, *iter, actus, via*, (b) *aqueductus, aqua haustus, pecoris ad aquam ad pulsus, jus pascendi*, de quibus jureconsulti uberius. Vide inst. Jusl. tit. 3. l. 2. Hæcenus de juribus rebus a pleno dominio separatis.

Plenum autem dominium: ab uno ad alterum transit, vel *facto domini voluntario*; vel abique eo, *vi legis naturalis* aut *civilis*. Atque utroque modo transit, vel *in eventum mortis* vel *inter vivos*.

De testamentis.

Facto prioris domini voluntario in eventum mortis transit dominium per *testamentum*, quod jure naturali est *quævis voluntas domini, de bonis suis in eventum mortis transferendis, declaratio, qua dilucide probari potest*. De iis enim quæ probari nequeunt & de iis quæ non sunt, idem judicium.

Æquum esse ut testamenta valeant, cum nihil continent iniqui, ostendit ipsum do-

minii jus & commune omnibus fere consilium in rebus ultra suos usus comparandis, ut iis nempe gaudeant illi, quos quisque habet carissimos. Durum esset & inhumanum, atque indultæ inimicis, homines vivos & validos adigere, ad jus plenum in res suo labore partas ad alios transferendum. Crudele foret, morientibus illud quaecunque cognatis aut amicis benefaciendi solatium præcipere; crudele & iniquum supersubstituis, hæredibus institutis aut legatariis, amicorum morientium beneficia, ipsis destinata, intervertere. Spreta igitur *metaphysicorum* subtilitate, dicentium absurdum esse hominem tunc velle aut agere, quam amplius velle aut agere nequeat, testamenta recte censentur jure naturali confirmari.

Quum vero ex bonis nostris plurima sint præstanda, quæ alii jure perfectio, vel perfectis proximo, possulant; res scilicet alie num dissolvendum, damna larcienda, soboles conservanda, parentes egeni alendi; irrita erunt testamenta juri istiusmodi contraria. Immo ubi defuncti sunt parentes & liberi, æquum est ut propinquis inopia laborantibus, nisi manifesta obset causa, detur testamenti inofficiosi querela. Leges naturales non minus quam civiles, etiam prospiciunt, nequid testamentum contra communem utilitatem sanciat; atque jubent eas quibus salutariorum artes præcaveantur in testamentis, ubi fieri potest, adhiberi formulas solennes; citra quas testamentum confirmari nequeunt.

De successione ab intestato.

Legis naturalis vi, sine facto prioris domini, in eventum mortis transit dominium in *successionibus ab intestato*, cujus sunt hæc causæ apertissimæ; quod certum sit homines, in bonis ultra-usus suos con-

geren-

(a) *Ususfructus* distinguitur a nudo *usu*, quod usufructuarius jus suum alicui concedere, vel vendere, vel locare possit; non item ille qui usum habet. *Habitatio* est jus utendi ædibus: cui competit, ait Justinianus, nostra decisione permittimus non solum in ea degere, sed etiam aliis locare. Inst. Jusl. l. 2. t. 2. 3.

(b) *Iter* est jus eundi ambulandi hominis; non etiam jumentum agendi vel vehiculum. *Actus* est jus agendi vel jumentum, vel vehiculum. *Via* est jus agendi & ambulandi: nam & iter & actum via in se continet. *Aqueductus* est aquæ ducendæ per fundum alienum.

gerendis semper hoc spectare, ut iis profint quos maxime diligunt. Hoc hominum propositum omnibus notum, continua est voluntatis testatio, ubi nihil contrarium diserte suat testati. Liberi autem & cognati, pro communi hominum ingenio, cæteris fere omnibus sunt multo cariores: atque his præcipue comparare student, non solum necessaria vitæ subsidia, verum etiam quæ ad vitæ copiam & ornatum pertinent. Quia & liberis & cognatis egenis, ab ipsa natura, quæ sanguinis junctionem benevolentiae & caritatis vinculum esse voluit, tributum est jus, si non perfectum, certe perfecti proximum, ad necessaria vitæ præsidia & ad ea etiam quæ faciunt ad uberiores copiam & vitæ prosperitatem, a parentibus & cognatis consequenda, nisi iustam eis dederint offensionis causam. Durum est hominibus eripere hoc mortis inopinae, quam nemo satis cavere potest, quaecunque solatium, quod soboli & cognatis profutura sint quæ sua industria paraverunt. Hæc liberorum & cognatorum, ex sanguinis conjunctione, atque ipsa natura orta iura violare, & æquissimas, ex cognatorum benevolentia, spes intervertere, durum est & iniquum. Præterea ubi certus de cognatorum successionem mos invaluit; recte colligitur defunctum, si modo nihil contra testatus sit, bona eo more descendere voluisse: ea ergo succedendi ratio eodem nititur juris fundamento, quo & testamenta.

Cognati ad succedendum recte vocantur pro cognationis gradibus & gradu pares pariter: primo veniunt liberi, inter quos recte vocantur nepotes, saltem *secundum stirpes*; humanitas & æquitas aliquando vocantur *secundum capita*, ubi gravi plures orphani premuntur inopia. Una cum liberis recte vocantur parentes egeni ad necessaria saltem vitæ præsidia; non inique una cum his vocantur fratres probi & egeni. Ubi defuncti liberi parentisque, vocandi sunt fratres & sorores superstitibus: cum quibus defunctorum liberi in *stirpes* vocandi, si non aliquando incipiti: qui ubi defuncti, consobrii recte vocantur sobrinique, usque

non superstitibus, eorum liberi atque ita deinceps. Ubi nulli sunt liberi aut cognati propinquiore, videretur ad successionem vocandos esse amicos, si qui fuerant defuncto cæteris longe cariores; hoc suaderent argumenta superius allata: at ubi more aut lege cognati vel remotissimi, amicis prætermisissis, semper vocantur; ex defuncti voluntate satis manifesta, illorum jus est potius. Moris hujus a majoribus traditi hæc præcipue sunt causæ, quod natura plerumque caros faciat cognatos: quod cognationis facillime cernantur gradus, amicitiae vero difficillime: quod videamus eos, qui vitam habuerunt, victumque communem cum amicis, magis quam cum cognatis, his tamen præ illis bonorum hereditates testamentis plerumque relinquere.

Quamvis vitæ civilis ratio non raro exigat, ut bonorum intestati pars melior maribus deferatur, quam quæ feminis in eodem gradu; aut inter mares seniori magis quam quæ juniori: haud tamen inter gradu pares ingens hisce de causis ponet discrimen. Jus autem naturale, inter gradu pares, sexu aut ætate antecedentibus, nihil præcipui tribuit; neque novit successionem *linealem*; ubi uni, præ reliquis gradu paribus, defuncti persona est gerenda, eique bonorum longe pars maxima tribuenda. Ea successio est tota juris civilis a natura & humanitate sæpius longissime recedens: in primo enim gradu, sexus præstantiæ cedunt omnia alia: in secundo gradu & remotioribus, & ea sexus & ætatis inter gradu pares præstantia & sanguinis etiam proximitas posthabetur; nam nepoti, pronepti, aut abnepti infanti, ex filio seniore defuncto, posthabebitur non solum nepos aut pronepos ex filio juniore; verum & ipse filius secundus, annis & prudentia maturus. Atque similia omnia fiunt inter fratrum & sororum liberos ad successionem vocandos. Hoc ante omnia spectatur cuiusnam parens defunctus sexu primum, deinde ætate antecesserit. Vide Gr. l. 2. c. 7.

De donationibus.

Facto prioris domini voluntario inter vivos transit dominium, vel gratis donationibus, vel permutationibus, ubi paciscitur quis de opera sua aut de bonis.

Est enim donatio *contractus*, quo quis rem suam, aut ejus usum, vel usumfructum alteri acceptanti gratis dat, & propter nullam aliam causam quam ut liberalitatem, & munificentiam exerceat. (Dig. l. 39. t. 5. lib. 1.) Perficitur autem cum donator suam voluntatem scriptis aut sine scriptis manifestaverit, & donatarius consenserit: sic absenti, sive mittas qui ferat; sive quod ipse habeat, sibi habere eum iubeas, donari recte potest; sed si nescit, donatæ rei dominus non fit (*ib. lege 10.*). Non potest liberalitas nolenti acquiri (*ib. l. 19.*).

Donationes firmæ manent, nisi 1. quasdam condiciones donationi impositas, quas donationis acceptor spondit, minime implere voluerit (*Cod. l. 8. t. 59. l. 15.*). 2. Nisi donationis acceptor ingratus erga donatorem inveniatur, ita ut injurias atroces in eum effundat, vel manus impias inferat, vel jacturæ molem ex insidiis suis ingerat, quæ non levem sensum substantiæ donatoris imponat, vel vitæ periculum aliquod ei intulerit (*Ibid.*). 3. Nisi donator qui omnia bona aut magnam partem donaverit, postea liberos procreaverit (*ibid. l. 8.*). 4. Nisi inofficiosa fuerit donatio, alterius juri derogans (*Cod. l. 3. t. 29. & 30.*) Vide Domat l. 1. p. 10.

Etiā quod ob causam turpem aut ob honestam ad quam quis obligabatur, acceptum est, non est restituendum, sed valet donatio (*S. Th. 2. 2. 62. art. 5. Contr. p. 2. §. 2. ad cap. Peccatum.*): quamquam contrarium legibus quibdam non immerito sancitur. Ratio est, quia rem nemo restituere tenetur nisi sit aliena; hic autem dominium transit ex prioris domini voluntate. Aliud erit si in ipso accipiendi modo vitium fuerit, puta extorsio: hoc enim est aliud obligati onis

principium, de quo hic non agimus. Gr. l. 2. c. 8. §. 12.

In donationibus etiā reciprocis non spectatur rerum donatarum æqualitas, in quo hæc differunt a contractibus onerosis.

De pactis seu contractibus.

Pactum est duorum aut plerumque consensus ad idem placitum obligationis constituenda aut tollenda causa datus, quod & contractus dicitur. Dividuntur contractus in *beneficios* & *onerosos*. Beneficii sunt, ubi intelligitur contrahentium alteri commodum aliquod gratis afferri: onerosi, ubi utriusque pariter spectatur utilitas, atque hoc agere profitentur paciscentes, ut res vel operæ pretio æquales mutuo transferantur.

Contractus beneficii.

Beneficiorum tria sunt genera decantata, *mandatum*, *commodatum* & *depositum*; quibus accenseri potest *mutuum gratuitum*.

1. *Mandatum* est, *contractus ubi quis alterius negotia sibi commissa gratis obsequenda suscipit*. In quo si rei expediendæ ratio fuerit præscripta, tam observare tenetur *mandatarius*; aut suo periculo ab eadem discessum erit. Si vero negotium ipsius prudentiæ permissum fuit; non perfectæ obligationi aut officio defuisse censetur, si eam adhibuit diligentiam, quam istiusmodi negotiis, & suis, adhibere solent viri probi & diligentes. Neque ad damnum culpa quavis levissima datum præstandum tenetur; nisi vel summam pollicitus fuerit diligentiam; camve plane exigat rei natura; aut ultro se obtulerat, ubi aptiorum aderat copia.

De omni autem contractu benefico tenendum, eum qui in alterum contulit beneficium, non graviores subire obligationem, quam vel discrete suscepit, vel suscipiendum plane monuit ipsa res; eum autem in quem confertur beneficium, pro gratiæ referendæ officio, ad summam adstringi diligentiam, atque ad omnia

omne damnum ex negotio ortum præstandum; ne quem suæ beneficentiæ poeniteat: non vero tenebitur ad præstanda damna fortuita cum negotio non coniuncta.

II. *Commodatum est, contractus quo quis rei suæ usum alteri gratis concedit.*

Tenetur commodatarius 1. Ad summam diligentiam & ad damnum vel levissimam culpa datum præstandum. 2. Ad omnem etiam casum, cui res commodata apud dominum non fuisset obnoxia, præstandum; nisi commodator humaniter de jure suo cesserit. 3. Neque alium recte caput ejusdem usum quam qui est concessus. 4. Exacto deinde tempore, reddenda est res salva, neque magis dekrita, quam usu concessio voluisse censendus est commodator. 5. Humanitas & quandoque etiam æquitas juberet, ante tempus præstitutum rem domino magis ea indigenti reddere, aut damnum ex eo, quod non reddatur, ortum præstare: nam nemo res suas alteri gratis concedere præsumitur, nisi quantum iisdem ipse careere sine damno potest.

Tenetur contra commodator, sumptus omnes in rem suam factos commodatario præstare, præter eos qui ad rei habitum usum sunt plerumque necessarij; aut saltem persolvere quantum res sua sibi facta est utilis & ipse ideo locupletior. A commodato distinguitur *mutuum gratuitum*, quod hoc in rebus constituitur fungibilibus, quæ non in specie, sed in genere redduntur: id est, in æqualibus mensuris, ponderibus aut quantitatibus.

III. *Depositum, quod est mandati genus, est contractus quo quis rem alienam, a domino commissam gratis custodiendam suscipit.* Depositarius 1. Ad mediam viri prudentis diligentiam tenetur & ad damnum lata culpa datum præstandum. 2. Neque re deposita sine domini consensu uti licet. 3. Eam domino reposcenti debet reddere, nisi ad facinus aliquod immediate patrandum reposcere certum sit, quod depositarius jure suo per vim prohibere potest. 4. Depositarius ab

omni sumptu & impensis in re custodienda prudenter erogatis, immunis est servandus.

In his contractibus, ut etiam in tutela & negotiis gestis, ad illud consequendum quod primo & præcipue spectabatur, datæ erant actiones directæ; ut contra mandatarium ad res rationesque reddendas, contra commodatarium & depositarium ad res reddendas: his autem dabantur actiones contrariæ, ut damna sibi & sumptus præstentur. Vide *Puff. l. 5. c. 4.*

Contractus onerosi.

Contractuum onerosorum hæc sunt genera.

I. *Permutatio cum res re mutatur, & emptio venditio*, quum res pecunia mutatur. Hujus forma simplicissima est cum merces traduntur, pecunia soluta. Si vero de mercibus ad certum diem tradendis conveniat, pretio vel soluto, vel de eo solvendo cautione data, quæ venditori idonea videtur: ante diem merces venditoris periculo manent; post diem, si nulla tradendi fuerit in ipso mora, in depositarii loco erit venditor; ut & ab initio fuisset, si ab initio merces obrulisset paratas.

Emptioni venditioni plura adjici solent pacta aut leges; *addictio* scil. *in diem*, ubi pretij in diem differtur solutio, ante quem licet aut emptori aut venditori, meliorem accipere conditionem: quæ si non offeratur, obligabit contractus. Adjicitur etiam *lex commissoria*, ut si pretium ante statum diem solutum non fuerit, pactum sit irritum. Lex item *retrotractus*, sive redemptionis, qua emptor teneatur rem empram venditori, ejusve hæredibus restituere, si pretium quandoque vel intra certum tempus offeratur: vel qua emptor, qui in venditoris gratiam emit, possit iterum quandocumque libuerit aut certo tempore rem venditori reddere & ab eo pretium repetere. Jus denique *protimeseas*, ut si emptor rem rursus vendere voluerit, prior dominus pretium æquale soluturus cæteris emptoribus

ribus præferatur. Hujusmodi est jus propinquorum in bona consanguineorum, quod dicitur *retractus gentilitius*. Quæ res *auctione* aut *sub hasta* venduntur, eique plurimo licitatur cedunt.

Venduntur aliquando non res certæ, sed earum spes incertæ. Vide *Puff. l. 3. c. 5.*

III. *Locatio conductio* est contractus, in quo pro certa mercede, rei nostre usus aut opera alteri addicitur. Locator rem usui idoneam præstat tenetur & conservare; conductor ea uti, ut rebus similibus & suis solent viri probi: & quicquid sua culpa lata perii, præstare. Ubi nulla conductoris culpa res locata perii; non ulterius solvenda erit merces. Ubi rei proventus est incertus; ut uberior conductoris lucro, ita malignior illius damno cedit: exceptis casibus rarioribus & calamitosi, quorum aleam conductorem suscepisse non putandum; quales sunt bella, diluvia, pestilentie.

Qui opus faciendum conduxit, tradita sibi materia aliena; ad eam diligentiam tenetur, quam viri probi adhibere solent; & ad damnum lata culpa datum præstandum. Qui ad certum aliquod opus brevi peragendum, conductus est; mercedem exigere nequit, si quo casu ab opere peragendo impediatur. Qui vero continuam alicujus operam conduxit, videtur breviorum morborum operas impediendum, quibus etiam robustiores obnoxii sunt, pericula subire; ita ut nihil ea de causa pensioni detrahare possit. Vide *Puff. l. 3. c. 6.*

IV. *Mutuum* est contractus ubi datur alicui res fungibilis, ea lege, ut tempore convento reddenda sint æquales rerum similium quantitates. Si non sit gratuitum, ut datur insuper usura. Res maxime fungibiles sunt nummi.

Quamvis autem nummi non sunt per se frugiferi, neque aliæ fere res fungibiles; nummis tamen emi possunt res frugiferæ, earumque ope in commerciis lucrum potest esse multo uberius: hinc plures existimant non esse legi naturali contrarium fœnoris aliquid pro lu-

cri hujus ratione, ob pecuniam mutuo datam exigere; neque in civitatibus ubi vigent commercia, sine gravi incommodo prohiberi posse istiusmodi pacta, licet in agricolarum republica non sint necessaria, immo perniciofa. Aliis tamen bene multis hoc non licere videtur etiam jure naturali (nam de jure divino positivo & ecclesiastico non agitur) nisi illis quibus ex pecunia mutuo data exurgit aliquod damnum, aut lucrum cessat: aut qui periculum faciunt sortis, aut operas impendunt. Nam ex pecunia, inquit, quæ sterilis & otiosa in arca mansisset, sine labore & sine periculo suo usuras quærere; quid aliud est quam ex hominum prædari velle industria, sudore & periculis? Fœnoris æqui mensura, major erit aut minor prout minor est aut major nummorum, qui in commerciis exercendis locantur, copia. Cum major est, atque ideo apud nostros carius emuntur merces exportandæ, minus ex data quavis summa locrum oriatur, minus igitur debet esse fœnus: ubi minor est pecuniæ copia, viliusque ideo emuntur merces exportandæ, ex data quavis summa major oriatur lucrum; majus igitur perfolvi poterit fœnus. Horum omnium, in legibus civilibus fœnus definitibus, ratio habenda; neque aliter vim proterunt obtinere. Vide *Puff. l. 3. c. 7.*

V. *Societas* est contractus, quo duo pluresve inter se pecuniam, res aut operas conferunt, eo fine, ut quod inde redditus lucri inter singulos pro rata dividatur, nec minus si quid proveniat damni, a singulis pro rata feratur.

In societate negotiatoria, ubi conferuntur pecunia cum pecunia, si pecuniæ æquales sunt, æquales etiam oportet esse partes in damno & lucro; sin inæquales fuerint, partes quoque sicut pro rata. Atque idem habebit locum si operæ aut æquales aut inæquales conferantur. Sed & opera cum pecunia, aut cum pecunia simul & cum opera conferri potest. Atque hæc collatio non uno modo fit: nam aut opera conferuntur cum solo pecuniæ usu, quo

quo casu fors domino perire; & si salva est, domino salva est: aut opera conferatur cum ipso dominio pecuniæ, quo casu, qui operam impendit particeps fit sortis. In prima specie comparatur cum opera non fors, sed periculum amittendæ fortis & lucrum quod probabiliter ex ea sperari poterat. In altera operæ pretium habetur quasi forti adjectum, & pro eo quod valet in ipsa forte partem habet qui operam præstat. Ut autem fortiorum aliquis lucri sit particeps, immunis tamen damni, est quidem præter naturam societatis, cui ita naturalis est utilitatum communio, ut sine ea nequeat societas consistere. Vide *Puff. l. 3. cap. 8.*

In hisce omnibus contractibus onerosis proficiter contrahentes, se res corporales aut incorporales, quæ dicuntur, sive jura, mutuo transferre æstimatione æquales. Atque idcirco inter bonos nihil simulandum aut dissimulandum: omnes mercium aut rerum qualitates æstimabiles, earumve defectus aut vitia sunt declaranda: & ubi temere ab æqualitate recessum est, minus habenti quod deest, viri prudentis arbitrio supplendum; idque jure perfectio iste exigere potest: quamvis ne fatigentur Prætores, nisi ob injurias graviore, ut læsionem dimidii iusti pretii (*L. 2. c. de resc. vend.*) vel tertie partis (*Apud Judæos si sexta partis læsio esset. Selden. l. 6. c. 3.*) non dentur in foro actiones. At, ut observat *Grotius l. 2. c. 12. §. 14. & 19.* possunt esse quædam rei accidentia æstimabilia, ob quæ res licite supra & infra commune pretium ematur vendaturve; puta ob damnum consequens, lucrum cessans, affectum peculiarem, aut si in gratiam alterius vendatur, ematurve, alioquin non emenda aut vendenda; quæ ipsa accidentia ei cum quo agitur indicanda sunt. Ejus quoque damni aut lucri cessantis ratio haberi potest, quod ex pretii solutione dilata venditori aut anticipata emptori nascitur. Idem de re aut opera locata conductæ intelligendum est. Quod si una opera pluribus utilis esse pos-

Tom. I.

sit, ut itineris sulceptio, & locator pluribus se in solidum aditinxerit, poterit de singulis mercedem pacifici quam ab uno exigeret, ubi lex non obstat: quia quod illa opera secundo quoque utilis est, extrinsecum est contractui, qui cum primo est initus; neque respectu primi quicquam minuit de æstimatione. Vide *Puff. l. 3. c. 3.*

Contractus qui aleam continent.

Non omnes contractus quibus alea aliquid inest, inæqualitatis nomine damnandi sunt. Immo istiusmodi quidam, sunt omnino probandi & hominum societati utilissimi; præcipue qui de naufragii, latrocinii, aut incendii periculis avertendis aut præstandis fiunt, qui contractus *periculi averfi* aut *affecutionis* dicuntur: & in iis merces pensanda ex periculo æstimanda est. Per hos enim strenuis plurimis & gravis salva conservatur fors, quæ aliter periisset. Continent hi contractus publici societatis magnæ de damnis communicandis initæ, vim humanam & salutarem: ex mercedibus enim ab iis solutis, quorum salvæ sunt merces, præstantur minus felicius damna. Neque reprehendendum si plures rem collata pecunia emptam, aut ipsam pecuniam collectam sortium arbitrio permittant, ut in *lotariis*: si modo nemo tantam his periculis objecerit facultatum suarum partem, ut ejus jactura sibi aut suis vitæ præsidia aut ornamenta præripiantur. Idem de sponsonibus & variis ludorum generibus statuendum. Neque enim hæc ideo vituperanda quod aleam contineant; neque sunt omnia iniqua: at nihil viro probo ac prudente est indignius, quam nulla premente necessitate res sibi & suis necessarias aut utiles, incertæ subicere aleæ; aut lucrum ex aliorum temeritate, immerito sibi capere: improbandi sunt igitur istiusmodi contractus, nisi in rebus versentur levioribus, quas lucupletioribus animi causa projicere licet; quin etiam, nihil a viro bono alienius, quam se totum rebus ludicris dare, iisque multum tem-

Ma poris

pons impendere; aut ita nugis assuecere, ut ad seria minus habilis, minusve propensius reddatur. Quod attinet ad illiusmodi contractus celebriores quibus alea inest, quibutque plures res suas implicare solent: cum in communem utilitatem nihil conferant, paucos tantum temere ex plurium dispendiis lucupletantes; cumque ad eos inenundos proclives admodum sint homines, pro opinione vana, quam de sua felicitate fovere solent; legibus civilibus omnino sunt coercendi, ne opes, quæ in officinis aut mercatura occupataz reipublicæ prodesse, inutiliter ad hæc parum honesta & fraudibus innumeris obnoxia, convertantur; aut infociabilis, stolidi & ignava foveatur avaritia. Vide *Puff. l. 5. c. 9.*

De pacilentium officiis & aliis contractuum conditionibus infra dicemus. Hactenus de contractibus principalibus.

Pacta adjecta vel accessoria.

Ad contractus firmandos accedunt *fidejussiones* & *pignora*. Fidejussor est qui subsidiariam subit obligationem debiti præstandi, si ipse debitor solvere detrectaverit, aut non sit solvendo. Cumque creditor illi magis, quam ipsi debitori se fidei fidat; non minus sancta est illius obligatio. Neque ullæ subterfugendi artes fidejussori sunt licitæ, quæ non fuissent, si sua ipsius causa debitum contraxisset; neque recte quidem solutionem dissent; nisi fraudulenta existat inter creditorem & debitorem contra se collusio.

Potest fidejussor, vel iurejurando firmius adstringi quam ipse debitor: aut prout est fidejussor, neque loco, tempore aut causa plus debere potest. *Ordinis* beneficium exigit fidejussor, ut prius nempe debitor excutiat, quam ipse appelletur; & *divisionis*, ubi plures fuere fidejussores, nisi hisce renuntiaverit.

Qui in causa *criminali* subsidiariam subeunt obligationem, *Vades* dicuntur. Ad poenas vero corporales subeundas nullatenus admittentur, nisi sceleris fuerant fautores. Jure tamen ad pecuniam, multæz nomine, præstandam teneri possunt.

De *Pignore* jam diximus quedam & de *hypotheca*: ubi oppignerata est res fructuosa, a mercede aut forte deducendi sunt fructus; neque iusta est in pignori-bus *lex commissoria*, nisi quod ex pigoris distracti pretio superest, debito soluto, debitori reddatur. Custodiendum est pignus ea diligentia media, qua res suas custodit bonus paterfamilias; cum utriusque partis hac in re spectetur utilitas. A pignore dissent *hypotheca*; quod hæc re non tradita, sed debito solvendo subiecta, constituitur. In utroque est jus reale, cui cedunt & priora jura personalia. Vide *Puff. l. 5. c. 10.*

De rerum pretio.

Quo facilius res & operæ inter homines permutari possent, earum *pretia* erant æstimanda. Nemo enim res insignis & duraturi usus, aut voluptatis, mutare velit iis, quarum exigua est utilitas aut voluptas: neque res quæ multo parantur labore, rebus parabilibus.

Rei cuiusvis pretium hoc nitur fundamentum, quod recipia ad usum aliquem aut voluptatem ministrandam est apta; absque hoc nullum erit pretium. Hoc autem positum rerum pretia majora erunt, prout magis iis homines indigent, ipsæque res difficilius parantur. *Indigentia* erit major pro ambientium numero, majore rerum necessitate, aut usu gratiore. Acquirendi *difficultas* ex plurimis oritur causis; nempe ex ipsius materiæ penuria, ex acquirendi labore; ex casibus iis qui proventum aliquando faciunt minus uberem; ex ingenii rarioris elegantia, quæ in artibus quibusdam exigitur; ex artificum dignitate, eorumque honestiore & lauiore, pro nostratum moribus, vivendi conditione; hujus enim sumptum suppeditare debeat artificiorum pretia. Hinc rerum utilissimarum sæpe exiguum, sæpe nullum est pretium. Ubi enim earum tanta copia est ut ubique nullo sære labore reperiantur, nullum erit pretium: ubi labore facili & minime artificioso comparantur, exiguum: pro insigni enim Dei bonitate, quæ res sunt utilissimæ & ma-

& maxime necessariz, illæ copiosæ sunt & parabiles. Rebus etiam utilissimis nullum est pretium; quia sunt sua natura communes; aliis, quia in commercia non aliter veniunt, quam tanquam aliarum rerum appendices, quarum pretia quidem augere possunt, non vero ipsæ per se æstimari; aliis denique, quia lege vel naturali, vel positiva, prohibetur earum emptio venditio; ejusmodi sunt res sacre: munera item, aut officia, aut jura sacra; eaque stipendia quibus alendi sunt viri, his officiis obeundis destinari; aut quæ illorum fidei committuntur, ut sint elemosynarum materies. Horum emptio venditio, ex nota satis historia, *Simonis* nomen est consecuta.

Cum vero sæpe incidere soleat, ut mihi suppetat quarundam rerum ultra meos usus copia, desint autem aliz quarum est apud alium copia, iste vero nulla re mea indigeat: cum ego rem mihi non necessariam pro re alterius mutare velim, mea tamen alterius rem longè superet; nec tamen sine gravi dispendio secari possit: ad commercia expediunda, constituendum est pretium aliquod *eminens*: id est, res quædam aliarum rerum omnium mensura, ad quam earum pretia exigantur, est constituenda; cujus tanta, oportet, sit indigentia, ut quisque res suas cum ea mutare velit, quoniam ejus ope res quasvis sibi comparare possit. Etenim ejus rei, ob id ipsum, quod aliarum sit mensura, exister maxima indigentia. Huic rei, quæ aliarum sit mensura, hæc debent esse qualitates; 1. ut sit pretiosa, ita ut ejus pondus exiguum & ad portandum facile majorem aliarum rerum molem æstimatione æquet. 2. Ut sit aliquid stabile, neque sua sponte brevi periturum, neque multum usu deterendum: 3. ut sine dispendio quasvis admittat divisiones. Hæc vero omnia solis metallis rationibus *auri* nempe & *argenti* conveniunt; quæ igitur omnis pretii mensuræ apud omnes gentes cultiores fuit constituta. Ad præcavendam vero omnem in laminis accurate dividendis molestiam; atque ut

cavum sit de metallorum puritate, inventi sunt *nummi*, quorum excudendorum potestate viris fidis commissa, & de metalli puri ac non adulterati, quod singulis nummis inest, iusto pondere cautum erit; & quævis, de qua conventum est, summa sine molestia persolvi poterit.

Vera metallorum, quin & nummorum, atque rerum fere omnium æstimationis, pro majore eorum copia, immittitur; pro minore augetur: res vero ad vitam necessariz pretia retinent stabiliora; quæ tamen pro majore aut minore anni ejusque ubertate non parum immutantur. Ad stipendia igitur perpetua aut reditus certos constituendus, quibus homines semper in eadem vitæ conditione alii possint, ceræ earum rerum mensuræ, quæ simplici hominum labore non artificioso comparantur, sunt potius definiendæ; qualia sunt frumentum, quæque alia simpliciori victui aut cultui inserviunt. Quin etiam eveniet, ut metallorum inter se æstimatione nonnullam immutetur, si aut alterutrius major solito effodiatur copia; aut si alterutrius, tantum, magnus sit in vitæ cultu & ornatu usus; aut si magna ejusdem eis exportetur. Et nisi in eadem ratione immutentur nummorum pretia legitima, exportabuntur nummi, quibus pro vera metalli æstimatione iusto minus imponitur pretium & invehunt illi quibus nimium; non sine gravi civitatis incommodo. In civitate cui sunt cum vicinis commercia, nullo imperantis decreto immutari possunt vera nummorum pretia, earumve æstimatio pro ratione quam ad merces habent. Non enim nummorum nomina apud nos legitima curant exteri, metallorum puriorum tantummodo spectantes quantitatem; ei igitur mercium pretia respondebunt. Verum tamen post nummorum nomina lege constituta, multorumque cum multis res rationesque contractas & pactiones, in pecuniæ his nominibus definitæ summæ numerandis fraudantur creditores, si auctum fuerit lege nova nummorum pretium;

Mm 2 & frau-

& fraudantur debitores, si imminutum fuerit. Sicubi pro ejusmodi nummis fiant alii ex metallis vilioribus; quod dignitate deest, pondere pensandum; aut secus cessabunt cum exteris commercia. Quæ nummorum vice funguntur Chirographa, aut tesserae, eam vim ideotantum habent, quod de veris nummis solvendis idoneam faciant fidem. Vide *Puff. l. 5. c. 1.*

De obligationibus quasi ex contractu oris.

Has præter obligationes & jura, sunt & alia, quæ nascuntur ex facto aliquo licito vel illicito ejus, adversus quem valent. De iis quæ ex facto illicito oriuntur, in articulo sequenti agendum. Ex factis licitis jura: oria fundantur, vel in ipso dominii jure, vel in manifesta societatis amicæ conservandæ ratione; & quæ hujusmodi juri respondent obligationes, ne actionum multiplicarentur formulæ, eas ex *contractu oris* fingunt jure consulti. Sunt vero a pactis *tacitis* diversi hi *quasi contractus*, quod in *tacitis* ex facto quodam consensus vere indicari intelligitur; in his vero, propter manifestam rei æquitatem fingitur. In illis denuntiatione contraria præcaveri potest quæ ex solo consensu alias oriretur obligatio: in his neutiquam, quippe in alia fundata causa æquissima, neque ab illius qui obligatur consensu pendens.

Obligationum, quæ *quasi ex contractu* oriuntur, duo sunt genera; alterum earum quæ hinc oriuntur, quod quispian rebus alienis, aut alteri quocunque modo obligatis, sine contractu se immiscuerit. Alterum quum quisquam aliquod sibi commodum alteri nec donanti nec consentienti damnosum aut sumptuosum, derivaverit.

Ad priorem classem refertur ejus obligatio, qui sine vi aut dolo rem possidet alienam, ut eam cum fructibus reddat: huc etiam refertur & ejus, qui *negotium utile* gesserat, res alterius, vel absentis vel nescii, vel ob rationis &

prudentiæ idoneæ defectum, consentire non valentis, tractando: qui scilicet tenetur ad rationes & res ipsas eum emolumentis reddendas. Quod spectatur in negotiorum gestorum & tutelæ *actionibus directis*. Ad hanc etiam refertur classem hæredis testamento instituti obligatio, defuncti creditores & legatarios respiciens; quæ nempe oritur ex hæreditatis aditione: omnia enim defuncti bona æri alieno dissolvendo, & omni quod quisquam jure suo pleno postulare potest, præstando subjiciuntur. Qui hæreditatem, unicam unde ea præstari possunt materiam, adit, ea omnia quousque sufficiunt bona hæreditaria, deductis impensis in iis tractandis, præstare tenetur: justum autem est *inventarii* beneficium; ne ultra hæreditatem hæres obligetur: neque ad hæc jura explicanda opus est fingere hæredem eandem esse cum defuncto personam.

Quod ad alteram attinet classem, ubi scilicet quis aliquam utilitatem, saltem nec donanti nec gratis damnum perferre volenti damnosam, sibi adscivit. Ad eam referuntur ejus obligationes, cujus absentis & inscit aut ob rationis & prudentiæ necessariæ defectum consentire non valentis, *negotia* sunt *utiliter gesta*, aut res administratæ; ut eum qui negotia gesserat aut tutorem indemnem præstet, & labores omnes utiles compenset, eorumque contractus bona fide ipsius nomine initos, confirmet. Huc spectant negotiorum gestorum & tutelæ *actiones contrarias*: impenfarum etiam, quæ in pupillis alendis, educandis, aut arte quavis imbuendis, prudenter factæ sunt, eadem est ratio. Quæ quidem in liberis suis erogarunt parentes non egeni, ex communi parentum affectione; donandi animo erogasse censentur, ubi contrariæ voluntatis nulla sit significatio. Quin & tenentur parentes, pro sua conditione liberis necessaria præbere vitæ præsidia & ornamenta; & quod ex bonis superest, iis potissimum relinquere. Premente tamen egestate, si cui forte ex liberis aliunde suppetant facultates, non ini-
que

que faceret parens si eum ad calculos vocaret, ut sibi persolvantur quæ erogavit, sive ad seipsum in senectute alendum, sive ut cæteros liberos alere possit. Si quis vero alienum aluerit inopem, id gratis factum fuisse non temere est judicandum: immo potius eo jus est constitutum in alumnus, ut omnia in ejus utilitatem prudenter erogata, ipsius laboribus compenseantur; haud vero ea quæ ad familiæ altoris ornatum pertinebant. Quomque insuper quæ in prima alumnorum ætate erogata sunt omnino perirent, si immaturi obirent alumni; amplius aliquid exigere poterunt auctores, pro hujus periculi ratione: quo jure ipsi concessio, hæc humanitatis officia alacrius suscipiunt. Decrescit vero post primos alumni cujusque annos hoc periculum, atque primas tantum impensas graviores sceleris altor onerare potest. Est igitur alumnus inops in causa debitoris, nullo suo crimine obaratus, a quo exigere sæpe possunt operæ, donec per eas dissolvatur res alienum; qui tamen omnia alia retinet hominum jura: & simul ac, vel laboribus suis (quos sibi utilissimos & maxime quæstuosos ad viri probi arbitrium ipsi est jus eligendi) vel amicorum liberalitate, debitum fuerit solutum, tollitur omne altoris jus. Ratione vero subducta pateret, neminem esse, sit modo ei mens sana & corpus sanum, qui ante annum trigessimum, laboribus suis, omnia quæ altori debuit, præstare non posset; neque ex hac causa recte oriri posse servitutem hereditariam, quamvis altori, pro periculi ratione, in modum scenoris nautici, amplius esset solvendum; quod tamen exigere haud sineret humanitas, ab iis qui gravi aliqua premuntur necessitate; nulla autem gravius esse potest quam infantis inopis, omni parentum auxilio destituti. Ad hanc etiam refertur classis ejus obligatio, qui favore necessitatis usus alteri damnum dedit; qua de re postea erit agendum: atque ejus qui indebitum accepit tanquam debitum; aut aliquid ex pacto quovis aut promisso, cui legi-

tima opponi poterit exceptio, aut ob rem aut operam, a se præstandam, quam non præstitit. Quum res plurium communis unius opera aut impensis est conservata aut exculta; cæterorum erga hunc obligatio ad posteriorem hanc classem, hujus erga cæteros, ad priorem est referenda. Obligationes alium tenentes ab eo qui contraxerat, sunt veri contractus ubi alterius mandato aut jussu res contractæ sunt: sin secus, sunt in causa negotiorum gestorum.

De fidelitate in promissis & contractibus.

Justitiæ munus prædictis respondens est, *servare fidem, seu in promissis pa-tisq; constantiam.*

Fides enim nobis ab ipsa natura commendatur: hac freti convenimus & commercia agimus; per hanc tum privatæ inimicitiae, tum communia bella finiuntur; ejus tanta vis est, ut nec illi qui maleficio & scelere pascuntur, vivere simul sine fide possint. Hinc fidem datam violare cæteris paribus magis est contra naturam, graviorque injuria & turpior, quam par officium alia debitum ratione omittere aut denegare: fide quippe violata, aliorum rationes ac innixæ gravissime turbantur, ipsique tum damno, tum contumelia afficiuntur, quod fidem nostram fuerint secuti, tum alia ratione sibi prospicere potuerint. Ecce vero quamvis vir bonus nullum sibi ex alterius inscitia aut temeritate commodum captare vellet, immo sæpe alium quemvis a pacti, magis illi incommodi, quam sibi commodi, obligatione liberaret, si modo damnum sibi datum farciatur: tanta tamen est fidei in commerciis conservandæ necessitas, atque cavillationes excludendi, quæ sub levioris cujuslibet incommodi obtentu nascerentur; ut circa res quæ sunt commerciorum materia, hominumque prudentiæ & voluntati lege naturali subiectæ, pactis etiam temerariis constituantur *jura quædam externa*; quibus etsi uti nolle vir bonus, communis tamen utilitatis cau-

causa, ea sunt eoque confirmanda, ut ubi in iis persequendis perstat is, cui quid inde debetur, vim etiam adhibiturus, nemo ei recte vim opponere possit. De pactis hisce tenet hæc regula *plurima fieri non debent, quæ facta valent*.

In contractuum tamen obligatione & exceptionibus legitimis explicandis, tria spectanda, *intellectus*, nempe & *voluntas*, actionum humanarum duo principia interna; atque ipsa *materia*, in qua versantur. Hinc

I. Illis promissis, pactisque standum non est quæ quis non satis mentis compos, aut deceptus interit: patet communem hoc exigere utilitatem, ne cui inferatur damnum ex ipsis circa res inscitia, quæ culpa vacat. Unde contractus juniorum, qui *minores* dicuntur, quique ob iudicii imbecillitatem, negotiorum suorum naturam nondum intelligunt, rarius obligant: quod de *furiis* foris, aut *delirantibus* pactis est dicendum; atque etiam de pactis *ebriorum*, quamdiu omnis consilii & prudentiæ expertes sunt. Quamvis enim ebrietas, non sine gravi culpa poenæ coercenda, arceatur; dolosis tamen ea occasione luerum sibi capere haud permittendum. De ebriorum criminibus aut injuriis dissimilis est ratio: licet enim non teneantur homines, se semper rebus suis curandis & administrandis idoneos conservare, se tamen semper præstare tenentur innocuos & justos: hinc ubi alterum lauerat alterius ebrietas; tenebitur ebrius, discussa crapula, damnum sua culpa alteri datum præstare. Cum ebrietatis plures sint gradus, quorum quidam licet homines magis solito incautos, & temerarios faciant, non tamen eos omni rationis usu spoliare: si quidem ex his omnibus darentur exceptiones, incertum foret omne inter homines commercium: de hisce vero causis, non aliter quam viri probi arbitrio interposito, sigillatim iudicari poterit. De immaturo juniorum iudicio, ante legis civilis definitionem, idem dicendum: cum aliis citius, aliis

serius, efflorescat commercii idonea prudentia. Ne vero pacta omnia aut pleraque maneant dubia & cavillationibus obnoxia; certa ætas in omni hominum ætate est determinanda, ad quam qui pervenerit, is sui juris censendus est & idoneus rerum suarum administrator. Hæc ætas ita est definienda, ut quam paucissimi animo maturi rebus suis gerendis cohibeantur, & quam paucissimi improvidi ad eas gerendas admittantur. Non male ex jure civili receptum est, ut ante annum quartum decimum exactum in maribus, & duodecimum in feminis *impuberes*, qui & *pupilli* vocantur, a rebus gerendis arceantur, sintque in naturali parentum tutela; aut his defunctis in eorum tutela quos vel testamento parentes, vel leges civiles tutores constituerunt, ad ætatem usque pupillarem finitam: atque deinde ad annum vigesimum primum, aut vigesimum quintum, ita sint sub curatoribus, ut sine eorum consensu nihil paciscendo agere possint *minores*, unde alteri jus nascatur, aut res ipsorum obligentur. Contractu *minores* non sunt lædendi; neque etiam aliorum damnis sunt locupletandi. Ubi tamen cum iis pactum initum est, atque ab altera parte præstitum; si ipsorum interfit, ut pactum confirmetur, tenentur postquam adoleverit ratio, promissa & conventa præstare; si non interfit, quicquid ex pacto ab altero acceperant, aut ejus pretium reddendum; aut denique quantum ulla ratione eo facti fuerint locupletiores, aut quantum ipsorum interfuit, id olim accepisse. Non raro quidem, ante annos legitimis res suas satis commode administrare possunt *minores*; quumque ita se res habet, neque ab altera parte introverserit dolus malus, aut culpa; in foro Dei & conscientiarum quod actum est æque ac inter adultos valet. At ubi adfuerint parentes, tutores aut curatores publice constituti; iis inconsultis vix sine culpa aut dolo de re graviore cum *minoribus* quisquam paciscitur; qui nempe vehementi feruntur impetu & improvi-

do,

do, ad promittendum faciles, cupidi, utilium tardi provisorios, liberales, spei pleni, & diffidere nescii.

Qui ad paciscendum permotus fuerat errore aliquo circa rem ipsam, ejusve qualitates estimabiles, quarum scilicet primumque præcipua in pactis istiusmodi habetur ratio, quæque pacti essentiam, ut dicitur, attingunt, pacto non tenentur: eique errore deprehenso, quicquid ex pacto solverit, reddendum. Non tamen ita censetur errasse, qui alias expectabat qualitates quam præ se restulerat, quæque in rebus istiusmodi reperiri non solent. Si tantum erratum fuerat, de re alia, aut eventu diverso, quo tamen errore aliquis ad paciscendum permotus erat: deprehenso errore sæpe vir bonus ex humanitate pernitendi locum dabit ei, qui erraverat, si is omne damnum inde oriturum præstare paratus sit: non vero hoc pleno jure postulandum; nisi is qui erravit, illud de quo erratum fuit tanquam pacti conditionem discrete pronuntiaverit. Ubi tantum de pretio erratum est, deceptus jure suo exigere potest, ut quod sibi deest suppleatur; aut quod ultra pretium dederat, reddatur; aut altero hoc nolente, ut pactum sit nullum. Qui culpa sua aut temeritate de rebus pacti præcipuis erravit, causamve alterius errori dedit, alteri damnum datum præstare tenetur. Qui vero dolum malum adhibuit, tenetur præstare quantum alterius interest ut pactum bona fide expleatur. Neque eorum, quæ dolo decepti promissimus isti qui dolum adhibuit, ulla est obligatio: quia istius dolo nobis defuit ea rei notitia, quæ ad paciscendum aut promittendum est necessaria; atque iste ad damnum injuria datum faciendum tenetur. (a) Ubi tertius aliquis dolum adhibuit, eo non colludente, sed inscio, quocum paciscor; pactum erit ratum. Ab eo tamen qui do-

lum adhibuit exigendum est quantum mea interfuisset non deceptum fuisse.

II. Illis promissis pactisque standum non est, quæ quis coactus interit. Consensum voluntarium ad firmam pacta necessarium impedire potest metus: cuius duplex est natura. Velenim est suspicio probabilis, alterum postquam meam partem explevero, me decepturum; vel denotat timorem ex gravi malo intentato ortum. De prioris hæc tenenda videntur. 1. Qui cum improbis & sceleratis, quorum mores anica noverat, sponte paciscitur, omnino tenetur. (b) 2. At ubi post contractum innotescit alterius improbitas aut scelus; non quidem eo ipso abruptur contractus; tamen quod a me præstandum est tantisper differre licebit, donec contra illius perfidiam mihi, pro viri prudentis arbitrio, satis sit cautum. Omnis quidem fides tolleretur, si nulla cum improbis & sceleratis esset servanda; quum nullæ sint notæ satis manifestæ aut signa satis certa, quibus honestos a turpibus discernere queamus. De secundo metus genere, ubi metu mali mihi iniuste intentati ad paciscendum impulsus fui, duplex est questio, prout intentatum fuit malum ab eo, quo cum paciscor, vel ab altero. Ubi ab altero, atque contra mala ab eo intentata viri cujusquam probi auxilium, pacto inito, arcesso; pactum omnino valebit, nisi alia de causa aliquid contineat iniqui: auxilium enim in periculis avertendis præstasse, officium sæpe utilissimum est & mercede dignissimum. Si autem ab altero malum mihi immerito intentatum fuerat, nisi cum tertio non colludente quiddam paciscar, ego vero ei tertio metum meum celare cogar: pactum irritum erit, postquam ostendero, metu iniuste incusso, mihi ademptam fuisse libertatem, negotiis gerendis necessariam: omne tamen damnum huic tertio a me datum,

(a) Nemo ex suo delicto meliorem suam conditionem facere potest. Reg. Juris.

(b) Qui hoc sibi sumunt, nullum esse fidem, quæ infideli data est, videant quæ queratur latebra perjurio. Cic. De Off. l. 3. c. 39.

tum, ut a me avertantur pericula, præstare teneor. Idem etiam dicendum ubi pro mea timiditate, metus nimius erat & temere conceptus. Adverte injuste incussum metum oportet esse: nam quæ quispiam promittit aut pacificetur legitimæ potestatis metu, ea etiam præstare tenetur: cum huic potestati jure subiectus intelligatur.

At ubi metu mali injuste intentati, aliquid illi qui metum incusserat promissum est; hoc omnino spectandum utrum sub juris specie aliqua probabili, qua vir cætera probus aliquando decipi potest, malum fuerit intentatum: an contra nulla juris specie obtenta, quæ hominem istiusmodi fallere posset. In priorè causa, quamvis qui metum incussit, nullum revera jus acquirat, quo recte uti possit; remotiore tamen communis utilitatis ratione habita, quod actum est *jure externo* nonnunquam valet. De jure suo aliquando errare humanum est: hinc & inter homines haud improbos sæpe nascuntur bella, quæ aut pactis aut alterius internectione finiendi sunt: ut pactis finiantur longe satius est: eorum tamen nullus esset usus, si semper valeret vis injustæ & metus exceptio, quæ utrique parti semper pateret. Contra fœdera igitur pacem reducentia, non admittenda est hæc exceptio, si bellum sub juris tuendi specie probabili susceptum erat. Si quidem fœderis leges sine omnino iniquæ, humanitati omnicontrariæ, parti devictæ conditionem omnino miseram & servilem reddituræ; hæc nulla juris specie munita non valet, iusta manebit exceptio. Sin autem nulla juris specie vis scelerata ad pacta extorquenda intentetur, pacta nihil valent: vi istiusmodi adhibita, omnia hominum jura abdicantur: omnia quæ ex lege naturali, aut hominum æquitate, poterant a quopiam flagitari, repudiantur: qui istiusmodi vim adhibet se generis humani hostem profectur, nullaque juris societate devinctum. Postulat igitur communis utilitatis ratio, ut hæc hominum monstra, quacunque ra-

tione excindantur. Fingamus insuper hæc promissa obligare. Quantumcumque tamen ei qui vim adhibuit ex promisso debeat, tantumdem & ipse damni injuria dati nomine alteri debebit: per *compensationem* igitur promissi obligatio tollitur. Neque dixeris promissorem, ex ipsa negotii natura, huic vis & metus exceptioni tacito pacto renunciassse: nam id ipsum renunciassse coactum, esset damnum. Tacitone insuper pacto is acquirit jus, qui ne pacto quidem diserte enunciato in ea causa acquirere poterat; quique hic ea agit, quæ omnis humani juris abdicationem plane continent? Quamvis tamen istorum hominum in omni aliorum jure pessumdando, nulla habenda sit ratio; ubi tamen ad saniores mentem redituri videntur, præteritorum veniam petentes, ex locis munitis descensuri, arma tradituri, atque in posterum satisfacere volentes; & ubi non sine innocenti strage, aut sanguine multo, coerceri aut deleri possunt; communis aliquando exigit utilitas, ut pacta cum iis inita, malis gravioribus avertendis inferventia, sanctissime serventur: civibusque, quibus damnorum pensionem ab iis exigere, aut res suas vindicare, non permittitur, publice præstandum est damnum.

In pactis semper intelligitur *voluntatem* adesse sese obligandi, ubi ejus sit significatio. Neque ulla esset fides, si valeret exceptio ex arcana voluntate sermoni aut signis editis contraria. Vocibus & scriptis paciscendi animus commodissime declaratur; sufficit tamen signum quodcumque, de quo inter pacificentes conveni, aut quod pro more consueti consensum indicat. Immo & actionum quarundam ea est natura, ut nemo nisi infans aut improbus eas subscripat, qui non certis pacti legibus etiam consentit. Ex hisce igitur quævis consensisse merito colligitur, nisi cunctis quorum interest præmonitis, contrarium testatus fuerit. Ubi per eas actiones consensus indicatur, *pactum* dicitur

titur *tacitum*. Quod eo indicio feceruntur ab *obligatione quasi ex contractu* orta, de qua supra, quod in hac nulla obligationem tollere potest denunciatio contraria, in illo potest. Primariis & expressis pacti legibus ex rei natura sæpe intelligitur, leges & conditiones tacitas esse adjectas, quales negotiis istiusmodi adjici, ex rei natura, aut more, intelligunt omnes sana mente præditi: quæ omnes servandæ sunt.

Ad rerum dominia & alia jura transferenda, sive *gratis*, sive ex causa *onerosa*, exigitur & accipientis, & dantis consensus. Quum rem transferendi, aut amico donandi animus haud indiget, aut rei suæ propiciendæ, aut alteri nolenti obtrudendæ, voluntatem. Levioribus tamen indicis colligitur, adesse rei utilis accipiendæ voluntatem; & semper ex præcedente rogatione, si quod oblatum est ei rogationi respondeat. Illud etiam quæri solet, an satis sit acceptationem fieri, an vero etiam innoscere debeat promissori, aut donatori antequam promissum aut donatio plenum effectum consequatur. Et certum est, utroque modo fieri posse promissionem vel donationem, aut hoc modo, *volo ut valeat si acceptetur*; aut hoc modo, *volo ut valeat si acceptatum intellexero*. Et in his quidem quæ ad mutuam pertinent obligationem, posterior sensus præsumitur: in promissis vero mere liberalibus potius est ut prior sensus adfuisse credatur, nisi aliud appareat. Sequitur hinc ante acceptationem, quippe jure nondum translato, revocari promissum posse sine iniustitia, & sine instantia, si revera eo animo factum sit, ut ab acceptatione demum valere incipiat. Revocari etiam posse mortuo ante acceptationem eo cui promissum est, quia videtur acceptatio in arbitrium ipsius collata, non hæredum. Aliud enim est velle dare huic jus ad hæredes transsurum, aliud velle dare hæredibus. Gr. 2. 11. §. 15. 16. A pactis hujusmodi diversæ sunt novi propoliti nostri declarationes, quæ neque in alterum jus trans-

ferunt, neque ad persuadendum in eo consilio nos obligant. Ad pacta propius accedunt quæ dicuntur promissa imperfecta; ubi intelligitur vel ex verbis, vel ex more instituto, nullum nos cogendum jus in alterum transferre; sola vero probitate, aut pudore nos obligari, atque ea solum lege, nisi is, cui promissum est, sua culpa nobis mutandi consilii causam dederit, ita se gerendo, ut beneficio destinato fuerit indignus; aut nisi promissa sint iis, quibus promissimus, nocitura vel inutilia; aut plus nobis aut nostris noceant, quam iis præstent: *contra officium est*, inquit Cicero, de off. 1. 1. *Majus non anteponi minori*. Vide Gr. l. 2. c. 11.

Cum contractuum vis ex contrahentium voluntate & consensu pendeat; si consensus tantum *sub conditione* dabatur, ea deficiente nulla erit obligatio. Debet autem de conditione adjecta utrinque constare, ne commercia omnia fiant incerta. Solæ igitur valent conditiones, quas aut alteruter discrete pacto adjece- rat, aut ex negotii natura utrinque intellectum iri, bona fide putaverat; non eæ, quas tacite alter in animo fovebat, in hujusmodi negotiis non semper intelligendæ. Si quid alter inter paciscendam præstare suscepit, aut alteri affirmaverit, quo ad paciscendum alliceretur, id quidem conditionis vim habere censetur. Hinc contractus dividuntur in *absolutos* & *conditionales*: in his conditio est, *eventus quidam alteri aut utrique paciscentium incertus, atque a pactis præstationibus diversus: qui si non occidat, nullus erit contractus*. Unde conditio aperte impossibilis adjecta, ostendit nihil actum esse. De rebus illicitis (quæ dicuntur *moraliter impossibilia*) ab alterutra parte præstandis, sive de facinore turpi mox erit dicendum. Facinus quidem turpe a tertio quopiam, sine ulla paciscentium conspiratione peragendum potest esse iusta conditio; si modo nullæ ex pacto proponantur facinoris illecebre. Conditiones, si penes alterum paciscentium sint, dicuntur voluntariæ, seu po-

testativa; si non sint, dicuntur fortuitæ, seu *non potestativa*; sunt & quedam *mixta*. Ad voluntarias aut mixtas præstandas, neuter obligari censetur.

III. Ut pacta aut promissa valeant, ipsorum *materia*, aut res utrinque præstandæ, intra paciscentium vires esse debent. Unde ad ea quæ a nobis volentibus fieri non possunt, quæ dicuntur *impossibilia*, nulla est obligatio. Si quid promissum fuerat, quod postea casu, aut sine paciscentium culpa existit *impossibile*, omnia ista causa data sunt reddenda aut pensanda. Ubi alterutrius dolus, aut *lata culpa*, in rei impossibilitate celanda aut efficienda intervenierit, hic quod interest præstare tenebitur. Debet enim pactorum *materia* esse licita; id est, de iis tantum rebus aut operis paciscendum, quæ commerciis aptæ alienari possunt quarumque administratio humanæ committitur prudentiæ, neque lege speciatim homini præcipitur. Ad ea enim præstanda, quæ vel reverentiam Deo debitam, vel alterius jus perfectum violant, quæve lege prohibentur *speciatim*, neque nostræ subjiunguntur potestati, nulla ex pacto nasci potest obligatio. Si igitur paciscentium uterque, rem esse ita illicitam noverat, aut nosse debuerat, nulla erit pacti obligatio: conductori ante facinus patratum penitenti, quicquid ex pacto dederat, reddendum est. Facinore autem patrato, neque patratori dandum est præmium, neque datum conductori reposcere poterit: Ab utroque præniæ exigendæ. Si post pactum initum facinoris turpitudine quæ inter paciscendum latuerat, alterutri innoscebat; ei, facinore nondum patrato, penitentiae locus est: qui conductus est acceptam mercedem reddere tenetur. Neque facinore patrato, mercedem exigere poterit patrator, nisi ipsius ignorantia culpa caruerit: si modo ipsi æque ac conductori turpe fuit facinus. Sin autem conductori soli adhærebat turpitudine, patrator recte mercedem exigit. Humani generis interest, ut nulla sint ex pactis scelerum invitamenta; nulla-

que in istiusmodi pactis fides. Sin autem, eo tantum illicita sit rei cuiuslibet præstatio, quod aliquis incaute & contra viri prudentis officia, de rebus suæ potestati permissis pactus est; contractum fides adeo sancte est servanda, ut *quæ fieri non debebant, facta sæpe valeant*. Quod de re *impossibili* dictum est, tenet de re aut actione aliena, si quis de iis quæ potestati suæ non subjiunguntur pactus fuerit. Qui in istiusmodi pactis vel in promissionibus, dolo usus est, quod interest præstare tenebitur: qui culpa quemvis decepit, illi damnum præstandum.

Qui de re sua quavis & opera pactus est, non omnem circa eam confessim amisit potestatem; nisi istiusmodi pactum fuit, quod totum rei dominium transiit, jus alteri constituens *reale* & plenum, omnemve de operis suis in posterum paciscendi facultatem sibi adimens. Unde, licet pactum *jus tantum personale* constituens antecesserat, tertio cuius prioris pacti inscio constitui poterit *jus reale*, contra jus prius personale valiturum. Interveniente vero hujus tertii haud inscii dolo, pactum est irritum: doli enim confirmandis, pacto itidem qualicumque, ad eludenda quævis officia humana plane excogitato, quum id necurum contrahentium latere poterat, lex naturalis maxime adverlat. In aliis autem causis, pactorum, quæ cum eodem ineuntur, priori posterius derogabit: in pactis autem quæ de eadem re cum diversis constituuntur: *quæ jura tantum personalia constituunt, iis cedunt quæ jura constituunt realia*; si modo abfuerat illius dolo, aut *lata culpa*, ad quem transferendum erat jus reale. In pactis denique uniusmodi, quæ cum diversis ineuntur, *qui tempore prior jure prior*.

IV. Paciscimur etiam per legatos & internuncios, sive *mandatarios*. Ubi plena ipsis permissa potestas, neque ulla sunt mandata mutuo declaranda, legatorum potestatem ejusque potestatis fines monstrantia; ad ea obligari censetur, quæ legati pro sua prudentia gesserint: nisi

offica-

ostendi possit legatos dolose egisse, aut præmii spe fuisse corruptos; aut pactum adeo manifeste iniquum sit, ut, viro prudente arbitro, doli mali det. indicia. Si leviores, legati culpa, patimur injurias, ab ipso legato eorum pensatio repetenda. Potestatis autem legato permixtæ finibus aperte declaratis, quod ultra a legato actum fuerit neutiquam obligabit.

V. In vera promissorum, contractuum, testamentorum, legumque scriptarum sententia cruenta, hæc sequendæ interpretationis regulæ. 1. Qui paciscentis speciem præ se ferens, ea dedit signa, quæ dare solent qui quicquam promittunt, is ad id præstandum tenetur, quamvis alia secreto secum tunc temporis agitaverit: neque aliter ulla esset commerciorum fides. 2. Verborum popularium & ulitarorum ea est significatio quam usus confirmat, omittis causis aut vocum originibus; nisi adsint infutæ significationis indicia. 3. Artium vocabula & nomina signata, ex peritorum definitionibus interpretanda. 4. Ubi orationis aut scripti ejusdem partes diversæ sibi invicem lucem afferre possunt, obscuriora & dubia perspicuis aperienda. 5. Ubi absurdi aliquid aut secum pugnantis verba sensu simplici continere videntur, nevisquam vero si figurata habeantur: figurata omnino habenda. 6. In scripto istiusmodi, cujus partes priores nullum jus transferunt, in illum qui non & posterioribus consenserit, *posteriora prioribus derogant*. Quod in testamentis, pactisque, quæ cum eodem contrahuntur, obtinet. 7. Ex *materia, adjunctis, effectibus & consequentiis*, ad veram verborum sententiam dijudicandam indicia promuntur. Verus enim est sensus qui cum materia & adjunctis convenit. 8. Ex paciscentium fine aut scopo cognito, atque ex legum ratione unica aut integra, optima petuntur ad pacta legesque interpretandas adjuncta. 9. Perinde etiam ut est materia *favorabilis* aut *odiosa*, porrigitur vel coarctatur verborum interpretatio.

Favorabilia sunt quæ conservant inter privatos æqualitatem aut promovent bonum publicum. Vide Gr. lib. 2. c. 16. Puf. l. 5. c. 12.

De veracitate & sermocinantium officiis.

I. Doctrinæ de fide in contractibus servanda affinis est illa, quæ circa usum sermonis versatur. Quum cæteris animantibus eo præstent homines, quod non rationis solum, verum & orationis facultate ornantur, qua præcipue hominum societas continetur, vigentque commercia, atque officia omnia amica; eo Dei dono eximio ita utendum est, ut exigit officii nostri, communisque utilitatis ratio. Qua de re in ipsa naturæ nostræ structura, non desunt divini consilii indicia. Sensu enim cuique proximè commendatur is sermonis usus, quem communis exigit utilitas. In prima & tenella ætate, proclives sunt pueri ad omnia quæ norunt palam declaranda. Simulationi omni & dissimulationi natura repugnat; donec rerum usu, incommoda non levia sequi observantur simplicem eam & apertam, omnium quæ animo insunt, declarationem, quam proximè & per se essefemus comprobaturi. Suadebit quidem recta ratio, communis utilitatis cura, eaque qua sibi quisque consulit prudentia, ut nonnulla tegamus, taceamus, primumque animi motum cohibeamus: at quum non solum cognitionis nostræ pars magna aliorum sermonibus innitatur; verum etiam vitæ negotia & consilia, ea regantur rerum humanarum notitia, quam ex aliorum sermonibus comparamus, etiam eorum qui nullo proprio juris vinculo animi sui his de rebus sententias nobiscum communicare tenebantur: non aliter quam servata in sermone fide & veritate, hæc vitæ sociæ commoda, omnisque ea jucunditas, quæ ex mutua in aliorum verbis fiducia oritur, conservari possunt. Quæ de sermone sunt dicta, ad alia etiam signa pertinent, quæ ad animi sententias declarandas adhibentur; scriptu-

ram nempe, vel vulgarem, vel hieroglyphicam, aut symbola. (a)

Signorum autem, quorum significatio sive ex ipsorum natura, sive ex instituto aut consuetudine pendet, duplex est usus: unus ubi is qui signis utitur, neutiquam profiteri intelligitur se animi sui sententiam cum aliis communicaturum; ille vero qui ea signa cernit, pro sua tolerantia, colligit quædam esse vera; quamvis nulla causa sit cur credatur, alterum eo animo signa dedisse, ut se rei cuiusvis faceret certiorum. Alter signorum usus eam in se habet vim, ut iustam det causam colligendi istum, qui signa dederat, eò fecisse animo, ut nobis rem aliquam indicaret, aut testimonii vim illis inesse vellet: quod ex ipso signorum usu præ se ferre videtur. In priore signorum usu nulla propria est obligatio; & quamvis ne quis sine iusta causa alterum lædat, est obligatio communis; ubi tamen iusta est lædendi causa, ut in bello iusto, nihil prohibet, quominus his utamur dolis, quæ consilia imperitoria sive stratagemata dicuntur. Immo si nemini noceatur, hoc signorum usu vel amicissimum fallere licebit. De altero signorum usu longe aliter statuendum: nullo enim sive inter omnes, sive inter eos qui colloquuntur, præente pacto, hic signorum usus pacti taciti vim in se continet. Qui ea alteri dat signa, cum eo recte intelligitur pacisci se animi sui sententiam per hæc signa ei declaraturum secundum interpretandi modum vel naturalem, vel usu institutum, nisi subit causa aliqua utrinque cognita, cur ab eodem detestetur. Si enim nulla istiusmodi subit pactio, frustra quisquam alterum alloqueretur, frustra alloquenti ausculetur. Atque idem de aliis signis tenendum, si ve naturalibus, sive institutis, quorum similis est usus.

Hæc igitur de sermone scriptisque legimus. 1. Ubi aliis est ius veras loquentium sententias sciendi, non solum vera

sint qua dicuntur, verum nihil celandum. Quæ testium in iudiciis est causa, eorumque qui artem aliquam totam aliis tradere sunt polliciti. 2. Lex est, quamvis aliis nullum sit jus proprium, ubi tamen eos alloquimur, nihil dicendum quod non animi sententis congruat, secundum interpretandi modum, qui apud probos & prudentes invaluit: a mendacii igitur crimine non est immunis, qui sermonem ab animi sententia discrepantem profert, quamvis insolita quadam interpretandi ratione aut per adjectionem quamdam in mente suppressam, inter se congruere possint. Ut si quis dicat nescio retinens in mente, ut dicam, aut dicat non habeo, retinens in mente, ut tibi dem. Permissa enim artium istiusmodi licentia, omni dolo & fraudi patebit via.

II. Ad pacta, promissa & testimonia de rebus gravioribus confirmanda accedit iusjurandum. Est autem iusjurandum, Actus religionis, quo ad rem dubiam confirmandam Deus testis & iudex invocatur. Tanta quidem est in omni pacto & sermone boni viri fides, ut cum iurejurando alstringere non sit opus apud eos, quibus notus est: sed ubi res aguntur eorum, quibus viri probitas non est perspecta; illius & promissa & testimonia iurejurando sunt confirmanda; quum in iurejurando nulla insit in Deum impietas, sed potius pietas: qui enim religiose jurat, Dei omnia intuentis & regentis providentiam simul & iustitiam agnoscit. Quum autem apud omnes gentes semper invaluit hæc persuasio iusta Dei providentia mundum administrari, & improbis supplicia irrogari; Dei testis & vindicis invocatio, sensum officii hominum animis altius infigit, eosque potarum metu a fraude deterret. Et quamvis censendum non est, ea invocatione Deum magis attentum fieri aut consensu nostro novum puniendi ius illi tributum: tamen longe gravius est perfidiæ scelus, ubi quis promissum aut pactum iuratum violaverit, aut alios testi-

(a) Extat apud Ælianum 12. 59. dictum Pythagoræ, duabus rebus hominibus ad Deum proxime accedere, vera semper loquendo & benefaciendo aliis.

testimonio juratus deceiverit, & acrius a Deo vindicandum. De re leviori jurare aut nulla de causa, omnino impium est: quiaominis reverentiam, quæ bonis debet esse perpetua, imminuit, summaque maiestatis contemptum prodit. Ubi autem crebra in civitate sunt perjury, eorum crimine premuntur & retores, si iusjurandum levibus de causis & quum minime est necessarium, sæpius exigatur: aut ubi in eo præstando quod a juratis postulamus, iurejurando caveri nequit; vel quia res ipsa fieri non poterit, vel quia juratis nonnunquam illicita videbitur: aut si exigatur ubi gravior sunt perjuri invitamenta, una cum ipse homines impune fallendi: exempli gratia ubi de capite agitur aut de fama, cum tanta sint ad pejerandum invitamenta, minime commoda videtur aut iusta quætionis exereendæ ratio per iusjurandum purgatorium. Hac enim ratione absolventur perjuri & scelerati; convincentur illi soli, quibus tanta est pietas, ut ne vel ad famam aut vitam tuendam fe perjurio sint adstricturi: quos fatius est incerti criminis (cuius homines tali indole præditos mox serio plerumque penitet) pœnas effugere, quam ut sua pietas ipsis causa mali existat. Pessime etiam de religione & societate merentur, qui gravem aliquam & solemnem verborum formulam, ad animos hominum religionis sensu percellendos idoneam in iurejurando non adhibent.

Quamvis in iurejurando frustra invocetur aliquid divina potestate destitutum, tanquam testis & vindex; sunt tamen jurandi formulæ quædam, non quidem satis commodæ, at haud planè illicitæ, ubi Dei nomine non adhibito, qui jurat sibi, suisque, aut rei alienæ sibi ~~caræ~~ admodum aut necessariæ, dira quædam a Deo præcari intelligitur; aut ubi Deus ipse per metonymiam invocatur. Frustra autem adigeretur aliquis ad jurandum per eum quem neque divina potestate præditum, neque exercere in homines imperium credit: sunt

tamen Dei veri descriptiones omnibus communes, quibus utendum erit, quum a pluribus diversa de Deo sentientibus exigendum est iusjurandum. In iurejurando, ut de pactis dictum, isrite censetur jurasse, atque perjuri pœnis, si fidem sefellert, esse obnoxius, qui jurandi animum præ fe serens, ea, quæ a jurantibus solent, signa adhibuit.

Quamvis iusjurandum una cum promisso aut testimonio in eadem sententia includi possit, est tamen iusjurandum actus ab omni pacto aut narratione diversus; Dei nempe testis & vindicis invocatio, si quid contra officium egerimus. Unde patet hominum officia iurejurando nequaquam immutari; nec novam, quod ad materiam attinet, obligationem constitui; nec promissum pactumve, iusta de causa irritum, ratum fieri, aut iustam excludi exceptionem, nec *conditionalia* mutari in *absoluta*; nec ratum fieri, quod contra jus alterius perfectum aut de re aliena nostræ potestati non commissæ, factum est; neque quod pietatem Deo debitam violat, leges definitas, quas vocant *speciales*, certas actiones omnino prohibentes & paciscendi de iis omnem nobis adimentes potestatem. In rebus vero nostræ potestati permissis, ut simplici pacto, sic multo sanctius eo quod iurejurando confirmatum est, obligamur; etiam ubi temere & contra prudentiæ & humanitatis officia jurati promissimus: nisi paciscentium intervenerit dolus ad eludenda quædam officia humaniora.

Sine exceptione autem nulla erit promissionis obligatio: quin & iste cui promissum est, de suo iure edere & promissorem liberare potest. Quod fiet etiam tempore declarato ejus dissensu, ejus consensus prius erat necessarius, quam possit is qui promissit se ad rem quamlibet præstandam alstringere, vel alter rem oblatam accipere. Ubi iusjurandum quisquam suo iure a nobis exigit, verborumque formulam præscribit; si de ipsius sensu constet, eo sensu nobis est jurandum; si ex animi sententia fieri possit: fin

mius

minus a jurejurando est abstinendum. Neque delegati qui aliorum nomine, eorum forte summo imperio præfunt, jusrurandum exigunt, formulam præscriptam interpretandi jus habent.

Jusrurandum pro vario usu, est vel *promissorium*, vel *asseritorium*. Hoc iudice exigente, dicitur *necessarium*; & litigantium alterutro, coram iudice, alteri id deferente, dicitur *iudiciale*. Si extra iudicium sponte juretur, dicitur jusrurandum *voluntarium*. Quod in actionibus *criminatibus*, ad probationem imperfectam resellendam exigitur, dicitur *purgatorium*.

III. *Votum est promissio qua ipsi Deo, ad certas res aut operas præstandas, nos astringimus.* In votis non intelligitur jus ad homines esse translatum, nisi & pactum intercesserit. Votorum unicus est usus, ut Deum sanctissimum, iustissimum, omniaque intuentem verentibus, pia omnia &c. honesta agendi consilia fiant constantiora; eoque magis officium deserere veremur, ne nos etiam atroci perjurii crimine implicemus. Quam autem sine illius consensu cui promissum est, nulla sit promissi obligatio; constatque Deum optimum maximum, quæ quisquam contra officium quodvis, aut temere promiserat, accipere nolle: hinc satis efficitur votum non obligare ad ea facienda aut præstanda, quæ non pie &c. humaniter citra votum fieri poterant aut præstari. Multo minus valent vota, quæ ex odio, invidia, aut ira iniusta aut nimia, aut contra cuiuslibet jus perfectum, atque ipsa æquitatis &c. humanitatis officia, suscipiuntur.

ARTICULUS QUARTUS.

De jure tuendi sese & vindicandi sua, seu de jure belli.

I. **I**n statu naturæ unusquisque sui suorumque custos est: licet igitur cuique propellere injurias, arcere damna inferentes, injuriarum & damnorum propter reparationem: immo vero eadem gaudet quisque potestate alios defendendi contra injustos aggressores.

Hæc juris violentia defensio aut vindicatio est *bellum quod status est per vim decertantium juris tuendi causa*. Bella sunt vel *publica vel privata*: publica, quæ a civitate suscipiuntur: privata, quæ a privatis. Publica vel *solemnia* vel *minus solemnia*, solemnia (quæ & iusta vocabantur Romani quæcumque de causa, nisi plane nefaria, suscepta fuerint) quæ populi nomine, eorumque iussu qui Reipublicæ præfunt utrinque sub aliqua juris specie geruntur. Publica quæ minus solemnia, ab altera tantum parte, populi aut Rectorum iussu geruntur; qualia prædonibus aut civibus seditiosis inferuntur, vel quæ civilia dicuntur: ubi de regni jure aliquo inter diversas civium factiones decertatur.

II. Belli in libertate naturali suscipiendi causa iusta est juris perfecti quævis violatio; ac plane ut habet Grotius, quot actionum forensium sunt fontes, totidem sunt belli. Nullum enim erit jus tutum, nulla vitæ securitas, nisi contra injurias inferentem ad vim confugere liceat, ne quis impune inferat: levioribus quippe injuriis sæpius illatis maximæ collabuntur opes; neque innocuis tolerabilis foret vitæ conditio, improborum petulantia: semper obnoxia. Injurias tamen leviores ferendas suadebit humanitas, etsi hanc patientiam nemo ab altero postulare suo jure possit. Ubi igitur violatum jus, sive rebus nostris ereptis vel læsis, sive quæ nostro petimus jure denegatis, aut ubi vicino cuius inferitur iniuria; licet, immo sæpe honestum est; eos quoscumque qui juri nostro aut vicini cuiusvis tuendo aut recuperando se opponunt, per vim cogere ut ab iniuriis desistant, nobisque & vicinis præstent quæ debentur. Res in specie debitas occupare licet; aut si harum non sit copia res quaslibet hostiles quæ sufficiunt iis omnibus præstandis quæ debentur. Hinc in libertate naturali duæ tantum sunt belli causæ, *defensio & recuperatio*, quibus quamplurimi tertiam addunt nempe *punitionem* propter utilitatem publicam: ut illique

injuriā inferunt, nihil tale postea audeant, & ceteri sint ad injuriā tardiores. Certe, inquiunt, cum ad humani generis conservationem & pacem necesse sit observari legem naturæ, necesse quoque est ut sit jus & potestas legitima a Deo ipso legis naturalis auctore derivata quæ illam tueatur; quæ innocentes protegat, & sceleratos coerceat; quæ sublata nulla esset in vita securitas & improbus quisque in bonos sævire impune posset. Jam vero si sit quædam potestas legitima vindicandi & puniendi legis naturalis violationem, in statu naturæ, in quo omnes homines æquales sunt, in unoquoque eam oportet esse exercendam juxta rectam rationem. At huic doctrinæ nullatenus subscribere possumus, quia nedum ex hac auctoritate singulis concessa oriretur utilitas publica; e contrario infinitorum malorum origo esset. Illa quippe potestas non potest recte exerceri nisi ab homine prudente & gnato qui poenam delictis noverit commensurare, qui vacuus ab ira & spiritu vindictæ modum in puniendo non prætergreditur; qui habeat potestatem sufficientem ad exequendam justam sententiam: cumque hæc omnia non habeant privati, nec ipsis præterea commissa sit communis curæ; non est eis tribuenda puniendi auctoritas. Judiciorum ergo necessitas non probat quemque natura esse Magistratum, sed communem aliquem^(a) constituendum esse; ex quo etiam deducitur civilis status necessitas, eiusque conjunctio cum naturali hominis conditione. Omnis ergo poena a Superiore infligenda est: & ea, quæ supra dicta sunt de ipsa defensione, tantummodo valent in libertate naturali, nam in civili statu illa injuria sola a cive intentata vi privata recte propulsatur, quæ damnum minatur irreparabile & alia ratione depelli nequit, aliarum depulsionem damni quæ penationem Magistratui permittere debemus. In eodem statu civili adversus supremam

potestatem, nec vis offensiva, nec defensiva unquam licita est: non enim Christianæ solum Religionis dogma, sed ipsius rationis vox est, illa Apostoli sententia, *qui potestati resistit, Dei ordinationi resistit*.

III. *Tempus inchoandi belli*, seu *Terminus a quo in libertate inchoanda est juris violenta defensio aut vindictio*, est ubi aliter vel denuntiatione vel actione hostili, aliove indicio certo consilium declaraverit nosmetipsos aliosve innocuos lædendi, neque monitus desistat. Neque enim primus ictus est excipiendus, qui lethalis esse potest: neque expectandum donec inferatur injuria, quæ foris reparari non posset, cuiusque illatz penationem infelicis exegeris, quam nondum illatam propulseris. Ex metu tamen solo nullo modo licet. *Quis hoc statuit unquam, ait Cicero, aut cui concedi sine summo omnium periculo potest, ut eum jure potuerit occidere, a quo metuisse se dicat, ne ipse posterius occideretur?*

IV. *Terminus vero ad quem in statu libero recte produciatur bellum* est, donec aggressor aut injuriæ author vel poenitentia permotus, vel vi coactus, a lædendo abstinuerit, omnisque damni a se dati penationem obtulerit: hominem vero occidere nunquam privato licet *nisi cum moderamine, inculpata tutele*. In statu vero civili periculo præterite depulso, non producendum bellum: sed damni pensatio, omnisque in posterum cautio; in judiciis, non hominum insensorum vi, est exigenda; omnisque poena permittenda superiori.

V. In hoc jure belli exercendo jubet justitia, ut quisque majorem societatis utilitatem spectet; & in poenis præsertim infligendis eum modum servet, qui tuendis legibus naturalibus sufficere possit. Nam hæc puniendi potestas non nisi ad legum naturalium defensionem homini concessa est, non ut inhumane & cum iracundia in alio sæviat. (a)

Pro-

(a) Omnis animadversio & castigatio contumelia vacare debet; neque ad ejus qui punit aliquem aut verbis castigat, sed ad reipublicæ utilitatem referri. Cui

Prohibetur igitur jure naturæ omnis vindicta cum ira & crudelitate coniuncta : in qua non tam societatis quaeretur bonum, quam quædam improba & scelerata voluptas. Oportet eos, qui legum naturalium in se suscipiunt defensionem, legum similes esse, quæ ad puniendum, non iracundia, sed æquitate ducuntur. In hac re has servabit leges vir æquus & bonus.

Primo. Existimabit nihil esse laudabilius, nihil magno & præclaro animo dignius placibilitate atque clementia; nihil ad societatis incolumitatem necessarium magis, quam condonare mutuo injurias (b). Poenitentiam igitur sufficientem earum reparationem putabit, si non ficta fuerit & simulata. *Inimicis*, inquit pulchre Seneca, *mitis & facilis, exorabor antequam roger, honestis precibus occurram*.

Secundo. Cum duo sint genera decertandi, unum per disceptationem, alterum per vim: cumque illud proprium sit hominis, hoc belluarum; confugiendum est ad posterius solummodo, ubi uti non licet superiore; itaque sive ad propulsandas injurias, sive in damnum prosequenda reparatione consiliis, adhortationibus, monitis, minis & omni arte utendum est, antequam vis adhibeatur belloque decertetur. *Omnia prius experiri verbis, quam armis sapientem decet*, ut ait Terentius.

Tertio. Quoniam nemini injuriæ suæ parvæ videntur; contra gravius æquo haberi solent, utpote cum regis quisque intra se animum habeat, ut licentiam sibi dari velit in alterum, in senile: modesti & æqui hominis est, non suo semper stare iudicio, sed puro & absoluto compromisso controversiam dirimendam permittere arbitrio unius viri cordati aut plurium nulla necessitudine arctiore contententium alterutri devictorum & qui-

bus nihil lucri accessurum est quoquo modo. *lis dirimatur*: qui cum nulla sua utilitate, neque gratia aut odio, ab æquo & bono abripiantur, quamvis ipsis contententibus neque prudentiores sint, neque æquiores, facilius tamen verā & æqua cernere poterunt.

Arbitrorum iudicio litigantibus standum, nisi doli forte comperta sint indicia; pactum nempe aliquod de lite in alterutrum gratiam dirimenda; aut adeo manifesta arbitri iniquitas, ut dolum plane prodar: levior enim iniquitas si quæ existat, probabili juris specie suffulta, compromissi obligationem neutriquam solvet.

Quod si arbitri neque ex litigantium confessione, syngraphis, aliisve istiusmodi documentis, verum erueri valeant; citandi testes, & jurisjurandi religione astingendi & duo minimum exigendi. Tum quia pro testium numero augeatur fides, tum & etiam quia unus modo malitiosus sit, versutus, animique fidens, narrationem falsam ita callide contexere poterit, ut nulla iudicis, arbitrive solertia adduci possit, ut secum discrepet, dolumque prodar. Duo vero aut plures, de iis omnibus rei judicandæ adjunctis, quæ neminem, qui interfuit, latere solent (qualium ingens iudici solertiori occurrit numerus) seorsim interrogati contraria plura testentur; vel eadem omnia aut recordari aut oblivisci, præ se ferant; manifesta dabunt fraudis, fallaciæ indicia.

VI. Ex superioribus patet condicta privatorum cæramina, quæ *duella* vocantur, ubi provocans & provocatus, se ultro in loco sistunt condicto, extrema omnia invicem inferre parati, nulla satis probabili juris specie, vel inter homines liberos, vel inter cives defendi posse. In libertate, juris nostri defendendi aut prosequendi modum longe commodiorem ostent-

(a) Unde certamina inter homines, unde pugnae, contentionesque nascuntur, nisi quod improbitati opposita impatentia magnas sæpe concitat tempestates? Quod si patientiam, quæ virtute nihil verius, nihil homine dignius inveniri potest, improbitati opposueris, extinguetur, protinus tamquam igni aquam superfuderis. *Last. inst. div. l. 6. c. 18.*

ostendit recta ratio: ut nempe vel arbitris compromisso permittatur litem dirimere, vel ubi hoc alter detrectaverit, ut cum eorum auxiliis, quos nobis causæ nostræ æquitas, aut rei communis cura, socios adjunxerit, bello aperto jus nostrum persequamur. In civitate autem omnis lis magistratuum judicio permittenda est, qui ideo gladium portant, ut innocentes protegant, coercerent nocentes: ad hoc communis concordationis lege adacti sumus. Quod ad opprobria attinet ac verba contumeliosa, & falsa crimina; ea per duellum refellere, & ineptissimum est & sæpe scissimum: quum cæca omnino sit hujus martis alea, & innocenti damno-
sa; & poena semper major quam delictum. Si quis alterius famam falsis læserit criminibus, aut etiam arcana ejus vitia inhumaniter divulgando, nullo hoc exigente officio; in statu libero, qua dignus est, poena ad viri prudentis arbitrium est ei irroganda, qua in re ab humanioribus vicinis auxilia petenda sunt: in statucivili imponenda a magistratu castigatio. Sin autem tanta rectorum civitatum ceperit rei maximæ incuria, ut ad civium famam contra opprobria aut falsa crimina defendendam nullæ sint idoneæ leges, nulla judicia, atque si invaluerit mos, a barbaris & superstitiosis deductus sæculus, ut infamis, novisque semper injuriis dignus habeatur, iisque sit obnoxius, qui propter opprobria quadam & maledicta in se conjecta authorem ad condictum certamen non provocaverit; aut ab altero, qui se læsum putat, provocatus certamen detrectaverit: certaminum ejusmodi erimen in civitatis rectores præcipue est conferendum; quamvis a delicto gravissimo non intempesti sint ipsi qui decerant, cum obviat opifionem, falsamque imaginem fortitudinis se committere periculo mortis cum contemptu omnium legum divinarum & humanarum, & summa plerumque parentum, uxoris, liberorum & totius familiaris calamitate. Unica forte de causa justum esse potest, ab altera saltem parte.

Tom. I.

(a) Ut olim de Peloponneso Hillus & Echemus: De regione ad Inachum Hyperochus & Pheuius: de Elide Pyreema & Etolus & Degmenus Epæus: de Iba Corbis & Orsua. Vide Gr. l. 2. c. 23 p. 19.

certamen susceptum; ubi scilicet hostis publicus potentior, pugilis cujusdam virtute fidens, sedus de pace conditionibus æquis reducenda, ea solum lege, nobiscum inire velit, si hic a nostræ gentis pugile in certamine victus fuerit. Res quidem graviores, quæ solæ bellorum justæ sunt causæ, duelli istiusmodi alex committere dirimendas, sævum est & stolidum: quippe quæ per arbitros melius dirimi poterunt. Si vero hostis potentior in istiusmodi prælii eventum conjicere controverfiam, neque eam leniore ratione dirimere velit; is maxime laudandus, qui ad majorem innocentium stragem præcavendam, patriam suo periculo defendere ea ratione conatur, quæ spem præbet maxime probabilem: (a)

ARTICULUS QUINTUS.

De jure extraordinario ex necessitate, de jure omnium communi & de juris interitu.

I. OFFICIA fere omnia sensu proxime cuique monstrari & commendari; sæpius jam dictum: inter varias item honesti species, naturalem esse ordinem: aliasque quamvis per se pulchras, aliis pulchrioribus & ad communem utilitatem momentum majus afferentibus, in contentione cedere: honestique præcipue venustatem in iis animi affectionibus & consiliis, quæ maximæ omnium utilitati inserviunt, elucere. Hinc efficiuntur omnia privatorum jura, omnesque leges speciales majori plurium utilitati aut omnium communi poshabendas. Quamvis igitur rationis recte dictata, leges speciales appellata, quæque libero quovis tempore migrare turpissimum, officia viro bono fere semper digna jubeant; tempore tamen mutato, nonnunquam commutatur officium; easque quidam rariores, in ipsius legibus excepti intelliguntur. Non igitur premente necessitate violandæ sunt leges naturales, aut iniqua & improba faciendæ: immo qui exceptione utitur le-

Oo

giti-

gitima, sibi que concessa, aut qui legi pareat sanctiori quæ minus sanctæ aliquid derogat, is eo ipso legi pareat. Legum autem socialium ea sanctissima, quæ singulorum aut pauciorum saluti, & utilitati omnium communem anteposit.

Quoniam vero hominis cuiusque probi sensus, legum specialium vim & maiestatem conservandam moneat, ab iis levi de causa minime discedendum, neque levis est necessitas quæ iis quicquam derogare putanda est. Non solum igitur, quæ incommoda ex iis servatis continuo sequerentur, quæque commoda præsentia ab iisdem deflectere suadeant, cautiissime circumspiciendum; verum præcipue sintne quædam incommoda graviora ex ea in causis similibus licentia omnibus permissa, in posterum metuenda. Ponamus exempli gratia, aliquid quod latius pateat: quoniam tanta sit fidei & veritatis, sive in sermone sive in commerciis, rebusque contractis, religiose observatæ utilitas; & tanta pariter, ex conservato domini jure, liberaque rerum suarum possessione & administratione cuique permissa, oriatur vitæ securitas & mutua fiducia; oportet gravissimæ sint causæ, ingentia mala avertenda, quæ iustitiæ regulis hinc quicquam derogabunt. Neque ad causas leviores extendi debet necessitatis favor: etenim prospicienda etiam graviora longe incommoda quamvis remota, quæ ex earum legum auctoritate de causa quamvis leviori imminuta, sunt tandem nascitura. Excipiendi igitur casus tantum gravissimi, ubi mala his omnibus incommodis graviora sunt avertenda; quibus casibus, qui leviores & magis constrictos annumeraret, improbus plane sit oportet & sceleratus.

At plurimas habet lubrica hæc doctrina cautiones. Primo. In legibus duabus primariis de Deo colendo, & communi omnium utilitate promovenda, nullæ sunt exceptiones. Immo quæ in legibus specialibus valent exceptiones, in hac altera generali fundantur. Secundo. Quo honestius est cuiusque ingenium, eo minus ad exceptiones in leviori quamvis causa sua admittendas, aut necessitatis veniam sibi arrogandam, erit proclivis. Tertio.

Omnium quæ ex juris huiusmodi insoliti usu sive consecutione naturali, sive ex hominum pravitate & temeritate nascuntur, ratio habenda: non tamen ut hominibus denegentur omnia jura, quorum speciem fallacem opponit improbi: verum hæc ipsa mala, ab hominum improbitate metuenda, ad calculos sunt vocanda: causisque tantum gravissimis exceptiones dandæ. Quarto. Quo sanctior, vitæque hominum utilior est lex, eo graviores oportet esse causas, ob quas danda exceptio. Quinto. Causæ, quæ ex aliorum utilitate aut omnium communi petuntur, iis quas quisquam ex sua aut suorum utilitate petit, longe sunt honestiores. De sua utilitate suoque jure aliquid remittere viro bono sæpe licet, sæpe honestum est: communem vero utilitatem deserere non licet. Sexto. Nulla necessitas tanta est, ut cuius mala sibi imminuentia, in alios immeritis coniciere, iisve avertendis alios paribus aut gravioribus malis implicare liceat: huic enim adversatur utilitas communis. Septimo. Quæcumque damna, ad mala graviora nobis nostrisque avertenda, in alios non consentientes conicimus, ea omnia præstare sanctissime tenemur. Hæc generalia hoc loco de necessitatis favore specialibus casibus facile applicabuntur.

II. Ex communi hominum cognitione & caritate jura quædam communia nascuntur, quæ non unius aut paucorum, sed omnium communi utilitati inserviunt: hæc igitur occasione data, cuique tuenda sunt & persequenda. Ante jus publici explicationem hæc ideo exponenda, quod hæc in libertate ante civitates constitutas æque vigeant. Eorum pauca ponemus exempla, quæ latius pateant. Primo. Cuique occasione oblata totique adeo humano generi, jus est prohibendi ne quisquam sine iusta causa vitæ excedens officia humano generi ejusque parti cuius debita defugiat. Prohibendum igitur, ne quis se ipse interimat; aut corpus mutilando vitæ muneribus ineptum reddat. Secundo. Jus omnium commune est, perniciosos pessimique exempli mores coercendi, quamvis nemo quisquam præ aliis iis lædatur.

Re-

Reprimenda ergo atheistica impietas, coercenda venus naturæ repugnans & nefanda; partium etiam abactiones atque omnes humano generi inimicæ. Laudantur Inche in Peruana Reges, qui vi coegerunt vicinos populos abstinere ab incestis, a nefandis contra naturam conjunctionibus, a comestione hominum & aliis ejusmodi perversis moribus. Tertio. Impediendum item, ne quis res suas, quæ vitæ hominum plurimum prodesse, maligno perdat animo aut inutiles perire servat. (a) Quarto. Omnibus & singulis jus est, injuriam alii cuius inferendam propulsandi, at locus rectoribus permiffa est potestas in eos, qui injuriam intendant, poenas irrogandi, quarum terrore isti cæteri que omnes ad injurias tardiores reddantur. Quinto. Hominum toti communitati jus est prohibendi; ne qui arcanum aliquod hominibus salutare invenerit, ejus notitiam secum inierire sinat; eumque vel poena propofita cogendi; ut æquis legibus id cum aliis communicet, cunctisque quibus sit opus ejusdem usum impertiat. Sexto. Jus est commune omnium non tantum rebus communibus communiter utendi, sed & aliorum propriis, cum sine illorum incommodo id fieri possit: ideo Seneca beneficium negat dici posse ignis accendi potestatem. Sic flumen, qua aqua profluens vocatur, omnibus patet, ut aqua hauriri possit. Sic & terræ & flumina & si qua pars maris in proprietatem familie aut populi alicujus venit, patere debent his, qui transitu opus habent ad justas causas, quosque ad inferendam injuriam voluntatem non habere constat, etiam cum mercibus suis. Morari quoque aliquantisper prætervehentibus & prætereuntibus, valetudinis, aut alia justa causa, unde nullum oritur in solis periculum, licere debet: nam est & hoc inter utilitates innoxias. Cui & hoc consequens est, ut turgurum momentaneum ponere liceat, puta in littore licet occupato. Sed & perpetua habitatio his, qui sedibus suis expulsi receptum quæ-

runt, deneganda non est; dum & imperium, quod constitutum est, subeant. Sed & si quid intra territorium populi est deserti ac sterilis soli, id quoque advenis postulantibus est concedendum.

III. Tribus modis intereunt jura & tolluntur obligationes, quæ illis respondent: *solutione*, illius quod debebatur; *cessione* in debitoris gratiam, idque vel gratis, vel ex causa onerosa; & *conditionis defectu*.

Recte solvit vel ipse debitor, vel alius quilibet ipsius mandato, ipsiusve nomine, ita ut ipsius manifeste interfit, dum loco, tempore & modo constituto fiat. Ubi quidem debitoris non interit, creditor alteri cuiquam, forte inhumano, solvere volenti, actionem suam adversus debitorem cedere non tenetur. Hæc tenenda, ubi vel res certa, vel pecunia numeranda, vel opera quævis vulgaris debebatur: quippe in quibus creditoris haud interest, qui solvat. In iis autem que honoris gratia præstantur, aut in quibus ingenii & artis elegantia spectatur, secus res habet. In rebus item fungibilibus, iisve quarum pretia ad certam rei iustissimi mensuram rediguntur, si quidem utriusque solutionis dies adest aut præterit, *compensatio* admittenda, ubi ad æqualem summam duo sibi mutuo creditores sunt: immo pro concurrentis summæ ratione ex majore deducendum; ut tantum id quod reliquum est deberi censeatur.

Ad *cessiones* pertinent *transactiones* omnes & obligationes quibus lites tolluntur: *delegationes* item, ubi viæ sua debitor alium stat reum creditori consentienti, aut cui is jussit; *condonationes* etiam expressæ vel tacitæ; *acceptilationes* itidem; *disensusve* mutui.

Ob *conditionis defectum* tollitur obligatio alterius partis perfidia; si modo perfidum irritum fieri malet a lera, quam perfidum cogere ut promissis maneat. *Mutato* item *statu*, quæ in eo fundata erat obligatio tollitur. *Tempore* dein *exacto* dissolvuntur obligationes ad certum temporis terminum

Co. 2. con-

(a) Nam neque alimenta nobis fas est perdere, ubi ipsi plus satis habemus; neque fontem, postquam inde quantum libet potaverimus, obturare aut occultare, neque signa navigationis aut itineris abolere, quæ nobis usus fuerint. Plut. Sympol. 7.

constitutæ. Morte denique solvuntur obligationes quæ certos quosdam homines aut personas solum respicientes, neque ad hæredes erant transmittendæ, neque adversus eosdem valituræ. De quibus omnibus ex rei natura aut ipso contractu facile constabit. Vide *Puff. l. 5. c. 11.*

Hactenus de juribus perfectis & justitiæ officii.

ARTICULUS SEXTUS.

De juribus imperfectis & caritatis officii.

I. PRÆTER hæc jura perfecta hactenus explicata, alia sunt quæ imperfecta dicuntur ut supra notatum est, quæ etsi posita sint in humanitate & multum faciant ad juvandam hominum inter se conjunctionem; tamen sunt ejusmodi ut graviora sequerentur incommoda, nisi cujusque pudori & honestati ea permitterantur observanda aut negligenda: in iis cuique religiose præstandis, elucet illæ bonorum virtutes, quibus præcipue laus & gloria comparantur. Inter hæc jura ista præcipua sunt. Primo. Cuique jus est exigendi ea ab aliis officia, quæ accipienti profunt, danti vero neque sunt molesta nec damnosa. Secundo. Est & cuivis innocuo jus ad humaniora ea officia, quæ ipsi multo magis sunt profutura, quam præstantem gravatura: quæ causa præcipue est calamitosi cujusque. Tertio. Honestioribus jus est ad aliorum officia majora, ad suffragi præsertim, quibus ad honores altiores promoveantur. Quarto. Jus est etiam cuique, non suo merito infami, ut legibus æquis in societates aut civiles, aut religiosas, ad vitam commodiorem aut magis piam degendam, recipiatur. Quinto. Jus est denique cuique innocuo, ut humanis & benignis pariter cum paribus, excipiat officii, atque cum imparibus ratione dignitatis.

Inter jura omnia perfecta & imperfecta limites non semper facile definiuntur. Sansim enim & per innumeros gradus, ascendimus a levissimo quoque ju-

re imperfecto per graviora & sanctiora; ad ea quæ a perfectis vix secerni possunt; prout variz sunt hominum necessitudines & merita, & dignitates, quibus innituntur jura imperfecta: debentur v. g. viro cuivis innocenti, licet alienigenæ, quædam humanitatis officia; quæ sanctiore jure postularet civis, aut vicinus; multo sanctiore propinqui, amici, fratres, parentes; hæc tamen omnia censentur jura imperfecta.

II. Cum manifestissimum sit, homines non esse sibi ipsis solum natos; sed multiplici & claro indicio significaverit natura se velle ut homines hominibus etiam prodesse velint, & ad hunc finem inleverit caritates & propensiones varias pro diversis hominum conjunctionibus & necessitudinibus; sine dubio in hoc debemus naturam ducem sequi & communes utilitates in medium asferre: mutatione officiorum humaniorum, dando, accipiendo; tum artibus, tum opera, tum facultatibus devincira hominum inter homines societatem. *Quantulum est ei nocere, cui debeas prodesse. Sen. Ep. 94.*

Charitas ergo est benignus erga proximum affectus, quo ex humanitatis intuitu inclinamur ad bonum proximi, quantum in nobis est, prosequendum, malumque ab eo averendum. Nobilissimum, ut patet, ejus obiectum est universa humana gens, proximum patria, deinde familia, in familia vero ii quos arctioribus vinculis nobis conjunxit natura & insitæ affectibus reddidit cariores. Hæc omnibus caritatibus nunquam contraria est; neque illis omnino cedit amicitia: quo nomine non donamus quamvis benevolentiam recipiam ex communis quæstus studio, vel utilitatem conjunctione (a), vel convictus familiaritate ortam, quæ inter malos vigere potest, & pestifera sæpius est humanæ societati: sed intelligimus ædum, stabilem & gratuitum animorum bonis moribus & honestate simulum, mutua cum caritate, conjunctionem. Hæc non rogat turpia neque rogata facit, posita in virtute ejus.

(a) Hanc si ad fructum nostrum referamus, non ad illius commoda quem diligimus, non erit ista amicitia, sed mercatura quædam utilitatum suarum: præta & arva & pecudum greges diliguntur isto modo, quod fructus ex iis capiuntur, hominum caritas & amicitia gratuita est. *Gr. de Val. l. 3. p. 537.*

ejus recipit constantiam & immobilitatem (a) Omnium rerum quas ad beate vivendum natura paravit, nihil est amicitia majus, nihil uberius, nihil jucundius: quid enim suavius, quam diligi & eam esse sapientiae & virtutis studiosis, idque virtutis gratia? Quid utilius, quam habere amicum optima quaeque nobis cupientem; commoda nostra omnia studiose promoven-tem; in prosperis sua laetitia nostrum gaudium augentem, in adversis mala nostra partiendo levantem (b); cum sui periculo res nostras procurantem; consilium, opem, praesidium afferentem; in secretis taciturnum; in verbis fidum & candidum; ubi erramus fidelem monitorem, & benevolum objurgatorem; in omnibus denique inceptis adiutorem strenuum, in propellendis omnibus malis diligentem socium & vigilem excubito-rem?

Caritas omnis duobus continetur, humanitate ad quam referuntur omnes virtutes quae pertinent ad mansuetudinem morum; & beneficentia, quae in aliis opera & opibus juvandi posita est.

I. Caritatis ergo primum munus est benignum gerere adversus alios animum; illi-umque voce, gestu, actione testari. Quo praecepto plura continentur. Primo. Praeceptum in fronte & in gestu modestia, qua significemus vereri nos alios homines, eosque nobis pares & aequales existimare. Vetatur omnis superbia, fastidium, arrogantia. Nec solum infimos homines decet illa virtus, sed quanto superior sit aliquis, tanto se gerere debet summissius; major tamen aut minor esse debet reverentia adversum alios, pro eorum majori aut minori dignitate. Cavendum tamen in aetate matura a nimia verecundia, quae hominem ab honestis officiis saepe cohibet. Secundo. Jubetur in convictu gravitas, quae elueat in sermone & moribus; quam tenemus si non inconsiderate, non leviter doquamur, & aequaliter vitaverimus in vita civili hinc nimiam austeritatem & severitatem, illinc inconstantiam &

mobilitatem. Tertio. Praecipitur comitas affabilisque sermonis, quae maxime conciliat animos, nos suaves, jucundosque aliis efficiendo. Hanc assequemur, si caute fugiamus difficilem morositatem & turpem assentationem. Quarto. Commendatur urbanitas & facetiae, quae inconcinnam agrestemque rixantium asperitatem & petulantem scurrilitatem ad obsecros aut iliberales descendentes jocos dividit. Uno verbo hoc praecepto continentur omnes virtutes homilitatis seu civiles, quae sunt per se decorae aut humanae societatis conciliatrices.

2. Caritatis alterum munus est, ut quantum possimus alios adjuvemus nostrae opera aut opum collatione. Quo praecepto,

Primo. Praecipitur ut quantum possimus alios omnes devincire beneficiis & liberalitate studeamus; & in referenda pro beneficiis acceptis gratia summam adhibeamus curam & diligentiam. Profecto ita nos formavit natura, ut nihil honestius, nihil gloriosius, nihil putemus beneficentia excelsius; & nullum certe officium, referenda gratia magis est necessarium: hoc enim alterum proxime accedit ad iustitiam. Quas vero leges in dandis & reddendis beneficiis sequi oporteat docebit Cicero, cujus est pulcherrimus locus de liberalitate l. 1. de officiis.

Videndum est primum ne obstit benignitas & iis ipsis quibus benigne videbitur fieri & ceteris: nam qui gratificatur cupiam, quod obstit illi cui prodesse velle videantur, non benefici neque liberales, sed perniciosi assentatores iudicandi sunt: & qui aliis nocent, ut in alios liberales sint, in eadem sunt injuria, ut si in suam rem aliena convertant.

Cavendum ne benignitas major sit quam facultates: quod qui benigniores volunt esse quam res paritur, primum in eo peccant, quod injuriosi sunt in proximos: quas enim copias his & suppeditari aequius est & relinquere, eas transfe-

runt

(a) Idem velle & idem nolle, ea demum est firma amicitia. Sallustius.
(b) Secundas res splendiores facit amicitia, & adversas patiens, communicatioque, leviores; nec debilitari animos aut cadere patiuntur. Cic. de amic. Vide Simplicii comm. in Epict. c. 37.

runt ad alienos. Inest autem in tali liberalitate cupiditas plerumque rapiendi & auferendi per injuriam ut ad largiendum suppetant copiae. Videre etiam licet plebrosque, non tam natura liberales, quam quadam gloria ductos, ut benefici videantur facere multa, quae liberalitas ab ostentatione magis profiscitur, quam a voluntate.

In beneficentia delectus esse debet dignitatis: in quo & mores ejus erunt spectandi, in quem beneficium conferetur, & animus erga nos, & communitas ac societas vitae, & ad nostras utilitates officia ante collata. Quae ut concurrant omnia, optabile est: sin minus, plures causae majorisque ponderis plus habebunt. Mores eorum in quos benefici esse volumus, spectare oportet, & ita unusquisque colendus maxime, ut quisque maxime virtutibus his lenioribus erit ornatus, modestia, temperantia, justitia, quae virum bonum videntur maxime attingere. De benevolentia autem quam quisque habeat erga nos primum illud est in officio, ut ei plurimum tribuamus, a quo plurimum diligimur: sed benevolentiam non adolescentulorum more, ardore quodam amoris, sed stabilitate potius & constantia judicamus. Sin erunt merita, ut non incunda, sed referenda sit gratia; major quaedam cura adhibenda est. Quod si ea quae utenda acceperis, majore mensura, si modo possis, jubet reddere Hesiodus: quidnam beneficio provocati facere debemus? An imitari agros fertiles, qui multo plus afferunt, quam acceperunt? Etenim si in eos, quos speramus nobis profuturos, non dubitamus officia conferre; quales in eos esse debemus, qui jam profuerunt? acceptorum beneficiorum sunt delectus habendi; nec dubium quin maximo cuique plurimum debeat: in quo tamen imprimis, quo quisque animo, studio, benevolentia fecerit, ponderandum est. Sed in collocando beneficio & in referenda gratia, si cetera sint paria, hoc maxime officii est, ut quisque maxime opis indigeat ita ei potissimum opipulari: quod contra sit a plerisque; a quo enim plurimum sperant, etiam-

si ille his non eget, tamen ei potissimum inserviunt. Optime autem societas hominum conjunctioque servabitur, si ut quisque erit conjunctissimus; ita in eum benignitatis plurimum conferetur. Gradus autem plures sunt societatis hominum: propior est ejusdem gentis, nationis, linguae; interius etiam est, ejusdem esse civitatis: multa enim sunt civibus inter se communia, forum, fana, porticus, viae, leges, jura, judicia, suffragia, consuetudines, praeterea & familiaritates, multaque cum multis res rationeque contractae. Arctior vero colligatio propinquorum, inter quos prima societas in ipso conjugio est, proxima in liberis: sequuntur fratrum conjunctiones; post consobrinorum, sobrinorumque; qui cum una domo jam capi non possint, in alias domos tanquam in colonias exeunt. Sequuntur connubia & affinitates, ex quibus etiam plures propinqui, quae propagatio & soboles origo est rerum publicarum: sanguinis conjunctio devincit homines & caritate; magnum est enim eadem habere monumenta majorum, iisdem uti sacris, sepulchra habere communia. Sed omnium societatum nulla praestantior, nulla firmiter, quam cum viri boni, moribus similes, sunt familiaritate conjuncti: magna etiam illa communitas est, quae conficitur ex beneficiis ultro citroque datis & acceptis, quae & mutua & grata dum sunt, inter quos ea sunt, firma devinciuntur societate. Sed cum omnia ratione animoque lustraris, omnium societatum nulla est gravior, nulla carior quam ea, quae cum patria est unicuique nostrum: cari sunt parentes; cari liberi, propinqui, familiares: omnes omnium caritates patria una complexa est, pro qua quis bonus dubitet mortem optetere, si ei sit profuturus? Igitur si contentio quaedam & comparatio fiat, quibus plurimum tribuendum officii, principes sint patria & parentes, quorum beneficiis maximis obligati sumus; proximi liberi, totaque domus, quae spectat in nos solos, neque aliud ullum potest habere perflugium; deinceps bene convenientes propinqui, quibuscum etiam communi s.

munis plerumque fortuna est, quamobrem necessaria vite prædicia debentur iis maxime quos ante dixi. Vita autem victusque communis, consilia, sermones, cohortationes, consolationes, interdum etiam oburgationes in amicitia vigent maxime; sed in his omnibus officiis tribuendis videndum erit quid cuique maxime necesse sit, & quid quæque nobiscum, vel sine nobis, aut possit consequi aut non possit. Ita non iidem erunt necessitudinum gradus, qui temporum, suntque officia quæ aliis magis, quam aliis debeantur; ut vicinum citius adjuveris in fructibus percipiendis, quam aut fratrem aut familiarem. At si lis in iudicio sit, propinquum potius & amicum, quam vicinum defenderis.

2. Beneficentiæ alia pars est clementia, quæ virtus est ad penas remittendas vel moderandas ex commiserationis affectu movens, aut humanitatis causa. In condonatione vero penæ hæc spectanda præsertim. Primo: Delicti, omnibus expensis circumstantiis, gravitas. Secundo. Spectandum an ex imprudentia & imbecillitate quadam hominibus familiari peccatum sit. Hæc autem ex ætatis, iudicii, virium, irritamentorum, metulæ ratione æstimanda sunt. Tertio. Spectanda ante acta vita, si rarius peccarunt. Quarto. Ratio habenda est poenitentiae, dolorisque factum consequentis. Nam clementia non est facilitas & benignitas quidvis ignave ferens.

3. Tandem pars beneficentiæ misericordia est quæ miseris succurrit dando esurienti panem, sitienti potum, nudo vestimentum, peregrinanti hospitium, fugienti latibulum, aegroto vel incluso visitationem, captivo redemptionem, debili subvectionem, caeco deductionem, tristi consolationem, non sano medicinam, erranti viam, deliberanti consilium, & quod cuique necessarium est indigenti. *Aug. Enchir. c. 72.*

Hæc omnia officia præstanda sunt non tantum civibus, sed extraneis: ut ait Cicerro, qui enim dicunt civium rationem habendam esse, & exterorum negant, divimunt communem gentis humani societatem. Inimicis quoque: qui ad rationis recte normam progredienti tibi obsistunt, si-

cut a recte agendo avertere se nequeunt, ita nec benevolam erga illos affectum excutiant tibi. Sed ad utrumque horum teneas, te ut & in iudicio actioneque constanti persistas, & in mansuetudine erga illos qui vel impedire te conantur vel alio modo quopiam molesti tibi sunt. Etenim tam hoc imbecillis est animi, succensere istis, quam ab actione desistere & conslernatum succumbere. Uterque enim ex aquo stationis deserta reus est, & qui periculus & qui natura cognatum sibi atque amicum fueris aversatus... contemnitis me quisquam? ipse viderit: ego mihi cavebo, ne, quid contemptu dignum vel egisse vel dixisse deprehendar. Odit me quisquam? ipse viderit. At ego mitis esse ac benevolus cuique pergam; & huic etiam ipsi, errorem ostendere promptus; neque id contumeliose neque ut qui patientiam ostendere cupiam; sed ingenuè, benigne. *M. Anton.*

CAPUT SECUNDUM.

De Officiis mutuis eorum qui Familiam constituunt.

seu

Jurisprudentia Domestica.

DOMUS est plurium ad vitam victumque communem societas. Juxta hanc latissimam domus definitionem, triplex est domesticæ societatis genus. Prima societas in ipso conjugio est, cujus est vinculum omnium ætissimum. Proxima in cognatione, qua continentur primum liberi, deinde fratres, sobriini, cæterique consanguinei, interior quoque est hæc sanguinis conjunctio. Tertia societas domestica existit inter herum & famulos, inter Dominum & servos: quæ societas a quibuscumque ad civitatem potius quam ad domum revocanda videtur.

De conjugio & conjugum officiis.

Quamvis conjugium (quod & nuptia, connubium, matrimonium dicitur) inter status adventitios, qui ex facto hominis nascuntur, recensetur, tamen multiplici sensu naturalis status est. Positum quip-

quippe est in affectibus maxime naturalibus; est ad conseruationem humani generis necessarium; cum ipsa humana specie natum est.

Satis etiam declarat natura coniugii finem esse tum generis humani propagationem, tum mutuum nubentis & nuptæ felicitatem stabilem & indiuiduam. Nam 1. insita illa omnibus animantibus procreandi libido & conjunctionis appetitus, ad generis humani conseruationem manifestissime fuit ab auctore naturæ destinata; qui ideo cum ea conjunctionem esse voluit voluptatem, ne homines solitudine partus & curis domesticis a procreatione deterrentur. 2. Non minus perspicuum est virum & feminam ad indiuiduam esse factos societatem: ita comparata est a natura utriusque coniugis indoles, ut ad communem vitam facti plane videantur: ad diuersa quippe munera nati sunt; ex una parte homo viribus excellens multis rebus ad vitam necessariis

parandis idoneus est, quibus femina minus esset apta: & ex altera parte multa quoque sunt in vita domestica, quæ leuiorem & diligentiorum mulieris manuum requirunt (a). Præterea longa proles infantia, & diuturnior institutio postulat ut inter parentes indiuidua & amica sit societas. Tandem præter impetum libidinis qui nobis est cum belluis communis, miros inseruit natura maribus & feminis amores, quos accendit virtutum in moribus atque in ipsa forma significatio: monstrant hi amores non aliter sobolem humanam esse propagandam, quam a parentibus fida & constanti amicitia & firmo etiam de continua vitæ consuetudine & communis sobolis cura, fœdere conjunctionis: omnis enim fida amicitia perpetuitatem expetit; quæque a certo temporis termino pendet, aut ab eventis quæ coniuges fidelissimi nequeunt præstare, nulla est.

Hinc coniugium definiri potest *foedus inter*

(a) Maritale coniugium sic comparatum est natura, ut non solum iucundissima, verum etiam utilissima, vitæ societas iniretur, & ne genus humanum generis longiuitate occideret. Propter hoc mas cum femina est conjunctus. Deinde ut ex hac eadem societate mortalibus adiutoria senectutis, nec minus propugnacula præpararentur. Tum etiam, cum victus & cultus humanus non, ut feris, in propatulo, ac siluestribus locis, sed domi sub tecto accurandus esset, necessarium fuit alterutrum foris sub dio esse, qui labore & industria compararet: intus, qui tectis tēderet atque custodiret. Si quidem vel rusticari, vel navigare, vel etiam alio genere negotiari necesse erat, ut aliquas facultates acquireremus. Cum vero paratæ res sub tectum essent congestæ, alium esse oportuit, qui & illas custodiret, & cætera conficeret opera, quæ domi deberent administrari. Nam ut fruges & cætera terrestria indigebant tecto, & ovium cæterarumque pecudum fetus atque fructus clauo custodiendi erant; nec minus reliqua utensilia, quibus aut aliter humanum genus, aut etiam excolitur. Quare cum & operam & diligentiam, ea quæ proposuimus desiderarent, nec exigua cura foris acquirerentur, quæ domi custodiri oportere: jure, ut dixi, a natura comparata est opera mulieris ad domesticam diligentiam, viri autem ad exercitationem forensem & extraneam. Itaque viro calores & frigora sunt perpetienda; tum etiam itinera, & labores pacis ac belli, id est, rusticationis & militarium stipendiorum, distribuit: mulieris deinceps, quod omnibus his rebus fecerit inhabilem, domestica negotia curanda tradidit. Et quoniam hunc sexum custodiæ & diligentiae assignauerat, idcirco timidiorem reddidit, quam virilem. Nam metus plurimum confert ad diligentiam custodiendi. Quod autem necesse erat foris & in aperto victum querentibus nonnunquam iniuriam propulare, idcirco virum quam mulierem fecit audaciorem. Quia vero partus opibus æque fuit opus memoria & diligentia: non minorem feminae, quam viro, earum rerum tribuit possessionem. Tum etiam quod simplex natura non omnes res commodas amplecti volebat, idcirco alterum alterius indigere voluit, quoniam quod alteri deest, præsto plerumque est alteri. *Cic. fragm.*

inter matrem & faminam de individuo vitæ consortio & sobole suscipienda educandaque ortum. Adeo sequitur,

1. Non solum omnes cum bellis & maribus coitus esse nefandos; sed concubitus vagos seu fornicationes esse quoque naturæ lege prohibitas; cum illæ conjunctiones adversentur utrique conjugii fini, neque fiant ad generis humani propagationem, neque ad stabilem & individuum utriusque conjugis felicitatem, sed ad turpem fluxamque voluptatem. Concubitus vagi si permitterentur, juniorum & animi & corpora perderentur, soboles incerta omnique patrum cura destituta propagaretur; matresque incautæ ab omni honesta vitæ conditione exclusæ ad infamiam, ad inediam, ad omnia flagitia projicerentur.

Consequenter graviter reprehendendus Plato, qui in republicam, cuius sibi finxit imaginem, introduci volebat uxorum communitatem & civitatem perpetuo refici per prolem neutri parentum agnoscendam. *Si omnes omnium fuerint, ait Læstantius, & mariti, & patres, & uxores, & liberi, quæ ista confusio generis humani est? Quis aut vir mulierem, aut virum mulier diligit, nisi habitaverint semper una? Nisi devota mens & servata invicem fides individuum feceris caritatem?* Nullæ etiam leges, nulli mores eam vim habere possunt, ut in parentibus de sua sobole incertis, omnique parentali amore vacuis, idoneam communis sobolis curam excitent. Quod etiam si fieri posset, gravatissime tamen ab iis præstarentur hæc officia in sobolem incertam, dum eadem naturalis amor efficit levitas & jucunda. Præterea confusa & incognita sobole tollitur maximum omnis industriae & diligentiae invicementum.

2. Sequitur juri naturæ repugnare polygamiæ. Fœminis primum plures maritus prorsus negat natura. Abhorret etiam a ratione conjugii, ut vir unus plures simul habeat uxores. Nam ista Polygamiæ tollit inter conjuges æqualitatem, & ex ea proficuum unius partis felicitatem: quod iniquum est. Unde tollit è conjugio amicitiam: per id dimes varias caritas vim dispersa torpescit, neque amor est.

Tom. I.

se in conjugem potest nisi erga redamantem. 3. Contentiones fovet perpetuas, fœminas injuriosius tractatas adulteriis obicit. *Nunquam, inquit Euripides in Andromache, geminos lætos laudabo mortalium, neque liberos qui habent diversas matres, litem adium & tristes dolores.* 4. Sobolem quibuldam submittit nimis numerosam & ideo negligentius educandam, nulla in parentem dissolutum pietate imbutam. Quin etiam cum mares fœminis numero pares conservet Dei providentia; si viris plures simul habere uxores liceret, plurimi a conjugio & sobole suscipienda excluderentur, cum societatis maximo detrimento.

3. Sequitur perpetuum & stabile esse oportere conjugium, sola morte solvendum. Tum quia liberi, qui ex conjugio nascuntur, colligant parentes nodo indissolubili; habet enim uterque parens eandem & quasi individuum cum prole necessitudinem, quam necesse est mutari subblata parentum societate. Diuturna quoque sobolis educatio utrique parenti natura commendata est. Tum etiam quia ubi duo in commune se suæque omnia conjecere in perpetuum societatem, servanda semper communitas, neque alteri licet illam dissolvere. Inhumanum est & iniquum, conjugem repudiare amantem & fidelem, propter causas cum nulla turpitudine conjunctas, sterilitatem nempe aut infirmam valetudinem: aut propter casum tristem a nemine mortalium præstandum, & repudiandæ pariter descendum; liberorum scilicet communium interitum.

4. Sequitur inter maritum & uxorem omnia oportere esse communia, ac unicam esse duorum conjugum quasi personam; proutque huic conjunctioni cedere omnem aliam societatem. [Ob levis tamen differentiam imperium non prorsus est commune, sed maritus uxoris caput est, nempe in rebus conjugii & in rebus familiaris: nam uxor pars fit familiaris maritalis. Id tamen imperium tale est, quod possit compati cum amore conjugali, qui conjugibus æquam imgerat vitæ communitatem. Ideo de do-

P p mi-

micilio constituere jus est marito: si quid vero ultra juris maritis conceditur: ut lege hebræa jus rescindendi quævis vota uxoris & apud populos nonnullos jus vendendi bona uxoria: non a natura est, sed ab instituto.

5. Sequitur debere conjuges servare mutuo præstitam fidem & omnia vicissim vitæ beatæ auxilia suppeditare, ac intendere semper omni ope mutuam caritatem. Fœmina ergo imprimis viro castum servet cubile: cum insuper nihil sit magis nefarium aut injuriosum, quam factum viro supponere adulterinum, bonorum hæredem; & amorem veræ tantum soboli debitum dolose intervertere. Parem etiam vir uxori servet fidem: iniquissimum enim foret, ut uxoris amores conjugales & curæ omnes, una cum dote, uni viro ejusque soboli devoveantur, quum interea viri amores uxori primæ ejusque soboli debiti, a nova quavis uxore vel pellice, earumque sobole interversi, cum re etiam familiari, dispersantur. Prospectat uterque, voluntatum & studiorum conjunctione, familiæ communis prosperitati.

6. Ex supradictis patet non esse contrahendum temere & leviter matrimonium; sed a conjugio temperandum, nisi spes ferme certa affluerit concordie, fidelitatis & felicitatis. At sunt causæ, non tantum avocantes a matrimonio, verum illud omnino impediennes: aliæ sunt naturales, aliæ morales.

Naturales sunt. 1. Infirmitas seu defectus corporis ad conjugii munia inhabilis: morbi etiam sæviores & insanabiles amicæ vitæ societati, aut sobolis vitalis procreationi repugnantes; quales sunt fatuitas perpetua, lepra, alique ejusmodi. 2. Ætas alterutrius immatura, ubi non adest obligationi constituendæ necessarius rationis usus. Morales vero sunt, contractus prior & sanguinis ætior conjunctio. Ad quem ulque gradum nuptias impediatur ætior sanguinis nexus, difficile definitur. Inter parentes & liberos, atque in linea recta inter ascendentes & descendentes in infinitum, nuptias omnino prohibere videtur lex naturalis, non

solum ob ætatum discrimen insignæ, verum multo magis quod amor & consuetudo conjugalitatis ei adverteretur erga parentes venerationi, quam liberis inseruit ipsa natura & educatio confirmavit. Nuptias consanguineorum in linea transversa, in primo solummodo gradu prohiberi lege naturæ, id est, inter fratres & sorores communis est sententia. Quia vero apud plurimas gentes legis Judaicæ ignitas hæc inter fratres & sorores, aliosque magis proximos cognatos & affines, conjunctiones impuræ & nefariæ habebantur; credibile est, quod etiam docent Hebræi, eas in prima mundi ætate, lege aliqua positiva, fuisse a Deo vetitas. Ea autem lex hæc spectasse videtur. 1. Ut familiæ gentesque plurimæ ea devinciantur caritate & benevolentia, quæ ex affinitate & sanguinis conjunctione oriri solet. 2. Ne quarundam personarum, ut fratris & sororis, viri & sororis uxoris suæ, mulieris & fratris mariti sui, convictus nimis quotidianus atque inobservatus stupris & adulteriis occasionem daret, si amores tales nuptiis possent conglutinari. 3. Aliis quoque sobolis nascituræ commoditatibus nobis ignotis fortasse prospexit Deus, dum gentes varias conjugitiis inter se misceri iussit.

De parentum & liberorum juriis,

& officiis.

Quum in prima infantia infirma valde sit hominum soboles, se conservare necesse, aliorumque continua egens tutela, hoc onus parentibus aperte imposuit natura, ut liberos suos tollerent, lactarent, tegerent, educarent. Deinde in pueritia & adolescentia, cum nondum affectu est ratio maturitatem, & incerti sunt juvenes quo fata ferant, ubi sistere detur, si sibi permitterentur in ea mala plerumque irent præcipites, quæ vitam redderent inutilem, trilem & ærumnosam; protrahenda est hæc cura, & parentibus tributa est authoritas ad filios illis moribus atque artibus, quarum in vita est usus, erudiendos. Atque ad hæc naturalia officia vividissima pelluntur parentes in liberos pietate, quam qui exiit, homo numerari nequaquam potest.

Sunt

Sunt ergo parentalis autoritatis fundamenta consilii in liberis immaturis inopia, quique parentibus alte infixus est amor gratitudo; & errant illi qui potestatem hanc in sola fundari volunt procreatione, ridicule secuti, in re dissimilima, juris consultorum axiomata de reum inanimarum specificationibus & accessionibus, vel de pecorum setura, quæ nullum habent rationis usum, jurisve notitiam. Unde

1. Parentalis autoritas longissime distat a potestate herili & nonnisi ad liberorum bonum extenditur; nullo jure pro arbitrio suo parentes, quæ filiis noxia essent, præciperent aut gravioribus suppliciis punirent, quæ non exigeret ætatis teneræ tutela & institutio. Neque etiam eandem autoritas perpetua; at maturescen- te liberorum ratione continuo minuitur & in adulta eorum ætate fere evanescit: illam affectui liberi legem vivendi norunt, cujus ignorantiam supplebat parentum consilium; & ad æqualem vitæ conditionem & æqui juris usum admittendi sunt.

2. Æqualem habent jure naturæ, & quasi individuum in liberis auctoritatem parens uterque, si conjugio sint copulati: quia individua est conjugum societas; utrique eodem erga prolem sensus ingeneravit natura; ad eandem curam & diligentiam pro suis dotibus ambos adstrinxit. Extra legitimum matrimonium liberi ad matrem pertinent juxta jus civile omnium ferme gentium, quod congruens est legi naturæ. *Lex natura, inquit jurisconsulti in dig. l. 1. t. 1. de statu hominum lege 24. hæc est, ut qui nascitur sine legitimo matrimonio matrem sequatur, nisi lex specialis aliud inducit.*

3. Parentes liberos alere, & educare tenentur, neque ullo modo licet exponere aut vendere. *Necare videtur, dig. l. 25. t. 3. l. 4. non tantum is qui partum præfocat, sed & is qui abijcit; & qui alimonia denegat; & is, qui publicis locis misericordie causa exponit, quam ipse non habet.* Et alio in loco, *Cod. l. 4. t. 43. lib. 1. liberos a parentibus, neque venditionis, neque donationis titulo, neque pignoris jure, neque aliquolibet modo, nec*

sub prætextu ignorantie accipientis in alium transferri posse, manifestissimi juris est. Cui tamen legi, *ibid. l. ult.* hæc adhibetur temperatio: *Si quis propter nimiam pauperiam, egestatemque, victus causa, filium filiamve sanguinolentos (id est, pro sua quemque vita) vendiderit, venditione in hoc solummodo casu valente, emptor obtinendi ejus servitii habet facultatem: liceat autem ipsi qui vendidit, vel qui alienatus est, aut cuiuslibet alii, ad ingenuitatem eum propriam repellere; modo si aut pretium offerat, aut mancipium pro ejusmodi præstet.*

4. Tenentur parentes non modo liberis alimenta suppeditare, sed præcipue bonis eosdem imbueri moribus, suis exemplis ac omni arte ad virtutum institutionem. Nam melius est non vixisse, quam mente improba & seelerata vivere; proindeque major est in liberos crudelitatis privare eos ea institutione, quæ ad vitam bene beateque degendam necessaria est, quam spoliare bonis fortunæ. *Vix scire, ait Sen. l. 4. de benef. quam non sit magnum beneficium, vitam sic dare? exposuisses; nempe injuria erat genuisse. Quo quidem colligo minimum esse beneficium patris matrisque concubitus, nisi accesserint alia, quæ prosequerentur hoc initium muneris, & aliis officiis ratum facerent.* Non est bonum vivere, sed bene vivere. Aut ut habet Juv. *Sat. 14. v. 70.*

Gratum est quod patria civem populoque dedisti,

Si facis ut patria sit idoneus, nilis agris;

Utilis & bellorum & pacis rebus agendis.

5. Æqua esse debet in utrumque parentem liberorum pietas; omnimodam in pueritia obedientiam præstare, & in adulta ætate eos summa pietate, reverentia & honore colere, oportet: idque non solum ob parentum merita, quibus digna raro filii rependere possunt; verum ut Deum sequantur duces, qui nos his parentibus ortos, cumque his sanguine, caritate & veneratione ab incunabulis inchoata conjunctos esse voluit. Eorum igitur mores, parum licet commodos,

amicissime ferre decet; prout & illi olim nostros pertulere. In matrimonio precipue contrahendo parentum auctoritatem sequentur plerumque, & quantum fieri potest, liberi, quoniam parentum multum interfit, quibus liberi in vitæ communitate omnium arctissima se adjungant; unde nascituri sunt nepotes in eorum jura & nomina plerumque, semper in parentalem amorem succelsuri.

*De herorum & servorum juriis,
& officiis.*

Aucto hominum genere, cum homines a prima vivendi simplicitate discederent, vitamque operosius excolere ac rei augendæ incumbere cœpissent, valde probabile est a solertioribus & locupletioribus hebetiores & tenuiores ad operas locandas invitatos fuisse: mox cum utrique illud commodum experirentur, paulatim aliquos adductos, ut dominorum familiæ se adjungerent in perpetuum; iis legibus, ut domini quidem alimenta atque alia ad vitam necessaria præberent, servi sua ministeria circa rem domesticam, ex herorum præscripto curandam, promitterent: adeoque primam originem servitutis perpetuæ dedisse ultroneum consensum hominum tenuiorum & contractum, do ut facias; do alimenta perpetua, ut præstes operas perpetuas.

Cum hisce servis, seu temporariis seu perpetuis agere debet paterfamilias tanquam cum mercenariis (*Cic. l. 1. de off.*). Adeoque 1. cum hominibus fani & validi labores & operæ longe pluris sint æstimandæ, quam ipsius victus simpliciter & amictus; nam videmus istiusmodi hominibus operis suis, aliquid etiam ad voluptatem & ornatum, aut ad familiam alendam comparare: si quis igitur incautus nihil ultra victum & amictum pro operis suis fuerit stipulatus; ex illo contractu, utpote aperte oneroso, jure pleno exigere potest servus, ut quod deest ad æqualitatem ipsi suppleatur.

2. Ubi de certis tantum operis pactum fuit, ad has solas obligatur servus. Ubi nihil de operarum genere convenit, intelligitur servum in se suscepisse eas solum operas, quas heri non inhumani a

servis solent exigere; seque hero modice castigandum permisisse, quoties cessaverit, aut familiæ statum turbaverit: Cætera omnia hominum jura naturalia aut adventitia ipsi servo manent intacta. Non licet domino servum invitum alteri mancipare, etiam ad easdem operas præstandas; quoniam servi plurimum interfit, cui serviat domino & in qua domo. Hujusmodi etiam servorum proles libera nascitur.

3. Si quidem satis innotuerit, in moribus esse, patresfamilias in domesticos suos imperium aliquod civile sibi arrogare; huic, etiam quovis non ab humanitate abhorret, servum se subjecisse merito colligitur: servi quidem operas jure exigit herus: cætera retinet jura servus, quæ cuivis ex populo manent sub imperio civili; omnia certe jura naturalia, quæ alienari nequeunt. Hisce contraria sunt multa juris romani decreta, quæ etiam crudelissima in servos sunt, multumque ab æquitate naturali abhorrentia, quæ religionis christianæ mansuetudo una cum ipsa servitute perpetua abolevit.

Alia servitutis perpetuæ origo fuit bellicalamitas. Populi olim omnes & nunc gentes quamplurimæ captivos in tristissimam redigunt vitæ conditionem, temere in semetipsas legem facientes iniquissimam, atque mirum in modum conspirantes ad gravissimas contumelias & ærumnas, sibi forte aut posteris arcescendas. Cujus crudelitatis hoc principium est, quod liceat captivos occidere, & humanitatis sit, si vivere permittantur. Quod principium falsissimum est, uti patet ex iis, qui de vindicatione & poenis supra dicta sunt.

Deterior longe est istiusmodi servorum conditio, qui ob grave damnum a se datum, quod alia nequeunt pensare ratione; aut qui ob delictum atrox, poenæ nomine, ad perpetuas operas adducuntur. Neque tamen vel hi omnia hominum amittunt jura: ea enim sola, quæ damno reparando inferunt, quibusve imminutis ne similes in posterum injuriæ inferantur caveri poterit, ipsis adimenda. Ita

see-

sceleratissimos, quando ipsorum vitæ par-
citur, postquam ad omnes a similibus de-
lictis deterrendos publicas poenas pertule-
runt, non est ultra sæviendum, quum
labores ipsi impositos non detrectant.

CAPUT TERTIUM.

*De Officiis Hominum statu Civili, seu
Jurisprudentia Politica.*

ARTICULUS PRIMUS.

*De civitatum origine & causis, stru-
ctura & summi imperii partibus.*

I. **C**IVITAS est hominum liberorum
multitudo juris consensu & uti-
litate communione sociata. Communem
omnium utilitatem regiminis civilis finem
esse inter omnes convenit & ad conser-
vandam cuiusque libertatem, potius quam
minuendam, institutum esse. Hincque ma-
nifeste abest a civili ratione omnis ty-
rannis seu arbitraria & despotica potestas:
hoc non tantum populi omnes contendunt,
sed & ipsi reges gloriantur se Dei loco
constitutos in terris ob nullum alium fi-
nem, quam ad tuendam cuiusque jura &
communem procurandam felicitatem.

II. Homines esse ad societatem civi-
lem natos colligimus, ex eo, quod innu-
meris commodis frui non possint extra il-
lum statum, & quod status naturæ in-
commoda quædam intolerabilia ad civi-
lem coactum eos quodammodo cogant.

Incommoda vero status naturæ tria præ-
sertim sunt: primum quod in illo statu
nulla sit regula juris fixa & flexi nescia,
quam omnes admittant & ad quam omni-
um jura & actiones expendi possint.
Nam etsi prima morum principia & im-
mediatas conclusiones satis aperte declaret
naturæ vox, tamen quamplurimæ sunt
quæstiones circa bonorum proprietatem &
mutuos contractus subobscuræ. Ex præte-
rea illæ etiam morum regulæ, quæ homi-
nibus satis obviæ sunt, invidis, cor-
ruptis, evidentes non videntur: hincque
lites & jurgia innumera extitissent. Se-
cundum est, quod in statu naturæ arbi-
ter & iudex nullus communis sit, qui ab-
sque gratia & cum autoritate dijudicet:

eius defectum cum quique in eo statu,
vel cupiditatibus & avaritia occurrat,
vel ulciscendi libidine arreptus, suppleat:
hinc bella perpetua inter privatos, eorum-
que socios & amicos. Tertium est, quod
nulla sit in illo statu potentia par exe-
quendæ arbitrarium sententiæ & coercen-
dæ improborum violentiæ: hinc inju-
riæ perpetuæ.

Commoda vero confederationis, præ-
ter communem legem, communem ju-
dicem, communem potentiam legis & sen-
tentiæ judicis executricem & ex his nascentem
pacem & securitatem interioriorem, sunt
cultus religiosi major uniformitas & maje-
stas, scientiæ omnes atque artes, com-
mercia, securitas ab externis hostibus, alia-
que innumera bona quæ statim occurrunt
ei, qui barbararum nationum statum con-
tulerit cum earum statu quæ sunt ad ei-
vilem cultum deductæ. Propter has ra-
tiones recte revocatur constitutio civilis
ad legem naturæ; quæ etiam cum Dei
lex sit, merito censetur etiam hoc sen-
su civitates Dei ordinatione constitutæ, &
suprema potestas divino jure imperare.

III. Cum hanc habeant civitates con-
firmationem ex ratione, quæ civitates jam
constitutas servare jubet, & ubi nondum
sunt constitutæ, condere suadet; parum
refert quænam fuerit civitatum origo ac-
cidentalitè seu occasio. Quibusdam origi-
nem sine dubio dederunt ambiciosorum ho-
minum artes & aperta violentia: male
tamen in hoc fundamento poneretur le-
gitima autoritas, quæ ex sola vi, quam-
diu injusta est, nunquam poterit exur-
gere. Aliis originem dedit parentalis po-
testas, cum in opulentioris & potentio-
ris patris familias domum multi inopes aut
omni adversus improbos præsidio caren-
tes concederent: at quamvis patres fami-
lias aucti in immensum domo Reges ex-
titerint, nihilominus potestas regia a pa-
rentali maxime distat; neque ex ea di-
recte jus supremæ potestatis derivari po-
test, quamvis illius imago & exemplar
quoddam sit. Aliarum causa extitit libe-
ra electio multitudinis, quæ admirata ali-
cujus viri præclaras virtutes, bonitatem,
justitiam, fortitudinem, sibi melius con-
sulere

fulere non posse putavit, quam si illius regimini, se, fortunaeque suas committerent. Tandem plerique absque dubio originem dedit familiarum conloceratio, inita ad potentioris alicujus familiae coerendam licentiam, frangendamque potentiam.

IV. Civitas personae unius rationem habet, cui jura competunt ab omni privatorum jure disjuncta; quin & obligationibus, quibus tenetur nemo privatus, adstringitur: rerumque omnium administrationem certis hominibus aut conciliis committit. Inter diversas istiusmodi civitates, idem fere ius, eadem leges naturales, quae inter singulos in primæva libertate, vigebunt; eadem aut iis simillima sunt civitatum jura perfecta, eadem debentur multo officia humana; similis est pactorum obligatio; idem se luæque per vim defendendi jus: eadem denique inter se ratio est omnium civitatum, quæ non sub vicinæ cuiuspiam ditione tenentur, sive eæ majores sint, sive minores; quocumque demum nomine vocentur, sive humili sive glorioso. Ideo facili nominum & personarum mutatione, *jus naturale privatum* fit jus fere omne *publicum*, cujus necessaria est obligatio. Est aliud *jus publicum voluntarium*, de quo alias.

Potestatis, quæ ad civitatem regendam exigitur, partes, aut *summi jura imperii*, sunt vel *majora* vel *minora*. Majora intra civitatis fines exequenda, *immanentia* a quibusdam appellantur: quæ exteros respiciunt, *transcuntia* dicuntur. Prioris generis sunt 1. Jus legum jubendarum, quibus civium actiones sunt regendæ & singulorum jura tuenda, legum naturalium habita semper ratione ex quo natum est *jus civile*. 2. Jus exigendi tributa, quæ prudens exegerit reipublica administratio quod jus in priori continetur. Tributa dixerunt Romani, quæ a civibus persolvebantur: *vectigalia* quæ a provinciis subactis. Ex quibus omnibus, quæ ad principum familias sustinendas delinuntur, *res fisci* dicuntur; quæ vero in reipublicæ usus impendenda sunt, ad *erarium* deferuntur. In priores principibus electione nova creatis, jus est quasi *usufructu-*

fluviis; in regnis hæreditariis vero, jus regis idem fere quod *feudatarii*: neutris licet privatis suis debitis imperii successores onerare. *Ararii* autem in reipublicæ usus administratio sola rectoribus quibuscumque commissa intelligitur. 3. est, jus, legum exequendarum, quæ executiva dicitur potestas jurisdictionem omnem continens ad lites dirimendas, & jus magistratus creandi & ministros ad reipublicam administrandam & tributa exigenda.

Jura *transcuntia* ad hæc reducuntur capita. 1. Jus belli, quod in se omne belli gerendi arbitrium continet, in militibus conferendis, ducibusque sive summis, sive inferioribus constituendis. 2. Jus *foederum faciendorum*, cui connexum est *delegatos* mittendi ad foedera, quæ aut pacem reducant aut commercia conservent, transigenda.

Ab his diversum est, *jus imperii emittens*, quo in casibus gravioribus & insolitis recte utuntur imperatores, invadentes ea civium jura, quæ libero quovis tempore, sunt iisdem sanctissime conservanda; quamdam, exempli causa, rei familiaris partem, aut operas cum summo conjunctionis periculo exigentes, ultra quam alias præstare tenentur. Huic imperatorum juri respondent in statu naturæ insolita ea quæ premente necessitate oriuntur jura. Minora imperii jura hæc sunt; dignitates civiles tribuendi, nummos cœdendi, nundinas feriasque permittendi, liberos subblata natalium infamia legitimos reddendi, universitates constituendi, ætatis veniam largiendi, pœnas remittendi, debitoribus inducias dandi, & id genus alia.

V. Summum in civitate imperium is homo aut plurium concilium habere censetur, qui majora jura, vel omnia, vel pleraque, suo arbitratu exequi potest: neque alterius, aut hominis, aut concilii, potestati ita subjicitur, ut ejus voluntate ipsius actus fieri possint irriti. Summam sæpe habet potestatem, qui non habet infinitam, nulli sive limitibus circumscriptam; immo qui ne vel perpetuam; neque imperio successuros designare, aut leges quibus civitas erat fundata immutare potest.

Sunt

Summus ille erit imperator, cui præcipue civilis potestatis partes permittuntur, suo arbitratu intra certos fines in reipublicæ utilitate exerceendæ: qui neque alterius iussu, aut mandato subinde interposito, civitatem regit; cuiusque actus, intra potestatis sibi permixta fines, a nullius consensu vim fortituntur.

In omni civitate, summa alieubi reperitur potestas, quæ *majestas* dicitur, vel apud Regem, vel Senatum, vel Populum. Neque eam imminuunt cum exteris inita fœdera, quamvis incommoda, nisi majora civitati ipsi adimant imperii jura, aut prohibeant ne sui juris *persona*, quæ dicitur, *politica* maneat.

Si quidem pluribus civitatibus hoc quæcumque de causa eveniat, ut uni concilio perpetuo, quarundam imperii partium concedatur administratio; illæ civitatum *systema* constituunt: quales ex noto apud antiquos exemplo, civitates dicuntur *achæicae*. In unam autem civitatem plures tum demum coalescere censetur & unam gerere personam, quum uni homini aut uni concilio, aut iidem vel hominibus vel conciliis, permittuntur omnes potestatis partes majores administrandæ.

ARTICULUS SECUNDUS

De variis civitatum formis.

I. CIVITATUM formæ aliæ simplicies, aliæ mixtæ. Simplexium tres sunt.

Primo. Monarchia, ubi omnes imperii partes uni homini committuntur. Quæ vel est *absoluta* & interminata, quando scilicet unius prudentiæ tota permittitur reipublicæ administratio, nullis positis limitibus, præter eos quos exigunt politicæ omnis natura & fines: vel est *terminata*, ubi imperium Monarchiæ circumferibitur certis terminis, per ipsas leges, quibus civitas fundatur, seu per ipsam civitatis constitutionem. Utriusque generis Monarchiæ vel jure hæreditario succedunt, vel a populo creantur: idque vel in perpetui imperii jus, vel temporarii.

Secundo. *Aristocratica*, ubi concilio optimatum imperii omnes partes permittuntur.

Quæ etiam vel est *absoluta* & infinita; vel *terminata* & lege circumscripta: *hæreditaria* aut creationibus novis rescindenda: *perpetua* aut *temporaria*. In hac temporaria, pro certo tempore suffragii jure gaudent Senatores; quo peracto sufficiuntur in eorum locum alii: quod si populi suffragiis fiat, & quique civis ad petitionem æquo jure admittatur, concilium videtur *democraticum*: sin per cooptationem rescitur Senatus, aut optimatibus solis petere liceat, *aristocraticum*. Si ex censu majori petendis jus oriatur, proprie *oligarchicum* dicitur; aut ubi agrorum quorundam Domini, eo ipso sunt Senatores. Ubi vero hi soli, qui honoribus functi gratiam fidemque consecuti sunt, creati possunt; *excellens* quædam *Aristocratia* aut *Politia* dicitur.

Tertio. *Democratia* est, ubi omnes imperii partes permittuntur concilio ex omnibus civibus, aut honestioribus ad rem publicam procurandam delegatis confiato. Conciliorum popularium diversa sunt genera. Comitibus *Curiatis* & *centuriatis* duorum exhibent exempla in republica Romana. In illis suffragii pari jure utebantur cives omnes; in his pro ratione census; quæ ideo dicebantur *Timocratica*. Sorte etiam apud quosdam populos designabatur, quibus dandum esset in comitiis suffragii jus. Apud alios ex tribubus & curiis diversis, quibus distinctus fuerat populus, eligebantur ad rem communem gerendam delegati, qui concilium constituerent populare.

Concilium autem omne id voluisse censetur, quod pluribus placuit; nisi lege aut decreto quodam cautum sit, quota concilii pars rerum publicarum administrationi sit necessaria. Præcavenda etiam fallacia satis nota, semperque metuenda ubi quæstio tripartita vel quadripartita decidenda est: quod scilicet incidere possit, ut eam sententiam, quæ longe pluribus displicet, comprobent tamen plures, quam qui reliquarum unam ullam; quod fiet quæstione vel ad bimembres duas reducta; vel membro uno aut altero, suffragiis de eo prius latis, excluso. Hoc etiam in magistratibus, ubi plures sunt petitores, creandis

dis observandum. Leges hæc in Democratia, quæ spectant jus suffragii & modum ferendi suffragia sunt fundamentales, haud minus, quam quæ in Monarchia successione ad imperium definiunt.

Mixtarum formarum ingens est numerus, prout variae imperii partes vel regi & senatui, vel regi & concilio populari, vel Senatui & Concilio populari, vel simul omnibus tribus permittuntur. In hisce civitatibus intervenire debet aliquis *imperii nexus*, ne administrationis partes in omnia contraria abire possint: ne scilicet rex inconsulto aut invito Concilio vel Senatorio vel populari, quidquam gravius moliri queat; nec Concilia, rege inconsulto, vel invito; neve unum Concilium, altero invito.

II. Ut felix sit reipublicæ status, quatuor hisce in omni politia prospiciendum; ut scilicet imperatoribus adsit *prudencia* optima quæque prospiciens; deinde ut adsit *fides*, communi consulens prosperitati; tum ut conservetur *concordia*; denique ut reipublicæ negotia & *celeriter* & *secreto* possint expediti. Ubi de his satis est cautum, non melius communi civitatum prosperitati per politiam consuli poterit: eritque illa politiarum forma præstantior, quæ horum quatuor spem majorem dabit.

Monarchia hæreditaria has habet opportunitates; quod civitatis concordia, quod summum bonum est, consulat; & per eam secreto & expedite res geri possint: in Monarchia electiva fortasse de regis prudentia melius cavetur, non item de fide & hujusmodi rege defuncto, seditionibus bellisque civilibus, hoc est, malis maximis janua patet.

In simplicioribus Aristocratiis hæreditariis de Senatorum prudentia raro, de sine nunquam satis cautum est, neque quidem de concordia, aut expedita & arcana reipublicæ administratione; inter Senatores ad id munus electos, melius de prudentia & fide, parum verò de concordia; aut negotiis celeriter ex secreto gerendis, cavere poterit. Quo numerosior fuerit Aristocratia & ad Democratiam accedens, eo felicior.

In Concilio populari fides semper videbitur & tum demum prudentia, ubi vel censui respondet jus suffragii, vel concilium ex honestioribus paucis a populo delegatis constat. Neque tamen inter hos speranda concordia aut expedita & arcana reipublicæ administratio. In hujusmodi Conciliis per tabellas optime feruntur suffragia: sic enim non metuenda erunt potentiorum offensiones, neque suffragia largitionibus corrumpere in promptu erit. Atque licet pudore sublato, locus sit gratiæ, odio & invidiæ; his tamen rarius, nisi objustam causam, populi pars major incitabitur. Sin autem fors aliqua ex parte immisceatur, omnis excludi poterit largitio; gratiæque, odio aut invidiæ grastanti sæpe obstruetur iter. Sola tamen forte res decidere graviore, aut magistratus, delegatosve designare, parum erit tutum; quum forti nulla sit prudentia, rerumque judicium.

Inter formas mixtas perfectissima habetur ea, quæ tres simplices complectitur. In omnibus rebus humanis sunt mixta commodis incommoda; at subdactis utrinque omnibus, sunt tum ratione, tum experientia magis confirmatæ Monarchiæ, supra omnes alias formas, opportunitates: neque magna imperia aliter administrari possunt.

ARTICULUS TERTIUS.

De imperantium in legibus condendis & jurisdictione muneribus, atque officiis civium erga imperantes.

I. INTER imperii jura immanentia est legum jubendarum & administrandarum potestas.

Ante omnia fovenda est omni arte & industria sincera in Deum pietas: hæc continent felicitatem cujusque privatam, alias omnes virtutes fovet, immo sine ea nulla vigeunt officia vel naturalia vel civilia.

Deinde cum omnis civitas instituta sit, ut a corporibus & a possessionibus injuriæ absint; & commodissime vivi possit, sub legum & magistratum imperio: manifestum est omnem legem spectare debere totius

totius communis utilitatem; legibusque ea omnia facienda esse, quæ communi inferviunt prosperitati. Ideoque legibus civilibus imprimis facienda & confirmanda sunt iustitiæ officia, de quibus supra; eaque omnia definienda, quæ lege naturali non satis definiuntur; ac de negotiis & actionibus formulæ constituendæ ad fraudes præcavendas aptissimæ.

Deinde post iustitiam nulla res magis civitati necessaria est quam temperantia qua non solum libidines corporis voluptatem respicientes cohibentur, verum omnis luxuria, sumptusque nimii in vitæ ornatu & splendorem erogandi. Hæc peccatis florentissimas civitates, in quibus omnia efficit venalia, pessumdedit: quippe luxuria cum facultatum sit prodiga, homines facit rerum plurimarum indigentes & avidos, atque ad officia, quæ patriæ aut amicis debentur, quum voluptati repugnant, relinquenda proclives: cives etiam ad patriam vel tyranno vel hosti prodendam incitabit; si quando ea ratione opes in luxum profundendas sibi comparare possint. Luxuriosis enim omnia venalia. Præterea serpere solet ab optimatibus ad plebeios, atque ipsos opifices; quorum operæ deinceps carius sunt emendæ. Merces igitur nostratum, pretio aucto, cæteri non sunt coempturi, quum vilius veneant, quæ in civitatibus aliis, ubi viget sobrietas & temperantia, conficiuntur.

Fovenda quoque est legibus diligentia & industria, ex qua sola ferme pendunt civitatis cujusque opes & potentia: fovenda est agricultura, nequid ad populum alendum, de civitatis opibus decedat; utque fruges supperant & frumentum exteris vendendum; nostratibusque materies omnis, in qua elaborent opifices; quæ aliqui ab aliis esset emenda. Fovendæ pariter omnes artes & simplices & elegantiores, ne exterorum operis & opificii emendis civitatis opes dilabuntur. Exercenda etiam mercatura & piscatus, ubi ejusdem est copia; quin & mereibus, sive nostris sive alienis, vehendis construendæ naves; artes nauticæ addiscendæ, quæ & divitiis augendis inserviunt & civitati in bello protegendæ. Cavebunt leges ne hisce omnibus suis desit honos &

præmium. Fovendæ & scientiæ & litterarum humaniores, quæ quantum ad mansuetudinem morum & humanitatem conferant, atque augendam apud cæteras nationes ac posteros gentis gloriam dici non potest.

Tandem fovenda est legibus civium fortitudo & omnis militaris scientia, efficiendumque ut quantum fieri poterit plures ex plebe armis ferendis sint assueti & inter nobiles rei bellicæ habeant scientiam, ut deleto uno exercitu non deficiat alter, aut deletis imperatoribus, plures præsto sint eidem muneris aptissimi.

Sunt ad hæc omnia præstanda necessariæ leges per quas imponantur tributa; quæ si majora non sunt quam civitatis tutela & optima conservatio exigit, iustissimo innituntur fundamento: tributa autem nisi instituto civium censu æqua ratione imperari nequeunt.

II. Executiivæ potestatis officia sunt. 1. Legum accuratæ executioni invigilare. Sed quoniam summum jus est summa iniuria, id est cum æquitate: est enim æquitas legis correctio & emendatio, ubi verba legum causis non sunt adæquata, seu magis vel minus quam par est universalia. Poterit etiam executiva potestas a legis sanctione aut etiam præcepto dispensare: modo tali dispensatione communi consulatur utilitati, legumque conservetur vis & majestas. At a præcepti iusti vinculo immunitas ægerime concedenda. 2. Cavebit executiva potestas, ut ii rectores præficiantur populo ad jurisdictionem vel militiæ ad belligerandum, qui prudentia, fide & fortitudine excellunt. 3. Civibus & militibus præmia atque pœnas iuste distribuit. Commune est legum civium præmium frui omni jure & beneficiis civium: at alia quibusdam propria sunt præmia, honores, dignitates, divitiæ. Honor alius est naturalis alius civilis. Naturalis est aliorum bona de nobis ob præstantiam nostram opinio. Honores civiles sunt, æ cultus & observantiæ indicia, quæ viris claris ex legum præscripto exhibentur. Existimatio autem simplex sive viri innocui & hominum societate non indigni fama, nemini a reipublicæ rectoribus indideta causa est eripienda. Existimatio eximia, quæ a quibus-

dam *intensum* dicitur, a nemine jure pleno exigi potest: nemo enim ad alterius voluntatem judicare aut magni eos antimare potest in quibus non cernit virtutes extimias. De externis vero honoris iudiciis, ut de omni jure quod res externas spectat, eorum est definire qui reipublice præstant, & eorum officium est eosdem honores civiles iustis tantum de causis largiri: alias non solum iniusti sunt, sed honores ipsi vilescunt.

Pœna omnes hæc spectant, ut, improbis carum metu ab injuriis absterritis, cæteri tuto vitam degant: *castigatio*, ad ejus simul qui delictum admiserat utilitatem pertinet: *damni reparatio*, læsi commoda spectat. 1. Non ex odio aut ira, neque ex ea indignatione quam in proborum animis excitat delicti turpitudine, pœnæ sunt præcipue irrogandæ; sed ex communis potius utilitatis conservandæ studio & innocuorum cura. Unica igitur pœnarum mensura non est ipsa delicti turpitudine (cujus æstimandæ rationem supra exposuimus) sed communis potius omnium utilitas ex pœnis oritura. Impunita igitur & inulta recte manent delicta quædam turpissima. Contra, ea quæ non adeo magnam ingenii pravitatem produunt, gravioribus suppliciis recte coercentur, si aliter salva nequit esse civitas: ingratis & humanis nulla irrogatur pœna: severius puniuntur, qui majestatis crimen, licet sub fallaci juris specie admiserunt: severius etiam puniuntur scelera quæ sunt in civitate frequentiora, aut ad quæ facilitas perpetrandi allicere possit. Quo minus naturaliter tuti sunt ex aliqua parte cives, eo lege magis custodiendi: sic severiores sunt leges aliquæ contra furta nocturna, quam diurna; quia lex quodammodo pro civibus excubias agit. 2. Absit a judiciis omnis personarum acceptio, quæ respicit fontium necessitudines, aut facinorum adjuncta & qualitates eas, quæ neque turpitudinem delicti, neque pœnæ sensum, commuoveve utilitatem afficiunt. At si horum quodvis afficiant hominum vel facinorum qualitates vel adjuncta, ea omnino spectanda. Unde, cæteris paribus, pro reorum censu augendæ sunt pœnæ pe-

cuniaræ; & pro corporis robore, pœnæ quæ corpore luuntur: pœnæ contra eum infamia conjunctæ pro majori reorum dignitate sunt minuendæ. 3. Ob delictum alienum nemo pœnis est obnoxius: neque ob patrisfamilias delictum recte publicatur tota res familiaris: ex ea prius præstanda omnia, quæ jure suo natura, pactove constituto postulare possunt conjux & liberi & alii innoxii. Vide *Gr. l. 2. c. 20.*

III. Civium adversus rectores suos hæc sunt officia. Primo. Rectorum iustis & legibus & imperiis parere tenentur, idque sanctissime. Secundo. Quum quod imperatum est in imperantis continebatur potestate, civibus plerumque parendum est, quamvis non satis honeste & prudenter imperatum judicent: quod in bellicis præcipue patet imperiis. Si enim civibus permittatur de imperiis judicium; neque ipsis parendum foret, quoties mandata civitati parum commoda videntur, tolleretur omnis disciplina militaris, & in multitudinem solutam & inconditam exercitus converteretur. Tertio. Hinc etiam efficitur, quod in iis rebus quæ imperantium arbitrio permittuntur, cives recte, immo honeste, ea imperia exequi possunt, quæ imperatoribus potius vertenda sunt vitio; quum ruptis disciplinæ vinculis, mala multo graviora plerumque sint metuenda, quam quæ ex imperatis peractis essent oritura. Quarto: quamvis nefaria & pestifera imperia, quibus divina majestas impie læditur aut ejus leges violantur, exequi non possint cives; propterea quod obediendum sit Deo magis quam hominibus; tamen sedulo cavendum ne temere iis de rebus judicent, neque illa recte detrectabunt subditi nisi omnis absit dubitatio.

ARTICULUS QUARTUS.

De fœderativa potestatis juribus, limitibus & regulis.

BELLUM, pacis & fœderum jura, ad fœderativam pertinent potestatem; transcurra vulgo dicuntur, quia exteris fere spectant.

De jure belli.

I. *Belli* jura præcipua supra satis explicavimus, ubi de privatorum bellis agebamus;

bemus, monstratis eorum causis & terminis: quæ ferme omnia conveniunt bellicis civitatibus, quæ libertatis statum inter se conservant, qualem inter homines singulos ipsa natura constituit. Pauca igitur hic solummodo addemus.

Bellum aliud solemne & justum festi, quod eorum jussu, quorum summa est utriusque potestas, susceptum est. Aliud civile, quando inter ejusdem civitatis partes dimicatur. Quidam viri docti & graves sequentes jus romanorum fœciale decreverunt bellum, ut justum sit, semper esse indicendum: quod sine dubio populo cultiore plerumque dignum est: nam cum per vim decertare præter naturam sit, boni principis est palam facere se alia ratione jura sua tueri aut prosequi non potuisse. At ab eo, qui se contra vim defendit illatam, haud necessario bellum prius indicitur; neque quidem semper ab eo qui vim infert: quoties scilicet res subito est gerenda, neque bellum prius indici poterat nisi omnia rei bene gerendæ occasione commodissima (*Vide Gr. l. 1. c. 3.*).

Belli jura, vel eos inter quos bellum geritur, vel vicinos neutri parti se adjicientes spectant. Generatim, quæ ratio monstrat in communem utilitatem necessario esse observanda, ea dicuntur juri esse publici & necessarij. Quæ vero in morem vetustas gentium consensu, & approbatione perduxit; ea sunt juri gentium voluntarij. Hæc aliis moribus mutari, aut significatione prius facta ab uno belligerantem tolli possunt.

II. Quæ belli causæ sunt justæ ex dictis supra patet. Generatim in bellis publicis iidem sunt petendi fines & eadem justa initia, sive termini a quo, & ad quem, quæ in bellis privatis.

Primo. Tenentur gentes pace utentes, cives suos omnes a latrocinij, aut injuriis quibuscumque, vicinis inferendis, coercere: aut si quem vicinæ gentis civem læserint, eos cogere, ut damnum a se datum reparent. De civibus loquimur, qui non prædonum more vitam exuere civilem.

Secundo. Rebus repetitis neque redditis, civitas læsa jure bellum movet; res suas aut civium suorum, apud hostem de-

tenias, jure occupat: cujus si non sit copia, damni pensionem ab iis qui damnum dederant, vel ab ipsa exigunt civitate, quæ eos defendendo, isive receptum præbendo, in se crimen derivavit. Hæc omnia multo magis, si publico consilio injuria fuit illata.

Tertio. Ubi civitatis iniquæ bona publica occupandi deest copia; civium hostilium bona privata, civitas læsa jure occupabit, donec omne damnum ab injuria ortum sit pensatum. Quum enim in civium omnium utilitatem civitas fuit constituta, civilisque imperantibus tributa potestas; tenentur cives ea præstare damna, quæ ex eo orta sunt præsidio, quod utilitatis suæ causa sibi adsciverunt imperatores; ut si civitatum rectores prædones protegendo eos ad injurias inferendas incitant.

Quarto. Qui vero cives infontes damna hæc ex causa publica perferunt, jure a suis imperatoribus hoc exigunt, ut publice hæc ipsis præstentur, aut ex eorum bonis qui sua culpa damnis causas præbuerunt. Aequius quidem foret & facilius, si civium hostilium bona capta pignoris in modum detinerentur, donec læsæ civitati aliunde fieret compensatio; eaque publice facta, tum demum sua privatis restituerentur; mos tamen invaluit divetus: capta res mobiles dominos omnino mutasse sententur, ubi primum in hostium delatæ præsidia, vel ei qui eas ceperat, vel civitati fuerint adjudicatæ; ita ut postea receptæ, a priori domino possiminii jure vindicari nequeant: neque ulli in posterum vindiciarum liti pateant, postquam specioso quovis titulo acquisitæ, infra civitatis non hostilis fines pervenerunt.

III. Quæ civitates medias; neutri bellicantium palam faventes spectant jura, breviter attingemus.

Primo. Vicina quævis civitas, de auxiliis alterutri præbendis fœdere nullo devincta, vicinorum bellis neque invita implicari, neque ex iis damna pati debet.

Secundo. Si fœdere de auxiliis mittendis utrique adstringatur media civitas, vel neutri mittenda auxilia, vel si malit, illi cujus causa sibi justa videtur; & tum demum bello se immiscebit. Istiusmodi

enim fœdera tunc modo obligant, quum bello subest causa iusta; neque paciscendum quemquam ad bellum iis, quibus priore fœdere publico devincti erant, inferendum alstringunt.

Tertio. Res mobiles ab utraque parte captas & adjudicatas, jure emit aut alio quovis titulo legitimo sibi comparat civitas media: neque eas domini priores jure vindicabunt. Ad mediam civitatem ejusque cives non attinet judicare, quo jure res captæ fuerant. Sæpenumero ne vel norunt quod istæ res venales prædæ pars fuerant.

Quarto. Rerum immobilium alia longe ratio: eas civitati sibi non inimicæ fuisse ereptas, mediam civitatem latere nequit: sua autem emptione domini prioris jus, ad eas per vim recipiendas, præcluderetur. Quæ quidem urbi cuius, castello aut prædio, debebantur a vicinis servitutes reales, aut pensiones annuæ, illæ novo possessori postulant jure præstentur: idque denegare taciturnum in se haberet contra causam ejus judicium: quæque hujusmodi novo possessori præstita fuerint, ea antiquus dominus, rebus suis immobilibus receptis, repetere nequit. Nullo tamen jure novus possessor, nisi bello finito, ipsas servitutes in perpetuum abolere, aut sortem debitam remittere potest, ita ut domini prioris, rebus suis receptis, jus tollatur.

Quinto. Quidquid eorum, qui bellum gerunt, uni, ex civitate media concessum fuerit, idem alteri concedendum; siue uni concesserit, ut milites ex suis civibus conscribat; siue copias suas militares eidem conducendas præbuerit; siue armis militaribus aut commeatibus supportatis adjuverit; ea omnia alteri etiam facienda. Arma quidem hostium alterutri vendere, aut commeatum etiam in urbem aliquam aut regionem armis obfœsam invehere, civitatibus mediis negatur, nisi bello se immiscere velint.

Sexto. Civitas media, neutiquam prohibenda, ne cum earum utraque quæ bellum inter se gerunt commercia exerceat, nisi forte armis & apparatu bellico invehendo. Utrique navis oneratas locare & ex earum mercibus vehendis iustum sibi

lucrum captare potest. Quod cum sit, hostium merces, non vero ipsæ civitates mediæ naves, jure capi possunt & publicari. Civitas etiam media eorum naves, inter quos bellum geritur, ad merces suas vehendas conducere potest: quæ naves si ab hoste capiantur, jure publicantur, non vero mediæ civitatis merces. Neque pignoris jus quodvis aut hypothecæ, in res captas olim constitutum, amittit civitas media.

Septimo. Merito etiam receptum est, ut neutri, intra mediæ civitatis fines, hostibus suis vim inferre liceat, homines ipsos eorumve naves aut merces capiendo aut perdendo. Porrigi autem censetur civitatis cujusque fines, non solum ad portus, sed etiam ad maris sinus intra agros ejus recedentes & littora, partesque maris propinquiore, unde aut ipsi ab hostibus aut hostes ab ipsis, tormentis bellicis lædi possint. Si enim bellantibus intra mediæ civitatis fines sibi invicem vim inferre liceret; bellum alienum in civitatem mediam, non sine plurimum incommodis & periculis transferretur: omniaque interea cum bellantium utroque commercia penitus tollerentur.

Octavo. Quod ad persequas attinet: bellantium neutri permittitur, ut intra mediæ civitatis fines, imperium aut jurisdictionem cum vi conjunctam in cives proprias exerceat, nisi potestate prius a media civitate impetrata. Homines quidem atrociorum scelerum rei, minime in media civitate protegendi; sed capti, suis ad supplicium sunt tradendi. Qui vero milites ab utraque ad mediam confugerint civitatem, aut qui religionis ergo, aut ob similitudines civiles patria sunt profugi; de iis invaluit mos, idemque humanissimus, ut tutum in omni civitate vicina receptum habeant & protegantur; dummodo nihil hostile contra suæ civitatis rectores illic moliantur.

De fœderibus & legatis.

I. Bella fœderum ope plerumque componuntur, quorum jura præcipua de singulorum pactis agentes supra docuimus. In fœderibus vero pacem reducentibus, vis & metus exceptioni vix est locus: alioquin controversiæ veteres, quæ bellis

cau-

causam dederant, semper renasci possent. Valebit tamen ea exceptio, quoties illata fuerit vis aperte iniquissima, nulla juris specie innixa, aut ubi pacis leges impostæ ab omni æquitate & humanitate abhorrent. Quod ubi venerit, ad arbitrios provocare licebit: parte vero altera id detrectante, non aliud perfugium restabit, quam ut utraque pro se judicet, quantumque fieri potest, sibi consulat.

Fœdera sunt vel *realia*, vel *personalia*, hæc rarius ineuntur & ipsos civitatum rectores præcipue spectant, ac cum illis intereunt: realia populum spectant, qui sensu quodam immortalis dici potest. Sunt etiam fœdera vel *ægualia* vel *inegualia*: nec omnia fœdera inæqualia populi majestatem imminuunt, nisi aufferant majora imperii jura, efficiantque ut civitatis persona politica sui juris non sit.

Ad fœdera firmanda dabantur olim obfides. Qui mos ideo exolevisse videtur, quod haud sine summa morum sævitia & immanitate, obfides immeriti durius tractari poterant, ubi suæ civitatis perfidia violatum esset fœdus.

II. In fœderibus faciendis adhibentur legati aut internuntii, qui omnes quibuscumque nominibus sint insignes, eodem utuntur jure naturali, quum ad liberæ civitatis negotia obeunda veniunt. Legatos sanctos habendos antea dictum. Jure etiam postulant, ut apud eos, ad quos mittuntur, mandata exponant: ut etiam iis petentibus ibidem commorari concedatur humanitas quidem suaderet, pleno tamen jure non est postulandum; cum legati præsertim solertiores speculatorum munere sæpius fungi soleant: dumque commorantur, eo solo protegentur jure *naturali & necessario*, quo & inquilini.

Jure autem *publico & voluntario* plurimas habent immunitates & beneficia, & ipsi legati, & omnis eorum comitatus necessarius. Quæ omnia tamen, vicinis mature præmonitis, civitas quævis sine injuria immutare poterit.

Primo hoc imprimis receptum, quod legatus in forum alienum non sit vocandus, eidemque, cui antea, jurisdictioni obnoxius sit. Quod hoc consilio institutum videtur, quod quo vigilantius mune-

re suo fungitur legatus, eo magis civitatibus ubi commoratur populo suspectus erit & invisus; ideoque si illic causam dicere cogeretur, metus esset, ne coram iudicibus minus æquis agendum foret. Sibi caveant igitur illi cives, neque cum legato inter ipsos commorante, quem in jus vocare nequeunt, contractus ineant: at si quid gravius admiserit legatus, domum est remittendus, bellumque, si opus fuerit, Regi populoque a quo missus fuerat, indicendum, nisi illi irrogentur pœnæ aut omne a se illatum damnum præstare cogatur. Ubi quidem mercatorum se immiscuit legatus, merces civitati ubi commoratur subijciuntur, nisi legationi obeundæ sint necessaria.

Secundo: legato ipsiusque comitibus necessariis, (quorum numerum & nomina rogatus exhibere tenetur) asylum præstat ipsius domus. Magistratum tamen ibidem in cives suos, aut inquilinos alios, potestatem imminuere nequit, iisdem etiam præstando asylum. Quantus autem cum legato admittendus sit comitatus, civitatis ubi commoraturus est iudicio permittendum.

Tertio: legato in suos jus idem est, quod patrifamilias, aut quantum in eorum litibus privatis ipsi sui dederat civitas: supplicii vero gravius suis infligendi jus nisi civitatis ubi commoratur permisso, sibi arrogare nequit legatus, nec ipse quidem Rex in aliena civitate degens.

Quarto: quamvis legatos pœnis plectere nullus possit; licet tamen cuique vim vi repellere.

Quinto: exulem quempiam aut perfugam facinorosum Legatum accipere, nulla tenetur civitas; cum tamen jure neque in vincula conjiciet, neque ad supplicium detinebit.

Sexto: quales Legatis honores sint defendendi, & quinam præstantiores habendi, solis civitatum pactis est definiendum.

De dissolutione vinculi civilis & Reipublicæ interitui.

I. De civili vinculo solvendo hæc breviter monenda, primo civilem nexum perpetuo solvi exilio, non vero temporario, neque relegatione quamvis perpetua: sen-

cundo nemini jus esse plenum, civitatem suam ipsa inconsultâ deferendi, nisi legibus permittatur: tertio ubi per vim externam vel factionem contra legitimam auctoritatem præpotentem immutata fuerit Reipublicæ forma, civibus dissentientibus saluti suæ alibi gentium melius consulere licebit: quarto in melius mutata Republica, eam nulla juris specie cives deferere possunt: quinto utrumque ab ipsius civibus immutetur Reipublicæ forma, manent omnia cum externis inita fœdera realia.

II. De civitatum interitu hæc vera videntur. Primo civitate penitus devicta, civibus quibusvis, provinciis item, sibi quantum possunt prospicere licet; sive alii se adungere velint civitati, sive novam sibi in Provincia constituere. Civium quidem est pro Patria omnia subire pericula, neque temere de ejus salute spem deponere, si tamen sat Patriæ sit datum, neque tamen defendi possit, jure qua ratione possunt sibi, suisque prospiciunt. Secundo si quo casu insperato reviviscat civitas, quæ aliquandiu extincta jacebat, ei se adungere tenentur cives omnes & provinciae, nisi interea novo atque æquo fœdere teneantur. Quæ autem fœdera a civibus dissipatis aut a Provinciis, bona fide, dum antiqua civitas extincta fuit, cum exteris inita sunt, eorum firmâ manebit obligatio. Tertio quæ diu deleta fuit civitas, civitati victrici in Provinciæ modum subiecta, omnia amittit in cives profugos aut Provincias suas jura. Neque si in iisdem finibus, qui in civitate antiqua occupabantur, nova constituatur, ea prioris jura sibi arrogare poterit. Diversæ sæpe civitates populique, temporibus diversis, eodem occupant agros; agrisque mutatis, eadem manet civitas; immo cum vel nullos prorsus habeat.

Manente civitate unus omnium debet esse animus, omnia pro Patria & facere & pati, quæ antiquissimæ sanctissimæque civitatis, qua continetur universum humanum genus, cujusque rector & pater est Deus, legibus non adversantur. *Cari sunt liberi, cari sunt conjuges, parentes, propinqui, amici, familiares, omnes tamen omnium caritates Patria una complexa est,*

pro qua vir bonus non dubitabit mortem appetere; si ei jus profuturus.

Si in superiori disputatione quidquam nobis incautus exciderit, quod videri possit non satis accuratum vel parum aptum ad fovendam pietatem, id jam revocamus ex animo, & pro non dicto habemus.

SECTIO QUARTA

De Imperfectione & obscuritate Legis Naturalis, & de Revelationis possibilitate, utilitate & necessitate.

In nullo argumento cum majori contentione versari solent Deistæ, quam in commendanda lege naturali, nosque ignavix arguunt & inconstantiæ, quod relicta hæc simplicissima atque excellentissima vitæ regula vanarum Religionum defensionem suscipiamus. Legem hanc naturæ perfectam esse clamant; esse illam divini throni assistentem sapientiam, nobis communicatam; ejus tabulas omnium hominum mentibus exhiberi integras, atque in tam perspicua luce, ut *ut percurris, legerit eas*; ita esse easdem immutabiles, ut alia nulla præcepta illis adjici possint ex positiva Dei institutione: proindeque revelatas leges hoc ipso non solum inutiles esse & supervacaneas, sed omnino impossibiles. Hæc placita præsertim: exposita & confirmata sunt ab Authore libri, cui titulus est *Christiana Religio mundo equalis*, cujus preffit vestigia Scriptor libri non ita pridem in hac urbe editi, qui inscribitur *les Maurs*. Omnis dictorum librorum doctrina, quantum ad rem nostram præsentem pertinet, ad tres sequentes propositiones commode revocari potest. Prima est: lex naturæ tam perfecta est, ejusque præcepta omnia tam evidentia & omnibus etiam rudibus sunt obvia, ut ad instituendam recte vitam, omnis revelatio inutilis & supervacanea sit, & solummodo ad procreandas lites accommodata: adeoque Revelatio, quamvis esset solummodo promulgatio externa ipsius legis naturalis, est Deo indigna. Secunda est: lex naturæ tam perfecta atque integra est, ut per illam unicuique hominum innotescant omnia officiorum suorum principia; ita ut Revelatione nihil doceri possint, in rebus ad

Re-

ARTICULUS PRIMUS.

Religionem & mores pertinentibus, quod ratione non assequantur. Unde sequitur quodeumque supra rationem est, idem esse contra rationem; neque ullis posse homines devinci officiis, nisi quæ ex præsentis suæ conditionis consideratione ratio detegere valeat. Tertia est: lex naturæ ita est completa & immutabilis, ut illius præceptis nulla addici possint mandata *positiva*, quæ omnia sunt contraria bono publico & divina constantia indigna: ex qua sequitur Religionem, tum Christianam, tum Judaicam, quæ abundant præceptis positivis, divinas esse non posse & hominibus esse perniciosas. Quas propositiones tribus articulis refellemus. In primo statuemus legem naturalem, qualis inest in plerisque aut etiam in omnibus hominibus, nullo modo sufficere ad instituendos eos perfecte ad Religionem & bonam vitam: ex quo consequetur Revelationem valde expetendam esse, quamvis nihil contineret nisi præcepta naturalia, & esset quædam promulgatio clarius ipsius legis naturæ. In secundo efficiemus legem naturalem, qualis per rationem promulgata est, multo minus dici posse perfectam, eo sensu, quod per eam innotescant omnes seu Dei perfectiones, seu inter nos & Deum aliaque entia rationalia relationes; ex quo efficietur supernaturalem dispensationem, quæ nobis aperiat rerum ordinem rationi impervium, quæque nos supernaturalibus devinciat officiis, esse possibilem. In tertio consociemus legem naturalem non esse illo sensu immutabilem, ut nulla præceptis naturalibus addici possint mandata *positiva*, atque hæc præcepta *positiva* multiplicem habere utilitatem: quæ tria continent generalem defensionem Religionis Christianæ, quæ non est tantum promulgatio legis naturæ, sed est essentialiter supernaturalis institutio, officia imponens supernaturalia, vires præbens supernaturales, & ad finem ducens supernaturalem; quæque confirmata est legibus positivis aptis ad honorificentissimum Dei cultum, hominumque sanctificationem.

De summa utilitate Revelationis, quatenus est externa promulgatio legis naturæ.

PER legem naturalem, seu per legem *rationis*, vel intelligitur ratio cuiusque hominis propria, seu illa collectio præceptorum, quam apud quemque promulgat propria sua conscientia, aut quam sibi proprio Marte potest conficere; & hæc est accuratissima notio legis *rationis* quæ cuique non est lex, nisi quatenus facultatibus naturalibus, & communi institutione innotescit, aut cum morali diligentia innotescere potest. Vel intelligitur per legem *rationis*, ratio exulta Philosophorum excellentissimorum, seu ratio quasi communis generis humani, id est ea collectio præceptorum, quæ in variis ætatibus a diversis Philosophis inventa, videtur posse, doctrina & institutione, aliorum hominum animis inculcari. Negamus legem *rationis* ullo sensu perfectam esse, ut summa non sit & semper fuerit revelationis utilitas, & homines in summa non sint ejus *indigentia*.

PROPOSITIO PRIMA.

Lex naturalis, quatenus per rationem cuique hominum innotescit, non est par & sufficiens ad eos instituendos perfecte ad Religionem & bonam vitam, ita ut inutilis censeri possit Revelatio.

PROBATIO.

LEX ita cuiusque duplex pars est præceptum, quo indicatur quid faciendum sit, omittendumve; & *sanctio*, qua imponitur necessitas morales parendi præcepto: in lege perfecta, utraque pars perfecta esse debet, & ratio cuiusque hominis lex perfecta dici nequit, nisi clare de rebus ad Religionem & mores pertinentibus, saltem gravioribus, præcipiat; & ea simul proponat motiva, quæ aptiora sunt ad inclinandos homines ad præstandum legibus naturalibus obsequium. Sed sub neutro respectu ratio cuiusque hominis lex perfecta dici potest.

1. Ratio cuiusque hominis propria, non est perfecte præceptrix. Id primum apparet ex omnium sæculorum experientia,

tia, qua compertum habemus, nullum unquam omnes ad vitæ optimam institutionem necessarias veritates comprehendisse. Videmus barbaras & efferatas gentes in vitæ ratione parum a belluis abhorre-
re; atque apud omnes gentes ad civilem sultum deductas, quæ neque Moysen, neque Christum institutorem habuerunt, magna deprehendimus opinionum perver-
sitate. Etiam inter ipsos Philosophos nullum reperimus, qui universam de Deo & moribus doctrinam complexus, omnia vitæ & religionis præcepta docuerit; im-
mo qui veris falsa non miscuerit. Exem-
pla perverfarum apud barbaras & ethnicas gentes opinionum recensere nimis longum foret (a). Ex tam constanti experientia concludit Cotta apud Ciceronem l. 3. de Natura D-or. rationem homines docere non posse ad sapientiam. *Nam si consensu omnium Philosophorum, ait, sapien-
tiam nemo assequitur, in summis malis omnes sumus, quibus vos optime consul-
tum a Diis immortalibus dicitis. Nam ut nihil interest utrum nemo valeat, an nemo possit valere. Sic non intelligo quid intersit utrum nemo sit sapiens, an nemo esse possit.* Nos vero non eo usque progredimur, quia ad rem nostram necesse non est; quisque fortasse olim po-
tuit & nunc potest ad sapientię & vir-
tutis apicem pervenire; at saltem ex actuali omnium ignorantia & pravitate con-
cludere licet, opem Dei supernaturalem & hominibus valde utilem, & homines in magna ejus indigentia extitisse.

Deinde quicumque attendere voluerit ad ingenium, indolemque multitudinis, pu-
to, deprehendit, illam tot tantisque cau-
sis advocari ab investigatione officiorum, ut nulla spes sit illam proprio Marte in tali inquisitione multum profecturam. Affertenda est primum non levis attentio & in quaerenda veritate sedula diligentia; multa quippe ponderanda sunt, quæ sit natura Dei, quæ hominis conditio, quæ inter seipsum & Deum aliosque homines relationes existant, quæ sit actionum hu-
manarum efficiencia, & ex hisce princi-
piis officia religionis & vitæ per seriem

quandoque argumentorum difficilem, col-
ligenda sunt. Secundo, affertendum est ad considerationem rerum sanum rectumque judicium, liberum a præjudicatis opinio-
nibus: ut in physicis rebus necesse est perpetuo errare eum, qui falsis imbutus principiis & acri parum præditus ingenio naturalium investigationem tentant: sic in moralibus errores innumeros vitare nun-
quam poterit, qui officiorum indagatio-
nem ratione debili & errori assueta, aut judicio præconcepitis opinionibus vitato, aggreditur. Tercio affertendus animus pa-
catus & magna constantia; nam quem immoderata rerum terrenarum cura sol-
licitat, aut ædus acripiit cupiditatum, hic parum idoneus est philosophię studio. Li-
bido caliginem mentibus offundit; univer-
sum statum interiore immoderata sua vi perturbat; sensus omnes corrumpit; efficitque ut acclinis falsis animus me-
liora reculet, rationemque velut ingratam præceptricem aut accusatricem inimicam exhorreat.

Atqui hæc omnia ab hominum vulgo nullatenus speranda sunt. Paucissimi sunt, qui ad principia religionis & morum at-
tendunt; qui satis ingenioli sunt aut fa-
tis vacant, ut scientiæ se se dedere possint. Plerique contentiones omnis incapaces res extra sensum positas vix cum præceptore assequi valent. Sed pauciores sunt quibus rectum sit sanumque judicium, & qui be-
ne utantur ratione in inquisitione veri-
tatis. Corruptunt enim judicium præcon-
ceptæ opiniones; quibus omnes ferme ho-
mines qui sedula & diligenti institutio-
ne caruerunt, ab ipsa pueritia mancipan-
tur, & per totam vitam, quasi ad sa-
xum, adhærescunt. Simul atque in lu-
cem editi & suscepti sumus, ut Cicero-
nis verbis utar, in omni continuo pravi-
tate & in summa opinionum perversitate versamur; ut pane cum lacte nutritis er-
rorem suxisse videamur. Cum vero paren-
tibus redditi, deinde magistris traditi su-
mus, tum ita variis imbuimur erroribus, ut vanitati veritas & opinioni confirma-
ta natura ipsa cedat... Cum vero acce-
dit eodem, quasi maximus quidam ma-
gister

[a] Vide Sextum Empiricum, Locke de intell. hum. l. 1. Bayle *Lettres sur la Com-
mte & à un Prov. Lettres édifiantes, Voyages, &c.*

gister populus & omnis undique ad vitia consentiens multitudo, tum plane inficimur opinionum pravitate, a naturaque ipsa descisimus (a). Denique quam pauci sunt, qui rei familiaris sollicitudine non detineantur, aut perverfis cupiditatibus non avocentur ab hæc veritatis inquisitione (b).

2. Lex naturalis, sumpta pro ratione ejusque hominis propria, non habet sanctiones perfectissimas, seu non proponit hominibus ea motiva, quæ satis potentia sint ad inclinandos homines ad præstandum obsequium præceptis naturalibus. Hoc etiam confirmare possumus opinium temporum experientia: in quibus omnibus dicere potuit Juvenalis.

Egregium sanctumque virum si cerno,
bimembri

Hoc monstrum puero, vel miranti sub
aratro

Tom. I.

[a] Rien n'obscurcit tant les idées de vertu, que la nature avoit gravées dans nos âmes en nous formant, que les faux dogmes & les loix d'Etat, qui sont contraires à la pureté de la loi naturelle. On a trouvé en naissant ces loix toutes établies, elles sont munies du sceau respectable de la Religion & de l'autorité souveraine: le moyen de soupçonner, que ce qu'elles ordonnent soit un crime, ou ce qu'elles défendent une vertu? Que de peuples même policés ont poussés la barbarie par principe de religion jusqu'à immoler des hommes à la Divinité. Tant que le crime passe pour un attentat contra la police établie, il ne tire pas à conséquence, & ravement le criminel se croit-il innocent. Mais est-il accredité par une loi ou par un usage universellement reçu, c'est alors qu'il entame les cœurs par l'endroit le plus important, ne se contentant pas de leur enlever leur innocence, mais ce qui est mille fois pis encore, les rendant incapables de repentir. Les Mœurs, p. 21. Nonne hæc olim fuit conditio populorum omnium, & etiamnum eorum quos lux Evangelii non collustravit.

[b] Il y a, dit l'Auteur des mœurs, dans le cœur deux régions distinctes; l'une est une île un peu plus qu'à fleur d'eau; l'autre est l'eau même qui baigne l'île. La première a une surface plane, dure & blanche comme seroit une table du plus beau marbre de Paros. C'est sur cette surface que sont gravés les saints préceptes de la loi naturelle. Près de ces caractères est un enfant dans une attitude respectueuse, les yeux fixés sur l'inscription, qu'il lit & relit à haute voix: c'est le Génie de l'île, on l'appelle l'amour de la vertu. Pour l'eau dont l'île est environnée, elle est sujette à de fréquents flux & reflux; le plus doux zéphyr suffit pour l'agiter; elle se trouble, mugit & se gonfle. Alors elle surmonte l'inscription, l'on ne voit plus les caractères, l'on n'entend plus lire le Génie. Mais du sein de l'orange renaît bientôt le calme, la surface de l'île sort du gouffre plus blanche que jamais, le Génie reprend son emploi. Utinam ut belle conficta, sic ad veritatem esset hæc imago composita. Suntne ergo mentis tabulis insculpta clare sanctæ legis naturalis præcepta? Vigetne in animis Genius virtutis, ad leges inscriptas attentus, easdemque perpetuo relegendus? An ea plerorumque hominum tranquillitas interior est, ut sæpe ne levissima aura passionum animos commoveat? An ullo tempore maxima pars vacat ab ambitione, a cupiditate gloriæ, ab invidia, ab odio, a spiritu vindictæ, ab avaritia & libidine? Unde ergo tanta & tam constans, tam confecta & deplorata ab omnibus plerorumque cœcitas & depravatio?

Piscibus inventis, & facta comparo
mula.

Sat. 12.

De hac hominum perversitate conquelli sunt in omni ætate Legislatores, Philosophi, Historici, Poetæ & Oratores. In hac eadem pravitate causæ sunt arcem posuerunt Athei. Ad frangendam hanc eandem intemperantiam hominum inventæ sunt civitates & leges in ultionem criminum latæ. Videntur ergo satis constare experientia, rationem per se non esse optimam ad virtutem adhortatricem, seu non proponere hominibus motiva apta ad suspendendam vim immoderatam appetitus & causas ad vitium sollicitantes.

Idem constabit, si perpendere voluerimus naturam illarum sanctionum, quæ adjunctæ sunt legi naturali. Etenim inclinamur ad virtutem sensu morali, quo percipitur virtutis pulchritudo & fœditas

R r vitiis

vitius; *conscientia delicti*, quæ angit malos, vel *innocentia*, quæ remunerat pios ac bonos viros; & *ratione*, quæ percipitur felix virtutis ad promovenda nostra commoda efficientia & contraria vitii natura. At 1. *sensus moralis honesti & decori*, quamvis a nullo prorsus absit, tamen minimam vim in plerisque hominibus habere experimur; in illis solummodo mirabiles sui amores virtus excitat, qui divino munere nati ingenii, optimam sortiti sunt institutionem, qui se cupiditatibus liberos servarunt. Majorem quidem habent vim illi metus naturales & aegritudines, quibus avocamur a vitiis: sed etiam ad hæc naturæ monita, nescio quomodo, obfuscescimus; atque illis terroribus potius poenas luimus post admissa facinora, quam a patrandis eriminibus cohibemur. Ex altera parte illæ causæ, quibus ad vitia sepiissime sollicitamur, sensus omnes tangunt, alta voce vocant & javisunt, continuo assultibus fatigant: ut ait Seneca ep. 59. *Vitia de mercede sollicitant, avaritia pecuniam promittit: luxuria multa & varias voluptates, ambitio purpuram & plausum, & ex hoc potentiam, & quidquid potentia ponit*. Immo tanta est cupiditatum vis, ut non tam javisare, quam homines abripere videantur; illarum enim æstu plerique sic perturbantur, ut naturali quadam cedant inclinatione, quam ii solum, qui in virtutis palæstra sunt exercitati, sistere norunt. Videamus jam quod & quale præsidium habeat virtus in *ratione*. Debet quidem ratio per virtutem tutissimum esse iter ad felicitatem, neque dubium ullo modo esse potest diligentium rerum æstimatori, quin homines boni majori, quam improbi, potiantur solida felicitate. At quam sæpe contingit, ut virtus careat justissima mercede sua? Quam

sæpe accidit, ut ipsa sua simplicitas atque candor, bonis causæ sint ærumnarum & ruinæ fortune suarum? Dum ex altera parte scelere consequuntur improbi utilitates suas; unoque facinore eam opum vim & potentiam comparant, quibus in tuto collocantur. Hos animadvertit ratio imbecilla, passionibus plerumque delinita, nunquam earum satis severa iudex; lucroque appetitus apponitur. Apparet quoque rationi virtutis præmia inerta & remora; virtus laudatur & alget: adest ante oculos criminis merces, semperque improbi illam spectant ut malarum suarum actionum certissimam consequentiam. Virtus ergo in nulla re sufficiens habere præsidium videtur.

Obijcies 1. Lex naturalis seu ratio hominibus data est a Deo ad eorum vitam regendam, neque frustra a Deo sapienti & bono data fuit. Atqui nisi esset perfecta & contineret omnia præcepta ad institutionem optimam vitæ pertinentia, non responderet huic fini. (a)

Respondeo 1. Argumenta metaphysica contra facta clarissima nullam habere vim. Eodem plane rationio concludere liceret, nullos homines nasci cum membris ad functiones suas inutilibus; verbi gratia nullos nasci surdos vel cæcos. Nam oculus datus est a Deo ad res videndas; neque vane a Deo sapienti & bono datus est. Conscieres etiam nullum esse in mundo malum neque physicum neque morale; quia hæc nobis non consentire videntur cum Dei summa bonitate.

Respondeo 2. distinguo majorem. Lex naturalis a Deo hominibus recens conditis data, natura adhuc integra & incorrupta, erat perfecta & apta ad perfectam vitæ informationem, esto. Lex naturalis ut in præsentis conditione naturæ hu-

[a] Le Legislatneur supreme veut que l'homme soit vertueux dans toute sa conduite, qu'il observe les préceptes de la loi naturelle; & c'est pour l'éclaircir sur ces devoirs qu'il a orné son ame d'une portion de sa sagesse divine. Or peut-on supposer que les moyens ne soient pas suffisants pour la fin? N'est-ce pas faire injure à la sagesse de Dieu? Dès-lors que les hommes sont obligés à pratiquer la loi naturelle, il faut supposer qu'ils la connaissent. Que droit-on d'un Prince sévère qui voudroit qu'on suivit ses intentions, sans se donner la peine de les rendre publiques? Les Monarques les plus despotiques ne portent pas le caprice jusque-là. L'auroit-il donc deux justices, l'une pour Dieu, l'autre pour les hommes? ou Dieu le plus tendre des pères sera-t-il moins équitable qu'un tyran? Les mœurs.

humanae cuique homini per facultates naturales innoteleat, nego. Confitetur igitur libentissime Deum dedisse homini legem relative ad conditionem suam perfectam aptam ad perfectam ejus informationem. Certum quoque videtur primam Dei progeniem non fuisse coecam, neque surdam, sed certum est quoque rationem cuiusque hominis illam perfectionem jam non habere. Certum est aliquos nasci coecos & surdos. Quid igitur concludendum, nisi hominem ex eo statu, in quo primitus conditus est, aliquo modo excidisse. Non est hæc duplicis status distinctio *petitis principii*, sed conclusio evidentissima ex duabus præmissis, quarum primam accipimus a Deistis, altera in experientia posita est.

At, inquit, distinctio hæc duplicis status non elevat omnem difficultatem neque Deum absolvit. Nam est Dei voluntas etiam in hoc præsentis statu, ut homines omnia præcepta servant, quæ ipsis imposita primitus fuerunt; ad eadem officia obligantur. Jam vero estne Dei boni, eadem omnia exigere ab hominibus ægotantibus & graviter læsis, quæ sani solummodo præstare potuerunt, (a)

Duo in hæc objectiones nobis imputantur, quæ apud nos dogmata nullo modo sunt, & de quibus putamus pronuntiandum non esse. Primum est, quod Deus ab hominibus male sanis illa omnia exigat, quæ ab hominibus sanis exigebat. Sine dubio creditor æquus est parens optimus, non vult metere ubi non seminavit, usuram talenti commodati tantum-

modo repetet, si amplius voluerit & vires dabit ampliores. Secundum est, quod naturalia officia, quæ homines olim præstabant, nunc non possint præstare, a qua assertionem puto etiam abstinendum, quia nescimus quousque laudabiles hominum conatus, quos Deus adjuvare paratus est, pertingere possint. Hoc certum est homines esse in summa difficultate veritatis invenienda & virtutis exercenda; hæc quoque difficultatem tantam fuisse, ut vix ulli extiterint olim sapientes & bene morati viri. Hæc tanta difficultas sufficit, ut dicere possimus legem rationis esse imperfectam & homines esse in magna indigentia opis alicujus supernaturalis. Si Deus hominem ad terram aridam incolendam damnaasset, quæ fruges non nisi maximo labore exercita frunderet, cujus laboris homines impatientes vesci noxiis potius herbis sponte nascentibus eligerent; nonne hæc hominis conditio deterior esset quam nunc existit; nonne in summa indigentia essent divine opis; summumque æstimaretur beneficium, quidquid hunc laborem minueret?

Obijcies 2. Lex omnis naturalis paucissimis veritatibus simplicissimis continetur, scilicet notitia existentie & perfectionum Dei, & quod ad praxim attinet, scire oportet honorandum, diligendumque esse rerum omnium parentem Deum, & benevolentiam prosequenda esse omnia entia rationalia cum quibus est nobis juris communio. At hæc duo principia omnibus obvia & nota sunt, in omnibus mentibus sunt uniformia (b).

R r 2

Re-

[a] La distinction des deux états ne leve point la difficulté, elle ne sauroit point la sagesse, la justice & la bonté de Dieu. Que les hommes aient mérité tant qu'on voudra ce prétendu aveuglement: au moins depuis qu'ils l'ont encouru, la pratique de leurs devoirs leur est devenue impossible. Cependans l'obligation ne cesse pas. Est-ce toujours un Etre infiniment bon, infiniment juste, qui continue toujours d'exiger d'eux memes devoirs? J'ai chargé mon valet d'un message: au lieu de m'obéir, il s'est amusé de se balancer sur une escarpolette, & il s'est rompu la jambe. Il a fait une faute, je puis avec justice la lui faire ressentir, mais si j'exige de lui qu'il fasse d'autres messages avant que sa jambe lui ait été remise, de quelle épithète me qualifierez-vous? Les mœurs ibid.

[b] On ne voit pas ce qui manque à la Religion naturelle; elle renferme la connaissance de tout ce qu'il importe à tous les hommes de savoir & de pratiquer. Car qu'y a-t-il d'essentiel en ce genre? c'est de savoir qu'il existe un Dieu, d'avoir une idée de ses souveraines perfections: & à l'égard de ce qu'il faut pratiquer, toute la morale se réduit à aimer Dieu, soi-même & le prochain. Or la Religion naturelle nous enseigne tous ces points clairement, & uniformément. L'existence de Dieu

Respondeo 1. Hæc principia paucissima, præsertim ea quæ spectant naturam divinam, ante propagationem Religionis christianæ non esse visa Cicéroni tam obvia, tamque uniformia in omnium mentibus. Sic enim orditur libros suos de natura Deor. *Cum multa res in philosophia nequaquam satis adhuc explicata sint, tum perdifficilis, Brute, (quod tu minime ignoras) & perobscura questio est de natura Deorum: quæ & ad agnitionem animi pulcherrima est, & ad moderandam religionem necessaria. De qua tam varia sunt doctissimorum hominum tamque discrepantes sententiæ, ut magno argumento esse debeat, causam, id est, principium philosophiæ esse scientiam: prudenterque academicos a rebus tam incertis assensionem cohibuisse (b).*

2. Fatemur omnia legis naturalis præcepta, quæ vitam spectant, contineri in illo principio, quod benevolentia generali omnia entia rationalia complecti debeamus, sed continentur tanquam conclusiones in principiis. Non simul cum ipso principio intuitive apprehenduntur, sed evolvenda sunt per argumentationem & per difficilem quandoque confectariorum feriem. Pauca etiam sunt eaque obvia Mathematicis axiomata, ex quibus immensa deducitur disciplina a vulgi intelligentia longe disjuncta. Nisi etiam moralis disciplina haberet difficultatem aliquam, tantam laudem non comparavissent Socrates & alii, qui in ea explicanda ingenium exercuerunt. *Ex philosophis, inquit Cicero, Tuscul. qu. l. 3. nonne optimus & gravissimus quisque confietur, multa se ignorare; multa sibi etiam atque etiam esse discenda?* Si Philosophi optimi & gravissimi tantas in investigandis veritatibus difficultates expectantur, quanto magis abest rudis plebs ab

hac officiorum perfecta comprehensione?

3. Fortasse homines veritatis detegendæ cupidi & vacui a præjudiciis poterunt invenire illas omnes veritates in quibus vita præsertim vertitur. Attamen ideo dicimus hoc a multitudine non esse expectandum, quia leves sunt plerumque homines, quia desides, quia impatientes laboris & contentionis, quia pravis sunt imbuti opinionibus. *Multis signis, inquit Cicero de amic. natura declarat quid velit. Obsurdissimus tamen nescio quomodo nos audimus. Mihi autem, inquit idem, non modo ad sapientiam caci videmur, sed ad ea ipsa quæ aliqua ex parte cerni videantur hebetes & obtusi: Sicut in luce solus vespertilionum oculi, habet Aristoteles, ita in rebus clarissimis mens humana. Mihi semper, inquit Plato in Epinomide, semper visum est & etiam nunc videtur alias omnes artes non admodum difficiles esse; hominum vero ad rectam vitam institutionem omnium longe difficillimam: & l. 2. de leg. dicit raro evenire, ut vel in senectute homines sapiant, relictisque habeant rerum notiones.*

Et profecto etiam summi inter Ethnicos Philosophi & propemodum omnes contra rationem sententiam non dixissent; ea quæ ubique olim obtinuit rerum divinarum ignorantia, vanissimæ paganorum religionis & infamia instituta summæ temeritatis Deistas arguunt. Quippe si officia religionis tam essent in aperto constituta, ut facile & sine labore ab omnibus etiam rudibus perfecte cognoscerentur; quomodo, quæso, factum est, ut tam ridiculas circa Deos opiniones tenuerint? Ut ne fortuito quidem in rationabilem Deum cultum incidereint, sed spiritus immortalis loco, sol, luna, æstra, fluvii & quæcumque inanissima divinos acceperint hono-

est une de ces vérités qu'on ne met guères en question que dans les Ecoles. L'idée de ses souveraines perfections est à peu de chose près la même dans tous les esprits. Enfin tous les hommes, pour peu qu'ils réfléchissent ou qu'ils raisonnent, conviendront qu'il faut aimer soi-même, aimer le prochain. La Religion naturelle n'est donc pas aussi imparfaite qu'on voudrait la représenter. Les mœurs ibid.

[a] Il y a de dangereux Sophistes, qui sont de Dieu une image bien étrange: il y a des impies qui reconnoissent une divinité oisive & dédaigneuse, qui de crainte de troubler son repos n'entre pas dans le détail des affaires de ce bas monde, qui ne se tient pas offensée des injustices des hommes, ni honorée par leurs hommages. Les mœurs ibid.

res? Qui factum est, ut bobus, crocodylis & vilissimis animalibus condita fuerint Tempia splendidissima? Sua etiam habuerint delubra, non solum virtutes; sed fortuna, sed febris, sed metus & ipsa impudentia? In cultu externo quam multum ritus ridiculi sacerdotum ministerio perficiebantur? Quam vana augurum & aruspicum disciplina & omnis veterum divinationis? quam multa scelera & flagitia diebus festis admissa erant & religione publica consecrata? Hic litabatur humano sanguine; illic scortationibus & impudiciis numen colebatur, vel bacchantum furoribus. Neque apud unum aut alterum populum hæc impura instituta obtinuerunt, sed apud omnes propemodum; non tantum apud barbaras & efferae gentes, sed apud excultissimas in quibus scientiæ & artes floruerunt; neque solum ad breve tempus, sed ab antiquissima ætate: nam Ethnica superstitio apud omnes populos, quantumvis temporis & loci longinquitate divisos, invaluit. Sola illa gens quæ Deum verum habuit appropinquantem sibi, a quo acceptam legem gloriatur, a communi contagione libera, recte de Deo & officiis sensit deprehenditur.

PROPOSITIO SECUNDA.

Generis humani, in omnem errorem & pravitatem prolapsi, reformationi Philosophia præsidere non potuit.

PROBATIO.

NAM 1. Philosophia duce nunquam confici potuit præceptorum perfecta collectio. 2. Illa ipsa qualiscunque præceptorum summa, quam ex Philo-

phorum scriptis conficere licuit, nunquam potuit humana doctrina & institutione apud vulgus promulgari.

1. Philosophia quidem in summam redigere omnia præcepta religionis & vitæ non potuit, cæ hæc evidentissimas causas.

Primo. Quia Philosophorum nulla schola totam veritatem tenuit: illæ quæ de disciplina morali optime meriti sunt, ut academia, lyceum, porticus, in absurdissimas opiniones abierunt. Multi numerantur divini Platonis, Aristotelis & Zenonis etiam in rebus moralibus errores (a). Neque facile alicui fuisset veritatem sparsam per singulos in summam redigere. Facile est docere, ut ait Lactantius l. 7. div. instit. pene universam veritatem per Philosophos & sectas esse divisam... nullamque sectam fuisse tam deviam, nec Philosophorum quemquam tam inanem, qui non viderit aliquid ex vero. Sed dum contradicendi studio insaniant, dum sua etiam falsa defendunt, aliorum etiam veritatem subvertunt; non tantum elapsa illis veritas est, quam se querere simulabant, sed ipsi eam potissimum suo vitio perdidērunt. Quod si extitisset aliquis, qui veritatem sparsam per singulos, per sectasque diffusam colligeret in unum ac redigeret in corpus; is profecto non dissemiret a nobis. Sed hoc nemo facere, nisi veri peritus ac sciens, potest.

Secundo Philosophi clarissimi plerumque anxii & dubii extiterunt circa ipsa religionis & morum fundamenta. Audivimus jam supra Ciceronem dicentem: cum multa sunt in Philosophia nequaquam satis explicata; tum perdifficilem &

perob-

(a) Plato uxorum communitatem commendabat; concubitus vagos seu fornicationem permittebat; infantium expositionem tam crudelem & a parentali affectione tam abhorrentem, non modo non improbavit, sed commendavit quidem, ubi non essent bene conformati; in festis Bacchi ebrietatem non damnat. Aristoteles tam obscure de Deo scripsit, ut Atheus a multis habitus sit; quam ineptis argumentis confirmat novam suam opinionem de mundi æternitate? partuum abactiones non condemnat, neque in infantes crudelitatem; turpes & lascivas Deorum imagines approbat. Stoici maxime erant in scriptis obsceni; ipsis Deus igneus erat; plerique fatalem rerum concatenationem defendebant, fornicationem probabant universi, ipse etiam Epictetus incestum etiam a natura maxime abhorrentem Patris & Filii, Matris & Filii concubium, non horrebant: quam absurda sunt hæc eorum dogmata? Paria sunt peccata, est aliquid quo sapiens antecedit Deum, quia Deus naturæ beneficio, non suo sapiens est: Deus non vincit sapientem felicitate, etiam si vincit ætate: si cui virtus animusque in corpore præsens, hic Deos æquat.

perobscuram quæstionem esse de natura Deorum. Idem Philosophus: differens de altero vitæ moralis principio, videlicet animi immortalitate: *ea quæ vis, inquit Tusce. l. 1. ut potero explicabo; nec tamen quasi Pythius Apollo, certa ut sint & fixa quæ dixerō; sed ut homunculus unus & multi, probabilis conjectura sequens: ultra enim quo progrediar, quam ut verisimile videam, non habeo.* Ibidem scribit: *Nescio quomodo dum lego (ea quibus conficitur immortalitas animi) assensior; cum posui librum & mecum ipse de immortalitate animorum capere cogitare, assensio omnis illa elabitur.* Credebam facile, ait Seneca, opinionibus magnorum virorum rem gratissimam promittentium magis, quam probantium. Ipse Socrates, qui in morali philosophia totam ætatem consumperat, in ultimo quem habuit ad amicos sermone dubitanter de vita futura locutus est, quod Tertulliano occasionem præbuit hæc scribendi. *Ad eo omnis illa tunc sapientia Socratis de industria venerat consultæ æquanimitatis, non de fiducia comperta veritatis.* Jam vero confidente ipso Cicerone, nisi hæc pro certis habentur, necesse est homines in maximarum rerum ignorantia versari, quibus sublevis (vel in dubium vocatis) nulla potest esse pietas, nulla sanctitas, nulla religio; & perturbatio vitæ sequitur, magnæque confusio; fides etiam & societas humani generis & una excellentissima virtus iustitia tollitur.

Tertio, quia Philosophi neque cognoverunt, neque potuerunt cognoscere omnem veritatem ad perfectam religionis & morum informationem pertinentem. Quid enim ad religionem tantum attinet, quantum cognitio viæ & modi, quo peccata expiari possint, & placari inferum sceleribus numen? quæ quæstio in tota philosophia est momenti majoris & ad hominis tranquillitatem & salutem? Cum quis in civitate aliquid adversus leges admisit, de re nulla tam sollicitus est & esse debet, quam ut primum discat, quæ poenæ legis violationi adjuncta sit; deinde quæ via ad veniam obtinendam minuendamve poenam pateat: sic quoque in civitate Dei, quam novimus legibus

æquis temperatam esse, nihil tantum interest hominum peccatorum (& omnes sumus) quam scire quæ impendeant nostris capiribus a iusto iudice infligenda mala, & quomodo possint averti: At dum malum aperiēbat ratio, minitabatur conscientia, remedium nullum afferebat philosophia. Docebat quidem illa Deum bonum non solum erga bonos, sed erga malos quoque; quandoquidem patientem eum & in puniendis sceleribus tardum observabat: verum ut patientem, bonum & misericordem, sic sapientem, iustum, sanctumque demonstrabat; misericordiam nihil posse deirahere iustitiæ, neque posse exerceri nisi juxta sapientiæ & sanctitatis leges incommutabiles. Centeniā nunquam visa est philosophia neque videri debuit expiatio criminis sufficiens ad ulciscendum legum divinarum contemptum, ad vindicandam imperii divini maiestatem, ad manifestationem divinæ sanctitatis, uti alio loco fusius consiciemus. Hincque sine dubio ad sacra omnis generis & expiatoria sacrificia veteres ubique confugerunt, & ipso humano sanguine litaverunt, rati poenitentia esse aliquid adiciendum. Quæ tamen sacrificia sapientiores haud multum probabant & parum apta putabant expiandis sceleribus, expectandumque duebant, donec ipse Deus significaret hominibus quo cultu vellet honorari.

2. Quamvis Philosophi conficere potuissent collectionem perfectam præceptorum, eam apud vulgus per disputationem philosophicam promulgare nunquam potuissent.

Primo. Quia homines erudiendi philosophiæ addicenda nequaquam apti sunt. Oportet philosophiæ auditores esse veritatis studiosos, nam doceri non possunt, qui nolunt discere: esse quoque attentos, alicujus contentioni capaces, in prosequenda veritate constantes; esse etiam prædictos acuto satis ingenio, rectoque iudicio, ut unumquemque præceptoribus religionis & vitæ moralis principia & officia evolvere valeant. Atqui experimur homines primum esse a doctrina alienos, tædet eos discere; deinde esse leves, nec attendere rebus clarissimis quæque incurrunt quodammodo in oculos; eosdem esse omnis contentionis

inepares, nec habere satis otii, ut vacare possint addiscendæ philosophiæ; paucos tandem pollere ingenio satis acuto, fanoque judicio, ut Philosophorum rationes capere possint. Præterea vivendi scientia in omni ætate & in omni conditione vitæ necessaria est; institutione ergo a prima pueritia authoritative inculcanda est, & ut habet Lactantius inst. div. l. 3. c. 16. *abjicienda est omnis philosophia; quia non studendum est sapientia, quod sine modo careat; sed sapiendum est & quidem mature. Non enim nobis altera vita conceditur, ut cum in hac sapientiam quaeramus, in illa sapere possimus: in hac utrumque fieri necesse est: cito inveniri debet ut cito suscipi possit, nequid pereat ex vita, cujus finis incertus est.* (a)

Secundo. Ut Philosophi docere possent humanum genus omnem veritatem, requirebatur, ut plurimi essent Philosophi generis humani vere amantes, qui ceteros docere ea studerent, quæ philosophia duce cognovissent: pauci tanto operi pares non extitissent. Jam vero paucissimi semper fuisse veri Philosophi, qui religionis & morum legibus investigandis serio allaborarint; qui superstitionibus & præ-

judiciis popularibus non sint obsecuti. Sapientissimis non tantopere cordi fuit generis humani ad veritatem institutio, ut ad hanc procurandam molestias & labores in se voluerint suscipere. Socrates, Plato, Cicero, quibus nihil divinius novit ethnica antiquitas, quos privatim irridebant Deos, colebant publice: docebantque uno ore, in iis quæ de religione constituta sunt, nihil esse immutandum, neminemque sanæ mentis id unquam suscepturum (b). Immo apud ipsos receptum fuit, expedire falli in religione civitates (c). Hinc cum Cicero multa in libris suis adversus religionem paganorum scripisset, monet illa non esse vulgo disputanda, ne susceptas religiones disputatio talis immutet. Mirari se cum Catone, ait de div. l. 2. quod non rideret aruspex, aruspicem cum videret: jubet tamen ut in religione instituta pontificum & aruspicum serventur. An idonei censeri possunt veritatis magistri illi Philosophi qui illam in injustitia detinebant, quique cum cognovissent Deum non sicuti Deum glorificaverunt, sed ea fecerunt, quæ faciabant illi, quos stultissimos confitebantur.

Tertio. Oportebat Philosophos doctores

[a] Sequerentur tria inconvenientia, si hujusmodi veritas solummodo rationi inquirenda relinqueretur. Unum est quod paucis hominibus Dei cognitio, saltem accurata, inesset: idque tum ob tardum multorum ingenium, tum ad sciendum naturaliter indispoti sunt, tum ob necessitatem rei familiaris, tum denique ob pigritiam. Secundum inconveniens est, quod illi qui ad prædictæ veritatis cognitionem vel inventionem pervenirent, vix post longum tempus pertingerent, tum propter veritatis profunditatem, tum propter multa quæ præciguntur; tum quod tempore juventutis, dum diversis moribus passionum anima æluat, non est apta ad tam altæ veritatis cognitionem. Tertium inconveniens est, quod investigationi rationis humanæ plerumque falsitas admisceatur propter debilitatem intellectus nostri in judicando & phantasmatum permixtionem; & ideo apud eos in dubitatione remanerent ea, quæ sunt etiam verissime demonstrata, dum vim demonstrationis ignorant, & præcipue cum videant a diversis, qui sapientes dicuntur, diversa doceri. S. Thomas l. 1. contra Gent. c. 4.

[b] Socrates probabat illud oraculi delphici responsum; Deos ex instituto civitatis colendos esse, & mortui proximus rogavit familiares suos, ut Esculapio gallum quem voverat pro se facerent. Cui consentit Cicero l. 2. de leg. a Patribus acceptos Deos placuit coli... illud ex institutis pontificum & aruspicum non mutandum est, quibus hostiis immolandum cuique deo.

[c] Expedire exilimabat Sævola Pontifex maximus, falli in religione civitates. S. Aug. de civ. Dei l. 4. c. 10. Varro de religionibus loquens evidenter dicit multa esse vera, quæ vulgo scribi non sit utile; multaque quæ tametsi falsa sint aliter existimare populum expediat. Hic certe totum consilium prodidit sapientium per quos civitates & populi regerentur. *Ibidem.*

gaudere quadam apud vulgus auctoritate ex virtute & doctrina: nisi enim apud plebem in honore haberentur, suspicerenturque ut singulares viri; & hæc eorum reverentia frangeret vim sensuum, cupiditatum, præjudicatorum opinionum & malæ consuetudinis, paucissimi illis docentibus præbuisent benignas aures, quamvis aperta & clara protulissent. At quæ Philosophorum apud plebem auctoritas esse potuit? Inter se perpetuo divisi de omni relitigabant: & præterea sua vivendi ratione præceptis omnem vim adimebant. Vitia hominum carpebant vitia ipsi mancipati, quod illis exprobat Tullius Tusc. l. 2. *Hæc eadem (morum regulas) num censet apud ipsos Philosophos valere nisi admodum paucos, a quibus inventa, disputata, conscripta sunt? Quotus enim quisque Philosophorum invenitur, qui sit ita moratus, ita animo & vita constitutus, ut ratio postulat; qui disciplinam suam non ostentationem scientiæ, sed legem vite putet; qui obtemperet ipse sibi & decretis suis pareat? videre licet multos libidinum servos, &c.*

PROPOSITIO TERTIA.

Legis naturalis externa per revelationem promulgatio aptissima via est ad homines erudiendos & ad virtutem excitandos; proindeque hominibus utilisima.

PROBATIO.

I. **P**ER revelationem externam clarius, brevius & perfectius doceri possunt homines rudēs ea quæ pertinent ad religionem & bonam vitam: immo vero fides sola via est apta erudiendis rudibus. Nam experientia constat præcepta vivendi facilius mentibus hominum inculcari, ut articulos fidei, quam ut scientificas conclusiones: multis ubique invenimus qui fide imbuti veritatibus receptis ex auctoritate constanter adhærent; paucissimos qui in philosophia versari per causas didicerunt; pauciores qui proprio studio valeant ratione veritatem consequi. Non solum in rebus ad religionem pertinentibus, sed in omni vita civili homines fide ducuntur: pauca perfecte norunt, plura credunt: nulli ferme sunt, qui suum

adhibeant iudicium & qui id non habeant ratum, quod judicatum vident ab aliis quos maxime probant: & ubi judicandum est, magis sunt a natura comparati ad res de factis ferenda iudicia, quam ad argumentorum vim explorandam: certitudinis morales, quam metaphysicæ, meliores æstimatores.

Præterea revelatio medetur illis omnibus incommodis supra enumeratis. Ideo vulgus hominum incapax est addiscendæ philosophiæ, quia rude caret ingenio satis acuto, quia caret otio, quia leve præceptionibus Philosophorum raro aures benignas accommodat; quia pervicax est quæcumque disciplinam fuerit fortuito delatum, illi quasi affixum saxo adhærescit. Jam vero testante Deo, non est opus inquisitione neque acri & perspicaci ingenio, neque multo otio; quia per revelationem sine labore ea innotescunt omnia etiam pueris, quæ nonnisi post adultam ætatem & post longa studia consequuntur Philosophi. Ad divinam vocem arrectas aures habere homines solent, atque eorum animis impressa manent mandata cœlestia, dum elabuntur humana. Denique præceptionibus divinis mentem submittimus, neque contumaciter cum omnipotente contendere audemus.

Immo ipsi Philosophi in externa promulgatione legum naturalium sine dubio multa invenirent adjumenta scientiæ & veritatis adminicula. Nam Philosophi quocumque polleant ingenio, non apprehendunt intuitive omnia præcepta naturalia, sed eadem ratiocinando concludunt: proindeque illud omne quod investigationem veri feliciter promovere potest aut ab errore revocare, maximè utilis est. At qui complexio legum naturalium per revelationem promulgata multum juvaret etiam perspicacissimos: primo oculis exhibendo eas veritates ad quarum demonstrationem mentem conferre deberent. Sic v. g. si haberemus solummodo enuntiata theorematum in libris Mathematicorum contentorum sine ullis demonstrationibus, facilius certe mathematica disciplina inveniretur, quam si illis careremus enuntiatis. Idem de morali disciplina verum est; & quia hæc caruerunt veteres Phi-

Philosophi, errant velut mari magno, ut habet Lactantius, nec quo ferrentur intelligebant; quia nec viam creabant, nec ducem sequebantur. Recentiores Deistæ perfectiorem complexionem legum naturalium consecrunt; an quia Pythagoram, Socratem, Platonem vincunt ingenio & gravitate? An non potius propter illam ipsam revelationis lucem, quam ingrati aspernantur? Secundo si veteres habuissent præceptorum collectionem, quam a Deo accepissent, non fuissent profecto in rebus maximi momenti tam dissidentes, tantisque implicati erroribus. Tertio vox divina omnem sustulisset anxietatem & dubitationem, quam in animis Philosophorum relinquere videtur ratio, etiam circa res gravissimas, easque maxime confirmatas.

II. Per revelationem externam non solum clarius, brevius & sine erroris admixtione docemur præcepta vitæ & religionis; sed additur etiam præceptis auctoritas, qua fortius ad obsequendum inclinantur homines. Sic quamvis quisque investigare posset omnem moralem disciplinam; multo tamen idem efficacius commoveretur ad officia exequenda, si eadem illi a Deo ipso externe injungerentur & miraculorum splendore confirmarentur [a]. Et vero, quod maximum est, per divinam revelationem in clariori luce constituti possunt futura virtutis præmia & vitio destinata supplicia. Nam etsi ratione confici possit manere animos post mortem & experituros esse pro meritis bona vel mala; tamen quoniam imperfecte apprehenditur futuræ vitæ conditio & sibi fingunt homines quidquid velint, non satis solent futurorum bonorum vel malorum expectatione commoveri. Sed si Deo admonente intelligamus paratum esse bonis regum, ubi admissi ad intuitum Dei conspectum consecuturi sumus immensum & innarrabile gloriæ pondus; & ex altera parte impios horrenda manere supplicia, vermem nunquam moriturum, ignem inextinguibilem: quis dubitet, quin majore

rem habituræ sint vim ad impellendos homines ad virtutem vel coercendos a flagitiis hæc expressæ denuntiationes, quam fictæ camporum Elysiorum & Stygis imagines?

Propter hanc revelationis utilitatem maximam videmus summos Philosophos illam ardentibus votis expetiisse & etiam aliquibus spern affuisse tanti a Deo muneris. Certe Plato in Epinomide postquam docuit pietate nihil majus inter homines esse, subjungit: docere eam neminem posse nisi Deus, quasi dux & magister præverit. In ejusdem Platonis Alcibi. 2. postquam docuit Socrates justitiam ac sapientiam apud homines sana mente præditos in summo pretio esse, sapientes vero ac justos illos esse, qui intelligunt quid faciendum, dicendumque sit apud Deos & apud homines; tum fatetur ignorare homines quid Diis gratum sit: ideoque concludit nihil tutius atque consultius esse, quam quiescere & expellere donec aliquis didicerit, quo animo & erga Deos & erga homines esse oporteat. Sic etiam in Phædone, qui dialogus est de immortalitate animæ; postquam Simmias dixit idem sibi videri quod Socrati, nempe de hujusmodi rebus certam ratamque cognitionem habere aut plane esse impossibile, aut supra modum esse difficile; monet humanarum rationum quæ melior sit, id est, quæ minus refutari possit, eam eligendam atque æuendam: nisi quis firmiore quodam vehiculo, aut verbo quodam divino transvehî possit.

Objectiones. Si aliquam afferre posset hominibus utilitatem revelatio vel ad certiorum vel ad faciliorem officiorum cognitionem. Atqui tum certius, tum facilius ratione, quam quovis alio modo cognoscuntur. Certius quidem: quia certitudo quam parit ratio, est metaphysica & demonstrationi innititur: certitudo quam parit auctoritas est ad summum moralem; sed illa hanc vincit. Præterea ea est natura certitudinis moralem, ut perpetuo minuaturs donec tandem evanescat. Nam ut observa-

ss vit

[a] Dei præcepta quantum valeant in animis hominum, quotidiana experimenta demonstrant. Da mihi, virum, qui sit iracundus, maledicus, effrænaturs; paucissimis Dei verbis sit plac dom quam ovem reddam. Da cupidum, avarum, tenacem: jam tibi enim liberalem dabo, & pecuniam suam plenius manibus largientem.... Nam quis hæc libenter prosum aut unquam præstitit, aut præstare, si velit, potest. Lact. De falsis sap. l. 2.

vit C. Lockius l. 4. de intell. lum. c. 16. etsi instrumenti apographum signatum testibus fide dignis in foro fidem faciat, tamen exemplum apographi, quacumque confirmatum autoritate, nullus est ponderis. Sic quoque homini, cujus probitas comperta est, dicenti se vidisse, fidem facile addimus; sed si referat se ab alio accepisse, minus firma est assensio. Deum de *facilior* quoque via est ad veritatem per rationem, quam per auctoritatem: nempe difficilius est dijudicare revelationem veram a falsa, quam natura ducere pervenire ad veritatem; idque ob multiplicem causam: imprimis ob varietatem præteritarum revelationum, cum nulla gens unquam fuerit quæ Diis acceptam religionem suam non retulerit. Immo hæc varietas sufficiens argumentum videtur ad refellendas quascunque probationes, cum ostendat plebem ad res miras cum summa credulitate suscipiendas propensam semper fuisse, & extitisse in omni ætate veteratores, qui populos in religionibus fallerent. Deinde in omni religione per traditionem propagata multa in dies immutantur, tolli solent vetera instituta, ut novis locus fiat: adeoque longe major est illius labor, qui præcepta vivendi ex auctoritate, potius quam ex ratione accipere velit.

Respondeo nego minorem, quoad utramque partem.

1. Faremur quidem quod si præcepta morum & religionis forent per se evidentia & eorum veritas intuitive apprehenderetur, illa tunc certius cognosci non posse; sed quia paucissimi homines ea polent ingenii facultate, ut illas sibi possint conficere demonstrationes, manet revelationis summa utilitas respectu multitudinis. Manet etiam respectu sapientum, quamvis in minori sint illius indigentia: quia æterna promulgatio præceptorum naturalium, confirmata miraculorum & prophetiarum splendore, confirmat animos jam veritate per rationem imbutos, efficitque magis constantes, dubiis & suspicionibus minus obnoxios: est lucis quoddam augmentum, quia hæc externa promulgatio magis *authoritativa* est, quam ea quæ fit per rationem; & cum

omnes sensus feriat, attentionem majorem provocat.

Deinde, quod spectat moralem certitudinem, constat invita civili eam eandem vim habere ad persuadendos homines, quam habet certitudo metaphysica, immo esse ingenii hominum magis accommodatam. Adhibemus fidem sensibus & testimoniiis hominum sine ulla errandi formidine. Cui enim philosophico principio firmiter adheremus quam factis positis in consensione omnium? Prius dubitarem de æqualitate trium angulorum in triangulo & duorum rectorum, quam de existentia Henrici quarti & ejus infelici exitu. Sic quamvis immortalitatis animi optimis rationibus fuerit a Platone & aliis demonstrata, tamen Cicero scripsit, quod multi experiantur. *Dum lego, assentior, cum posui librum, omnis illa assensio elabitur.* Atque ad persuadendum quemcumque hominem, non solum rudem, sed etiam philosophum, nullum esset argumentum magis accommodatum quam mortui sepulchrique amici frequentis apparitio, & de rebus hujus & alterius vitæ sermogravis & constans, in iis circumstantiis cum omnes sensus sine ulla perturbatione essent liberrimi. Quocumque igitur nomine vocetur certitudo quam parit ratio, & illa quam pariunt sensus & consensus hominum, certum est hanc illi nullo modo quoad vim & efficaciam ad persuadendum concedere.

Ad id quoque additur ex Lockio respondemus, recte esse constitutum ut non valeat exemplum apographi, licet valeat ipsum apographum; non quia certi esse non possumus exemplum esse accurate descriptum, sed quia nulla ratio est cur non adeatur ipsum instrumentum: rejici debet testimonium magis remotum, cum aliud minus remotum haberi possit. Sed si aliquo casu instrumentum ipsum primum interiisset, sine dubio apographum locum ipsius instrumenti teneret, ex quo postea alia apographa valerent. Sic in religione tradita, cum vetustate consumpta sunt prima instrumenta, regula juris non vetat, quin valeant antiquissima & fide dignissima apographa & ex illis nova descripta.

2. Valde absurdum est asserere homines facilius invenire posse per rationem vitæ præcepta, quam eadem per revelationem accepta magistrorum institutione addiscere: cum experimur nullos plane priori modo informari; totum genus humanum institutione a parentibus, magistris & publica fide accepta, ubique erudiri: videtur ex eo sequi homines facile institui, difficile philosophari. At extiterunt in omni ætate impostores, qui populos fallerent, & idcirco probandi sunt spiritus utrum ex Deo sint; atque hoc examen difficilior est, quam ipsam veritatem per rationem invenire? Nequaquam: non est difficilior primo maxime rudibus & ad omne examen incipis, his enim omnia æqualiter sunt difficilia; & summum eorum felicitas est, si forte nascendi hoc summum acceperint a divina providentia beneficium, ut cum lacte suscipiant veritatem, cujus inveniendæ pares non fuissent. Aliis supra horum conditionem positus facilior est factum dijudicare, quam philosophica disputatione veritatem invenire; quia experimur hos ad rationem quamvis ineptos, tamen bene contexere narrationem facti, cujus ipsi testes fuerunt, & recte judicare de aliorum relationibus. Quod spectat prudentiores & doctiores, qui solent præfidere cæterorum hominum religionibus, & opinionibus, nullum dubium esse potest, quin summas inveniant utilitates in religione revelata propter rationem multiplicem supra allatam. Uno verbo sit facilis, quantum velis, exploratio veritatis, revelatio divina eandem veritatem exponens & confirmans, asserit sine dubio adjumenta scientiæ & consequenter erit valde utilis.

At, inquis, religio traditione propagata immutari potest, libri quibus continetur possunt interpolari & adulterari. Hoc e numero rerum possibile est; sed ex hac generali observatione non sequitur quamcumque religionem revera mutationi obnoxia fuisse corruptos. Si postulent a nobis Deistæ, ut librorum sacrorum vindicemus integritatem, non feremus egre, id nobis sine dubio incumbit: sed ex vanissima suspicione contra nos concludere, uti

solent, temeritatem habet maximam.

At quomodo vulgus hominum, qui neque sermonem, in quo scripti fuerunt libri sacri, intelligunt, sensum verum certo poterunt expromere, cum translationibus uti cogantur? Poterunt novisse illas translationes accuratas esse ex consensione omnium sæculorum & publica fide, ex consensione ipsorum Deistarum, qui hoc serio negare non audent.

Sed populus semper avidus fuit novarum revelationum: esto. Ergo nulla vera: quam ridicula conclusio! Unde orta est hæc populi ad recipiendam revelationem propensio, nisi ex conscientia suæ ignorantie & sensus illius indigentie, in qua erant constituti; aut ex antiquissima traditione accepta a communibus parentibus, qua sciebant Deum olim cum hominibus locutum esse. Generalis hujus effectus generalis aliqua causa assignari debet, & præter illas duas vix aliquam, quæ communis sit, poteris invenire. Sed si illa omnium hominum olim credulitas orta sit ex sensu suæ ignorantie & indigentie summæ, in qua erant revelatæ religionis. Ergo contra communem hominum sensum negant Deistæ revelationem esse utilem & deprecant munus ab omnibus expetitum. Vel si omnes olim crediderint Deum curare res humanas & homines alloqui non dedignari ex veteri traditione: ergo manebit existentia revelationis confirmata unanimi totius humani generis fide & persuasione, nedum propterea haberi possit incredibilis.

ARTICULUS SECUNDUS. *De revelata Religione quatenus est dispensatio supernaturalis.*

Religio Christiana non est solummodo promulgatio externa legis naturæ, quæ nos docet clare ac sine ambiguitate, cum magno compendio, sine ullius erroris admixtione & cum summa auctoritate omnia principia & officia Religionis ac vitæ moralis: sed est etiam supernaturalis dispensatio, quæ novum aperit rerum ordinem rationi investigabilem, institutum ad reparationem humani generis per peccatum lapsi & depressi, procedentem auctoritate Christi Mediatoris & Spiritus sancti ministerio; quæque propter nova hæc beneficia ordini naturali superaddita homines fortius de-

vincit officiis amoris, gratitudinis, fiduciae, devotionis, cæterisque omnibus, etiam erga hos patronos suos. Non pertinet ad præsens nostrum institutum hanc dispensationem fultus evolvere aut defendere: animus est solummodo generatim ostendere ejusmodi supernaturalem dispensationem non esse impossibilem nec inutilem dici posse.

PROPOSITIO.

Revelatio considerata ut nova dispensatio & manifestatio Mysteriorum supra rationis captum positi possibilis est & exoptanda.

PROBATIO.

NAM si revelatio hoc sensu intellecta esset impossibilis, vel quia Religio naturalis ea omnia complecteretur quæ sciri possunt, tum de Dei natura, tum de hominis conditione, tum de divinis in hominem consiliis; & proinde nulla esset revelationis materies: vel quia Deus non potest nos docere de rebus incognitis, aliter quam per rationem & argumentationem ex primis principiis; sicque omnis revelatio externa esset quoad modum impossibilis; vel quia talis revelatio humano generi inutilis foret, & propterea divina sapientia indigna: atqui

1. Absurdum est dicere Religionem naturalem, quatenus per rationem humanam innoscitur, completi ea omnia quæ sciri possunt, vel circa Dei naturam, infinitasque ejus perfectiones, vel circa hominis conditionem, seu primævam, seu præsentem, seu futuram, vel circa divinæ in nos Providentiæ consilia, ut satis patet. Docet Religio Christiana esse in divina natura distinctiones personales; hominem primitus immortalem conditum fuisse, autum gratiæ donis indebitis, atque ad interiorum in statu supernaturali cum Deo conjunctionem destinatum fuisse; eundem nunc nasci filium iræ ejusque facultates passas esse gravem mutationem, neque pristinam excellentiam propriis viribus recuperare posse, quemque in magno esse periculo æternæ damnationis. Hæc omnia impossibilia esse non demonstrant Deistæ, & revelationis supernaturalis materies esse possunt.

2. Revelatio divina continens mysteria inscrutabilia, quoad modum non est impossibilis; quia inanis modis Author

naturæ suam nobis mentem manifestare potest: vel clara voce sicut Moyse ex rubo ardente: sicut Judæis in Sina monte Legem dedisse credimus. Potest etiam prodigiis & virtutibus oculis ipsis obviam facere voluntatem suam. Potest denique qui nos variis imbuat cognitionibus, & intuitivam concessit primorum principiorum cognitionem, eodem modo illustrare mentes hominum circa eas res, quæ jam ipsi impervix sunt: neque Creator naturæ caret illa illuminandi facultate, neque humanus intellectus illustrationis istius incapax est.

3. Revelatio illa non foret inutilis, ac consequenter indigna divina maiestate; nam illud non est inutile quod hominem perficit, & novis excitat ad pietatem momentis: sed ex revelatione quæ homo illustraretur circa eas res quarum notitiam assequi ratione non valet, profecto sapientior & perfectior evaderet, atque ex ampliore divinæ naturæ & suæ conditionis cognitione nova exorirentur motiva pietatis. Ergo ex nulla parte revelatio considerata ut nova dispensatio supra rationem impossibilis est, aut divina maiestate indigna.

Obijcies. Illa dispensatio plane inutilis est, sine qua recte vivitur; quæ negligi potest, & tamen ad virtutem pervenitur; atqui sine revelata Religione per solam legem naturalem cognosci possunt omnia necessaria præcepta ad institutionem Religionis & vitæ. Revelatio mysterii absconditi nullum novum imponit hominibus officium necessarium ad rectam vitæ institutionem.

Respondeo, nego minorem: non est hæc recens seu nova adversus Religionem revelatam argumentatio, legimus apud S. Augustinum Paganos ita disputasse adversus Christianos. „ Invenis multos, ait enarratione in Pl. 31. propterea nolle fieri Christianos, quia quasi sufficiunt sibi de bona vita sua. Bene vivere opus est? Quid mihi præcepturus est Christus? Ut bene vivam? Jam bene vivo. Quid mihi necessarius est Christus? Nullum homicidium, nullum furtum, nullam rapinam facio, res alienas non concupisco, nullo adulterio contaminor. Nam invenitur in vita mea aliquid quod reprehendatur.

datur, & qui reprehenderit faciat Christi animum. Sed profectio in re gravissimi momenti multum aliena est a ratione hæc in propriis suis meritis securitas; ea est authoritas Dei, ut ad ejus verba aut etiam quæcumque revelationis suspensionem arrectas aures semper habere debeamus, neque ullo modo circa ea quæ ad cultum Dei pertinent nobis licet esse incuriosis; etiam si non cerneremus ejus essent utilitatis ea, quæ cœlitus dicuntur revelata. Verum si vel leviter attendamus ad illam revelationem quam Judæi & Christiani sibi factam esse asserunt, deprehendemus vel primo intuitu illam multa continere quæ maximi sunt momenti, & quorum incuriosi sine crimine esse non possumus. Novum nobis aperit ista revelatio divinæ Providentiæ ordinem, nostratumque rerum procuracionem a Deo Patre commissam esse docet duobus quasi Administris *Filio Dei Mediatori & Spiritui Sanctificatori*; a quibus multa & innumera fluxerunt in homines beneficia, quique jam promoveant eorum salutem. Consequenter ad hanc novam & ignotam antea supernaturalem Dei Providentiæ jubentur Christiani baptisari non solum in nomine *Patris*, sed etiam in nomine *Filii & Spiritus sancti*, novisque erga has duas personas devinciuntur officiis. Jam vero hæc officia maximi sunt momenti nec sine magna temeritate aut etiam impietate contemnere possunt: non enim sunt illa positiva quædam præcepta, instituta arbitraria voluntate, sed post supernaturalis ordinis manifestationem æque in rerum naturis & convenientiis posita sunt, ac aliud quodcumque naturale officium. Sicuti ratione naturali nobis revelatur illa habitudo seu relatio quam cum Deo rerum omnium Parente ac Domino habemus, atque ex hac relatione exoriuntur omnia officia Religionis naturalis: sic quoque per revelationem christianam innotescunt novæ relationes, ex quibus eodem plane modo nascuntur christiana officia. Statim atque collat *Filium Dei* esse hominum apud Deum *Mediatorem*, *Spiritum* ejus *sanctum* esse hominum *sanctificatorem*, non magis quærendum est, cur in nomine *Filii & Spiritus sancti* baptizemur, aut

cur erga istas personas reverentiæ, amoris, gratitudinis, & timoris & spei sensus foveamus, vel cur in cultu externo habeamus rationem illarum duarum personarum, quam quærendum est, cur isdem officiis prosequamur rerum omnium parentem Deum. Hæc posteriora ad legem naturalem semper pertinuerunt; quia relationes, in quibus posita sunt, semper fuerunt lumine naturali perspectæ: illa vero nova post factam revelationem æque fundata sunt in rerum convenientiis, tamque reus est læsæ divinæ majestatis, qui officia hæc revelatione cognita contemplerit aut illa explorare neglexerit, quam ille qui religionis naturalis officia discere, aut ad ea mores componere recusaverit.

Præterea si vera sit Christiana religio, Christus est unus Dei & hominum mediator; solius Spiritus Sancti auxiliis recte vivere possumus; soli fidei & medicis a Christo institutis illa auxilia adjuncta sunt, proindeque nihil tam temerarium est, quam has novas dispensaciones, nisi falsæ demonstrantur, non curare. Ita brevius hic attingimus, quod de mysteriis alijs erit dicendi locus.

ARTICULUS TERTIUS.

De revelatione, quatenus est positiva constitutio.

Religio Christiana spectari potest, ut constitutio *positiva*, quæ originem dedit novæ societati, quæ *Ecclesia* dicitur, ab omni alia legibus peculiaribus, cultu externo & ministerio publico distinctæ: cujus præsertim institutionis positivæ præsidio diffusa est per omnes nationes Evangelii prædicatio & per omnia sæcula propagata. Habentne revelata religio sub hac forma quidquam divina constantia indignum? Nullam ne hominibus asserre poterit utilitatem?

PROPOSITIO.

Revelatio considerata ut positivæ constitutionis & ut complexio legum positivarum, non modo possibilis est, sed hominibus utilissima esse potest.

PROBATIO.

NAM 1. positiva præcepta multum conferre possunt ad decentiam & uniformitatem cultus externi, qui pars religio-

igionis naturalis est: cultus etenim externus sine ritibus & ceremoniis perfici nequit; nec decenter & uniformiter perfici ab hominibus potest, nisi in iisdem ritibus & ceremoniis homines consentientes sint. Si igitur ordo in divino officio, si confociatio hominum in præstandis Deo solemnibus debeat & res optanda sit; ergo ad hunc finem præcepta positiva dari possunt: præsertim cum cultus externus aliter determinari convenienter nequeat. Si ille relinquere suo proprio cuiusque hominis arbitrio, tot essent colendi ritus, quot homines. Nec etiam religiones populorum magistratum determinationi permittere satius fuisset: tum quia nec in optimas aut numini acceptissimas ipsi incidissent: tum eorum in hac re constitutiones non receptæ fuissent cum eadem reverentia, qua divinæ recipiuntur; nec cum eo studio & alacritate persequerentur: certe magnum est incitamentum, cogitare nos non modo in divino cultu honorare Deum, sed etiam illum colere eo modo, qui ipsi acceptissimus sit.

2. Præcepta positiva conducere multum possunt ad fovendos internos religionis sensus, ad excitandam & promovendam virtutem; idque duplici ratione: primo avocando a tentationibus, si videlicet ea præceptis positivis prohibeantur quibus plerumque abutimur; & propter hanc rationem sine dubio multæ datæ olim sunt judæis præceptiones positivæ. Profecto si parens bonus suos liberos possit interdicare quibus prævidet abusuros, quidni etiam supremus hominum parens ac magister eadem gaudebit autoritate? Secundo præcepta positiva excitant pietatis sensus, illique obtemperando ad arduas virtutes erudimur. Si homines perfecti essent, si laboris patientes, si ad præstanda officia prompti, hæc auxilia externa supervacanea essent: sed quia e contrario leves sunt & oblivisi, certis regulis indigent, quibus de officiis perpetuo moneantur; quia minimis franguntur difficultatibus, necesse est ut assuescant virtutum exercitationibus & ad pugnam erudiantur. Jam vero melius est uti Deo instructore, quam suapte ingenio vel alieno.

3. Multum conferre possunt præcepta positiva ad imprimendum animis nostris

vividum divinæ autoritatis sensum, hocque titulo nobis a Deo imponi. Nam præcepta positiva eo ipso quod in rerum naturis fundata non sint, ut sunt moralia præcepta, significant foris & efficacius supremi numinis imperandi jus, nostramque dependentiam; & hujus dependentiæ sensum efficacius excitant: atque nobis subministrando opportunitatem agendi ex nullo alio nisi pietatis motivo, illam in Deum pietatem fovēt & augent.

Et verò opinio Deistarum, afferentium leges positivas inutiles esse hominibus & Deo indignas, contraria est sensui omnium hominum: nam videmus omnes populos, qui religiones suas Diis acceptas retulerunt, servasse multa positiva præcepta. Ex quo certe efficitur tum eos qui religiones illas invenerunt, tum eos qui easdem suscepunt, nunquam dubitasse quin Deus illa jubere possit & sint hominibus utiles.

Objicies 1. Deus in agendo sequitur necessario æternum rerum ordinem; æterna sapientia divinæ voluntatis regula est a qua nequit deflectere: hæc Deo ostendit quædam natura bona esse, & ideo jubenda; quædam mala esse, & ideo prohibenda; alia esse indifferencia, nec jubenda nec prohibenda. Atqui si Deus injungeret hominibus præcepta positiva non sequeretur hunc rerum ordinem, sed ageret arbitrarie & tyrannice: imperium exerceret nulla alia nisi imperandi causa, quod in hominibus culpæ foret & alienum duci a sapientia, bonitate & iustitia.

Nego minorem: Aliquis dici potest agere arbitrarie diverso sensu, qui multiplex sensus sedulo notandus est. 1. Agere arbitrarie sæpe significat agere contra rerum æternum ordinem: sic principem agere arbitrarie dicimus cum aliquid contra jus statuit: sine dubio Deus non potest hoc sensu agere arbitrarie. 2. Agere arbitrarie significat agere temere, inconsiderate, sine consilio: hoc etiam sensu Deus agere non potest arbitrarie. 3. Significat agere ex propria sui arbitrii determinatione, quando rerum naturæ regulæ esse nequeunt: v. g. ex duobus mediis ad finem aliquem obtinendum æque aptis unum præ altero libere & arbitrarie eligimus. Hoc ultimo sensu Deum agere ex arbitrio contendimus, sicque sese determinasse

ad creandum mundum; ad creandum in illo præcise temporis puncto, vel in illo spatii immenso, si quod sit, loco. Non tamen in hisce casibus Deum egisse inconsiderate aut sine consilio dici potest: est generalis agendi ratio, licet nulla sit particularis ratio agendi hoc vel illo modo, id est, possunt esse rationes determinantes ad speciem actus, licet nullæ sint determinantes ad individuum: res indifferentes factæ ex præscripto divino possunt conferre ad exercitationem virtutis, ad fovendos pietatis sensus, ad decentiam & uniformitatem cultus externi, ad conservandam factorum memoriam; & hæc generalis ratio est, cur res indifferentes a Deo jubentur. Sed penes divinum arbitrium est hunc vel illum ritum ad hos fines instituire.

Objicies 2. Religio vera quæ Deo grata est & homini necessaria, fundatur in æternis rerum relationibus, non in rebus indifferentibus: immutabilis est, non varia aut aliquando inventa: debet esse objectum rationis & omnibus creaturis ratione utentibus obvia. Atqui si religio poneretur in rebus indifferentibus non esset res sempiterna & immutabilis, non esset objectum rationis, sed in arbitrio divino posita mutabilis esset, nec nisi per revelationem posset innotescere. (a)

Respondeo veram religionem fundatam esse in rerum naturis, ideoque sempiternam esse & immutabilem, Deum non posse ei derogare vel obrogare; hominem ejus observantem necessario Deo gratum esse. Proindeque positiva præcepta per se partes religionis neque necessariae nec essentiales sunt, nec injungi possunt, nisi ad confirmandam legem naturalem excitandos homines ad exercitium virtutis; nec possunt sine impietate ritus aliqui anteferri officiis naturalibus. (b) Confe-

quenter concedimus eam religionem falsam esse in qua ceremoniarum quædam locum virtutum tenerent, & non tanquam media ad virtutem spectarentur. At tamen quamvis religio non consistat necessario in præstandis positivis præceptis, tamen illa exequi religio jubet, quia ad obtemperandum divinis mandatis lege devincimur naturæ. Ex quo etiam sequitur religionem veram semper objectum esse rationis: homines nullis devinciuntur institutis positivis, quamdiu eadem sine culpa ignorant: ubi norunt, ad ea ratione obligantur.

Objicies 3. Institutiones positivæ pugnant cum divina bonitate: 1. Per positiva præcepta hominum minuitur felicitas; quia per illa cohiberetur libertas naturalis, in qua magna ex parte sita est felicitas. 2. Manifestum est per injunctionem novorum præceptorum nec necessariorum homines majori periculo peccandi exponi.

Respondeo 1. Institutiones positivæ coercendo libertatem hominum non minuire eorum felicitatem: nam præcepta positiva communiter facilia sunt, eaque homines diligentius observant quam ea quæ pertinent ad legem naturalem: quotidie etenim videmus eos, qui officiis naturalibus male funguntur, positivis tamen constanter adherere. Præterea nedum positiva præcepta hominis felicitati noceant, illam e contrario certam magis & majorem efficiunt: scilicet ubi sunt virtutis adjumenta, vel promovent commoda & utilitates naturales: tunc enim non libertas in qua posita felicitas est, sed licentia tollitur, quæ ærumnarum mater est. Insuper quamvis libertatis cupidissimi simus, tamen ex ejus exercitio non tam multæ & magnæ oriuntur jucunditates, quam ex

exer-

(a) Mais qu'est-ce que la vertu? C'est la fidélité constante à remplir les obligations que la raison nous dicte. Vous me demandez peut-être encore, quel sont ces devoirs? quelle est la Loi qui les prescrit? Je réponds que la Loi qui les prescrit est la volonté immuable de Dieu, à quoi la droite raison avertit de nous conformer & que c'est dans cette conformité que consiste la vertu. Toute Loi qui a commencé dans le temps & qui peut cesser d'être en vigueur, n'est point celle qui constitue la vertu: le Créateur n'avait pas astringé les hommes au nouveau joug qu'elle impose, mais il les avait certainement erèds pour être vertueux. Les Mœurs.

(b) Euntes discite quid est: misericordiam volo & non sacrificium. Matih. 9. & 12. Si ergo offers munus tuum ad altare & ibi recordatus fueris quia frater tuus habet aliquid aduersum te: relinque ibi munus tuum ante altare & vade prius reconciliari fratri tuo: & tunc veniens, offers munus tuum. Ibid. c. 5. v. 23.

exercitio libertatis juxta divinam voluntatem, propter conscientiam suæ erga Deum devotionis; & opinionem divinæ erga se benevolentie.

2. Negamus etiam quod per positiva præcepta homines in deteriori conditione constituantur propter majus peccandi periculum: nam ex eadem argumentandi ratione sequeretur pejorem esse sortem hominum doctorum quam rudium: quia nempe illi cernunt multa acutius pluribusque devinciuntur officiis: proindeque doctrinam esse inter mala recensendam. Sed revera nedum deterior evadat propter positiva præcepta hominum conditio, e contrario multa suppeditant virtutis adjumenta, in qua sola posita est vera hominis præstantia. Si officia plura sint, sunt etiam ex præstatione officiorum multæ & magnæ percipiendæ utilitates; si peccato locus sit, est etiam merito; si poenis magis obnoxii ex variis virtutum adminiculis efficiamur, ubi illam non amplectimur, majora etiam præmia divinis præceptis obtinendo & facilius etiam consequi possumus. Uno verbo cum illa præcepta positiva apta sint, uti ostendimus, ad exercendos homines ad virtutem, non possunt esse hominibus noxia, nisi quoque pietas & virtus deteriore efficiant eorum conditionem.

Obijcies 4. Positiva præcepta apta tantum sunt ad præfocandam veram virtutem: nam 1. per ea animus a præceptis naturalibus & a vera virtute avocatur: sicut corpus onustum cibis deficit, ita mens occupata ritibus & vanis cæremoniis minus cogitat de iis quæ sunt necessaria & officii naturalis, quibus tamen totam mentem debemus. Secundo, Præcepta positiva superstitioni homines obnoxios efficiunt, & ad illam semper inclinant: quia ubi ratio sola dux vitæ non est, sed quidam ritus in se plane indifferentes in religionem introducuntur, homines proni fiunt ad eos perpetuo multiplicandos; neque unquam consistunt donec superstitionis ritibus omnino occupentur: præterea cum videbunt illas cæremonias a Deo ipso institutas, existimabunt eas esse bonas naturæ suæ & ad religionem essentialem pertinere; ex qua opinione infinita sequuntur incommoda, odia & dissensiones pri-

vatorum, aliquando etiam bella civilia.

Nego antecedens. Et ad primam rationem dico quidem fieri posse ut nimio rituum numero mens a magis necessariis officiis abducatur; eandem viam noxios esse posse quando apti non sunt ad significandos sensus religionis, illosve excitandos; vel cum non sunt accommodati conditioni eorum quibus præscribuntur. Sed ex eo quod positiva institutiones esse possint noxiæ, possintque multiplicitate sua vel natura ab officiis magis necessariis avocare, non sequitur omnes ritus vanos esse: in illis circumstantiis cæremoniæ nocent non quia positiva, sed quia multiplices & superflue, vel quia non sunt idoneæ. Certe pars magna naturalis religionis in cultu externo posita est: aliis hominibus nostros in Deum sensus oportet testari & exemplis accendere ad cultum divinum: quod cum nequeat fieri sine cæremoniis seu externis signis, manifestum est illas esse plane necessarias; & propterea ubi Deus non præscripsit hostilitatem, videmus homines tales sibi constituisse.

Ad secundam rationem dico, homines abuti sæpius positivis institutionibus, sed rebus etiam optimis abutuntur; proindeque satis non est probare homines abuti institutionibus positivis & ad superstitionem esse propensos; sed demonstrandum est positiva mandata ad superstitionem homines inclinare. Jam vero certum est hanc non esse naturalem efficientiam præceptorum positivorum. Superstitio quippe consistit vel in tribuendo cæremoniis propriam aliquam & interiori excellentiam vel in iis recipiendis tanquam divinis, quæ humanæ sunt; vel tandem in nimio rerum indifferentium studio. Atqui certe ex eo quod positiva instituta faciat Deus, non ideo docemur illis aliquam tribuere propriam excellentiam, quam retineant ubi absunt veræ virtutes; neque docemur humanis adhærere inventis, vel illa nimio studio prosequi ad injuriam legis naturalis. Quomodo ergo præcepta positiva ad superstitionem inclinent non intelligimus: observare positiva præcepta ex pietate, quia iusta sunt a Deo, non hominis superstitionis, sed sapientis est, legique naturæ obsequens.

FINIS TOMI PRIMI.

I N D E X R E R U M N O T A B I L I U M,

quæ in hoc primo Volumine continentur.

129

Abstractiva, quæ, 22 *Comprehensiva*, quæ, pag. 92
Abulpharagius, sapientissimi hujus viri pro Sabæis Apologia exposita, & probata, 115
Acceptio, sine acceptione nullam esse promissionis obligationem, demonstr. 185. 186
Accessio, quæ hoc nomine veniant, 164. Accessionum Leges enucleatæ, ib.
Acasta, hujus de Indorum, Sinesium, Siamitarum, Africanorum, Americanorum nostræ ætatis Religione testimonium, 115
Actio interior Naturæ Divinæ, quæ, 118
Actio. Omnes hominis actiones dici bonas, vel malas moraliter, non indifferentes, probatur, 186. 187. *D. Hieronymi* de hac re locupletissima doctrina exposita, 187. *D. A. Pauli* oraculum de hac re, ibid. *Juris Naturalis* cultorum doctrina expenditur de hac re, ibid. Omnes actiones naturaliter esse vel meritorias, vel contra, demonstr. 187.
188. *Moralis* Actionis definitio, 188
Actio, physice mala, quæ, 104
Actiones, quomodo homini imputandæ, quum eas admittit propter vim externam, 100. quum easdem omittit propter debilitatem, ib. quæ sunt ex ignorantia, quomodo, ib. & seq. quando homini aliorum actiones imputandæ, 102. 103. quæ intellectus, quæ appetitus, 103
Activum, quod, 98. 99. idem ac efficientia, 99. aliquid a materia distinctum, ibid.
Actus humani, horum luculenta definitio, 168. Actionibus puerorum & æmentium, vel non cogitantium humanas non esse, demonstr. ib. & seq. *Principia actuum* humanorum, interna, quæ, 169
Actus liber. Quo pacto bonus, quo malus, 164. Ex objecto, ibid. Quomodo distinguatur species, ibid. *Actus*, qui vertantur circa media esse ejusdem speciei, cum actu qui circa finem, demonstr. ibid. *Iusta actio* quæ, 185. meritoria, ibid. indifferens, ib.
Administratio rerum. Hanc distingui in tria generaliora systemata, 132. 133. Primi systematis, quod dicitur *Spiritale*, explanatio, 133. *Corporeæ*, quod secundum est, systematis enucleatio, ibid. Tertium systema mixtum, seu *corporeo-spirituale* explicatum, ib.

Tom. I.

Administratio Moralis, quæ, 1. 143. Cujus generis constitutio, ibid. *Philosophorum* quorundam de hac re judicia exposita, ib. *Generale principium* in rerum administratione, quod, ibid. *Sapiens Mundi administratio*, quæ sibi postulet, demonstratur, 143. 144.

Administratio rerum præsens, quæ, 235. Quo pacto duplici modo constans dici queat, ib. *Adoratio*, qui affectus propriæ adorationi dici debeat, demonstr. 148

Egyptii, quid senserint de uno Numine, 114. *Plutarchi* testimonium de hac re locupletissimum, ibid.

Elianus, ejus de pingendi artis principii sententia, 25

Equalitas hominum naturalis, quæ, 160. 161. *Aer*. Aëris natura enucleata, 35. 36

Estimatio, ejus natura, & distinctio, 192. *Relativa*, quæ, ibid.

Eternitas Mundi a Stratonē, aliisque antiquitatis Sapientibus quomodo probata, 2

Eternitas Dei, hujus definitio, 97. variaz sapientissimorum virorum doctrinæ de hac re expositæ, 97. 98. *Boetii* Platonica æternitatis Dei definitio, ibid. Questionem hanc longe vires humana mentis superare, demonstr. 98. Deum esse Ens æternum tribus probatur argumentis, 98. Dei æternitatem non esse durationem successivam demonstr. ibid. Duplicem æternitatis partem distingui posse, ib. *Æternitas a parte post*, quæ, ib. a parte ante, quæ, ib.

Etiyopes, eorum Religio, quæ, 114. *Straboni* de hac re testimonium, ibid.

Africani, Unum summum Deum quo pacto fateantur, 115

Alea. *Alex* Contractus non omnes inæqualitatis nomine damnandos, prob. 273. Qui contractus periculi averti, vulgo *Affecuationis*, ibid. hujusmodi Contractus quando improbandi, 273. 274

Alibi, harum effectus qui, 30

Ambitio, quum primum invaserit hominum mentes, demonstr. 215. 216

Ambitio. Non omnem ambitionem damnandam esse, prob. 256. *Ciceronis* luculenta doctrina exp. ib.

Americani, Unum summum, maximumque Deum tenere hos, demonstr. 115.

T t

Amor

Amor naturalis in Deo, qui, [127](#). Solum se hoc amore diligere prob. [ib.](#)
Amor, hujus passionis natura, juxta Cartesii mentem, quæ. [203](#)
Analogia. Analogie vis apud Physicos quæ. [16](#)
Analogica ratio, quæ, [92. 93](#). Satius esse eam deferere, Divinam quam investigamus naturam, quam amplecti demonstr. [93](#)
Anaximander, ejus doctrina de materia, quam æternam, & infinitam esse voluit, 1. 2. Ejus doctrina de formis & qualitatibus nascentibus & intereuntibus, [ib.](#) De vita Animalis, sensu & ratione ejusdem sententia exponitur, 2. cur ab Aristotele notatur? [ibid.](#)
Anima contraria, quid ibi velit, [107](#). Eadem ac contrariorum opifex, in composita, &c. [ib.](#) *Plutarchum* voluisse, eandem esse, ac Patrem ipsum, [ib.](#)
Animantia, horum varietate, structura, &c. Deum esse demonst. [37. 38](#). Luculentissime enucleata, [40. 41](#). *Ciceronis* de hac re testimonium, [41](#). *Fenelon* [ibid.](#) *Ray* [ibid.](#)
Animi operationes quot ex scolasticorum dogmate, [179](#). ex his, quæ spectant finem, [ib.](#) quæ media finem assequendi, [ibid.](#) *D. Thoma* doctrina de hac re exposita, [ibid.](#)
Animi. Animorum vim duplicem esse, hoc est, rationem, & appetitum, demonstr. [209](#). *Ciceronis* luculentissima de hac re doctrina exposita, [ibid.](#)
Animus, substantiam esse creatam demonstr. [50. 60](#). Atheorum sententia rejecta. [60](#)
Annihilatio. Non videri actum positivum Divinæ virtutis, [131](#). Cur positus subtractio ejusdem virtutis, [ibid.](#)
Anticipatio. Crudelis anticipatio, quæ, [216](#). ejus effectus qui essent, demonstr. [ib.](#)
Appetitus laudis, & gloriæ effectus qui. [8](#)
Appetitus, hujus usus in animantibus. [38](#)
Appetitus; in voluntate distingui in appetitum rationalem, & sensuivum, [173](#). Rationalis definitio, [ibid.](#) Hujus motus, qui, [ibid.](#) Sensitivi appetitus definitio. Hujus motus enucleati, [171. 174](#). Horum motuum nobilitas unde pendat, [174](#). Omnium nobilissimus, qui, [ibid.](#) Motus perturbati, qui, [ibid.](#) *Ciceronis* doctrina exposita, [ibid.](#) Temperationem appetitus, ex intellectus temperatione pendere, [ibid.](#)
Appetitus, hujus natura explicata. [209. 210](#)
Aqua, ejus indoles tempore Diluvii Universalis quæ. [32](#)
Aqua, hujus necessitas terræ, animantibus, plantis latissime demonstrata, [36](#). quam apte singulis regionibus peculiariter divisa a Deo. [ibid.](#) Cur maris aquæ salia. [ibid.](#)
Arbiter. Arbitrorum judicio litigantibus standum, demonstr. [188](#). hujus regulæ exceptiones expenduntur, [ib.](#) horum munera, quæ, [ibid.](#)
Arbitrium; esse in homine arbitrium, prob. [176](#).

ejus definitio, [ib.](#) Esse vim vero, & proprio sensu hic determinatricem, ostenditur, [176](#).
177. Præscientiam, & arbitriam prædeterminationem bene consentire cum libertate, probatur. [177](#)
Arbitrium. Arbitrii imperium in Intellectum, in quo positum, demonstrat. [179](#). Arbitrii actus elicit, & imperant, qui, [ibid.](#)
Arbitrium. Quo pacto suspendatur arbitrii libertas. [188. 189](#)
Argumenta physica, horum vis quæ. [34](#)
Aristippus, ejus opinio de humano Bono, [180](#).
Argumenta, quibus eam confirmare tentavit, exposita, [ibid.](#)
Aristocrata, hujus definitio, [302](#). hujus divitiorum, [ibid.](#)
Aristoteles, hujus opinio de vi consensus generis humani ad persuadendum, exposita. [16](#)
Sapientum præcipue. [ibid.](#)
Aristoteles, de Deo quid senserit. [111](#)
Aristoteles, ejus de Providentia Dei doctrina rejecta, & proscissa. [137](#)
Aritmetica, unde doctrina, [171](#). in animo tantum existeret, [ibid.](#) Organa animi, ab ipso animo penitus distincta, demonstr. [202](#). Falsum esse, animum corporis vices experiri, demonstr. [ibid.](#) *Epicteti*, & *Lucretii* deliramenta proscissa. [242. 243](#)
Art. Artis humanae indoles, quæ, [142](#). Artis Divinæ Natura enucleata. [ibid.](#)
Astrologia judiciaria, hujus definitio. [17](#)
Astronomia, in Græciam a quo primum inventa. [25](#)
Athei, quinam sint ex antiquis inter Atheos vere & proprie recensendi. [3](#)
Athei, tollunt necessitatem bene agendi, [2](#). Spem præmiorum, [ibid.](#) meritum suppliciorum. Cætera innumera alia bona, [ib.](#) & seq.
Athei. Nullam utquam fuisse, nec modo esse gentem Atheam, 1. [12](#). & seq. Probatur ex variarum gentium historiis, [12. 13](#). &c. Ex Auctororum gravissimorum testimoniis, [13. 14](#). Ex agendi ratione primorum Legislatorum, [15. 16](#). Quo pacto accipienda Cæsar verba apud *Ciceronem* de hac re. [ibid.](#)
Atheismus; ejusdem definitio, 1. Confutatio, [4](#). & seq.
Atheismus, ejus effectus qui, [5](#). Leges, [ibid.](#) Origo, [ib.](#) finis, [ib.](#)
Atheismi magni nominis tum veteres, tum recentiores ætatum omnium recensiti, [9](#). Eorumdem errores expositi & confutati, [ib.](#)
Athenagoras, ejus de Creatione sententia exposita, [160](#). in Not.
Athenagoras, ejus de Dei unitate sententia, 110
Athei Præfatus, qui, [77](#). *Speculatorum Atheus*, qui, [77. 78](#). Utriusque Atheismi effectus nationum pravi expenduntur. [78](#)
Atom. Universa Atomorum doctrina veterum brevi quidem, sed dilucide exposita universa. [3](#)

Atomici Philosophi, quæ nullam vim, præter motum, agnoverint, [79.](#) *Hyloïgitæ*, inter eos, præter motum, vim cogitationum &c. admisisse demonst. *ibid.*

Attributa Divina, quæ pacto inter se distinguantur, [94.](#) Rei hujusce determinationem pendere ex interiori Dei Essentiz notitia, *ib.*

Attributa Dei, in quor classes commodè distribui possent, [96.](#) *Incommunicabilia*, quæ, *ib.* *Communicabilia*, quæ, *ib.* *Moralia*, quæ, *ib.*

Attributa Dei communicabilia, quæ, [122.](#) Quo pacto ad Ens necessarium pertinere debeant. *ibid.*

Auctoritas, ejus definitio, [2.](#) *Obbligatio* ex Auctoritate quæ. *ibid.* & seq. *Hobbi*, & *Spinozæ* falsæ Auctoritatis notiones, [10.](#) in Civitate Atheorum nulla, *ibid.* ejus perfectio ex una Religione. *ibid.*

Augustinus, hujus S. P. contra *Fausstum* asserita Dei Unitate doctrina exposita. [111.](#)

Augustinus, hujus S. P. sententia de vi, & auctoritate concensus humani generis exposita. [16.](#) [17.](#)

Australis, horum populorum Religio quæ. [16.](#)

Autoritas, hujus definitio, [197.](#) *Hobbi* doctrina de hac re improbat. [197.](#) [198.](#)

Axiomata, horum indolectæ & natura, quæ. [172.](#)

B

B *Babilonii*. Astrorum Observatores primi. [25.](#) *Horologii solarii inventores*. *ibid.*

Bæconus. Ejus doctrina, Epicureorum Doctrina de collisione atomorum producendo, & conservando apta, contraria, exponitur, & probatur. [45.](#) Ejusdem Causis finalibus sententia. [47.](#) *Platonem*, aliosque causas hæc abusos plus æquo in Physicis demonst. *ibid.* Veras esse, Philosophi inquisitione dicas. *ibid.* Ad Metaphysicam tamen pertinere tantum demonst. *ibid.* Tota ejus doctrina de hac re uberrime exposita, [47.](#) [48.](#)

Baylin. Hujus sententia de Atheorum impietate, [7.](#) *Proscripta* & confutata. [7.](#) [8.](#)

Beausobre. Hujus Historia *Manicheismi* laudata. [106.](#)

Bellum. Erronea natura *Belli Hobbi* definitio improbat. [116.](#) Hujus definitio.

[126.](#) *Divisio*. *ibid.* *Publica* bella quæ. *ib.* *Privata*. *ibid.* *Publicorum* divisio. *ibid.* *Belli* natura enucleata. *ibid.* *Grotii* doctrina exp. *ibid.* Unde in Libertate naturali diu tantum sint belli causæ. [186.](#) [187.](#)

Defensio, & *Recupersatio* cur nonnulli addant *Punitionem*. *ibid.* auctoritas cur privatis minime tribuenda, contra gravissimos Scriptores. [187.](#) Tempus inchoandi belli, quod.

ibid. Ex solo metu non licere. *ibid.* Quid velit. *Terminus ad quem*. *ibid.* Quæ in iure belli exercendo jubeat iustitia. [187.](#) [188.](#)

Beneficentia. In hac delectum esse debere dignitatis, ostenditur. [294.](#) Quæ alia in hac re spectanda homini sint. *ibid.* hujus divisio. [295.](#)

Benevolentia. Hujus indolectæ enucleata. [294.](#)

Benzo. Hujus Scriptoris de Americanorum Religione assertum. [14.](#)

Berkeley. Præstantissimi hujus Auctoris doctrina de signis sensibilibus exposita. [43.](#)

Ejus de sentu, & intellectu luculentissima doctrina. [72.](#) [73.](#) & seq.

Bocetius. Quomodo intelligenda hæc ipsius sententia: *Deum non esse verum substantiam, sed ultra substantiam*. [92.](#)

Bona, hominis quæ juxta Atheos. [5.](#) [6.](#)

Bona fides. Quando hæc cessare incipiat, demonstr. [167.](#)

Bonitas Dei. Quæ ex hoc attributo profuunt. [135.](#)

Divi Ambrosii de hac re luculentissima doctrina exposita. *ibid.* *Objectiones* diluuntur. [135.](#) [136.](#)

Hujus Divini Attributi definitio luculentissima. [140.](#)

Varia accipere nomina pro variis creaturarum, quæ afficit, conditionibus. *ibid.*

Cur ab Ente infinito abesse nequeat. *ibid.*

Dei Bonitas suis Creaturis quo pacto derivata. [141.](#) Totam mundi constitutionem Bonitatis hujusce consilio comparatam esse, ostenditur. *ibid.* *Objectiones* expenduntur. [141.](#) [142.](#) & seq.

Bonitas. Deum haud excitatum ad creandum creaturas Bonitate, demonstr. [150.](#) Non bonitate relativa. *ibid.* Non bonitate æterna. *ibid.* Bonitatis creaturarum respectu Dei definitio. *ibid.* *Objectiones* diluuntur. [150.](#) [160.](#)

Bonitas. Hujus definitio. [180.](#) Quo pacto distinguatur. *ibid.* *Bona jucunda*, quæ. *ibid.*

Honestæ, quæ *ibid.* *Utilia*, quæ. *ibid.* *Bona corporis*, quæ. [180.](#) *Animi*. *ibid.* *Fortune*. *ibid.* *Summi Boni* definitio. *ibid.*

Bonum publicum, quod. [183.](#) *Bonum universale*, quod. *ibid.*

Bonum. Omne nostrum bonum unde oriatur. [227.](#)

Bostrensis, Titus. Ejus luculenta de *Manicheorum* doctrina enucleatio. [108.](#)

Brafilienfes. Falsò Agheismi accusatos fuisse demonstr. [14.](#) [15.](#)

la Bruyere. Luculentissima ejus sententia contra Atheos exposita. [20.](#) in nos.

Buddæus. Ejus doctrina contra Cartesii argumentum ad probandam ideam infinitam exposita. [66.](#)

Barnetus. Ejus telluris Theoria improbat. [31.](#)

C

C *Asii*. Horum Religio. [19.](#)

Canada. Canadæ Barbaros Deum agnoscere contra nonnullorum sententiam, demonstr. [14.](#)

- Cartaginenses.** Utrum jure a Columbo *Asbeismi* acculati? 14
- Cartaginenses.** Horum impia consuetudo immolandi liberos suos Numinibus unde orta, & confirmata robore. 208
- Cartesius.** Philosophiæ Mechanicæ instaurator. 46. Cur causas finales a physica, & a Metaphysica sua ablegaverit. *ib.* Solum Deum Causam materiæ, & motus effecitorem, & conservatricem effecisse. *ibid.*
- Casus.** Quæ Casui minime possint tribui, & hominum omnium consensu explanata. 41
- Causa immanens.** Ex Spinozæ sententia quæ. 80
- Causa Libera.** Hanc non fortuna, & casu agere, demonstratur. 178. Objectiones diluuntur. 178 179
- Causa principalis,** quæ. 192. Subalterna, quæ. *ibid.* Collaterales, quæ. 192. 193
- Causa finalis.** Argumenti ex ipsis petiti vis, & auctoritas quæ. 41
- Causæ Mechanicæ.** Quæ sint. 166. Nullas esse proprie dictas. *ibid.* Quæ revera tales dici possint. 166. 167
- Ceres.** Unde accepit Divinos honores. 25
- Certum,** quod. 129. Multa certa explicari non posse demonstrat. *ibid.*
- Charitas.** luculenta hujus affectus definitio. 202. Grati doctrina exposita, *ibid.* in Not. Ex quibus coalescat. 203. Primum Charitatis munus, quod. *ibid.* Alterum Charitatis munus expenditur. 203. 204
- Cibiles.** Quo sensu Deorum Matrem dixerint Ethnici. 116
- Cicero.** Ejusdem de Deo sententia exposita. 111
- Circulus.** Quo pacto distet a providentia futurorum &c. 55
- Circumstantia.** Quomodo in actione consideranda. 185. Quo pacto circumstantiæ adaugeant, minuuntve malitiam actus. *ibid.*
- Cives.** Horum adversus rectores suos officia exposita. 306
- Civitas.** Civitatis iustis legibus constituta idea luculentissima. 140. Luculenta hujus definitio. 301. Hujus finis, qui. *ibid.* Manifeste abesse a Civili ratione tyrannidem, demonstrat. *ib.* Homines esse ad societatem civilem natos, ex quo colligatur. *ibid.* Hujus origines expendantur. 301. 302. Achaicæ Civitates quæ. 303
- Clarkius.** Hujus methodus in Opere de Religione Naturali, & revelata, exposita, & probata. 244. 245
- Claudianus.** Elegantissimus hujus locus de premiis, & penis relatus. 157. Quo pacto hæc doctrina accipienda. 157. 158. Objectiones diluuntur. 158
- Clementi Alexandrino.** Hujus S. P. de Unitate Dei doctrina. 110
- Clericus.** Ejus sententia de oeconomia Dei in Donorum distributiones exposita, & probata. 359
- Coactio.** Haud esse proprie, & perfecte obligationem, ostendit. 225
- Cognatio.** Quot modis accipienda. 53. 54. Epicuri, Hobbii, & Stratonis sententia luculenter improbat. 54. 55
- Cognatio.** Repugnare hanc naturæ materiæ demonstrat. 57
- Cognitio dependens,** quæ. 93. Abstracta idea cognitionis, quæ. 93. 94. Cognitionem finiti non differre genere, demonstrat. 94. In Dei cognitione nobis eformanda, a quibus cavendum ostenditur. 94
- Cognitio Inesistiva,** quæ. 91. 92
- Comitia.** Comititia Romanorum Curia, quæ. 303. Centuriata, quæ. *ib.* Quæ dicebantur Timocratica, *ibid.*
- Communia.** In statu privato, quæ. 161. 162. Quæ sint Juris communis vel publici. 162. Communis utilitatis ratio quæ foveat. *ibid.*
- Communio.** Communionis speciem esse Deum inter & homines, quibus sociantur, demonstrat. 235. 236. Platonis, & Stoicorum de hac re doctrina exposita, & probata. 236. Ciceronis luculentissima doctrina exp. & prob. *ibid.*
- Communio.** Negativa, quæ. 163
- Compensatio.** Quando admittenda. 191
- Confederatio.** Hujus commoda explicantur. 301
- Conceptus.** Conceptuum diversitatem, unicum esse criterium diversitatis entium. 95
- Conche.** Quo pacto ingeniuntur a mare longissime distat. 32. 33. 34. Systemata varia. *ibid.*
- Conclusio.** Apta unde. 41. Unde inepta. *ibid.*
- Concubitus vagi.** Ab ipsa prohiberi Natura. 197. Horum mali effectus expendantur. *ibid.*
- Conjugium.** Idem ac Nuptiæ, Connubium, Matrimonium. 295. Multiplici sensu naturalem statum esse probatur. 295. 296. Ciceronis Sententia de conjugio latissime exposita. 296. in Not. Conjugii finis, qui. *ib.* Virum, & feminam ad individuum esse factos Societatem demonstrat. *ibid.* Quomodo aptissime definiri queat conjugium. 296. 297
- Conscientia.** Rem esse permanentem demonstrat. 56. Non esse motum materiæ. *ib.* Materiam non pertinere ad essentiam ejusdem, demonstrat. *ib.* Luculenta hujus definitio. 272. Ratione hic dividi in *precipientem*, & *consulentem*. *ib.* Ratione objecti, in *rectam*, & *erroneam*. *ib.* Ratione assensus in *certainam*, *probabilem*, & *dubiam*. *ib.* Dividi & in *scrupulosam*, & *laxam*, seu *laxam*. *ibid.*
- Consensus Nationum** circa Dei Unitatem luculentissime enucleata. 111 & seq.
- Consensus accipientis,** & dantis quando requiratur. 182

Conservatio. Quid per conservationem intelligendum. 132. Aliam a gubernatione. *ib.* Variz Philosophorum de hac re sententiz expendantur. *ibid.*

Contractus onerosi, qui. 271. Ipsorum generum, quæ. 271. & seg. Juniorum, qui. 278. Furiosorum. *ib.* Delirantium. *ib.* Ebriorum. *ibid.*

Contractus. Unde horum vis pendeat. 281. Horum divisio. *ibid.* Ut teneant quæ requirantur. 282.

Convenientia vel inconvenientia idearum aliquando immediata, & intuitiva visione apprehenditur. 173. Aliquando nulla arte detegitur. *ibid.*

Corpora, naturaliter haud ineffe corporibus vim motricem, demonstr. 51. Cur non iidem essentialis. *ib.* Ipsorum vires præcipue quæ. *ib.* De corporum gravitate luculentissima doctrina exposita. 51. 52. Quando necessario sensibilia. *ibid.*

Corpus humanum, Figuram corporisabilem aptamque humano ingenio Naturam dedit. 213. Hobbii doctrina exposita & perpetuo improbat. 213. 214. Quibus de causis cum anima confundi nulla ratione queat. 241. Animum in corpore non diffundi. *ibid.*

Corruptio. Rerum corruptiones unde sequantur. 148. His sublati, quot incommoda oriuntur. *ibid.*

Creatio. Quo motivo Deus excitatus fuerit ad creandum. 158. 159. Theologorum sententiz expendantur. 159. Deum nullum habuisse naturale motivum agendi ab extra. 159.

Criteria. Naturæ criteria falsa, quæ. 209. 206.

Cuduvortius. Ejus judicium de doctrina sensuum & intellectus probatum. 74. Eius de arte, & scientia doctrinæ. 75.

Cultura Animi: hanc duabz partibus consistere. 252. Mentis, quæ. *ib.* Voluntatis, quæ. *ib.* Ad optimam mentis informationem necessaria, quæ. *ib.* Laetantii luculenta de hac re Doctrina. *ib.* Colmenia. *ib.* Graviora ad animi culturam, quæ. 252. 253. & seg. Hujus culturæ effectus explicati. 253. 254.

Cumberland. Hujus de Divina Sapientia doctrina exposita. 234.

Cyrius Alexandrinus. Hujus S. P. contra Julianum de Dei summi Unitate doctrinæ posita. 110.

D

Dammum alicui illatum quantocius refarciendum, demonstr. 265. Damni nomine quæ intelligantur, *ib.* Horum naturæ variz enucleatæ. 265. 266. Damna data a Mercenariis solos ipsos onerare, demonstr. 266.

Decectatio. Duo esse genera decectandi, demonstr. 288. Unde inter homines certamina,

ib. Tercentiz æquissima sententia, *ib.* in Not. Deserve, unde concipiatur. 71.

Democratia. Hujus definitio, 203. hujus variz formæ explicatæ, *ib.*

Democritus, ejus doctrina de atomis, figuris, &c. 2.

Demonstratio a posteriori, quæ. 76. Quo pacto probet Dei existentiam, *ib.* Demonstr. a Simultaneo, quæ. *ib.* & seg. Probare Dei exist. 76. 77. Demonstratio a priori, quæ. 77. Prob. D. exist. *ib.*

Devotio, ejus natura explicata. 249. Epicteti luculentissima doctrina exp. *ib.* Seneca, *ib.* iterum Epicteti, *ib.*

Deus. Quo pacto rebus omnibus tum corporalibus, tum spiritualibus intime præsens, 101. Tria validissima argumenta, *ib.* Deum non esse formaliter extensum seu spatium, validissimis argumentis probatur, 101. 102. objectionibus satisf. 102. 103.

Deus. Deum existere certius esse, quam homines mente esse præditos, & intelligentia, latissime demonstratur, 41. 42. Pulcherrimum Ciceronis de hac re Testimonium expositum, 42. Cernere nos magis Deum, quam homines, quum homines cernimus, demonstr. *ib.*

Deus. Deum existere, probatur argumentis moralibus, 4. Ab utilitate Religionis, *ib.* Ex consensu Nationum, 11. & seg. ex sensibus naturalibus, 18. & seg. ex novitate Mundi, 23. & seg. Argumentis physicis, 35. & seg. ex ordine rerum &c. *ib.* ex causis finalibus, 41. & seg. ex viribus naturalibus &c. 79. & seg. ex materie & animi existentia, 98. & seg.

Deus, quo modo intelligendus, 247. quo pacto ejus investiganda natura, *ib.* & seg. Quæ a Dei Natura aliena judicanda, 247. 248. Cuius generis cognitio Deo tribuenda, 247.

Simplicii de hac re doctrina exposita, 258. in Not. Optimum Deum parentem esse, non Numen formidolosum, probatur, *ib.*

Dii, Indigenæ, locales, Gentilitii, Tutelares Nationum antiq. unde orti, 23. Cur, & cui salto bono consisti, 46. Deorum opiionem non legibus introducant, *ib.*

Diluvium, unum Universale, Noemicum nempe. 28.

Dispensatio. Luculenta hujus definitio, 106. Theologorum Scholasticorum doctrina de hac re exp. *ib.*

Distinctio sensus compositi, & divisi, quæ. 135. Divisibilitas. A divisione actuali quo pacto discrepet per motum demonstr. 52.

Divinatio, quid sit. 17. 18.

Divinitas, quo pacto his uti debemus. 255.

Doctrina. Quo pacto doctrina, & studio sensus reflexi, si topiri sint, excutitur. 173.

Dolor. Dolores, ingratasque sensationes ipsas esse conspicua Divinæ Bonitatis argumenta, demonstr. 149. 150. Quo pacto utiles sint in statu

statu præfenti ad conservationem vitæ, ostenditur, 150. Objectiones sapientissime diluuntur, ib.

Dolor. Omnem dolorem Naturæ contrarium esse, demonstr. 256

Dominium reale, quod, 265. quæ in hoc distinguenda, ib. Dominii sine usufructu natura explicata. Utile, quod, ib.

Dominium, hujus divisio, 262. Primum, quod, ib. Primum dominium quo pacto acquiratur, ib. Ciceronis doctrina de hac re, ib. in Not. Digestorum lib. 41. Tract. 2. ib.

Dominium derivatum, quod, ib. Acquiri accessione. 264

Donatio. Luculenta donationis definitio, 270. quando hæc perficiatur, ib. quibus de causis donationes non maneant, ostend. ib. D. *Thoma* de hac re doctrina exp. ib.

Duellum. Nulla juris speciei, vel inter homines liberos, vel inter Cives duellum defendi posse, prob. 288. 289

Duratio infinita, quæ, 90. Temporalis, quæ, ib. quo pacto ex hac concludi possit, Mundum haud esse æternum. ib.

E

Ebrietas. Ebriorum crimina, quæ, 278. ejus gradus, ib.

Elementis, quo pacto necessaria eorum contentio, 148. Pulcherrima D. Augustini de hac necessaria contentione verba relata, ib.

Emptio, venditio, quæ, 271. Quæ adici solent pacta, & Leges. 271. 272

Ennius. Unum voluisse Deum summum, probatur. 113

Ens infinite perpetuum, quod. 69

Ens summe malum vulgo *Manicheis* tributum, quod, 118. 119. Posita hujus Entis existentia cur Deus tollatur, 119. D. Augustini doctrina exposita, ib. in Not.

Ens, per se non subsistens, quod, 58. cur proinde non necessario existens? ib. necessario existentis natura, quæ, ib. necessarium Ens, quod. 61

Epicurei. Ex ipsis horum disputationibus contra Deum, hunc existere, & unum, & summum evinci, demonstr. 116

Epicurus. Quo pacto Democriti philosophiam auxerit. 2

Epicurus, hujus mens circa primam hominis nativitate explicata, 44. Eadem a Lucretio luculenter exornata, ibid. Postulata ab Epicureis petita, utrum ipsis concedenda. 44. 45

Error. Voluntarii erroris effectus, qui, 151. 152. esse peccata, & mala moralia hos errores, demonstr. ib. Naturales errores, qui, 152. eorundem effectus expenduntur, ib.

Essentia rerum, ex quibus coalescat. 104

Essentia externæ, & immutabiles, quæ, 334.

Hobbii impia doctrina proscissa, ib. His sublati, tolli ipsum Deum, demonstr. ib.

Eslius, hujus de creatione sententia probata. 154

Ethica, hujus elementa, 168. Unde accipiat nomen, ib. Unde in Scholis Scientiæ practica, seu prudentia definita, ib.

Ethnici, quo pacto unum Deum independentem colerent, demonstr. 116. Objectiones diluuntur, 116. 117. Agnovisse Deum ingenitum, & æternum, demonstr. 117

Evehemus, Deorum Paganorum turbam, mortuos fuisse homines integro volumine demonstravit. 118

Eventus. Eventuum natura enucleata. 142. 143 Existentia. Hanc sine modo existendi esse non posse, 58. 59. necessariæ existentia natura, quæ. 62. 63

Existens, rerum humanarum incertus, quæ bona homini pariat, 144. hanc providentiæ rationem melius naturæ hominum accommodatam esse demonstr. ib. D. Augustini de hac re sententia exposita, 144. in Not.

Extensio, eandem haud esse extensionis rationem, & motus, demonstr. 53

Extensio, extensionis finitæ natura enucleata, 104. Ab idea extensionis non posse seungi omnes corporis affectiones, probatur, ib.

F

Fames, hujus utilitas, quæ, 149. unde labor in conquiritis, & præparandis alimentis, ib.

Familie. Omnium hominum familias quam paucissimis constasse ante quatuor mille annos, 26. Civili cultu caruisse, 26. sine urbibus, legibus &c. vixisse, ib.

Felicitas, Dei attributum, quod, 130. Felicitatem, omnium humanarum actionum finem, & objectum esse, ib. In Deo summam & infinitam esse. 130. 131

Felicitas, hanc esse naturalem virtutis appendicem, demonstr. 235. 236. hujus vitæ felicitas, quæ, 236. futura, ib.

Fideiussor, hujus definitio, 274. Posse iurejurando firmius adstringi, quam ipse debitor, demonstr. ib. quæ a Fideiussore exigenda, ib.

Fidelitas, in promissis & contractibus, quæ, 727. 728 Fidem homini ab ipsa natura commendatam, demonstr. ib. hujus effectus explicati. 277. 278

Fiducia, quæ sit respectu habito ad Deum, 248. Senecæ doctrina exp. 248. 249

Finis. Quo pacto in Divina actione necessarius, 162. quo pacto arbitrius, ib.

Finis ultimus, qui, ibid. unicum tantum esse posse, ib.

Fœdera, horum natura explicata, 308. 309. horum divisio, 309. Realia, quæ, ib. Personalia, Æqualia & Inæqualia, quæ, ib. Cur olim

elim a fœdera firmanda darentur obſides,
Cur mos hujusmodi exoleverit, *ib.*
Forma. Imperii mixta, quæ, 305. harum perfectiſſima, quæ, *ib.*
Fortune. Fortunæ mala, & contraria bona, quæ, 228. 230
Fundamentum, diſtinguendi legitimum ſecundum *Thoniſtas*, quod, 05
Futura omnia, quo paſſo videat Deus, 125.
Thoniſtarum doctrina de hac re, *ibid.* aliorum Theologorum, quæ, *ib.* D. Auguſtini eſſarum de hac re omnino probandum, *ib.*

G

Genus. Hujus de fabrica corporis humani eſſarum expenditur. 40
Galli. Perperam a Cicerone Atheos diſtos, demonſtratur, 13. Luculenta Voſſii doctrina de hac re. *ibid.*
Genera. Quo paſſo ſubſiſtere nequeant, demonſtr. 137
Geometria. Ex quo conſeſcat. 171
Geſanus. Ejus de perfectione, & æquivalentia doct. expoſita, 95. De cauſa diſtinctionis, quæ. *ibid.*
Gigantes. Qui fuerint, 12. Utrum Athei, *ib.* & ſeq.
Gloria. Non poſſe dici motivum, quo Deus determinaretur ad agendum, 150. Ens ſibi ſufficiens nihil a ſe diverſum appetere, demonſtr. *ibid.* Omnibus hominibus naturalem non eſſe cupiditatem gloriæ, & dominii in ceteros, demonſtr. 215. 216. Auſtoris de l'Esprit des Loix contra *Hobbiu* doctrina probata. 216
le Gubien. Scriptoris hujus teſtimonium de Religione incolarum Inſularum Marianarum quanti faciendum. 15
Graci Antiqui. Horum Religio, quæ, 115. Cur in cultu ſolemni uterentur formula hac precandi *Kyrie eleyſon*. *ibid.*
Gravitas ſpecifica. An ſervetur in conformatione ipſa partium telluri. 31. *VVaduvardi* doctrina de hac re probata, *ib.* Hiſtoriarum Nat. Auſt. opinio rejecta, *ibid.* *Neuvtoni*, *VViſſioni* &c. probatæ ſententiæ. *ibid.*
Grotius. Hujus methodus in egregio ſuo de Jure Belli & Pacis Opere enucleata. 244

H^o

Habitus voluntarii, qui, 193. *Habitus intellectualis*, qui, *ibid.* *externi* & *corporei*, qui, *ib.* Quo paſſo ſint boni, malive *morales*. *ibid.*
du Halde. Graviffimi hujus Auſtoris teſtimonium de Sinenſium Religione expoſitum. 15
Harmonia præſtabilita. Hujus ſyſtema enucleatum, 165. Per hoc tolli Libertatem, tum

Divinam, cum humanam, demonſtr. *ibid.*
Hebræi. Horum fides perpetua ab ipſa origine Mundi, quæ, 114. *Moſis* teſtimonium de hac re, *ib.* Ex Libro antiquiſſimo *Job* confirmatum, *ibid.* *Fundamentalis Hebræorum Lex* quæ. *ibid.*
Herus. Herorum officia in ſervos, quæ. 300
Hieronimus Rhodius. Hujus de ſumma Felicitate doctrina expoſita, & improbata. 180. 181
Hobbius. Impii hujus Scriptoris indoles detecta, 69. Ejusdem de ſentibus doctrina ampliffime enucleata, 69. 70. improbata. 70. 71
Homo. Dei exiſtentia argumentum omnium maximum, 38. 40. Singula in homine miranda luculentiffime expoſita, 30. Cur non gigans, *ib.* hujus partium ſingularum corporis apta conformatio &c. *ib.* & ſeq. ex ejus colloctione quæ arguenda, 42. ex oratione, quæ in ſentationibus poſita, quæ, *ib.*
Homo. natum eſſe Societati, demonſtr. 211. 212. & ſeq. *Hobbiu* objectiones diſſolvunt, 214. 215. quo paſſo homo ex homine tollatur, 215.
Homo. Natum eſſe hominem præcipue ad actionem, prob. 257. 258. *Ciceroni* doctrina latiſſime exp. *ibid.* in Not. In vitæ genere eligendo, quæ inſpicienda, 258. *Salluſti* eſſatum de hac re, *ib.* De la *Bruyere* doctrina exp. & probata. 258. in N. r.
Homo, Hominis definitio *Hobbiu* expoſita, & improbata, 211. omnium ætatum Philoſophorum ſententiis contrariam eſſe, *ib.* Luculentiffima de Homine *Seneca* doctrina expoſita, *ib.* *Ciceroni*, 211. 212.
Honeſtas. Actionis honeſtas quo gradibus donetur, 194. In quo ſita. *ibid.*
Horatius. Luculentiffima hujus Poetæ de uno ſummo Deo teſtimonia exponuntur. 113
Horologium. Loquens quod, 66. *Carteſii* doctrina expoſita, & probata. 66. 67
Hortentoti. Horum Syſtema circa Deum. 15
Hutcheſon. Ejus de ſtatu hominis Doctrinam, *Gratii*, *Puffendorſii*, aliorumque placitis præferendam, demonſtr. 260
Hypotheca. Cuius indolis Jus. 267

I

Isacquet. De Mundi origine, &c. luculentiffima proclit doctrina. 26
Jamblicus. Ejus de *Ægyptiorum* Religione diligentiffima Hiſtoria, 114 *Cudworthi* doctiffima explicatio de *Ægyptiorum* «Ego ſum omne, quod exiſtit, eſt, & erit, *ib.*
Idea. Aliam ab idea magnitudinis, ideam cogitationis, vel figuræ, vel ſitus, vel motus, eſſe demonſtr. 54. 55
Idea. Ideas abſtractas, earumque rationes, haud eſſe ſigmenta relativa & arbitraria luculenter demonſtr. 74. 75 quo paſſo ex his col-

colligatur, quid entia rationalia intelligunt.
73 Idea factitiae quæ ib. quomodo ad veram, & realem cognitionem nos ducere valeant abstractæ. **ideæ, 75 76** Cartesii doctrina improbatæ.
Idea. Entis infiniti unde oriatur, **64** simplicissimam esse, ib. **Cartesii doctrina** exposita. ib. in not. **Gassendi, & Lockii** doctrina de idea infiniti exp. ib. Infinitam ideam nec amplificari, nec minui posse demonstr. **65** Simplex quæ, ib. & seq. Cartesii de hac re doctrina probata. **66**
Ignis. Ejus natura, **36** Quomodo terræ cunctisq; corporibus necessarius, ib. sublato igne quot, quantisque careamus, ib.
Ignorantia. rerum maximi momenti ad vitam bene instituendam, poenam esse peccati, demonstr. **151** Ignorantiam hominis nativam nulla habere incommoda, ostenditur. **ibid.**
Ignorantia. Hujus definitio, **172** Physica, quæ ib. **Moralis**, quæ, ib. invincibilis, quæ, ib. vincibilis, **ib.** Adfectata, quæ, ib. Crassa, seu supina, quæ, **ib.** Ratione objecti quo pacto dividatur, **172 173** Ignorantia Juris, quæ, ib. facti quæ, **173** Ratione principii ex quo oritur, ib. Ignorantia puræ privationis, quæ, ib. Præve dispositionis, quæ, **ib.** In ordine ad actiones, ib. Ignorantia antecedens quæ, ib. Consequens, quæ, **ibid.** Concomitans, quæ, ib. Ignorantia Essentialis, quæ, ib. Accidentalit, quæ, **ib.** Errorem esse subiectum iisdem divisionibus, ac ignorant. demonstr. **175**
Ignorantia antecedens, quæ, **100** **Invincibilis**, ib. **Consequens**, & **vincibilis**, quæ, ib. **191** **Puræ privationis**, ib.
Imaginatio. Facultas quæ. **170**
Immensitas Dei definita, **99.** Quæstiones de Immenitate gravissimæ expositæ. **99. 100**
Immutabilitas Dei. Luculentissima hujus attributi definitio, **105** Deum experiri mutationem a causa externa non posse, **ib.** Non ab interna, **ib.** Ens infinite perfectum mutationi haud obnoxium, **ib.** Non ratione existentie, **ib.** Non loci, **ib.** Non temporis, **ib.** Non cognitionis, **ib.** Non Contingentium, **105 106.** Platonis doctrina de hac re probata, **ib.**
Imperari. Hujus in condendis legibus, & in administranda potestate munera expenduntur. **304. 305**
Imperfectio. Hujus definitio. **65**
Imperium Divinum duplex esse, **134** **Physicum** seu naturale, quod, **ib.** **Morale**, quod, **ibid.** Argumenta physica ad id probandum, unde sumenda, **ibid.** **Moralia** ex quo fonte, **ibid.**
Imperium Dei Morale, quod. **220.** Hominis valde interesse, quod vivat sub morali hoc imperio ob triplicem causam, demonstr.

ib. **Hobii** objectiones dissolvuntur, **220 221 &** seq: sublato quæ exinde mala. **222**
Imperium Dei Morale, quod, **223** Hujus notæ, **ibid.**
Impossibilia moraliter, quæ, **281. 282**
Imperium, summi Imperii jura alia majora, alia minora esse, ostend. **302** Unde immutabilitatis, **ib.** Unde transiuntia, **ib.** Quibus insit summum in Civitate Imperium. **302**
Inclinatio, versus bonum, & rectum, quæ, **126** Quo pacto crecat pro naturæ dignitate, **ib.** Id ipsum & Philosophos agnovisse, **ib.** **Platonis** testimonium late expositum, **ib.** **Platonis** de hac re doctrina enucleata, **126 127** **Divi Joannis Ap. & Ev.** de hac re effatum, **127** **Divi Pauli** Sententia exposita, **ibid.**
Incomprehensibilitas. Divinæ Providentiæ incomprehensibilitatem elevare omnes Atheorum objectiones, demonstr. **144 145** Hanc absolvere Deum vel in actibus, qui dici possunt *suprema auctoritatis*, **ib.**
Indi recentiores. Horum sententia de Unitate Dei exposita. **115**
Inertia. Hujus vim haud essentialē materiæ esse evincitur, **52 53** Diversa Theistarum, & Atheistarum vis inertie acceptio, **53** Materiæ inesse hanc vim demonstr. **ibid.** **Stratonis**, **Stoicorum**, & **Hobii** proflissa sententia, **ib.**
Infinitas potentialis, quæ, **103** Quo pacto conveniat spatio, **ib.**
Infantia. Hujus natura, ac indoles enucleat. **151**
Infinitas. Ejus luculenta definitio. **64 65**
Infinitum. Infiniti definitio juxta vim grammaticalem, **66** Juxta vim philosophicam, **ib.** Quo senser Deum infinitum dicimus, **ib.**
Intellectus. Ejus indoles, & proprietates expendantur, **72 73 &** seq. Ipsas rerum naturas attingere, **ib.** Objectionibus satisficit, **73 74.**
Intellectus. Luculenta hujus definitio. **129**
Intelligentia Quid sibi velit, **71** **Protagoræ**, & **Heracliti** doctrinæ rejecta, **71** non esse memoriam-sensationem, **ib.** Latissime discrepare a sensu, **74 75**
Intemperantia. Quo præcepto prohibeatur, **250** Hujus effectus mali, qui, **ib.**
Interpretatio. Legis hujus distinctio, **195** simplex, quæ, **ib.** *nomi interpretatio* seu per æquitatem, quæ, **ibid.**
Involuntarium per vim, quod. **179**
Involuntarium per metum, quod, **ib.**
Involuntarium, quod **182 180** Hujus distinctio, **ib.** Quæstiones expendantur. **190**
Jura imperfecta, quæ, **292** Quo pacto ex iis gravissima sequerentur incommoda, demonstr. **ib.** Horum limites non semper facile definiri, **ib.** **Senecæ** sententia exp. **ib.**

Judicia, humana sæpe nulla, sæpe etiam falsa, demonstrantur, 10 Religioni adjuncta non ita esse, ib. *Ciceronis* de hac re sententia, ib. & seq.

Judicium. Futurum post hanc vitam Dei judicij quibus adstruatur, ostend. 140

Judicium. Vim judicii, & rationis nulla ex parte liberam esse, probatur. 172

Julianus. Hujus de Numinis existentia ab hominibus nemine vere negata, sententia. 12

Jura privata. Unde nascantur, 262 Jus hominum in bellis, quod, ib.

Jus infinitum. Jus infinitum Principibus ab Hobbio tributum, nullum esse, demonstr. 222 Non in ipso Deo, ib.

Jus Naturale. Luculenta hujus definitio. 244

Jus. Vocis hujus variaz significationes expenduntur, 197. *Jus Judaicum Pentateuchi*, quod, ib. *Jus Romanum*, ib. *Jura naturalia*, quæ, ib. *Adventitia*, quæ, ib. *Perfecta*, & *Imperfecta*, ib. *Jus externum*, quod, ib. Quo sensu Jus Legi opponatur, demonstr. ib. *Hobbii*, & *Spinose* doctrina improbat de hac re, 197 198 *Jus proprietatis*, quod. 198

Jus Naturale. Hujus definitio ex *Digestis*, 198 Nimis generalem esse ostenditur, ibid. Auctoris nostri definitio, ib. *Ciceronis*, ibid. *Grotii*, ib. Quo pacto dicatur *Naturale* ob duplicem Causam, 199 In quo differat ab *Jure Voluntario*, seu *Positivo*, ibid. *Laëtantii* luculentissima doctrina ex Cicerone exposita, ib. Antiquissimorum Philosoph. Sententia de *Jure natur.* expenduntur, 199 *Spinose* doctrina exposita, ib. 200. Rejesta, & improbat, ibid. *Hobbii* deliramenta circa *Juris* hujusce leges exposita, & improbat, ib. 201.

Jus. Transferendi domini, quod, 266 *Domini* pleni, quod vocant, enucleatio, ibid. Derivata *Jura* quæ, ib. *Jurium* realium derivatorum enumeratio, & indoles, 266 267

Juris hereditatis indoles, 267 *Hæredis* Jus non minus sanctum, quam *Donatarii*, demonstr. ib. *Domini* plenum quo pacto ab uno ad alterum transeat. 268

Jus Legum jubendarum, quod, 302 *Jus exigendi* Tributum, quod, ib. Quæ *Fidei* res dicantur, ib. *Jus legum exequendarum*, quod, ib. *Jus fœderum faciendorum*, quod, ibid. *Jus Imperii* eminens, quod, ib. *Jus exigendi* Tributum, quod, ib.

Jus Belli. Solemne Bellum, quod, 307 *Civile*, quod, ib. *Jus Romanorum Fœdiale*, quod, ib. *Belli* *Jura* explicata, ib. & seq.

Juris. *Juris* luculenta definitio. 218

Jurisprudencia Naturalis, definita. 244

Jurisprudencia privata, quæ. 260. 261

Jurisprudencia domestica, quæ. 295

Jurisprudencia Politica, quæ. 301

Jurisperitandum. Hujus definitio, 284 Quando hominis promissa, & testimonium jureju-

rando sint confirmanda, demonstr. ib. Hujus vis in animos hominum, 284 285 De re *levi*, aut nulla de Causa jurare, impium esse, probatur, 285 Perjuros pessime de Religione, & de Societate mereri, demonstr. ib. Esse jurandum actum ab omni pacto, aut narratione diversum, ostend. ib. Hominum officia jurejurando neutiquam immutari, ib. *promissarium quod*, 286 *assertorium*, ib. *Judiciale*, ib.

Justinus Martyr. Cur scripserit de Monarchia Dei Librum. 111. 112

Justitia. Ejus definitio, 92 Ejusdem generis in omnibus mentibus, ib.

Justitia Dei. Hujus Attributi luculentissima definitio, 139 Late sumpta, quid sibi velit, ib. Stricte sumpta, quid, ib.

Justitia. Quo pacto Deus in hac vita exerceat, 139. 140

Justitia Dei. Mundi moderatrix quo pacto absolvenda. 158

Justitia. Hujus luculenta definitio. 233

Justitia Naturalis. Hujus definitio. 244

Justum. Non esse, neque ac *injustum* in rerum naturis positum, falsum esse evincitur, 224 *Spinose* doctrina rejesta, ib.

Lactantius, hujus doctrina de malis respectu habito ad Dei voluntatem exposita. 156. 157.

Laëtantii, hujus Sinarum Auctoris præcepta falsa Religionis, quæ. 15

Legatus, idem ac *Internuncius*, 307. quæ ipsi veniant *Jure naturali*, & necessario, ibid. *Jure publico*, & voluntario, quæ, ibid. horum privilegia explicata. 307. 308

Leges Civiles, ex *Hobbii* sententia, quæ improbat, 216. *Ciceronis* de hac re doctrina *Hobbii* doctr. contraria, probata, 216. 217. *Unicuique competere Jus in omnia*, ex doctrina *Hobbii*, falsum omnino, ostenditur, 217. 218. Argumenta diluuntur. ibid.

Leges Morales, quo pacto has sibi postulet natura, demonstr. 220. 221. his sublati, quæ exinde homini mala. 221

Legislator. Singulos, quorum adhuc exstant memoria, Legislatores suis legibus præsidium quævisse in populorum Religionibus, demonstratur, 12. & seq. Baylii objectio profigata, ibid.

Legislator. Optimi Legislatoris qualitates expenduntur. 139

Leibnizius. Quo modo accipienda ejus de malis doctrina, demonstr. 157

Leibnizius, hujus de Mundo doctrina exposita. 161. 162

Leisearbor, hujus ælatio de Americanor. Religione exposita. 14. 15

Leucippus, ejusdem doctrina de atomis, figuris &c. 2

Lex, ejusdem definitio, quatenus ad hominis

Vu vi-

vitam pertinet, 194. magis proprie ad mentem D. Thomæ, 194. 195. Grotii definitio huic consona, 195. Puffendorffii, ejusdem definitio, ibid. nostri Auctoris, ibid. quæ in istis definitionibus includuntur, ib. Lex, quo pacto differat a *Consilio*, ostenditur, ib. a *Pacto*, ibid. ab *Jure*, ib. ejus divisio, ib. *Naturalis*, quæ. *Positiva*, quæ. *Mundana*, quæ, ibid.

Lex æterna Scholasticorum, quæ, ibid.

Lex Naturalis, hujus divina origo, 219. natura immutabilis, ibid. Unum esse hujus Legis Latorem Deum, demonstr. 219. 220. Respectu Dei, & respectu hominis, ib. Luculenta Ciceronis doctrina exp. 220. *Sophoclis* luculentum testimonium exp. ib. secundum essentiam considerata. 222. 223

Lex Naturalis, hujus sanctio explicata, 226. quænam sit illius ad beatam vitam efficientia, 226. 227. quo pacto Nat. Leges præmiorum, & poenarum sanctione a Deo sint confirmata, ostend. 227. 228. & seq.

Lex Commissoria, quæ.

Lex Naturalis, hujus imperfectio, & obscuritas, demonstr. 310. Deistarum sententia de hac re prociissa, ibid. non esse parem ad homines perfecte instituendos ad Religionem, probatur, 311. 312. sumtam pro ratione cuiusque hominis propriam, non habere sanctiones perfectas, demonstr. 313. Auctoris Libri, cui titulus *Les Mœurs, de Moribus*, doctrina prociissa, ibid. in *Not.* sensum Moralem *bonestis & decori* minimam vim in plerisque hominibus habere, demonstr. 314. Virtutem in nulla re prædium sufficiens habere, demonstr. ibid. objectiones diluuntur, 314. 315. & seq.

Libertas. Ex Epicuri figmento male definita & percepta.

Libertas Dei. Hanc melius conscientia intelligi, quam defini, 127. *Spinoza* doctrina de hac re, ibid. perpetuo confutata, 127. 128. 129. hanc in Deo vim sui determinatricem non esse.

Libertas; sublata libertate pejorem Mundi conditionem futuram, demonstr. 154. D. Augustini doctrina quo ad secundam partem, 155

Libertas; eadem ac *arbitrium*, p. 174. Hujus distinctio, ibid. Contrarietatis, & contradictionis, quæ, ibid. quo pacto ad humanam mentem pertineat, 174. 175. Philosophorum & Theologorum variz circa id sententiz expendantur, 175. in quo posita libertas, ib. *Letteræ*, harum usus apud Græcos; a quo primum, 23. harum inventores qui, ibid.

Locutio, *Venditio*; hujus definitio.

Locutio, ejus natura, 283. 284. *Pythagora* dictum probatum, ibid.

Lucretius, ejus doctrina cum Baylii doctrina de appetitu laudis consona profigur.

Luai solennes, horum origo apud Græcos, 26. horum antiquissimi, qui, ibid.

Lux, ejus natura, 160. quo pacto excitet sensationes luminis, & colorum, ibid.

Lycam, Lupercalium inventor.

M

Aboga. Quis Deus Caraitarum?

Macrobii. Ejus verba de gigantibus quo sensu accipienda.

Madagascari. Harum insularum Religio, quæ.

Majestas. Hujus definitio, & indoles.

le Maire. Hujus relationes de incolis Insularum Measidionalium a Religione alienis nullo modo constare demonstratur.

Mala. In mundo, quæ, 41. Unde fluant, ib. Si abessent, quot bonis carcerem demonstr.

ibidem. Philica, quæ, 147. Esse tantum mala *defectus*, ibid. Quo pacto sint poenæ peccati, ibid. Salutares esse poenæ, demonstr. ibid. D. Augustini de hac re doctrina exp. ibid. Horum indoles, 153. Mortem, servitutem, paupertatem, &c. quæ vocantur a stultis mala, talia non esse, demonstr. ibid.

Mallebranchius. Ejus de Dei in condendo Mundo ratione sententia relata, 162. & 164.

165. Nimis timide Cosmogoniam generalem tentasse, demonstr. 46. Ejus doctrina de ideis.

Malum. Mali origo, iuxta Baylium, quæ, 119.

120. Baylii doctrina perpetuo improbat. ibidem.

Malorum Moralium Natura ab illis diversa, expenditur, ibid. Atheorum de his doctrina exposita ibid. Objectiones diluuntur, 153.

154. Mala Moralia a Deo impediri posse, & probatur.

Manichæismus. Exstisse ante Manichæos demonstr. 107. In quo *Manichæi* veri differant ab antiquis Philosophis eorum sectæ faventibus, ibid. Divi Augustini *Manichæismi* expositio.

Mare. Ejus motus, 28. Horum motuum effectus qui, 28. 29. Cur motus maris orientis terras invadentis tardissimus, 29. Historiz Natur. Auctoris recentissimi doctrina de effectibus maris perpetuo improbat. ibid.

Materia. Ejus natura ex quorundam Philosophorum sententia, quæ, 2. Hujus vires naturales nullas esse demonstr. 34. Haud inesse materiæ vim motricem multimode probatum, 50. 51. Divina potestatis effectum esse probatur. 121. *Stoicorum* de materia doctrina, ib. *Plutarchi*, aliorumque Philosoph.

ibid. *Ciceronis* luculentissima argumentatio exposita, & probata, ibid. *Tertulliani*, de materia contra *Hermogenem* doctrina relata.

Materia. Qui ex Christianis antiquis hoc nomine intelligantur, 106. *Tertulliani* de hac

re testimonium expōitum. 106. 107.
Maximus Tyrus. Ejus de Deo sententia fufe
 expōita. 111
Media. Horum natura, quæ. 180
Mela. Ejus opinio de Atlantibus. 13
Membra. Corporis His posteriore dem illorum
 ufum ex Lucretij sententia, 45. falſum de-
 monſtr. ibid. & ſeq. Quibus finibus dedit
 homini membra Deus, demonſtr. 46
Mens. Infinitæ perfectionis mentis definitio
 luculentiffima, 123. Divi *Auguſtini* doctrina
 de hoc re. ib. Quo paſſo omnem ſupelle-
 ſtilem idearum acquirat ex ſenſibus ſeu di-
 rectis, ſeu reflexis, offendit. 171. 172.
Humana. Hujus natura diſcretiſſime enuclea-
 ta. 206. 207
Meſura. Harum inventor qui. 25
Metaphyſica. Veritas Metaphyſica, quæ. 18
Metaphyſica. Argumenta ex Metaphyſica pe-
 titæ obſcuriora phyſicis ad Dei exiſtentiam
 demonſtrandam, 61. Interiorem tamen Dei
 notitiam dare, ibid. Eorum vis enucleata.
 ibid.
Metus. Religionis adſpectus ſalutaris, 6. Opti-
 mi ejuſdem effectus, 6. 7. Virtutes ex ipſo
 partæ, ibid. Earum commoda ibid. Metum
 hunc non eſſe metum, ſed ſuavem, jucun-
 damque ſpem ex agnitione Numinis menti-
 bus ingenerat, ibid. Metus ex Atheiſmo
 turbulentus eſt. ibid. Hujus duplex natura
 explicata. 279. 280
Minores. Qui diſti, 298. Sine culpa cum his
 quæquam pacifici non poſſe demonſtr. ibid.
 & ſeq.
Modestia. Hujus vera indoles enucleata. 256
Monarchia. Hujus definitio, 303. Hujus diviſio
 ibid. *Absoluta*, quæ, ibid. *Terminata*, quæ
 ibid.
Moneta. Hujus inventor qui. 25
Montes. Ex eorum conformatione quæ arguen-
 da, 28. horum materia quæ, ibid. unde va-
 ria eorumdem ſtrata. ibid.
Moralis. Quæ naturæ pars hæc nomine donan-
 da, 171. Ex quibus ſcientia. 172
Morbus. Morbos haud aliud eſſe, quam prævi
 corporis habitus, demonſtr. 150. Inter mor-
 bos, quibus affligimur, quoſdam horre
 magis ſoleamus, ibid. habito reſpectu ad
 animum, morborum effectus optimos eſſe,
 demonſtr. ibid.
Mors. Hanc, in ſe ſpectatam, malum non eſ-
 ſe, demonſtr. 147. Luculenta ejus definitio,
 ibid. Homines malis, & morti obnoxios eſſe,
 magnæ eſſe Dei miſericordię argumentum,
 demonſtr. ibid. & ſeq.
Mofes, ejus verba ad Univerſale Diluvium ſpe-
 ctantia latiffime explicata. 31
Motiva, inſenſibilia, quæ, 176. An poſſint in-
 clinare mentem, 176. 377. non naturalia,
 quæ, 177. libera, ibid.
Motus, ejus natura ex Atheorum, & Spinoſæ

ſententia quæ, 22. rejiciuntur, ibid.
Mo tunc hunc line vacuo exiſtere non poſſe, 28.
 ex Newtoni ſentent. ibid.
Motus. Quid poſſit in materia procreare, 55
Motus animorum voluntarii, qui, 178. *Cicero-
 nis* doctrina de hac re, ibid.
Mundus, hujus æternitas unde a veteribus ex-
 cogitata, 23. luculentiffime conſutata. 21
Mundus, ejus fabricæ diſpoſitio, validiſſimum
 exiſtentię Dei argumentum, 34. Tota Phy-
 ſiologia comprobatur, ibid. & ſeq. Corpo-
 rum omnium Cœleſtium motu, magnitu-
 dine, et. confirmatur, 34. 35. Solis præ-
 cipue & lunæ curſibus, et. 35. In quorum
 ſententiæ perfectiſſimus, 160. *Balbi* ſtoici
 apud *Cicero*n. ſententia relata, 160. 161.
 Patrum quorundam Ecclēſiæ de hac re Do-
 ctina expōita, 161. *Intellectuali*. Hujus
 definitio, Quæ pars Divini Operis, 232.
 233. Quo paſſo ſummi Reſtoris in hoc
 quam alibi eluceat, 233. Hac amota, tolli
 Divinæ Immutabilitatis ſigna, demonſtr.
 234
Mutuum. Mutui definitio, 272. quando in u-
 ſuram degeneret, ib. An pro mutuo aliqui
 ſœnoris accipi poſſit Lege naturali, ibid.

N

N *Ationum* conſenſus firmiſſimum Exiſtentię
 Dei argumentum, 11. Democritum ipſum,
 & Epicurum teſtatos eſſe, ib. Quid ſibi ve-
 lint hæc Epicuri verba *Anticipata* Dei noti-
 tia, enucleatur, ib. ſummam habere aucto-
 ritatem, ib.
Natura. Ejus auctoritas quæ, 18 19 Hujus de-
 finitio ex Seneca, ib. quo paſſo ad Deum
 natura duce perducatur, ib.
Natura naturans, & *naturalia* Spinoſæ quomodo
 intelligendæ, 80 Naturantem liberam ſta-
 tuere, ib. Naturatam non ita, ib.
Natura Dei. Quo paſſo intelligenda, 91 Ejuſ-
 dem Attributa & proprietates, ib. Quo pa-
 ſſo cognosci poſſit. 91 92
Natura. Vel in minimis totam eſſe, 136 Lu-
 culentiſſima *Plini* de hac re doctrina ex-
 poſita. 236 137
Natura Univerſa. An Legibus fixis & ratis
 procedat, 163 An *voluntariis* particulari-
 bus, ib. Certum eſſe, cutiſum omnem natu-
 ræ per Leges generales procedere, prob. 263
 164 Idem colligi *a priori*, 164 Quibus
 legibus tota, ejuſque partes gubernentur,
 ibid. Philoſophorum variz expenduntur de
 hac re ſententiæ. 164 165
Natura genetrix a quibuſdam philoſophis ex-
 cogitata, quæ, 166 Improbata, ib.
Natura rerum Metaphyſicæ, quæ, 223 214
 Harum definitio. 224
Natura. Quid pet Naturam intelligi habeat,
 210 Quo ſenſu dicamus natura Mali, ibid.
 Vu 2 Stob-

- Stoicorum de hac opinio, ibid. Quo sensu accipienda illa D. Pauli verba, *Gentes naturaliter quæ Leges tunc fecisse, & ipsos sibi esse legem*, demonstr. 210 *Spinosa* Sententia de hac re improbat. 210. 211
- Natura rationalis*. Ex Dei Æternitate pendere omnem hujus naturæ dignitatem, demonstr. 234 235 Objectiones diluuntur. 234
- Natura hominis moralis*, quæ, 236 hominem a Natura ita comparatum, ut suam rationem Deo reddere debeat, prob. 236 237 Ita sensisse Nationes omnes. 237 238
- Natura Animorum immortalis*, ib. Animi luculentissima definitio, ib. vitam animi nullam disjungit a vita corporis, demonstr. ib. Nullam animum inter, & corpus connexionem esse demonstr. 238 239 Luculentissima *Ciceronis* doctrina exposita, ibidem. Nullo pacto concipi posse animi mortem, ib. Objectiones diluuntur, ib. & seq. Possè tamen a Deo ad nihilum redigi, probat. ab nullo alio modo, nisi Omnipotentis Dei voluntate, ib. Luculenta *Ciceronis* doctrina exp. ib.
- Naturale*. Id omne, quod naturale est, non omnibus per se notum esse luculentissime demonstratur, 206 fovenda esse necessario naturalia scientiæ semina, ib. Quo pacto, ib. *Naturalis* indoles enucleata, ibid. *Aristotelis* doctrina. 207
- Necessitas* existendi inter Dei Attributa dici debere gradum Divinæ essentia constitutum, 95 96 Hujus necessitatis luculenta definitio. 96
- Necessitas* existendi *hypothetica*, quæ, 125 *Antecedens*, quæ, ib.
- Nequitiæ*. Ex *Manichei* doctrina, quæ. 108
- Nervitonus*. Hujus de mundi mole probata sententia. 27
- Nervitonus*. Quo pacto a Bacono dissentiat circa doctrinam Causarum finalium expenditur. 88
- Nos*. Vini inventorem fuisse ex Mosis testimonio. 25
- Notio*. Numinis a metu ipso arguitur, 21 *Prava Spinosa*, & *Hobbi* doctrina de hac re exposita, & rejecta, ib. *Lucretii* doctrina exposita, & confutata. 21 22
- Notio*. Virtutum, & vitiorum notionum natura enucleata. 102
- Notiones Morales*. An earumdem reſtam habeamus cognitionem? 93 Quomodo viri Sancti D. Perfectionum notiones sibi efformant? ib. *Abrahami* testimonium. ib.
- Nummi*. Horum æſtimatio quo pacto immutatur, 275 Univerſa horum œconomia enucleata. 275. 276
- Obligatio* perfecta quæ, 10, necessaria ad ipsam Societatis existentiam, ib. *Seneca* Sententia de hac re exposita. ib.
- Obligatio* exterior, quæ, 125 Obligationis origo, quæ, ib. Obligationis Causa, quæ, 125 126 Causam obligationis non esse ſolam legislatoris voluntatem, ostenditur, 225 Objectiones diluuntur. 225. 226
- Obligatio*. Juxta Jurisconsultos, quæ, 196 Aptior ejusdem definitio, ib.
- Obligatio*. Obligationes quasi ex contractu ortæ, quæ, 276 Hi quasi contractus quomodo a pactis tacitis differunt, ib. Diversæ indolis obligationes his accensenda, quæ 276. 277
- Obligatio*. Quot Causis tollatur obligatio, demonstr. 291. 292
- Ocellus Lucanus*. Hujus de rerum origine, & increment. sententia, 26 Luculentissime confutata. 26 27
- Occupatio*. Variz hujus rationes recensentur, 263 *Puffendorf* de hac re doctrina, ibid. Improbat, 263 264 Jus occupandi quibus limitibus circumscribatur, ib.
- Officia*. Naturalia quæ, 6 7 Sine Deo nullibi esse, 7 Tolli penitus ab Atheistica impietate, ibid. Eorumdem vera fundamenta, ib. *Protagora* *Heracliti*, *Hobbi*, *Spinosa*, pravum de Officiis judicium, ib. & seq.
- Officia*. Religionis externa, quæ, 250 Naturaliter hæc comitari internos animi motus, demonstr. ib. Quo pacto hæc Officia in Deum exercenda, 250 251 Hæc non privatim tantum, sed in omnium conspectu exequenda, 251 Officia erga seipsum, quæ, 252 Hanc sui commendationem nullis animantibus magis necessariam, quam homini, ostend. ib.
- Officia* Quæ officia non tantum civibus, sed & extraneis præstanda sint, ostenditur, 295 *Ciceronis* doctrina exposita, ibid. Inimicis quoque, ib. *M. Antonii* luculentissima doctrina exp. ib.
- Ogyis*, diluvium quod. 28
- Onatus*. Hujus e Schola Pythagorea Philosophi de Deo doctrina latissime enucleata. 110. 111
- Ordo*. Nullum esse posse, sine ratis legibus, ostenditur. 134
- Oromages Persarum* Deus supremus, quo sensu accipiendus, 115. *Baylii* calumnia detecta pro Persis, ib. *Beaufobre* doctrina veritati consona de hac re probata. 155
- Orpheus*. Græcorum Poetarum antiquissimus, cur Poeta Theologus dictus, 113 Unum Deum admisisse, ibid. Versibus a *Procto* servatis idem evinci, ibid.
- Ovidius*. Hunc Poetam Unius Supremi Dei ingenit-

geniti, & æterni voluntate cuncta constituta, docuisse demonstratur, 113 De Deo Testimonium. 114

P

Pañum. Hujus definitio, 270. quomodo dividantur pañi, ibid. Pañi, seu Contractus beneficii, qui, ibid. quid de omni beneficio Contractu tenendum, ostendit. 270. 271. Pañum commodatum, quod. 271

Pañus-Tacitus, qui, 280. Secerni ab obligatione quasi ex contractu. 281

Pañi adpñi, vel accessorii, quæ. 274

Pagani, unde ortum habuerit incredibilis horum superstitio. 117. 118

Parentalis auctoritas, quæ, 298. 299. hanc longissime distare a potestate herili, demonstratur, ibid. ad Liberos bonum tantum extendi, ib. Equalem habere utrumque Parentem jure Naturæ in liberos auctoritatem, prob. ibid.

Pañiones, harum natura juxta D. Thomæ sententiam exposita, 152. earundem mali effectus, non ex ipsarum natura, sed ex naturæ nostræ depravatione oriri, ibid.

Passivum, quid sibi velit, 58. idem ac effectus, ibid.

Patientia, hujus munus, quod, 256. 257. Terentii estatum de hac re probatum, 257. Senecæ doctrina exp. ibid.

Paulus. D. A. Pauli, de Gentilium Religione testimonium luculentissimum expenditur. 117

Peccatum. Peccata contra conscientiam quo paño varios admittant gradus, 191. 192. Si conscientia dubia sit circa actionem, cujus indolis peccatum, quod ex ea &c. 192. Ciceronis doctrina de hac re, ibid.

Perceptio, unicam esse, dummodo clara sit, & distincta, judicandi Regulam. 102

Percussio, Leges percussiois, quæ, 45. ex solis ipsis nulla oriri posse corpora organica, demonstr. 45

Perfectio, hujus definitio, 65. Cartesii doctrina, ibid.

Perfectiones, in Deo quomodo intelligantur, 92. quo paño diversæ generis & speciei a perfect. Creatur. ib. Immutabiles, ac ipse Deus, & seq. toto genere distinctas esse a perfectionibus nobis cognitis. 93

Permutatio, ejus natura, 271. hujus forma simplicissima, quæ, ibid.

Pese, horum antiquissima Religio enucleata, 114. 115. Thomæ Hyde doctrina de hac re exposita. 115

Pertinacia mentis, hujus definitio. 178

Pretium. Cujusvis rei pretium quo nitatur fundamento, demonstr. 274. 275. rerum utilissimarum cur nullum sit pretium. 275

Philantropia, hujus effectus expenduntur. 193

Philantropia, seu Humanitas; ejus natura explicata. 247

Philautia, quo pañto ad bonum Societatis promovendum inclinet. 212. 213

Philosophi, horum auctoritas apud plebem, quæ, 320. Luculentissima Ciceronis de hac re sententia exp. ibid.

Philosophia. Hac duce nunquam confici potuisse perfectam præceptorum collectionem, probatur, 317. Lætanii doctrina exposita, & probata. ibid. Terentiani, ex Platone, ib.

Philosophus, quomodo versari debeat in contemplatione Dei. 49

Phlegyes, qui fuerint. 13

Phænices, Naves primum ædificasse, 25. Plura hujus rei testimonia relata, ibid.

Physica, ex quibus scientia. 172

Physici, quo pañto ex Lege gravitatis determinant motus Planetarum, & viceversa. 76

Pictura. Pictæ tabulæ excellentia in quo sita. 41

Pietas in Deum. Tribus hanc constare probatur, 247. Senecæ doctrina de hac re exp. ib.

Pignus, quæ diligentia custodiendum. 274

Pisces, horum species quot, 38. Natura, ib.

Planeta. Planetarum concentus ex Newtoni systemate, qui, 46. 47. eorum motus, ib.

Plato, ejus doctrina de multiplici inter sensum, & intelligentiam discrimine exposita. 72. 73

Platonici, horum de summo Bono sententia enucleata, 181. eadem ac sententia Peripateticorum, ibid.

Platonis sententia de uxorum communitate improbat, 297. Conjugium perpetuum, & stabile esse oportere, demonstr. ibid.

Plautus, hujus Poetæ luculentissimum de uno Deo summo testimonium expositum. 112

Plinius, ejus de Terræ caveis, specubus, & vulcanis probata opinio. 35

Platinus, luculentissima de Deo doctrina Philosophi hujus exposita. 115. 116

Pluribus, ejus de Atheorum impossibilitate luculentissima sententia exposita. 12

Pana, a quibus legitime infligenda, demonstr. 287. Ciceronis sententia exp. ib. in Not. D. Pauli Oraculum, ibid.

Pana, tota de panis doctrina enucleata. 306

Panitentia, de hac Philosophorum notionem mancam fuisse, ostend. 318

Pœta. Cur Gentilium Theologi nuncupati, 111. 112. Ipsorum de Deo testimonia quo pañto accipienda. 114

Polybeismi errores, qui. 18

Polygamia, Forminis plures Maritos prorsus Naturam negare, demonstr. 297

Polytheismum, quo pañto in origine hujus explicanda Philosophi recedant in multis a veritate. 117. 118

Pomponatius, hujus Philosophi sententia Atheorum hypotesi contraria amplissime exposita. 8

Pondera, horum inventor qui. 25

Possessor bona fidei, qui dici debeat, 266. 267

Possi-

Possibile, quod, 65. *Impossibile*, quod, ibid.
Potentia infinita, luculenta hujus definitio, 60.
Epicuri, & *Lucretii* hypothesis profligata, 60.
Potentia Dei. In *Spinosa* systemate quo pacto accipienda, 90. *Deus Spinoza*, qui, 91.
Potentia Dei, hujus attributi luculenta definitio, 127.
Potestas politica, quæ, 10. Sejunctam a Religione sancire leges poenis, & præmiis non posse demonstratur, ib. & seq. Quæ officia jubere possit, ib. *Civilis Potestatis defectus* qui, ib.
Potestas, Executivæ potestatis officia explicata 305 306 *Fœderativa Potestas*, quæ, 306 quæ ad hanc pertineant, ib.
Præcepta, Positiva, horum natura explicata, 326 Horum optimi effectus expenduntur, *Deistarum* objectiones diluuntur, ibid. 327 *Auctoris Libri*, cui Tit. *Les Mœurs, de Mœurs*, *impia* doctrina proficisci, 327 in Not. præceptis positivis homines constitui in deteriori conditione, saltum esse, demonstr. 318 *Objectiones* diluuntur, ib.
Præceptum. *Justitia* primum præceptum, quod 261 Huc adjudicium, quod, ib.
Præscientia. Ejus natura, quæ, 124 125
Præscriptio. Hujus definitio, 264 Ut justa sit quæ requiruntur, ib. 265.
Principia, prima quæ, 19 An indigeant probatione, ib. 20
Principium. Fundamentale *Atheorum* quod, 17.
Privata. In statu Naturæ privata quæ esse nequeant, 261
Privilegium. Quo pacto discrepet a Lege, demonstr. 195
Probabilis. Sententiæ probabilis definitio, 172.
Promissa imperfecta, quæ, 281
Propagatio. Maxima Sapientiæ Dei indicia propagationem continere, demonstr. 150 151 Ex ea pendere Generis humani Societatem, ib.
Propositio nota per se, quæ, 77. Non posse ab idea hujus existentiam scungere demonstr. ibidem.
Providentia Dei. Dupliciter considerari hanc nos posse. 131. Ejus definitio *priori sensu*, ibid. *Sensu posteriori*, ibid. Ejus definitio *Boethii*, ibid. *Naturalis*, quæ, 133. *Supernaturalis*, quæ, ibid. *Epicurum*, tollendo Providentiam, Deum refuluisse, demonstr. 134. *Fijus* *Attributa relativa*, vel *secundaria*, demonstr. ibid. *Dei Providentiam sanctam esse*, 138. 139. In gradu perfectissimo. 139. *Dei Providentiam* judicare nos posse ex regni ejus Legibus moralibus, ibidem.
Dei *Justitiam esse* probatur, ibid. Si *alter res se haberet*, Deum vindicare non possit maiestatem Imperii sui, demonstr. ibidem.
Divinæ Providentiæ systema esse incompre-

hensibile multumote probatum. 142. 143.
Providentiæ Divinæ *Ideam esse* complexionem omnium operationum Dei *ab extra* prob. ibid.
Prudentia privata. Hujus definitio, 247
Pueri. *Horum* naturalis indoles palam declarandi quæ norunt, explicata. 283. *Simulationi*, & *disimulationi* Naturam repugnare, ibid.
Puffendorpius. De *Justo*, & *injusto* doctrina hujus Auctoris exposita, & improbat. 224.
Hujus methodus in Opere de Jure Naturæ, & Gentium, 244.
Pulchrum. Ex quibus coalescat, 71
Puritas. Hujus indoles respectu habito ad Deum, 249. 250. *Seneca* de hac doctrina. ibidem.
*Cicero*ns, ibid.
Pythagoras. Ejus opinio de mundi origine, quæ, 24

Q

Qualitates sensibiles. Ad essentiam corporum minime pertinere, demonstr. 52
Qualitates. Actionum humanarum, quæ, 183.
 183. Actionis *physice bonæ* definitio. ibid.
physice malæ, ibid. *physice indifferentiæ*, ib.
Moraliter bonæ actionis definitio. ibid. *Moraliter malæ*, ibid. & seq.

R

Ratio. Ejus natura ex *Atheor.* opinione quæ, 22 *Rejcta*, ib.
Ratio. Hujus natura, 201 202 Hujus effectus expenduntur, 202 *Rationem Naturæ Legem esse*, demonstr. ib. Hanc nec ab ipsis *Atheis* abesse, 203
Realitas objectiva, quæ, 162 Quo pacto conveniat Spatio, 163
Redi. Hujus de insectorum generatione opinio contra *Atheos* probata, 44
Regula. Actionum Hujus distinctio 194 *Externæ*, & *proxima*, quæ, ib. *Externæ*, & *remota*, ib.
Regula. Natura Regulæ explicata, 20
Relationes incorporæ quæ, 74 Earum natura, ib.
Religio Naturalis. Eiusdem, 1 definitio, ib.
Religio, falsa quæ, 4
Religio. Ejus vis ad cives continendos, 11
 Cur Legum Latoribus perpetuo cordi fuerit, Deos esse populis indicare, 11 *Tullii* luculentissima de hac re sententia, ib.
Religio. Luculenta hujus definitio, 226 297
Religio. Traditione propagata an immutari possit? 323 *Deistarum doctrina* inepta improb. ib. *Christianam Religionem* haud esse tantum promulgationem externam Legis Naturæ demonstr. 323 324

Revelatio, considerata ut nova manifestatio
Mysterii supra rationis capum positi pos-
sibilis demonstr. 324 Hanc non esse inuti-
lem, ibid. Objectiones diluuntur, 324 325
Luculentissima Divi *Augustini* doctrina de
hac re, ib. Revelationis, quatenus est po-
sitiva Constitutio, indoles explicata. 325.
326

Res. Inter rei certitudinem, & necessitatem,
discrimen quod. 124

Revelatio. Summa hujus utilitas probat. 311
Auctoris libri, cui Tit. *Les Moines, de mori-*
bus perpetuo confutata doctrina. 315 316

Revelatio externa. Per hanc *clarior, brevior,*
& *perfectior*, institui homines ad Religio-
nem, &c. demonstr. 320 321 Et sine erro-
ris periculo, 321 Per hanc addi præceptis
authoritatem, demonstr. ibid. *Lactantii* de
hac re doctrina exp. ib. in Not. Revelationis
utilitas explicata, ib. Objectiones di-
luuntur, 321 322 *Lo-kii* doctrina improba-
ta, 322 Deistarum doctrina profcissa, 323

Promulgatio auctoritativa externa, quæ. 322

Risus. Quæ risum moveant, & cur, 171

Romani. Antiqua horum Religio expenditur,
171

S

Sabei. Horum Religio, quæ, 115 Injuria
a *Maimonide* accusati, ib.

Sæculum. Cur Sæcula præterita non sint infi-
nita, 98 Quod olim presens fuit, non posse
a nobis infinito intervallo distare,
ibid. Objectionibus satisfcit, 98. 99. Pe-
ripateticorum, & Stoicorum, duplex ex
Tullii testimonio, 106 In unum tamen,
idemque principium eandem commiscui-
se eisdem Philosophos, juxta ex ipso Ci-
cerone evinci, ib. Stoicorum peculiaris sen-
tentia de hac re enucleata, ib. Philosophi
eamdem opinionem probantes diligentissi-
me enunciat. 106. 107

Sagard. Hujus opinio de Americanorum Bar-
barorum Religione expenditur. 14. 15

Salustius. Hujus juris definitio. 197

Sanctitas. Dei Hujus Attributi natura enu-
cleata, 138 Non distingui a Dei volunta-
te, ib.

Sanctitas. *Sanctitatis* definitio, 138 139 Quo sen-
su sancti homines. 139

Sapientia. Luculenta hujus definitio. 76

Sapientia Divina. Veram esse Legem demon-
str. 224 *Ciceronis* doctrina. 224 225

Sapientia. In quibus sita. 162

Sapientia Dei. Quo pacto alia sit a Dei Scien-
tia, demonstratur, 137 Sapientia Dei defi-
nitio, ib. Sapientiam Dei perfectionem esse
quodammodo omnium maximam, demonstr.
ib. & seq. Quomodo efficiatur a posteriori,
178 Ex hoc Attributo quæ in Deo eman-

tur, ostenditur, ib. *Sobi* Testimonium re-
larum, ib.

Scipius. Horum doctrina de Naturæ Legibus
exposita, & rejecta. 205

Scientia. Unam, & imputabiliter eandem esse
in omnibus mentibus, demonstr. 92 93

Scientia Dei. Quot modis evinci possit, 122
123 Quouque sese extendat, 123 Deum

perfectissime se nosse, ib. Omnes rerum es-
sentias, rationes &c. omnem veritatem,
ib. Omnia entia possibilia, ib. Omnes co-
gitationes, ib.

Scientia. Visionis, quæ, 124 Simplicis intel-
ligentiz ex DD. *Thoma*, & *Augustino*, quæ
ibid.

Scientia humana. Magnam hujus partem niti
relatione sensuum, demonstr. 151

Scire. Quod sit. 71

Seldenus. Qua usus sit methodo in suo Opere
cujus Tit. *De jur. gentium juxta placita He-*
braeorum. 288

Seneca. Ejus de Mundo sententia latissime
exposita, 3 Ipsum non fuisse Deum,
sed male intellexisse, demonstratur. ib.

Senectus. Ejus effectus, qui. 151

Sensatio. Quo pacto periciatur, 42 43 Tre-
mulæ nervorum vibrationem quam sermonis
speciem in homine signant, 83 Quo pacto
sentationum arbitrarius usus a Natura in-
stitutus, ib. &

Sensationes. Prava Epicureor. Sententia de sen-
tationibus exposita, & rejecta. 54

Sensus Naturales. Argumentorum ex Sensibus
naturalibus quæ vis, 18 & seq. Universales
esse. 19

Sensus. Ejus naturæ ex *Spinozæ* sententia quæ,
22 improbat. ib.

Sensus. Hujus usus in animantibus. 38

Sensus. Hujus luculentissima definitio, 72 73
Obscuram esse perceptionem &c. 73 Non
esse perceptionem rei extra mentem posi-
tæ, ibid.

Sensus. Horum divisio, 170 Externi sensus,
qui, ib. Interni, quique *Directi* sensus, &
primarii qui dicendi, ib. *Reflexi*, & *subse-*
quentes qui dici possint, ib. Sensus a Lati-
nis communis dicti definitio, ib. infinitos
hujus gradus esse, demonstr. ibid. & seq.
Sensus Laudis, qui, 171 *Sensus Vituperii*,
qui, ibid.

Sensus Justi, & *iniqui*, qui, 201 *Ciceronis* sen-
tentia de hac re, ib. Analogum *Innitivæ*
Veritatis, demonstr. ib.

Sensus naturalis. Omnem sensum naturalem,
veracem esse, validissime probat. 236 Una-
nimes omnium Philosoph. sententia expo-
sitæ, ib. & seq. Luculentissima *Tullii* do-
ctrina exposita, 237 Objectiones diluuntur,
237. 238.

Servus. Patrem familias agere debere cum
servis vice perpetuis, sive temporariis tan-
quam

quam cum mercenariis, demonstr. 300. Ubi de ceteris tantum operis pactum fuit ad quod obligetur Servus, ibid. Servituti perpetue origines expendantur, 300. 301. Hos servos omnia hominum iura haud amittere, probatur, ib.

Sextus Empiricus. Ejus de rerum cognitione doctrina expos. 71. probata, ib.

Sextus Empiricus. Hujus de Jure Naturæ doctrina exposita, & proficiat. 205

Siamia. Horum de uno Deo Religio. 115

Signa. Horum duplex usus expenditur, 284. Eorum vis ad animum indicandum, ibid. quomodo in pactis firmandis valere possint, ibid.

Sinensis. Quo sensu intelligendum, Atheos existere inter hos populos, 15. Auctorum a Baylio laudatorum opiniones de Sinensium Religione expositæ, ib.

Sinenses. Quid sentiant de uno summo Deo. 115

Societas. Civilis. Utilis & necessaria ex ipsorum Atheorum Sententia 6. Ejus vinculum necessarium numinis agnitione, ib.

Societas. Hujus definitio, 212. Eiusdem effectus enucleati, ib. Societatis bona unde, 212. 213. & seq. *Societas*. Hujus definitio, 271. In Societate negotiatoria quæ omnino servanda, 272. 273. *Grotii* doctrina exposita, ib.

Societas. Societatis hominum gradus varii explicantur. 294. 295

Socrates. Primum Philosophiam e caelo evocasse. 25

Soliditas. Hanc sine partium coactione non esse. 59

Sol. Effluviis emissionem consumi, 27. Corruptionibus obnoxium, ibid.

Sophocles. Hujus Poetæ plana Unitati Dei assertio ponitur. 113

Spinoza. Ejus primæ partis Ethicæ Examen, 78. 79. & seq. Atheum esse, ib. quo pacto formis loquendi a communibus abhorrentibus Sapientissimorum torserit ingenia, 78. 79. Materiam quam veteres dixere *primam*, cur Deum dicat. ib. In quo *Epicureus*, in quo *Stratoniceus* sequutus, ibid. Juxta ipsum Deum agere necessario, ib.

Spinoza. Hujus Athei systema quibus nitatur fundamentis, 81. In unis vocibus firmatum, ib. *Causa sui* incepte a *Spinoza* accepta, Ejus *infinitis* mala definitio, ib. *Finitæ* rei perceptio ejusdem erronea, ib. *Substantiæ* ejus definitio falsa & absurda, 81. 82. *Attributi Spinozæ* obscura, & falsa notio, ibid. Modi ejusdem definitio falsa, ib. Dei definitionem *Spinoza* respondere ejusdem definitioni *Finitæ* demonstr. ib. *Libertatis* definitio *Spinozæ* atomis *Epicuri* convenit, ib. *Eternitatis* *Spinozæ* definitionem existentiam necessitatem convenire, non eternitati. ibid.

83. *Axiomata Spinozæ*, ih. *Spinozæ* *propositiones*, ibidem. 84. & seq. perpetuo consultata, & rejecta, ib. *Confutatio* Systematis totius *Spinozæ*. 86. 87. & seq.

Spinoza. Confutatio hujus Athei systematis de Jure Naturali, 209. & seq.

Sparta. Illorum lex de furtis luculentissime explicata, 208. 209. *Lycurgi* mens de hac re evolvitur, ib.

Spatium infinitum. De hoc veterum, & recentiorum Philosophorum sententiæ expositæ, 100. Horum improbatæ doctrina, ibid. Distinctio celebris *ubi circumscriptivi*, quod corporibus, & *ubi definitivi*, quod Spiritibus, unde nata, ib. Controversias de hac re definire neminem mortalium posse demonstr. ib. 101.

Species. Species ab intellectu representatas sequi voluntatis motus, demonstr. 252. 253

Sper. Quo pacto tolleretur ex vita humana, demonstr. 151

Status. Civilis hujus præcipuum fundamentum quod, 9. & seq. Quo Legum futura esset Auctoritas penes Atheos, ib.

Status. Status hominis luculenta definitio, 260. *Naturalis*, qui, ibid. *Adventitius*, qui, ib. *Libertatis naturalis* qui, ib. *Domesticus*, ib. *Politicus*, ib.

Status. Status naturæ quid sibi velit, 260. *Marci Antonii* de hoc doctrina exp. ibid. In Not. Homines ante constitutas Civitates in ea vitam degisse, demonstr. ib.

Stevinus. Ejus de novis Continentibus doctrina. 33

Stoici. Ipsorum de Universitate rerum naturæ doctrina exponitur, 23. Eorundem variorum Sententiæ circa mundi æternitatem, & corruptionem & de ipsius mundi ortu, & interitu, expendantur. 3

Stoici. Cur Causas finales negarint, 78. 79. Solos, inter Atheos, admittisse vim quoddam, vel Sapientiam Universi moderatricem, ib.

Stoici. Totam horum moralem Philosophiam duabus hisce sententiis comprehensam *Nescite te ipsum, sequere naturam*, demonstr. 169. Primæ sent. explanatio, respectu corporis, ib. respectu animi. 169. 170

Stoici. Horum opinio de summo Bono exposita, 181. *Ciceronis* Apologia pro Stoica hac sententia expenditur, ib.

Strabo. Ejus de Ethiopibus judicium, 13. De Callaicis, sive Lusitanis ib. De Celtiberis ad septentrionem, ib.

Stratonice. Horum sententia de materiæ perceptione exposita, & rejecta, 56. 57. Quo pacto incidant in Epicureorum Labyrinthos, ib.

Subjuncta, perfectionum quæ, 63. *Clarkii* doctrina exposita de hac re, ib.

Substantia, unica *Spinozæ*, non esse Ens necess.

cessarium demonst. 87. 88. Ex posit. falsis, & temere assantis constare, 88. *Ese* se puram abstractionem, ib. & seq. ib. non esse Ens infinite perfectum, 89. Non si per intellectum, nec si per imaginationem concipiatur, ib. Ideam abstractionem haud esse posse unicam substantiam, ib. Hujus modi finiti demonst. ib. Argumenta ad demonstrandam perfectionem suam subst. unicæ ad Spinosa exposita falsa & erronea singula demonst. 90.

Substantia, non expensa, quæ, 103. hujus qualitates enucleatæ, 103. 104. Ridendas esse potius, quem serio consultandas, demonst. 104. *Plurimi*, & *Porphyrii*, sententia enucleatæ. ib.

Substantia. Quibus constat mundus firmissimum existentia Dei argumentum, 58. Duas esse, ib. Per se neutrum existere. ib.

Successio ab intestato, quæ, 268. 269. Recte ad hanc vocati, qui, 269. Vitæ Civilis ratio de hac re, quæ. ib.

Synderesis. Hujus definitio. 172

T

Tertullianus. Hujus doctrina de hominis libertate latissime exposita, 155. & *D. Augustini*. ib.

Traditio. Hujus vis, & auctoritas respectu habito ad primos Parentes, 17. *Tullii* de hac sententia. ib.

Theisse. Quo pacto ad agnitionem Dei inducantur, 22. Horum modus universitatis rerum explicandæ æquus. ib.

Theletes. Hujus de mundi origine opinio. 24

Theodoretus. Luculentissima hujus de Passionibus doctrina latissime exposita, & probata. 152. 153

Theophilus Antiochenus. Hujus de Deo uno doctrina. 110

Theodoretus. Ejus amplissima atque uberrima doctrina juxta Platoniorum mentem de Dei Providentia late explicata, 161. & in not.

Theologia. Poetarum latissime enucleata, 113

Ex sensu Naturali orta. ib. 114

Testamentum. Luculenta Hujus definitio, 268. Metaphysicorum de his doctrina rejecta, ib.

Irrita testamentum, quæ. ib.

Temperantia. Præ cunctis post Justitiam Civitatis necessaria ostenditur. 305

Temperantia. In quibus præcipue adhibenda. 257

Timor. Quid sibi velit respectu habito ad Deum. 248

Theisani. Horum natura quo ad dominium explicata. 264

Theologia Naturalis, 1. &c. Quid sit, ib.

Theismus. Ejus effectus qui. 5

Thees. Qui fuerint? 13. An Athei?

Terra. Eius organizatio in quo sita 27. Quo

Tom. I.

pacto duret violenta ejusdem æquilibrii interruptio, ib. Conformatio. 28

Terra. Universa terræ facies &c. existentia argumentum, 35. Cur sphaerica a Deo condita, non plana, ib. Terræ inæqualitates perperam ab Epicurcis criminari demonstrat. ib. Necessarias esse. ibid.

Tolandus. Hujus de motu sententia, 52. Rejecta, ib. vim centripetam corporibus non negasse, ib.

Taiki. Quid sibi velit penes Sinarum populos habito respectu ad Religionem. 15

Thales. Jovicæ Sectæ Caput, 25. Unde Astronomiam didicerit, ib.

V

Vades, qui disti. 274

Valerius Soranus. Vetustissimi hujus Poetæ vericuli a Varone servati, unum voluisse Deum, late testantur. 112. 113

Varenius. Ejus de Terræ Glob. dispositione, & ordine relata doctrina. 30. 33

Varro. Gravissima hujus de Mundi, & humani generis origine sententia exposita. 24. 25

Velleius, ejus sententia circa Numinis agnitionem exposita. 6

Veracitas actionum, quæ, 245. varia de his systemata explicata, ibid.

Veritas, hujus definitio luculentissima, 67. modum esse mentis infinitæ æternæ, &c. demonstrat. ibid. Unde ex una Geometria probari queat, ibid. Veram fuisse, antequam conciperetur animo demonstrat. ibid. Absurdum esse veritatem æternam &c. perire, ib. *Platonis*, *Aristotelis*, *Ciceronis* & *S. Augustini* doctrina de hac re exposita & probata. 68. 69

Veritates, æternæ, harum definitio. 103

Violatio, quorum Jurium violationis injuriæ dicantur. 261

Vires naturales, quæ sint, 53. harum effectus quo pacto considerandi, ibid.

Vires vivæ, unde excogitatæ. 165

Virgilius, & hunc unum docuisse Deum summum, evincitur. 113

Viso, discrimen inter orationem & visionem, quod. 43. 44

Virtus, commoda, quæ homini ex virtute oriuntur, quæ. 6

Virtus. Juxta Stoicorum sententiam, quæ, 188.

Juxta alios Philosophos, quæ. ibid.

Virtus, hujus natura ex *Platonis* doctrina, 204.

Ciceronis, ibid. *Senecæ* luculentissima de virtute doctrina exposita. ibid.

Virtus, quo pacto nostra promoveat commoda, 228. quatenus in vita privata moderanda occupatur, quid sit. 228

Vita. Per vitam Dei quid intelligendum, 122. in homine vitæ principium, quod, ibid. quo pacto ex creaturarum vitis aliquam informare possimus notiam vitæ Dei. ibid.

X x

Vita.

Vita. Hanc non circumscribi mortalis conditionis limitibus demonst. 232. hac sublata, quo pacto Divina administratio aliena esset ab æquitate, & iustitia. 233. 234
Vita, vitæ conservationem necessariam esse prob. 258
Vitia, vitiorum incommoda, quæ. 6
Vitia, horum natura, & effectus enucleati. 231. 232
Vitium, naturaliter angores, &c. generare, ostend. 227. *Seneca* doctrina exposita. ibid.
Unanimitas, hujus vis in rerum probatione quanti æstimanda. 16
Unitas Dei, quid sibi velit. 106
Unitas Dei. Dei Unitatem ratione confici, demonst. 109. *Tertulliani* doctrina exposita, ibid. ex necessaria ejusdem existentia, probari ipsius unitatem. ibid. ex ejusdem immensitate, 110. ex ejus Omnipotentia, ibid.
Universitas rerum, quæ in hac distinguenda, 34.
 Tria præcipue, & quæ, ibid. varia Philosophorum systemata hujus doctrinæ enucleata. 34. 35
Volitiones, liberæ, quæ, 130. Philosophorum de his doctrina, ibid. Theologorum, ibid.
Voluntas, hujus natura enucleata. 76
Voluntas; quid per verbum Voluntas intelligendum respectu habito ad Deum, 126. quid Philosophi, quid Theologi per hanc intelligant, ibid.
Voluntas, sumta pro appetitu quid sibi velit, 173. ejus propensionum enucleatio, ibid.

Voluntas, voluntatis proprie dictæ operationes, quæ. 189
Voluntarium, in quo differat a spontaneo, 189.
Voluntarium necessarium, quod, ibid. *Libertum*, ibid. *Imperans*, ibid. *Imperatum*, ibid.
Purum, seu voluntarium simpliciter, ibid.
Voluntas. Ad optimam voluntatis temperationem, quæ tenenda præcepta, 254. 255. *Ciceronis* doctrina, ibid. *Seneca*, ibid.
Voluptates animi, quæ, 230. Corporis, quæ, ibid. Potiores animi esse, multimode prolatum, ibid. Objectiones diluuntur. 230. 231.
Voluptas, indignam esse hominis præstantia, demonst. 256. huius appetitum sobrietatem, & castitatem moderari, ibid.
Votum. Hujus definitio, 286. Votorum unicuique usus, qui, ib. Votum non obligare ad ea faciendæ quæ non pie, & humaniter contra votum præstari poterant, ostend. ibid. Non valere & odio, invidia, aut ira &c. vota demonst. ib.
Ususfructus. Sine proprietate, qui. 265
Utilitas, ab honestate sejuncta perpetuo proficissa a sapientibus, 230. Vel ipsius *Epicuri* de hac re probata sententia, ib.
Vvistor. Ipsius telluris Theoria probata. 32
Vvodorward. Ejus doctrina de conchis, quæ in altissimis montibus &c. 30
Xenophon. Hujus luculentissima argumentatio, qua evincitur, Deum omnium habere curam, exposita, 136. *Platonis* huic doctrinæ consona doctrina demonstr. ib.



F I N I S.



